

DIVERSI  
TRACTATUS

DE POTESTATE ECCLESIASTICA  
coercendi Dæmones circa Energumenos

& maleficiatos,

De Potentia ac viribus Dæmonum.

DE MODO PROCEDENDI ADVERSUS CRIMINA

excepta; præcipue contra Sagas & maleficos,  
Atque de medijs ad hos & illos iuuandos idoneis.

EX DIVERSIS, & ISQVE CELEBERRI-  
mis huius auct scriptoribus, tum Theologis, tum J<sup>C</sup> de sum-  
pti, in quibus varia, iucunda, scituq; digna in usum  
utriusque fori doctè & accuratè  
disputantur.



COLONIÆ AGRIPPINÆ,  
Sumptibus Constantini Munich Bibliopolæ.

ANNO M.DC.XXIX.  
Permissu Superiorum.



24244.194



✱

*Subscription fund*

**T**RACTATVS hosce materiae affinitate coniunctissimos, primoque exemplari in Catholicis Vniuersitatibus approbato prorsus conformes, prout relatu eorum cognoui, qui eodem accuratè perlegerunt, magno bono publico in lucem edi posse censeo. Coloniae Agrippinae die 20. Martij 1629.

Henr. Francken Sierstorpffius SS.  
Theol. Doct. Regens Gymn. Laurentiani, librorum Censor.



NOBILIBVS,  
AEQVISSIMIS AC CLARIS-  
simis Iudicibus, Scabinis & Aduocatis Pa-  
triae ac Dioecesis Colo-  
niensis.

**M**fra semper in exitium orbis Christiani  
monstra maligni Hostis inuidia in a-  
ciem produxit. Funesta in primis, ac  
crudelia, sibi que inuicem cognata sunt  
Heresis & infanda Magia. Grauem ab hisce hacten-  
us pressuram Ecclesia, grauem Politia cladem sensit,  
sed neutra interitum. Vtraque tot hostibus & hostilibus  
machinis etiamnum superstes durat, Deoque adiuto-  
re durabit perpetuo, nec porta inferi praeualebunt  
aduersus Ecclesiam, Deo edificante solidatam. Sed nec  
Politiam inimica vis aut rabies euertet, si Fidei &  
Pietatis auita cultum strenue tueri pergat gladio,  
quem velut Dei ministra gerit, vindex ad iram. Vnde  
qui potestati resistit, diuina ordinationi resistit. Vi-  
dimus sane prius illud monstrum, Heresin dico, tu-

midè nimis & impunè hætenus in orbem Christianũ  
 dolenda strage grassari: sed mouit tandem lacertos  
 Ecclesia succumbere nescia, & gladio Verbi diuini  
 ac supernæ virtutis armata, imò terribilis vt castro-  
 rum acies ordinata hostes aggressæ est, fortiterq; de-  
 bellauit, adeo quidem, vt ijs iam passim profligatis,  
 de pace mox rediuiua nobis propè gratulari audea-  
 mus, illudq; propediem aspirantibus superis spe-  
 rare tempus, quo sine timore de manu inimicorum  
 nostrorum liberati, seruiamus illi in sanctitate &  
 iustitia coram ipso omnibus diebus nostris. Sed nec  
 muneri suo Politici Magistratus cura defuit, quin  
 strenuè spem nostram, Christianorum Principũ, Re-  
 gum, & in primis Gloriosissimi Imperatoris nostri  
**FERDINANDI** victrix dextra prouexit: & in  
 eum nos omnes, fauente numine statum deduxit,  
 quem ante annos aliquot frustra vel voto quidem  
 concipere videbamus.

Verum vt est vita hominis semper obnoxia peri-  
 culis, & velut militia perpetua super terram, etiam-  
 num hostis instat à tergo, dies noctesq; in perniciem  
 nostram peruigil excubat, mille callet nocendi artes,  
 & quã perditioni nostræ commodiorẽ inuenit, frau-  
 dulentus intentat. Deum ille quidem præcipuè, ve-  
 lut ultorẽ superbia sua implacabili odio prosequitur  
 sed



# DEDICATORIA.

*sed quia Deo nocere nequit, in hominem velut Dei imaginem & creaturam, quin & felicitati, unde ipse miser excidit heredem, totam inuidiæ ac furoris sui rabiem conuertit.*

*Ergo domito iam propè, ac represso priori illo Hæreseos monstro, alterũ tanto vehementius ad nocendũ impellit ac urget, ut vel sic hominem, quẽ Deus singulari clementia ad reparandas Angelorum ruinas destinauit, à tanta gloria & felicitate, Deoq; ipso velut summo bono & ultimo fine prorsus auertat. In hoc omnes intendit vires, omnia tentat. Hinc corpora ac membra humana varijs sæpe molestijs, malis, incõmodisq; diuexat; fortunas hominũ ac bona deuastat, ut diuina bonitatis ac prouidentia fidem fiduciaq; exhauriat; patientiam, statuq; animi labefactet; & quod mirari licet, mala infert ut auferat. vulnus infligit, & mox ipsum sese medicũ sistit, (qui nõnisi mactare & perdere nõuit, nec quenquam iuuat, nisi ut perimat) ut homines à Deo reddat alienos & in obsequium sui malitiosè pelliceat.*

*Hinc & sæpè ipsa hominum corpora Deo permittente intrat, ac occupat, & crudeliter nimis exagitat, sed non nisi animam querit, & difficulter admodum statione sua cedit, nisi vi potestatis, quã Ecclesia suæ Christus tradidit, & eiusdem nomine ac virtute coactus.*

EPISTOLA

Porro frequentius idem malignus sathan pernicioso errore ac voluptatis visco mentes hominum fascinat, sicque in castra sua trahit incautos, quibus dein ad omnem nequitiam & libidinem obsequitur; & his vicissim ille velut instrumentis, ad malitia sua iacienda semina licentius utitur, ac per acerbam sæpè strage res hominum per hoc abominabile commercium ac infelix ministerium fœdè deuastat.

Quid hic facti opus? quid Ecclesia, quid Politia faciet, ut tantis hisce malis opportunè remediū adferant? utraque sane grauitè impetitur artibus tam nefarijs, utraque quoque curam suggerat necesse est. Quid ergo? Mutuis omnia stent auxilijs. Doctrinam ductumq; Ecclesiæ in primis sequatur Politicus Magistratus; quid viri in Ecclesia & Republica celebres, doctiq; sentiant in hoc processu, attendant, Pietati, Aequitati omnia respondeant, aberret nihil. Ecclesia & Respub. vigorem postliminio resumet sit modo penes Iudices Zelus Justitiæ, diuiniq; honoris: & maleficos non patiantur viuere. Tollant de medio, qui Dei, Cœlitū, Hominiū se inimicos & osores profitentur. Sed hic abrumpo filum, ne tanta rei indignitas animum meum plus æquo commoueat. Officiū geritis arduum, Iudices, & periculosa plenum alea, pulchrum tamen, etsi difficile.

# DEDICATORIA

ficile, Praesidem esse Iustitia, & vindicem diuini honoris. Ad hac non desunt vobis Prudentia ac doctrina, quin & Experientia praesidia, scio: volui tamen & ego non nihil bono communi, & Iustitia conferre subsidij, ideoq; ex Doctissimis & celeberrimis huius Aevi scriptoribus Tractatus hosce selegi; in unum volumen redactos edidi; quos legere iucundum erit; erit & utile in utroque foro versantibus, qui in hoc seu Iustitia seu charitatis officio, cum fructu gustuque occupari volent. Vos potissimum hac mea spectat industria: vos quoq; ut meum commodi vestri studium boni consulatis, velim. Colon. 25. Martij. Anno 1629.

Constantinus Munich  
Bibliopola Colon.

CAN





## CANDIDO LECTORI.

**A** Drationem & mentem instituti mei plenissime intelligendam visus mihi es necessario tribus verbis monendus, de Auctoribus horum Tractatum, & scopo eorundem. Primus Parentem agnoscat ter maximum illud Hispania sydus & Dominicana familie decus, Patrem Raphaelem de la Torre, Virum, quem serò Germania vidit, necdum satis nouit. Ex eius tomis, quos de virtute Religionis Ad secundam secunda S. Thoma copiosissimos & doctissimos Hispania altrici suae dederat, Tractatum hunc de potestate Ecclesiae coercendi Demones circa obsessos & maleficiatos, vnà cum Praxi exorcistica selegimus, commodo tuo, desiderio multorum. Magnum munus, ardua prouineia, Principes & potestates tenebrarum harum, Demones dico, laceessere, fatigare, sedibus suis pellere: sed quam multi parum feliciter, aut errore, aut superstitione, à vero & recto abducti gesserunt: nec infeliciter tantum, sed Ecclesiae, & Energumenorum damno, haereticorum aduersariorum nostrorum non contemnendo scandalo. Huic malo, errori, inscitiae, superstitioni manum medicam pollicetur, atque aded exhibet hic auctor, vt errare, ignorare aut impingere deinceps, nisi qui velit, non possit: Quod lubentes in hac Vrbe viri Ecclesiastici, magni experti ingenue profitentur, à quibus alij & alij quidem de hac re editi libri lecti, plures sine fructu, non pauci cum tadio, quidam cum periculo etiam. Solus hic errare vetuit, superstitionem eliminauit, viam tutam, in qua cespitare non liceat, monstrauit & aperuit. Hic Predromus sit Operum omnium auctoris, quem si gratum deprehendero, nobilissimos eius de virtute Religionis commentarios in Hispania editos vtilitati publica consecrabo. Tres reliqui Tractatus de abominando Sagarum scelere agunt, media & vias tum Pastoribus & animarum Curatis iuuandi hoc genus hominum, tum Magistratui Politico ordinem, quo hanc pestilentissimam hominum fecem excindere possit suppeditant. Auctores noti libris editis, quos commendare: exilitas mea nequit, illorum magnitudo non sustinet. Meum studium fuit studere bono communi, & qua licuit via ignorantiam ad Cimmericas tenebras relegare, Sagarum Patronis laruam adimere, iniuriam in bonos & pios vnus veri Dei cultores, qua ab his manat, pandere.

TRA-



R. P. F. RAPHAELIS  
DE LA TORRE ORD.

Prædicat. SS. Theol. Doct.

TRACTATUS

DE POTESTATE ECCLESIAE COERCENDI DÆ-  
mones circa obsessos & maleficiatos, vnà cum Praxi Exorcistica;  
vbi varix ytiles & iucundæ circa hanc materiam quæstiones  
doctissimè resolvuntur.

PROOEMIUM.

*Tractatum hunc diuidemus in duo membra.  
Primum Versabitur in explicando multa scitu di-  
gna de potestate Ecclesie Christi ad Demones coer-  
cendos. Secundum Tradet praxin Adiurandi vicitè  
Demones, quibusdam premisis Disputationibus.*

DISPUTATIO I.

*An in Ecclesia Christi sit aliqua potestas, aut  
fuerit coercendi vel imperandi dæ-  
monibus?*



**ASSERTIO I.** In lege  
noua fuit apud homi-  
nes potestas coercendi  
dæmones, eosq; impe-  
rando, ac præcipiendo,  
adiurandi, idque certum est secun-

dum fidem. Probatur primò ex Luc.  
10. vbi dicentibus Apostolis suo ma-  
gistro: Domine etiam demonia subiiciuntur **Luca 10.**  
nobis: nimirum propter potestatem à  
Christo collatam Matthæi 10. sub-  
didit Christus quasi renouans, &  
confirmans potestatem concessam: **Matt. 10.**  
Ecce dedi vobis potestatem calcandi super  
serpentes, & scorpiones, & super omnem vir-  
tutem inimici, & nihil vobis nocetis. Per



serpentes, & scorpiones demones intelligit: ita communiter sacri expostores, & Athanasius homil. in Psal. 28. & in eundem sensum adducit illud ex Psal. 90. *Super aspidem & basiliscum ambulabis, & consulebis leonem, & draconem.* Per virtutem autem inimici exercitum demoniorum, & eorum satellites intelligunt, vel ut ait Euthymius multiplices demonis tentationes, Caietan. & alij. & feras venenosas, quatenus ijs medijs demonia nobis nocent. Quidquid autem sit de his expositionibus in hoc omnes conveniunt, ut in eo loco data sit Apostolis potestas ad cohibendos demones, ne nobis noceant: & idem colligitur ex c. ult. Marc. In nomine meo demonia eijcient, &c. Hoc idem secundo abundantius prob. ex multis miraculis, quæ patriarchæ Apostoli circa ejectionem demonum. Act. 9. legimus à S. Paulo eiectionem esse spiritum Pythonem ex puella, & Act. 15. attractu sudarij Apostoli expulsa sunt demonia: & Luc. 10. omnes discipuli gaudio perfusi dicebant: Domine etiam in nomine tuo nobis subiiciuntur demonia.

2 Sed dubitabit quispiam: nam in locis citatis videtur solis Apostolis hanc potestatem fuisse concessam, non verò alijs, qui post eorum tempora usque ad nostra successerunt. Quam objectionem ut dissoluam sit.

Affer. 2. II. Assertio. A temporibus Apostolorum usque ad nostra, & futura huiusmodi potestas in Ecclesia permanet, & permanebit. Assertio est D. Aug. lib. 22. de civitate Dei, cap. 8. &

serm. 7. de Sanctis. Secundo prob. ex locis citatis pro præcedenti assertionem, in quibus collocata est hæc potestas Apostolis: ergo non cum illis interitura: nam ut videre licet in materia de clauibus, potestas collata Apostolis ad gubernationem, & consuetudinem Ecclesie spectans, alijs etiam post eorum tempora futuris concessa, & deriuanda fuisse credendum est: aliàs neque claves in Ecclesia modò esse, neque potestatem remittendi peccata impie assereres, quia soli Petro aut Apostolis expresse collatae sunt. Videndus est D. Aug. Psal. 108. & lib. 1. de doctrina Christi c. 18. & tractat. 30. in Ioan. 3. nam Marc. ult. dicitur: Signa eos qui crediderint, hac sequuntur, in nomine meo demonia eijcient: ergo non solum Apostolis, sed etiam alijs quotquot crediderint præfata potestas collata est. Tertiò probatur ex Patribus: Tertul. ad Scapulam c. 2. Non tantum respuimus (inquit) verum etiam reuincimus, & quotidie traducimus, & de hominibus expellimus demones, sicut plurimis notum est. Et Cyprian. ad Demetriadem sic ait: O si audire velles, quando à nobis adiurantur, & torquentur spiritualibus flagris, & verborum tormentis, de corporibus eijciuntur, quando eiulantes & gementes voce humana, & potestate diuina flagella, & verbera sentientes, & venturum iudicem confitentur: veni & cognosce vera esse quæ dicimus. Lactant. libr. 4. cap. 27. ita habet: Sicut Christus cum inter homines ageret vniuersos demones sibi subiugabat, ita nunc sectatores eius in nomine magistri sui, & signo passionis eius, eos ab hominibus excludunt. Videndus.



denus etiam cap. 16. Minutius in Octa-  
uio; & Beda, cap. 8. Luca, D. August. libr.  
10. de ciuitate Dei, cap. 22. & alij in-  
numeri, & Prudentius de hac re  
cecinit in Apotheosi contra Iu-  
dæos:

*Torquetur Apollo*

*Nomine percussus Christi, nec fulmina ver-  
bi*

*Ferre potest.*

*Intonat antistes Domini: Fuge callide ser-  
pens*

*Exue te membris, & spiras solue laten-  
tes.*

*Has inter voces medius Cyllenius ardens  
Eulat, & notos suspirat Iupiter ignes.*

Vltimò probatur, eo quod sæpe vi-  
demus in Ecclesia daemones adiura-  
tos à corporibus recedere, quod ne-  
gare stultum esset, & experientia re-  
pugnans.

III. *Affertio.* Hæc potestas cogendi de-  
mones per adiurationem non est vni-  
uersalis ad omnia quæcunq; impera-  
ta faciendū, sed tantum ne nobis no-  
ceant spiritualiter, aut corporaliter.  
*Explicatur assertio:* daemones possunt  
præstare multa bona, v.g. sanitatem,  
diuitias, obsequia: hæc & similia non  
est licitum à demonibus exigere, etiā  
imperando propter reuerentiā diuini  
nominis: possunt itidem multa mala  
inferre, putā vexare corpora, vastare  
segetes, & huiusmodi, hæc mala ne  
inferant possunt fideles adiurando  
cogere potestate à Christo tradita.

*Probat utraq; pars:* nam hæc potestas  
nō inest hominibus à natura, sed mu-  
nere gratiæ à Christo collata, ut infe-  
rius latius probabitur: ergo non est ex-  
tendenda ad ea, quæ verba Christi  
promittentis non se extendunt: cer-  
tum est autem ex testimonijs citatis  
Christum promississe suis Apostolis  
huiusmodi potestatem limitatè in  
ordine ad propulsanda mala, quæ  
dæmon ingerere solet: ergo ad id tā-  
tum extendenda est.

D V B I V M, *An sit in Ecclesia potestas  
inmittendi daemones in hominum cor-  
pora?*

Superest tamē dubitatio nūc præ-  
cedenti affixa, an sit in Ecclesia potestas  
cogendi daemones ad corpora hominum in-  
grediendum, ut eos vexent corporaliter.  
Et pro affirmatiua parte statim se of-  
fert id quod D. Paulus narratur fe-  
cisse 1. ad Cor. 5. tradens Corinthium  
incestuosum Sathanæ in interitū carnis, ut 4  
spiritus saluus fieret: quem locum expli-  
cans D. Thom. ait posse intelligi,  
quod sicut Dominus Matth. 10. dedit D. Thom.  
Apostolis potestatem spirituum im- Matt. 10.  
mundorum, ut eijcerent eos & per  
eandem potestatem poterant impe-  
rare spiritibus immundis, ut vexa-  
rent corporaliter, quos hac pœna  
iudicabant dignos. Ita mandauit  
Apostolus Corinthijs in eius autori-  
tate tradere prædictum fornicari-  
um Sathanæ corporaliter vex-  
andum. Expendendum est in  
præfato testimonio verbum illud  
(ego iudicavi) quod potestatem &

eā iudiciariā significat quā in Ecclesia esse debere verosimile est. *Confirmatur*: nam potestas eiiciendi spiritus immundos extitit in Apostolis, & ad posteros fideles deriuata est, vt supra vidimus: sed potestas tradēdi criminosos à Sathana vexādos, eadem est cum illa priori: ergo etiam extitit, & modò est in Ecclesia, sicut illa potestas prior. Eidem Sathanæ tradidit Paulus Hymenæum, & Alexandrū ob eorum blasphemias 1. ad Timoth. 1.

*Ad Tim. 1.*

*Luca 9.* Secundò, Luc. 9. dicitur Christum dedisse Apostolis virtutem, & potestatem super omnia dæmonia: & c.

*Luca 10.*

*10. Dedi* (inquit Christus) *vobis potestatem super omnem virtutem inimici.* Ecce absolutum plenumque ius concessit Apostolis in dæmonia, quod & posteris videtur reddidisse, sicut & expellēdi ea ab hominum corporibus. Vnde enim colligis potestatem his in locis cōcessam eiiciendi dæmonia ad posteros extendi, non verò potestatem immittēdi ea hominibus? *Cōfirmatur*: quia interdum quādo dæmonia mediante adiuratione coguntur à corporibus aliquorum recedere, petunt ab adiuratoribus, vt eis alios homines arripere liceat, quemadmodum petijt dæmon quidam, quem ex Artemia Diocletiani Imperatoris filia eiecit S. Cyriacus, vt habetur apud Surium tom. 4. Igitur dæmones ipsi agnoscunt penes adiutores hanc inesse potestatem, immittendi scilicet dæmonia in hominum corpora.

*Surius.*

*In oppositum est*, huius potestatis nō extare modò in Ecclesia ysum, quæ

certè semel aut iterum exequutioni mandaretur si esset.

*Decisio* huius rei valde dubia est, ex-6 istimo tamen esse dicendum Apostolos prædictam habuisse potestatem, sed ad posteros neutiquā esse deriuatam. *Prima pars* huius asserti cōceditur argumētis pro parte affirmatiua. *Secundam* verò damus argumēto in oppositum: & quia licet Apostolorū tempore, quādo nō tot suppetebant media ad puniendum crimina enormia Apostolis fuerit concessa præfata potestas, nūc tamen postquam Ecclesia aucta est tēporalibus viribus, habetque multiplices vias puniendi ac coercendi rebelles, non est cur dicamus talem esse necessariam potestatem.

*Ad primū* pro parte affirmatiua quatenus contra hanc secundā assertionem partem militat, *resp.* illud testimonium D. Pauli communiter explicari de excommunicatione, cui traditus est Tertullianus incestuosus Corinthius: ita Tertullian. lib. de pudicitia cap. 13. & 20. Hieron. in Ezechielem capit. 17. Ambrosius, lib. de Poenit. August. cap. 14. Aug. lib. de fide & operibus, capit. 26. D. Th. in hoc testimonio, & 1. ad Timoth. 1. vbi ait: *Tempore primitiua Ecclesia, quādo excommunicabantur fideles, simul & vexabantur corporaliter à damone.*

Sed admissa expositione in argumento allata, quam etiam approbat D. Tho. & alij. *Respondetur*, solis Apostolis talem fuisse concessam potestatem, non verò eorum successoribus: tum, quia tempore Apostolorum vt fides, quam prædicabant, ho-

*nora-*



noraretur, ac susciperetur, decuit, ut signis & portentis confirmaretur, & grauissimis supplicijs Apostoli primi fidei prædicatores in enormiter peccantes animaduertent, ut patet ex occisione Ananiæ, & Saphiræ. *Act. 5.* & de eodem Petro narrat Aug. contra *Admantum* cap. 17. occidisse solo verbo. Grauissimam autem fuisse poenam tradere quempiam Sathanæ vexandum corporaliter, quis dubitet? quam infligit D. Paulus Corinthio incestuoso, ac Alexandro, & Hymenæo. At verò iam fide propagata, & ferè à toto orbe recepta, vsu huiusmodi potestatis Ecclesia non indiget: quia atrox esset supplicium sine necessitate, tum quia Ecclesia, Apostolorum tempore erat potestate temporali destituta ad punienda enormia crimina: & ideo decuit in Apostolis, ut timerentur, esse prædictam potestatem: secus in Ecclesia nostris temporibus, quando etiam temporali gladio ferire, ac coercere criminosos potens est.

Ad secundum respondetur, neminem interpretum sacræ Scripturæ (quem ego viderim) explicasse præfata loca de plenaria potestate super dæmonia, sed tantum ad cogendum ea, ne nobis noceant spiritualiter, aut corporaliter, quod & verba concessionis sonant, si benè expendantur. Ad confirmationem respondetur, dæmones eam licentiam petere, quando affliguntur, & iubentur exire, & non alijs nocere; non quia po-

testas sit apud adiutores dæmones immittendi intra hominum corpora, ut eos vexent corporaliter, sed quia iubentur neminem alium introire, quam iussione aegrè ferunt.

## DISPUTATIO II.

Qua nam sit hac potestas, quamque diuturna?

Valde obscurum est quid sit: nã I. Arist. 2. ethic. cap. 5. dicit: *Tria sunt in anima: potentia, passio, & habitus.* Sed potestas hæc coercendi dæmones, aut abigendi ne noceant hominibus, non est potentia: quia sic conueniret omnibus, quibus potentia animæ sunt communes: neque etiam est passio: quia nulla ex his, quæ numerantur à D. Thom. in materia de passionibus: neque etiam est habitus: quia habitibus utimur cum volumus, ut testatur Commentator 3. de anima: at non utuntur etiam exorcistæ hac potestate coercendi dæmones, quoties libuerit, nam ut infra videbimus, sæpe intentant abigere dæmones, & eorum cassos, & irritus redditur conatus: ergo non est habitus. Dicit quis: est quædam potentia instrumentalis, concessa à Deo Apostolis, & alijs discipulis ad abigendos dæmones per Dei nominis aut Christi inuocationem, ut patet *Luce 10.* & *Matth. 10.* & alibi sæpe. Hæc autem potestas pertinet ad secundam speciem qualitatis in coordinatione supernaturali, sicut potestas absoluendi à peccatis concessa Sacerdotibus.

AVERTOS.

*Luce 10.*

*Matth. 10.*



*Contrà secundò:* nam sequitur; quibus hæc potestas concessa est, semper adesse facultatem vtendi ea, appositam debitam materiam. *Consequens* talum est: quia sæpe tentant exorcistæ habentes hanc potestatem eijcere dæmonia, & non valent: & Apostoli frustra tentarunt eijcere dæmonem

*Matt. 17.* à quodam puero, *Matth. 17.* & *Luca 9.*

*Luca. 9.* & tamen acceperant hanc facultatem. Quod si dicas: pertinet ad gratiam miraculorum, quæ nihil horum est, sed quid actuale, vt dicit D. Tho. agens de gratijs gratis datis.

*Contrà arguitur tertio.* Quando homines initiantur ordine exorcistarum confertur illis potestas hæc, nam dicitur illis ab ordinante: *Habeto potestatem imponendi manus super energumenum, siue baptizatum, siue catechumenum.*

*Concil. Carthag. 4.* Ita habetur in Concilio Carthag. 4. *cap. 7.* & in antiquis Ecclesie ritualibus: sed in collatione huius ordinis, sicut neque in aliorum, non confertur ordinandis gratia aliqua gratis data: ergo, &c. *Confirm.* quia in exorcistæ ordine, si verum Sacramentum est (vt quidam putant) non confertur aliud, nisi character: at character non est gratia gratis data, sed potius qualitas quædam pertinet ad secundam speciem qualitatis: ergo, &c.

*Quarto.* *Matt. 10.* ac *Luc. 10.* & alibi sæpe dedit Christus Apostolis potestatem super spiritus immundos, id est cacodæmones, sed non est dicendum dedisse aliquam gratiã gratis datam: quia id quod ibi dedit pertinet ad donum copiosæ gratiæ, qua-

lis decebat ministros legis gratiæ: sed gratiæ gratis datæ in omni statu, & in omni lege collatæ sunt à Deo ad utilitatem suæ Ecclesie: ergo potestas hæc abigendi dæmones (quam diximus esse in Ecclesia Christi ex eiusdem Seruatoris munere) non est aliqua gratia gratis data.

*Quinto.* Id, quod commune est omnibus fidelibus, potius pertinet ad virtutes, quam ad gratias gratis datas: sed præfata potestas promittitur omnibus fidelibus, *Marc. ult. Signa autem eos, qui crediderint, hæc sequentur, in nomine meo dæmonia eijcient, &c.* ergo. Confirmatur: quia ex hoc loco potius colligitur, hanc potestatem accedi dæmones fidem esse; fides autem virtus Theologica est, nõ gratia gratis data.

Pro resolutione præmittendum est, duplicem posse intelligi potestatem abigendi dæmones relictam à Christo Ecclesie suæ. *Vna* est per solam designationem ad id munus exercendum, nulla collata perfectione reali, per quam homines fiât potētes ad dæmones profligandos, sed duntaxat dicuntur habere potestatem: quia designati & electi sūt ad id officiū: ad eū modū, quo quādo Rex elegit aliquem in prætorē, nullam ei perfectionem realem cōfert, sed tantū designat illū ad munus prætoris exercendum. *Altera potestas* est, qua homines (aliàs imbecilliores) fiunt potētes ad fuganda dæmonia virtute comunicata à Deo, & hanc necesse est esse in hominibus ad efficiendum opus tam impar suis viribus, estq; vera & realis perfectio. Hoc supposito.

3 Dico 1. Absque dubio prior potestas fuit in Ecclesia primitiua, & perseuerat in nostra. *Prior pars prob.* Matt. & Lucæ 10. vbi Dominus discipulis ait: *Ecce dedi vobis potestatem spirituum immundorum, &c.* & tunc nil aliud fecit, nisi designare eos ad pellēdos dæmones. *Secunda pars prob.* in ordine exorcistarum initiatis, qui ex vi suę ordinationis talem potestatem accipiunt.

Dico 2. Potestas in secunda acceptione non est habitus, neque potētia habitualiter in volūtate aut intellectu existēs, neq; aliqua virtus moralis, aut intellectualis. *Prob. arg. 1. & 2.* factis in principio dubitationis.

4 Dico 3 Præfata potestas reducitur ad gratiā miraculorū, aut verò ad gratiā sanitatum, q̄ inter gratias gratis datas cōnumeratur. *Prob.* nā circa testimonia citata sacre Scripturæ interpretes dicūt, ea mirabilia, q̄ ibi recēsentur, ad gratiā miraculorū aut sanitatū ptinere. Et verba ipsa expresse indicant: ait Matth. *Dedit eis* (nimirū discipulis) *potestatem spirituum immundorū, vt eijcerent eos, & curaret omnē languorē, & omnē infirmitatē.* Et post pauca explicans Dominus ad quæ se extēderet præfata potestas, ait: *infirmos curate, leprosos munda- te, dæmones eijcite, &c.* Quæ quis nō videat ad gratiam sanitatum, aut miraculorum pertinere? Idem videre ac expendere licet Marci vltimo.

*Thom.* *Secundò prob.* ex doctrina D. Th. in multis locis, vbi agēs de miraculorū gratia, ait, eā à Deo cōferri ad confirmationem doctrinæ suæ, iuxta illud Marci vltimo: *Et sermonē confirmāte se-*

*quētibz signis:* sed p nil aliud fidei doctrina plus corroborata est, quā per dæmonū eiectionē, vt videre licet in Euāgelica historia: ergo potestas abi- gēdi dæmonia ad gratiā miraculorū pertinet, aut verò ad gratiā sanitatū. Quæ ratione p eiectionē spirituum neq̄ obfessi ab ingēti infirmitate liberantur: & fortasse gratia sanitatū sub gratia miraculorū cōtinetur, vt adnota- uit Ferrar. *lib. 3. contra gentes, cap. 154.*

*Ferrar.*

Quod si cupis pressius scire, qd sit, & in quo consistat hæc gratia, seu potestas eiectionis dæmonum: scito esse virtutem quandam instrumentalem à Deo communicatā hominibus, per quam fiunt potentes ad opus exuperans vires naturæ, qualis est eiectionis dæmonū: vt rectē adnotauit D. Tho. loquens de gratia miraculorum qu. 6. de potentia ar. 4. de qua virtute, ait, quantum ad suam permanentiam esse iudicandū sicut de formis imperfectis (quæ vocātur intentiones) quæ non permanēt nisi ad præsentiam agentis principalis, sicut lumē in aere, & motus in instrumento: & 2. 2. q. 78. a. 1. ad primum, ait, nō posse esse qualitatem habitualiter manētē in anima. Quid ergo est? motio quædā diuina qua actio adiurantis eleuatur, vt sit instrumentū Dei potens in actu primo ad fugādos dæmones, & hāc virtutē instrumentale (quæ est pars integralis gratiæ miraculorum) appellabimus deinceps gratiā eiectionis, & potestatem ad eijciendos dæmones, eo quod est principium instrumentale ad præfatum effectum efficiendum.

*D. Tho.*

*Sed.*



*Sed ne quis decipiatur in eo quod dixi, hanc virtutem instrumentalem esse motionem Dei, oportet advertere, dupliciter se habere Deum in communicanda hac virtute seu motione. Vno modo mouendo mentem hominis vt imperet dæmonibus fugam, quo mediante imperio fugantur. Secundo modo potest contingere vt Deus non moueat mentem hominis ad imperandum dæmonibus motione aliqua supernaturali, sed ipse homo concursu naturali, & generali se moueat ad imperandum eam fugam, quæ de facto sequitur Deo operante, & homine cooperante.*

*In priori modo tres interueniunt actiones, ex auxilio Dei speciali, & supernaturali. Prima est excitatio ad imperandum dæmonibus. Secunda imperium ipsum. Tertia eiection dæmonum. In secundo modo tres etiam intercedunt motiones. Prima more naturalis. Secunda & tertia supernaturalis. Priori modo solet Deus mouere Sanctos, qui non solum eiiciunt dæmonia, aut miracula faciunt per imperium: verum etiam peculiariter excitantur, & mouentur à Deo ad miracula patranda, quam motionem in se agnoscunt miracula operantur cum fiducia: & interdum viri non sancti hac motione gaudent, maxime quando operantur miracula ad confirmanda dogmata fidei: aliàs temerarij essent in pollicendis miraculis, ignorantes, an Deus ea miracula velit facere: & de isto modo operandi miracula posuit D. Tho. exemplū*

*qu. 178. citata, & declarauit adducto D. Tho. modo, quo solet Deus impartiri donum prophetiæ. Secundo verò modo communiter solent exorciste dæmonia pellere: & in vtroque modo gratia gratis data cōsistit in imperio, quod eleuatur à Deo vt efficaciam habeat ad dæmones fugandos. Eleuatio autem ista nihil est aliud quam Dei motio communicata illi imperio. Vis ergo illa, seu efficacia instrumentalis communicata imperio adiurantis dæmones, est ipsa mer gratia gratis data. Motio autem illa, quæ adiurator excitatur à Deo supernaturali auxilio, vt ad imperandum dæmonibus accingatur, neque est necessaria in omni eiectione dæmonum, nec concurrat instrumentaliter ad eam; ac proinde non est gratia gratis data, sed ea motio, quæ mouetur mens adiurantis, vt sic (id est quatenus adiurat) vt fiat instrumentum diuinæ virtutis ad pellendum dæmonem. Et hæc bene nota, si vis intelligere in quo consistat potestas eiectionis dæmonum.*

*Ad primum argumentum in initio dubitationis positum resp. Aristotelem non esse intelligendum de omnibus, quæ sunt in anima, sed de his dumtaxat, quæ per modum qualitatis inhærentis sunt principia humanorum actuum, & iuxta mentem D. Thom. 2.2. loco citato, impossibile est principium operandi miracula esse aliquam qualitatem habitualiter manentem in anima: at verò potestas arcendi dæmones, ne nobis noceant,*  
nihil

*Resp. ad  
Arg.  
6*



nihil aliud est, nisi motio quædam, qua eleuatur imperium exorcistarū, & mens eorum, vt sint potentes ad abigendos dæmones; vt paulo ante fufius explicaui. Quod si contendas, hanc potestatem esse passionem (nomine passionis accepto pro qualibet receptione motionis) non moror: modo asseras tantum inesse per modum transeuntis, non vt quid habituale.

Ad secundum pater' exsupradictis.

*Ad tertium.* Siue dicas exorcistarū ordinem esse sacramentum, & imprimere characterem siue non (quod non est præsentis considerationis) existimo non conferri eo ordine initiatis gratiam, seu potestatem expellendi dæmonia de facto. Vidimus enim multis initiatis eo ordine adiurationem dæmonum infelicitè succedere, & multis aliis nullo ordine initiatis felicitè: & tamen si illa potestas exorcistis daretur, appositæ debita materia semper se explicaret in actum: sicut & in potestatibus collatis in aliis ordinibus, & Sacramentis contingit. Quando ergo illis dicitur in ordinatione sua: *Accipite potestatem, &c.* solum datur illis potestas solenniter adiurandi energumenos per recitationem exorcismorum ab Ecclesia institutorum, quod aliis, qui non sunt exorcistæ prohibitum est, vt inferius videbimus. Ex his patet quid dicendum sit ad confirmationem.

*In quarto argumento tangitur dubitatio an scilicet in omni legis sta-*

*tu, siue natura, siue scripta, si- Dubium?*  
*ue gratia, extiterit potestas hac adiurandi, & abigendi dæmones? Cui affirmatiue respondeo & prob. nam Ecclesia in omni legis statu gubernabatur ab Spiritu Sancto, sed ad bonam gubernationem spectabat, vt fidelibus daretur facultas abigendi, & expellendi dæmones, ne homines molestarent: ergo reuera in omni legis statu huiusmodi potestas collata est. Minor probatur: tum quia vexationi dæmonum grassanti maximè in statu legis scriptæ, nulla alia ratione mederi poterat, nisi hac obtenta à Deo facultate: tum etiam, quia potestas hæc abigendi dæmones, ad gratiam miraculorum reducit, vt vidimus, quæ in omni statu Ecclesiæ apprimè necessaria fuit, vt colligere licet I. ad Corinth. 12.*

I. Cor. 12.

*Secundo prob. discurrendo per singulos legis status: nam in lege gratia adfuisse præfatam potestatem, iam probauimus certum secundum fidem in præcedenti disputatione. In lege vero natura propter rationem factam opinamur extitisse: in lege scripta etiam certo censemus non defuisse, ex testimonio D. Lucæ c. 11. Vbi Iudæi inducuntur obicientes Christo Domino, quod dæmonem à quodam expulisset in Beelzebub Principe dæmoniorum. Et hanc calumniam à se repellere procurans Dominus, id egit exemplo filiorum Iudæorum, qui apud ipsos munere exorcistarū fungebantur, & dæmonia eiiciebant, & ait: Si ego in Beelzebub eiicio dæmonia,*

Luce 11.

B

fili

sibi vestri in quo efficiunt? supponens esse apud Iudæos qui potestatem habebant, & exercebant eiiciendi dæmonia ab obsessis.

8.

D. Hier.

Chrysost.

Hilarius.

Quod si quispiam dicat, per hos filios Iudæorum Apostolos vel discipulos Domini intelligi. Ita D. Hieronymus, *Math. 12. Hilarius Can. 12.* Chrysostomus *homil. 41. in Matthæum.* Respond. Alii inter quos ipsemet Hieronymus *loco citato*, per filios Iudæorum intelligunt exorcistas eius gentis, qui ante Christi aduentum præcessere, & tunc repulsio calumniæ contra Phariseos fortius procedit: tum, quia quando hæc calumnia Christo obiecta fuit, nondum Apostoli cum hac potestate ad prædicandum missi fuerant: tum, quia similem obiectionem verosimile est Phariseos obiecturos Christi Apostolis eiicientibus dæmonia, quam suo Magistro obiecerunt, ut insinuat *Matthæi 10. Si pater familias* (inquit) *Beelzebub vocauerunt, quanto magis domesticos eius?* Sed hac expositione in sua probabilitate relicta, adhuc probatur fuisse in Synagoga potestatem coercendi dæmones. Ita Iosephus lib. 3.

Mat. 10.

Iosephus.

antiquitatum cap. 2. vel 12. *Præstitit* (inquit Iosephus) *Deus Salomoni, ut contra dæmones artem ad utilitatem hominum & eorum curas ediceret, & incantatione instituit, quibus adstricti dæmones, ne denuo redeant effugantur, & hac cura hætenus apud nos multum prævalere dignoscitur.* Item Epiphanius contra Ebionæos cap. 3. inquit, non tantum Iudæos, mediis his artibus à Salomone ac-

ceptis, dæmones expulisse, verum etiam adhibito nomine Dei tetragrammaton, cui enim illud scire aut fari licuisset ea potestate ad dæmonia profliganda potiebatur.

His præmissis respondetur ad argumentum eam gratiam eiiciendi dæmones Apostolis concessam eiusdem speciei esse cum ea, quam in omni legis statu extitisse diximus. Cæterum longè superasse utramque legis, scilicet naturæ, & scriptæ; primo in efficacia maiori, ut patuit ex tanta multitudo obsessorum à dæmonibus liberatorum per Christum, & eius Apostolos, ut narrat Evangelica historia. Quam maiorem efficaciam commendant D Pauli cingula, Petri umbra, quæ dæmonia excludebant. *Secundo.* Potestas præfata in lege gratiæ cæteras superat diuturnitate; nā aliæ etiā legis scriptæ potestates, cassate lege cessarunt. Hæc verò quæ est in lege gratiæ, usque ad sæculi finem sicut Ecclesia Christi permanebit. *Tertio.* Hæc potestas maxime Apostolorum tempore in eos, ac omnes discipulos, imò fere in omnes fideles effusa est: quia cum ordinaretur ad confirmationem fidei, & illo in tempore primitivæ Ecclesiæ fides, quasi arbutum tenellum crescebat, opportuit omnes eiusdem fidei concionatores (erant autem fere omnes fideles) gratia miraculorum donari, maxime in expulsionem dæmonum, per quam fides augebatur, & nimis confirmabatur. Itaque Christus & concessit suis Apostolis, ac fi-



ac fidelibus eam potestatem, quam Deus concesserat in omni legis statu, & multis prærogatiuis perfectiorem, ut iam diximus. Ex his patet ad quartum.

In quinto argumento, & eius confirmatione desideratur explicatio testimonii citati *Marci ultimo*, cuius exactam explicationem trademus inferius, disputantes de fidei necessitate ad dæmonum eiectionem: & propterea ab ea supersedentes, modo respondemus ad argumentum. Potestas miracula faciendi in principio nascentis Ecclesiæ fere omnibus fidelibus dabatur: quia ferè omnes intendebant propagationi doctrinæ Christi, quæ magnopere per signorum patratiōem crescebat, & confirmabatur: at nunc propagata fide per totum orbem, & confirmata, non est necessarium hanc potestatem omnibus fidelibus conferri, sat est aliquibus, & raro dari.

### DISPUTATIO III.

*An potestas expellendi dæmones, ne hominibus molestias inferant, possit esse naturalis.*

**E**T videtur esse naturalem, id est à natura vidente prædictā potestate exortam: quia legimus multos, & impiissimos Magos hanc obti-

nuisse facultatem, & de facto dæmonia eiecisse ab hominum corporibus: inter quos non infimum locum occupavit Apollonius Ty-<sup>Apollo-</sup> anæus, qui inter alia miranda opera, <sup>nus Ty-</sup> quæ faciebat, dæmones expellebat <sup>aneus.</sup> ab hominum corporibus: & hac arte tot sibi conscivit discipulos, ut Eusebius octo libros aduersus Philostratum Apollonii preconem coactus fuerit scribere. Hac etiam potestate usus fuisse quosdam Magos legimus apud Africanum, qui post ductos aliquos circulos, & characteres in fronte dæmoniaci, interrogatumque dæmonem ab hominibus eiiciebant. Et Iustinus in *oratione ad Iustinus* Gentiles, alios simili arte vtentes retulit. De similibus videtur loquutus fuisse Vlpianus *lib. 1 ff. de vari. & ex-* <sup>Vlpianus</sup> *traord. cognit.* cum negat his, qui incantant, qui imprecari sunt, & qui exorcizarunt de eorum mercede ius esse dicendum: loquitur Vlpianus de Magis, qui non erant Christiani etenim Christiani gratis absque aliqua cōditione stipendii huiusmodi officii consueuerunt exercere) sed Gentiles impostores, & circulatores, qui vrbes circuibant, & superstitionibus utebantur, & eo exercitio instar medicorum curantium corpora, quæstum faciebant, & pecunias colligebant, ut ait Baronius, *lib. 1. Annalium* <sup>Baronius</sup> *circa annum Domini 56.* Demum hac eadem potestate vsi sunt illi, quorum meminit D. Gregorius *lib. prim. D. Gregor. Dialog. ca. 10.* qui feminam nobilem



Magis suis incantationibus à dæmone liberarunt; sed interim integræ legioni dæmonum ostium ad eādem ingrediendum aperuerunt: *Miro enim Dei omnipotentis iudicio* (inquit Gregorius) *dum arte peruersa vnus ab ea repellitur, in eam legio subito intrauit, capit-que ex hoc illa tot motibus agitari tot vocibus, clamoribus perstrepere, quot spiritibus tenebatur; sed hæc potestas, qua Magi vtuntur, nequit esse supernaturalis: quia Magicis incantationibus donū supernaturale non accersitur: ergo à natura potest hæc potestas proficisci, & haberi.*

2. *Fulginas. Forliuius. Garbus.* Quidam medici, inter quos Fulginas, Forliuius, Garbus, & alii potestatem faciendi miracula, & consequenter abigendi dæmones, attribuunt cuidam corporis temperamento: fingunt enim temperaturam quandam æqualitatis ex humorum & qualitatum actiuarum ad pondus æqua mixtione resultare, qua qui sit præditus (asserūt isti) posse miracula quæuis facere, nedum dæmones abigere; & adiciunt blasphemiam, huius temperamenti vi Christum Dominum tot miraculis coruscasse.

3. *Assert. I.* Pro decisione fit 1. *Assertio.* Potestas arcēdi, aut quoquo modo pro pulsādi dæmonia, ne hominibus noceant, non est, neque potest esse naturalis hominibus, sed absolute dicenda est supernaturalis. Prima pars huius assertionis probatur: nā homo mortalis est, & corporeus: ergo nullum imperium potestatemve habet cogendi dæmones, qui incorporei sunt,

& immortales, vt appareant, fugiant, aut aliquid faciant, aut facere desinant: nulla namque corporea res vim, & potestatem habet superiorem, aut æqualem, supra res spirituales: vt docet D. Tho. in 4. dist. 7. art. ultimo, & in cap. 41. Iob. lectione 3. Neque euaditur argumentum, si dicas hominem esse spiritualem, & immortalem secundum animam: nam etiam ipsæ animæ hominum separatæ sunt impares natura, & viribus dæmonibus, vt docent Theologi, ac Philosophi: ergo non habent potestatem dæmones coercendi, aut ipsis imperandi naturaliter. Hæc eadem assertio apertè declaratur à sanctissimo Iob. cap. 41. Vbi postquam eleganti carmine, ac metaphora cuiusdam sæui ac fortissimi animalis naturam dæmonis expressisset, in fine capitis concludit non esse potestatem quæ ei in terra cōparetur: etenim omnes terricolos robore ac potētia superat.

*Secunda pars asserti probatur:* quia hæc potestas eiectionis dæmonum connumeratur gratiæ miraculorum, vt in præcedenti disputatione docuimus, & affirmat D. Tho. de potentia q. 6. art. 9. argum. 15. Item est Dei donum, vt dicitur *ad Corinth. 12.* ergo supernaturalis est. Confirmatur: quia excedit facultatem, & vires naturæ hominum, quæ non se extendunt ad imperandum dæmonibus, qui superioris naturæ sunt: ergo supernaturaliter ipsis confertur, non propter sua naturalia. Ex his manent confutati Fulginas, & alii medici deliri supra relati.

II. Nut.

II. Nullam agnosco in Magis potestatem naturalem, aut supernaturalem eiiciendi damones, aut aliquo modo exterminandi, ne hominibus noceant. Et quidem si sit sermo de potestate naturali, res comperta est. Etenim nullius hominis potentia, aut vires naturales æquare, ne dum superare possunt infimi demonis facultatem aut vires, ut nuper dicebamus: ergo propria naturali virtute nulli Magi poterunt damones compellere, ut ab hominibus exeant, aut ne eis molesti sint. Non autem eis inesse aliquam supernaturalem potestatem ad hæc circa damones efficiendum, probatur: quia illa potestas vel esset habitus, aut potentia collata à Deo, aut motio diuina ad id faciendum. Duo priora non illis communicat Deus (& fortasse communicare non potest etiam suis seruis & Sanctis, ut supra ex D. Tho. doctrina tradidimus) ergo neque Magis communicauit.

Quod vero Magi moueri possint à Deo ad miracula patranda, & damones eiiciendos non dubito, sicut & aliquando infideles mouit ad id perficiendum propter fidem confirmandam. Quod vero Deus moueat Magos ut suis incantationibus (quæ sunt demonum inuocationes expresse aut tacitæ) incredibile est, neque esse potest.

Dices. Hæc potestas confertur Magis à demonibus: esto ita sit potestas diabolica erit, non supernaturalis à Deo, quinimo crediderim damones

non posse eam potestatem conferre, neque Magis, neque suis Magicis incantationibus, ut ultra suas vires naturales aliquid operentur. Urget quispiam. De facto Magi profligant demonia ab hominibus: ergo habent potestatem aliquam id efficiendi.

III. Sit pro solutione. Quando Magi exterminant damones ab hominibus, aut eos quomodo impediunt ne ipsis noceant. Magi nullam efficientiam habent circa tale exterminium, sed damones ipsi sunt, qui immediate id operantur. Hæc assertio sequitur ex præcedentibus, nam si Magis nulla inest potestas naturalis, aut supernaturalis abigendi demonia, ne hominibus noceant, & de facto eiiciunt, ut probatum est in argumento posito in quæstionis fronte: ergo ipsi damones sunt, qui per se ipsos sine vlllo medio talem ejectionem, aut exterminium operantur.

Pro cuius declaratione aduertendum est. Dupliciter imaginari possumus damones alios damones eiicere ab hominibus vel à locis aliis abigere. Vno modo per violentiam, quia scilicet demon abigens alium pertinet ad altiorum ordinem, & perfectioris naturæ est, ac proinde maius robur & vires habet, quibus mediantibus potest cogere alium demonem inferioris ordinis, ut cedat loco, & recedat ab obsesso, velit nolit: imò & torquere poterit ad eum modum, quo homines robustiorum virium possunt alios loco pellere, & in eos praeu-  
B 3, uale.



Origen.  
Athanas.

ualere. Sic affirmant Origenes homil. 23. in Numeros, & D. Athanasius li. de corporali Aduentu Christi. Secundo modo potest vnus dæmon alterum eiicere à loco, aut ab hominibus per collusionem, siue dæmon eiiciendus sit ordinis inferioris, siue non: videlicet, quia sibi inuicem obsequuntur propter aliquos malos fines, & quodammodo pasciscuntur, vt vnus exeat ad alterius voluntatē.

6. Secundo aduertendum, totidem modis Magos posse mediantibus incantationibus dæmones ab hominibus molestandis abigere, quod ipsi dæmones. Vno modo, quia Magus cædus pepigit cum dæmone superioris ordinis, & magnarum virium, cui se Magus deuouit; ac proinde ab eo inuocatus poterit per violentiam dæmonem expellere magis imbecillum. Isto modo calumniabantur Scribæ, & Pharisei Christum Dominum eiicere dæmonia, dicentes Marc. 3. Matth. 12. & Lucæ 11. In Beelzebub principe dæmoniorum eiicit dæmonia. Videntes enim CHRISTVM Dominum cum magna potestate, ac imperio iubere dæmones exire ab obsessis, reducebant efficaciam expulsionis, non ad quemcunque dæmonem, sed ad principem dæmoniorum: vt significarent eum Magum famosum, & habentem sibi deuotum non debilem dæmonem, sed principem dæmoniorum, qui posset præualere aduersus cæteros, & eis potestatiue imperare vt exirent. Secundo modo. Licet

Marc. 3.  
Matth. 12.  
Lucæ 11.

Magus pepigerit cum dæmone non vsque à Deo forti: tamen Magus implorato auxilio sui dæmonis, eiicere poterat non per violentiam, sed quia dæmones, tam ille, cui se Magus deuouerat, quàm expellendus, per collusionē sibi inuicem obsequuntur. Poterimus etiam superaddere terriū modum, non quia dæmon dæmonē pellat: sed quia ad Magi incantationes dæmon obūdens spōte exit, vt mortē gerat Mago, aut incantatori.

Denique notandum est, duntaxat secundum apparentiam has dæmonum expulsionēs Magis attribui. Etenim neque illis, neque suis incantationibus aliqua vis, seu efficacia inesse potest; sed soli dæmones per se ipsos abigere alios possunt. Incantationes verò, inuocationes sunt dæmonum tacitæ, aut expressæ, ad quarum præsentiam dæmones ex pacto cum Magis inito, hæc & multo mirabilia, quæ excedunt vires hominum perficere possunt. Ex his patet quid sit dicendū ad argumentum initio dubitationis positum.

Sed contra doctrinam præfata am, quatenus concessimus, aliquando Magos, aut dæmones alios dæmones à corporibus exegisse, offert se difficile argumentum ex dictis Christi Domini Mat. 12. & Luc. 11. Vbi aduersus calumnias Iudæorū, qui eum in Beelzebub principe dæmoniorū eiicere dæmonia dicebāt, argumētatur; & sic refellit eos. Omne regnū diuisum contra se desolabitur, & omnis ciuitas vel domus diuisa contra se non stabit & si Sathanas Sathana

Matth.  
Luc. 11.

Sathana



*sathanam* eiecit, aduersus se diuisus est, quomodo ergo stabit Regnum eius. Quibus verbis syllogismus perfectus & conuincens statuitur, in hunc procedens modum. Regnum diuisum discordia, & mutua contentione non stabit diu: sed Sathanas diuisus est aduersus se ipsum: id est, Regnum Sathanæ, & dæmoniorum in se diuisum est. Igitur Regnum eius stare, & perdurare non potest. Maior propositio, ut experientia, & euentibus nota relinquitur, ita ut in Prouerbum abierit: *Concordia res parue crescunt: discordia maxima dilabuntur.* Minorem vero propositionem probat ex ipso-  
rum Phariseorum dictis: quia inquit: vos dicitis me in Beelzebub eiecere dæmonia; consequitur Regnum eius in se esse diuisum, & sic non potest diu permanere. Huic syllogismo supplenda est alia argumentatio, quam Dialectici appellant ex opposito consequentis ad oppositum antecedentis, sic: at cum notum sit Regnum Sathanæ diu mansisse, & permanere: necessario sequitur non esse diuisum: & consequenter me non eiecere dæmonia in Beelzebub. Sathanam appellat omne dæmonium, quod nobis aduersatur (id enim nomen Hebræum significat, ut asserit Hieron. in epist. ad Marc. cellam de agrotatione Blesile, & in capit. 16. Matthæi; & ante ipsum Origen tract. 1. in Matth.) Regnum verò Sathanæ nihil aliud

est, quam potestas, quam acceperunt dæmonia nocendi hominibus. Ob quod vocatus est dæmon princeps huius mundi, Ioann. 14.

IOAN. 14

Hæc dicta sunt pro ostendenda efficacia illius argumentationis, quam exigit Christus Dominus ad probandum Iudæis se non eiecere dæmonia in virtute principis dæmoniorum. Cuius argumentationis vis oneratur, si asseramus vnum dæmonem alium pellere: imo & sæpe pepulisse ad magicas incantationes Magorum: eo quod vis eius fundatur in eo, quod vnus dæmon non pellit alium.

Abulensis super caput 12. Matth. Abulen. q. 56. longa quæst. disputat: an vnus dæmon alium possit ab obsessis hominibus propulsare, & tandem q. 61, concludit, posse quidem: sed non efficere, ne dissipetur Regnum eius. Hæc solutio aduersatur his, quæ docuimus: qua relicta, alij dicunt posse quidem vnum dæmonem fortio-  
rem alio imbecilliore vi profigare: sed non facit. Cæterum per collusionem vnus alterum videtur eiecere, non inuitum, sed volentem: itaque quando vnus ad alterius imperium cedit: non tam expellitur, quam sponte egreditur. Cur enim inuitum expellet? an forte, quia vult liberare miserum obsessum? nequaquam. Odiunt enim diaboli homines oēs, & singulos supra modum. An quia dæmon superior odit inferiorem, & ideo eum persequitur, & vult

vult deturbare à domicilio, in quo habitat: odiunt se ad inuicem dæmones: sed plus homines. An quia ipse solus vult torquere obsessum? minime, nam in hoc omnes dæmones cōspirarunt: vt amicabiliter mortales multis malis afficiant: & sine vllō impedimento multi eundem hominem torquent, vt inferius dicemus, & non obscure insinuauit Dominus

Luc. 11.

*Luc. 11. dicens: Cum immandus spiritus exierit ab homine, ambulat per loca arida, & in aquosa, quarens requiem, & non inueniens, ait: reuertar ad domum meam, vnde exiit: & inueniens eam, scopis mundatam, & ornatam, vadit, & assumit secum septem spiritus nequiores se, & ingressi habitant ibi.*

10.

Dices, esto voluntarium eiiciat, quomodo stabit Regnum diabolis? Resp. Quia non oritur illa egressio dæmonis ex discordia: quin potius ex magna concordia, & consensu, quo conuenere dæmones, vt vnanimis subiiciant, & perdant homines. Non displicet solutio. Tercio resp. Sicut non perit Regnum ex discordia, & similitate duorum, aut trium ciuium, nisi ferè omnes, aut præcipuè Regni proceres discordijs agentur, sic neque dæmoniorum Regnum dissiparetur, ex hoc quod quandoque vnus, aut alter dæmonem imbecilliorē etiam inuitum eiiceret. Dissiparetur autem valde, si dæmones discordijs marcescerent, & frequenter, & pluries alios inuitos à corporibus mortalium pellerent. Priorem eiectionem non negat Do-

minus posse fieri: & de facto fieri virtute, & efficacia dæmonum: posteriorem non negat posse fieri: negat autē fieri, quia sic Sathanæ Regnum euertetur: dum dæmones fortiores irruerent in imbecilliores: & eos ab hominibus propulsarent.

Cum ergo Christus Dominus non semel, aut iterum dæmones ab obsessis eiiceret: non vnum, aut duos dæmones, sed legiones dæmoniorum, & omnes arreptitios illius regionis liberauerit, Matth. 4. & 8. Marci 1. & Luc. 6. (Vnde Chrysostomus super illud Matth. 8. Eiiebat spiritus verbo, & omnes malè habentes curabit, ait: Intende quantam multitudinem curatam transcurrunt Euangelistæ: non vnum, quodque curatum enarrantes: sed vno verbo pelagus ineffabile miraculorum inducentes) tantam dæmoniorum pulsionem, castraginē fieri à dæmonibus alterutrum pugnantibus, non est verosimile: quia eorum Regnum citò finiretur, & dissiparetur: ergo neque verosimile erat à Christo fieri in virtute Beelzebub, neque aliorum dæmoniorum.

Hæc expositio mihi magis arri-det, sicut & placuit D. Athanasio in lib. de corporali aduentu Christi. Iuxta quam efficaciter procedit argumentatio Christi Domini contra calumnias Iudæorum, dicentium in Beelzebub principe dæmoniorum eiicere dæmonia. Nam Responsio quorundam valde displicet asserentium, eam argumentationem Christi Domini nō esse necessarium vigere, & ob id alias argu-



argumentationes subiungit : quasi insinuans priorem illam non esse efficacem. Displicent valde isti : quia certe si illa ratio non esset efficax: Christus sapientia Patris non eam adduceret : ne se obliiceret calumniandum Scribis, & Phariseis, qui vel in minimis obseruabant eum; ut morderent.

DISPUTATIO IV.

*De causa finali: id est de finibus, propter quos Christus reliquit Ecclesiam suam potestatem fugandi dæmones.*

**F**ines huius potestatis conferendæ multi sunt. Primus & Principalior: ut confirmaretur doctrina Christi: cum enim in ea continerentur quæ plurima, quæ captum rationis humanæ superant: ac proinde rationibus, & argumentis depromptis ex naturæ lumine solo non poterant persuaderi: necessarium fuit adhibere media omnino supernaturalia, quæ natura ipsa præstare non poterat: prodigia nempe, & signa, ut essent quasi testes veritatis mysteriorum pertinentium ad fidem Christi quibus confirmaretur doctrina tam ardua, qualis erat ea, quæ à Christo, & Apostolis eius prædicabatur: verbi gratia, Christi diuinitas. Verbi incarnatio, resurrectio mortuorum, remissio peccatorum, danda per Christum & alia eiusmodi: maxime quia præfata doctrina prædicanda erat, non per sapientes, aut potentes sæculi, sed per pauperes piscatores, & idio-

tas: qui populis prædicabant non amare diuitias non voluptates; sed aduersa carni, ac molesta; nempe paupertatem, diuitiarum neglectum, carnis macerationem. &c.

Igitur ut confirmaretur veritas doctrinæ Christi; potestas fugandi dæmones fidelibus concessa est. Ista namque frequentius usus est Christus, & Apostoli eius, ut patet ex sacris literis • & hæc ratio non est obscurè insinuata Marci ultim. ubi mittens discipulos suos ad prædicandū Euangelium, denuò confirmans potestatem iam datam, prodigia faciendi, ac dæmones eiiciendi, subindicans finem præfate potestatis, ait Marcus: Illi autem profecti prædicauerunt ubique, Domino cooperante, & sermonem confirmante sequentibus signis: & Paulus ad Hebræ. 2. de doctrina Christi ait: Quæ cum initium accepisset narrandi per Dominum ab eis, qui audierunt (id est Apostolis) in nos confirmata est, contestante Deo signis, & portentis, inter quæ annumeratur dæmonum fugatio. Ecce finis huius potestatis pellendi dæmones fidei confirmatio est. Huic finis assimilatur, quando Christus hanc potestatem contulit alicuius ordinis, aut instituti regularibus professoribus ad approbandum modum regularem ubi placere: tunc enim præfata potestate, & multa alia miracula patrandi imbuunt Dominus professores eorum ordinum. Et sic in analibus Dominicanorum legitur in principio foundationis sui instituti ferè omnes illius ordinis sodales po-

C

testa-

Marc. ult

Paul. Hebræ. 2.



testate miracula faciendi claruisse, maximè circa dæmonum eiectionem.

2. *Alter finis* eiusdem potestatis fuit ad significandam excellentē sanctitatem, morumque integritatem, qua ornantur aliquādo qui hac potestate utuntur. Neq; enim paruum sanctitatis testimoniū est, quod ex demoniorum eiectione sumitur: præcipuè si in eijcientibus nihil reprehensibile appareat: imò quamplurima opera egregiæ virtutis elucescant. De hac re sunt quamplurima exempla. Vnum aut alterum proferemus. Beatus Hieron.

Hieron.

in vita sancti Hilarionis, sic ait: *Latebat in Cypro insula Hilarion: caterum vix ad plenum viginti transire dies cum per omnem insulam quicumque immundos habebant spiritus, clamare caperunt, venisse Hilarionem servum Dei; & ad eum debere se properare.* Inter triginta igitur nec multo amplius dies, ducenti ferme tam viri, quam mulieres ad eum congregati sunt, qui omnes ab eodem curati: nimirum ut sanctitatem Hilarionis Dominus commendaret, & innotescere faceret. Aliquid simile contigit in Triphone (cuius res gestas scripsit Metaphr.

Metaphr.

Metaphrastes septima Februarii) qui Sanctus Dei ordinatione à lōginquis partibus vocatus est: ut dæmonem à Gordiani Imperatoris filia propulsaret: nimirum ut sanctitas pauperuli Triphonis in aula Imperatoria magno in pretio haberetur.

3. *Tertius finis*, propter gloriam Dei, & Christi manifestandam: quæ non mediocriter manifestatur, dum vidēt

homines malignos spiritus Christi nomine audito tremere, fugere, & exire vllulantes. Quinimò, aliquando Deus, propter suorum amicorum gloriam, & honorem, potestatem eijciendi dæmonia eis concessit. Honore prosequitur Deus etiam in hac vita Sanctos viros, quantus vero honor in Sanctos redundet, dum nunc ad ipsorum vinētium imperium dæmonia profligantur; nunc postquam ex hac vita decesserunt suorum osium attactu fugiunt, vel solo nomine eorum audito exhorrescunt, ac trepidant, quis ignorat?

*Quartus finis* eiusdem potestatis est, liberatio obsessorum. Voluit enim Deus (qui non solum medicus est animarum, verum etiam & corporum) relinquere in Ecclesia sua remedium ad homines liberandos ab ingenti calamitate, & miseria obsidētium, & molestantium dæmonum, cui male mederi non poterat, nisi hac potestate concessa.

Sunt & alij plures fines: nimirum splendor, ac ornatus Ecclesiæ, hominis exaltatio, dum hac potestate potentissimum hostem profligat. Insuper cōfusio malignorum spirituum: confundentur utique videntes se præstantioris naturæ ac viriū; subijci, profligari, & inuitos suis domicilijs pelli. Alios verò fines excogitare non est difficile: sed nos præfatis

contenti simus.

*Annotatio ad sequentia.*

**E**xplicata qualitate, & fine præfata potestatis: superest inquirendum de causa materiali; id est de hominibus, in quibus est prædicta potestas. Ac deinde de conditionibus, & requisitis in subiecto eiusdem potestatis; ut in actum exeat, & vsui mandetur. Sit igitur

DISPUTATIO V.

*An sit aliquod certum hominum genus, penes quos sit, aut extiterit potestas fugandi damones, ne hominibus noceant, an verò vaga sit, nulli hominum generi, conditioni, aut sexui assignata?*

**I.** ET videtur, omnes Christi fideles eam possidere ex loco sæpè citato, ac citando Marci ultimo, *Mar. ult.* ubi Christus Dominus ait: *Signa autem eos, qui crediderint, hac sequentur, in nomine meo damonia ejcent, &c.* Ecce omnibus fidelibus promittitur dicta potestas. *Dicit quis:* omnibus illius primæ Ecclesiæ data est; at modo quibusdam tantum concessa est. *Contra:* nam ea, quæ Christus Dominus promisit sui temporis fidelibus, ad alios extendenda sunt: nempe, quæ Apostolis ad Episcopos, & presbyteros, quæ laicis, ad laicos: maxime quando promissio ordinabatur ad bonum Ecclesiæ regimen, ut dicitur in materia de clauibus. Sed illo in

tempore Christus promisit fidelibus, etiam laicis, potestatem eiiciendi damonia: ergo etiam ad laicos fideles nostri sæculi promissio extendenda est.

*Secundo,* Apostolis, & Discipulis, dixit Dominus, *Luc. 10.* *Ecce dedi vobis potestatem calcandi super serpentes, & scorpiones:* id est, super damones: ergo isthæc potestas modò permanet in Episcopis, Sacerdotibus, & eorum ministris, qui successerunt Apostolis, & Discipulis Christi.

*Tertio,* Ecclesia à tempore Apostolorum, vsque modo, habet initiatos ordine exorcistarum, qui inter Ecclesiasticos computantur; quibus ex officio incumbit abigere damones: ut colligitur ex verbis suæ ordinationis superius citatis, in disputatione secunda: qui & dicuntur successisse Christi Discipulis: ergo modo ad exorcistas tantum hæc potestas redacta est. *Antecedens patet,* à tempore D. Ignatii Apostolorum Discipuli. Videndus est Cornelius Summus Pontifex ad Fauium, & Antiochenum Concilium, ac Romanum sub Syluestro, Laodicenum, & Carthaginense quartum: Diuus Hieron. in *episto. ad Titum, cap. 3.* Confirmatur, *D. Hieron.* quia in Concilio Laodiceno statutum est: ne qui non sunt ab Episcopis ordinati, tam in Ecclesijs quam in domibus exorcizare præsumant: ergo potestas hæc modo apud solos exorcistas residet, alias non prohiberet Ecclesia ceteros, ne exorcizarét: quia esset iniusta,



& pernitiōsa prohibitio in re tam necessaria pro fidelium vtilitate.

*Quarto:* nam Christus Apostolis, & Discipulis contulit eam potestatem ad confirmationem suæ doctrinæ: at modo nostris temporibus, maximè ubi Christi fides viger; non est necessaria hæc confirmatio, quia altas radices misit: ergo iam non manet, neque necessaria est potestas hæc in Ecclesia.

3.

Pro decisione recensere decreui multa, quæ reperiuntur, aut reperiri possunt, quando virtute diuina fugantur dæmonia: ne in hac quæstione, & similibus in æquiūoco laboremus. *Primum* est potestas adiurandi dæmones, iubendo fugam capeßere ob reuerentiam alicuius rei sacræ. *Secundum* potestas abigendi eos collata à Deo per designationem alicuius, vel aliquorum, quos elegit Deus ad id munus obeundum. Cui designationi annexa est Dei assistentia extrinseca, qua paratus est gratiam eiectionis dæmoniorum, ijs, quos elegit, communicare; sicut & quando oportuerit. Ad istum modum elegit quosdam in Prophetas, non conferendo eis aliquod donum habituale, sed suam assistentiam paratam habens: vt quando opportunum esset, reuelationem dicendorum impartiretur Hieremiam designauit in Prophetam ab vtero, iuxta illud primi capit. *Prophetam in gentibus dedite*, id est, elegi, & designaui: & alibi: *Posuit os meum Dominus, vt gladium acutum, sub ægumento manus sue protexit me, posuit me*

Hier. 1.

sicut sagittam, &c. Quæ verba clarè denotant Dei assistentiam paratam, vt acciperet prophetiæ donum, & vsui mandaret, quando res postularet. *Tertium*, quod inuenitur in fugandis dæmonibus, est ipsa gratia eiectionis dæmoniorum, quæ est pars gratiæ miraculorum, & principium proximum effectuum eiiciendi, & fugandicia. *Quartum* est vsus istius gratiæ per actualem eiectionem mediantibus aliquibus signis sensibilibus.

*Secundo præmittendum est*, adiurationem dæmoniorum dupliciter posse fieri. Vno modo solemni ritu, ac cæremoniis ab Ecclesia institutis. Secundo modo per nudam, ac simplicem alicuius rei sacræ obtestationem. His positis.

*Dico prima.* Potestas adiurandi dæmones, præcipiendo eos exire, nuda, ac simplici adiuratione, nulli hominum generi, nulli statui, aut sexui alligata est, sed per omnes vagatur. At vero potestas adiurandi dæmones solemniter, solis exorcistis, id est ordine exorcistarum initiatis, concessa est. Prima pars huius asserti est Diui Thomæ in quarto dist. 24. quæst. 2. art. 2. ad vlt. Et secundo prob. ex vsu fidelium, qui oblata occasione indifferenter adiurant dæmones, vt inferius videbimus. *Tertio:* Quia ad pugrandum contra dæmones exitiales hostes adiuratione armanur fideles, tanquam remedio sibi relicto à Deo: ergo quiuis eorum in sui defensionem poterit licitè vti adiuratione.

*Secunda Pars eiusdem asserti. prob. primo.*

4. Assert. 1.

*primo.* Nā in usu omniū Sacramētorū & Sacramentalium, quorum actus quantū ad substantiam possunt elici à nō ordinatis, si soēlni ritu, & pōpa fiat, à solis ordine initiatis potest licet fieri: verbigratia, baptizare solemniter solis Sacerdotibus conuenit: at baptizare non solemniter ad omnes fideles spectat: legere epistolam solemniter solis subdiaconis licet: at quomodocunque legere, omnibus nobis. Similiter adiurare solemniter dæmones ad solos initiatos ordine exorcistarum spectat, at verò adiurare non solemniter ad omnes. *Secundo prob.* ex Concilio Laodiceno citato in confirmatione tertii argumenti.

*Dico secundo.* Initio nascentis Ecclesiæ, & circa Apostolorum tempora, ferè omnes fideles designabantur, & eligebantur ad abigendos dæmones per adiurationem. *Prob. Luca, & Matt. 10. & potissimè Marci ult. Secundo.* Nam ferè omnes fideles intendebant propagationi, & prædicationi Christianæ fidei, quæ signis, & potentis confirmanda erat, inter quæ non est minimum profligare vires dæmonum: ergo ad Dei prouidentiam pertinuit, quæ insinuat *Marci ultimo*, ferè omnes fideles eligi ad dæmones fugandos. Insuper & decuit tales assignatos, & electos habere Dei assistentiam paratam ad fugandum de facto præfatos hostes, sicut & quando oporteret, prout iudicauerit diuina prouidentia, eo quod Deus in more habet conferre eis,

quos elegit ad aliquod munus obeundum, omnia necessaria ad id peragendum.

*Tertio dico.* Nostis hisce temporibus paucos elegit Deus, ac designauit ad dæmones propulsandos per adiurationem (excipimus ordine exorcistarum initiatos, de quibus statim.) *prob. assertum;* etenim aliquos, qui non sunt exorcistæ ex officio, elegisse ad id efficiendum ex euentibus palam fit: cum sæpè experti fuerimus aliquos nullo ordine insignitos, multum pollere terribilesque fuisse ad propulsandos dæmones; quod sine diuina electione fieri non posse certum est. Similiter paucos esse, aut fuisse, qui hac gratia gauderent certo certius est. *Et notandum* de istis à Deo designatis debere affirmari habere potestatem abigendi dæmones; non quia à tempore suæ designationis habuerint aliquid reale actuale, siue habituale; sed per solam denominationem extrinsecam dicuntur habere hanc potestatem, nempe per designationem, & electionem, & extrinsecam assistentiam; ad eum modum, quo prætores designati à Rege dicuntur habere potestatem iudicandi subditos per solam designationem Regiam, & paratam Regis assistentiam. Vnde quando Christus dixit Apostolis; *Ecce dedi vobis potestatem eijciendi demonia*, nihil habituale, aut actuale eis contulit; sed solum elegit eos, & promisit suam assistentiam ad id munus obeundū. Collaturus tamen, quando actu eij-

6.  
Assert. 5.

cons.  
mod.

5.  
Assert. 2.

Luc. 10.  
Matt. 10.  
Marci. vi.



cerent dæmonia donum actuale miracula faciendi, quod appellamus gratiam eiectionis dæmoniorum.

7.  
Assert. 4. Dico quarto. Omnes initiati ordine exorcistarum, habent potestatem fugandi dæmones per designationem, & electionem: id est omnes sunt designati, ut munus hoc abigendi dæmones exercent. Probat: quia ordo exorcistarum ad hoc institutus est.

Assert. 5. Dico quinto. Omnes initiati ordine præfato, ex vi suæ ordinationis habent assistentiam diuinam præparatam, ac disponentem, ac præparantem eos, ut gratiam fugandi dæmones, quæ est donum actuale, recipiant quando, & sicut oportuerit, iuxta diuinæ prouidentie regulas. Hoc assertum prob. Nam si ordo exorcistarum à Christo Domino institutus est ad illum finem: ergo his, quos elegit, mediante eius ordinis initiatione, præsto adest largiturus ea, quæ necessaria sunt ad id officium exorcistæ exequendum. Assistentiam autem Dei esse necessariam, quis ambigit? Confirmatur. Character (quem dicunt aliqui imprimi exorcistis) videtur esse principium non solum adiurandi dæmones, verum & abigendi, quando id expedierit: ergo habet paratum auxilium, saltem extrinsecum, ut in actum exeat quando id oportuerit.

At vero si teneas cum aliis, inter quos est Magister Dominicus Soto in 4. d. 24. q. 1. art. 4. ordinem exorcistarum, neque esse Sacramentum, neque characterem imprimere: sed dumtaxat ex Ecclesiæ institutione: tunc no-

strum assertum etiam approbandum est: valde enim pium est credere Ecclesiam sponsam Christi ab eo impetrasse, ut initiati eo ordine, quem ipsa instituit ad abigendos dæmones, designarentur, & eligentur, à Deo, ornarenturque ea assistentia, quæ necessaria erat ad exequendum officium sibi destinatum.

8.  
Assert. Dico sexto. Si sermo sit de potestate eiectionis dæmonum, quam diximus esse actuale donum Dei, & gratiam gratis datam, principiumque effectuum fugandi dæmonia: certum est initio nascentis Ecclesiæ, & circa tempora Apostolorum viguisse fere apud omnes fideles. Prob. rationibus adductis pro secundo asserto.

Assert. Dico septimo. Nostri temporibus non desunt, quibus gratia hæc eiiciendi dæmones concessa sit: sed tamen non tam liberaliter, nec in tot effusa, sicut tempore primitiue Ecclesiæ. Tunc, fere omnes; nunc rari præfata potestate potiuntur. De primis habemus sacras literas id testificantes. De secundis, experientia didicimus. Quod si ratione illius liberalitatis, & huius maioris coarctationis scire cupis: aduerte, præfatam gratiā, seu potestatem ad confirmandā doctrinā Christi, præcipue ordinari: maxime ut intelligerent homines, dæmoniorum Regnum Christi aduentu dissipari iuxta illud *Nunc princeps huius mundi eiicitur foras*; quod nihilo expressius, aut melius potuit doceri, quā dæmonum fuga, aut propulsatio. ne per nominis Iesu inuocationē (res certe

certe viribus hominum impar ) at  
iam radicata , & stabilita fide Chri-  
sti, & per omnem terrarum orbem  
propagata : non indiget his stabi-  
limentis. Vnde non mirum ea cre-  
bra signa, ac prodigia , & potesta-  
tem propulsandi dæmones, quæ in-  
ter potissima portenta numeraba-  
tur, ex parte cessasse , & non tam  
frequenter, & in tanta copia fide-  
libus communicari, sicut in princi-  
pio Ecclesiæ nouellæ. Præclare D.  
Gregorius Homilia 29. & Beda  
exponentes testimonium sæpe ci-  
tatum , ex Marci ultimo : Num-  
quid ( inquit Gregorius ) fratres  
mei, quia ista signa non facitis minimè  
credituri : sed hac necessaria in exordio Ec-  
clesiæ fuerunt: vt enim fides cresceret, mi-  
raculis fuerat nutrienda : quia & nos  
cum arbuta plantamus , tamdiu eis a-  
quam infundimus, quo vsque ea in terram  
conualuisse videamus : at si semel radi-  
cem fixerint: irrigatio cessabit. Et D. Au-  
gust. lib. de vera, & falsa Religi. c.  
25. ait: Cum enim Ecclesia Catholica  
per totum orbem diffusa, atque fundata  
sit: nec miracula illa in nostra tempora du-  
rare permissa sunt : ne animus semper vi-  
sibilia quæreret , & eorum consuetudine  
frigeret genus humanum , quorum  
nouitate flagrauit. Et lib. de vtilitate  
credendi cont. Manichæos capit.  
16. Facta sunt igitur illa miracula opportu-  
nissime : vt ipsa multitudo credentium  
congregata, atque propagata in ipsos mores  
vtilis conuerteretur autoritas.

Dico octauo. Si sermo sit de potestate  
eiectionis dæmonum ( quam diximus

esse actuale donum Dei, principiumque affectuum fugandi dæmonia) non alligata fuit etiam initio nascentis Ecclesiæ, neque modo certo hominum generi, non aetati, vel sexui: sed ad omne genus hominum, etiam laicorum spectauit, & spectat pro voluntate Spiritus sancti hanc gratiam largientis gratis, nunc illis, nunc his. Et quidem veritas nostri asserti initio Ecclesiæ Christi, & circa tempora proxima Apostolorum, res comperta est præcipue ex testimonio sæpe citato Marci vlt. Idem affirmat Tertu. lib. de corona Militis, dicens Tertul. à Militibus eiectionis esse spiritus im- mundos: & lib. de idolatr. c. 11. ait parentes solitos esse exorcizare proprios filios. Iustinus item, & Lactantius citati in disput. 1. idem docent. Imo Iustin. infideles hanc potestatem aliquando habuisse docebimus inferius. Et Metaphrastes septima Februarij affirmat sanctum Triphonem, qui pastor fuit anserum, terribilem fuisse dæmonibus , in tantum , vt ille, qui Gordiani Imperatoris filiam obsidebat , ausus est dicere, non se ab illa exiturum nisi Triphonis exorcismis cogeretur. Initio itaque primitiæ Ecclesiæ , viri sacrati, & laici, indifferenter hac potiebantur potestate. & gratia. Idemque asserimus nostris hisce temporibus, scilicet non in solis initiatis ordine exorcistarum reperiri. Probat ex pbatissimis historijs, & testimonijs virorum pborum asserentium se vidisse viros laicos dæmones eiectionis ab obsessorum corporibus. Multa pos-



possent afferri exempla, de quibus infra. Sed ne quis proteruè contendat, eos fuisse initiatos ordine exorcistarum: meminisse oportet, fuisse aliquot præclaras fœminas, in quibus ordo Ecclesiasticus locum nō habet, hac donatas potestate eiiciendi dæmonia ab arreptitiis. De sancta Briggitta refert Surius, to. 4. eam quendā iudicem secularem, deinde suum curatorem, tertio quandam fœminam, ab infestatione dæmoniaca liberasse. Et

*Surius.*

*Raymūd.*

D. Catherina Senēsis (vt refert Raymundus in eius vita) signo Crucis spiritum nequam eiecit. Et sancta Genouefa refert Surius *tomo 1. in Ianuario*, plurimos dæmoniacos curasse: & idem *tomo quarto*, de sancta Anatholia narrat, dæmoniacum nomine Anianum Diodori viri Consularis filium, qui se eius precibus incendi clamabat afflasse, & ab spiritu obsidente liberasse. En modo gratia eiectiua dæmonum aliis qui non sunt exorcistarum ordine initiati communicata est. Item, potestas arceendi dæmones est pars non minima potestatis miracula faciendi: sed huius collatio ad Spiritum sanctum spectat, qui eam dat pro suo arbitratu, modo huic, modo illi, vt dicitur

*1. Cor. 12*

*1. ad Corinth. 12.* ergo Ecclesia non debet, neque potest eam potestatem aligare solis exorcistis. Præcipuæ vires huius rationis ostenduntur, si dicamus, ordinem exorcistarum esse institutum ab Ecclesia.

Dubium, *An omnes exorcista habeant donum actuale ad eiiciendos dæmones?*

Quod in hac re magnam difficultatem habet, illud est, an omnes initiati ordine exorcistarum potiantur de facto dono actuali eiiciendi dæmonia; quotiescunque se offert occasio, & eiectio dæmonum iudicatur expedire?

Et videtur vera pars negatiua. *Primo*, Nam gratia hæc pertinet ad miraculorum gratiam, vt docuimus disputatione secunda præcedenti: sed gratia miraculorum, & aliæ gratiæ gratis datæ non possidentur infallibiliter à certo genere hominum: alias falsum esset quod ait D. Paulus *1. ad Corinth. 12.* dicens, Spiritum sanctum diuidere eas gratias singulis prout vult: ergo hæc gratia eiiciendi dæmonia non conuenit omnibus exorcistis, sed quibusdam sic, quibusdam non. *Dices*, fortasse minorem esse falsam; fuerunt enim quædam familiæ ab auis, & proavis spiritu prophetico afflatæ: fuerunt etiam, & modo sunt, quædam familiæ habentes gratiam sanitatum: cur non etiam poterunt habere gratiam miraculorum, & eiiciendi dæmonia? Esto ita sit; *secundo arguitur*, Ecclesia per Sacramenta, aut Sacramentalia, non potest eam gratiam conferre omnibus illorum Sacramentorum, aut Sacramentalium ministris, alias hæc distributio non pertineret ad Spiritum sanctum diudentem, prout vult: ergo. *Tertio & vrgentius idem prob.* Multi reperiuntur exorcistæ, qui tentarunt eiicere dæmonia, nec potuerunt; ergo non in omnibus exorcistis hæc

*repe.*

reperitur potestas. *Prob. conseq.* In omni alio ordine Ecclesiastico, ubi aliqua potestas confertur, si non desit debita materia, non frustratur suo actu ea potestas; ut patet inductiuè: ergo in ordine exorcistarum, si esset potestas eiiciendi dæmonia, quocunque exorcista proferente exorcismos supra verum energumenum pelleretur dæmon: videmus autem non arceri: ergo non est in eo talis potestas.

*Dicit quispiam*, non arceri dæmonium; quia non expediebat arceri.

*Contra*, quia rebus eodem modo se habentibus, accedit alius exorcista, qui eisdem machinis, quibus prior usus, & non maiori sanctitate, fide, aut aliis bonis ornatus, imo interdum minoribus, facile pellit dæmonem: ergo non est cur hæc eiectio tribuatur, nisi, quia vnus gaudet potestate eiiciendi dæmones, & alter non.

*Quarto*. Eiectio dæmonum non debet tribui etiam in exorcistis ipsorum ordini: ergo fundamento debili fulcitur asserere, omnes, qui eo ordine initiati sunt, gratia eiiciendi dæmones pollere. *Antecedens probatur*

*primo*: quia eiectio hæc pertinet ad gratiam gratis datam, quæ est principium effectiuum illius: ergo non ad ordinem, seu Sacramentum; alias eiusdem effectus essent duo principia. *Secundo*. Actus qui proficiscitur ab aliquo ordine ex minoribus, qualis est exorcistarum, merè naturalis est, & potest fieri quocunque non initiato, ut docet D. Thom. 4. 2. 4. q.

2. art. 2. ad vltim. sed eiectio dæmonum non est naturalis, sed supernaturalis superans naturæ hominum vires: ergo non est ab ordine exorcistarum.

*Tertio*. Quia repugnat gratiæ gratis datæ alligari certo hominum generi: ut patet ex Diuo Paulo 1. ad Corinth. 12. ergo.

*Quarto*. Quia repugnat gratiæ gratis datæ habere aliquod principium habituale; alias esset in potestate habentis illud principium, possidere illam gratiam gratis datam.

*Pro alia parte non desunt argumenta*. Omnes initiati ordine exorcistarum habent potentiam abigendi dæmonia, & diuinam assistentiam paratam ad id muneris exercendum: ergo oblata occasione, si id expediat, & ipsi non apposuerint obicem, possidebunt donum actuale, id est, gratia eiectiuam dæmonum. *Antecedens notum est*, si vera sunt, quæ asseruimus in 4. & 5. dictis huius disputationis. *Consequentia vero probatur*, quia frustra est potentia, quæ ad actum non reducitur. *Secundo*. Non est credibile, Deum, aliquem, vel aliquos elegerit in Prophetas, quibus non conferatur actuale prophetiæ donum, quando & sicut expedierit prophetare: ergo idem dicendum est de omnibus initiatis ordine exorcistarum, quos esse electos ad abigenda dæmonia iam docuimus: nam dicere eos electos esse tantum ad adiuvandum dæmonia ex officio; ut quidam possent dicere; parum tribuit ordini exorcistæ, cum hæc omnia quiuis è plebe possit exercere.



24.

conclusio

His argumentis pro utraq; parte factis mihi res dubia est: sub correctione tamen sanctæ Romanæ Ecclesiæ, & sapientiorum iudicio, probabile iudico. Multos initiatos exorcistarum ordine, nunquam habituros gratiam eiectionis dæmonum; id est, donum actuale eiiciendi dæmones, etiam si quæcunq; offeratur occasio eiiciendi: & etiam si illi non apposuerint aliquod impedimentum præfatæ gratiæ recipiendæ. Probabiliorem tamen reputo oppositam partem. *Primæ pars* conceditur argumentis factis pro parte negativa, *secunda* verò argumentis pro parte affirmatiua.

25.

*Ad primum* pro parte negativa resp. *Ad primum*, & *secundum* esse contra rationem gratiæ gratis datæ, quod ab vno, vel pluribus infallibiliter, & in omni euentu possideatur, & quod ita alligetur certo hominum generi; ut nulli alteri conferri possit, aut conferatur. Nos verò non concedimus exorcistis esse conferendum donum actuale ad eiicienda dæmonia infallibiliter in omni euentu: sed dumtaxat quando, & sicut oportuerit iuxta Spiritus sancti placitum. Similiter non dicimus eis alligari donum hoc; ut nulli alteri possit communicari. *Hinc patet ad primum, negando consequentiam*: ad *secundum* distinguitur antecedens, autoritatiuè concedo, per impetrationem nego. Nec hoc tollit, quin alijs pluribus Spiritus sanctus pro sua voluntate hoc donum impertiatur.

*Ad tertium resp.* Quando exorcistæ tentant eiicere, & non eiiciunt Dæmonia, inanitas istius conatus, vel reducitur ad aliquem defectum exorcistæ, vel obfessi, vel ad vtrumque, vel quia id non expedit. Et runc negatur consequentia. *Ad prob. resp.* Sicut in Sacramento Extremæ vñctionis reperiuntur plures actus. *Primus* est collatio gratiæ Sacramentalis; & iste infallibiliter datur suscipienti Sacramentum. *Alter* est sanitas corporalis: & hæc non datur semper: sed quando, & sicut expedierit. Ita in ordine exorcistarum reperiuntur plures actus. *Primus* est adiurare dæmones, & iste semper licitus est exorcistis, si adsit dæmon adiurandus. *Alter* est recipere motionem Dei, & ea mediante eiicere dæmones; & iste non conceditur semper, quantumcunque sit materia præparata: sed dumtaxat quando, & sicut oportuerit, iuxta Spiritus sancti placitum. Et *ad replicam respondetur*: nos ignoramus causas, quare expedit ut hic expellat exorcista, & alteri non concedatur expulsio, sed semper adsunt.

*Ad quartum distinguitur anteced.* Nam eiectionis dæmonum non tribuitur ordini exorcistarum, neque eius characteri (si fortè illum imprimat) tanquam principio effectiuo eiectionis dæmonum, aut gratiæ eiectionis recipiendæ. Et hoc stabilitur omnibus probationibus pro antecedenti. At verò tribuitur ordini: quia in ipsa ordinis institutione Christus quasi promisit, aut Ecclesia impetrauit.





eiiciendi dæmonia) tamen remanet quædam habilitas ad hoc, vt facilius iterato moueatur à Deo, & quanto pluries mouetur, tanto fit habilior, vt moueatur. Propter quod August. in lib. de orando Deum Epist. 121. dicit esse necessarias crebras orationes, ne concepta deuotio totaliter extrin- guatur.

Tertio potest intelligi id ipsum pro- uenire ex multiplicatis actibus eius- dem potestatis; ex qua multiplica- tione fides & fiducia adiurantis ro- bustiores fiunt, experientes fœlicem euentum. Certum est autem, vt infra videbimus, robur fidei, ac fiduciam, multum valere ad præparandum mentem receptione illius, mo- tionis diuinæ, quam diximus esse ipsam potestatem eiiciendi dæmo- nia. Et idè illi homines, vbi isthæc fides reperitur, plus alijs potentes sunt ad eiiciendos dæmones. Hæc vera sunt, sed melius proceditur in prima ratione, attribuendo quæ diximus, diuinæ deputationi.

28. Ex dictis facilè soluuntur argu- menta posita in principio huius dis- putationis. *Ad primum*, & secundum, colliges quid sit dicendum ex tertio, quarto, & octauo dicto. *Ad tertium resp.* ex quarto, & quinto, & octauo dicto. *Ad consir. resp.* prohibitionem illam Concilij Laodicensi non esse intelligendam de potestate adiuran- di dæmones sine solemnitate; & mul- to minus de potestate eiiciendi dæ- monia per actuale donum; quæ cum pertineat ad gratias gratis datas, for-

rasse non potest cadere sub Ecclesiæ prohibitionem: sed præfata prohibi- tio intelligenda est de potestate so- lemniter adiurandi dæmones, quæ laicis interdicta est: & meritò; eo quod ritus illi, & sermones, qui in exorcismis solemnibus adiungun- tur, creuerant plus nimio, & multæ superstitiones admiscebantur ab i- gnaris, seu prauis adiuratoribus. Quare Ecclesia ritus designauit, exor- cismos instituit, & ne superstitiones, & abusus obreperent, adiurationes eum ritibus comitatas exorcistis de- legauit, ac cæteris prohibuit. Quin- imò cenfeo, ab initio primitiuæ Ec- clesiæ has solemnes adiurationes so- lis initiatis ordine exorcistarum esse permissas; sicut à primordijs nascèris Ecclesiæ solemnes administrationes Sacramentorum & Sacramentaliū, quæ possunt ministrari à laicis, solis viris sacratis concessæ sunt: vt patet in Sacramenti Baptismi administra- tione, & in actibus deputatis ordini- bus minoribus.

Ad quartum argum. resp. potestatem adiurandi, & fugandi dæmonia, si- cut & quæcunque miracula facien- di, concessam esse præcipuè propter confirmandam Christi doctrinam; sed non propter solum hunc finem: multos enim alios commemorauimus superius in disputatione quar- ta. Quare esto præcipuus ille finis cessasset (nō autem cessauit ex toto) tamen alii fines adhuc perseverant, & propter eos eandem potestatem perseverare in Ecclesia necesse est.

## DISPUTATIO VI.

*Utrum ad recipiendum hanc potestatem efficiendam dæmonum, id est donum Dei actualis, requiratur in adiuvatore aliqua dispositio naturalis.*

1. **ET** supposito, ex disputatione tertia præcedenti, hanc potestatem esse à causa supernaturali, Deo optimo maximo; restat modo inquirendum, an ad hanc collationem prærequiratur aliqua dispositio naturalis? nam benè posset fieri ut Deus vellet conferre aliquod donum supernaturale hominibus dependenter ab aliqua dispositione naturali; ad eum modum, quo infundit animas racionales (quarum solus ipse est autor) præexigendo dispositiones naturales in materia, quæ sunt ab homine generante.

Et videtur vera pars affirmativa; potestas abigendi dæmones est passio quædam & motus voluntatis ad dæmonia profliganda: sed hic motus, aut passio, cum sit operatio vitalis potentie puræ spiritualis, exigit ea omnia, quæ ad operationem intellectus & voluntatis requiruntur, puta phantasiam non læsam, imaginationem non turbatam: ergo prærequirit in sui collatione aliquam dispositionem naturalem.

Secundo. Impedimentum naturale est fortius, quam id, quod accidentaliter superuenit: sed aliqua ac-

cidentaliter superuenientia impediunt huius potestatis usum: verbigratia, ebrietas actualis adiutoris, timiditas vehemens dæmonum: ergo multo fortius indispositio naturalis complexionis impedit hominem, ne recipiat à Deo donum hoc abigendi dæmones.

Tertio. *Quæ sunt, à Deo ordinata sunt*, Ad Rom. 13. ergo potestas præfata, quæ à Deo est, non debet dari indispositis, quia tunc inordinatè daretur. *Confirmatur*, Deus in donis suis non procedit irrationabiliter: ergo concedit donum hoc potius his, quam illis, propter aliquam dispositionem maiorem, quam prævidet in his, potius quam illis. *Dices*, sicut supra diximus, propter deputationem horum, & non illorum, ad huius potestatis usum. *Contra* redit eadem dubitatio. Nam quare hos potius deputat, quam illos, non nisi propter aliquid quod reperitur in his, non in illis.

Sit tamen nostra *Asert.* Ad potestatem hanc abigendi dæmones habendam, non prærequiritur in homine aliqua naturalis dispositio. *Probat.* Illud, quod dependet ex solo dantis arbitrio, non prærequirit aliquam dispositionem in suscipiente: sed gratia, seu potestas abigendi dæmones dependet ex solo arbitrio Spiritus sancti volentis dare, ut dicitur primæ ad Corin. 12. & 1. Cor. 12. Ioan. 5. *Spiritus ubi vult spirat.* ergo Ioan. 5. &c.

*Secundo.* Deus in corporalibus ef-

D 3 scilicet



fectibus, quos per se ipsum producit, neque eget materia, neque dispositione: sed unico actu formam & materiam & dispositionem producit: imò sine vlla dispositione materia potest formam in materia introducere: ergò in effectibus spiritualibus, quos per se producit, qualis est potestas abigendi demones, non præexigit dispositionem naturalem aliquam: sed ipse, qui potestatem dat, disponit subiectum, ut recipiat illam. *Confirmatur.* Si crearet hominem simul cum hac potestate, non præexigeretur aliqua dispositio naturalis: ergo nec modo præexigitur.

Ad primum in contrarium adductum *resp.* Quando nos asserimus ad donum hoc seu potestatem abigendi demones non prærequiri dispositionem aliquam naturalem: non asserimus non prærequiri subiectum capax illius doni: eo quod cum donum illud sit actus quidam humanus, nequit à Deo suppleri. Tum, quia susceptum non potest esse absque susceptivo, nec actus vitalis sine principio intrinseco, à quo fiat, & in quo recipiatur. Hac enim omnia pertinent ad causalitatem in genere causæ formalis, quam Deus suppleri non potest: sed dicimus hoc gratuitum donum infundi à Deo sine aliqua necessario prærequisita dispositione naturali aliunde proveniente. Vnde si contingat ad eum actum eliciendum, & ad eam passionem recipiendum, non esse appropriatam potentiam, Deus, qui lar-

gitur eam motionem, impartitur etiam dispositionem, & reformat lesionem phantasie, seu imaginatiue in melius: sicut quando curat oculos, aufert lippitudinem, ut clarè videre possit.

Ad secundum concedimus, esse aliquam naturalem indispositionem: quæ si non remoueretur impediret receptionem præfatæ potestatis, seu doni: verbi gratia, si quis esset totaliter ab usu rationis alienatus per ebrietatem, aut verò valde impeditus propter vehementem iram, aut timorem, vel quid simile: sed talem indispositionem naturalem remouet virtus diuina, quando eam potestatem, seu donum largitur hominibus.

Ad tertium responderetur, ordinationem in largitione donorum gratuitorum non esse aliam, nisi Dei voluntatem, ut habetur *prima ad Corinth.* 12. & ob id aliquando conferuntur illis, qui videntur esse ad hoc maximè indispositi, vel ex naturali complexione, vel ex prauis moribus: ut sic largitio hæc diuinæ virtuti attribuat, & non gloriatur omnis caro coram illo. *1. ad Corinth.* 1. Sic etiam *resp. ad confirm* dicendo rationem, quare hos potius deputat, quam illos ad profligandos demones, non esse aliam, nisi quia Deus sic vult fieri. Quod si congruentia desideras: scito esse aliquos, per quos attempta naturali complexione melius adiuratoris officium exercetur, puta quia sunt audaces, impauidi, & huiusmodi, secundum quod

*Thom.* quod diuina iudicat Sapiencia : & interdum hos eligit aliis relictis. Ita philosophatur D. Thom. de veritate: *question 12. de prophetia articu. 3. ad 4. & 6.* & nos etiam de dono hoc eiiciendi dæmones, sic famur.

DISPUTATIO VH.

*An sanctitas, & morum integritas sit requisita in adiurante, seu expellente dæmones, ut possit exercitio mandari presata diuina potestas?*

*II.* **E**T videtur vera pars affirmatiua, *I. Cor.* primo, quia potestas seu donum abigendi dæmones est motus, seu actus quidam ab Spiritu sancto, ut supra docuimus: ergo non potest esse ab homine peccatore; quia illa posset male uti; ac ex consequenti non esset donum Spiritus sancti. *I. Cor.* Secundo Potestas eiiciendi dæmonia sæpe data est ad testificandum sanctitati eiicientis seu adiurantis dæmonia, ut inferius exēplis manifestabimus, ergo necessariò requirit in adiurante sanctitatē, & morum integritatem, alias Deus testis falsitatis esset.

*Diony.* **T**ertio, Deus in largiēdis donis modū naturalē operādi sequitur, ut res suauius geratur, ut autor est D. Dionysius. 4. ca. de diuinis nomi, vbi diuinā bonitatem radio solari comparat, propter similitudinem effectus, sed in operatione naturali magis dispositis aliquæ perfectiones magis dantur; sicut à sole corpora ma-

gis perlucida magis illustrantur. **Tunc** sic: Ad recipiendum potestatem abigendi dæmones magis dispositus est quiuis bonus quā racunque minima iustitia polleat, quam quiuis malus: videmus autem quamplures viros iustos hac potestate carere: ergo neutriquam eam habere possunt peccatores: quia sunt minus dispositi.

**Quarto.** Esto non sit necessaria sanctitas aut morum integritas in adiuratore, ut sequatur dæmonum exterminatio: erit tamen necessaria, ut congruenter fiat adiuratio. *Prob.* quia adiurator in expulsiōe dæmonis exhibet se instrumentum diuinæ potestatis erga cacodæmones: ergo tenetur se conformare mundicici & sanctitati principalis agentis, qui Deus est. *Probatur consequentia*, quia *D. Thom.* hoc argumento utitur D. Tho. 3. p. q. 64. art. 6. ad probandum sacramentorum ministros teneri esse in statu gratiæ, quando ea administrant. *Confirmatur.* Exorcizare munus, est annexum ordini Ecclesiastico exorcistarum: ergo initiati hoc ordine si exerceant officium hoc in peccato, irreuerenter agunt: sicut & quilibet alii ordinati, qui suum officium sine gratia exercent, verbi gratia diaconus canendo Euangelium &c.

*Abulensis* Abulensis super septimum caput *Matth.* 9. 32. refert quosdam asserere, eos quibus deest gratia, & charitas, non frui hac potestate eiiciendi dæmones. Quod videtur asseruisse *Chrysostomus.* Homil. 19. in Matthæū.

Nihil.



Nihilominus opposita sententia verissima est, & omnium consensu Doctorum recepta: videlicet non esse necessariam sanctitatem, aut morum integritatem in eo, qui potestate eiiciendi dæmonia utitur. Et pro-

**Matth. 1.** batur primo. *Matth. 7.* ait Dominus: futuros quosdam qui in die iudicii dicent: *Domine nonne in nomine tuo prophetauimus? & in nomine tuo dæmonia eiecimus? & virtutes multas fecimus?* & tunc confitebor illis, quia nunquam noui vos: scilicet notitia approbationis. Et quia posset aliquis dicere, hos quando fugabant dæmones, iustos esse: postmodum vero in peccata corruisse: expendit Theophylactus, &

**Theophyl.** Caietan. Caietan. illud verbum, *nunquam noui vos*, idest, neque quando eiiciebatis dæmonia approbaui vestros mores. Super quem locum ait Cyprianus de vnitatem Ecclesie circa medium. *Prophetare, & dæmonia excludere, & virtutes magnas in terris facere; sublimis ytique & admirabilis res est, non tamen regnum calorum consequitur quisquis in his omnibus inuenitur, nisi recti & iusti itineris obseruatione gradiatur.* Confirmatur: nam Iudas Iscariotis potestatem accepit eiiciendi dæmones, quando & sicut cæteri Apostoli, & gaudens cum illis reuersus est dicens: *Domine etiam dæmonia subiiciuntur nobis*, *Lucæ 10.* & tamen fur erat, &

**Lucæ 9.** loculos habebat.

*Secundo*, Marci & Lucæ 9. ait Ioannes ad Christum Dominum: *Domine vidimus quendam in nomine tuo eiicientem dæmonia, & prohibuimus eum,*

*quia non sequitur nobiscum.* Qui autem non sequebatur Christum, non erat iustitia præditus, aut bonitate morum imbutus. Ecce quomodo donum hoc abigendi dæmones non necessario requirit in eiiciente sanctitatem, aut morum integritatem.

*Tertio*. Prophetia, donum linguarum, gratia miraculorum, potest esse sine charitate, quæ est vinculum totius sanctitatis, vt affirmat Apostolus 1. ad Corinth. 13. *Si linguis hominum loquar, & Angelorum, charitatem autem non habeam* &c. Ecce hæc dona reperiri posse sine charitate præsupponit Apostolus. Ergo & gratia eiiciendi dæmones, (quæ non minima pars est gratiæ miracula, siue res mirabiles faciendi) reperiri potest sine sanctitate, & morum integritate.

*Quarto*, probatur ratione: donum hoc eiiciendi dæmonia, sicut & aliæ gratiæ gratis datæ, dantur in vtilitatem Ecclesie. 1. ad Corinth. 12. non autem ordinatur directè ad hoc, quod affectus abigentis dæmonia coniungatur Deo, ad quod ordinatur charitas, neque ad hoc vt mens exorcizantis disponatur ad charitatem & gratiam habendam, quod fit per virtutes morales: ergo vsus huius doni reperiri potest sine sanctitate & integritate morum exorcizantis.

*Quinto*. Si sanctitas aut morum integritas necessaria est in exorcistis, vt dæmonia eiiciant, & sine illa dæmonia non poterunt fugari: sequitur

tur omnes exorcizantes quotiescunque dæmonia expellunt ab obsessis, certo scire se esse in gratia: cōsequens nullus catholicorum admitteret: ergo &c.

3. His tamen non obstantibus dico. Sanctitas, ac morum integritas valde conducunt (si adsint in his qui dæmonia adiurant) ne nobis noceant, aut nocumenta illata quomodocunque per fugam amoveant. Huic assertioni fidem faciunt quærelæ dæmonum asserentium se præsentia Sanctorum torqueri: fuga item dæmonum, qui antequam Sancti adessent, dum scirent Sanctos aduentare, ab obsessis egredientes fugerunt: quæ omnia exemplis multis allatis inferius ostendemus. Secundò ex historijs & annalibus sci-  
mus, viros & fœminas sanctitate insignes ad dæmones profligandos præ ceteris valuisse: speciatim sanctus Triphon fere circa tempora Apostolorum, de quo Surius ex Metaphraste prima Februarij. Bernardus, Laurentius, Iustinianus, Colubanus, Gregorius Lingonien-  
sis, Remigius Remensis, Benedictus; & in genere fœminarum S. Genouepha, Catherina Senensis, Euphrasia, Brigita, Hildegundis, & multi alij, & aliz, in fugandis dæmonibus insignes fuere.

4. Integritatem autem morum maximè conducere ad exterminandos dæmones, vel ex eo patere potest, quia Dominus de genere pessimo dæmoniorum ait Lucæ. 9. *Hoc genus*

*dæmoniorum non eiicitur, nisi oratione, & ieiunio.* Oratione fugatos dæmones sæpe legimus. & ipse diabolus in Aniano filio Diodori viri Consularis clamavit; se incendi precibus S. Anatholiæ: ita Surius tomo. 4. De ieiunio etiam multa legimus. Sit nobis satis afferre exemplum ex Gregorio Turonensi narrante Nicecium Lugdunensem Archidiaconum vocatum ex Gallijs Romam, ut Leonis Romani Imperatoris filiam ab obsidente dæmone liberaret, opus hoc arduum aggredi noluit, nisi post continuatum cum vigilijs & orationibus triduanum ieiunium. Itaque quarta die per inuocationem diuini nominis, & crucis vexillum dæmonem à puella fugauit.

Plurimum etiam valet animi submissio, & humilitas, cum enim spiritus nequam superbissimi sint, ferre non possunt præsentiam eorum, qui de se humiliter sentiunt. Insigne huius rei habemus exemplum in vita Iordanis Dominicani scripta per Leandrum Albertum Bononien-  
sem. Nam cum eidem Iordano dæmon per obsessum alapam impigisset, & ille alteram maxillam subito præbuisset: confusus superbus spiritus mox reliquit obsessum: quia imò & ipsi dæmones fatentur, se non posse humilium ferre præsentiam, ut videre licet in dæmone fugato à S. Paulo, quem simplicem appellant. Rem narrat Palladius in Sanctorum Patrum historia Sect. 25.

*Adduxerant (ait Palladius) quidam ado-*

*E*

*lescen-*

*Surius.*

*Gregor. Turon.*

*S.*

*Leand. Albertus.*

*Palladius*



rescens obsessum ad Sanctum Antonium, <sup>ximè</sup> autem ardentem amo rem in CHRIS-  
 TUM. Ita Athanasius in eius  
 vita: & penè eisdem verbis i-  
 dem dixit Sanctus Remaclus E-  
 piscopus Traiectensis: qui anno Do-  
 mini 850. claruit. Ita Notgerus in e-  
 ius vita.

ut cum liberaret, hic ut cognouit potentio-  
 rem esse spiritum, quam à se eici posset:  
 cum eodem ad Paulum simplicem, virum  
 magnarum virtutum, properat, & post-  
 quam afflictum Sancto commendauit,  
 ad propriam cellam reuertitur. Paulus ve-  
 ro accingitur ad demonem expellendum,  
 cui ait: Imperat tibi Antonius ut egre-  
 diaris: at spiritus immundus nil curat de  
 his. Tum Paulus me lotam qua indutus  
 erat assumens, & illa dorsum obsessi ver-  
 berans: rursus priorem sermonem repetit,  
 inquit, dixit Abbas Antonius egredere  
 ab homine. Sed neque his diabolus ma-  
 uetur, sed magis insolefcit. Tandem Pau-  
 lus, aut exhibis, aut ab eo ut id dicam Chri-  
 sto, isque faciet ut tibi sit va: & ad oratio-  
 nem conuersus Christum pro adoles-  
 centis incolumitate precabatur, mox  
 spiritus magnis vocibus: Recedo, recedo,  
 discedo ab homine, non amplius ad eum ac-  
 cedo. Pauli simplicitas, & humilitas me ex-  
 pellit. Hec Palladius.

Huic etiam exterminationi dæ-  
 monum admodum prodesse fidem,  
 spem, ac fiduciam, non nostris me-  
 ritis, sed Dei potentie, & bonitati  
 innixam, sacræ Literæ testantur, &  
 nos iam iam paramus dicere. De-  
 mum erga Deum feruentem amo-  
 rem, (qui ferè omnes virtutum a-  
 ctus supponit) valde conducere, ver-  
 ba illa D. Antonij ad suos mona-  
 chos satis superque indicant. Mi-  
 hi fratres (ait Antonius) credite: per-  
 timescit Sathanas piorum vigilias, ora-  
 tiones, ieiunia, voluntariam paupertatem,  
 misericordiam, & humilitatem, ma-

Ad argumenta in contrarium ad-  
 ducta respondetur. Ad primum: mul-  
 ta dona dantur iniquis ab Spiri-  
 tu sancto, non solum secundum  
 habitum, verum & secundum a-  
 ctum, in quo eius bonitas valde re-  
 lucet, quia non solum bonis, sed  
 etiam malis nouit benè vti: neque  
 ex hoc vsu illi aliquid mali accres-  
 cit: quia instrumento malo vtitur  
 ad bonum. Ad confirmationem respon-  
 detur. Aliquem malè vti potesta-  
 te iijciendi dæmones, potest du-  
 pliciter intelligi: vno modo quod  
 ipse potestatis actus, id est ipsa a-  
 ctio, sit in se mala: altero modo, quod  
 quis ipsum actum ad malum fi-  
 nem ordinet. Priori modo non po-  
 test quis malè vti potestate hac,  
 id est per eam efficere actum ma-  
 lum: quia necessario bonus est,  
 & ab Spiritu sancto. Secundo  
 modo nil vetat malè vti ea mo-  
 tione, ordinando ad indebi-  
 tum finem, & tunc actus illius po-  
 testatis bonus est, & ab Spiritu san-  
 cto: ordinatio verò ad malū finem,  
 mala est, & à peruersa hominis vo-  
 luntate procedens, non ab Spiritu  
 sancto.

In secundo argumento essent nobis  
 perquirendi fines, propter quos

Ec.

Ecclesiæ suæ Deus contulit hanc potestatem abigendi dæmones: nisi iam eos enumerassemus supra disputatione quarta, ad quem locum remittimus lectorem. Modo verò dicimus dupliciter Deum operari eiectionem dæmonum per ministerium hominum. *Uno modo* ad fidei confirmationem, quæ maxime per dæmonum eiectionem factam à Christo, & Apostolis confirmata est, videntibus cunctis, tot obsessos, quibus Iudææ regnum abundabat, à dæmonibus liberatos: ita ut nullus superesset obsessus, aut infirmus, qui non sanaretur à Christo, si ad locum accessisset. Idemque egere Apostoli, ut videre licet in Evangelica historia, & actibus Apostolicis. *Secundo modo* ad demonstrandam sanctitatem alicuius: quæ Deus vult proponere in exemplum virtutis. Priori modo nihil verat dæmonia profligati à peccatoribus, per quos vera fides enuntiari potest. Vnde Hieronymus super illud Matth. 7. *Nonne in nomine tuo prophetauimus &c.* ait: *Prophetare, vel virtutes facere, aut dæmonia eicere, interdum non est eius meriti, qui operatur. Sed inuocatio nominis Christi hoc agit, ut homines Deum honorent, ad cuius inuocationem fiunt tanta miracula.* Secundo modo eiectio dæmonum nequit fieri nisi eicientes sanctitate polleant, aut illi, quorum sanctitatis adstruendæ causa, miracula fiunt: & hoc probat secundum argumentum factum, & nihil amplius.

*Ad tertium resp.* maiorem aptitudinem, & dispositionem ad eiciendos dæmones non sumi ex sanctitate, aut morum integritate: sed ex Dei voluntate, & prouidentia: qui interdum iudicat magis aptos, peccatores ad eicienda dæmonia; quam iustos, & dando donum, dat etiam maiorem aptitudinem. *Item* potest contingere homines peccatores esse magis dispositos ad dæmones abigendos, quam aliqui iusti, puta quia hi timidæ sunt complexionis: aut non habent tam robustam fiduciam, vel quid simile: illi vero natura sunt audaces, impauidi, fiduciosi, quod valde iuuat ad recipiendam gratiam dæmonum eiciendorum. Ad hunc fermè modum philosophatur Diuus Thomas, q. 12. de veritate articulo quinto ad sextum.

*Ad quartum respondetur*, illam D. D. Thom. rationem esse intelligendam cum limitatione, quam ipse addidit in solutione ad primum eiusdem quæstionis & articuli, quando actiones sunt sacratæ, & sanctificatæ Deo & ordinatæ, per se & immediatè ad sanctificandos eos, penes quos exercentur. Tales sunt actiones, quas efficiunt ministri Sacramentorum. At vero expulsio dæmonum per adiurationem, ac donum expellendi eos; non est actio sacrata, neque immediatè ordinata ad sanctificationem hominum: sed ad fugandos dæmones, & liberandos miseros obsessos ab



eorum tyrannide. Quod verò ordinetur quandoque ad tollenda impedimenta, quibus homines detinentur, ne se exerceant in officio virtutum, non pertinet per se ad potestatem adiurandi, & eiiciendi dæmones: aut si per se, multum à remotis. Sentio igitur secluso scandalo, aut contemptu; nullum esse peccatum adiurare, aut abigere dæmones, eum qui est in peccato mortali, si non sit initiatus ordine exorcistæ, sicut neque est peccatum exercere donum linguarum aut sanitatis in statu peccati mortalis.

10: *D. Thom.* De exorcistis ab Ecclesia initiatis, quod tangitur in confirmatione, maior est dubitandi ratio: nam *D. Thom. in quarto, dist. 24. q. 1. art. 3. quest. 5.* generalem statuit regulam, videlicet peccare mortaliter eum, qui aliquod sacrum officium, quod sibi ex ordinatione competit, in peccato mortali exequitur, quia indignè tractat res sacras, ac proinde sacrilegium committit: quod ex genere peccatum mortale est. Sed initiatis ordine exorcistarum competit ex sua ordinatione adiurare dæmones: ergo si hoc officium in peccato mortali exercent peccant mortaliter. *Sotus in 4. d. 24. q. 1. ar. 4. circa septimam concl.* putat, nullum committere peccatum initiatum minoribus ordinibus ministerium suum exercendo in peccato mortali, eo quod censeret, eos ordines non esse sacramenta, neque characterem imprimere. Et addit, *D. Thomam in quarto*

oppositum tenentem, sequutum fuisse vulgus. Ac proinde si de hac re egisset in summa, mutasset sententiam.

Sed quidquid sit de hac mutatione, ego existimo, initiatos ordine exorcistarum, si adiurent dæmones simpliciter, & sine solemnitate, id est sine exorcismis & cæremoniis, quas pro adiurandis dæmonibus instituit Ecclesia nullum committere peccatum, ex eo quod sunt in peccato mortali: secluso tamen scandalo ac contemptu, eo quod in his actionibus non se exhibent, ut publicos Dei ministros, ad eum modum, quo dicitur baptizantes sine solemnitate, & ritibus ab Ecclesia institutis, non peccare: & similiter hostiarium, ac lectorem exercentem priuatim sua officia, ex hoc quod sint in peccato mortali, non peccant. At verò initiati ordine exorcistarum adiurantes solemniter dæmones, si sint in peccato mortali, non peccant mortaliter: quia licet actus adiurandi, ut ab exorcista procedunt, sint aliquo modo sacri: tamen sunt valde remoti à proprio, ac perfecto actu sacrificandi, vel ministrandi sacramenta, ad quem finem quodammodo ordinantur: ut dicitur in quarto, loco iam citato, & ob id illa materia levis est.

Item, quia probabilis est opinio ordines minores non esse sacramenta: ac proinde non est iniicienda obligatio peccati mortalis, sine magno fun-

fundamento. Cæterum à peccato veniali non excularem per se præfatos exorcistas adiurantes in peccato mortali. Quia nonnulla irreuerentia videtur esse in peccato exercere hoc officium, quando hoc ministerium fit publico & solemni ritu; tanquam à publico Ecclesiæ ministro. Hoc enim modo proprie est actus ordinis, ad quem est consecratus exorcista. Dixi, peccare venialiter per se loquendo: quia ex inadvertentia, aut ignorantia, aut quia sequi malunt Soti sententiam, facile excusarem. Nihilominus ut euentus feliciter succedat in profligatione dæmonum: consulerem huiusmodi sacram confessionem peccatorum præmittere, quæ parit conscientia mundiciem, ac sanctitatem: quam valde conducere ad fugandos dæmones, iam diximus, & amplius in sequentibus dicemus.

DISPUTATIO VIII.

An fides sit necessario requisita in adiurante dæmones, ut eorum exterminatio sequatur

**E**T videtur vera pars affirmatiua. Primo: nam Marci ultimo, dicit dominus; *Signa autem eos, qui crediderint, hac sequentur, in nomine meo dæmonia eiicient &c.* Ex quo loco videtur colligi omnes, quotquot fidem habuerint, dæmonia eiicere posse. Et à contrario sensu, qui ea caruerint, non poterunt dæmonia eiicere: nam sicut affirmatio est causa affirmatio-

nis: ita negatio est causa negationis.

Secundo. Matt 17. Discipulis quærentibus quare non potuerint eiicere quendam dæmonem pessimum, respondit Dominus. *Propter incredulitatem vestram*, ergo fides necessaria est ad dæmones propullandos. Nā si vnum oppositū est causa oppositi, & reliquū oppositū est causa reliqui. Sed incredulitas est causa impediens eijectionem dæmonum: ergo fides erit necessario requisita, imo causa eiiciendi dæmones.

Tertio: nam eodem loco Matth. 17. vt Dominus commendaret necessitatem fidei, non solum ad eijectionem dæmonum; de qua Christus Dominus loquebatur, verum etiam ad quæcunque miracula patranda: subiungit statim: *Amen quippe dico vobis, si habueritis fidem sicut granum sinapis, dicetis monti huic, transi hinc illuc, & transibit: & nihil impossibile erit vobis.* Et Lucæ. 17. ad discipulos ait; *Si habueritis fidem sicut granum sinapis, dicetis huic arbori moro, eradicare, & transplantare in mari: & obediet vobis.* Quibus verbis non mediocri exaggeratione intimatur necessitas fidei in eiiciente dæmonia, quia pars quædam est hæc eiectio gratia miraculorum patratorum.

Pro decisione præmittere oportet diuisionem fidei in virtutem Theologicam, & fidem, quæ est gratia gratis data. Quæ diuisio sumitur à Doctoribus ex Apostoli Epistolis multis in locis. Fides Theologica virtus, est fundamentum totius æ-



difficili supernaturalis, & principium omnium, quæ fiunt ad gratiam Dei consequendam, de qua Apostolus ad Hebr. 11. *Sine fide impossibile est placere Deo*: ac proinde communis esse debet cuique Christianorum; ut ea quando voluerit, & ubi libuerit utatur: fides vero quæ est donum, siue gratia gratis data, non est communis omnibus fidelibus: sed pro voluntate Spiritus sancti datur ijs, & non illis: ut aperte constat ex eodem Apostolo. *ad Corinth. 12.* ubi post enumeratam fidem inter gratias gratis datas, subiungit: *Hæc omnia operatur unus & idem spiritus, diuidens singulis prout vult.*

*D. Thom.* Secundo præmittendum est ex doctrina D. Thom. maxime *tertio contra gentes c. 154. in fine*, fidem virtutem Theologicam esse habitum: quo proinde credens utitur, cui vult, quia eius vltus necessarius est ad salutem consequendam: at verò fides, quæ est gratia gratis data, non est habitualis perfectio: sicut neque ceteræ gratiæ gratis datæ: sed est impressio, quæ à Deo fit, & cessat cessante actu, & eam oportet iterari, cū actus iterari fuerit opportunum. Adeum modum, quo Prophetæ in qualibet reuelatione nouo lumine illustrantur, & in qualibet miraculorum operatione oportet adesse nouam efficaciam diuinæ virtutis, ut latius dicit D. Thom. *2. 2. quest. 164. & de veritate. q. 12. & eadem 2. 2. q. 178. & de potentia. q. 6.* Ad has duas differentias reducere possumus omnes

alias, quæ inter fidem Theologicam, & fidem gratiam gratis datam reperiuntur.

Scire autem quid sint, & in quo earum consistat essentia, difficile est: maxime si sermo sit de fide, quæ est gratia gratis data: nam de fide Theologica virtute, multa dicta sunt à sacræ Scripturæ interpretibus & Doctoribus Scholasticis, asserentibus esse habitum ad credendum Deo, ut est prima veritas reuelans ea, quæ ad Ecclesiæ statum concernunt. De fide vero quæ est gratia gratis data D. Thom. *1. 2. q. 111. art. 4.* ait, versari circa principia fidei. Et in solutione ad secundum, dicit importare quandam supereminentem certitudinem fidei: ex qua homo sit idoneus ad instruendum alios de his, quæ ad fidem pertinent. Idem dicit *lect. 2. supra caput. 12. 1 ad Corint. & 2. 2. q. 4. artic. 5.* ad quartum dicit, fidem quæ est gratia gratis data, sumi pro quadam fidei excellentia: sicut pro constantia fidei, ut ait Glossa interlinealis loco citato ex Paulo. Ex quibus locis colligitur; fidem quæ est gratia gratis data esse modum quandam fidei importantem quandam eximiam certitudinem aut fidei constantiam. Quid autem sit modus hic, & quare ponatur, & circa quid versetur: difficile explicatu est, tentabimus autem explicare Dei adiutorio implorato.

Et argumentor sic *primo* contra dicta D. Thom. Ad instruendos alios

alios de his, quæ pertinent ad fidem: sufficit certitudo quam præbet docentihabitus fidei, quæ est virtus Theologica: ergo fictitia est quæcunque alia certitudo. *Confirmatur*: vel illa eximia certitudo, quæ dicitur esse necessaria ad docenda dogmata fidei, est à fide virtute operante intensissime, & hoc non: quia sicut est in potestate fidelis vti habitu fidei: ita habere actum magis, ac magis intentum, quod non conuenit fidei, quæ est gratia gratis data; qua non vitur quis quotiescunque vult, vt dictum est supra in secunda differentia inter has fides; vel illa excellens certitudo nō est ab habitu fidei, sed aliunde, & tunc non stat id quod asserit D. Thom. fidem quæ est gratia gratis data pertinere ad virtutem fidei. *Secundo*, fides, quæ est gratia gratis data, commendatur maxime ad patranda miracula, vt patet ex testimoniis allatis in argumentis factis initio huius dubitationis. Sed ad hæc non est necessaria certitudo eximia virtutis fidei. Quod patet, *primo* quia multi infideles operantur miracula. *Secundo*, quia non apparet, quare ad patranda miracula magis conducat certitudo fidei, quam pia affectio charitatis ad Deum, aut ieiunium, vel huiusmodi. *Tertio*, quia constantia illa fidei, quam dicit Glossa interlinealis esse gratiam gratis datam, potius pertinet ad fortitudinem, seu eius partem, patientiam, quam ad fidem: ergo non est modus fidei.

Idem argumentum fit de fiducia: quam quidam adiunctam fidei, dicunt esse fidem gratiam gratis datam: fiducia autem spes roborata est, vt ait Diuus Thom. 2.2. *quest. 129. arti. 6. in corpo. & ad secundum, & tertium.*

Nihilominus sententia D. Tho. vera est, cuius veritatem manifestabo respondendo prius ad argumenta facta contra sanctum Doctorem. Ad *primum respondetur*, quemadmodum ad docendum conclusiones, quæ ex fidei articulis deducuntur circa Deum, sufficit sapientia humanitus acquisita, puta Theologia, & ad docendum conclusiones circa alia, præter Deum, scientia & rhetorica acquisita, ad docendum delectabiliter. Sed tamē vt hæc fiant in docendo fidem cum modo eminenti & efficaci, Spiritus sanctus largitur quibusdam gratias gratis datas: quæ ad hoc deferuiūt, puta sapientiā, sciētiā, gratiā sermonū, iuxta illud. *Dabo vobis os, & sapientiam, cui non poterunt resistere aduersarii vestri*, Lucæ. 21. Sic quamuis ad docendos articulos & fidei dogmata, sat sit docentem fidelē habere certissimum eorū assensū tamen ad docēdam eos modo quodam eminentiori, & efficaciiori, ita, vt docens fiducialiter loquatur, iuxta illud; *Loquebantur cum fiducia verbum Dei*, Actorum 4. & vt audientes commoueantur ad receptionem doctrinæ, est conuenientissima quædam altior certitudo, quam Spiritus sanctus præbet median-

te fi.



te fide, quæ est donum & gratia gratis data.

Ad *confir. resp.* eam eximiam certitudinem, quam diximus esse gratiã gratis datam, non esse grandem intentionem fidei virtutis: neque esse elicitiue ab habitu fidei: sed esse motionem quandam, & impressionem ab Spiritu sancto mouente intellectum, & voluntatem fidelis, vt multo certius assentiatur credendis, quam ille, qui operatur ex habitu: sicut enim quandoque Deus operatur miraculo se quodam excellentiori modo ea, quæ natura potest operari: ita etiam Spiritus sanctus (qui est causa principalis illius certitudinis, quæ spectat ad fidem, gratiam gratis datam; homo verò instrumentum diuinæ virtutis) excellentius operatur eam certitudinem, quam mediante homine, qui operatur assensum certissimum elicitedum ab habitu fidei. Itaque excellentior est ea certitudo, quæ prouenit à gratia gratis data, quæ est fides quæ ea, quæ prouenit ab habitu fidei.

6. *Et si roges.* Cum illa certitudo assensus eximia non sit ab habitu fidei: quare dicitur modus fidei virtutis? quia reperitur & identificatur cum assensu elicitedo à virtute fidei, vel supponit actum fidei virtutis, vt dicemus statim. In secundo argumento inquiritur finis, ad quem ordinauit Deus gratiam quæ est fides. *Resp.* non ad docendum absolute articulos fidei: quia sine ea possent doceri, vt

iam dixi: neque ad patranda miracula; quia sine ea effici possent: sed vt homo reddatur magis idoneus ad instruendos alios, de his quæ pertinent ad dogmata fidei, & ad miracula patranda.

*Sed quomodo redditur magis idoneus ad hæc?* Multipliciter, dando scilicet constantiam, ne proponens res fidei deterreatur impedimentis, quæ possunt prædicationi fidei occurrere, fiduciam item, id est firmam spem, quod scilicet succedet prædicationi; & hæc omnia parit illa eximia certitudo fidei. Item in patrando miraculis ea eximia certitudo fidei dat securitatem, quod eueniet certissime effectus miraculosus sine vlla dubitatione, & hæc firmitas, & ablatio hæsitacionis valde conducit ad miracula facienda, iuxta illud Matth. 21 *Si habueritis fidem, & non ha-* Matt.  
Iacobi  
*staueritis &c.* Et Iacobi 2. *Postulet autem in fide nihil hæsitans.*

Ad *tertium resp.* illam constantiam, prima facie, videtur pertinere ad fortitudinem, & fiduciam ad spem: cæterum cum ortum habeant ex certitudine eximia, (quam diximus spectare ad fidem, quæ est gratia gratis data) sicut illa certitudo non est elicitedo à virtute fidei: sic neque constantia à virtute fortitudinis, neque fiducia à virtute spei, sed sunt quædam impressiones Spiritus sancti complentes gratiam gratis datam, quæ est fides, vt insinuat D. Thom. 2. 2. q. 4. art. 5. *ad quartum.*

Pro

Pro cuius ampliori explicatione libet describere discursum, quem meditatus sum reperiri in usu fidei, quæ est gratia gratis data, maximè quando versatur circa patranda miracula propter quod vocari solet fides miraculorum. Cupit quis confirmare fidem miraculis: necesse est in eo præcedere actualiter, vel virtualiter, assensum fidei virtutis, quo credat Deum posse perficere, siue se ipso, siue medio homine illo fideli, quod pertinet ad Dei omnipotentiam: sed adhuc quantumcunque iste assensus sit intensus, ac certus, non inceptit usus fidei: quæ est gratia gratis data: quia talem assensum potest quilibet habere, quando & quoties libuerit, at verò quando Spiritus sanctus vult liberaliter communicare donum fidei, quæ gratia est, imprimi actualiter quandam *motionem* intellectui, & voluntati cupientis confirmare fidem miraculis: quæ est certitudo quædam non solum de Dei omnipotentia, verum etiam quod Deus illa miracula operabitur eius fidelis ministerio: insuper & *fiduciam*, idest spem firmam, sine vlla admixtione hæsitætionis, quod ita eueniet: hoc totum pertinet ad fidem, quæ gratia est, ubi homo habet se vt instrumentum Spiritus sancti: Deinde tertio loco succedit *impressio* eiusdem Spiritus, quæ est gratia miraculorum. Priorem assensum non est difficile inueniri in quolibet fideli: sicut in quolibet inuenitur fides virtus Theolo-

gica; secundum quod pertinet ad fidem, quæ est gratia rarissime, & in raris, quia rarum Dei donum est, quod nemo nouit, nisi qui accipit. *Caietanus*. Quæ verba vsurpat Caietanus in expositione Euangelici Textus.

Et hoc donum dedit Deus viris sanctitate insignibus: qui ausi sunt toto spectante Populo, pro confirmanda aliqua veritate fidei, pollicere res mirabiles: quam promissionem prudenter iudicaremus temerariam; nisi crederemus, eos diuinitus moueri, vt certo & infallibiliter crederent, ac fiderent sine vlla hæsitætionem, per eos de facto efficienda fore mirabilia promissa. Talem fidem censeo habuisse Heliam, quando 3. Regum 18. promisit toto spectante populo israelitico ignem de cælo descensurum, ac voraturum Heliam victimam. Similem etiam habuit fidem sanctus Dominicus, quando cætu fidelium, ac Hæreticorum adstante, promisit librum, in quo dogma catholicum scriptum erat illæsum ab incendio euasurum, libro Hæretici dogmatis in cinerem resolutum.

His præmissis dico primo. Ad abiigenda dæmonia per adiurationem non est necessaria in exorcistis fides, quæ virtus Theologica est. Et quidem non esse necessariam fidem, non inficiabitur is, qui agnouerit, in eiectione dæmonum exorcizantes se habere vt mera Dei instrumenta: Deum verò vt causam principalem: at homo infidelis assumi



potest à Deo vt instrumentum : ad quæcunque mirabilia patranda: ergo & ad abigendos dæmones. *Confirmatur* nam per infidelem Baleā pro-  
*Num. 22.* phetauit Deus *Num. 22.* cur non etiam per infideles poterit abigere dæmones? Sed de facto homines ii fideles hac vltos fuisse potestate intra dicemus.

*Assertio probatur primo* ab aliquibus, ex illo *Mat. 7.* vbi Christus Dominus ait: *Multi in illa die* dicitur in die extremi iudicii, *dicent, Domine nonne in nomine tuo prophetauimus, & in nomine tuo dæmonia eiecimus, &c.* sed hos esse infideles non certò constat, esse autē improbos viros benè constat ex illo verbo: *Non noui vos*, phrasi vltata in sacra Scriptura, in qua sæpè agnitio  
*Ioan. 10.* pro approbatione accipitur: vt illud *2. ad Ti. 2.* *Ioan. 10.* Ego cognosco oues meas, & *2. ad Matt. 25.* *Timot. 2.* cognouit Dominus qui sunt eius: *Theophil.* & *Matt. 25.* Nescio vos: quod benè obseruauerunt *Theophylactus*, & alij veteres, & antiquior *Origenes* in ca 8. ad Romanos.

9. *Secundò probatur* ex *Marc. 9.* vbi *Ioannes* ait ad Christum: *Vidimus quem-*  
*Marc. 9.* *dam in nomine tuo eicientem dæmonia,*  
*Luc. 9.* *qui non sequitur nos: Lucas capit 9. Qui non sequitur nobiscum: id est non profi-*  
*Vict. Ant.* *teretur tuam fidem.* Ita *Victor Antiochenus* *Marci 9.* dicens: *Respondere licet, multos in Christum alioquinò credentes, apud Iudeos extitisse: qui huiusmodi gratias, & prerogatiuas acceperant.* Idem *D. Augustinus*, *libr. 4. de consensu Euangelistarum capit. 5.* *Beda & Theo-*

*phylactus Marc. 9.* non tamen isti Patres negare possunt, hunc aliqualem habuisse fidem, saltem acquisitam: qua credebatur in Christi nomine potuisse dæmonia eiici, alias non esset fuisse, non autem credebatur Christum esse verum Messiam, ac filium Dei: sicut credebant Apostoli. Bene scio alios Patres affirmasse, hunc habuisse veram fidem Christi, quamuis enim non sequeretur. Ita *Euthymius*, *Marc. 9.* dicens: *Quidam eorum, qui crediderunt gloria amore cepti, imitabantur Apostolos, & per inuocationem nominis Christi expellebant dæmones, non sequebantur tamen propter continentiam, & asperum viuendi modum ipsorum.* Hæc ille probabiliter: fuisse enim multos ex Iudeis, qui in Christum crederent, licet eum cum Apostolis non sequerentur, ait *Ioannes capit. 8.* igitur potuit fieri, vnum ex his fuisse hunc; qui in nomine eius dæmonia eiciebat. *Ambrosius* etiam hanc confirmat sententiam: quare ex testimonio citato tantum probabiliter nostra assertio stabilitur.

*Tertiò probatur* ex Actibus Apostolicis capit. 19. vbi narratio fit in hæc verba: *Tentaueunt quidam de circum-*  
*Epiph.* *uentibus exorcistis inuocare super eos, qui habebant spiritus malos, nomen Domini Iesu dicentes, adiuro vos per Iesum, quem Paulus predicat. Erant autem quidam Sceua Iudæi Principis Sacerdotum septem filij, qui hoc faciebant. Respon-*  
*Luc. 2.* *dens autem spiritus nequam dixit eis: Iesum*

sum noui, & Paulum scio, vos autem qui estis: Et insiliens homo, in quo erat demonium pestimum, in eos & dominatus amborum, inualuit contra eos: ita ut nudi & vulnerati effugerent de domo illa. Hoc autem notum factum est omnibus Iudeis, atque Gentilibus, qui habitabant Ephesi, & cecidit timor super omnes illos, & magnificabatur nomen Domini Iesu. Hæc Lucas, ubi clarè apparet homines, qui non credebant in Christum, imò qui aduersabantur doctrinæ Christi (sicut fas est credere de filiis Pontificis Iudeorum) in virtute Christi, & sub eius nominis inuocatione eicere demonia. Ex quo timor reuerentialis inuasit Iudeos, & Gentiles, & factum hoc grandem gloriam adiecit Christo, & eius doctrinæ.

*Quarid probatur ex Patribus.* Augustinus namque libro secundo, contra Iulianum Petilianum. 80. versans testimonium citatum ex Marc. & Luca 9. astringit nostrum assertum: & Patres quamplurimi explicantes illud Luca 2. Filij vestri in quo eiiciunt: aiunt esse intelligendum de exorcistis Iudeorum, tempore Christi Domini: & Epiphanius, aduersus Hebrionem hæres. 30. refert de Iosepho homine Iudeo, quod nec dum credens, in nomine Iesu à dæmonio hominem obsessum liberauerit.

*Secundo dicò.* Potestas hæc propulsandi dæmones per adiurationem; non viget, neque viguit in communitate infidelium siue illi sint Iu-

dæi, siue Sarraceni, aut Hæretici. Probatur, quia si potestas hæc vigeret in communitate infidelium, maximè in eorum pestiferis capitibus: Deus censeretur, & esset falforum dogmatum testis, ac confirmator: quod Deo attribuire blasphemum est: igitur neutiquam concedenda est hæc potestas communitati infidelium. *Antecedens probatur:* quia potissimè hæc, ob quos Deus Ecclesiæ suæ potestatem ad abigendos dæmones, & quæcunque alia mirabilia patranda concessit: ij nimirum sunt, ut veritas fidei confirmaretur, aut sanctitas, vel innocentia abigèrium innotesceret: sed si communitas infidelium, aut eorum peruersa capita, hac potestate fungerentur: omnes censerent eorum blasphema dogmata confirmari usu & exercitio illius potestatis: ergo non est credendum Deum illam potestatem ijs infidelium communitatibus concessisse, ne simplices decipiantur, putantes eiectione dæmoniorum (quæ inter res mirabiles computatur) eorum peruersa dogmata confirmari, aut eorum jamnabilem vitam approbari.

*Secundò.* Nunquam legimus hanc potestatem in exercitio viguisse apud infidelium cætus: de quibus præsumitur in confirmationem falsæ doctrinæ suæ eam potestatem (si haberent) ordinaturos: ergo signum est eos non habere potestatem: nam si haberent eam, aliquando



exercitio mandarent. Et quidem de Hæreticis potissimè nostra procedit probatio: qui etsi tentarunt sæpè dæmonia eiicere, non valuerunt perficere, cum passim apud Catholicos id videamus fieri. Historiam de hac re narrat eleganter Thomas Bosius libr. 23. de signis Ecclesie c. 1. sumptam ex Surio & Frederico Staphilo. Sed age: verba Staphili perlege in absoluta responsione cōtra Iacobum Schmidelinum: Possum ego (inquit Staphilus,) redigere mihi in memoriam anno 1545. demoniacam quamdam puellam è Misnia ditione adductam Vvitembergam ad Lutherum: ea spe quod Lutherus, velut tertius Hælias, puellam istam à malo dæmonio liberaturus esset. Quamuis autem Lutherus ad hoc admirandum, & magni momenti opus, initio non parum difficilem se ostenderet; at tandem tandem, iussit puellam adduci in Parochianæ Ecclesie Vvitembergensis Sacrarium: illicque coram aliis plerisque Doctoribus & eruditis viris, (inter quos ego quoque magister iuuenis aderam) dæmonem capit adiurare, & exorcizare: sed id tamen more suo, non eo, qui apud Catholicos receptus & vsitatus est. Cum autem ille diu, multumque adiurasset dæmonem, cedere illi noluit; sed eas in angustias (sit venia verbo) Lutheri caligas redegit, ut is, quamprimum è sacratio se prorsus peregisset. At quid accidit? Malignus ille dæmonisq; adeo fores sacrarii obstruxerat, ut neque forinsecus, neque intrinsecus, aperiri possent. Quæ res Lutherum in maiores angustias adduxit, ita ut iam ad fenestram properaret, sperans per eam se posse effugere, & exilire, verum obstabant illis

cancelli ferrei sicque compulsus est, una nobiscum tantisper inclusus, harere, donec per cancellos ferreos ab aditu nobis oblata securis, mihiq; ceu iuueni vero tradita, ut ea fores affringerem, quod equidem tum conatus sum & ad effectum perduxi. Interea vero visu admirandum erat, ut Lutherus angoribus correptus, sursum deorsumque cursitaret, atque instar ovis parturientis huc illucque se inuerteret. Hactenus Staphilus. Eandem Historiam narrat Guillelmus Lindanus, Dialogor. 3. capit. primo dubitantij, & Bredembacius, collationum lib. 7. capit. 40. qui & capit. 42. rem similem narrat de quadam fœmina, quam Hæretici tentarunt à dæmone liberare, nec valuerunt.

Obiicit quispiam. Hoc dictum cum primo non cohæret. in primo asserimus non esse necessariam fidem ad dæmonum propultationem, in hoc verò secundo negamus id cœtibus infidelium. Resp. nos consulto dixisse in hoc secundo dicto potestatem abigendi dæmones non vigere in communitatibus infidelium, quia communiter ad confirmationem suæ falsæ doctrinæ id tentant perficere, cui impossibile est Deum superpetias ire, aut testificari, imo etiam si ad hunc finem non intentent dæmones abigere, quando capita Hæreticorum id conantur, plebs rudis censeret, vel ad confirmationem suæ sectæ, vel ad approbandam sanctitatem suorum ministrorum Deum id operari. At vero in primo dicto asserimus, non esse inconueniens,

quia

quin potius aliquando (sed rarò) accidisse, ut vnus, aut alter infidelis, hac potestate, & eius vsu profliget dæmones, quando, scilicet, ex circumstantijs rerum gestarum, hæc dæmonum profligatio non cedit in confirmationem falsæ doctrinæ, aut approbationem innocentiz impiorum ministrorum; sed in Dei, & Christi Domini gloriam; quod videre licebit in exemplis allatis circa primum dictum. Nam ille, de quo Marci, & Lucæ. 9. Liberatus est à dæmone per infidelem, sed inuocato Christi nomine; vbi cum iam adstantes, quam exorcizans, essent iudæi; non potuit eiection dæmonum per inuocationem nominis Christi ordinari ad impugnandam fidem Christi, quam impii iudæi impugnabant; sed ad Christi laudem, magnificentiam, potestatem, ac gloriam, idem dico de filiis Sceuæ summi principis sacerdotum. At verò quando Hæretici exorcizant, inuocant Christum, cuius doctrinæ ipsi se iactant professores, Vnde si rude vulgus videret eorum exorcizationem ad effectum dæmonum pellendorum perdaci, putaret eo signo impia dogmata Hæreticorum confirmari; quare DEVS illis non confert talem potestatem.

*Dico tertio* Fides, quæ inter gratias gratis datas annumeratur, non est necessaria ad abigendos dæmones; sicut neque ad alia mirabilia efficienda, quæ superant naturales hominum vires.

*Probatur primo.* Quia hæc gratia gratis data, vel est idem cum assensu fidei virtutis Theologicæ, vel supponit illum, ut superius prænotauimus ex D. Thom. doctrina. Sed in primo asserto probauimus, non esse necessariam fidem, virtutem Theologicam, adesse exorcizantibus, & abigentibus dæmones: ergo neque fides, quæ Dei donum est, est necessaria ad id perficiendum. *Secundo.* Sæpè exorcistæ fideles accinguntur, ut per exorcismos Ecclesiæ, abigant dæmones, nullam certitudinem habentes se eiekturos: imo valde dubitantes de successu foelici, & tamen quandoque reuera eijciunt eos ab obsessis: ergo ad expulsionem dæmonum non est necessaria fides, quæ dicitur donum Dei, & inter gratias gratis datas computatur. *Probatur consequentia* ex præiactò fundamento, vbi asseruimus fidem, quæ donum est, & gratia gratis data perfici certitudine futuri euentus circa rem aliquam mirabilem perficiendam.

*Dico quarto.* Nil ita proximè conducit ad expellendos dæmones, sicut fides exorcizantium, aut exorcizatorum. Consulto addidi, proxime: quia licet charitas habeat hos effectus eminenti quodam modo præ ceteris virtutibus: tamen charitas censenda est ut causa vniuersalis, eo quod forma est, & parens cæterarum virtutum: quibus adscribendi sunt peculiare effectus, ut proximis principiis: saltem per appropriationem, & isto pacto dicimus

F ; fidem



fidem potissimè conducere, quia proximus p[ro]ponit propter itatim dicenda. Hoc assertum colligitur ex sacris literis citatis in argumentis factis initio dubitationis. Imo ferme omnis operatio miraculosa, & prodigiosa attribuitur fidei in sacra Scriptura.

Et quidem de fide, quæ virtus Theologica est, sic ostendo, & explico assertum nostrum. Nam omnes operationes miraculosæ, ac mirabiles, inter quas reponitur fugatio dæmoniorum, potissimè ordinantur ad confirmationem dogmatis fidei: ut supra docuimus, & habetur *Marcii ultimo*: ergo congruum est, ut habenti fidem, maxime concedatur mirabilia operari: præcipuè dæmonum eiectionem. *Secundo* quia fides qua credimus Dei adiutorio dæmones ab hominibus posse fugari, & ab eisdem multa alia mirabilia fieri, habet pro ratione, & medio huius assensus diuinam potentiam, quæ valet operari supra caput naturæ: ergo valde disponitur per huiusmodi fidem, quid dæmones vult abigere, ne hominibus molesti sint.

Quod autem valde conducatur ad dæmones fugandos fides, quæ est gratia gratis data, apertius est, quia ipsa est, quæ dat firmitatem, securitatem, & fiduciam certam omni operanti mirabiles res, ut patet ex prænotatis in initio dubitationis: ergo & abigendi dæmones, quod inter res mirabiles, & quæ exce-

dunt hominum naturales vires computatur. Quin imò si adsit fides, quæ est gratia gratis data ad eiciendos dæmones, nisi apponatur ab homine impedimentum, aut ob ex, infallibile erit adesse dæmonum eiectionem per gratiam miraculorum.

Superest respondere argumentis factis in oppositum ad probandum, fidem esse necessariam requisitam: sed antequam eis satisfaciamus, aduertendū est, multa testimonia, quæ de fide loquuntur, interpretari antiquos Patres, de fide, quæ est gratia gratis data, & pleraque alia de fide virtute Theologica: at hisce nostris calamitosi temporibus (quando omnium Hæresum sentina expositione fidei cuiusdam fictitiæ, quam Hæretici huius ætatis, satis superque esse ad salutem consequendam asseruere, emanauit, occasione capta ex aliquibus sacre Scripturæ locis, qui de fide loquuntur) nullo modo admittunt vllum locum, ubi sit mentio fidei, esse interpretandum de fide virtute Theologica, (quam Patres Orthodoxi rectè constitunt esse iustificationis exordium,) sed de quadam monstruosa, & fictitia fide quâ ipsi consueverunt, quod non est præsentis instituti disputare. Atque moderni Catholici quamplures, in aliud extremum declinantes, vix admittunt vnum aut alterum testimonium de fide, gratia gratis data interpretandum; sed de virtute Theologica. Nos verò cum Patribus antiquis quadam de fide var-

de virtute Theologica, quædam de gratia gratis data, prout sacri textus intelligentia postulat, explicare non verebimur, respondentes ad argumenta proposita in principio dubitationi.

demnabuntur : ergo non de fide, quæ est gratia gratis data . Quo supposito.

Quidam dicunt, præfatum testimonium esse intelligendum de potestate faciem mirabiles res illas, non de actu faciendi : illam habuerunt omnes Christiani primitivæ Ecclesiæ ; hunc non omnes, etiam sanctissimi viri. Qualis fuit Ioannes Baptista, de quo dicitur Ioannes vigesimo nullum miraculum fecisse. Hæc interpretatio non placet : quia illa potestas vel est per designationem ad faciendam miracula, vel per idoneitatem : non primum, quia etiam in primitiva Ecclesia non omnes fideles designati erant ad eos mirabiles effectus perficiendos : neque etiam fideles huius temporis. Secundo, quia prior illa sententia : *Qui crediderit, & baptizatus fuerit, &c.* respicit omnes fideles etiam huius temporis : ergo & illa, quæ statim subiungitur ; *Signa autem eos, qui crediderint, hæc sequentur, &c.*

19

Ioan. 20.

2. Expositio.

17.  
Marc. ult.  
Expositio.

Castro.

18.

In primo argumento affertur testimonium in hoc articulo sæpè citatum ex *Marcii ultimo*, quod ut semel exponamus fusius quam alibi, notandum est, quosdam illud interpretari de fide, quæ est gratia gratis data, non de fide, quæ est virtus Theologica. Quia illi effectus mirabiles ibi recensiti non sunt fidei virtutis, quæ communis est omnibus Christianis : sed fidei, quæ donum est, & gratia gratis data : quam quidam, & rari habent, alij & plures carent. Ita videtur interpretari Alphonsus à Castro, de Hæresibus, verbo exorcismus : nec est omnino improbabilis expositio : maxime si asseratur fidem, quæ donum est identificari, cum actu fidei virtutis.

Existimo tamen, illum locum esse intelligendum de fide, quæ virtus Theologica est, & necessaria omnibus fidelibus, non de gratia gratis data. Probat, quia de ea fide loquitur DOMINVS, de qua immediatè ante dixerat : *Qui crediderit, & baptizatus fuerit, saluus erit, qui vero non crediderit condemnabitur.* Certum est autem illic fieri sermonem de fide Theologica virtute : qua qui carent con-

Secunda expositio ut illa promissio tantum fuerit facta fidelibus primitivæ Ecclesiæ ; quia sicut omnes, aut ferè omnes incumbabant prædicationi fidei ; ita omnibus aut ferè omnibus assistebat Spiritus sanctus, ut per eos mirabilia patraret ad confirmationem eorum, quæ prædicabant. Sed expositio hæc exploditur, pari ratione sicut prima.

Tertia



3. *Expositio*  
*no.*

20

*Caieran.*

*Tertia expositio* est domini Caietani super hunc locum dicentis, quantum est ex parte virtutis fidei nisi impedimentum ab habente fidem præstetur, sequentur ea mirabilia. Hæc interpretatio propius rem attingit, in eoramen quod insinuat secluso impedimento, aut defectu fidei virtutis, semper ea signa subsequutura falsa mihi videtur; quia sæpè contingit, & modo contingit viros fide, & sanctitate insignes nullum apponentes impedimentum hos mirabiles effectus non perficere.

4. *Expositio.*

*Quarta expositio* mihi magis arridet, scilicet, eam promissionem Christi Domini non esse ita amplè intelligendam, ut verba in cortice sonant; sed quibusdam appositis limitationibus Pro cuius expositione, lector studiosè, *adverte regulam* ad intelligendam sacram Scripturam apprimè necessariam; ea est. Propositiones quasdam affirmatiuas, & vniuersales in sacris literis sæpè esse intelligendas non in ea amplitudine, quã verba referunt, sed quibusdam sub-

*Regula ad intelligendā Scripturam.*

*Matth. 7.*

*Lucæ. 11.*

*Iacob. 4.*

thæi septimo, & Lucæ. 11. *Petite & accipietis, &c. quia omnis, qui petit, accipit,* etiam dicitur Iacobi quarto. *Petitis, & non accipitis, eo quod male petatis.* Igitur debet illa vniuersalis intelligi si petitio legitimis sit vallata conditionibus; de quibus egimus tractantes de efficacia orationis. Est etiam alterum exemplum immediatè ante testimonium, quod versamus ex Marci ultimo; ubi dicitur. *Qui credi-*

*derit, & baptizatus fuerit saluus erit; nūquid ea vniuersalis, ut verba in cortice sonant intelligenda est? absit. Sic enim intelligit Calvinus; cum tamen multi credentes & baptizati detrudètur in infernum. Sed intelligi debet, si ad sint alia necessaria ad salutem; quæ ex sacris literis colliguntur, putà charitas, pœnitentia, & interdum Exomologesis peccatorum; id est confessio.*

Non dissimiliter ea propositio; *Signa autem eos, qui crediderint, hæc sequentur,* non debet intelligi, omnes quotquot crediderint ea signa effecturos; sed subintelligendo quando, & quomodo oportuerit; & eos, quos oportuerit: non enim omnes fideles fœminas ea respicit sententia, quibus enim non est datum in Ecclesia loqui, nec etiã hæc signa facere, quia Ecclesiæ non esset utile, & ipsis esset perniciosum Item cum hæc signa facere Deus dederit ad Ecclesiæ communem utilitatem, & fidei confirmationem, non eodem modo verificabitur tempore primitiæ Ecclesiæ, & modò. Nã tempore nascētis Ecclesiæ, ut supra deduximus ex Gregorio, & Aug. necessaria erant crebra prodigia & signa; ut fides nouella confirmaretur, & stabiliretur. Confirmabatur autem prodigiis & signis; frequentius autem eiectione demonum ab obsessis, & linguarum dono, ut constat Matthæi & Lucæ 9. & alibi sæpè, & in actibus Apostolorum.

*Matth.  
Lucæ*

*Quar.*

Quare ferè omnes fideles vt con-  
cionatores, ita & miraculorum pa-  
tratores erant. At verò nostris tem-  
poribus: quia Ecclesia iam per orbē  
propagata, & tot radices altas misit:  
hæc miracula à Diuo Marco recen-  
sita, non ita crebrò fiunt, sed rarò,  
quando id expedit vtilitati Ecclesiæ  
Christianæ. Quare illa promissio nō  
ad singulos fideles extenditur, sed  
dumtaxat ad eos, quos & quando  
diuina prouidentia viderit expedi-  
re vtilitati communi Ecclesiæ, vel in  
confirmanda fide, vel in manifestan-  
da alicuius communitatis, aut viro-  
rum piorum sanctitate, aut alio quo-  
piam simili.

His suppositis, pro interpretatio-  
ne illius testimonij ex Marci ultimo,  
ad argumentum respondetur: ex eo non  
colligi omnes fideles pollere pote-  
state actualiter pellendi dæmones:  
& esto ita esset, negatur consequen-  
tia, quæ fit à contrario sensu, scilicet  
eos, qui fide caruerint, non posse  
dæmonia eijcere: quia argumenta-  
tio à contrario sensu non valida est:  
similiter illa: sicut affirmatio est  
causa affirmationis, ita negatio cau-  
sa negationis, nisi affirmatio sit  
causa totalis affirmationis: non au-  
tem sic fit in præsentiarum: quia  
sola fides non sufficit ad eijciendos  
dæmones, aut alia miracula patran-  
da: cum requiratur gratia miraculo-  
rum, quam non omnes fideles ha-  
bent. Distinctas enim esse gratias,  
fidem, & gratiam miraculorum, pa-  
tet ex Diuo Paulo, loco citato, &

ex Diuo Thoma 2.2, quæstione 178. art.  
1. ad 5.

Quinimò addiderim (quod val-  
dè notandum est) neque fides, vir-  
tus Theologica, neque fides, quæ  
est gratia gratis data, sunt principia  
proxima patrandi miracula, sed dis-  
positiones ad recipiendum donum  
miraculorum: quod est principium  
actiuum instrumentale talis patra-  
tionis: ita Diuus Thom. de potentia,  
quæstion. 6. articul. 9. ad primum. Dis-  
positiones, inquam, sunt, sed diuer-  
so modo: nam fides, virtus Theo-  
logica, disponit subiectum ad gra-  
tiam miraculorum recipiendam,  
non quia infallibiliter sequatur ea  
receptio, potest enim sine vlla cul-  
pa non sequi: cum multi viri pij &  
fideles non faciant miracula, sed  
quia reddit idoneum ad modum  
superius explicatum in quarto as-  
serto: at verò fides, quæ est gratia  
gratis data, ita disponit subiectum,  
ac reddit idoneum ad gratiam mi-  
raculorum recipiendam: vt si per i-  
psam subiectum non steterit, infalli-  
biliter sequetur & receptio gratiæ  
miraculorum, & eorum patratio.  
Quæ omnia patebunt consideran-  
ti, quæ diximus initio huius dubij  
explicantes, in quo consistat, & com-  
pleatur ratio fidei, quæ est gratia gra-  
tis data

Testimonium adductum in argu-  
mento secundo initio dubitationis fa-  
cto valdè vrget aduersus primam, &  
tertiā asseriones nostras. Insuper  
difficile explicatu est de qua incre-



dulitate ibi sermo sit, an de ea, quæ opponitur fidei virtuti? an fidei, quæ gratia gratis data est? Et videtur fieri sermonem de incredulitate, quæ opponitur fidei virtuti: quia illo in loco Christus Dominus reprehendit Apostolos de incredulitate, quam habere, aut ea carere in eorum fuit potestate: alias non reprehendisset illos, ac culparet: ergo sermo erat de incredulitate opposita virtuti fidei: etenim de incredulitate, id est de carentia fidei, quæ donum est, non obiurgarentur, cum sicut habere fidem, quæ donum est, non est in nostra potestate, sic neque ea carere nobis vitio obabitur. Confirmatur ex Diuo Hilario Can. 17. super Matthæum. *Crediderant (inquit) Apostoli, sed nondum erant perfecta fidei. Nam Domino in monte demorante, & ipsis cum hominibus residentibus, quidam torpor eorum fidem relaxauerat. Ecce torpor discipulorum in culpa fuit eius incredulitatis: quod nequit adaptari, nisi ei, quæ opponitur virtuti fidei.*

Hilarius.

32

*In oppositum est: Nam Dominus loquitur de incredulitate, quæ opponitur fidei: quam commendat in verbis immediate sequentibus, dicens: Amen quippe dico vobis, si habueritis fidem sicut granum sinapis, dicetis monti huic transi hinc, & transibit: & nihil impossibile erit vobis. Certum est autem, fidem montes valentem transferre, esse fidem, quæ appellatur miraculorum, & est gratia gratis data. Secundo. Incredulitas, quæ opponitur*

virtuti fidei, fidem euacuat: at quis dicat Apostolos oblato puero obfesso, quem non potuerunt sanare, fidem perdidisse? Ergo non sit de ea in testimonio illo sermo: sed de ea, quæ opponitur fidei gratiæ gratis datæ.

Quidam dicunt in testimonio citato fieri sermonem de incredulitate, quæ opponitur fidei virtuti; & concedunt, Apostolos, quando non potuerunt sanare illum puerum, fidem perdidisse: nimirum quia putauerunt Christum Dominum non omnia miracula posse perficere; aut vero dubitauerunt de Christi potestate, dubius autem in fide infidelis est. Quibus autoribus videtur fauere Cyrillus citatus, & expressius Chrysostomus Homil. 58. super Matthæum, inquit; *Quare non latet, quia discipuli hac in re titubauerunt: quamuis non omnes: Columna namque Apostolorum non aderant, id est Petrus, Iacobus, & Ioannes: qui adfuerant Christo in monte Thabor. Fauet etiam & id quod dixit Dominus; O generatio praua, & incredula, quandiu ero vobiscum, &c. Existimo autem, hæc verba non referri ad Apostolos, sed ad ceteros adstantes Iudæos, qui Christo aduersabantur, & ad patrem pueri, qui de eius potestate dubitabat, dicens Marci 9. Si quid potes adiuua nos. Insuper censeo non ita facile Apostolos esse inurendos nota infidelitatis; maximè, quia si ita esset, Christus Dominus*

eos acerrimè reprehenderet, quod non fecisse apertè constat ex sacro textu.

Alia aiunt, Apostolos non perdidisse fidem; sed non habuisse eam, quæ necessaria erat ad dæmonem illum expellendum. Ita Caietanus super caput 17. *Matthæi*. Quæ autem esset ea fides necessaria ad dæmonem expellendum, non explicat, neque probat eam esse necessariam ad id efficiendum, de quo nostra procedit dubitatio.

Alia communiter dicunt, Apostolos non fuisse passos dispendium fidei, sed diminutionem, & sic explicant Patres citatos, maximè Hilarium. Sed neque hoc placet, quia isthæc diminutio fidei, aut extitit ex parte obiecti, ita quod Apostoli discrediderunt vnum articulum fidei, quem antea crediderant; & hoc non, quia amississent totam fidem, ut Diuus Thomas demonstrat supra *question. 5. articul. 3.* aut vero diminutio facta est quantum ad intensiorem, ita quod fides eorum remissior fuit, quando eis obtulerunt puerum obsessum; & neque hoc consistere potest, quia, ut superius ostendimus, intensio fidei non est principium miracula faciendi; cum videamus homines sanctissimos & feruentis fidei, qui non faciunt miracula, ut Ioannes Baptista, de quo *Ioannis vigesimo* dicitur nullum fecisse miraculum; ergo ne-

que propter remissionem fidei, Apostoli impotentes euasere ad eiciendum dæmonium à puero illo oblesso.

In præfato testimonio explicando sacræ Scripturæ interpretes sine distinctione loquuntur; dum nunc de incredulitate, quæ opponitur fidei, nunc de ea quæ opponitur fidei gratiæ gratis datæ, permixtè interpretationem instituant; ita ut vix percipias de qua fide sua placita depromant; fortasse confusions causa est, quia fides, quæ est gratia, non distinguitur realiter à fide virtute: sed tantum addit modum quemdam, ut superius docuimus.

Mihi verò sub correctione doctiorum videtur dicendum, illum locum interpretandum de incredulitate, quæ opponitur fidei, quæ est gratia gratis data. Moueor argumentis factis in secundo loco pro hac parte. Itaque assero Domino existente in monte Thabor cum tribus discipulis, cæteri Apostoli oblatum puerum dæmoniacum non potuerunt sanare, non quia fidem Theologicam virtutem perdiderint, sed propter defectum fidei, quæ est gratia gratis data, quæ licet possit haberi sine vllis meritis, aut non haberi sine vllis demeritis, cum ab Spiritu sancto pro sua voluntate quibusdam negetur, & quibusdam communcetur: tamen homines interdum posse apponere obicem, & impedimentum præstare fidei dono,



& alijs gratis recipiendis non dubito : maximè si meas humana aliquibus perturbatis affectionibus vrgeatur : quod Apostolis accidisse in euentu commemorato , mihi fit verosimile, & in receptione prophetica impressionis palam fit.

Quod dicimus: quia spiritus propheticus aliquando Prophetis defecit propter perturbatum animum: cuius pacatio & quies necessaria est ad recipiendas propheticas impressiones. Esto exemplum in Heliseo, *4. Regum 3.* qui & prophetare cupiens de quodam euentu belli, non valuit, eo quod zelus Dei contra Regem Israel ipsius mentem turbauerat, atque indispositam reddiderat ad propheticam reuelationem recipiendam: & ideò iussit adduci fidicinem, qui pulsando cytharam, caneret: Ad quid? ad disponendum se ipsum in mentis eleuationem: quia ira iustissimè concepta contra Regem idololatram, sic eius mentem turbauerat, vt non esset ita aptus, sicut conueniens erat ad prophetandum.

Non dissimiliter, Apostoli eo tempore, quo oblatus est illis dæmoniacus puer, turbati erant: & consequenter non apti ad recipiendas impressiones diuinas: id est gratiam fidei, & miraculorum: & ideò præstiterunt impedimentum, & apposuerunt obicem, ne fides solita ad facienda miracula eis communicaretur: & hancurbationem, vt reor, vocat supra Hilarius torporem eorum fidem relaxantem.

Et si roges: vnde prouenerit Apostolis huiusmodi perturbatio? Respondet Lyranus, ex affectu inuidiæ, quam conceperant ex ascensu Iesu in montem Thabor cum tribus discipulis, ceteris relictis ad montis radicem: Nam licet ipsi ignorarent Dominum perrexisse in montis verticem suam ostensurum gloriam: tamen benè viderunt aliquod secretum tribus Apostolis dumtaxat pandere voluisse: & ideò inuidiæ falcibus agitati, valdè turbati erant: ac proinde indispositi vt fidei donum, necessarium ad eijcienda dæmonia reciperent. Magna namque mentis recollectio, ac pacatio requiritur ad recipiendas diuinas impressiones; quales esse diximus gratias gratis datas. Et per oppositum perturbatio mentis non modicum apponit eisdem recipiendis obicem & impedimentum.

Secundo respondetur, ortam fuisse eam perturbationem in Apostolorum mentibus ex ira aduersus Iudæos concepta. Nam vt colligitur ex *Marc 9.* Scribæ sequebantur Dominum potius calumniandi, quam pietatis causa, & eum non inuenientes, quia montem Thabor ascenderat cum tribus discipulis; cœperunt disceptare cum reliquis Apostolis, ad montis radicem relictis, fortasse probrodantes, quod puerum dæmoniacum non potuissent sanare. Rationabile autem est, inquit *Caictanus Marc 9. nono.* quod *Caictanus* Scri-

Scribæ imputarent discipulis mali aliquid: putâ quod vanè sequeretur Iesum, aut eius detrahentes potestati, & sanctitati: Scribis autem arguentibus, & Apostolis respondentibus, haud dubium quin Apostoli zelo sui Magistri accensi, irascerentur aduersus Iudæos, & perturbarentur: & ideo non potuerunt dæmonium eijcere, apponentes obicem & impedimentum ad donum fidei & gratiæ miraculorum recipienda: quod apponitur maximè per iræ perturbationem, etiam si ex zelo iustitiæ proueniat, vt patet in Heliseo, de quo supra. Obiurgati sunt autem de hac incredulitate, id est carentia fidei, quia vix reperitur iustus, qui si his affectibus inardescat non excedat metas & limites virtutis: quamuis orrum habuerint ex zelo virtutis.

Quod si maior omnino inculpabiles Apostolos iudicare in hac sua perturbatione, dicito, Christum Dominum in Apostolis, fidem, quæ gratia est, voluisse deficere ad ostensionem & gloriam suæ potestatis. Fortasse enim existimabant Iudæi Christum simul & Apostolos parem eijciendi dæmonia accepisse potestatem, sicut exorcistæ Iudæorum: vt igitur ostenderet eam potestatem ab eo in Apostolos deriuari, & certis limitibus communicari, eum quæ esse caput ac largitorem illius potestatis: voluit in eis deficere principia illius potestatis (videlicet fidem, ac miraculorum gratiam) vt non possent liberare puerum dæmoniacum: quem

coram se oblatum sanauit, imperiosè iubens dæmonem exire, non in nomine alterius, vt faciebant discipuli in nomine Iesu, sed absolutè iubendo: vt sic magna Iudæorum turba, quæ ad eum conuenerant, agnoscerent non ab alio, sed à se hanc mirabilem habere potestatem.

Ex dictis colligimus, in testimonio quod versamus, sermonem fieri de incredulitate, quæ opponitur fidei, quæ est gratia gratis data: licet non ob id negemus hanc fidem identificari cum fide virtute Theologica, aut eam supponere.

*Dicit quispiam*, adhuc insolutum manere argumētum secundum: quo contendebamus probare, sine fide non posse dæmonia eijci: fateor, adhuc solutione eget: Nam quæ diximus ad explicationem testimonij obscuri ex Matthæo allati dumtaxat conducunt.

Solutio igitur argumenti est, sine fide virtute Theologica adiurantes, aliquando, sed rarò dæmonia eijci: scilicet, sine fide etiam quæ gratia est, sæpè: quod experientia vidimus ferè in omnibus exorcistis nostri temporis: at Apostoli, & eorum coætanei Christiani, rarò, aut nunquam sine vtraque fide id efficere, non enim potestas eijciendi dæmonia, & alia, quæ exuperant naturæ vires, eis quantum lacunæ concessa est, sed copiosissima: in qua annectebantur duæ gratiæ gratis data: fides scilicet, & miraculorum gratia: fides quidem, vt certissime & sine vlla hæsitatione cre-

derent



derent omne miraculorum genus se posse perficere, & firmissimè se facturos esse sperarent: quod necessarium fuit, ne temerè se ingerentes rerum mirabilium patrati, si euentus deesset, ludibrio exponerentur ipsi, & eorum doctrina, & statim sequebatur miraculorum gratia.

Itaque fidei donum non semper comitatur miraculorum gratiam: ut patet in eiectione dæmonū facta ab exorcistis nostris: comitatur autem copiosam gratiam, qualis erat in Apostolis, & postea, sed rarò in hominibus insignis sanctitatis: & in his deficiente fide, deficiebat miraculorū gratia: quia annexæ erant, in copia illa eorum potestate: at in alijs, in quibus non est ita copiosa potestas nō est necesse ad illam fidem, quæ donum est.

28

Ad tertium quidam moderni nequaquam patiuntur illud testimoniū de fide, quæ est gratia gratis data intelligi debere: ne videantur conuenire cum Calvinistis fingentibus, nescio quā monstruosam fidē, per quā (aiūt) iustificamur. Nos verò, eorum fidem fictam detestantes, nō formidamus præfatum testimoniū, de fide, quæ gratia est, & valdè conducit ad miracula facienda intelligere cum Chrysostomo, Euthymio, & Theophylacto, ac Abulensi, super caput 17. Matth. questio. 165. & certè locus vix explicabilis est de fide, virtute. Multos enim nouimus aut legimus ingenti, & ardenti fide ornatos, nullum tamē miraculū patrassē:

Chrysost.  
Euth.  
Theoph.  
Abul.

ergo sermo Christi Domini, eo in loco, non est intelligendus de fide virtute. Sed quidquid de hoc sit, respond. ad argument. vtramque fidem valdè conducere ad dæmones eiiciendos, & alia mirabilia, quæ excedunt humanas vires, patranda, ut nos latè deduximus superius, & ob id valdè ad isthæc opera perficienda à Christo Domino commendari: at verò nō inde infertur sine ea dæmones abigi nō posse. Sat enim est gratia miraculorum pollere: ad hanc enim potestas eiiciendi dæmonia reducitur, ut superius docui.

## DISPUTATIO IX.

An oratio, & ieiunium necessariò præquirantur in adiurante dæmones, ut eos expellant?

ET pars affirmatiua videtur colligi ex Matthæi 17. & Marci 9. vbi Apostolis sciscitantibus quare non potuerint dæmoniacum puerum liberare, respondit Christus: Hoc genus dæmoniorum in nullo potest exire, nisi in oratione, & ieiunio. Quod testimonium de omni genere dæmoniorum explicant Athanasius lib. de virginitate, Chrysostomus, & Euthymius, & D. Thom. super caput. 17. Matth. In oppositum est. Nam fidei attribuitur isthæc potestas: at fides benè potest haberi sine oratione, & ieiunio: ergo, &c. Confirmatur: nam multa dæmonia expulerunt Apostoli sine præuio ieiunio Marci. 9. & Lucæ. 10.

Teriū.

Tertiò. Esto Dominus loquatur, non de omni dæmoniorum genere, sed quodam ferocissimo & læuori, quale erat, quod vexabat puerum relatum in testimonio Matthæi. 17. &

*Hierony.* *Marci* 9. ut testantur Hieronymus *super Matthæum*, & Leo *sermone secundo de ieiunio septimi mensis*, adhuc tamen videtur falsum, sine ieiunio & oratione adiurantis non posse pelli: quia gratia miraculorum, maximè comitata fidei dono, potense est ad omnia dæmonia profliganda. Et confirmatur, *Lucæ. 10.* ait Christus Apostolis sine vlla limitatione: *Ecce dedi vobis potestatem non super hos, aut illos dæmones, sed super omnem virtutem inimici: & capit. 9. dedit eis potestatem super omnia dæmonia.*

*2* Pro responsione dico primò. Ad omne genus dæmoniorum fugandum valdè conducit oratio, & ieiunium adiurantium conantium per exorcismos dæmones expellere. *Probat*ur: Nam ieiunium mentem præparat ad orationem: oratio impetrat fidem, & miraculorum gratiam: quæ potiora dona sunt ad debellandas aëreas potestates. *Qui orans ieiunat* (ait Diuus Chrysostomus) *binas possidet alas, quibus ventos ipsos volando præteruehitur: non enim oscitat, neque extenditur, nec torpet orando, sed igne ardentior, & terra superior est: quare terribilis hostis dæmonibus redditur. Nihil enim est in homine probè orante potentius.* Perlege eundem Chrysostomum de hac re probè concionantem *homilia 59. super caput 17. Mat.*

Deinde probatur ratione sumpta ex D. Thom. *quaest. 6. de potentia, art. 9. in corp.* quantò animus adiurantis magis abstrahitur à sensibilibus, & ad superiora eleuatur, tãto fit magis idoneus ad recipiendam gratiam miraculorum, ad quam potestas abigendi dæmones reducitur: sed per orationem, & ieiunium fit istiusmodi abstractio, & eleuatio, plus quàm per alias virtutes morales: quia per ieiunium à carnalibus, & corporalibus affectionibus abstrahitur, & per orationem, cum sit ascensus mentis in Deum, in superna eleuatur: aliæ verò virtutes non habent hoc: ergo ieiuniũ, & oratio præ cæteris virtutibus moralibus conducunt in exorcizantibus ad fugandos dæmones. Maior à nobis supra declarata est in omni gratiarum gratis datarum receptione.

*Secundò dico.* Absolutè loquendo sine oratione, & ieiunio possunt exorcizantes dæmonia eijcere. *Probat*ur omnibus argumentis factis pro parte negatiua huius dubitationis.

*Dico tertiò.* Est quoddã dæmoniorum genus, quod regulariter non potest eijci, nisi præcedentibus ieiunio, & oratione. Dico, regulariter, quia potestas diuina in operibus miraculosis peragendis, neque ieiunio, neque orationi, aut alijs virtutũ actibus alligata est. Quare omne dæmoniorũ genus, aliquando sine oratione, & ieiunio profligari non dubito: quando id Dei prouidentia ordinauerit propter fines, quos ipse scit.

Hoc



*Matt. 17.* Hoc assertum expressè habetur *Matthai 17. & Marci 9.* Quod testimoniū videtur necessario intelligendum de aliquo speciali genere dæmoniorū: & certè pronomē, *Hoc*, id manifestat. Cū enim discipuli interrogassent Dominum; cur qui alios eiecissent dæmones, hunc fugare non potuissent? Dominus post alia inquit: *Hoc genus dæmoniorum non eijcitur, nisi in oratione, & ieiunio*: ac si diceret: quavis potestate à me accepta, multa dæmonia expuleritis: tamen in hoc dæmoniorum genere non sat est consueta, & ordinaria facultas; quia scilicet, nō ita facilè pellitur, ut cætera. Hæc meo inuocato nomine fugiunt: illud nisi oratione, & ieiunio præcedentibus non exhibet. Ita explicat Abulensis *Matthai 17. questio. 172.* & approbatur communiter à modernis expositio: nam alia de omni dæmoniorum genere vix adaptari potest historiæ Euangelicæ, & circumstantijs eius. Ex his responderi potest ad argumenta facta initio huius dubij.

4

Sed tamen adhuc animus non quiescit, nisi discutiamus multa quæ in prædicto testimonio inuoluuntur. Primum esse aliquod dæmoniorum genus, quod difficilius, quàm cætera ab hominibus molestandis abiguntur. Hoc certo certius est. Tum experientia exorcistarum affirmantium se quosdam dæmones facilè profligare, in alijs verò expellendis per multos dies valde laborare: imò quandoque re infecta recedere. Tū

ex testimonio citato id ipsum manifestè apparet in dæmone, quem Apostoli non potuerunt eijcere: cū quàmplurimos alios expulissent.

Secundum scitu dignum, qui sint illi, qui difficilius eijcientur; ad quos fugandos adiuratores ieiunio, & oratione muniri necesse est? Quidam aiunt eos difficilius pelli, qui superiorum ordinum sunt; eo quod maiores vires possident: sicut in humanis difficilius à ciuitate pellitur ferocior inimicus, quàm imbecillis: iuxta illud: *Dum fortis armatus custodit atrium suum, in pace sunt omnia. quæ possidet: tū autem fortior illo superuenerit, vniuersa eius arma auferet, & spolia distribuet, &c. Lucæ 11.* Sed hæc coniectura leuis est. Etenim siue dæmones sint inferioris ordinis, siue superioris, quilibet etiam infimi ordinis, vires habet ad superandum, & subiugandum fortissimos quosque homines: ergo parum retulerit ad difficilem egressum esse superioris, aut inferioris ordinis. Item dæmones non affligunt obfessos pro quantitate virium dæmoniacarum: quia non permittuntur quantum possunt affligere: alias omnes homines occidissent; sed modus, & terminus afflictionis ex mensura à Deo permissa sumitur: At fieri potest (& credo fieri) ut plus permittatur aliquando sequi in hominem, dæmoni inferioris ordinis, quàm superioris: ergo non quia aliquis dæmon ad ordinem superiorē pertinet, difficilius pellitur. Sed sæpè accidere verosimile est, plus labor a

re ex

re exorcistas in pellēdis quibusdam dæmonijs inferioris ordinis, quàm superioris.

3 Alij afferūt, eos dæmones difficilius expelli, qui nullā, neque tantillam requiem miseris obsessis imperitiuntur. Hi refutātur exemplo illius dæmonis, quem difficile expellendum ait Euangelica historia: & eadem affirmat *Marci*, & *Luca nono*, aliquando relinquere puerum obsessum, ac postea redire. Et eadem historia refutantur illi, qui dicunt eos dæmones difficilius expelli, qui ingressi sunt ob culpam obsessorum. Nam ille puer dæmoniacus cū ab ineunte ætate vexatus fuerit, ut dixit pater eius; verosimile est non ob culpam suam in tam teneris annis dæmonis vexationem sustinuisse.

Alij dicunt, eos dæmones difficilius pelli, qui diutius energumenos vexarunt: sed hi nullo firmo fulciuntur fundamento. Quid enim ad difficilem egressum, diutius inhabitasse hominem? Certè mihi persuadeo; dæmonem hunc, qui vexauit præfatum puerum non minus difficile expellendum à primo die sui ingressus, quàm post multos annos, cum statim illum puerum malè affecterit priuatione auditus, & loquelæ.

6 His, quæ allata sunt, rei huius incertitudo, ac dubietas facilè dignoscitur: nequeo autem negare ex Christi Domini reuelatione certò constare, esse aliquod dæmoniorum genus, quod difficilius pellitur, quàm

cætera. Quod est illud? lunaticum, surdum, ac mutum. Pater pueri nūc lunaticum vocat: nunc surdus, & mutus vocatur, Matthæi 17. sic fate- *Matt. 17.*  
tur: *Filius meus lunaticus est: & Marci 9. Marc. 9.*  
*Tuli filium meum habentem spiritum mutum:* quod verò idem etiam surdus fuerit, Christi sermo enunziat: *Surde* (inquit ille) *& mute spiritus precipio tibi, exi ab homine.* Oportet autem obiter notare dæmones dici mutos, ac surdos, non quia non intelligant, quæ dicuntur, aut quia loqui non possint: sed quia efficiant obsessos surdos, ac mutos eos, quos inhabitant. Et lunatici dicuntur, quod certis Lunæ temporibus & decrementis grauius torqueant. Igitur ex Euangelica historia habemus, ea dæmonia, quæ miseros obsessos surdos, ac mutos efficiunt, difficilius propulsari à corporibus obsessorum: an verò hi soli sint, qui difficilè expellantur, & an ad eorum expulsionem sit necessarium præcedere orationem, & ieiunium, fateor me ignorare: nec se offerunt principia, vnde possim aliquid certum colligere.

7 Quibus autè de causis dæmones lunatici, muti, ac surdi, & si qui sunt alij, difficilè expellantur non est facile diffinire. *Lyranus* in *nonum caput Lyrani.*  
*Marci* ait, id prouenire ex viribus præstantioribus horum spirituum lunaticorum, mutorum, ac surdorum. Sed eisdem rationibus impugnatur, quibus illi, qui afferunt dæmones superioris ordinis difficilius profligari. Item virtus diuina, à qua

H dæmo-



dæmonia expelluntur, etiam si minima sit, potens est omnes vires, ac robur fortiorum dæmonum; imò totum infernum profligare: ergo difficultas maior exeundi non oritur ex magnis viribus dæmonum, quæ relatæ ad diuinam virtutem nihil sunt, & nihili æstimantur. Dicit quis: sunt dæmones muti, & surdi; ac proinde, neq; ad interrogata respondere, neque exorcismos audire. Benè quidem, si ad obsessos sermo dirigetur: at ad dæmones inhabitantes destinatur: qui percipiunt exorcismos, & possunt vincula linguæ mutæ soluere, quàm ligauerunt.

8

Vt rationem, quare dæmones lunatici, surdi, ac muti difficilius ab obsessis pellantur inuestigemus, aliquot præmittenda sunt. *Primum* est, quædam dæmonia maiorem accipere potestatem supra energumenos, quàm alia; & hoc nõ provenire ex maioribus viribus dæmonum inuadentium, tum, quia minimus dæmonum posset omnes homines subiugare: neque ex voluntate absoluta dæmonum: namq; sua est erga homines inuidia, & odium si pro volutate sua, ac virium quâtitate permitteretur debacchari, omne hominum genus funditus interemissent, ut annotauit Chrysostomus super caput Mat. 17. Sed id provenit ex Dei permissu, ac ordinatione prouidente, ut nunc maiorem, nunc minorem potestatem supra obsessos obtineat: quod manifestè apparet ex sanctissimi Iobi historia: Nam *primo capite*

Chrysost.

Iob, I.

exprimitur, quomodo sine Dei licentia nequiuit Iob molestare, & dumtaxat accepisse potestatem supra bona eius. Et in *capite secundo Iob. 2.* habetur ampliorem esse facultatem concessam dicente Deo: *Ecce in manu tua est, veruntamen animam illius serua*, & *egressus Sathan à facie Domini percussit Iob vlcere pessimo.* Ecce quomodo ex Dei voluntate dæmones maiorem accipiunt potestatem.

9

*Secundò* præmittendum, pro quâtitate potestatis, quàm dæmones in homines accipiunt, maior, atque minor vis in exorcizantibus ad ipsos ex hominibus pellendos necessaria est. Itaque ubi parua potestas dæmonibus collata est, parua potestate ac vi eiiciuntur: at ubi magnam potestatem accepere, magna etiam vis in exorcizantibus necessaria est. Ac proinde ea dæmonia difficilius exeunt ab obsessis, quæ supra ipsos maiorem acceperunt potestatem: Hoc dictum non aliunde probatur, nisi exemplo hominum se loco pellentium: & quia actiua passiuus proportionari necesse est.

*Sed contra hoc* notabile est argumentum. Virtus diuina à qua profligantur dæmonia, mediante hominum ministerio, quantumuis minima, potens est, omne genus dæmoniorum, etiam si supra energumenos magnam acceperint potestatem, profligare: ergo ad pellendos dæmones, qui supra obsessos acceperunt magnam potestatem, sufficit qua-

qualiscunque in exorcistis vis, ac virtus, eiectionis dæmoniorum, ac per consequens non difficilius quædam pelluntur, sed omnia æquè faciliè. *Antecedens probatur.* Quia sicut minimè vires dæmonis infirmi possunt vires omnium hominum superare propter excellentiam naturæ Angelicæ supra humanam; sic etiam quælibet vis, ac virtus diuina superat omnem cuiusvis dæmonis, propter excellentiam naturæ diuinæ supra Angelicam.

Certè si inesset exorcistis virtus expulsiua dæmonum per modum habitus, aut potentiae, argumentum haberet non mediocres vires: ut verò cum virtus expulsiua dæmoniorum sit quid actuale: id est, motio diuina, qua mens eijcientis dæmones eleuatur, ut sit instrumentum Dei pellentis: maior, & minor reperitur, secundum quod maior, & minor resistentia in dæmone habitante inuenitur: & ad pellendum dæmonem magis resistentem virtus diuina fortius mouet, & efficacius se attemperat actibus adiutorum: quos Deus ut instrumenta diuinæ virtutis assumit ad pellendos dæmones. Nec hoc est peculiare in virtute eiectionis dæmonum: sed reperitur in omnibus donis actualibus: nam maius prophetiæ donum accipit vnus propheta, quàm alter: quia Deus magis mouet mentem vnus, quàm alterius: & idem dico de gratia miraculorum, & sanitarum, & similibus.

His præmissis planum erit assignare causam, quare dæmones lunatici, surdi, ac muti difficilius expelluntur ab obsessis: videlicet, quia cum maiorem potestatem accipiant supra miseros obsessos, maior subinde vis requiritur in eos eijcientibus. Maiorem autem potestatem, quàm cætera dæmonia accipere, non leuiter suadet ex magna clade illata à dæmonibus his puero illi, de quo Matth. 17. Marci, & *Matt. 17.* Lucæ 9 nam allidebat eum dæmon, *Marc. 9.* discernebat, coniciebat in aquam, *Luc. 9.* & ignem; interempturus certè, nisi à Deo cohiberetur, ut adnotauit Diuus Chrysostomus. Insuper fecerat *Chrysost.* surdum, ac mutum, quod extremæ subactionis, & miseriæ indicium est.

Quanta autem in eijciente requirebatur potestas, vel ipsa Iudæorum existimatio persuadet: quia Christi in his lunaticis, surdis, ac mutis dæmonibus eijciendis potestatem, plus mirati sunt, ac accubauerunt, quàm in quibuscumque alijs propulsandis: imò quàm in mortuorum ad vitam reuocatione. Postquàm Dominus mutum dæmonium eiecisset, & mutus locutus fuisset: inquit Matth. capite nono: *Admirata sunt turba dicentes: Nunquam sic apparuit in Israel: & capite duodecimo, cum iterum eiecisset dæmonium mutum: Nunquid (inquiunt) iste est filius David?* Et Lucas capite nono asserit obstupuisse omnes in magnitudine Dei: postquam *Matth. 9.* *Luc. 9.* cura.



curavit lunaticum, cuius mentio fit Matthæi decimoleptimo: & tamen hic stupor ipsos non apprehendit: quando mortuos sulcitabat, neque in similes acclamationes proruperunt.

II *Vltimò.* Desiderat animus scire quibus de causis ad dæmonia lunatica, surda, ac muta pellēda necessariū sit exorcizātem oratione, & ieiunio muniri: quod propius accedit ad nostrum intentum inquirens, de requisitis in exorcistas ad dæmones propulsandos, ne hominibus molesti sint. Et quidem fortasē posset quis dicere, verba Christi Domini de ieiunio, & oratione præmittendis ad propulsionem dæmoniorū lunaticorum, surdorum, ac mutorum esse intelligenda, non de necessitate, sed quia valdē conducunt ad omnia dæmonia eiicienda, sicut in primo asserto dicebamus. Sed qui sic interpretatur, refellitur à Marco dicente: *Hoc genus dæmoniorum in nullo potest eiici, nisi in oratione, & ieiunia.* Vbi absolutam potestatem negat, nisi præcedentibus oratione, & ieiunio. Sanctius cum Caietano Matthæi 17. dicimus, nouit solus Iesus, quare hoc genus dæmoniorum exigit orationem, & ieiunium, vt egrediatur: & quidem secundum regulas generales, & attenta efficacia gratiæ miraculorum, sola vis eiectionis dæmonum sufficit ad omnia dæmonia propulsanda: & fides, quæ est gratia gratis data, sufficiet sine ieiunio, & oratione: at verò sicut est in

Caietan.

potestate Iesu conferre gratiam eiiciendi dæmonia, quibus voluerit, & denegare, quibus placuerit non dare: sic placuit illi non conferre eam gratiam, neque fidem miraculorum ad eiiciendos dæmones lunaticos, surdos, ac mutos, nisi præcedentibus oratione, & ieiunio.

*Dices.* Cuius debet esse oratio, & ieiunium? adiurantium, an adiutorum? Hoc non est certum apud sacræ Scripturæ interpretes. Quidam aiunt ex parte adiutorum: quidam ex parte adiurantium: mihi plus quàm probabile est, hæc postulari ex parte adiurantium: tum, quia in puero isto ferè infatuato à dæmone, hæc non desiderabantur: tum maxime, quia Apostolos eum dæmonem non eiecisse, tribuitur partim incredulitati ipsorum, partim defectui orationis, & ieiunij. Et ideo docentur, quando simile genus dæmoniorum conarentur eiicere, debere eos oratione, ac ieiunio præcedentibus muniri.

Habemus igitur ex præcedentibus, gratiam miraculorum esse principium effectiuum, ac instrumentale, quo mediante Deus dæmonia fugat, ne molesti sint hominibus: fidem verò, virtutem Theologicam, ad eam recipiendam gratiam conducere, ac disponere: fidem autem, quæ gratia est, esse dispositionem proximam, & vltimam, ad quam infallibiliter sequitur eiectionis dæmonum. At verò ieiunium, & oratio disponunt quidem ad eam gratiam, sed.

sed non ita proximè, vt fides : & ad quoddam genus dæmoniorum fugandum ex Christi Domini voluntate, necessaria sunt. Et hæc dicta sunt de requisitis in exorcistis ad fugandum dæmones.

*Annotatio ad sequentia.*

**C**Ausa formalis in respectu iuris: cum ergo potestas abigendi dæmones versetur in propulsandis malis, quæ dæmon intulit, aut conatur inferre, operæ pretium erit inuestigare, quæ sint ista mala. Et ideo fit:

DISPUTATIO X.

*An ad omnia mala, quæ dæmones possunt inferre, propulsanda per adiurationem, sit in Ecclesia Christi potestas?*

**E**T pro parte negatiua arguitur primo. Quia dæmones variè, ac multipliciter homines ad peccandum tentant, & inducunt. Sed ad has tentationes vitandas non est medium ordinatum adiurare dæmones, ne tentent: ergo non est in Ecclesia potestas, vt dæmones adiurentur ad omne malum imminens ab eis propulsandum. Minor patet, quia neminem fidelium legimus vsum fuisse adiurationibus ad vitandas dæmonum tentationes; sed fortiter repulsa, & resistentia ac crebris ad Deum fufis precibus.

*Secundo.* Continget quandoque

hominem infirmitatem pati à dæmone immiffam: & tunc non licet adiurare dæmonem, vt eam à nobis auferat: etenim procurare ab eo sanitatem, aut quodlibet obsequium recipere, pertinet ad inicitam cum eo societatem: quod non admittit Diuus Thomas in secunda conclus. ergo, D. Thom. &c. Idem argumentum fit de recuperatione famæ, aut pecuniarum à dæmone sublatarum.

In oppositum est illud Lucae de Luca. 10. cimo; *Ecce dedi vobis potestatem calcandi supra serpentes, & scorpiones, & super omnem virtutem inimicæ, & nihil vobis nocebit.* En promissio Christi Domini ad omnia mala propulsanda extenditur. Et ita interpretatur Diuus Thomas in secunda conclusione.

Pro decisione dico primo. Quotiescunque certis, aut probabilibus signis deprehenditur dæmones aliquod malum infligere hominibus, licitum est eos adiurare, præcipiendo in virtute nominis Christi, aut alicuius rei sacræ, ne homines vexent, cessentque à tali malorum inflictione. Probat. Nam ad hunc finem, liberandi scilicet miseros homines à dæmonum iniuria, collata est à Christo Domino potestas Ecclesiae suæ, vt vidimus in testimonijs ex Euangelio sæpè citatis.

*Dico secundo.* Non est potestas in Ecclesia ad adiurandum dæmones, ne nos tentent. Probat. Quia potestas hæc adiurandi dæmonia, non est data ad destruendum ordinem



communis prouidentia diuinæ, sed potius ad eum stabiliendum. Sed si homines per adiurationem possent dæmones compellere, ne nos tentarent, subuerteretur ordo diuinæ prouidentia: ergo non est in Ecclesia talis potestas. *Probat minor.* Quia diuina prouidentia inter alia ordinauit, ut per tentationes, maximè dæmonum, exerceremur ad pugnam: incitaremur ad victoriam, ut patet *Tobia 12. Iacobi 1.* & ex Patribus, & rationibus, quas attuli alias *questione 83.* explicans sextam petitionem orationis Dominicæ: ergo si esset collata potestas hominibus, ut per adiurationem omnino fugarent dæmonia, ne nos vnquam tentarent, ordo diuinæ prouidentia, & facultas victoriæ adipiscendæ tolleretur. *Confirmatur.* Quia potestas hæc ad dæmones fugandos maximè viguit in Apostolis; & tamen non poterant eos compellere, ne tentarent. Sæpè enim à Dæmonibus tentati sunt, *Luca 22.* Ecce Sathanas expetuit vos, ut cribraret sicut triticum. Et Diuus Paulus aiebat se vexari ab Angelo Sathanæ: ergo neque modo in Ecclesia est talis potestas.

*Secundo* Non licet, neque est potestas compellendi dæmones ad id, quod à Deo non est petendum: sed non est petendum à Deo, ut nullis nos sinat tentationibus subiaccere, ut latè probaui *loc. cit.* explicans illud orationis Dominicæ: *Et ne nos inducas in tentationem*: ergo nec licet dæmones ad idem adiurare. Idem dico

de quocunque alio malo, quo sublato turbaretur ordo diuinæ prouidentia: verbi gratia, non licet adiurare vnum, aut omnes dæmones, ut eant in abyssum, neque pro semper, neque ad tempus. Et iuxta hoc assertum intellige secundum proximè præcedens, & dissolues etiam primum argumentum factum initio dubitationis huius.

*Aduerte* tamen, me non negare non deberi, aut non posse adiurari dæmones immitteutes aliquot tentationes. Debent quidem, & possunt adiurari, si deprehenditur eas à dæmonibus immitti: sed quod assero est non posse, neque deberi adiurari, ut nunquam tentent: quia ex hoc peruertitur ordo diuinæ prouidentia: ex illo nequaquam sed subuenitur calamitati huius, vel illius hominis.

*Ad secundum resp.* Infirmitates, & alia huiusmodi immissa à dæmonibus esse in duplici differentia: *quædam*: quæ pendent à præsentia, vel actuali influxu dæmonis vexantis: itaque eo fugato auferetur infirmitas, & redibit sanitas: *quædam* vero immissæ sunt à dæmonibus, sed non sanabuntur ijs fugatis, sed necesse erit eas curare medicamentis adhibitis, aut aliquibus dæmoniaca virtute effectis. *Ad prioris generis infirmitates tollendas* licet dæmones adiurare: quia adiuratio directè ordinatur ad dæmonem propulsandum, quod autem sanitas exhibeatur infirmo naturali

con-

*Tobia. 12.  
Iacobi 1.*

*Luca. 22.  
D. Paul.*

consequio diminuat. Ad secundi generis infirmitates tollendas non licet dæmones adiurare : quia id non valent efficere dæmones , nisi præstita aliqua opera , aut obsequio : quod non licet à dæmone petere : ut in argumento probatur. Sed de hoc fortasse fusior redibit sermo inferius.

Habemus igitur , licere dæmones adiurare præcipiendo in Christi nomine , aut alicuius rei sacræ , ne hominibus mala inferant: modo extali repulsione malorum , non perturbetur ordo diuinæ providentiæ.

Sed quæ sint ista mala , quæ codæmon hominibus possit inferre: non erit ingratum lectori speciatim scire: ut agnoscat, ad quæ se extendat potestas præfata collata Ecclesiæ aduersus malignos spiritus. Quare

# DISPUTATIO XI.

*Verfabitur in recensendis malis, ac arumnis, quas possunt, & solent dæmones hominibus inferre?*

**M**Ala hæc, ac nocumenta innumera sunt; reducam tamen ad certa genera, seu capita. *Primo*. Possunt in bonis fortunæ lædere , greges, & armenta perdendo , iugulatione, veneno, igne : sicut legitur Iob 1. messes comburendo , domos diruendo, & similia. Modus isthæc faciendi perfacilis est, etiam hominibus, nedum potentissimis spiritibus.

Possunt & alienæ famæ nocere multis modis : per os arreptitiorum, & assumpta figura innoxiorum comparere in loco criminis. Sed obseruatum est hoc dæmoni nunquam Deum permisisse , nisi ad tempus breue; mox innocentiam iustorum propalaturus : quod legimus apud Diuum Hieronymum de Beato Syluano , & apud alios de aliis Sanctis à Dæmone diffamatis sumptæ eorum figura : sed à Deo cito detectæ sunt thecæ inimici, & innocentibus sua fama est restituta.

Possunt secundo corpus affligere variis modis ; verberando scilicet, vulnerando , plagas inferendo, morbos generando , affricato, vel sparso veneno , multisque aliis modis, multo potentius , quam homines. Hæc enim omnia efficit per motum localem , vel applicando actiua passiuus : cum hostis iste omnium rerum efficacitates nouerit , & ea omnia possit corporibus admouere. Quinimo & homines enecare valent: ut patet ex occisione facta à Deo erga primogenita Ægypti; quam fecisse ministerio dæmonum apparet Psalmo 77. quâdo enumerando plagas , & mortes Ægyptiorum dicitur esse facta per Angelos malos. *Misit in eos* ( inquit ) *iram indignationis suæ , &c. immisiones per Angelos malos;* id est , calamitates ab Angelis malis immixtas : Deus enim istis pro carnificibus vitur, 3. Regum 22. Et confirmatur : nam 3. Reg. 22 Exodi 12. ubi noster interpret vocat

Hierony.

2.

Psal. 77.

3. Reg. 22



**Exod. 12.** cat illam occisionem, *Plagam disperdentem*, Hebraicè habetur, *Masbith, perdentem*, id est, Angelos perdentes per synecdochem numeri: cui annuunt Hebræi: *Quia in tenebris* (inquiunt) *immittuntur mala, recte demandantur malignis spiritibus*, quoniam ipsi sunt *spiritus tenebrarum*. Sed apertius de

**Tobia. 6.** morte, quæ fit à dæmonibus, habetur Tobia cap. sexto: ubi narratur, dæmones suffocasse septem maritos Saræ, nurus postea Tobia.

3. *Tertio.* Possunt sensus exteriores, & interiores hominis immutare, ut ludificentur, ac decipiantur. Sic ha-

**D. Thom.** bet Diuus Thomas 1. parte, *quest. 111. artic. 3. & 4. de veritate, quest. 1. art. 3. & quest. 12. art. 8. de potentia quest. 6. art. 3. ad tert. de malo, quest. 16. art. 1. ad. 16.*

**D. Thom.** Ratio est: quia omnis natura corporea obedit naturæ spirituali per localem motum: ita Diuus Thomas 1. parte, *quest. 110. art. 3.* Sed dæmones substantiæ spirituales sunt; sensus verò exteriores, corporei, & materiales, id est facultates affixæ organis corporeis: ergo à dæmonibus immutari possunt per localem motum. De qua re copiosius infra in disputatione præambula ad *questio. 95. & 96.*

An vero possint nocere animabus, mouendo earum potentias, videlicet intellectum, & voluntatem, etiam renuentes, & eas decipere? agendum erit latius inferius in disputatione citata,

Hæc dicta sunt de multiplicitate

malorum, quæ dæmones hominibus possunt inferre: quibus nullis humanis remediis potest occurrere, nullis pharmacis mederij, nullis hominum artibus auxilium præstari. Etenim non est potestas in terra, quæ comparatur ei (scilicet dæmoni) Iob 40.

Audiens quis, dæmones tam ingenti pollere potestate, haud dubium contremiscet, & valde timebit tam potentes hostes, & percipidos pernicipi hominum. Quare merito est.

#### DISPUTATIO XI.

*An liberum sit dæmonibus, ea mala, quæ per vires naturæ suæ hominibus infligere possunt, de facto infligere? Si hoc enim verum est, va mortalibus. An vero isthac eorum potestas ligata, & prohibita à Deo sit, & quomodo?*

**ET** videtur vera prior pars dubitationis. *Primo.* Quia ordo diuinæ providentiæ expostulat ut res, maxime quæ libertate pollent, sinantur suis viribus uti, ac suis motibus gaudere: ergo diuinam providentiam decet sinere dæmones, ut suas vires exerceant in nocendo hominibus, quos lædere summopere desiderant, *Confirmatur.* Quia Deus elementa finit agere secundum suam naturam, feras etiam, ut lupos, & leones, ut noceant quantum placuerit: imò & homines: ergo & usum suæ libertatis in malis inferendis libe-

rum

rum, & non ligatum reliquit dæmonibus. Ac proinde non nisi miraculose prohibebuntur mala inferre: sicut aliquando accidit inferis, & hominibus.

*Secundo.* Illud axioma commune Theologorum, dæmonū esse ligatā potestatem, ne mala hominibus intendant, quæ possent attentis suæ naturæ viribus. *Vel facit hunc sensum,* Dæmones non valere suas vires executioni mandare, nisi Deo concurrente, saltem ad materiale operis: & hoc non, quia id verificatur etiam in aliis rebus, quæ habent potestatem aliquid faciendi: quarum potestatem non dicimus ob id esse ligatam, sicut in dæmonibus. *Vel sensus est,* Deum prohibuisse, ut sine sui licentia, aut permissione nil moliantur mali aduersus homines: & hoc quidem peculiare est in dæmonibus. Sed sine sacre Scripturæ testimonio, aut ratione vrgenti dicitur: & ut dicebamus in primo argumento, contra ordinem diuinæ prouidentię.

*Tertio.* Esto potentia dæmonum esse ligata isto posteriori modo: vnde possunt scire dæmones Deum aliquando hanc licentiam concessisse: esset enim necessarium, ut per se, vel per Angelos bonos id Deus dæmonibus reuelaret, quod videtur inconueniens.

*In oppositum est.* Nam quæ est inuidia, & odium dæmonum erga humanum genus: si sinerentur suis viribus uti homines omnes necarent,

& eorum bona disperderent. Marcion, & Manichæus, qui dæmonem esse Deum, & principem huius mundi dixerunt: negarent potentiam eius esse à Deo ligatam: imo neque Lutherus, qui *super epistolam ad Galatas capite tertio*, dicit, dæmonem in toto mundo regnare; & mox regnum istud quale sit; explicat his verbis: *Sumus autem nos omnes corporibus, & rebus subiecti diabolo, & hospites in mundo, cuius ipse princeps, & Deus est.* Vbi satis aperte in errorem Manichæi declinauit. Sed sit illi, & illis, talis Deus: nos autem veri Dei sumus famuli: diaboli autem hostes perpetui. Sed de refutatione Lutheri suo loco.

Modo pro explicatione dubitationis propositæ præmittere oportet quædam indubitata. *Primum est,* potestatem diaboli, attentata sua natura; longè superare vires omnium hominum: ac proinde eadem attentata, possent homines omnes perdere, & eorum bona destruere, ut colligitur ex *Iob 41.* vbi ait, non esse potestatem, quæ compareretur ei in terra. *Secundum est,* dæmones quantum in se est, valde cupere totum genus humanum delere, ac cladibus afficere, propter odium, & inuidiam, quibus incessanter homines prosequuntur. Egregiè Diuus Petrus *1. Pet. 5.9* prima Canonica, capite quinto. *Aduersarius vester diabolus tanquam Leo rugiens circuit, querens quem deuoret.* Et Paulus ad Ephesios *6. Ephes. 6.* *Non est nobis colluctatio aduersus carnem,*



nem, & sanguinem: sed aduersus principes, & potestates tenebrarum harum. Coluctatio hæc nihil aliud est, quam odium, & inuidia hostilis: à qua prouenit, vt nos vsque ad internecionem destruere conentur, & facerent si à Deo permitterentur, vt statim dicemus: ex parte vero nostra nos eis colluctamus, eorum suasionibus dissentientes, q̃m diuinam aduersus sæuos, & fortissimos hostes implorantes; qua muniti eos sæpe superamus. His positis.

6. *Dico primo.* Naturalis potestas dæmonum à Deo ligata est, vt sine eius permisso, aut licentia nil mali inferant hominibus, aut eorum bonis. Hæc assertio est communis assensus Sanctorum, ac Theologorum: ita Diuus Augustinus libro 3. de Trinit. cap. 7. & 8. & libro 20. de ciuit. Dei, cap. 3. & 8. & libro 2. contra aduers. legis, capite vltimo: Sathanas (inquit) cum habeat semper cupiditatem nocendi, nocere cuique non potest, nisi ab Omnipotente acceperit potestatem. Quid aliud: non solum in libro Iob, sed etiam magis in Euangelio declaratum est, vbi spiritus immundi, nec in porcos irent, nisi hoc illis benignus ipse Saluator petentibus, quos certe in abyssum posset relegare, concederet. Rem necessariam docere nos volens: vt scilicet nouerimus, multo minus eos posse sua potestate nocere hominibus: qui nec pecoribus qualibuscunque potuerunt. Hæc eleganter Diuus Augustinus: & Diuus Gregorius lib. 2. Moralium cap. 11. vbi id colligit, & omnes Theologi ex capite 1. Iobi, ex capite octauo Luca, & libro quarto, capite

12. Idem dicit Chrysostomus libro 3. de patientia Iob. En dæmones attempta sua facultate naturali, poterant Iobum affligere: & tamen non valebant sine Dei permisso, ac licentia: qui tunc dicitur ligare dæmones, quando non permittit eos facultate sua naturali abuti, tunc vero dicitur soluere: quando permittit, aut licentiam tribuit.

Assertio itidem tenetur à Magistro sentent. in secunda distinct. 7. & à Diuo Thoma 3. par. quest. vigesimo nono, artic. 1 ad tertium de potentia, quest. sexto, artic. 5. de malo, questio 16 articulo vndecimo ad 11. Videte si placeat Abulensem super cap. 15. Matth. quest. 66. & Maldonatum super cap. 22. Luc. circa illud: Ecce Sathan expetiuit, vt cribraret, &c. Deinde probatur ratione, quia alias si dæmones permitterentur debacchari iuxta vires, odium, ac inuidiam suam erga genus hominum: iam dudum illud obruissent: ergo ad prouidentiam Dei pertinuit eorum sæuam, & ingentem potentiam ligare, vt nihil possent in homines sine Dei licentia, ac permisso. Egregie Cassianus collat. 7. c. 22. Nemo (inquit) posset, non dicam iuuenum quos videmus in hac eremo constantissime commorari: sed neque perfectorum quidem: tantis taliumque hostium agminibus circumseptus in eremo singularis habitare: si in ipsis demonibus esset pro voluntate sua nocendi, vel accendendi facultas, atq; libertas &c.

In quo autem consistat ligatio hæc, & quid sit licentia, aut permisso Dei

Chrysost.

Mag. Sen.  
D. Thom.Abulan.  
Maldon.

Cassian.

7.

August.

Gregor.

D. Aug.

sio Dei necessaria, ut ligati dæmones laxentur: res difficilis visa est. Diuo Augustino ubi supra, cap. 9. ubi ait: *Ex ineffabili Dei potentatu fit: ut quod possint mali Angeli, si permittentur ideo non possunt; quia non permittuntur. Nec enim occurrit alia ratio, cur non potuerint facere minutissimas muscas, qui ranas, serpentesq; fecerunt: nisi quia maior adderat dominatio prohibendi per Spiritum sanctum. Quod etiam ipsi Magi confessi sunt dicentes, Dignus Dei est hic. Quid autem possunt per naturam, nec possunt per prohibitionem, & quid per ipsius naturæ suæ conditionem facere non sinantur: homini explorare difficile est: imo vero impossibile, nisi per illud donum Dei, quod Apostolus commemorat dicens, Alij diuinitas spirituum. Nouimus enim hominem posse ambulare; & nequaquam hoc posse, si non permittatur: volare autem non posse, etiam si permittatur. Sic & illi Angeli quedam possunt facere, si permittantur ab Angelis potentioribus ex imperio Dei; quedam vero non possunt, etiam si ab eis permittantur quia ille non permittit, à quo est illis talis naturæ modus: qui etiam per Angelos suos illa plerumque non permittit, quæ concessit, ut possint. Hæc Augustinus.*

Nos autem de modo ligaturæ ipsius, & solutionis eius tentabimus aliquid dicere: cetero cetero.

Dico secundo. Ligatio dæmonum ne nocent, nisi ex permissione Dei, non solum consistit in prohibitione illis à Deo facta per iussionem moralem aut præceptum: sed in prohibitione physica. *Prima pars probatur. Quia per prohibitionem præceptuam non*

aufertur potestas illis nocendi; alias non cecidissent per transgressionem diuini præcepti: sed de facto illis adempta est potestas nocendi, nisi præcedente Dei permissione, ut docui in prima assertione: ergo præfata religatio dæmonum non consistit in sola prohibitione morali per præcepta, aut per quid simile. *Secunda pars probatur.* Nam ea prohibitio est necessaria, quæ inducat coactionem & auferat vsum potestatis: hanc autem debere esse physicam clarum est, cum non sufficiat moralis: ergo &c.

Sed pro declaratione huius prohibitionis physicæ aduertendum, Deū operari posse per se ipsum immediate, aut mediata per ministerium Angelorum: per se ipsum, vel quia quando non vult, ut noceant dæmones, subtrahit eis concursum suum necessarium, ut nocumenta inferant; vel quia efficienter impellit, & prohibet modis sibi notis, ne lædant, quem lædi Deus non vult. Et iste modus prohibendi facilis est, & planus absque ulla difficultate.

Secundus modus prohibitionis considerari potest esse à Deo, mediante ministerio Angelorum, & est magis conformis sententiæ Diui Augustini libro 3. de Trinit. c. 4. dicentis: *Corpora quodam ordine reguntur, inferiora per superiora, & omnia per spiritualem creaturam, & spiritus malus per spiritum bonum.* Diuum Augustinum sequuntur Doctores, præcipue Diuus Thomas *prima parte, quæst.*



D. Thom.  
Gregor.

*quest. 108. art. 6. & ex professo, quest. 109. art. 4. & D. Gregorius homilia 34. in Euangelia, inquit: Potestates sunt Angeli, quorum ditioni virtutes aduersæ subiectæ sunt. Et ita demones dicuntur ligati, ne hominibus noceant, quantum possunt, & desiderant, quia ab Angelis, maxime custodibus arcantur, ne votis satisficiant, nisi DEO permittente.*

Sed quomodo prohibent Angelidæmonia? Quidam dicunt per impressionem actualem imprimendo, ad instar hominum prohibentium hostes per impulsione actualem, ne in aliquos irruant: & isto modo dicuntur Angeli ligare demones. Sed hoc non potest stare: tum, quia esset constituere perpetuam, & actualem pugnam inter bonos & malos Angelos, sicut mali perpetuo ligati sunt nisi Deo permittente. Hoc autem videtur inconueniens, & falsum: tum quia sæpe sine vlla actuâli impulsione inuigilant Angeli circa nostram custodiam: tum, quia quando Angeli sancti custodes assistunt Deo in cælis, non dicerentur ligatos habere malos Angelos, sed suæ permisos voluntati: etenim tunc nullam impressionem, aut repulsam actualem infligunt dæmonibus, nec possunt, cum sint extra spheram suæ actiuitatis: tum tertio, quia nunquam prohiberent, nisi iam, iam erumpentibus malis Angelis; cum tamen certum sit, eos arcere, præueniendo ne irrumpant; igitur existimo cacodæ-

mones ligatos esse bonis Angelis ne noceant hominibus, nisi Deo permittente; quia prohibentur ab Angelis ne noceant nisi ex eiusdem Dei permissu. Prohibent autem interdum abigendo, ne approprient hominibus nocendis, sine vlla actuâli impulsu Angelis malis inflicto, sed sola mediante sua cura ac vigilantia; interdum ipsis conantibus resistendo per actualem motum repressiuum dæmonibus infixum.

Explicatur hoc à simili. Milites fortes ac prouidi non solum prohibent hostes, ne capiant ciuitatem vi pellendo irruentes; verum & vigiliant, se seque ostentant de super murum, ut videntes inimici vigilantes custodes, terreantur, nec audeant cominus accedere, & hoc etiam arcere, & prohibere est. Non dissimiliter Angeli boni dicuntur arcere demones, ne hominibus noceant; interdum vi repellendo irruentes demones, instar militum deficientium de murorum cacumine inimicos conantes ascendere; interdum vigilantes, & circumdantes cliētes suos; ac parati vi repellere hostes, si appropinquent: & hoc etiā arcere est, quia vidētes demones paratā custodiā non audēt mortales impetere: sciētes ad sanctis Angelis vi illata esse fugandos, si mala conentur inferre. Consistit igitur prohibitio & ligatio dæmonum, vel saltem nascitur ex assistentia Angelorum, ac firma custodia erga homines ad modum explicatū, quod innuit Sathanas Iob 1. dicēs: Nō metu vallasti eū: protectionē

Angelorum insinuans, ut quidam dicunt, quia Angeli prohibent dæmones, ne noceant hominibus. Sicut illud Matth. 21. *Et sapē circumdedit ei,* id est Angelorum custodia: Ita Interlinealis.

Sed his nostris dictis occurrit ex aduerso historia Tobiae, cap. 8. Vbi narratur Raphael Angelum apprehendisse dæmonem Asmodæum, ac religasse in deserto superioris Ægypti. Quæ religatio nequiuisset fieri modis præfatis non per actuale impressionem, & detentionem: quia licet in apprehendendo dæmonem, potuit inueniri, sed tamen in detentione per multos dies Raphael abfente, & conuersante cum Tobia, reperiri non potuit, nec etiam per custodiam Tobiae: quia hæc impertinens fuit ad religionem in deserto Ægypti, cum fuerit detentio, ne à deserto egrederetur.

*Respondetur.* Dæmon Asmodæus ligatus fuit ab Angelo Raphael, non solum quia non sinebatur noxam Tobiae, & coniugi inferre: isto enim modo toto decursu temporis, quo apud eos, & cum eis morabatur Angelus bonus, Asmodæus, & alij dæmones ab Angelis ligati erant modis à me explanatis, sed etiam dicebatur religatus in superiori Ægypti deserto: quia ei loco affixus, ut illinc se remouere, alioque quopiam euagari non posset: at alligatio hæc peculiaris est, pertinens ad peculiarem Dei prouidentiam: nos verò loquuti sumus de alligatione dæmonum per-

tinente ad communem Dei prouidentiam, quæ non sinuntur dæmones lædere homines, nisi Deo permittente.

Quod si cupis scire, quomodo illa alligatio potuit fieri per Angelum Raphaëlem: nil certò de eo, quod factum est definire possumus: probabiliter tamē dicimus, id potuisse fieri per imperium Raphaelis præcipientis dæmoni illic non discedere: nisi licentia præmissa, & quamuis dæmon solo imperio Angeli, imò & Dei, salua suæ naturæ libertate non compelleretur, tamen sicut imperio hominum affigitur virtus diuina, ut dæmones recedant, exeant, &c. de quo latius infra, ita virrute diuina credimus Raphael imperasse Asmodæo, ut non recederet à deserto superioris Ægypti, quæ virtute diuina ligabatur ac detinebatur, ne discederet ante licentiam habitam à Deo, vel Angelo.

De huiusmodi ligatione per imperium videtur loquutus Augustinus li. de diuinatione dæmonum, ca. 7. *Fugantur (inquit) dæmones, vel etiam iussu superioribus colligati abstrahuntur, & alienantur à locis suis, ut de rebus, quibus dominabantur, in quibusq; colebantur, fiat voluntas Dei.* Nisi fortasse quis dixerit virtute diuina aptatum esse corpus ab Angelo, quo inclusus & alligatus Asmodæus non potuit illud à se excutere. Isto modo dicitur esse ligatus igne infernali: sed hæc alligatio, ut dixi, peculiaris est, sicut & illa, de Matth. 12. qua fit mentio, Matth. 12. Marc. 3. & Marc. 3.



*Apoc. 20.* Apocalyp. 20. Memento ramen, ac præ oculis habeto semper hanc ligationem demoniorum per metaphoram ad ligationem corporalem intelligendam esse. Similiter & modi quibus diximus ligari, metaphoricè

*2. Petri 2.*

*Iudas in Canon.*

*Apoc. 20.*

*Andreas*

vincula, rudentes, & catenæ nuncupatur. Sic enim 2. Petri 2. legimus: *Deus Angelis peccantibus non peperit, sed rudentibus inferni detractos in tartarum tradit cruciandos.* Et Iudas in sua Canonica: *Angelos, qui non seruauerunt suum principatum vinculis æternis sub caligine reseruauit.* Apocalyp. 20. *Angelus, ut serpentem antiquum in abyſſo ligaret: habebat catenam magnam in manu sua.* Vbi Andreas: *Catenam (inquit) ad nostram intelligentiam vocabit operationem, quæ Sathanae malitiam coercet.* Habemus igitur, dæmonum potentiam esse ligatam à Deo, ne hominibus noceant, nisi ipso permittente; & quomodo illud ligamen apponatur.

12

*Iob. I & 2*

Nō minor difficultas suboritur, in quo consistat Dei permissio, aut licentia collata demonibus, ut noceant quādo Deus id disponit, aut finit fieri; & vnde, aut quomodo dæmones, qui se ligatos esse sciunt, agnoscant solui, aut permitti nocere. Aliquis fortasse poterit dicere, dæmones à Deo licentiam petere, & Deo concedente mala infligi, quod si abnuat petitioni, desistit à nocendi conamine. Ita videtur colligi ex historia Iobi primo & secundo capite. Vbi dæmon petijt à Deo licentiam vexandi Iobum, petijt, inquam, peti-

tione intelligibili, qualis esse solet Angeli ad Deum: de quo 1 p. qu. 107. artic. 3. & obtinuit: & Matth. 8. visibili voce petijt dæmoniorum legio à Christo licentiam intrandi in porcos, quā Dominus concessit: & Luc. 22. ait Christus ad Petrum: *Simon ecce Sathanas expetiuit vos, ut cribra- ret sicut triticum:* id est petebat vos ita legunt quidam. Fateor, tamen, aliquando ita accidisse, maxime quando noxa inferenda à dæmone est vehementer concupita, ut in historijs allatis, sed cū innumera mala, & innumeris diaboli inferant, non videtur probabile secundum ordinem communis prouidentiae tot licentias à Deo petere, totque concessiones datas fuisse, ac multo plures negatas.

Alij respuentes tot licentias à demonibus petitas, dicunt ob id Deū permittere, aut licentiam dare nocendi: quia innuit illis, cui nocere debeāt: non quidē voce exprimendo, sed interius intelligibiliter indicādo. Et conatur probare ex testimonio Iobi citato. *Ecce (inquit Deus dæmoni) vniuersa, quæ habet, in manu tua sunt: id est do tibi potestatem affligendi eū.* Modus dicendi nō omnino impro- babilis. Contra quem tamen argumentor: quia vel illud innuere Dei pertinet ad reuelationem factā dæmonibus, vel ad præceptum: vtrumque aliquādo accidisse non inficior: nam plagas Aegypto inflctas dæmones intulisse Deo reuelante, & iubente ait Dauid Psalm. 77. vers. 55 quod

prius

Psalm. 77

Exod. 12. prius significatum fuerat Exod. 12. ubi nos legimus: *Plagam disperdentem*: habent Hebræi, *Angelum perdentem*, id est Angelos perdentes per synecdochem numeri: in licentia verò data Sarhanę vt Iobum affligeret, ne utiquam esse ponendum præceptum, Thom. affirmat D. Thom. ibidem, sed potestatem traditam.

Ceterum quidquid sit de licentia data diabolo ad nocendum sanctissimo Iob: existimo tamen secundum ordinem communis providentię, vt dæmones licentiam obtineant à Deo, aut permittantur hominibus nocere: non esse necessarium præceptum, aut reuelationem Dei, per quam innuat sibi non displicere, vt his aut illis noceatur. Et de præcepto patet: quia præcepta Dei communiter dantur ab eo bonis (spiritibus), vt potest qui habent rectam voluntatem ac conformem diuinę, ac proinde ei in omnibus obediunt; mali verò nequaquam communiter reguntur præceptis, sed coactione. *Secundo*, quia si imperio Dei nocerent: ergo non ex permissione. Communiter autem dicitur à Sanctis citatis eos affligere homines ex permissione diuina: quia sinuntur exercere & vires, & prauam voluntatem erga homines. Quod verò licentiam tribuat reuelando cui velit Deus nocere: non videtur verosimile: tum quia esset, quodammodo præcipere noxam: tum quia dæmones tot reuelationibus à Deo illuminari non videtur congruum.

Quare sub correctione doctiorum reor, totidem modis Deum largiri, aut permittere dæmonibus nocere hominibus: quot diximus eos impediri, ne noceant: Nam sicut eos ligari consistit in prohibitione, sic solui consistit in ablatione prohibitionis. Et sicut meditati sumus eos prohiberi posse, vel à Deo immèdiatè vel mediante ministerio Angelorum: sic & ablatio prohibitionis (quę est permissio) fit duobus modis, vel à Deo immèdiatè, vel mediante ministerio Angelorū. A Deo immèdiatè quia illos nō prohibet actuali impulsu, vel quia illis nō denegat cōcursū requisitum ad operandum; & hoc facile est dæmonibus cognoscere: sicut cuius facile est agnoscere, habeat ne manus solutas ad operandum. Ad vero ministerio Angelorū conceditur licentia hæc, aut permissio nocendi, vel quando dæmones ab Angelis nō patiuntur actualem repulsam, aut impressionē prohibitiuam, vel quando Angeli boni Deo reuelante deserunt cliētes suos vexandos à dæmonibus. Sed vnde scient dæmones, quod deseruntur homines ab Angelis custodibus, vt possint affligi? Dicit quispiā, quia Angeli custodes id reuelāt malis, puta dicētes, ecce istum, in eum potestis sauire. *Hoc non statim* quia tot reuelationibus dæmones imbui non est congruum: tum quia id videtur alienū à pietate Angelorum custodum, quasi digito ostendere, & sepius tradere suos cliē-



clientes vexandos. *Quod si dicas*, quia Angeli custodes non sunt assistentes hominibus aliquibus, & hoc benè vident dæmones. *Contra*, quia benè sciunt dæmones quandoque Angelos custodes absentes esse in cælo, vel aliquo loco valdè distant, & licet tunc deferant homines loco, nō tamen quantum ad effectum custodia: quia etiam cum sunt in cælo, cognoscunt quid circa hominem agatur: & Deo reuelante, si clientes impugnantur à Dæmonibus, statim aduolant ad eos tuendos, nec indigent mora tēporis, ut adsint, sed statim adesse possunt, ut annotauit D. Thom. 1. p. quæst. 113. artic. 3. Item tertio: quia Angeli custodes nunquam totaliter deferunt homines, ut affirmat D. Thom. loco proximè citato. Item quarto: quia ex desertione prefata quamuis fortalsè posset cognosci diuina permissio nocementi inferendi: non tamen certa nocendi mēsurā, cum tamen necessarium eam præfigere. Sapius enim permittuntur mala inferre certis limitibus, ut patet in potestate tradita dæmoni ad affligendum Iobum. Probatur illatio: quia si Angeli custodes assistunt, dæmones nocere non possunt: si deferunt, poterunt pro sua impia voluntate, quæ nullo minori malo, quā internecione satiabitur.

15

*Aduertendum*, dæmones quamuis sciant se à Deo ligatos ac prohibitos ne hominibus noceant, nisi Deo permittente: tamen non ob id animo linquunt, aut desistunt à captanda

occasione nocendi: quærentes utrū ab Angelis custodibus deferantur, hoc enim accipiunt pro signo permissionis, aut licentiæ datæ. Hoc egregiè docuit D. Petrus dicens: *Aduersarius vester diabolus tanquam leo rugiens circuit, quærens quem deuoret.* & Iob 1. & 2. *Circuiui terram, perambulauit eam,* nimirum quærens cui nocere posset: & Matth. 22. *Ambulat per loca arida & inaquosa quærens requiem,* idest cui noceat, quia afflictio hominū requies est dæmonum.

Dum autem sic æstu inuidiæ ac liuoris agitati percurrunt, callidè obseruantes quem lædant; quos videt ab Angelis custodibus diligenter custoditos, nec aggredi audent, ne eorum reddatur conatus irritus & inanis, & quia fortè à longè ab Angelis custodibus arcentur. Si autem dubitant de diligenti custodia, aut cōiecturaliter consent eos remissius custodiri, tentant audacter mala inferre. Quod si repelluntur, certò sciunt non esse sibi nocendi concessam facultatem, sin minus certò agnoscunt sibi concessam, eaque abutuntur. Itaque ex eo quod non repelluntur ab Angelis custodibus, aut alijs bonis Angelis, agnoscunt sibi esse permissam nocendi potestatem.

Ad obiectiones oppositas. *Ad primam* cōcedimus illatum, *ad secundam* responderetur, quando vident Angelos non assistentes, tentant malum infligere, quod si non patiantur repulsam, inde colligunt sibi concessam lædendi potestatem. *Ad tertiam* respon-

D. Petrus

Iob. 1.

2.

Matth. 22.

respondeo, D. Thom. esse intelligendum toto tempore, quo aliquis à Deo non deseritur: nam quandoque totaliter Deus deserit, vt septē viros Saræ, quos dæmon occidit, & tūc etiam Angelus deserit, *Ad quartā*: Angeli boni benè sciunt Deo reuelante in quanta mensura permittantur dæmones nocere, & si dæmon amplius procedere vult, repellitur à bonis Angelis.

*Demum aduertendum*; Angelos malos esse in tanto numero, adeoq; sollicitos contra homines, vt statim atque aliquis ab Angelis bonis deseritur: ipsum inuadant, atque malo permissio afficiant: nam si aliquod modicum temporis intercederet, in quo homo ab Angelo desereretur, & non à dæmone inuaderetur diuinæ prouidentię ordo turbaretur, quæ ad hoc vult Angelum deserere hominem, vt à dæmone inuadatur: sunt autem in ære isto tot dæmones commorantes, vt atomorū superent multitudinem: nec illis hæc tam sollicita occupatio fastidiosa est, quia nimis desiderant hominibus nocere, neque laboriosa, quia infatigabilis naturæ sunt.

Superest ad argumenta in initio facta respondere. *Ad primum respondeatur*. Absolutè loquendo, & in communi ad prouidentiam diuinam spectat sinere res operari iuxta naturas suas: at attentis quibusdam circumstantijs, & aliquo supposito, ad eandem prouidentiam spectat, vt prohibeantur, verbi gratia, attenta gra-

uitate aquarum, & superiori earum loco, inundarent certè terram: sed quia homo erat futurus eius habitator, ad prouidentiam Dei pertinuit, vt aquæ maris prohiberentur à Deo dicente: *In litore confringes fluctus tuos*. Sic absolutè concessum est etiam dæmonibus, vt libere exercerent vires suas: sed supposito eorum casu, & odio vehementi, quo aduersus homines flagrant, ne interiret totum humanum genus, ad Dei prouidentiam pertinuit dæmoniorum potestatem cohibere, ne noceant hominibus pro suo arbitratu, sed tantum Deo permittente ferè semper, vel propter sui gloriam, vel propter hominum utilitatem. Quo fit vt dæmonum nocu- mentis non solum mali, verū & boni quandoque subijciantur, propter Dei gloriam quidè: quia in hac Dei prouidentia multa Dei attributa à longè lucent, suauitas in gubernando, eo quòd cū hominibus ac dæmonibus liberum arbitrium dederit: violentum videretur semper impedire quod possunt naturaliter dæmones, & summo perè desiderant: ideò finit aliquādo eos id perficere. Clementia autem in genus humanū manifestatur: quia si dæmones permitteretur in homines grassari, actū esset de humano genere, vt nuper dicebamus, Iustitia etiam Dei elucet: quia sæpè propter vindictam scelerum dæmones carnifices, & tortores promptissimos ad eam exequendam elegit Deus, hominum verò utilitas ex hac dæmonum tortura nō parua,

K neque



neque vna sola enascitur, patientia exercetur, virtus probatur, humilitas acquiritur, ad omne virtutis genus exercendum occasio datur.

Ad secundum, & tertium facilis est solutio ex dictis.

*Dico tertio.* Non solum Angeli boni dæmones coercere ac ligare possunt: verum & dæmones superioris ordinis, qui fortiores sunt alios inferioris, qui non sunt ita fortes. Hoc assertum clarum est similitudine sumpta inter homines fortiores, & imbecilliores. Hac arte vtuntur sceleratissimi Magi, qui certa quadam societate, ac conuentione inita cum dæmonibus, implorato auxilio fortiorum dæmonum, alios imbecilliores annulis includere, certisque operibus & locis alligare solent. *Palladius* sap. 20. plurimos ac ferocissimos dæmones in Iamnae & Mambrae sepulchro per magiam alligatos refert: sed de hoc nos latius, interim videndus est *Victoria* de magia.

*Dico quarto.* Non solum ab Angelis bonis, & malis possunt dæmones ligari, ac prohiberi ne noceant: verum etiam ab hominibus mediante potestate illis à Deo collata, cuius naturam ex professo in hac Diui Th. quæst. rimamur. Hoc assertum palam fit ex testimonijs sæpè citatis, ubi à Deo & Christo Domino potestas hæc collata est. Sed age in eius explicationem ulterius progrediamur.

## DE CAUSA EFFICIENTE huius potestatis, seu eiectionis dæmonum.

### ADNOTATIO.

**A**cturi de causa efficiente ad fugandos dæmones, ne hominibus molestias ingerant, diuidere causam effectricem necesse est, in causam principalem, & instrumentalem. Principalis quidem causa Deus est, cuius imperio subdita est omnis creatura etiam dæmones: *Colūna cæli*, inquit *Iob* 26. *contremiscunt & pauent ad nutum eius. Spiritus eius ornavit cælos, & obstetricante manu eius eductus est coluber tortuosus*; id est diabolus. Et quamuis opera Dei ad extra sint tribus personis conuenientia, tamen quia filius Dei factus caro, erat profligaturus potentiam diaboli, qui tyrannide occupauerat orbem, huic exitiali hosti fugando, & ab hominibus eiiciendo egregiam, & frequentem nauauit operam in terris degens: & ideo ipsi vt causæ principali dæmonum pulsionem attribuimus: qui de se, *Matt.* 28. ait: *Dada est potestas mihi in cælo, & in terra*: & de eodem *Apocal.* 20. *Ioannes* ait: *Habet clauem abyssi & catenam magnam in manu sua, & apprehendere potest draconem serpētem antiquum, eumq; ligare, & mittere in abyssum, & claudere, atque signare.* Quæ verba satis exprimunt Christum Dominum sua virtute diuinam causam esse efficiētem principalem omnium

omnium dæmonum pellendorum.

Post Christum verò non inuenio alias causas efficiētes principales nisi Angelos, siue bonos, siue malos: nequā verò spiritus, si superioris ordinis sint, ac ex consequenti robustiorum viriū, pellere possunt dæmones inferioris ordinis: quia infirmiores sunt, & sæpè (vt iam vidimus) expellunt: at verò Angeli boni, siue sint impares naturalibus viribus, siue pares, siue sint superioris ordinis, siue inferioris, supra malos spiritus potestatem habēt, possuntq; ab hominibus molestādis abigere, imò & torquere. De spiritibus bonis, qui ordinis superioris sunt, certares est: quia viribus naturalibus potēiores sunt. Talem censeo fuisse Raphaelē Angelum, qui dæmonem Asmodæum à Tobia, & Sara coniugibus abegit, ac in deserto Ægypti ligauit, ne eis noceret sicut cæteris sponis Saræ, Tobia 8. Quod verò Angelus bonus ordinis inferioris potestatem habeat arcendi, & subiugandi spiritum malum, etiam si superioris ordinis sit: asserit Augustinus lib. 3. de Trinitate cap. 4. *Spiritus vite desertor, atque peccator* (ait Augustin.) *regitur per spiritum vite rationalem, piū, & iustum*. Et D. Gregorius homilia 34. in Euangelia docet, virtutes aduersas (id est dæmones) subiectas esse Angelis, qui potestates dicuntur. His adiungitur D. Thom. 1. part. quest. 109. artic. 4. Ratio huius est: quia propter peccata dæmoniorū ea subiecit Deus omnibus bonis spiritibus, vel quia vires

eorum elanguerunt, vel (quod certius est) quia virtute diuina cōmunicata potestatem supra cacos dæmones acceperunt. Verū tamen quando eā potestatem exercēt supra dæmones ordinis superioris: non concurrunt inferiores spiritus boni vt causę principales, sed vt instrumentarię, mediante virtute à Deo communicata.

Et idem dicendum est de hominibus, qui cum imbecilliores viribus sunt, quā minimus dæmonum; in eis abigēdis nequaquam concurrere possunt vt causę efficientes principales, sed tantum vt instrumentales Dei, & Christi, virtute scilicet diuina hominibus communicata. Bene hoc agnouit Beatus Bernardus: *Bernard.* tum enim arroganter spiritus nequā, qui arripuerat quēdam, ipsi insultaret, quod *nec Syrus* (Sanctū Syrum intellige, ad cuius reliquias obsessum miserat) *nec Bernardulus* (sic per contemptum sanctum virum nominabat) ipsum à suo domicilio esset pulsurus: *nonte* (respondit Bernardus) *Syrus eijciat, non Bernardus, sed dominus noster Iesus Christus*. Et Diuus Petrus & Ioannes Actorum 3. cum sanassent quendam claudum ab vtero matris, ne ipsis, vt causis principalibus sanitas ea tribueretur, sed tantum vt instrumentalibus, quibus Christus suam virtutem communicauit dixerunt: *Viri Israhelita quid miramini in hoc? aut nos quid intuemini quasi nostra virtute, aut potestate fecerimus hunc ambulare, &c.* Idem possemus & nos dicere, quando



eijcimus dæmonia, adscribentes ejectionem vt causæ principali Christo Domino, & nobis vt instrumentarijs: qui virtute accepta à Christo id opus nostris viribus impar perficimus. Communicauitq; hanc potestatem hominibus, vt ipsi, licet natura imbecilliores, possent tãquam causæ instrumentales dæmones fugare, imò & profligare, ne hominibus molesti sint, & non sine operationibus humanis (quas esse necessarias vt instrumenta humana operentur) schola Sancti Thomæ affirmat.

3 Quare meritò disputabitur, quibus actibus, quibusve medijs Christus Dominus suam virtutem communicauerit, vt his adhibitis homines abigant dæmonia, ne hominibus molesta sint. *Secundò*, istorum mediorum virtutem, ac efficaciam tuebimur aduersus calumniantes Hæreticos. *Tertiò*, docebimus modum concurrenti horum mediorum ad dæmonum pulsionem. *Quartò*, an semper media isthæc efficacia sint ad hostes communes hos propulsandos. Ac demum, an aliquibus sensibilibus vis naturalis insit ad cogendos dæmones, ne hominibus molesti sint? Igitur sit

## DISPUTATIO XII.

De numero mediorum, quibus licitè & proficue vti possint fideles, ad fugandos dæmones.

4 IN primis de exorcismis, quibus exercetur potestas abigendi dæmones collata à Christo, de quatuor egimus,

*Exorcismus* Græcè, *adiuratio* Latine dicitur. Quid autem sit adiurare dæmones, superius docuimus: est n. inque dari omnibus imperare per obsecrationem alicuius rei sacre, ne hominibus mala inferant.

Dubitatur tamen: *an de essentia adiurationis sit imperium confirmare per aliquid diuinum? & quod sit illud?* An adiurationis sit imperium confirmare per ratio ad quo diu no sit confirmada Marc. vi

Et videtur vera pars affirmatiua. *Primò* quia Marci ultimo, vbi potestas abigendi dæmones renouata est, & traditus modus ea vtendi, dicit Christus Dominus: *In nomine meo dæmonia eijcient.* Ecce adiuratio necessariò debet fieri per inuocationem alicuius diuini, imò necessariò per inuocationem nominis Iesu. *Confirmatur*: quia isto modo adiurandi vsi sunt Apostoli, & Patres eorum coætanei. Legitur namque Luc. 10. Apo-

stolos missos à Christo ad prædicandum cum gaudio reuertentes dixisse: *Domine in nomine tuo etiam dæmonia subiiciuntur nobis.* Ad quorum imitationem quidam Iudæi dæmonia pellebant in nomine Iesu, vt videte licet Lucæ 9. & D. Paulus Acto. 16. eijciens spiritum immundum à puella ait: *Præcipio tibi in nomine Iesu discedere ab ea.* Et Actuum 19. quidam Iudæi leguntur adiurasse dæmones per nomen Iesu, quem Paulus prædicabat, nimirum, quia videbant Paulum eodè nomine vti in dæmonibus pellen- Luce 9. Acto. 16. Act. 19. Iustim  
dis: & Iustinus coætaneus Apostolorum: *Nominis Iesu (inquit) potentiam dæmones tremunt, & reformidant,* & ho-

*& hodie quoque illi per nomen Iesu adiurati nobis parent.* Secundo adiuratio dæmonum est actus Religionis, & sub hac ratione de adiuratione differit D. Thom. in art. 2. huius quæst. at nisi fiat per obtestationem alicuius rei sacræ non est actus Religionis & cultus: quia solum imperium non est actus Religionis: ergo necessario debet fieri per aliquam rem sacram.

*In oppositum* est: nam in locis citatis in prima disputatione, absoluta potestas confertur hominibus calcandi dæmones, ac eiijciendi: ergo non est cur limiteretur, & necessario debeat fieri per obtestationem alicuius rei sacræ. *Secundo.* Multi viri sanctitate insignes solo imperio dæmones fugarunt. Id effecit Parthenius, ut ait Metaphrastes septima Februarii. Idem de Remigio refert Hincmarus in vita Remigii, & de sancta Anatholia ait Surius tom. 4. primo afflase dæmoniacum, & ad dæmonem conuersa ait: *Exi ab homine*, & statim discessit.

Ad dubitationem dico primo. Modus adiurandi dæmones, vsitatus tempore primitiue Ecclesiæ per inuocationem nominis Christi perficiebatur. Cuius nominis? nam Christus multis nominibus vocatur in sacris Literis; Prophetarum cuiusvis inuocatio sat erat: sed Apostoli nomine Iesu utebantur, quod vocatum est ei ab Angelo priusquam in utero conciperetur. Hoc dictum probatur primo argumento pro af-

firmatiua parte, & eius confirmatione.

*Dico secundo.* Adiuratio quæ Religionis actus est, & efficax ad dæmones pellendos, debet necessario fieri per obtestationem alicuius rei sacræ; non est tamen necessarium quod fiat per nominis Iesu inuocationem. *Prima pars prob.* argumento secundo pro parte affirmatiua. *Secunda vero probatur* argumento secundo facto in oppositum pro parte negatiua. Et præterea: quia in lege veteri adiuratio sæpe fiebat per nomen Dei tetragrammaton, ut retulimus ex Epiphanio, & etiam in lege gratiæ adiurationes factas esse per Crucem, & per alia sacra legimus.

*Dico tertio.* Adiuratio dæmonum efficax ad abigendos dæmones, bene potest fieri per solum imperium, nulla præcedente oratione, aut obtestatione rei sacræ. Probatur argumento primo, & secundo in oppositum pro parte negatiua.

Ad primum pro parte affirmatiua, quatenus militat contra tertium assertum, *respondetur*, in sacris Literis, quando aliquid dicitur, aut iubetur fieri in nomine Christi, non in vna & eadem significatione phrasos loquendi intelligenda est. Ioann. 14. *Quodcumque petieritis Patrem in nomine meo, hoc faciam in nomine meo*, id est meis meritis confisi: & ibidem: *Spiritus sanctus, quem mittet Pater in nomine meo*: id est mea auctoritate: & Ioan. 10. *Opera quæ ego facio in nomine*

K 31

Patris



*Patris mei:* Id est in virtute Patris mei: *Marc. ult.* at Marci ultimo, quamvis fortasse possent accommodari præfatæ acceptiones, tamen in nomine Christi esse dæmonia eijcienda sensus est, id est in virtute, & efficacia accepta à Christo: Quod contingit siue expresse adiuratores inuocent Christi nomen, siue rem quamlibet sacram, siue nudè imperent dæmonibus exitum: totum id, quidquid fit, virtute accepta à Christo fit. Quod nō obscure indicatur in testimonio allato in annotatione ex Actorum 3. *Ad confirm. resp.* eum modum adiurandi per nomen Iesu præstantiorem putamus, licet expressa inuocatione eius nominis non sit necessaria ad saluandum substantiā adiurationis.

*Ad 2. resp.* concedendo actus imperandi dæmones, nisi fiat explicitè, aut implicitè, per obtestationem alicuius rei sacræ non esse Religionis actum, neq; esse propriè adiurationem, esse tamen opus miraculosum pertinet ad gratiam gratis datam eiectionem dæmonum, promissam à Christo Domino in multis locis citatis in prima disputatione.

Exorcismorum duo sunt genera: quidam brevis, nimirum constans nuda, ac simplici adiuratione, v.g. *Præcipio tibi dæmon per Iesu nomen, vt exas ab homine hoc.* Vel alia simili formula imperandi dæmonib. Quidam vero amplior, plures res & verba complectens, nempe orationes, Evangeliorum recitationes, sacrarum vestium, reliquiarum, Crucis, ac imagi-

num vsum: & præcipue verba imperatiua, quibus dæmones specialius coguntur, vt videre licebit in ritualibus, quibus Romana ecclesia vtitur.

Prioris generis exorcismo vfi sūt Apostoli, & Patres primitiue Ecclesie, maximè per inuocationem nominis Iesu, vt diximus. Et eandem vsurparunt fœlici euentu alij insignis sanctitatis viri, ac fœminæ. De Theodoro Archimandita refert Gregorius in eius vita apud *Surium Surim.* 10.2. multos dæmoniacos inuocatione nominis Iesu liberasse. Idem de Arsatio dicit Sozomenus 4. lib. *hist. Sozome.* 6.15. & de D. Antonio Arhanasius *Athanas.* in eius vita: & sanctus Dominicus dā concionaretur quædam dæmoniacæ clamoribus Ecclesiā replens auditores conturbabat: at sanctus Pater in nomine Iesu Christi facto Crucis signo spiritui præcepit exire ab obsessa, & statim discessit: *ita cap. 9.1.2 vita ipsius.*

At vero post tempora primitiue Ecclesie, amplior exorcismorum forma cœpit introduci. Vbere illa & copiosa gratia eijciendi dæmonia in exorcistis languente, ac proinde egressu dæmoniorum non ita facile existente: Ecclesia (quæ omni tempore ab Spiritu sancto gubernatur) ordinauit quosdam exercismos ampliores, & extensiores, qui essent veluti epilogus omnium mediorum, quibus dæmones fugari solent: orationis scilicet, ac ieiunij, Crucis, reliquiarum, ac rerum sacrarum vsus, vt

malis

multis adhibitis machinis exitialis hostis cedere loco cogeretur: & istorum exorcismorum ampliorum vultum, solis exorcistis delegauit, propter rationes à me adductas disputatione 5. quorum exorcismorum formulæ videndæ sunt in rituali Romano.

De successu felici vtrorūq; exorcismorum multa narrarunt maiores nostri, à quibus supersedeo ne morosus fiam. Sed quid acciderit S. Hilarioni referre non grauabor ipsis D. Hieron. verbis in vita Hilarionis. *Marsitas* (inquit Hier.) fortissimus iuuenis de territorio Hierosolyma tantum valebat viribus, vt quindecim frumenti modios diu longeque portaret, & hanc haberet palmam fortitudinis sua si asinos vinceret: hic afflictus pessimo dæmone non catenas, non compedes, non claustra ostiorum integra pariebatur. Multorum nasum, & aures moribus amputauerat, horum pedes, illorum gulam fregerat: tantumque sui terrorem omnibus incusserat, vt oneratus catenis, funibus diuersa nitentium, quasi ferocissimus taurus ad monasterium Hilarionis Eremita pertraheretur, quem postquam fratres videre perterriti (erat enim mira magnitudinis) indicauerunt Patri. Ille sicut sedebat iussit eum ad se pertrahi, & dimitti, solutoq; : Inclina (ait) caput, & veni. Tremere ille, & seruicem flectere, neq; aspicere contra ausus, omnique ferocitate deposita, pedes ceperit sedentis lambere adiuratus: itaque dæmon, & tortus qui iuuenem possederat, septima die egressus est. Hæc Hier. in vita Hilar.

Sed numquid solis exorcismis fugantur dæmones? Soli exorcismi

directe ad nostram disputationem pertinent, qui disputamus de potestate abigendi dæmones per adiurationem. Sed sunt etiam multa alia media, quibus orthodoxi prospero euentu vtuntur, videlicet oratio, reliquiæ, Crux, ac res consecratæ. De his singulis dicamus.

Oratio.

**A**D fugandos dæmones oratione plurimum valere palam est ex impetratiua facultate, qua pollet, si legitimis circumstantiis vestiatur. De quo late diximus alias ad 9. 83. ar. 15. tum etiā exemplis (quæ plurima sūt) eorum qui orationū auxilio à dæmoniorū infestatione liberati sūt. Ioannes diaconus in vita S. Gregorij Magni l. 4. c. 93. refert suasionem S. Grego. Litanijs spectrum formidabile dæmonis quasi cornuti à quodam loco quem reddiderat inhabitabilem, pulsus fuisse. Et ibidem refertur, oratione fugatum dæmonem, qui in forma cati, cuidam Religioso molestus erat: & idē Greg. l. 1. dialog. c. 1. de Fortunato Tudertinæ Ecclesiæ Episcopo narrat, oratione dæmonia à corporib. obsessorum expellere solitū, & de S. Hilar. D. Hierō. in eius vita ait, ducentos propemodū, partim viros partim mulieres à dæmonis vexatione liberasse. Multa alia exempla possent auferri, hæc tamen sufficiant, si aduertam, fere quotiescūq; vel Cruce, vel exorcismis, dæmones pulsi sūt, oratio effusa est. Et ideo in beneficio liberationis à dæmonū tyrānide, sua laus nō est illi adimenda.

Reli.

Ioann.  
Diacon.

Gregor.

Diac.



## Reliquia.

**S**ecundum medium est reliquiarum usus: tempus codicesque deessent si enumerare vellem, quanti obsessi, quanta loca infesta, quot homines, à dæmonum crebra assistentia fatigati, libertate donati fuerint reliquiarum usu. Vnum, aut alterum exempla proferam. Actor. 19. attractu semicinctorum, & Iudarij D. Pauli referuntur dæmonia pulsa: & umbra D. Petri vim dæmonibus esse allatam, non obscure insinuat cap. 5. & per D. Petri cænas, quibus vincetus fuerat, plurima dæmonia eiecta testatur Vincentius lib. 24. Nissenus. cap. 88. Gregorius Nissenus in vita Gregorij Thaumaturgi apud Surium tom. 4. quod anhelitu oris sui velum afflauerit, & obsesso illud imponens dæmonem, expulerit. De munimine aduersus dæmones per reliquias euentum celebrem referre. Un grauior ex verbis D. Theodoretij historia Sanctorum Patrum cap. 21. quæ recitat Baronius tom. 5. historiæ Ecclesiasticæ circa annum Domini 424. Execrandus Marcio (inquit Theodoretus) multas spinas impietatis seminavit in regione vrbis Cyricas cum conarer euellere radicitus: noctu venit quidam demon exitialis clamans, & lingua vtens Syriaca: cur inquires bellum geris cum Marcione? cur hanc pugnam aduersus eum suscipis? Quanam is, te nunquam affecit molestia, desine belligerare, desine à malevolentia, aut discas experientia,

quantum bonum sit quies. Scias quod te iam pridem confodissem, nisi chorum Martyrum te custodientem vidissem cum Iacob. bo. Hac ego audiui, & dixi e idem ex familiaribus, qui prope me dormiebat, audis inquam, quæ dicuntur ille vero: Omnia inquit audiui & cum vellem surgere, & respicere, & sine quis loqueretur, tua causa quieui: quia te putarem quiescere. Anbo itaque surgentes respeximus, neque vllum, qui moueretur vidimus, nec qui loqueretur audiui. Illa verba alij quoque qui nobiscum habitabant audierunt. Intellexi igitur quod martyr quidem chorum dicebat lecythum olei martyr, qui cum multis martyribus collectam haberet benedictionem pendebat in meo lecto. Sub meo autem capite erat magni Iacobi vetus amictus, quod quouis claustro adamantino fuit mihi quoque validior.

Sed illustrius exemplum refert Beda. 3. historiæ Angelorum cap. 11. quod quia etiam pluribus locis huic disputationi potest seruire etiam ipsius verbis ascribimus: Monasterium nobile fuit in prouincia Lindisi nomine Baernadum. Huc quodam tempore hospes venit, qui solebat nocturnis sapius horis repente ab immundo spiritu grauissime vexari. Cum igitur benigne susceptus post cænam in lecto membra posuisset, subito à diabolo arreptus inclamare, dentibus frendere, spumare, & diuersis motibus cepit membra torquere. Cumque à nullo vel teneri, vel ligari potuisset, cucurrit minister, & pulsans ad ostium nuntiavit Abbati. At illa aperiens ianua exiit cum vna Simonialium foeminarum ad locum viro- rum, & euocans presbyterum, rogauit se-  
cum

cum venire ad patientem. Vbi cum venientes viderent multos affuisse, & statum tenere; & motus eius insano primere conati nequaquam valebant, dicebat presbyter exorcismum, & quacunque poterat pro sedando miseri furore agebat: sed nec ipse quamvis multum laborans, proficere aliquid valebat. Cumque nil saluti furienti superesse videretur, repente venit in mentem Abbatissa pulvis ille prefatus (intellige cineres sancti Olivaldi martyris) statimque iussit ire ministram, & capsellam in qua erat adducere. Et cum illa afferens intrasset atrium domus, in cuius interioribus dæmoniosus torquebatur, conticuitque ille subito intentique ora tenebant reliqui, quem res exitum haberet solite expectantes. Et post aliquantum hora spatium resedit, qui vexabatur, & grauius suspirans: Modo, inquit, sanum sapio, recepi enim sensum animi mei. At illi sedulo sciscitabantur, quomodo hoc contigisset. Quibus ille: Mox ut virgo hæc cum capsella, quam portabat, appropinquauit atrio domus huius, discesserunt omnes, qui me premebant spiritus maligni, & merelicto nusquam compaeruerunt. Hactenus Beda.

Cruce.

12

**T**ertium medium est Crucis vltus; Crucis, inquam, id est effigiei Crucis: nam particulæ ligni sanctissimi, cui Christus Dominus affixus est ad reliquiarum vltum spectat: effigiei vero Crucis (siue Crucem formes in aere, siue in materia solida, siue in plano depingas) vltum ad dæmonia arcenda efficacem fuisse,

apud Catholicos constans res est, & antiquissima, vt videre licebit in disputatione sequenti: modo exëplis allatis huius efficacitatis, contenti simus. Si prius aduertamus, Crucis, quæ in aere formatur, duplicem esse vltum: quendam, quando homines sibi imprimunt eam, vt cum frontē, pectus, vel os Cruce munimus: alterum, quando alijs Crucem affigimus, vt in administratione Sacramentorum contingit, & quando à Sacerdotibus, aut Episcopis benedictio datur: vtroque modo magno præsidio fuisse aduersus dæmones, tam apud fideles, quam apud ethnicos ex historijs patet fiet. Epiphanius Hæresi. 30. scribit Iosephum quemdā, nōdum Christianum, Cruce Christi dæmonia eiecisse, & deinde Christianum effectum, eadem Cruce Iudæorum, incantationes destruxisse. *Lucian.* Lucianus Atheista, & omnis Religionis irrifor tradit, Eucratem dignū fide virum, cum annulum accepisset ex ferro ex quadam Cruce factū, aduersus spiritus nequam redditū fuisse securum. Itaque (inquit Cesar Baroni- *Baron.* us, Anno Christi sexagesimo,) quemadmodum Iudæi exorcista, licet in Iesum Christum non crederent, tamen quod scirent à Paulo, & alijs Christianis, in nomine Iesu pelli dæmones: & ipsi eodem nomine ad dimouendū eos utebantur. Ita Magi, quod à Christianis feliciter factitari videbant, nimirum Crucis virtute eos dæmonibus imperare: & ipsi ad coercendos, cum opus esset, impetrans dæmonum signo Crucis uti voluerunt. Diuus Gregorius

L

Nisse-



*Nissen.* Nissenus in vita sancti Gregorii Neocesariensis ait, eum sæpe contra dæmones his armis instructum pugnas-  
*Hieron.* Et idem de Beato Antonio refert Hieronymus, in vita D. Pauli;  
*Metaph.* & Metaphrastes in vita sanctæ Margaritæ, eam, dæmonem in figura Draconis occurrentem profligasse. Et Gregorius Linconiensis Cruce eiecit dæmones à multis obsessis, ut refert Gregorius Turonensis in eius vita: & nostro seculo sanctam Brigittam signo Crucis fugasse dæmonem, narrat Surius in eius vita, *tom.* 4. Idem de sancta Catharina Senensi refert Raymundus in eius vita. Vide Surius *tom.* 4. Hæc satis sunt de multis quæ afferri possent.

*Res consecrata.*

**Q**uartum medium ad fugandos dæmones est usus rerum consecratarum, aut benedictarum. Quod ut clarius percipias est aduertendum, omnes & singulas res benedicere, Ecclesia in more habet: imitans sui magistri facta, qui usus fuit cibum ac potum benedicere, dum in humanis ageret, & postquam gloriosus à morte resurrexit usus est benedictione in deserto, usus est etiam in Emaus: & omnes Orthodoxi ad eius imitationem omnia, quibus vescimur, ac potamur benedicere solemus. Finis autem huius generalis benedictionis est, ut res benedictæ à dæmonum visibus subtrahantur, & ab eorum infestationibus sint liberæ: at vero quædam res consecran-

tur, aut benedicuntur ob peculiare fines: verbi gratia, vestes sacræ ad cultum diuinum solemniter exercendum, Oleum, Chrisma, & similia ad Sacramenta solemniter ministranda: quædam vero sunt, quæ extra Sacramentorum administrationem visibus humanis deseruiunt; interdum quidem ad morbos curandos; interdum ad dæmones fugandos, vel ab obsessorum corporibus, vel ne loca infestentur terroribus, apparitionibus, &c. aut vero tempestatibus immixtis fulguris, grandinis, &c. & tertio ut abigantur, ne persequantur crebra sua assistentia homines quosdam: huiusmodi sunt aqua benedicta, sal exorcizatum, imagines cereæ, quas agnus Dei appellamus. Quæ omnia benedici aut consecrari ad dæmones abigendos clarum erit legenti formulas inferioris expressè referendas; quibus virtutur Ecclesia Catholica in eorum benedictione, aut consecratione: & huiusmodi res benedictæ, aut consecratæ sunt, quæ præcipue ad pellendos dæmones valent, quia ad id institutæ sunt, an lycophantiæ accusanda est Ecclesia in tali institutione? Absit.

Aliæ vero res sacratæ indirectè, & minus præcipue propter exosam à dæmonibus sacrationem, aut benedictionem dæmonia fugant, de quibus fusius disputatione immediatè sequenti. Exemplis manifestemus (sicut in cæteris medijs fecimus) has res consecratas, aut benedictas.

dictas dæmones fugare. Oleo benedicto Theodorus Archimādrita (ut scribit in eius vita Presbyter Georgius) expulit dæmonem, qui vehementem cruciatum & tremorem membris obsessi nautæ afferebat. Aqua benedicta sanctus Germanus sedauit tumescentes, & inualescentes maris fluctus, quos dæmon viri sancti in Anglia aduentum impedire volens excitauerat: ita Beda in Historia Anglorum lib. 1. cap. 17. Beatus Marcellus, Episcopus Apamæ ut refert Theod. lib. 1. c. 22. cum diabolus conaretur impedire, ne lobis Apameni famulum delubrum cōbureretur, sanctus Episcopus aspersione aquæ benedictæ dæmonem fugauit. De alijs rebus consecratis, ac clamatio populi Christiani eas ad fugandos dæmones magni momenti esse testatur.

Et hæc de numero mediorum quibus dæmones abiguntur: nam si quæ sunt alia ad iam relata reducuntur: v. g. manuum impositio super energumenos, qua Beatus Germanus Parisiensis Episcopus plurimos dæmoniacos liberauit; ut ait Fortunatus Pictauorum Episcopus in eius vita, cap. 30. ad vsum reliquiarum reducitur. Idem dicendum de digitorum immiſſione in os obsessorum qua curauit quandam dæmoniacam sanctus Clarus Abbas Vienensis: ita Surius in eius vita tom. 1. Item etiam dico de crucifixi imagine. Missæ autem sacrificium ad rerum sacratarum vsum reduco.

DISPUTATIO XIII.

Contra Hæreticos in defensionem exorcismorum, & omnium mediorum, quibus Ecclesia vtitur ad dæmones pellendos.

**H**æretici sectarij imitantes Waldenses, ac Wiclephistas, ut in omnibus Orthodoxos sugillant, nilque quod Ecclesia Romana approbat intemeratum custodiant: exorcismos extensiores, quibus Ecclesia modo vtitur, & omnia præfata media, quæ diximus ad pellendos dæmones conducere, partim irrident, partim impugnant: quæ propter operæpretium iudicauimus, eorum impugnationes afferre, & si quæ aliæ se offerunt: ut illis eneruatis, vsus præfatorum mediorum à calumnia vindicetur Hæreticorum.

Primo contra vsum prædictorum mediorum obijciunt, non colligi ex sacra Scriptura ea deferre ad dæmones profligandos, quin imò quædam ipsorum esse merum inuentum hominum, ut sacrarum rerum vsus: quarum sacrationem supersticiosam appellant, cedentem in Omnipotentis iniuriam. Confirmatur: quia isti verbosi, ac prolixi exorcismi, quibus Ecclesia Romana vtitur, longe diuersi sunt ab his, quos in vsu habuit primitiua Ecclesia Apostolorum. Hi simplices adiurationes per nominis Iesu inuocationem: illi, prolixa cæremoniæ, multis superstitionibus referti,



usus sacrarum vestium, aquæ benedictæ asperio, ieiunia multiplicata, litanie infructuosæ ad Sanctos, qui in cælis sunt, & similia plena superstitioso cultu, parum aut nihil conducente ad dæmonum expulsionem.

*Secundo.* Hæretici fatentur dæmones ad præsentiam istorum mediorum fugam capere. Fugiant conspectis Sanctorum reliquijs: ita Hæretici Magdeburgenses *centuria quarta, cap. 13.* Fugiant ad conspectum Crucis: ita fatetur Brentius Hæreticus, teste Alano, *lib. 4. Dialog. cap. 3.* idem dicerent, ut existimo, de usu rerum sacratarum. Hoc etiam fatemur Catholici: sed superaddunt impij Hæretici dæmones nequaquam inuitos pelli, sed fugam simulare, ut sic homines credant, in his rebus esse aliquid numinis, vel ad superstitiosum cultum (qualis est istorum usus) inducantur.

*Tertio.* Sine aliqua vi præfatis medijs impressa nequeunt dæmones abigi: hanc autem in eis constituere ridiculum est: nam vel spiritalis vis est, aut corporalis: hæc nil valet aduersus spiritus, neque in eos quidquam operari potest; illa vero residere in corpore nequit: ergo.

Non est animus extrahendi disputationes à proprijs sedibus: & id eod à multis, quæ in præfatis argumentis tanguntur supersedemus. Orationes ad Sanctos, qui in cælis sunt, licite fundi, contra Hæreti-

cos modo non disputamus, de quibus alias late ad *q. 83. artic. 4.* usum reliquiarum, & Crucis esse valde Deo gratum (rampantur scilicet,) asserimus cum Catholicis interpretibus Diui Thom. *3. parte, quest. 25.* caeremonias exorcismorum minuatim defendere, cum rationes Hæreticorum friuolæ sint, non vacat. si quis hæc cupiat, legat Petrum Thierum ex Societate Iesu *de locis infestis 3. parte per multa capita.*

Modo nos aduersus Hæreticos asserimus præfata media esse efficacia ad dæmones fugandos, & eorum usum non superstitiosum, ut Hæretici calumniantur, sed sanctum, religiosum, ac pium. *Probat.* Id quod Catholica Ecclesia obseruat ab Apostolorum, vel suorum coætanorum tempore licitum & sanctum censei debet, & est: sed præfatorum mediorum usus ad profligandos dæmones fuit in pretio habitus à tota Patrum antiquitate, & perseverat usque ad nostra tempora: ergo licitus, & religiosus est omni carens superstitione. Maior Regula celebris est Beati Augustini *libro quarto contra Donatistas capite 24.* ubi id censet Apostolicam habere traditionem, & institutionem; quod in vniuersa Ecclesia, & omnibus retro temporibus seruatum est. Quauis ipsum etiam tale sit, ut ab Ecclesia potuerit institui. Et Iren. *lib. 3. cap. 3.* ac Tertull. *lib. de præsc. docent* ex Apostolica descendere traditione, quod pro tali habetur in his Ecclesijs

Alanus.

D. Tho.

Pet. Th.

Asserit.

August.

Tertul.

clesijs, vbi est integra, & continuata successio ab Apostolis. Minor huius *hægesimi prob.* discurrendo per singula. De vlu & virtute exorcismi id est ad iurationis, res constans est legenti Euangelia, & Actus Apostolorum: vbi constat imperio per inuocationem nominis Iesu (hoc est exorcismus) dæmonia fugata ab Apostolis, imò & à Iudæis, de quo nos latè in disputatione immediatè præcedenti. Et Tertullianus libro de præscript. c. 40. in mulierculas quasdam, quæ officium exorcistarum usurpare præsumebant, his verbis inuehitur: Ipsa mulieres Hæretica, quàm proceres, quæ audeant docere, exorcistas agere, &c. Diuus Cyprianus, ad Demetrianum Proconsulem; adiurantur (inquit) dæmones à nobis, & torquentur spiritualibus flagris, & verborum tormentis de obsessorum corporibus eijciuntur. Et idem de idolorum vanitate. Adiurati (inquit) per Deum verum à nobis, statim cedunt, & fatentur, & de obsessis corporibus exire coguntur: videas illos nostra voce & operatione maiestatis occulta, flagrantadi, & igne torreri, incremento pœna propugnantis extendi, eiulari, gemere, deprecari, vnde veniunt, & quando discedunt, confiteri. Hæc Cyprianus ferè cœtaneus Apostolorum. Et similiter Hieronymus, Augustinus, & alij vsque ad nostra tempora, Dicunt fortasse, exorcismum breuem vsitatum tempore Apostolorum licitum esse, & hæc operari: non verò eum ampliorem, qui modò in vlu est. Contra: nam qui modò in vlu est essentialiter consistit in imperio erga dæmones, per obesta-

tionem alicuius rei sacræ: sicut & is brevis, quierat in vsu Apostolorum tempore: cætera quæ adduntur, putà vsus reliquiarum, Crucis, rerum sacrarum, &c. pia sunt, vt statim ostendamus.

De vsu verò reliquiarum ad profligandos dæmones antiquus Hieronymus lib. contra Vigilantium inquit: Tu (dæmonem alloquitur, qui per os vigilantij reliquias Sanctorum vilissimum puluerem appellauerat) sæpè vilissimo hoc tortus es puluere. Chrysostomus Homil. 66. ad populum Antiochenum: Reliquia Sanctorum (inquit) dæmones fislunt, & torquent, & vinctos ab illis solunt seuissimis vinculis: & libro contra Gentiles de vita sancti Babilæ: Ea (inquit) est Sanctorum potestas, vt illorum superstium, dæmones ne vmbra quidem, aut vestes, vita autem defunctorum, & loculos quoque reformident: & sermone in adorationem catenarum sancti Petri: Has catenas (inquit) potentiarum, quæ ab ipso defecerunt, Princeps exhorruit, & nunc etiam exhorret, & multum timore illas subterfugiens comprimitur. Has aerea spirituum multitudo metuens, ac tremens, iaculisque inde emissis percussa, longius perfugatur, &c. Ac denique exempla multa nobis annales omnium ætatum, ac temporum subministrant. Videnda sunt, quæ diximus dubitatione præcedenti.

De vsu Crucis aduersus dæmones Lactantius libr. 4. cap. 27. Sicut ipse Christus cum inter homines ageret, vniuersos dæmones verbo fugabat, hominumque mentes emoluebat, & malis incurfibus feri-

3  
Hieron.

Chrysost.

Cyprian.

Hieron.  
August.

4  
Lactant.



- tas in sensus pristinos reponebat. Ita nunc sectatores eius eosdem spiritus inquinatos de hominibus & nomine magistri sui, & signo passionis excludunt. Hæc La-*
- Basilius.** *stantius. Dicitur Basilii, libro de Spiritu sancto, Crucem vocat saluberrimum remedium ad pellendos dæmones. Sanctus Ephren.*
- Ephren.** *tia capit. 3. insuperabilem Christianorum armaturam. Origenes.*
- Origenes.** *homil. 5. in sextum caput Exodi: Timor & tremor (inquit) cadunt super dæmones, cum signum in vobis viderint Crucis fideliter fixum. Et Homil. 8. ad diuersos, sic habet: immortale labarum (Crucem) portemus in frontibus nostris, cum dæmones hoc viderint contremiscent, qui aurata capitolia non timent. August.*
- August.** *ad Cathecumenos docet, idcirco eos Cruce signari, ut dæmonibus sint terrori. Sanctus Antonius, teste*
- Athan.** *Athanasio in eius vita, contra omnes terrores solo Crucis signo iubeat secutos esse monachos. Cyrillus*
- Cyr. Hier.** *Hierosolymitanus, Cathechesi. 9. non pudeat (inquit) vos Christum crucifixum confiteri, sed in fronte confidenter signum Crucis digitis imprimatur, & in alijs omnibus Crux fiat, in panibus, comedendis, in poculis bibendis, & in ingressu, & in egressu, ante somnum recumbendo, & surgendo. Continuatam verò seriem religiosi vsus Crucis ad fuganda dæmonia monstrant exempla à nobis allata de hac re in præcedenti disputatione: & innumera alia, quæ possent adduci, non solum de fuga dæmonum per Crucis virtutem, veram & de multis a-*
- lijs mirabilibus eiusdem virtute patrat.*
- Ex dictis planè confutantur Hæretici dicentes vsum Crucis ad profliganda dæmonia esse supersticiosum. Bone Deus, si vniuersa Patrum antiquitas Crucis virtutem venerata est, & ad profligandos dæmones in pretio habuit: qua fronte isti nebulones, quove fundamento superstitiosum dicunt, quod à sanctissimis viris vsitatum totis retro temporibus fuit?*
- De rebus verò sacratis, seu benedictis, quæ per se non ordinantur ex sua sacratione, aut benedictione ad dæmonia fuganda, modo nil dico: dicet & ipsi eas, & earum vsum reprehendant: quia multi viri docti Catholici nostræ ætatis eas tuentur contra istorum insaniam: solum dicam de vso earum sacrarum, quæ ex vi suæ institutionis, aut sacrationis ad dæmones pellendos institutæ sunt. Fatemur, ab Ecclesia hæc res esse sacratas, & ad præfatum vsum institutas, & orasse, ac orare, ut prædictum sortiantur effectum. Nunquid non potest expulsio dæmonum oratione impetrari, sicut alij mirabiliore effectus? Nunquid creaturas benedicere nouum, aut supersticiosum? Oleum ab Apostolis benedicebatur ad vngendos infirmos. Dicitur Basilii libro de Spiritu Sancto docet esse Apostolicam traditionem, quod aquam benedicimus. Sed antiquitatem probat maximè oratio, quæ inter constitutio-*

tationes à Clemente scriptas repetitur: ubi sic dicitur: Domine Sabaoth, Deus virtutum, creator aquarum, & dator olei, miserator, & benigne, qui dedisti aquam ad potum, & manduciem, oleum ad exhilarandum faciem in exultatione letitiæ: ipse quoque nunc sanctifica aquam, & hoc oleum, in nomine eorum, qui attulerunt, & da virtutem sanitatis effugicem, agritudinum expultricem, dæmonum fugatricem, omnibus insidijs aduersariam. Per Christum, qui est spes nostra, &c. Demum aquæ benedictæ meminerunt Epiphanius Hæresi. 30. Theodoretus libro 5, capit. 21. Augustinus homilia 27. ex 10. & sermone 19. de Sanctis, & lib. 6. in Iulianum, cap. 8.

Neque desunt pro hoc usu innumera exempla, quæ partim retulimus disputatione præcedenti. Et hæc satis dicta sint ad impugnandum Hæreticos, qui censent usum medicorum, qui innumerauimus esse superstitiosum.

Sed accingamur necesse est ad eodem Hæreticos impugnandos, asserentes dæmones his applicitis medijs nequaquam inuitos fugari: sed volentes discedunt, inuitos se exterminari simulant, vt sic homines ad usum superstitiosum earum rerum inducât, non sine magna Dei iniuria. O nequitiam! O calumniam! quæ à nobis retundenda est. Primò sancti Patres, quos citauimus, & alij post eos aiunt his rebus, verbigratia, reliquijs Sanctorum, Crucis signo dæmones torqueri, compelli, inuitos

fugere: & isti nouatores asseuerant dæmones fugam simulare, ac volentes, imò latos discedere, vt homines ad usum superstitiosum inducant. Quibus maior fides adhibenda est? Istis qui nouissimis temporibus peruersa dogmata inuexerunt: an vniuersæ sanctorum Patrum antiquitati, & sequentium Orthodoxorum vniuersitati, qui dæmones his rebus inuitos fugari, & torqueri asseuerant? Vnde agnouerunt Hæretici dæmones fugam simulare? an quia illis Deus reuelauit, & per tot secula sanctis viris sibi dilectis occultauit? an quia ipsi dæmones suaserunt? Ita reor, vt sibi familiaribus. Sed mendax est, & pater mendacij, & hac via inter alias vult, vt ab Ecclesia Catholica discedant.

Sed propius ad rem accedentes, audiamus Chrysostomum contra Gentiles de vita sancti Babilæ doctorem, oraculum Apollinis siluisse ob viciniam sepulchri sancti Babilæ, & vt loquelam reciperet iussisse Iulianum apostatam arcam Martyris remoueri. Dicunt centuriatores diabolus de industria simulasse se impediri à Martyre; vt in usum ac venerationem reliquiarum superstitiosam induceret. Sed isti cæci attendant, quā futilis sit eorum responsio: nam vix arca Martyris amota est, quando ignis de cælo descendens idolum, vnde diabolus oracula reddebat totum consumpserit. Vide Bellarminum, *tomo primo contr. vltima, Bellarmin. lib. 2. cap. 2.*



7  
Nazian.

Narrat item Nazianzenus, in oratione contra Iulianum apostatam semel euocasse dæmones, ut ei assisterent: at ipse vel metu percussus, vel pro consuetudine Christianorum, ipse apostata à Christianismo, se Crucis signat, & statim eo signo dæmones, quos euocauerat, fugat. Dicit utique nouatores isti, dæmones nequaquam fuisse fugatos virtute Crucis, sed fugam simulasse: ad quid rogo? ad inuitandum perditum apostatam, ut honoraret Crucem, quem à Crucis honore iam auocauerat? nonne satius esset ipsis, inuitare ad blasphemiam Crucis, ad quam ipse animatus erat? Voluerunt ne persuadere, ut Christianus fieret, quem ad abnegandam fidem Christi spe maximi lucri induxerant? Quid ineptius potuit excogitari, aut dici? Profecto si vnquam dæmones simulauerunt fugam ad conspectum Crucis, cum se signo Crucis signauit apostata, fugam simulare non debuerunt; sicut neque ad effigiatam Crucem à Iosepho ludæo: (de quo supra retulimus Crucis signo pellere dæmones ab obfessis,) si quidem hac re motus, Christianus effectus est. Quis autem dicat fugam simulasse dæmones, ut Iosephus abnegato Iudailmo Christianus fieret? Ferè eadem argumenta fieri possunt, de eiectione dæmonum per nomen Iesu, ipsis formidabile; per aquam benedictam, & alias huiusmodi sacras res.

8

Demum, si veterum Historias euoluamus, inueniemus magna, &

multa prodigia patrata esse reliquiarum, & Crucis usu, & aliorum quæ isti nouatores nolunt admittere ad fugam dæmonum efficiendam.

Mittamus cætera, ne nimis prolixi simus, & sermonem instituamus de Crucis signo, cuius virtute plura facta esse prodigia legimus, sanatos morbos, restitutam sanitatem, dracones ingêtes peremptos: ita Theodoretus in vita Iuliani, & Marciani Martyrum. Cæcis lumen restitutum: ita Victor Vricensis, de persecutione Vandalica. Haustum sine detrimento salutis venenum, ut scribit Diuus Gregorius. Fractos, & repullos maris fluctus; scribit enim Hieronymus, in vita Hilarionis, post mortem Iuliani Imperatoris mare sic intumuisse, & terminos egressum solitos, ut quasi nouum diluuium minaretur: stupefacti accolæ sanctum Hilarionem accersunt, atque in litore constitutum rogant, ut precibus suis mare, iramque Dei auertat, & Hilarion tribus in arena Crucibus factis, manus contra fluctus eleuat, & ecce subito in modum muri eriguntur; & quasi vim sibi fieri sentientes, paulatim recedunt. Alia innumera possent adduci non solum de virtute Crucis, verum etiam de reliquis rebus sacris, & alijs medijs quæ approbauimus ad inducendam dæmonibus fugam. Quibus ita constitutis, & suppositis, sic formo argumentum. Prefata media habuerunt vim ad multa portenta, & prodigia citra dæmonum fugam, & aliqua, quæ non potuerunt à dæ-

Theodoretus  
Vita Iuliani

Gregorius  
Hieronymus

Ad dæmonibus fieri, vt mortuorum suscitatio, oculorum restitutio, & similia: quæ ergo ratio patitur, vt eam virtutem denegemus ad fugandos malignos spiritus? Nulla certè, sed sola malignitas Hæreticorum, qui omnia pertinentia ad ritus Ecclesiæ Romanæ conantur euertere, sibi inepetè persuader.

Ad argumenta facta pro Hæreticis responderetur. *Ad primum*: non omnia, quæ Ecclesia licitè & sanctæ obseruat, habentur in sacra Scriptura, non omnia à Christo instituta: sed quædam ex traditione Apostolica habentur, & ex Ecclesiæ institutione. Hoc non admittunt Hæretici: sed Orthodoxi admittunt, vt colligere licet ex Concilio Tridentino *sessione 7. Cano. 13. de Sacramentis in genere, & Session. 21. capit. secundo.* Et ad hoc confirmandum adducit Synodus illud *Cor. 4. Pauli primæ ad Corinthios quarto: Sic nos existimet homo, vt ministros Christi, & dispensatores mysteriorum Dei: & illud primæ ad Corinthios: 11. Cetera autem cum venero disponam.* Sed de hoc aliàs: videndi sunt Orthodoxi scriptores nostri sæculi, qui egregiè adlaborarunt contra Hæreticos.

Ad *confirmat. respond.* nostros exorcismos eiusdem rationis esse cum illis, quibus Apostoli sunt vsi: factor, sunt ampliores, & pluribus constant: quorum singula valdè profunt ad eiectionem dæmonum: orationes, ieiunia, Crucis signa, aquæ benedictæ asperfusio. Nunquid dæ-

mandisunt, quia tot remedia congerunt, quorum singula magnam ad profligandos dæmones virtutem habent? nequaquam. Tot autem congeffit Ecclesia, quia non viget tam copiosa gratia ad eiiciendos dæmones in ministris nostri temporis, sicut in ministris primitiæ Ecclesiæ: & ideò dæmones multis imperendi sunt machinis, vt relinquunt miseros, quos vexant: ea autem, quæ adiunguntur, pertinere ad superstitiosum cultum negamus, sed potius ad pium & religiosum, de quo partim diximus: & alibi proprijs locis aduersus Hæreticos discutiant nostri Theologi.

Secundum argumentum satis superque à nobis solutum est: ita vt neque verbum sit necesse superaddere. In tertio argumento postulatur modus concurrendi præfatorum mediorum ad dæmonum pulsionem: de quo disputatione immediatè sequenti.

#### DISPUTATIO XIV.

De modo causalitatis dictorum mediorum.

**O**bscura visa est decisio huius <sup>I</sup>rei Diuo August. *libr. 2. de ciuitate Dei cap 9. vbi loquens generaliter de omnium miraculorum, & rerum, quæ superant naturæ vires operatione ait: Siue enim Deus ipse per se ipsum miro modo, siue per suos ministros etiam faciat, siue etiam per martyrum spiritus, siue per homines adhuc in corpore constitutos, siue omnia ista per Angelos, quibus*



quibus inuisibiliter imperat, operetur: ut quæ per martyres fieri dicuntur, eis orantibus tantum, & impetrantibus, non etiam operantibus fiant, siue aliis modis, qui nullo modo comprehendere à mortalibus possunt: tamen attestantur hæc miracula fidei, in qua carnis resurrectio in æternum prædicatur. Nos autem diuino numine implorato tentabimus hunc modum dissoluere, præmittendo non esse quæstionem, an præfata media possint eijcere dæmonia ex opere operantis, id est ex merito ijs utentium: sed ex opere operato, quod aiunt Theologi: id est ex vi usus istorum mediorum.

*Secundò* nota, triplicem imaginari modum possibilem, quo dæmonia ab hominibus pellantur & in fugam vertantur medijs ac signis sensibilibus. *Primus* modus est quasi conaturalis ipsi medio sensibili suppositis nostræ fidei mysterijs: videlicet quia ipso viso, aut apprehenso dæmon tristatur, & perhorrescit, & ut hanc tristitiam & horrorem euadat fugam capeffit: verbi gratia, audito Christinomine, qui de hoste generis humani mirabiliter triumphauit: visa Cruce, in qua suspensus dæmones deuicit: & in hoc modo fugandi dæmones, non aliam efficaciam habet medium sensibile, nisi quam habet obiectum cōtristans, quod naturaliter mens versare reformidat.

*Secundus modus* fugandi dæmones in impetratione fundatur, & hoc dupliciter, *Primo*, quando ad preces

alicuius ad Deum, vel Sanctos fusas, dæmones abiguntur. *Secundo*, quoniam Ecclesia quibusdam rebus impetrauit efficaciam dæmones pellendi, ut quando benedictionem aquæ instituit, aut imagines cereas, quas agnus Dei dicimus, pro exterminatione dæmonum. *Tertius modus*, quando ex Dei speciali potestate à Christo promissa, confertur quibusdam sensibilibus, ut exorcismis, causas esse instrumentales Dei ad dæmonum eiectionem, hoc dupliciter, vel ut causæ instrumentales physice, aut verò ut causæ instrumentales morales.

*Tertio* notandum est, non esse necessarium, ut in singulis quinque medijs enumeratis, omnes & singuli tres modi operandi dæmonum pulsionem inueniantur: sed sat erit si in aliquibus omnes, in alijs verò vnus solus operandi modus reperitur. Sed age de singulis in speciali perscrutemur, quomodo præfatum effectum operentur.

#### De Oratione.

**M**ODVS fugandi dæmones per orationem longè diuersus est ab eo, quem in alijs medijs sensibilibus constituimus: hic ad Deum tendit, & Sanctos, quibus pro dæmonum eiectione supplicatur; illi ad dæmones profligandos diriguntur: in hoc oratio non est instrumentalis causa, nisi fortè medium morale; in illis media sensibilia causæ instrumentariæ sunt.

Modus

Modus itaque abigendi dæmones per orationem fundatur in communi lege orationum, maxime in promissione Christi multis in locis: quas reliquit Deus ut remedium vniuersale hominum, non solum ad bona quęcunque obtinenda, verum & ad omnia propullanda mala. Quę mala omnia: etiam dæmones: quin imò in oratione Dominica posteriorem petitionem: *Sed libera nos à malo*: de liberatione à dæmone intelligant omnes Græci, Nissenus, Cyrillus, Chrysostomus, Euthymius, Theophylactus, & ex Latinis Chrysologus, Ambrosius, & Cassianus.

Denique hanc orationis vim, ac efficaciam ad propulsandos dæmones Christus Dominus *Matth. 17.* expressit, dum affirmat quoddam dæmoniorum genus seuissimum sola oratione posse pelli: ergo pro alijs non ita ferocibus expellendis, multum valere necessarium est orationem; nimirum impetrando à Deo eorum pulsionem.

*De Reliquijs Sanctorum.*

4 **R**eliquias Sæctorum pellere dæmones, ac in fugam conuerrere superius docuimus. Modus autem istius fugę operandę, primus est: quia reliquijs visis exhorrescunt, ac tristantur dæmones multo plus quàm nos, si dæmonia videremus in forma horribili. Hoc palam fit ex sequentibus.

Res clara est, dæmones odio ac inuidia aduersus Sanctos dum in humanis agerent flagrare. Quare quia occupaturi sunt cœlestes sedes, quas ipsi perdididerunt; quia redemptionis Christi participes sunt, & ipsi ab ea extorres; quia ipsis molesti sunt, & ab eis superantur sæpissimè; quia ab ipsis confunduntur, dum homo terrenus, & imbecillus potentissimum spiritum profligat. Hinc emanat, ut eorum præsentiam ferre nequeant, & ea se torqueri sæpè clamarunt. Cum sancta Genouepha virgo Turonum esset ingressa Sancti Martini reliquias visitatura: turba dæmoniacorum clamare cœpit, se gemino incendio torqueri: præsentia, scilicet, Sanctę illius virginis, & reliquijs Sancti Martini, quę in ea Ecclesia, quàm Sancta ingrediebatur, asseruabantur. Sic se torqueri clamabat, & facultatem egrediendi precabatur, ille qui ad Theodorum Archimandritam adductus fuit, & ne loco se moueret ab eodem mandatum accepit.

Legimus insuper, quosdam dæmones in obsessis existentes præsentiam Sanctorum aduentantium expectare noluisse: sed fugerunt prius quàm à sanctis hominibus eijcerentur. Dæmon ille, qui filiam Gordiani Imperatoris vexabat, antequam sanctus Triphon accederet, sede sua relicta aufugit. Ita Metaphrastes in Triphone: & le- *Metaph.*  
gio spirituum torquentium adoles- *Lysard.*



Theodor.

centem, cuius in vita sancti Arnulphi, capit. 24. mentionem facit Lisiardus Suouefionensis Ecclesie Episcopus, mox in fugam conuersi fuerunt, vbi sanctum virum viderunt aduentare. Multa huiusmodi lege apud Theodoretum libr. 7. capit. 37. Ecclesiast. Hist. Formidant igitur, ac tremunt demones adesse in Sanctorum presentia.

5

Ex his inferimus exhorrescere ac tremere coram Sanctorum reliquijs, & non valentes earum presentiam ferre, fugiunt. Naturale est omnibus, quorum odio ac inuidia flagrant, eorum neque aspectum ferre, neque presentiam: eorum detestari imagines, mores, filios, & amicos ipsorum: quidquid est, graue est, molestum est, tortura est: cum ergo demones odio ac inuidia sanctos homines prosequantur, palam est nequaquam posse non detestari eorum cadauera, reliquias, vestes, imagines, &c. & eorum presentiam fugere. *Præterea*: difficile est hominibus, maximè improbis, vt eos mortuos ament, & non detestentur, à quibus viuus graues iniurias perpeffi sunt: sed demones multa passi sunt à sanctis viris, victi, superati, neglectui habiti: igitur cum nequissimi sint, iniuriarum non immemores: certè odio plusquam Vatiniano Sanctos mortuos prosequantur, & eorum cadauera, ac reliquias cum molestia sustinebunt; maximè quia Deo eas protegente demones non audent,

nec possunt disperdere.

Huic accedit, quod Deus sicut dilexit Sanctos, dum viuerent, ita mortuos non despexit, sed eorum cadauera magni æstimat: sunt enim chara pignora Sanctorum, quos Deus honorat, & per ea, & alias eorum reliquias magnalia operatur: quod agnoscetes demones eas execrantur, & fugiunt. Eleganter hoc docuit Chrysostomus homil. 7. de septem Machabæis his verbis: *Ut audaces latronum duces, siue impij sepulchrorum efflores, si forte dum prædas agunt, aut spolia capienda conquirunt, in arma, vel ornamenta Imperatoris incurrerint, quamlibet cupidi prædarum: tamen ita agnitis Regis insignibus terrentur, vt fugiant & neque cominus accedere, vel attingere audeant, vnde sibi compendium non procedere, sed periculum prouident imminere, si quid inde audeant usurpare. Ita profectò & demones, qui verè latronum & principes, & magistri sunt, vbi coronatorum Martyrum viderint corpora posita: longè illud à conspectu illorum pauidi fugiunt & absiliunt.* Hæc Chrysostomus. Hic est præcipuus modus fugandi demones, quem in reliquijs Sanctorum reperio.

Alter modus, quo per reliquias Sanctorum demonia fugantur, est cõcutus instrumentarius, quibus reliquiae pollent, eo quod à Deo assumuntur, vt instrumenta sint ad fuganda demonia. Iste autem modus non tam certus est sicut præcedens, probabilè tamen reputo: quia Deus

per

per Sanctorum cadauera ac reliquias multa miracula operatus est: ut videre licet in sacris literis, & Patrum monumentis: at vix imaginari possumus modum huius concursus reliquiarum: nisi quoddam instrumenta Dei fuere ad opera miraculosa: ergo idem fatendum est in fugatione dæmonum, quæ inter opera miraculosa computatur. Quæ enim maior ratio dubitandi est de hac, quam de illis? Minor est communis consensus Theologorum recte sentientium. Maior autem constat ex sacris literis & Patrum monumentis. Coniicitur in Sepulchrum Helisæi cadauer hominis mortui, & subito, ubi Helisæi ossa attrigit, surrexit homo viuus: *4. Regum. 13.* fimbria vestimenti Christi Domini mulierem à fluxu sanguinis liberat. *Lucæ 8.* Ambrosius, sermone de Geruasio & Prothasio refert, cæcū esse visui restitutum ad contactum feretri, quo reliquiae portabantur. Nizianzenus, oratione in Cyprianum: Omnia (inquit) potest pulvis Cypriani cum fide, ut sciunt hi, qui experti sunt, & miraculum usque ad nos transmiserunt. August. libr. 22. de Ciuit. Dei. capit. 8. ait tot esse facta miracula breuissimo tempore ad Reliquias sancti Stephani: ut multi libri scribendi essent, si omnia referenda essent: ac denique nostris temporibus & facta sunt, & fiunt sæpe miracula per reliquias Sanctorum: in quibus non inuenimus alium operandi modum, nisi quia Deus ea operatur medijs reliquijs, ut instrumentis: & idem nos

dicimus modo de eiectione dæmonum.

De modo, quo Crux pellit dæmones.

**C**Rux pellit dæmones dupliciter, sicut de reliquijs diximus. Vno modo ut obiectum contristans & horrorem dæmonibus incutiens: quod ut deuitent, fugiunt. Itaque ut nos res odiosas & inuisas: ita illi crucem detestantur & fugiunt. Sed quare Crucem odiunt, ac detestantur? quia Cruce eorum vires labefactatae, eorum regnum euersum est: Christus, (inquit Paulus ad Colossens. 2.) chirographum decreti, quod erat contrarium nobis tulit de medio, affigens illud Cruci, expolians principatus & potestates, traduxit palam confidenter triumphans illos in semetipso. Quare ut canis baculum, quo percussus est, detestatur: ita diaboli crucem detestantur. Quo fit ut in prouerbium abierit de his, qui res sibi exolas auersantur. Fugiant eas, sicut diabolus Crucem. Odiunt item, quia Christi crucifixi, eos damnari effigies est. Odiunt, quia Crucis signo in memoriā reuocatur Passio Christi, & eius merita: ob quæ homines à potestate diaboli erepti sunt: & propter multa alia, quæ dæmonibus valde displicent: quorum recordatione torquentur, & præ horrore fugiunt. Egregiè Origenes homil. 6. in quintum caput Exod. Timor & tremor (inquit,) cadunt super dæmones, cum signum in nobis viderint Crucis fideliter fixum: & in homil. 8. ad diuersos sic ait: Immortale labarum (Crucem)

Colossens.

Origen.



portemus in frontibus nostris: cum daemones hoc viderint, contremiscent, quia aurata capitolia non timent.

3. *Secundo modo* Crux daemones abigit, ut causa instrumentalis, qua vitur Deus ad eos profligandos. Hoc probabile est; & probatur eadem ratione, quæ id in reliquijs adstruximus: nam Crucis signo audiuimus à fide dignis magna & plura ædita fuisse miracula: cæci luminis restituti; ita Victor Vticensis *de persecutione Viç. Vtic.* Vandalica. Carbones ardentes extincti, ita Metaphrastes in vita sancti Tiburtij Ingentes dracones occisi: ita Theodoretus de sanctis Iuliano, & Marciano. Sed in his & similibus patrandis Crux instrumentum Dei fuit: cur ergo id nõ asseramus in daemonibus profligandis?

*Metaph.*  
*Theod.*

Inter hæc & priorem modum multiplex differentia est: in *priori* Crux pellit daemones, ut obiectum: in *secundo* ut efficiens instrumentale. In *priori* solus Deus autor fugæ est: in *secundo* homines etiam concurrunt, mediante crucis effigiatione, aut applicatione. In *priori* daemones voluntarie fugiunt, ut euitent horrorem obiecti contristantis: in *secundo* inuiti etiam ac nolentes coguntur fugere, ac propria relinquere domicilia, quæ possederunt: fere ad eum modum, quo homo hominem pellit à loco, ubi antea erat, & in quo cupiebat permanere. Mitto modo vsum Crucis, quando Deus per eam adiuratur: ut si dicamus, per tuam Crucem libera nos Domine à daemone,

quia hic precandi Deum modus est, & adorationem reducit. Et hæc satis de modo, quo Crux daemones fugat.

*De rebus consecratis, seu benedictis.*

**R**es sacratas, seu benedictas plurimum valere ad fugandos daemones superius docuimus. Superest differere modum, quo tam mirabilem effectum perficiant: Prius tamen diuidere oportet res sacratas seu benedictas, in quasdam, quarum vsum ut habetur ex earum institutione, est daemonum fugatio, aut contra eos protectio, ut aqua benedicta, & cerei, qui in die purificationis benedicuntur: alia vero sunt quæ ex vi suæ sacrationis, aut benedictionis ad finem præfatum non ordinantur: sed ad alias, puta ad Dei cultum, sacramentorum administrationem, morbos curandos, & similia: in his, quæ posterioris generis sunt, nullam rationem ac modum fugandi daemones esse existimo, nisi forte, quia daemones propter sacrationem, & eorum effectus exosas habent.

Nescio tamen, an odium erga eas tam ingens sit, ut compulsi sint à loco recedere, aut non accedere ubi adsunt. At vero in vsum rerum prioris generis, ut in vsum aquæ benedictæ reor esse vim instrumentalem, id est esse Dei instrumenta ad daemones pellendos, aut profligandos, plusquàm in reliquijs Sanctorum, aut Crucis effigie, eo quod reliquiæ & Crux suum per se habent vñ distinctum à profligatione daemoniorum. Reliquiæ pignora Sanctorum sunt, quæ quia organa fuere ad

opera

opera egregia, valde honorat Deus. Crux imago Christi pro nobis in Cruce pendētis. Et si ab aqua benedicta tollas effectum præfatum : aqua sola est, quia ex vi suæ consecrationis ad illud instituta est.

Si autem quis roget: in quo cōcurfus iste instrumentalis fundetur? Respondeo, in impetratione Ecclesiæ, quando eas res benedixit aut sacrauit : vt. n. conitat ex verbis ac cæremonijs, quibus Ecclesia vtitur in earum benedictione, enixe supplicat, ac à Deo obtinere nititur vt vñ earū dæmonia fugentur, vt videre licet in formulis suæ benedictionis. Deum autem exaudiuisse Ecclesiam sponsam suam, quis ambigit? maxime quia ex Spiritus S. inspiratione, modus ac forma benedicendi, & sacrandi eas res ortum habuit à tempore Apostolorum.

Ne autem, amice lector, rituales libros, vbi formulæ præfatæ exaratæ sunt, perquiras, & fortè non inuenias, en eas tibi ante oculos pono. In aquæ benedictione, aut sacratione sic orat Ecclesia: *Deus qui ad salutem humani generis maxima quaque sacramenta in aquarum substantia condidisti: adesto propitius inuocationibus nostris, & elemento huic multis modis purificationibus præparato, virtutem tuæ benedictionis infunde, vt creatura tua mysterijs tuis seruiens ad abigendos dæmones, morbosq; pellendos diuina gratiaumat effectum &c.* Ad benedictionem talis hac formula vritur: *Omnipotens æterne Deus immensam clementiam tuam humiliter imploramus, vt hanc creaturam salis, quam in vsum ge-*

*nerii humani tribuisti: benedicere & sanctificare digneris, vt sit omnibus sumētibz sanitas anima, & corporis. & quidquid ex contactu vel aspersu fuerit, careat omni immunditia, omniq; impugnatione spiritualis nequitia. Per Dominum nostrum &c.*

Dum cereas imagines, quas agnus Dei dicimus, consecrat inter alia sic orat. *Quasumus Domine hos agnus, quos de cere virginea in tuū honorē formauimus, sacra & perēni vñda, balsamq; sacri chris-matis perfusos benedicere, sanctificare, & cōsecrare digneris: quatenus à re benedicti virtutem accipiant cōtra omnia diabolica tentamenta, & omnes portantes tui esse possint inter aduersa, & prospera: vt tua consolatione accepta, nullum periculum timeant, nullamque formidet vimbram, nulla sauitia diabolica, aut versutia humana einoceat: sed virtute tua fortitudinis roborati, tua consolatione glorientur, qui verè paracletus diceris. &c.*

In benedictione autē cerei peritur, vt per cōræ sanctificationē Dominus cōterat diabolū, & disperdat de cunctis habitationibus coleatiū Deum: de basilicis, de domibus, de angulis, de refectorijs, de lectulis, de vniuersis locis, in quibuscunq; Deo famulantes habitant, & requiescūt, dormiunt, vigilant, ambulant, & cōsistūt. Nec audeat ille malignus spiritus inquietare amplius, vel pauorē immittere super eos, quos S. Chri-smatis sui vñctione fecit esse munitos. Ita libri rituales.

Hinc factum est vt istarum rerū sacrarum vsus tam frequens sit, & apud Catholicos in locis, ac tēporib. quibus dæmones molesti esse solent apud



apud agonizantes; quando tempe-  
states ingruunt, & alij huiusmodi.

*De exorcismorum efficacia.*

II.

**E**Xorcismus in propria & pressa  
significatione imperium supra  
dæmones importat. Quod vero  
huic imperio adiungantur alia me-  
dia, quæ conducunt, aut efficaciam  
habent pellendi dæmones, per acci-  
dens est.

Loquendo igitur de exorcismis  
in hac stricta significatione dico, cer-  
tum esse secundum fidem, exorcis-  
mos habere vim ac efficaciam fugā-  
di dæmones, ne hominibus nocēāt.  
*Probat.* Fides est, in Ecclesia fuisse,  
& esse potestatem imperandi dæ-  
monibus ciecctionem, ac fugam: ut  
patet ex multis locis sacre Scriptu-  
ræ, quæ attulimus in prima disputa-  
tione. Lucæ & Matth. 20. Ecce dedi

*Lucæ &  
Mat. 20.  
Marc. ult.*

vobis potestatem calcandi supra serpentes,  
&c. Et Marci ultimo. Signa autem eos  
qui crediderint hæc sequentur, in nomine  
meo dæmonia eiicient, &c. Et ex usu &  
traditione Ecclesiæ habetur, deriua-  
tam esse hanc potestatem ad poste-  
ros, ut patet ex Cælestino Papa Epist.

*Cælestin.  
Cō. Cart.*

1. ad Episcopos Gallie, & ex Concilio  
Carthaginensi. 4. cap. 7. & ex Patrib.  
relatis in prima disput. siue hæc pote-  
stas ordinaria sit, qualis reperitur in  
exorcistis; siue extraordinaria, perti-  
nens præcisè ad gratiam miracula  
faciendi. At hæc potestas exercitio  
mandatur per imperium; sicut &  
quæcunque alia humana potestas

erga subditos: ergo exorcismi effica-  
ciam habent ad fuganda dæmonia,  
seu illa eiicienda, si proferantur ab  
habente potestatem exorcizandi.  
Probat, quia exorcismus in im-  
perando dæmonibus consistit essen-  
tialiter: quod imperium ridiculum  
esset nisi efficax esset.

Hæc ratio probat, nostrum assertum  
esse de fide, loquendo de efficacia-  
te abstrahendo à physica & morali:  
id est, ab eo, quod est exorcismos at-  
tingere expulsionem dæmonum co-  
agendo Deo: siue ad eorum præsen-  
tiam Deum pellere. Quamobrem  
miror Franciscum Suarez virum do-  
ctum, & pium in 3. tom. suorum operum  
supra quest. 65. 2. part. D. Thom. disput. 15.  
efficacitatem exorcismorum non  
reducere ad potestatem collatam  
Ecclesiæ, nisi tantum probabiliter,  
& quasi dubitantem de hoc funda-  
mento: cum tamen ab ea promana-  
re certo certius sit ut patet ex ratione  
à me allata.

Fateor conducere meritum ad-  
iurantis, & summopere inuocatio  
nominis Christi, ac impetratio Ec-  
clesiæ. Sed hæc accidentalia sunt ex-  
orcismo; qui essentialiter in imperio  
erga dæmones consistit: cuius effi-  
cacia à Christo promissa est locis  
citatis, & usu ac Ecclesiæ traditione  
asserta. Cōfirmatur ex Iustino Mar-  
tyre q. 4. ad gentes, dicente, esse vim  
quandam, quæ sub sensum non ca-  
dit, quæ timorem inurit dæmonib.  
cum ab Ecclesia imperantur: & D.  
August. lib. 83. quest. q. 79. Exorcismos

*D. Aug.*

quos

quos vocat signa publicæ iustitiæ, expresse asserit habere efficaciam propter honorem excellentissimi imperatoris, id est propter potestatem à Christo collatam: quam vocat ibidem imperialem legem, alludens ad illud: *Ecce dedi vobis potestatem calcandi, &c.* Præterea Dignus Gregorius *lib. Dial. cap. 3.* ait, sanctos homines, etiam in carne viuentes, non solum orando, & impetrando, sed etiam potestatiuè, ac per hoc cooperando, miracula faciunt. Inter quæ iam cõputauimus eiectionem dæmonum: at hæc cooperatio non potest consistere, nisi ponamus aliquam efficaciam in exorcismis, quibus impetrantur exire: ergo &c.

*Dites.* Non negamus exorcismis efficaciam: sed præcipue eam reducimus ad impetrationem adiurantis vel Ecclesiæ orantis, vt Deus eam virtutem conferat exorcismis: *Contra.* Demus aliquem exorcizare dæmonem nulla præuia oratione, sed solo simplici imperio: sicut aliquando Apostoli creduntur fecisse, & multos etiam sanctos viros diximus supra fecisse: tunc eiectio facta per talem exorcismum non potest tribui impetrationi: quia nulla oratio præcessit, neque necesse fuit præcedere orationem Ecclesiæ.

*Rursus.* Verba imperatiua qua ratione signa sunt, non sunt obiectum quod horret dæmon, nisi fortè qua ratione efficacitatem habent pellendi eum: ergo necessaria fatendum est potissimam efficacitatem exor-

cismis prouenire ex potestate à Christo concessa: cætera vero se habens accidentaliter ad efficacitatem; sicut accidentaliter coniuncta sunt: verbi gratia, adiunguntur exorcismo reliquæ Sanctorum, aut effigies Crucis: non dubium quin per modum obiecti, quod horrent dæmones, possint eos fugare: præcipue nominis Iesu inuocatio: quod sicut hominibus pijs amabile, ita dæmonibus tremendum ac formidabile. *Sola præsentia Saluatoris* (ait Hieron. Mart. 8.) *tormenta erant dæmonis, & tamen tunc non agnoscebatur à dæmonibus esse verum Deum.* D. Thom. 3 part. qu. 44 artic. 4. quanto magis horrescent, actorquebuntur audito nomine eius, quem sciunt esse verum Deum, Patri æqualem; qui eos iudicaturus est, ac in infernum æternis flammis torturus: Horrore certè implebuntur, & audito sanctissimo nomine Iesu, pauidi fugient: & ob id sagis, & his qui se diabolo deuouerunt ( vt ab ipsis narratum est) præcipit diabolus, vt quando ad nocturnos conuentus accedunt, prorsus à nomine Iesu abstineant. Insuper ab eisdem narratum esse dicitur, si quando alicui adstantium nomen Iesu ab oratione, etiam præter intentionem excidisset, subito & diabolos, & præsentem turbam disparuisse.

Hieron.

D. Thom

N

DIS-



## DISPUTATIO XV.

*An efficacia, quam diximus adesse exorcismis, & aliis medijs, quibus Ecclesia vitur ad pellendos daemones: sit efficacia physica instrumentalis, an vero dumtaxat moralis?*

**E**T videtur non esse physicā, quia illa vis seu efficacia, quæ supernaturalis esse supponitur, vel est corporalis, vel spiritualis: corporalis esse nequit: quia ad pellendos spiritus, nullius esset momenti: cum corpus non agat in spiritum, Neque etiam spiritualis esse potest: tum, quia in corpore residere non potest; præfata autem media corporalia sunt: tum, quia Doctor Angelicus, 2. 2. quæst. 178. artic. 1. ad 1. reputat impossibile principium operandi miracula (inter quæ eiectio dæmoniorum computatur) esse aliquam qualitatem habitualiter permanentem in anima: & potiori iure idem negaret de qualitate spirituali permanente in præfatis medijs.

*Secundo*, quia in efficacia horū mediōrū sæpe nullus intercedit effectus q̄ per physicā efficientiam fiat: ergo non concurrunt vt instrumenta physica. *Antecedens probatur*; eo quod vel hic effectus sit in homine: quis autem sit non apparet: vel in dæmone: & hic potest esse motus localis, puta quia cogitur dæmon loco cedere, aut exire: nil enim aliud positivum fingi potest, quod in dæmone

fiat: hic autem effectus non semper fit. Aliquando enim solum impeditur dæmon ne noceat, vel ne teneatur etiam si loco recedere non cogatur, & tunc intelligi non potest quis effectus physicus fiat in dæmone, aut quomodo impediatur per actionem physicam; sed solum per virtutem diuinam cogentem illum, vel subtrahentem concursum. *Confirmatur*, quando dæmones coguntur mutare locum aut recedere: moralimodo præcipiuntur, & obedire coguntur: dæmones enim probè percipiunt verba, & signa humana, & vim eis à Christo promissam, & præstitam: ergo effectus iste non fit physice, sed moraliter.

*Tertia*. Tota efficacia horum mediōrum ad fugandos dæmones maximè quæ est in rebus consecratis, fundatur in institutione & impetratione Ecclesiæ, quæ instituit exorcismos, ac res quasdam sacrauit, ac petijt à Deo eis virtutem conferri ad dæmones fugandos, vt patet ex formulis, quibus Ecclesia vitur in rerum quarundam sacratione, aut benedictione: ergo non potest esse virtus hæc instrumentalis physica.

*Probaturs consequentia*: quia si Ecclesia posset instituere, vt quibusdam rebus conferretur virtus instrumentalis alicuius effectus supernaturalis, & spiritualis, qualis est propulsatio dæmonum: non est cur non posset instituere, vt eisdem rebus conferretur virtus instru-

mentalis efficiendi gratiam, quod esset eas in sacramenta erigere. Hoc autem concedere plus quam falsum est: ergo, &c.

*Quarto.* Tota efficacia earum rerum nititur impetrationi Ecclesiæ, aut ministrorum eius; impetratio autem, maxime quando postulatur ea, quæ non sunt necessaria ad salutem, aut preces pro alijs funduntur: non est infallibilis, sed quandoque postulata conceduntur, quandoque negantur, ut vidimus alias quæst. 83. artic. 15. ergo licet Ecclesia quando quasdam res sacrauit ad impugnandos dæmones, petierit à Deo illis conferri virtutem pellendi dæmones: non ob id contrario impetrauit, sed potius quandoque denegata fuit præfata virtus.

2. FRANCISCUS SUAREZ, vbi supra non vult admittere in exorcismis neque in alijs sacramentalibus efficaciam physicam, sed moralem; mouetur argumentis positivis.

Pro decisione *præmitto*, non esse mihi in animo fuisse disputare subtiles quæstiones; per quid constituantur instrumenta physica ad effectus supernaturales agendos? Quid sit virtus physica instrumentalis ad eos perficiendos? Sitne qualitas? an diuina motio? & multa alia; quæ copiose disputant Doctores Scholastici agentes de Christi miraculis, & Sanctorum, ac de causalitate Sacramentorum nouæ legis; sed dumtaxat attingā ea, quæ præfati instituta

to deseruiunt; sequens doctrinam communiter receptam à Diui Thomæ discipulis.

*Secundo præmitto*, vim seu efficaciam physicam in hoc differre à moralitatem; quod physica re vera attingit effectum, qui ab eius causalitate pender in suo esse: moralis non item; verbi gratia, efficit aliquis miraculum mediante oratione, in oratione non possumus vim physicam, quia oratio non attingit opus miraculosum, neque ab eius causalitate pender; sed impetrat oratio à Deo, ut illud miraculum efficiat; sicut preces meæ possunt mouere Paulū ut Petrum occidat; non tamen eam occisionem realiter producant, aut attingunt, at vero ensis, quo Petrus occiditur instrumentum physicum est occisionis, quia reuera eam causat attingendo. His suppositis.

*Dico prima.* Exorcismi per efficaciam physicam instrumentalem pellunt dæmonia, ne hominibus noceant. *Probat.* Quando quis per exorcismos dæmonia fugat, ex potestate & imperio operatur, ergo physicè concarrat ad eam perficiendam fugam. Antecedens notum est ex præcedentibus. Et probatur consequentia; quia agere miracula ex potestate, est agere cooperando, ut egregie docet Diuus Thom. quæstio. 6. de potentia artic. 4. & probat ex Diuo Gregorio in libro secundo dialogorum. Quod si homo per exorcismos cooperatur Deo expellente principaliter dæmones; absque dubio physice

D. Thom.  
D. Greg.



sicè operatur, sicut & ipse Deus physice ut causa principalis expellit.

Vnde etiam desumitur secundum argumentum. Nam causæ instrumentales proportionantur principalibus, maxime si eis cooperentur: sed Deus in fugandis dæmonibus causa principalis physica est: ergo exorcismi, per quos adiutores Deo coagunt, erunt causæ instrumentales physicae, id est effectum attingentes.

*Tertio.* Verba quibus Christus contulit Ecclesiae suæ potestatem fugandi dæmones, vix explicari possunt propriè & in rigore, nisi posita efficacia physica. *Ecce* (inquit Dominus) *dedi vobis potestatem super spiritus immundos*: id est communico vobis eam potestatem, quam ego habeo: ut vos eijciatis sicut & ego. Et illud: *Ecce dedi vobis potestatem calcandi supra serpentes*, id est instar eorum, qui calcant corporaliter res sibi subiectas: & Patres citati supra disputatione prima, dæmones torquemus flagris, cædimus, pellimus, reuincimus, & similia, quæ omnia propriè, & in rigore, nisi ponamus homines coagere simul cum Deo, ac Christo eiectionem dæmonum, vix interpretari possunt. Ad secundum Diui Augusti. celebrem regulam: verba sacra semper interpretanda sunt in propria & rigorosa significatione, nisi inde aliquod absurdum sequatur. Et huic regulæ innixi Doctores Scholastici sapientiores causalitatem physicam

Sacramentorum adstruunt: & nos eos imitantes causalitatem physicam in exorcismis constituimus. Confirmatur. Si asseramus in exorcizantibus hanc causalitatem physicam, valde extollimus hominum dignitatem: dum ponimus eos coagere Deo ad profligandos terribiles ac potentissimos hostes: nec inde sequitur aliquod absurdum, cum omnes fateantur hanc causalitatem esse possibilem: ergo hæc causalitas asserenda est.

*Quartò.* Quando Sancti, aut quiuis alij miracula faciunt potestatiuè nulla præuia oratione; eos concurrere necesse est ut instrumenta physica: ergo idem dicendum est, quando potestatiuè pellunt dæmones. *Antecedens probatur* supposita sententia eorum, quos impugnamus asserentium cum Diuo Gregorio loco citato eos re vera instrumentaliter concurrere, & est expressa sententia D. Thom. qu. 6. de potentia artic. 4.

*Quinto.* Christus Dominus edebat eiectionem dæmonum, & quamplura alia miracula, ut causa instrumentalis physica. Ita asseritur à præfato Francisco Suarez. 3. part. quest. 13. artic. 2. ergo & homines per exorcismos pellentes dæmones, causæ instrumentales physicae erunt. *Probatur consequentia*: quia discrimen inter Christum, & nos sumptum ex maiore dignitate Christi, est operari miracula quasi ex habitu, nos vero

D. Aug.

minimè: parum refert ad institutum præsens, quin imò potestas collata hominibus ad pellēdos dæmones ad exemplar potestatis Christi data est.

*Sexto.* Si in exorcismis nō ponitur efficacia physica, sed tantūm moralis, non attingens effectum: ergo exorcismi non habent maiorem efficaciam ad fugandos dæmones, quā incantationes Magorum, quibus diximus supra fugari aliquando dæmones. *Probatur consequentia*, sicut mediantibus exorcismis, & ad eorum præsentiam Deus fugat dæmonia: ita dæmones pellunt alios dæmones medijs incantationibus Magorum, ut ergo tribuamus maiorem efficaciam exorcismis, ponendum est eos habere efficaciam physicam attingentem effectus.

*Dico secundò*, Crucem Christi, reliquias Sanctorum, & nominis Iesu inuocationem fugare dæmones ut instrumenta Dei physica; probabile iudico: sed non ita certus sicut de causalitate physica exorcismorum. *Prima pars probatur*, quia prædicta fugant dæmones citra meritum ipsorum ventium; & in dignitatem Christi & sanctorum cedit, quod Deo coagant in præfata dæmonum expulsionem, quod est esse instrumenta physica: ergo non est cur illis denegetur. *Secundò*, Probabile est tria prænomina multa alia mirabilia operari, ut Dei instrumenta physica: ergo idem dicendum est de expulsionem dæmoniorum: non est enim maior ratio de uno, quā de alio. Antecedens ma-

nifestatum est supra, cū multa miranda facta fuisse retulimus per Christi Crucem, reliquias Sanctorum, ac Christi nominis inuocationem, ut mortuorum suscitatio, morborum curatio &c. Vix autem potest intelligi quomodo id egerint, nisi coagēdo Deo ad ea mirabilia patranda. *Secunda pars asserti probatur*, quia non inuenio argumenta; quæ ita firmiter procedant ad stabiliendā hanc physicam causalitatem in tribus præfatis, sicut inuenio in exorcismis. Confirmatur. Non extat de hac re Dei aut Christi promissio, neque determinatio Ecclesiæ, neque vlla ratio ad id cogens.

*Dico tertio*, Probabile censeo res sacras, aut benedictas, & ab Ecclesia institutas ad pellēdos dæmones, id operari ut instrumenta Dei physica. *Probatur*, quia in precationibus, quibus sacrantur; à Deo petit Ecclesia, ut cōferat hisce rebus virtutem pellēdi dæmones: virtus autem hæc efficientiam physicam denotat: Deū autem exaudire Ecclesiam sponsam suam in his, quæ ex Christi placito Ecclesia instituit, iam iam paramus dicere in solutione ad quartum. *Secundo*, D. Thom. 3. par. q. 83. art. 3. ad 3. *D. Thom.* ait in templo consecrato ratione sue consecrationis adesse quandam vim seu virtutem ad excitādum motum deuotionis in orantibus in templo consecrato. Et Caietan. *ibidem* virtutem instrumentalem physicam interpretatur, & sequitur Dominicus Soto in 4. dist. 13. q. 2. art. 2. ergo in rebus



bus consecratis ad effectum pellendi dæmones, probabile est ponere virtutem physicam instrumentalem ad id efficiendum, quæ nil aliud est, quàm diuina motio, quando Deus pellit dæmones, interueniente earum rerum sacrarum usu.

Denique omnia argumenta, quæ attulimus, in præcedenti disputatione pro stabilienda causalitate rerum sacratarum ad fugandos dæmones, causalitatem physicam videntur stabilire, & ideò huc reuocanda sunt.

7

Primum argumentum militat in multis alijs: verbi gratia, in Sacramentorum causalitate, in miraculorum patratiōe, & huiusmodi: quare modò breuiter respondetur, eam virtutem, seu efficaciam non esse qualitatem, vt sentit Paludanus, neque esse potentiam actiuam obedientialem, vt ait præfatus Suarez: sed est motio quædam diuina, qua constituitur instrumentum in actu primo ad eijciendos dæmones, & est corporalis entitatie: spiritualis virtualiter, quia ad effectum spiritua-lem datur: sed de hoc aliàs locis citatis.

Paludan.

Suarez.

Ad secundum respondetur. Quando per exorcismos detinetur dæmon, ne molestus sit, sicut Deus cogit illum, ne molestus sit causalitate physica: sic & adiurantes medijs exorcismis, quia causa principalis, & instrumentalis debent proportionari. Itaque quando causa principalis physicè operatur, & instrumentalis similiter. Secundo respondetur.

Quando nos ponimus in exorcismis causalitatem physicam ad pellendos dæmones, debet intelligi quando modus pellendi est attingibilis per veram actionem physicam, vt quando coguntur cedere loco, & obsessam deferere, vel quid simile. At verò quando modus prohibendi ne noceat non est attingibilis per veram actionem physicam: puta quia consistit in sola priuatione, aut negatione, vt in casu argumenti: tunc sola efficacia morali contenti sumus: & fortassis idem de causa principali, qui Deus est, dicendum: nam annihilationem fortasse non attingit physicè: quia inattingibilis est per actionem physicam. Ad confirmat. respond. Operari liberè & per imperium ponit causalitatem moralem: sed non tollit physicam, vt videre licet in Deo, qui liberè, & per imperium multa operatur, physicè, & moraliter. Sic dicimus de exorcizantibus, qui imperando dæmonibus causant fugam eorum moraliter, & physicè. Etenim efficacia physica in attingendo effectum simul cum causa principali consistit, siue id fiat per imperium, siue quocunque alio modo.

Ad tertium respondet. sicut supra, non esse mihi vique ad eò certum, cætera media, quæ enarraui pellere dæmonia, habere efficaciam physicam: sicut est mihi certum de exorcismis. At cum non improbabiler idem de alijs asseruerim: respondetur ad argumentum, negando consequen-

quæ-

quentiam: & ad probationem dicimus, instituere signa sensibilia causatiua gratiæ pertinet ad fundatorem Ecclesiæ Christum, non ad dispensatores. De quo 3. *part. quæst.* 94. At instituere signa sensibilia, quæ mediante oratione Ecclesiæ possent abigere dæmones, pertinere potuit ad dispensatores, gubernatores, & iudices Ecclesiæ, quos decuit ex eiusdem Christi placito instituere media, ut ones suæ liberarentur à lupis ferocissimis, dæmonibus.

Ad quartum respondetur, impetrationem orationum, quæ funduntur communiter esse iudicandam secundum eas communes conditiones, quas diximus, agentes de orationis efficacia, esse necessarias ad infallibilem impetrationem. At impetratio orationum fusarum ab Ecclesia pro instituendis ritibus, & Sacramentalibus quibusdam consecrandis, in ordine ad diuersos fines necessarios pro bona gubernatione Ecclesiæ: non alligatur præfatis conditionibus, quas diximus esse requisitas ad impetrationem infallibilem orationum. *Ratio est*, quia præfati ritus, & Sacramentalia licet in particulari non fuerint immediatè instituta à Christo Domino (ut egregiè docet Suarez ubi supra) tamen Christus Dominus reliquit potestatem Ecclesiæ suæ ea instituendi, ac consecrandi, & adinueniendi modos, quibus consecrarentur: ac proinde virtualiter promisit se Ecclesiam orantem ut ad fines suæ insti-

tutionis essent proficua exauditorium; ne esset inanis eorum Sacramentalium institutio, ac sacratio ad eos fines consequendos. Ad quid enim potestas ea sacrandi ad hos vel illos fines: si nullam aliam efficaciam haberent ad eos consequendos, nisi eam, quam donaret oratio æquè efficax, aut infirma, sicut aliæ orationes: cum sine illis possent fundi, aut quandoque impetrare, quandoque non.

Igitur ex Christi voluntate interpretatiua impetratio infallibilis est. Hanc autem potestatem Christum reliquisse colligimus: tum ab antiquitate, quia ab Apostolorum tempore constat huiusmodi Sacramentalia esse instituta: tum quia decuit ad bonam gubernationem Ecclesiæ, hanc fuisse Ecclesiæ Christi relictam potestatem. Quare verosimile putamus in consecratione earum rerum, quæ ad abigendos dæmones ordinantur, orantem Ecclesiam pro efficacia earum Deum infallibiliter exaudire, ut quando oportuerit efficaces sint ad prædictum effectum. Et cum efficacia physica sit possibilis impetrari, & vergat in dignitatem Ecclesiæ eam impetrare:

verosimile existimo eam impetrasse.



## DISPUTATIO XVI.

*An prædicta media, quæ diximus habere efficaciam ad pellendos daemones, eam habeant in omni euentu, & infallibiliter?*

**I** ET videtur vera pars affirmatiua.

*Primo*, Sacramenta, quæ sunt Dei instrumenta ad causandam gratiam, eam causam infallibiliter in subiecto disposito: quamuis minister eorum sit iniquus: ergo & præfata media semper expellunt daemones, quamuis ministri mali ipsi utantur. *Confirmatur*. Efficacia Sacramentorum infallibilis nascitur ex promissione

Ioan. 20. Christi Domini: verbi gratia Ioann. 20. promisit Christus: *Quorum remiseritis peccata remittentur eis*: Sed etiã promisit Deus fidelibus potestatem eiiciendi daemones, Matt. & Luc 10. Ecce dedi

Matth. & Luc 10. vobis potestatem spirituum immundorum. Et ecce dedi vobis potestatem calcandi supra

Marc. ult. serpentes &c. & Marci ultimo. *Signa autem eos, qui crediderint, hæc sequentur, in nomine meo daemones eiicient*: ergo in omni euentu, si adsit debita materia, id est homo à demone liberandus, si exorcista utatur exorcismis, optatum consequetur effectum. *Dicit quis*, hæc tantum causare speratos effectus, quando Deus disposuerit, aut voluerit uti his medijs ut instrumentis ad pellendos daemones.

*Contrà arguitur* secundò, quando Deus disposuerit, aut voluerit, poterit uti ut instrumentis, quibusuis alijs rebus ad fugandos daemones, puta herbis, gemmis, & similibus: ergò non est maior ratio, quare præfata

media dicantur habere efficaciam, quàm quæcunque aliæ res.

*Tertio*, Sacramenta infallibiliter causant suum effectum si materia sit disposita: sed ordo exorcistarum secundum sententiam D. Thom. in 4. dist. 26. quest. 2. art. 2. & 3. est Sacramentum, sicut & cæteri minores ordines: ergo infallibiliter causabunt suum effectum, si exorcismos proferat exorcista; qui sunt veluti forma, & adsint energumeni, qui sunt quasi materia. *Confirmatur*. In omnibus actibus Sacramentalibus est virtus spiritualis instrumentalis, ut patet inductiuè in omnibus Sacramentis: ergo in exorcismis initiatorum ordine exorcistæ erit ea virtus. Quod si est, infallibiliter inducet speratum effectum, nempe daemonum expulsionem.

*Quarto*. Exorcismi ante Baptismum habent infallibilem effectum, videlicet abijcere daemones, ne impediât susceptionem Baptismi: ergo etiam extra Baptismum infallibilem habebunt efficaciam fugandi daemones, cum videatur eodem modo iudicandum esse in Baptismo, & extra Baptismum. *Antecedens patet*, quia semper Ecclesia ante Baptismum præmittit exorcismos, & nunquam suo effectui frustrantur.

In oppositum pro parte negatiua est primum argumentum. Apostoli (Matth 17) utentes solitis exorcismis, quibus multa daemones profligarant: nequiverunt puerum quendam daemoniacum liberare: ergo exorcismi etiam

D. Thom.

Matth.

etiam Apostolorum nō semper effi-  
caces fuere. *Secundum argumentum.* O-  
rigenes *Hom.* 24. 4. in Iosue asserit, &  
exemplo confirmat non semper ex-  
orcismos valere dæmones fugare, &  
ob id comparat eos Amorrhæis;  
quod quemadmodum hi inter filios  
Israel permansissent: ita sæpè in ob-  
sessis permaneant maligni spiritus.  
Adhibeantur (inquit) multa orationes,  
multa ieiunia, multa exorcismorum inuo-  
cationes, ad hæc omnia surdus in obsesso  
corpore demon permanet: tolerabilius fe-  
rens exorcistarum pœnas, & adhibita sibi ex  
Dei nomini inuocatione tormenta: quàm  
discedere ab homine, quem impudenter &  
nequiter obsidet. Eandem partem affir-  
mat August. lib. 83. q. 79.

*Tertio.* Tota efficacia exorcismo-  
rum à virtute instrumentaria pel-  
lendi dæmones dimanat. At hæc  
virtus non semper communicatur  
exorcismis: quia gratia gratis data  
est, quàm Spiritus sanctus interdum  
concedit, interdum denegat, quibus-  
dam largitur, quibusdam non: ergo  
exorcismi non habet in omni euen-  
tu infallibilem effectum.

*Quarto* experientia idem videmus  
fieri. Contingit enim non semel, ex-  
orcistas in exorcizandis dæmonia-  
cis quibusdam, summo opere labora-  
re, & nil proficere; imò & sanctis vi-  
ris id accidisse historiæ narrat. Hinc  
marus in vita sancti Remigij ait, san-  
ctum Benedictum adhibitis exor-  
cismis non valuisse dæmonem ei-  
ce-  
à Tolosana puella, eamque ad san-  
ctum Remigium destinavit, à quo  
sanata est.

Caietanus Marci ultimo, agens  
de fide ad miracula patranda ait *Caietan.*  
eam semper esse efficacem ad ea per-  
ficienda: quod si quandoque non  
efficiat, in defectum fidelis non re-  
ctè vtentis fide, defectum efficaci-  
tatis signorum reducit. Verba Cai-  
etani sunt. *Intelliguntur promissa signa  
consequentia fidem, quantum est ex parte  
virtutis fidei, sequentia quando, & ubi opus  
fuerit: cum cuius veritatis promissione stat:  
quod ex parte habentis fidem defectus acci-  
dat seu impedimentum praestetur. Ita quod  
fides ipsa non deest signis, sed homo deest fi-  
dei ad efficaciam signorum.* Eodem mo-  
do vt credo loqueretur Caietanus  
de exorcismorum efficacia. *Castro*  
aduersus Hereses verbo exorcismus.  
Caietano assentitur, verans eum  
locum Marci. *Quod autem* (inquit)  
*hoc non semper fiat vt inuocato nomine Iesu  
demon egrediatur: minima fides ipsius inuo-  
cantis est in causa. Nam si perfectè credidisset,  
hæc & maiora fecisset.* Ecce asserit ex-  
orcismos de se habere infallibilem  
efficaciam: quod si de facto ea ca-  
rent, defectus egregiæ fidei in causa  
est. Magister Franciscus à Victoria *Victoris*  
in relect. de magia, quest. 8. & Domini-  
cus Soto lib. 8. de iustitia, & iure, quest. *Soto.*  
3. artic. 2. & in 4. distinct. 6. quest. 2. art. 3.  
negant virtutem exorcismorum esse  
infallibilem; sed tantum dicunt ha-  
bere effectum quando expedit Re-  
ligioni; & propagationi fidei.

Hæc sententia posteriori negati-  
ua mihi vera videtur propter argu-  
menta facta in eius fauorem, & qui-  
dem isthæc media etiam exorcis-  
mos.



mos, speratos interdum non assequi effectus, nullus inficiatur, experientia doctrice. Quod in dubium vertitur est: An hæc inefficacia referenda sit in culpam, seu defectum ministrorum, aut ipsorum demoniacorum; an verò sine vlla culpa propter solam Dei voluntatem id accidat?

4

De qua re dico prius. Citra vllam culpam vel exorcizantis, vel vten-  
tis præfatis medijs, aut verò miserorum obsessorum, potest fieri, vt præfata media non inducant optatos effectus. Hæc est expressa assertio D. Augustin. vbi supra dicitur. *Cum autem non cedunt his signis huiusmodi potestates demones Deus ipse prohibet occultis modis: cum id iustum atque utile iudicat, vel ad confundendos malos, cum eos oportet confundi: vel ad monendos bonos, vt proficiant in fide: atque ista non iudicantur, sed utiliter possint; vel ad discernenda dona membrorum Ecclesie.*

Sed pro explicatione horum verborum Diui Augustin. & veritate explananda aduertendum, causam à priori, quare hæc signa non sunt efficacia de facto, esse voluntatem Dei nollentis illis signis suam virtutem, & efficaciam communicare propter occultas rationes, vt ait Augustinus citatus, & id rationi conforme est. Nam cum efficacia horum signorum à gratia gratis data promanet, quæ citra culpam & citra meritum à Deo confertur, & negatur: quid mirum, si signa hæc in-

terdum efficacia sint, interdum efficacitatis expertia? Et ex eadem radice manat, vt demones, qui ab vno multis adhibitis medijs sacris pelli non possunt: ab alio leuiter exorcizari recedant: quia Deus impartitur donum hoc singulis prout vult.

Nihilominus ex parte hominum quasdam possumus perscrutari congruentias diuinæ voluntatis, quare hæc signa inefficacia aliquando sint. *Prima* lumitur ex parte exorcizantium. Quandoque enim propter eorum peccata non vult Deus hoc admirabile opus per eorum exorcismos perficere. De quodam demone domum infestante refert Cardanus lib. 19. de subtilitate exorcismos irridere, eo quod exorcistæ furti & sacrilegij criminibus essent infames. Quandoque quia non præcessit oratio & ieiunium: vt de Apostolis dicitur Matth. 17. Quandoque propter impedimentum, etiam sine culpa positum, vt dicitur ibidem. Quandoque sine vlla culpa exorcizantium, sed in sui profectum; vt scilicet non superbiant de mirabili hac demoniorum profligatione, vel propter quid simile. Fortasse ob id sanctus Antonius non valuit quandam demoniacam sanare, vt refert Palladius in vita sancti Pauli simplicis; & beatus Benedictus non potuit alium liberare: & hic remisit illum ad sanctum Remigium, à quo sanatus est; ille verò ad sanctum Paulum simplicem, à quo liberatus est.

Secundum

Secunda congruentia sumitur ex parte hominum à dæmonum infestatione liberandorum: putà quia eorum peccata merentur, ut non statim ab infestantibus dæmonibus liberentur; quantumvis exorcizantes sanctitate polleant, exorcismos pronuntient, & signa alia sacra adhibeant. Exemplum mirabile refert Metaphrastes *septima Februarij* de sancto Parthenio, coram quo adductus iuuenis quidam noluit eum Sanctus liberare dicens: *Sinite torqueatur, parricida est.* Aliud simile narrat exemplum de sancto Eligio Nouiomensi Episcopo Audoenus *cap. 20. lib. 2.* vitæ Eligij: cum enim rogaretur, ut subueniret quinquaginta viris à dæmone vexatis: respondit; *Sinite, experiantur cui servire peccato suo elegerunt.* Agnouerunt hi Sancti his dæmoniis non profuturos exorcismos propter eorum peccata, & ideo quamvis alios sæpe liberaissent: his noluerunt, etiam rogati, opitulari. Aliquando nullis præcedentibus peccatis neque ex parte exorcizantium, neque ex parte exorcizaturum, Deus non vult exorcismis & alijs signis efficaciam pellendi dæmones tribuere. His quidem occasionem præbens patientiæ, & meritum augendorum in medio tam terribilis calamitatis. illis verò ablationis arrogantia, & extollentia oculorum.

Ad primum pro parte affirmatiua negatur consequentia, quia Sa-

cramenta, cum sint media instituta à Christo ad iustificationem animarum, & gratiam obtinendam, decuit, ut in materia disposita infallibilem haberent effectum: ne in re tam necessaria ad consequendam gloriam, ad quam homines destinantur, adeò felix euentus deesset sine culpa Sacramenta recipientis: at dæmonem fugatio, & repulsa, ne nobis noceant, non est necessarium medium ad gratiam, & iustificationem: ac proinde neque signa, & media eorum pellendorum, necesse fuit semper habere optatos effectus, maxime quia ut nuper dicebamus aliquando miseria hæc magna cedit in bonum vexatorum. Ad *confirmat. respondet.* effectum Sacramentorum absolute esse promissum non ponentibus obicem, quia effectus est gratia, & charitas, sine qua nemo saluabitur: at effectus exorcismorum, aut aliorum signorum iam relatorum: non est ita absolute promissus, quin impediri possit, vel propter priuatam, vel propter publicam causam. Nam cum hic effectus non pertineat ad donum gratiæ gratum facientis, sed ad liberationem quandam à malo pœnæ: non solum ex proprio demerito, seu obice impediri potest, sed etiam propter utilitatem animæ, vel in aliorum exemplum, aut propter aliud Ecclesiæ commodum. Et hoc non tollit quin promissio his val. lata conditionibus magni pendenda sit;



fit: ut potè quæ de effectu mirabili est: ad quem nec semel vires hominū per se sumptæ pertingere possent.

7

Ad secundum negatur consequentia, quia ad operandum rem mirabilem eiectionem dæmoniorū elegit Deus hæc media: non quia semper efficacitatem haberent ad eum effectum: sed quia quando id vellet efficere, his mediantibus effecturus esset, vel propter dignitatem hominum manifestandam in profligatione dæmonum, ut in exorcismis: vel propter significationem mysteriorum insignium, ut in Cruce Christi, & in uocatione eius nominis: vel propter sacrationem Ecclesie, ut in rebus consecratis: vel propter aliquod diuinū, quod his rebus significari, aut contineri scit Deus: occultum est autem hominibus, sicut occultum est, quare mediante pallio Helie, baculo Helisæi, ac virga Moyſis voluit tot patrare mirabilia, & non alijs mediantibus rebus.

Ad tertium, admissio exorcistarum ordinem esse Sacramentum, respondetur, per eū non ministrari aliquod Sacramentum, sicut per Sacerdotij ordinem: ac proinde nec exorcismos habere vim formæ, neque dæmoniacos rationem materiæ: ministratur autem quoddā Sacramentale, cuius effectum non esse infallibilem diximus: actus itaq; ordinis exorcistici, puta exorcizare, infallibilis est, sed expulsio dæmoniorum nequaquā.

Ad confirmat. respondet. ex doctrina D.

D. Thom. Thom. in 4. distinct. 24. q. 2. art. 2. ad vl-

timum, actus procedentes ab ordine exorcisto, quatenus actus illius sunt: nulla polleere supernaturali virtute, sicut neque actus aliorum ordinum minorum. Sed hi possunt fieri ab alijs, qui non sunt exorcistæ, qui in sua ordinatione solum accipiūt potestatem, ut exorcizēt ex officio, alij verò possunt quidem id licitè, facere: sed non ex officio.

Quod verò actus exorcistarū virtutem habeant: pellendi dæmones, id nō habent ex vi suæ ordinationis, sed propter gratiam gratis datā quæ nil aliud est, quā vis diuina illis actibus communicata. Itaque quādo exorcista fugat exorcismis dæmonia, pulsio dæmoniorum non est ab exorcismis, ut sunt actus ordinis exorcistici, sed ut eleuantur per gratiam gratis datam eiectionem dæmoniorū, quæ cum interdum detur, interdum negetur pro voluntate Spiritus sancti, exorcismi ipsi non semper sortiuntur speratos effectus.

Ad quartum respond. cum Magistro Soto in 4. dist. 6. quest. 2. artic. 3. exorcismos Baptismales, & si qui alij præmittuntur in collatione aliorum Sacramentorum, semper consequi suos effectus, nisi apponatur obex à suscipientibus Sacramentum: effectus autē, ad quos ordinantur, & præmittuntur, est abigere dæmones, ne impediant Sacramenti suscepcionem, aut eius fructū. Cum ergo iste effectus sit adedò necessarius sicut & ipsa Sacramenta, sicut Sacramentorum efficaciam esse infallibilem necessa-

necceſſarium eſt: ita & exorcifmorum qui ad præſatum effectum ordinantur. Secus eſt in ordine ad alioſeſſus exorcifmorum: qualis eſt expulſio ab obſeſſis, qui pertinet ad liberationem à malo pœnæ, ſine qua homines iuſtificari poſſunt: & ideo ſi ille, qui baptizatur energumenus eſt, per exorcifmos liberatur ab impedimento, quod poſſet dæmon præſtare circa ſulceptionem Baptiſmi, & eius fructum conſequendum, non tamen ſemper necceſſe eſt liberari ab inhabitante dæmone.

## DISPUTATIO XVII.

*An aliquibus rebus ſenſibilibus, & naturalibus inſit aliqua virtus naturalis, potens ad fugandos dæmones, ne hominibus moleſti ſint?*

**E**T videtur vera pars affirmatiua: ſunt enim quidam lapides pretioſi, qui dicuntur ſua naturali virtute fugare dæmonia. Iaspis ſcilicet Calcedonius, Chryſolitus, Adamantus, Corallium, ita Franciſcus Rucus medicus inſulanus in ſuo opusculo de gemmis. Iosephus etiam lib. 8. de antiquit. c. 20. ait in exercitu Titi Imperatoris fuiſſe quendam, qui pretioſo lapide incluſo in anulo fugabat dæmones à corporibus obſeſſorum.

Secundo Plinius lib. 28. nat. hiſt. c. 16. refert quosdam aſſerentes vrinam equi mixtam aqua ferrata, quæ ſolet extrahi ab officina fabricorum ferrariorum, ſanare dæmoniacos: & l. 30. ait Apionem Grammaticum aſ-

ſerere herbam quandam vocatam Cynocephaleam, & in Ægypto Oſiritem, habere vim quandam ferme diuinam aduerſus dæmones: ſed qui illam euellit ſtatim moritur. Et quidam aiunt, quasdam herbas dæmonibus eſſe intollerabiles: ex his ſunt Arrimeſſia Rubea, Barba Iouis Solſequium, Leuiſticus, Saluia, Polegium, folia ſappuci, &c. Et Ioseph lib. 8. vbi ſupra, ait ſe vidiffe exorcifſtam Iudæum quadam herbæ radice dæmones abigentem. Verba Iosephi ſunt. c. 20. Vidi quendam Eleazarum de gente noſtra, præſente Veſpaſiano, & eius filiis, & Tribunis, alioque ſimul exercitu, curantem eos, qui à dæmonibus vexabantur. Modus autem medicina fuit huiusmodi. Intulit naribus eius, qui à dæmonio vexabatur, annulam habentem ſub ſignaculo radicem à Salomone monſtratam: deinde per naxes odorantis dæmonium abſtraxit, & repente cecidit homo. Poſtea id adiurauit ne amplius rediret, Salomonis interim mentionem faciens, & incantationes ab illo inuentas recitans: volens autem ſatisfacere ac probare præſentibus Eleazarus hanc ſe habere vim, ponebat ante eos aut calicem, aut peluim aqua plenum, & dæmoni imperabat vt ab homine egreſſus, ea euerteret, & videntibus præberet indicium, quod hominem reliquiſſet. Hæc Iosephus: & Druthmarus ex eodem videtur idem ſumpſiſſe. Et quod magis mirandum eſt D. Hierony. & refertur 26. q. 7. in fine, ait: Dæmonium ſuſinentibus licet habere herbas, & petras ſine incantatione, nimirum indicans herbas & petras contra dæmones naturalē habere vim.

Iosephus.

Druthmar.

Hieron.



*Abulensis.* Tertio. Quidam aiunt suffimentis quibusdam fugari dæmones: hos refert tacito nomine Abulensis super cap. 16. 1. Regum. q. 43. hi nituntur duobus fundamentis. Primum & potissimum est, dæmonem pulsatum esse à Tobia iuniore fumo iecoris cuiusdam piscis: de quo statim. Secundū, quod contrariis suffumigationibus iidem dæmones alliciatur, & ut certis locis assistant inuitentur. Et ne isti autores omnino celentur, scito Hermetem dixisse suffumigatione ex ligno Aloes, vel Ceti spermete, dæmones congregari: at suffumigatione ex sulphure fugari, ut Porphyrius & Proclus, qui similia multa dicunt. Quinimo multi ex Catholicis exorcistis suffutibus cornu caprini & cuiusvis stercoreis, præcipue humani, & ruta & hypericone (quem ob id fugam dæmonum appellant) dæmones conantur fugare. Hieron. Mengus in lib. qui dæmonum flagellum dicitur; exorcismo 3. præcipit, ut ignis ac sulphur accipiatur, & super dæmoniacum suffutis tamdiu adhibeatur: quousque respondeat interrogatis: & exorcismo 4. ut benedicta ruta energumeni naribus admoueat: & exorcismo 6. ut accipiatur sulphur galbanus, assa fœtida aristolochia, hypericon, & ruta, omniaque propria benedictione benedicantur, & in ignem proijciantur.

*Philosra.* Quarto. Sonitu, ac clamoribus, & sonitibus dæmones à locis fugari docet Philostratus in vita Apollonij Thianxi, lib. 2. cap. 2. fragore item ac

strepitu armorum docet Hortensius super lib. 6. Aeneidos Virgilij his verbis: Multi afferunt dæmones ferri aciem reformidare, & re ipsa compertum est. Et noui quibus hoc ipsum nocturnis horis accidit, sed cum magna aduersæ valetudinis conflictatione. Ita Hortensius. Sed & campanarum sonitu dæmones terri nostri dicunt: qui contra tempestates à dæmonibus ut creditur immittas, sonitu campanarum se mununt, ac eas conantur fugare. Et Paulus Grillandus in tractatu de sortilegijs prodidit dæmones mulieres quasdam ducentes, audito campanæ sono ante diluculum eas dereliquisse, fugamque arripuisse. Missa facimus quæ ex Ouidio, Aphrodisæo, & alijs profanis autoribus afferri possent de aristinnitu, quo manes domo alijsque ex locis abigi posse profani quidam crediderunt.

Quinto. Ut dæmones vexent homines necessaria est in corpore vexandorum quædam corporalis, ac naturalis dispositio, per quam fiant hominum corpora apta ad recipiendam actionem afflictivam dæmoniorum: ergo res sensibiles, quæ auferunt eam dispositionem ab obsessis, expellent dæmones, qui nequeunt in eis corporibus consistere nisi adsit talis dispositio. Anteced. probat. quia ob id lunaticos & melancholicos, ac epilepticos, & furiosos arripiunt dæmones, ut colligitur ex historia Euangelica. Luc. 8. depingitur quidam dæmoniacus sæuus talibus

fignis, vt dicant medici eum laborasse quadam mania speciem: quam

*Damasc.* Damascenus iram permanentē vocat; Medici lycanthropiam seu lycanthropiam seu lupinam insaniam:

*Marc. 9.* & *Marc. 9.* de alio fit mentio dæmoniaco, qui elidebatur in terra, & volutabatur spumans, quæ sunt euidentia signa epilepsiæ, id est morbi comitialis. Omitto modò alios arripitios, lunaticos, melancholicos; à dæmone possessos: nimirum mediantibus his morborum dispositionibus commemoratis, & alijs similibus.

*Sexto:* Verba, quibus vtuntur necromantici, potentia sunt ad cogendos dæmones, non solum ad alios pellendos, verum ad quæcunque imperata faciendū. Sic Maga Thesfalica apud Lucanum in 6 iactat se posse quoscunq; velit in actus inuitos præbere Deos, id est dæmones: ergo non est inconueniens idem asserere de alijs rebus naturalibus & sensibilibus. Hæc positio efficacioribus rationibus suadenda est, sumptis ex sacris literis, quibus refragari nullus Catholicus præsumet.

*Septimum* argumentum ex verbis *Tobia 6.* Raphaelis Angeli dicentis Tobia 6. Cordis eius (piscis callyonimi, vt quidam dicunt) particulam, si super carbones ponas fumus eius extricat omne genus dæmoniorum: quod & postea cap. 8. factum legimus.

*Octauum.* Legitur 1. Reg. 16. Dauid pulsanter cytharam suam dæmonium à Saule fugasse. Et Simeon

Abbas, qui dictus est Salus, vt refert *Leontius* Episcopus Neopoleos insulæ Cypri in eius vita ex vico quodam, qui molestabatur à diabolo; cantu tibiae pepulit eum: & *Guido.* Guido in sua musica ait, vi musici concentus pelli dæmonia. Et *Beetius.* Et Beetius, quem refert Glossa ordinaria, ait, quendam Philosophum tactu cytharæ dæmonium ab obsessio pepulisse.

Propter hæc & similia argumenta quidam tenent hæc partem, Paulus Burgenfis in additione contra Nicolaum de Lyra super decimum sextum cap. 1. Regum mouetur argumēto 5. 7. & 8. Raymundus Lullius 2. lib. 5. essentia ait, Deum in vindictam criminum dæmoniorum, ea quamuis natura superiora rebus sensibilibus subiecisse. Et Ioannes Rubescifali. de confid. 5. essentia, & Grilandus q. 3. nu. 23.

Disputatio hæc plus habebit in recessu, quam in fronte, ne sit necessarium disputationes multiplicare. Et ideo præmittendum est, quadrupliciter posse intelligi dæmones virtute rerum sensibilibus ab hominibus molestandis fugari, aut vero ad alias quasuis mirabiles operationes efficiendas cogi. Vno modo, quia in rebus ipsis inest virtus coactiua dæmoniorum, siue illa virtus sit ex primis vel secundis qualitatibus, sicut igni inest calor ad calefaciendum, vel comburendum, aut vero ad expellendum frigus à subiecto, cui applicatur siue illa virtus sit qualitas specifica

dima-



emanans à forma rei, & influxibus cœlestibus, qualem inesse videmus magneti trahendi ad se ferrum, & cuidam gemmæ, quæ vocatur Theamedes contrariam virtutem omne à se ferrum respuendi, ac profligandi, teste Francisco Ruco medico insulano. *Secundo modo* possunt intelligi quodammodo cogi dæmones per allectionem vel respuitionem aliquarum rerum sensibilium, eo quod sint quædam res illis gratæ, & ideo ad præsentiam earum adveniunt congregantur, operanturq; res mirabiles, iuxta voluntatem his rebus utentium. Aliæ vero res adeo illis ingratae & exosæ sunt, ut ad earum præsentiam fugiant, & sua domicilia deferant ad eum modum, quo animalia viso pabulo sibi grato ad id accurrunt; è contrario si ingratum aut nocivum fugiant.

*Tertio modo* possunt intelligi cogi ad faciendum aliquid per res sensibiles, eo quod hæ res valde conducunt ad faciendos effectus, ad quos inuocantur: quia eos faciunt applicando actiua passivis: aut vero ad recedendum: quia huiusmodi res conducunt ad dissipandum dispositiones (si quæ sunt) necessarias aut aptas ad permanendum in molestia hominum, de quo statim.

*Quarto modo* possunt cogi per verba quædam aut pacta, quibus pepigit dæmon superior cum Mago, aut eo, qui se ei deuovuit, hæc & illa facturus: & isto modo dæmones superiores ad verba Magorum expellunt

ab hominibus dæmones interiores, & inferiores superiores per collusionem, sicut supra diximus. His suppositis.

*Prima assertio*, sit contra istos nuper relatos, & quosdam medicos à me citatos in disputat. 3. Nulla res corporalis, siue sit substantia, siue accidens siue actio vel passio, per suam naturalem virtutem haber potestatem directe & per se cogendi dæmones, ut appareant, accedant, fugiant, aliquid faciant, vel facere definant.

*Probatur.* Dæmones secundum fidem sunt substantiæ spirituales omnis corporis expertes: ergo nullo modo possunt pati, aut cogi naturaliter à rebus corporalibus: eo quod corporalia nullam efficaciam, aut robur possunt habere erga res spirituales, quæ omnibus modis corporales superant, ut perspicuum est, & animaduertit D. Thom. *super e. 41. Iob.*

Dixi *naturaliter*: quia supernaturaliter bene possunt cogi, nempe à Deo, Sanctis, Angelis, & hominibus virtute Dei, nam ad ordinem potestatum pertinere dicitur, dæmones arceri, ut declarat Gregor. *hom. 34. Gregor.* Sancti autem homines, & interdum non sancti, sicut dono virtutum participant in quantum miracula faciunt, ita dono potestatum, in quantum eijciunt dæmones.

Hæc argumentario supposita fide antecedentis, demonstratiuè procedit: cuius vis non eneruatur, si obijcias animas racionales esse substantias spirituales, quæ dum

in corporibus sunt pati possunt à rebus sensibilibus, possunt etiam vi à corporibus separari, nam animæ uniuntur corporibus vt formæ: & ideo certas in corporibus expostulant dispositiones, quibus læsis animæ tristantur, & quibus ablatis cogitur anima recedere: quia vnio eius ab eis dispositionibus penderet; secus est de dæmonibus qui corporibus adsunt tantum vt motores localiter: & ideo siue in corporibus obsessorum adsint, vel absint dispositiones quælibet, ipsi non coguntur recedere sicut neque accedere.

*Secunda assertio.* Dæmones non alliciuntur rebus sensibilibus propter se ipsas, sed propter aliquid aliud, non tamen ob id coguntur à rebus sensibilibus vel per eas, vt aliquid dicant aut faciant. Assertio hæc tres partes habet. *Prima probatur:* quia cū dæmones nō habeant sensus, neque sensuū organa: quia spiritalis naturæ sunt, nullā capere possunt voluptatem à rebus sensibilibus propter se ipsas: non delectantur sufficib, quia non habent olfactum: non coloribus pulchris, quia carent visu; non musicis concentibus, quia nō est illis auditus: non coitu, quia non habent organa ad id deputata. *Secunda pars* asseritur à D. Th. q. 6. de potent. art. vlt. vbi ait, tripliciter dæmones allici rebus sensibilibus propter aliquid aliud vel in eis inclusū, vel ab eis deriuatum. *Vno modo,* quia res quædam corporales sunt aptæ ad perficiēdos quosdam effectus mirabiles, quos

dæmones faciunt applicando actiua passiuis, siue eos faciant ad inuocationem Magorum, siue sine vlla inuocatione: v.g. si vtantur hippomane ad conciliandum amorem, vel cantharidibus ad excitandum ardorem Venereum, vel quid simile. *Secundo modo* alliciuntur his rebus corporalibus, in quantum homines per eas in peccatum adducuntur, v.g. cōuiuijs lautis, choreis promiscuis virorum, ac mulierum, & similibus. *Tertio modo,* & vniuersaliori ac præcipuo alliciuntur corporalibus, in quantum hæc corporalia sunt signa aliquorum spiritalium: quibus dæmones delectantur. Vnde Aug. l. 21. de ciuit. c. 6. ait, dæmones allici his rebus, non sicut animalia cibis, sed quasi spiritus signis: & ista allectio spirituum immundorum frequentissima est apud Magos, ac necromanticos, qui per signa quædam dæmones inuocant, & adsunt vocati, vt morem gerant Magis, & his signis valde dæmones delectantur: quia eis honor quasi diuinus exhibetur, cuius ipsi summopere appetentes sunt. Quibus autem signis delectentur, ipsi miseros Magos docuerunt: diuersos pro diuersitate delectationis dæmoniorum: *Neque enim* (ait August.) *potuit nisi primum ipsis docentibus disci quid quisque illorum appetat, quid exhorreat, quo inuitetur nomine, quo cogatur.* Vnde *Magica artes, earumque artifices extiterunt.* Infinita ferme sunt ea signa, vt ipsi dæmones innumeri, & diuersis contrarijsque sæpe

August.



Pfellus.

numero ingenijs , ita vt ferme nil corporale sit, quo non abutantur ad magicas artes: sicut Michael Psellus homo vanus , & plus quam suspectus de magia dæmoniaca scripsit in lib. de dæmonibus.

August.

*Tertia pars Assertionis*, nulla re sensibili sic allici dæmones, vt ob id cogantur dicere , aut facere aliquid, est contra impium Porphyrium , & alios, qui, vt refert August. 10. de ciuitate Dei, c. 11. mirabatur, quod non solum dii ( dæmones ) alliciantur victimis , sed etiam compellantur, atque cogantur facere, quod homines volunt. *Sed probatur assertio nostra.* Nam dæmones quamuis semper ad malum propensi sint, tamen libera voluntate potiuntur, libereque operantur: at qui libere operatur, nulla re ita delectatur, vt ex ea cogatur aliquid dicere , aut facere. Simulant versipelles se cogi, vt decipiant miseros Magos, & sæpe quando illis placet, nec illis parent, nec finit viuere: vt sic ad infernum secum pertrahant: de quo fortasse alias.

2

*Tertia assertio.* Nulla res sensibilis propter se ipsam est dæmonibus ingrata , aut nociua , ac proinde non illam respuit propter se ipsam , multas vero respuit, & odio habet propter aliud : non tamen ob id dicitur cogi ab aliqua re sensibili , vt recedat, aut fugiat. *Prima pars patet ex dictis in prima & secunda assertione.*

*Secunda pars clara est in rebus diuinis ,* Cruce , reliquijs , & huiusmodi. Sed his dimissis : quia de rebus naturalibus loquimur intra sphaeram suæ naturalitatis ; probatur , quia ea , quæ inducunt ad bonum , vt imagines , virtutum moralium opera , colloquia sancta , & ieiunia , & huiusmodi : eis valde displicent ac exosa sunt. Rursus res sensibiles , quæ quodammodo alleuiant molestias dæmonum infestantium , vel aliquo modo contrariæ sunt dispositionibus, quas ipsi amant in hominibus , puta melancholicam affectionem , ea omnia dæmones oderunt , & respuunt.

*Tertia pars probatur:* quia horror, quem ex hisce rebus capiunt, non est tantus , vt cogantur ob id recedere : plus displicet cessare ab hominum molestijs , & ideo hisce rebus non cogantur recedere. Egregiè Origenes citatus ex homilia 244. in Iosue : *Adhibeantur multe orationes , multa ieiunia , multi exorcismi , ad hac omnia in obsessio corpore demon permanet : tolerabilius ferens exorcistarum pœnas , & adhibita sibi ex Dei nominis inuocatione tormenta , quam discedere ab homine , quem nequiter obsidet : quod si his diuinis machinis inimicus resistit , ne ab homine pellatur, mere naturalia , quantumuis odiosa , deridebit.*

*Quarta assertio.* Dæmonum accessus aut recessus non pendet ex dis-

posi-

positione corporali aliquarum rerum ac proinde nulla dispositione corporali posita coguntur accedere, aut ablata recedere. Hoc est dicere, dæmones neq; directè, neq; indirectè posse fugari mediantibus aliquib. rebus naturalib. & sensibilib. Hæc assertio statuta est contra Paulū Burgensem ubi supra, & Martinum del Rio, *libro secundo disquisitionum Magicarum quest. 30. sect. 3.* Ille ait ingressum & vexationem dæmonum erga corpora obsessorum pendere ex dispositione quadam naturali, qua sublata per medicamenta, aut res sensibiles, indirectè cogitur dæmon recedere. Hic autem has dispositiones esse causas indirectas expulsionis: & sine quibus non (vt aiunt Philosophi) quod est incidere in opinionem Burgenfis, & expressius *tom. 3. lib. 6. cap. 2. sectio. 2.* ait quibusdam rebus naturalem esse virtutem fugandi dæmones. Et ante ipsum idem asseruerat Nicolaus Serarius *super 6. caput Tobie.* Aduersus hos, & alios asserimus, dæmones non pendere à corporali aliqua dispositione vexandorum neque in ingressu, neque in mansionem in corpore ibus eorum, ac proinde, neque indirectè posse pelli ab eis per ablationem earum corporalium dispositionum. *Probat.* Ad hoc vt dæmon inhabitet corpus hominis, & vt id vexet, tantum necesse est ei vniri vt motorem motu locali: sed ad hanc

vnionem non est necessarium præcedere in corpore humano aliquam corporalem dispositionem, sed tantum requiritur motorem habere robur ac vim mouendi illud, vt patet in omni vnione motoris ad mobile: ergo inhabitatio dæmonis in obsessis, & vexatio eorum, non pendet ab aliqua, vel aliquibus dispositionibus corporalibus: sed potest fieri per solum localem motum: ac proinde neque indirectè potest cogi dæmon, vt recedat ablata dispositione quacunque per medicamenta, aut res sensibiles: quia ab ea dispositione non pendet eius inhabitatio, aut vexatio. *Maiores huius syllogismi probatur:* quia materia corporalis obedit spirituali ad nutum quoad localem motum, vt auctor est Diui Thom., 1. p. *quest. 100. art. 3.*

*D. Thom.*

Explicatur vis huius rationis. Quando dæmon inhabitat hominem, duplici genere motus potest ibi adesse, & operari. *Primo*, motu alterationis, verbi gratia, causando morbos afflictiuos, vt epilepsiam, lycantropiam, aut succum melancholicum, vel quid simile, quo crucietur dæmoniacus: quod si hoc solo genere motus inhabitaret aut vexaret, citra dubium pelleretur, & à cruciatibus cogeretur cessare mediantibus medicaminibus, & rebus corporalibus: quibus applicitis tolleretur dispositio qualificatiua,

P 2 à qua



à qua penderet dæmonum præsentia. Tolleretur insuper dispositio afflictiva, quam dæmon per motum alterationis ingessit, & consequenter à corpore obsessi fugaretur, cessaretque à corporis cruciatibus: ni si quis dicat (quod & contingere posset) facile esse dæmonibus virtutem eorum medicaminum hebetare, & enervare: quo posito magis confirmaretur nostra assertio, & confutarentur præfati autores. *Secundum* genus motus quo potissime utitur dæmon in habitatione obsessorum & cruciatibus, est localis motus, qui non pender ab aliqua dispositione corporali, sed potest inhabitare, & cruciare hominem sine vlla afflictiva dispositione, per coarctationem nimiam, aut dilationem plus nimio cordis, viscerum, hepatis, aut per euocationem immoderatam humorum melancholicorum ad cerebrum, vel quid simile: quæ omnia sine alteratione fieri possunt per solum localem motum. Hi autem locales motus dæmonum, qui à dispositione non pendent, nequeunt impediri, aut auferri per vllius rei sensibilis, & naturalis virtutem: & ideo neque indirectè cogi dæmones, ut recedant, aut ne crucient obsessos. Fateor, res quasdam corporales multum conducere ad alleviandum dæmoniacos, ne tam acriter vexentur: vel diuertendo attentionem à cruciatibus dæmonum vel auferendo dispositionem me-

lancholicam, aut alias morbosam: qua mediante dæmon vexabat obsessum, qua ablata licet non cogatur dæmon recedere, aut non cruciare vel voluntarius recedet propter ingratam mansionem, vel alleviabitur aliquo modo à diris cruciatibus: de quo latius in solutione ad octauum.

*Quinta assertio.* Nulla verba Magorum cogere possunt dæmones, ut accedant, sed ipsi simulant se accedere aut recedere coacti per Magorum verba. *Hac iam probata est ex dictis*, nam ea verba nullam efficacitatem habent, nec vnde illis aduenerit efficacia ignoratur, sed pactum cum dæmonibus hos accessus, & recessus introducit, quod seruant, quando eis placet, & quando non placet frangunt, & irritum reddunt.

*Supereſt* ad argumenta initio facta respondeamus. *Ad primum*, sine vlllo fundamento asseritur lapides pretiosos, aut non pretiosos dæmones in fugam convertere; quod si aliquando eos lapides fugiant, impostura Magorum est, & fictio dæmonum fingentium se fugere, ut Magos in cæcitate sua detineant.

*Ad secundum respondetur*, illud de aqua ferrata nil conducere ad cogendos dæmones, fortasse remediū medicinale est ad curandos morbos quosdam, quos amant dæmones aut inferunt dæmoniacis, de quo statim, *Illas vero herbas cōmemoratas expel-*

expellere dæmones, fallacia Magorum est, ipsis dæmonibus hac via eos seducuntibus, fortasse atra bilem extirpant, quàm dæmones induxerūt, ut vexarent miseros obsessos, & illa extirpata volūtariè recedit dæmon, ut animas hominum in superstitionem inducāt. Illud verò quod dixit Apion Grāmaticus de Cynophalea herba: ad inuocationem, & pactum cum dæmone spectat: nec parū suffragatur nostræ suspicioni id, quod ibidem refertur dixisse Apionem, virtute scilicet illius herbæ interrogatum dæmonem de patria, & parētibz Homeri respondisse, quæ non auderet dicere. Interrogatio ridicula mediante herba, & digna Grammatico. Illud verò quod obijcitur de radice inclusa in annulo Eleazari, credo ad superstitionē pertinere: nec est cur liberemus à superstitione magica Iudæum Eleazarum.

Ad tertium respond. non esse curandum de Hermete famoso necromantico, nec de impio Porphyrio. Ad illud verò quod obijcitur ex usu nostro: rum exorcistarum, respondent quidam: dæmones, quia superbissimi sunt, nequaquam posse sustinere, ut vilipendantur, dum in suis obsessis vel flagellantur, vel fumo graue olētium (quod genus quoddam vilipēdij est) afficiuntur, & sic recedunt. Existimo autem, eos hæc & similia parui facere: quare melius respondeatur, illa herbarum gestatio, illi suffragatur ex cornu caprino, & similia, for-

tasse profunt: quia ruta & hypericonis folia flatu absumunt, ut ait Hippocrates li. de flatibus, & ad sedandos humores, qui à flatibus proueniunt valde conducunt; sicut & stercus, & cornu caprinum in ignem coniecta fumo suo idem efficiunt. Vnde & profunt humoribus melancholicis curandis: quibus extirpatis, aut debilitatis, vexatorum à dæmonibus cruciatus alleuiantur, ac mitescunt; & fortasse aliquando recedit dæmon.

Vvimpin.

Hoc benè notant Conrad. Vvimpina li. 2. de superstit. c. 10. 11. & 12. & Vallesius. Franciscus Vallesius Medicus Complutensis in lib. sacra Phil. c. 15. & 28. Inquiunt isti frequentius dæmones inuadere eos, qui abundant atrabili, quia humor iste valde idoneus est, ut homines in futorem ac insaniam vertantur; quod dæmones summo pere cupiunt: quare melæcholia imbutis maximè insidiantur, & morbos, ut plurimum, inferunt melancholicos. Vnde consequitur quod cum corporalem materiam nō possint transmutare, nisi applicando actiua passiuis, agrè ferunt, si corporeis ac medicinalibus illis rebus adhibitis, dispositiones eorum malitiæ ac dōlis aptæ expellantur, ac prorsus contrariæ inducantur.

Igitur hæc tres, quæ in corpus patientis inducunt dispositionem contrariam ei, quam exoptat dæmon ad commodius inferendos cruciatus, humores corporeos purgāt directè, & corpoream agritudinem pellunt



naturaliter, indirectè verò sunt ob-  
staculum dæmonibus, ne tam grata  
possideant domicilia, ac ne patiens  
tam diros sustineat cruciatus: & ali-  
quando consequitur, vt dæmones  
discedât, non verò coacti ab illis re-  
bus, & talibus dispositionibus: quia  
neque directè, neque indirectè eorū  
cōmoratio aut discessus ab illis pen-  
det, vt diximus cōtra Burgensem, &  
propter alleviationem præfatā licet  
obsessis à dæmone petras & herbas  
naturaliter efficaces aduersus melā-  
choliā, absque vlla tamen incanta-  
tione habere, & gestare, vt dicit D.

*Hierony.* Hieronymus in argumento relatus:  
*Albertus* estque communis sententia, ita Al-  
*Magnus.* bertus Magnus, Luc. 9. *Sprenger* p. 2. c.  
*Sprenger.* 5. remedium, Nider. li. 5. *formicarij* cap.  
*Niderus.* vlt Valerius Polydorus in practica  
*Polydorus* exorcismorum.

14

Ad quartum ex dictis facilis est  
solutio. Nulla namque res corpora-  
lis naturali vi aliquid potest in rem  
spiritualem, & ob id credo dæmones  
irridere eas blasphemias voces, ac  
minaces: quod si phantasma fugit  
Apollonium blasphemātem, voluit  
detinere famosum Magum in sua  
cæcitate. Idem dico de armorum ap-  
paratu.

Ad id verò, quod obijcit de no-  
strarū campanarum sonitu, sunt qui  
nullum effectum supernaturalem  
illis adscribunt, sed dumtaxat natu-  
ralem. Ita Petrus Mexia lib. *varia le-*  
*ctionis.* effectus naturalis, is tempore  
alicuius ingruētis tempestatis, aëris  
vehementis, nubium valdè denta-

*Mexia.*

rum, tonitruorum ac fulgurum,  
aerem rarefacere, nubes dissolvere,  
fulguribus obstari mediante carum  
crebro sonitu, quod naturale est.  
Siquidem nobis tradidere experti,  
aliquando contigisse, ad ingētes cla-  
mores magni exercitus aerem sic ra-  
refieri, vt aues desuper volantes non  
valentes in tanta aeris subtilitate alis  
cōsistere, in terram ceciderint. Non  
abnuo dictis: ceterum ad sonitum v-  
nius campanule, aut duarum, ingen-  
tes tempestates vastarum nubium na-  
turaliter dissipari, sicut de facto sæpè  
videmus fieri, vix credibile est.

Existimo autem effectum istū su-  
pernaturalē esse propter campanarū  
consecrationem, in qua Deo suppli-  
catur, vt campanarum sonitu dæ-  
mones fugentur, ac tempestates dis-  
soluantur, vt videre licet in Conci-  
lio Colonienſi cap. 14. Vbi facta  
mētionē baptismationis, seu cōsecra-  
tionis campanarū, dicitur, Catholi-  
cos credere campanarū sonitu & ae-  
rem caliginosum discuti, tempesta-  
tesque arceri, & nequissimas pote-  
states aereas pelli, atque exturbari:  
& pro his effectibus supplicatur in  
earum consecratione, vt videre li-  
cet in Pontificali Romano, vbi  
campanarum benedicendarum for-  
mula descripta est.

Ad argum. 5. *resp. negando antec. & ad*  
*probat.* dico, me non negare dæmo-  
nes istiusmodi melancholicis, epi-  
lepticis, furiosis, maniacis, & huius-  
modi. Insuper non nego dæmones  
sæpè cruciare miseros obsessos me-  
diantibus

Cōcil. Co-  
lonienſe.

15

diatibus morboſis illis apparatibus, vel naturaliter exiſtentibus in arreptitijs, vel à dæmonibus immiſſis; nego tamen ab eis diſpoſitionibus pēdere manſiones dæmonum in dæmoniſciis, vel quia non ſunt in loco per operationem vel diſpoſitionem corporalem; vel ſi ſunt per operationem (vt aiunt diſcipuli D. Tho.) non neceſſariò per operationem, quæ ſit alteratio, ſed ſat eſt motus localis. Vnde ablata diſpoſitione alteratiua, poſſunt firmiter hætere per motum localem. Quod dico de manſione in arreptitijs, dico de illatione cruciatuum.

*Sed dubitas*: ſi per ſolum motum localem poſſunt inhabitare arreptitios, & eos immaniſſimè torquere, vt quid gaudent morboſis apparatibus, & eos immittunt, multa cura inquirēdo res, ex quarū applicatione illi morbi generentur? Obſcurum eſt eorum prauas mētes ac fines perſcrutari. Fortaſſe, quia cupiūt occultari, occultantur autem dum malam affectionem dæmoniacorum, moleſtię morborum homines attribuunt, nil cogitantes de dæmonum inhabitatione, qua agnita adhuc deſiderant domicilia morbis affecta, vt ipſis recedentibus ad tempus, vel in perpetuū relinquunt morbos, quaſi ſubſtitutos tortores hominum, quos odio, pluſquā vatiniāno proſequuntur: aut verò quia tā diros cruciatus non poſſunt inferre per ſolum motū localem coarctationis, aut dilatationis, ſuperſtitibus ſubiectis, ſicut per

morboſas qualitates, maximè quæ ad maniaſpecies pertinent. An verò illi dæmoniſci, de quibus in probatione antecedentis, fuerint vexati morbis à dæmonibus immiſſis: an verò tantum cruciati motu locali, incertum eſt; quibuſdam negatibus, quibuſdam affirmantibus.

Ad ſextum argum. negatur antecedens. 16  
Verba enim quęcunq; à Mago prolata, aer verberatus ſunt, & naturaliter ſupra ſpiritus nullam efficacitatē habent: ſingunt dæmones ſe à Magis cogi, quibus obtemperant, vt plures capiant, & captos in errore detineant. Tota viſ Magorū erga dæmones ex fœdere cum eis inito pender, ac proinde ſi Magus pactum habeat cum dæmone ſuperiori, non poteſt vim facere (quęcunq; verba proferat) huic dæmoni ſibi deuoto, poteſt tamen per ipſum dæmonem ſuperiorem, ſibi ex pacto adiuuantē, inferiorem cogere ad aliquid faciendum, vel omittendum, vt narrat Auguſt. 12. de ciuitate Dei, cap. 9. Sed hoc nō eſt dæmonem aliquem cogi verbis Magorum, ſed ab alio dæmone fortiori. Quare Maga illa Theſſalica vanè ſe iactabat de imperio ſupra dæmones, quin imò minabatur Lunæ, & Dijs inferis, tanquam ſamulis, apud Lucanum lib. 6.

Lucanus.

Miratur Erichtho

Has fatiſ licuiſſe moras, iratq; morti  
Verberat in motum viuo ſerpente cadauer,  
Perq; cauas terra, quas egit carmine rimas,  
Manibus illatrat, regniſque ſilentia rumpit.  
Tiſiphona, vocisſque mea ſecura Megera,

Non



*Non agitis fauis Erebi per inane flagellis,  
Infelicem animam iam vos ego nomine  
vero*

*Eliciam, stygiasq; canes in luce superna  
Destitutam: per busta sequar: per funera cu-  
stos*

*Expellam tumulis, abigam vos omnibus vr-  
nis,*

*Teq; Deis, ad quos alio procedere vultu  
Ficta soles, Hecati palle nescitabida forma  
Ostendam faciemq; Erebi mutare vetabo.  
Eloquar immenso terra sub pondere, qua te  
Contineant Ennae dapes: quo federe mactū  
Regem noctis amas: qua te contagia passam  
Noluerit reuocare: Ceres tibi pessime mundi  
Arbiter immittam, ruptis Titana cauernis,  
Et subito feriere die.*

Iamblicus

17

Et Iamblicus in mysterijs scribit, narrare Porphyriū, Sacerdotes, id est Magos, consueuisse violentis quibuldam minis aduersus superos (dæmones intelligit) vti: veluti: Nisi vos ita feceritis, vel contra si feceritis aliquid: cælos confringam vel occulta Isidis, id est Proserpina patefaciam; vel arcanum in abyssu conditum diuulgabo, aut sistam barim, id est nauim quandam apud Ægyptios sacram: Aut membra Osiridis Typhoni dispergam. Videte quousque processerit in sana iactantia Magorum, & dæmonum ingens fallacia, vt se simulent his verbis cogi, his minis terri, quas homunciones vix audire ferrent, & tamen superbissimi spiritus libenter auscultant, & fingunt se pauidos obedire, vt miseros homines in errore detineant. Sed his relictis ad grauiora & veriora nos septimum & octauum argumentum in-  
quirant.

18

*Septimum argumentum, quibusdam nullam negotium faceffit: quia existimarunt librum Tobiae non esse de canone sacrarum Scripturarum: sed iam post Tridentinam Synodum, quæ definiuit, & annumerauit eum librum cæteris irrefragabilis autoritatis codicibus sacris, responsio hæc non est admittenda.*

Alij aiunt summum cordis piscis, non fugasse dæmonem, sed Raphaellem Angelum, vt dicitur cap. 8. Tunc Raphael Angelus apprehendit demonium, & reliquit illud in deserto superioris Ægypti. Sed ideo dixisse fumum extricare, id est fugare dæmonia, (cū tamen ipse erat fugaturus) vt sic hoc dicto, & subsequenti facto, occultaretur esse Angelum. Sed isti vix excusant Angelum ab edocta superstitione & a mendacio: quia non saluatur veritas asserti Angelici, videlicet fumus cordis, aut iecoris extricat omne genus dæmoniorum.

Nec satisfacit Abulensis super caput 16. 1. Regum, dicens sensum esse, dæmones esse fugandos, quando fumus excitatus esset, fugandos quidē, non a fumo, sed ab Angelo. Nimis violenta expositio videtur: quia expresse ait Angelus, fumum ipsum fugare dæmonia omnia, id est habere virtutem ad id efficiendum. Si autē tempus notaretur, de vno tantum dæmonio loqueretur Angelus: item fel non tantum fuit signum temporis, quo visus Tobiae restitueretur: ergo neque cor, & hepar temporis, quo erat recessurus dæmon.

Alj

18 Alij dicunt, fumo illius piscis fugari dæmonia non vt instrumento, sed sicut signo; adeū modum quo Crux fugat dæmones vt signum Christi: piscem autem illum figuram esse Christi multi Sanctorum affirmant. *August. serm. 4. de sanctis Petro, & Paulo. Est enim Christus piscis ille, qui ad Tobiam ascendit de flumine viuis: cuius iecore per passionem affato fugatus est diabolus, & per amaritudinem fellis afflatus est cecus, & illuminatus est mundus. Et Operatus lib. 3. aduersus Parmen. idem ferē ait, & D. Prosper de prædict. p. 2. cap. 39. vbi post multa ait: Satiatur ex se ipso in littore Christus discipulos, & toti offerens se mundo: nam verbum Græcum Latine piscem sacris litteris maiores nostri hoc interpretati sunt, ex Sibyllinis versibus colligentes, quod est Iesus Christus filius Dei saluator, piscis in sua passione decoctus, cuius ex interioribus remediis, quotidie illuminamur, & pascimur. Non displicet expositio, quæ est etiam Lyranus Tobie 6. dicentis fumum iecoris illius piscis non fugasse dæmonē, nisi figuratiter.*

Existimo autem illum fumum re vera fugasse dæmonium (aliàs quomodo stabit dictum Angeli) non per aliquam vim naturalem, quæ in esset fumo illi: sed quia Angelus Raphael, qui vt causa principalis fugauit, eo fumo vsus est vt instrumento illius fugæ faciendæ, eleuans illam, vt posset in effectum; in quem non poterat nisi eleuaretur. Nec mirum: nam faber lignarius eleuat terram, vt ea faciat cathedram,

quam serra non posset efficere, nisi eleuaretur: & multo magis habet locum hæc eleuatio, quando substantiæ separatæ assumunt vt instrumenta admirabiles effectus producendos, res naturales: vt egregie D. Thom. 3. contra gentes cap. 103. & alibi saepe.

Quare autē fumo illius piscis vsus est Raphael, vt instrumento? Quia figura erat Christi Domini in passione quasi exenterati, ac decocti, vt præfati Sancti docuerunt. Hæc sententia non est aliena à mente multorum doctissimorum, inter quos Guilielmus Parisiensis lib. de vniuerso, Dionysius Carthusianus hoc testimonio Tobie, Hieronymus Mengus in flagello dam. docum. 3. An verò iecur illud habuerit aliquam virtutem naturalem inducendi quasdam dispositiones ingratas dæmonibus: dicendum erit, sicut de concentu Dauidicæ cytharæ, de quo statim.

In octauo argumento celebris se offert, & à viris doctis agitata dubitatio, de efficacia cōcentus Dauidicæ cytharæ in propulsando dæmonio à Saule, quem à dæmone arreptum fuisse docent viri graues. Iosephus lib. 6. antiquit. cap. 10. Athanas. homil. de semente, Chrylost. Eucherius, Tertulianus, lib. de fuga in persequut. cap. 3. Theodoretus, q. 38. 39. 54. Gregorius, Abulensis, Lyranus in libros Regum, & Franciscus Vallesius cap. 30. de sacra Philosophia. Alij occupatu morbo melancholico, non à dæmone obsessi, sum aiunt, inter quos Caietanus.

D. Thom.

19

Sed Caietan.



Sed esto à dæmone fuerit arreptus, an melodia musices fuerit à dæmonio liberatus dubitatur: nam esse liberatum ait sacer textus. *Recedebat* (inquit) *Spiritus malus ab eo.*

20

Extremas in hac dubitatione reperio sententias è regione oppositas, & vnā mediā. *Prima extrema est.* Solam harmoniā, Dauide pulsante cytharam, vim habere naturalem ad pellenda dæmonia, & de facto pepulit à Saule spiritum malignum. Hæc sententia duplici pergit via: nā quidam aiunt eā vim inesse musicis concētibz, quibus quidam dæmones delectantur, alij verò fugantur. Iste dicendi modus idolatrarum est, multa iactantes vana de propensione dæmonum in harmoniam. Vnde natæ sunt Magorum auge, Saturno lugubrem cantum, cæteris planctibus hilarem ac lætum offerendum. Hæc positio facile refutatur ex dictis in secunda assertione. Alij alia pergunt via minus improbabilis: dæmonem indirectè fugatū esse à Saule per Dauidis concētum musicum: eo quod ingressus, mansio, ac vexatio actiua dæmonis, pendeat à dispositione passiua existente in Rege arreptio: & hac sublata per harmoniam Daudicā subinde cogebatur dæmon, vt fugam caperet. Hac via

*Burgens.* procedit Paulus Burgensis, & alij citati: sed horum sententia iam refutata est his, quæ diximus circa assertionem quartam, & solutionem ad quintum argumentum.

21

*Alterā sententia extrema asserit, Da-*

uide pulsante cytharam, duos effectus subsequi: vnus, quod leuius ferret dæmonis obsidētis vexationem: alter quod fugabatur dæmon. Et nullus horum fiebat, neque poterat virtute naturali harmoniæ musicæ: sed ambo effectus tribuendi sunt sanctitati Dauidis, qui cytharā pulsando, canebat laudes Dei, & Psalmos compositos pro salute Saulis. Hæc sententia multum conformis est dictis Sanctorum. Athanas. homilia de selemente, sic ait: *Cum torqueretur Saul ab immundo spiritu, non defuit, qui indicaret ei Dauidis solertiam. Accersitus, quoties inuadebat Regē spiritus immundus, Dauid cytharam pulsabat, hymnos Domino cantans: suffocantem dæmonem propulsabat. O magnam Psalmorum virtutem spiritus immundus suffocans alium, ipse inuisibiliter suffocatur, & respirabat Saul.* Chrysostom. *Pulcher Psalmi concentus est, acutissimum telum aduersus dæmones: nec enim ceruici ita tela fugiunt, vt Psalmos Dauid dæmones. Sumpsit Dauid cytharam, & pulsauit, & à Saule recessit malus spiritus, & recedens dæmon cecidit, vt ceruus sagitta percussus, & in iecore sauciatus. Pulchra est Dauid cythara: est enim anima consolatio: pulchra est lyra pastoris; mentis enim nostra neruos confirmat ad virtutem, &c.*

Tertia sententia media asserit duo. *Primum* est virtute naturali melodiæ potuisse fieri, vt, aliquis leuius cruciaturum ferat, aut dolor totaliter absorbeat. Et ita de facto accidisse Sauli: nam Dauide pulsante cytharam, ac canēte, Rege musicæ suauissimæ

Athanas.

Chrysostom.

22

uissimæ concentibus recreato, ac delinito: leuius ferebat dæmoniacos cruciatus, aut forte dolor totaliter auferebatur. *Secundum* est virtute melodiæ naturali nequaquam poterat dæmon cogi, vt à Saule discederet: discessit autē virtute supernaturali.

Hanc sententiam cenſeo veriorē; eam tenet Lyranus, & Abulenſ. *super locum 1. Reg.* Estq; ferē cōmunis Theologi nōſtri temporis. *Secundū* dīctū iam probatum est aſſertione ſecūda, & quarta. *Primum* verò probatur, poſſe fieri dupliciter. *Vno modo* quia vt creditur Saul vexabatur à dæmone mediāte aſſertione, & diſpoſitione humorum atra bili infectorū hos autem ſedari, ac valdē alleuari per melodiam, æ muſicos concentus, medici periti aſſerunt. *Secundo modo*: quia concentus ſuaues, imò & perceptio cuiuſcunq; valdē delectabilis, diſtrahēdo attentionem, facit res mœſtas vel non percipi, aut parum: & ſine perceptione rei nociuæ non ſentitur dolor, aut cruciatus, & cum perceptione parua, parum ſentitur. Ac proinde non mirum ſi Rex concentu, & harmonia Dauidis muſicæ delinitus, & occupatus, non ſentiret cruciatos dæmoniacos, vel leuius.

Secus dicendum eſt de dæmonis diſceſſu; quem nō fieri virtute naturali harmoniæ muſicæ, aut cuiuſuis rei corporalis, iā probauimus. Nullā tamen video diſſonātiā veritati, ſi quis dicat Rege cōcentu muſicæ delinito nō exiguē ſedabantur humores, quibus agitabatur, & propterea

vexationi dæmones minus apti reddebantur. Et ideò ſpiritus ille nequam tum temporis recedebat, non quòd muſica cogetetur, aut offenderetur, ſed quòd agre ferret hanc ſui domicilij ſibi quaſi turbari poſſeſſionem per huiuſmodi temperiē meliorem. Sed certius cēſeo virtute ſupernaturali coactum reſiſſe: vel propter Dauidis canentis Pſalmos ſanctitatem: vt videntur dicere Sancti citati: vel pulſu cytharæ, virtute, ac meritò Crucis Chriſti, cuius figura fuit illa cythara: ac proinde eius ſonum exhorreſcens dæmō reſiſſit: ſicut ſupra diximus de effigie Chriſti Crucis. Sic opinatur Felis in 2. diſtinct. Felis. 8. & multo ante illum Proſper Aquinaticus 2. part. premiſſ. & prædict. cap. 25. Rabbanus, Eucherius hiſ verbis *super iſtum locum ex 1. Regum: Dauid in cythara ſua malignum ſpiritum cōpeſcuit: non quod tanta viſ eſſet in cythara; ſed in figura Crucis Chriſti, qua de ligno, & cordarum extenſione gerebatur: qua iam tunc dæmones effugabat.* Vel tertio, quia Deus illa cythara utebatur, vt inſtrumento ad dæmonem illum fugandum: eò quod erat figura Chriſti in Cruce extenſi.

Ex hiſ patet, quid ſit dicendum ad octauum argumentum. Illud verò, quod adducitur de cantu tibix Simeonis Abbatis, nescio quam ſit authenticum: fortasſe ob ſanctitatē viri; vel quia id ad ſimilitudinem Dauidis cytharizantis factū eſt, dæmon pulſat⁹ eſt. Ad id verò quod Boetius adducit de Philoſopho expellente

Q 2

dæmo-



dæmonem per harmoniam cytharæ: forrè dæmon ingratus habuit hospitium eius obsessi; cuius humores sedati sunt per concertum musicum: & ideo spontè recessit.

## ADNOTATIO.

I **A**bsolutis his, quæ spectant ad potestatem mirificam quâ Christus Ecclesie suæ perreliquit ad dæmones abigendos: superest, ut in secundo membro tradamus praxim seruandam ab exorcistis in usu huius potestatis. Nec tamen obliuiscemur methodi scholasticæ admiscere aliquot quæstiones: ut sciant exorcistæ rationem reddere eorum, quæ ab ipsis geruntur.

Ea malorum colluies, quàm superius disputat. 10. & 11. diximus hominibus posse inferri, continentur, ac ferè epilogantur in quatuor generibus malorum: circa quæ præcipuè propulsanda exorcistarum labor, ac cura infumitur. Primum & omnium referri potest obsessio, quæ fit à dæmonibus inhabitantibus humana corpora; & multis, ac varijs malis afficientibus miseros arreptitios. Secundum, persecutio illata, non à dæmone obsidente, sed forinsecus existente, & homines affligente. Tertium, infestatio domorum, ac aliorum locorum terroribus, apparitionibus terribilibus, & similibus: quæ efficiunt aliquam habitationem, siue loca inhabitabilia, ac tremenda. Quartum. Clades, aut damna illata à dæmonibus in fortunæ bonis, non per

se ipsos immediatè, sed per res aliquas sensibiles: puta per animalia fera, per turbines, grandines, ventos vehementes, depopulantes segetes; aut arbuſta, diruèntes domos, &c. Erga hæc malorum genera propulsanda per adiurationem præcipuè insudant exorcistæ. Quare de his speciatim dicendum est, & primò de obsessis sit

## DISPUTATIO XVIII.

*Qui sint homines isti, qui à dæmonibus obsessi dicuntur, siue demoniaci, aut energumeni, id est intus vexati*

**E**T videtur, non reperiri tales homines, in quorum corpora dæmon intrauerit. Primò ex Glossa circa illud Habacuc secundo: *Dominus in templo sancto suo*, dicente dæmones simulacris exterius præsidere possunt: non autem interius adesse: ergo multo minus poterunt intrare corpora humana.

*Secundò.* Anima rationalis est tota in toto corpore, & in qualibet corporis parte: ergo in nulla potest inhabitare dæmonium: tum, quia duo spiritus creati nequeunt esse in eodè loco, sicut neque duo corpora: tum etiam, quia esset confusio operationum à diuersis illis emanantium, quæ nullatenus est admittenda.

*Tertiò.* Non ob aliud dæmones dicuntur esse intra corpora hominum, nisi quia ibidem operantur: v.g. cruciando, torquendo, &c. sed ex hoc non inferitur esse intra hominum corpora-

corpora: ergo re vera non sunt. *Ma-*  
*ior* videtur nota ex doctrina Tho-  
mistarum 1. p. q. 52. dicentium, Angelos  
in eo loco esse ubi operantur: & ubi  
non operantur, non esse. *Minor autem*  
*prob.* alias propter eandem rationem  
Angeli Custodes essent intra eos,  
quos custodiant, & dæmones intra  
eos, in quorum visceribus morbos  
generant: ac denique inhabitarent  
omnes, circa quos quoquo modo  
operantur: imo etiā intra eos, quos  
tentant: quia circa omnes istos ope-  
rantur, & ibi sunt ubi operantur.

*Quarto.* Dæmones non sunt intra  
animam, neque esse possunt: quam-  
vis intra animam operentur: sua-  
dendo scilicet, & indirectè mouen-  
do eius potentias: ergo neque pos-  
sunt esse, neque sunt intra corpora:  
quamvis intra ea operentur. *Confir-*  
*matur.* Dæmones non possunt illabi  
animabus hominum: hoc enim pro-  
prium Dei est: ergo neque eorum  
corporibus.

*Ultimo.* Animæ defunctorum se-  
paratæ nequeant corpora viventium  
intrare, aut vexare: nusquam enim  
legimus sic accidisse: ergo neque dæ-  
mones possunt corpora viventium  
intrare, aut vexare. *Probat. conseq.* ex  
rationis paritate: etenim tam ani-  
mæ, quam dæmones, spiritus sunt,  
& pari modo operandi, & essendi in  
loco gaudent.

In oppositum faciunt sacra Scri-  
pturæ testimonia asseuerantia dæ-  
mones malè torquere homines, eo-  
rum corpora subintrare, & iam in-

gressos à Christo Domino, & eius  
Apostolis eiectiones fuisse: & ipsis cla-  
mantibus, & testificantibus, vim sibi  
inferri: eo quod à proprijs habitacu-  
lis pellerentur, Matt. 17. *Hoc genus*  
*(inquit) demoniorum non eiicitur, nisi*  
*oratione, & ieiunio.* Matth. & Luc. 8. ac  
Mar 5. narratur illa insignis eiectione  
legionis dæmoniorum, quæ vnum  
hominem possederat, & Matth. 12.  
Marc. 1. Lucæ 4. & alias in Euange-  
lio sæpe narrantur mirabilia à Iesu  
facta circa eiectionem dæmonum  
ab hominum corporibus. Potestas  
itidem collata Apostolis ad eos ei-  
ciendos, & eiectione subsequuta *Marc.*  
*ultimo, Luc. 10. Actuum 16.* id ipsum o-  
stendit: accedente experientia, qua  
mediante, sæpe videmus homines à  
dæmonibus vexari, atque eosdem  
virtute Christi ab exorcistis liberari,  
ac eiici. Quæ omnia attestantur ma-  
lignos spiritus sæpe homines vexa-  
re, ac eorum ingredi corpora: quod  
negare non potest quis, nisi suis pro-  
prijs sensibus non adhibeat fidem;  
& historiam præteritorum tempo-  
rum id narrantem neget; ac sacra te-  
stimonia citata in dubium reuocet.

Pro decisione dico primo. Hæresis  
aperta est negare homines sæpe ve-  
xatos esse à dæmonibus, ac in suis  
corporibus quamplurimos subijisse  
à malignis istis spiritibus cruciatus.  
Hoc assertum est contra quosdam,  
qui energumenos putauerunt non  
à dæmonibus vexari, sed ab influen-  
ti virtute astrorum. Hos autores in-  
sinuat *Diuus Hieron. super caput*

Matt. 17.  
Matt. &  
Luca 8.  
Marc. 5.  
Matt. 12.  
Marc. 1.  
Luca 4.

Marc. ult.  
Luc. 10.  
Act. 16.

4

Hieron.



minus.

quartum, Matth. In eodem fere errore versabatur Leuinus Lemnius lib. 2. de occultis naturæ cap. 2. existimans hos energumenos, quos nos dicimus à dæmonibus vexari, nequaquam hæc à dæmonibus pari; sed quibusdam, nescio quibus, naturalibus morbis laborare.

Nostra tamen assertio probatur argumento facto in oppositum, & testimonijs in eo relatis. Deinde ratione: nam isti energumeni loquuntur linguis peregrinis; quas nec audierunt nec didicerunt: futura annuntiant: absentia, ac si viderent, asseuerant: sed hæc admiranda opera, impossibile est ab astris, siue à morbis provenire; ergo delirium est ea tribuere astris, aut morbis. Maior experientia innotescit. Minor autem prob. quia operationes commemoratæ nequeunt fieri nisi ab operante per intellectum media cognitione: & deniq; ab agente libero. Astra autem, aut morbosque qualitates, intellectus, & voluntatis sunt expertia: ergo illæ operationes non possunt, neque debent tribui astris, aut hominibus illis morboſis affectis qualitatibus.

Uterius probatur esse adscribendas dæmonibus, ut præcipuis effectõribus: nam ut modo probabam hæ operationes sunt ab agente libero operante per intellectum, & voluntatem, non ab ipsis energumenis aut arreptitijs: quia excedunt vires eorum, & facultates: siue enim consideres eos, ut affectos quibusvis morbis, siue integra sanitate; non

est intelligere eos posse considerare loqui varijs linguis, quas non didicerunt, aut annuntiare futura, aut absentia: quæ alias non nouerunt. Non sunt etiam adscribendæ Deo, ut causæ particulari, neque bonis Angelis; videmus enim sæpe blasphemare Deum, aut ei maledicere: quæ non esse à Deo effectore, aut Angelis, nullus dubitare potest. Superest ergo à sufficienti diuisione agentium per intellectum; ut fiant à malignis spiritibus, quos dæmones appellamus.

Dico secundo. Vel hæresis est, vel temeritas ingens, aut errori proximum asserere has molestias, vel vexationes à dæmonibus per se ipsos immediate illatas dæmoniacis, nunquam fieri à dæmonibus intra corpora dæmoniacorum existentibus. Hoc assertum est contra quosdam, qui tacito nomine referuntur ab Abulensi super Matth. Sed nostra positio probatur ex testimonijs allatis in argumento facto in oppositum. ex quibus aperte colligitur sæpe intra ipsos dæmoniacos dæmonia existere, ipsosque subintrasse.

Respondent præfati autores, propterea dici subintrasse, aut intrare: quia supra ipsos quandam accipiunt vexandi potestatem; & propterea dici eijci; quia ab eis isthæc aufertur potestas. Et adiuuatur illi autores, quia Theologi communiter affirmant Angelorum motum localem, & existentiam in loco, esse alterius rationis, quàm isthæc in rebus corporalibus. adeo

adeo diuersa, vt vix isti motus comparabiles sint, aut proportionales, ac proinde æquiuoce dici de vtrisque; ergo non est dissonum rationi ingressum dæmoniorum in corpora, aut egressum ab eis significari per acceptionem, aut ablationem vexandi corpora.

Certe vix excusari queunt isti ab hæresi; cum aperte dicat sacra Scriptura dæmones corpora intrasse, & exiisse, ac eiectos esse: quæ non possunt, nec debent explicari, nisi asserendo re vera intus extitisse, & inde fuisse pulsos. Si enim dæmones non intrarent corpora, quorsum illæ voces Christi Domini, Marci 5. *Exi spiritus immunde ab homine isto?* Quorsum petitio dæmonum dicentium: *Mitte nos in porcos, vt in eos introeamus?* Et illud: *Exeuntes spiritus immundi intrauerunt in porcos.* Accedit interpretatio Sanctorum circa hæc loca vnanimi consensu asserentium, vere extitisse dæmonia intra hominum corpora.

Deinde nostra assertio probatur ratione in hunc modum. Dæmones obfidentes homines sæpe per os eorum loquuntur mira, vt superius probabam. At loquutio hæc (quidquid sit de alijs operationibus) non potest à dæmone fieri, nisi existat intra corpus dæmoniaci: ergo necesse est fateri malignos spiritus sæpe corpora hominum intrare, & intrinsecus existere. *Minor Probat.* Potissimum instrumentum, seu organum ad voces formandas, pulmo

est, existens in medio thorace pectoris: ergo vt illum dæmon moueat immediate, & per se ipsum: in illo debet existere, ac proinde dæmon loquens per energumenum intra corpus debet consistere, vt formet voces per os eius. Vim huius rationis inferius ostendam.

*Dico tertio.* Vt aliquis dicatur arreptitius, seu dæmoniacus non sat est dæmonem esse in eo tanquam in loco, sed vltius necesse est eum immediate vexare per se ipsum, cum quodam modo subactionis manendo in ipso quasi in proprio habitaculo. Hæc assertio communis esse debet tam in opinione Thomistarum asserentium, Angelos esse in loco per suam operationem, & non esse vbi non operantur: quam in schola Scotistarum asserente esse in loco per suam substantiam, & sæpe esse in locis vbi nil operantur. *Assertum nostrum dum explicatur, probatur.* Et prima pars inde patet: quia dæmones quando sagas, aut maleficos per aera portant, quando ipsis commiscuntur, sunt in eis, vt in loco: & tamen sagæ siue lamix non dicuntur arreptitix, aut dæmoniacæ.

Similiter iuxta mentem Scoti sæpe dæmones latitant in hominibus, nil operantes: qui non ob id dæmoniaci dicuntur. Igitur necesse est dæmonem esse in homine, vt dicatur dæmoniacus; sed hoc non sat est, requiritur ergo *Secunda conditio*, dæmonem scilicet vexare hominem immediate per se ipsum, nã si vexet mediatè:



mediate: vexatio hæc non facit arreptitium v.g. quando dæmon apparet homini in corpore assumpto aereo, aut per spectrum loquitur, vel morbos generat mediantibus cibis venenosis, non ob id, sic vexatus dicitur arreptitius, aut dæmoniacus: alias omnes maleficiati, imo & multi Sancti dicerentur arreptitij: quia à dæmonibus tales molestias perpesti sunt.

Sed neque hæ duæ conditiones sufficiunt: ut aliquis dæmoniacus dicatur: nam dæmon multa mala intulit Sancto Iob, non solum in bonis externis, verum & in proprio corpore: multas plagas pertulit sanctus Antonius; multas & alij Sancti: quos fuisse dæmoniacos non est dicendum: quia ulterius requiritur in sic vexatos, accepisse potestatem vexandi, & manendi quasi in proprio domicilio: & sic manentes miseris hominibus quamplurima, & ingentia mala inferunt: quandoque eos enecant, vel ut sibi mortem consciscant, aut inferre sibi intentent, impellunt. Huc spectat quod D. Marcus narrat, cap. 9. de quodam à dæ-

Marc. 9.

mone in ignem, & aquam sæpe præcipitato, terræ alliso, fæde spumante, dentibus stridente, & arescente: quandoque sensibus priuant, ut videre licet in dæmoniaco Luc. 11. quæ dæmon effecerat mutum, & surdum, quandoque formam ipsam humanam destruunt, ut fecerunt mulieri Luca 13. quæ decem & octo annis ita inclinata incessit, ut sursum respice-

Luc. 11.

Luc. 13.

re prorsus non valeret; quandoque vero imaginationem hominum corrumpunt: & sic miseros quasi in rabiem ferinam vertunt.

Huiusmodi erant illi dæmoniaci, quos referunt Euangelistæ moratos fuisse in sepulchris, & in furorem versos, modo se ipsos dilanasse, modo in prætereuntes insiliisse. Hæc sunt, & multa alia mala, quæ dæmones corporibus, obsessorum inferunt, aut procurant. Sed plura & maiora sunt, quæ patiuntur obsessi à dæmonibus intus existentibus. Dicos nempe corporis morbos, ac corporis cruciatus vehementissimos: fortassis per viscerum, aut aliorum internorum membrorum contractionem plus nimio, aut distractionem plus solito; maximè in cor hæc exercent. Vnde dolores, ac anxietates ingentes miseris dæmoniacis promanare experientia teste cognouimus. Hanc autem contractionem membrorum, aut dilatationem maximos adferre cruciatus, vel foeminae solæ parturientes probant.

*Ad Argumenta* pro parte negativa respondetur. *Ad primum*, illa verba Glossæ intelligenda esse contra idolatras quosdam, fortasse discipulos Hermetis Trimegisti, existimantes ex dæmone, & simulachro fieri unum sicut corpus ex materia, & forma. Et hoc pacto non dicuntur dæmones intus esse in simulachris. Non autem Glossa negaret posse dæmonem ingredi simulachra intus operando, sicut & in humana corpora. *Ad secundum*

*audam respondetur.* Si anima rationalis, & dæmones essent in corpore vno tanquam in loco: argumentum haberet plusculum difficultatis, de qua statim. Sed non ita res se habet: nam anima non est in corpore, sicut in loco; sed sicut forma in materia. Dæmon autem est in corpore sicut in loco: & ideo operationes vtriusque diuersæ rationis sunt. Quapropter sine confusione operationum vterque potest esse in eadem corporis parte: anima vt forma, dæmon vt locatum in loco. Anima poterit vegetare partes, ac nutrire, dæmon eas simul mouere localiter: at verò si dæmon moueat manum sursum; anima non potest mouere deorsum: quia vtraque motio localis est, & exercebitur à fortiori motore.

*Ad tertium respond.* Dæmones esse in corpore, & esse intra corpus, non se habere conuertibiliter: nam plus requiritur ad esse intra corpus, quam ad esse in corpore. Ad hoc enim sat est operari circa corpus: sicut est injicere arreptitios in ignem, aquam, & huiusmodi. At vero vt dæmones dicantur esse intra corpora: necesse est quod sint, id est, operentur intra terminos quantitatis corporum, hoc est, intra superficies intrinsecè circumdantes corpora: quare ad argumentum negatur maior. Ex hac solutione colliges arreptitios à duplici dæmonum genere molestias pati: ab intus existentibus, & ab alijs extra assistentibus.

*Ad quartum, & cum confirm. respon-*

*detur,* dæmonem vere posse esse intra corpus: non vero intra animam: quia esse intra aliquid est esse intra terminos eius: corpus autem habet duplices terminos, scilicet terminos essentiae, & terminos quantitatis. Termini essentiae corporis, sunt ea, quæ claudunt essentiam corporis: quapropter quidquid non est materia, aut forma, aut virtus dans esse corpori, dicitur esse extra terminos essentielles corporis. Vnde dæmon non est, neque dicitur esse intra essentiam corporis: quia neque est materia, neque forma corporis, neque virtus dans ei esse. Terminus quantitatis corporis est ipsa superficies intrinsecè claudens corpus: & intra terminos illius verè, ac realiter potest esse dæmon: quia ibi reperiuntur multæ concauitates: quinimo etiam si nulla esset, posset ibi inhabitare dæmon: quia nullam habet quantitatem, quæ posset illi esse impedimentum. Anima autem, & quæcunque substantia spiritalis non habet, nisi terminos essentiae: quia expers est omnis quantitatis.

Vnde colligitur dæmonem non posse esse intra illam: quia nec est pars eius, nec virtus dans illi esse. Solus autem Deus dicitur esse intra animam: quia effector est intrinsecè operationis essentiae. Etenim ipse dedit esse, quod receptum est in essentia rei, ac ipse illud conseruat, & non potuit hoc esse dari, aut conseruari, nisi à solo Deo: ergo nulla

R

creatura



creatura poterit esse intra terminos essentiae cuiusvis rei spiritualis, sed solus Deus. Possunt autem substantiae spirituales habere aliquas operationes circa alios spiritus: purgando, illuminando, & huiusmodi. An vero ob eam operationem dicatur vnum spiritum esse in alio, circa quem operatur, modo non disputo: satis nobis sit probasse daemones non posse esse intra animam, neque intra alias substantias spirituales, quamuis circa illas operentur: quare negatur daemones intra animam operari, & consequenter non esse intra animam. *Ad confirm. respond.* illabi intra aliquid est, esse intra terminos eius. Cum ergo daemones non possint esse intra terminos animae, possint autem esse intra terminos corporis: possunt corporibus illabi non animabus.

In ultimo argumento tangitur quaedam dubitatiuncula digna scitu: *an aliquando anima defunctorum intrent corpora viventium, ut eos vexent?* Et aduertendum, nos nequaquam in praesentiarum disputare, an animae defunctorum intrent aliorum corpora, ut ea informant? pro certo enim habemus partem negatiuam: sed dumtaxat dubitatur, an sicut daemones intrant corpora hominum, quibus vniuntur, non ut formae, sed ut moteres: ita animae separatae efficiant?

Et videtur vera pars affirmatiua. *Primo*, quia ad id habent potestatem mediante virtute motiua, qua se

mouent de loco in locum, & quae corpora mouent: ergo aliquando id efficiunt: frustra enim est potentia, quae non reducitur ad actum. *Secundo*: Quia saepe videmus arreptitios dicere se esse animas horum, vel illorum hominum, & facere operationes, quas defuncti solebant agere, & non alij: v.g. canere, aut psallere, eadem dexteritate, & vocum modulatione, qua defuncti, quorum animas se esse dicunt, vti solebant. *Tertio*, Iisdem arreptitijs reuelant multa secreta, quae soli homines, quorum animas se esse profitentur, poterant nosse: v.g. opera, quae in abscondito egere. Signum ergo est veras esse animas illorum defunctorum, quorum animas se esse dicunt. *Quarto*. Multa vtilia, & sancta monent esse facienda, suffragia, petunt, ut ab his vel illis paenis liberentur: restitutio. nem ablatorum suadent. Haec autem non sunt a daemonibus, qui suggestores malorum sunt, & nostram perniciem moluntur, & dissuadere virtutum officia procurant; ergo animabus defunctorum, quae intra corpora arreptitiorum commorantur adscribenda sunt huiusmodi monita.

Pro decisione *dico primo*. De facto isti spiritus, qui commorantur in arreptitijs, & se esse animas defunctorum affirmant, daemones sunt, non animae defunctorum hominum. *Probat*ur. Quia dicunt: & faciunt: isti spiritus ea, quae animae separatae non valent dicere, aut efficere, Dicunt qui-

quidem multa occulta, quæ nullus hominum nouit: differunt de rebus altissimis, quæ ignorauit persona defuncti, cuius se mentiuntur esse animam; ergo neque ipsæ animæ norunt, maxime, quia istæ animæ dicuntur esse de his, quæ inferno deputatæ sunt, aut Purgatorio: quæ nil aliud sciunt, nisi quæ in vita mortali didicerant. Faciunt etiam quæ anima separata non valet efficere: nam arreptitij isti sunt fortiores aliis, cætenas rumpunt, compedes frangunt. At hæc non posset anima humana facere: eo quod, vt dicitur infra, anima minoris vigoris est à corpore separata, quam vnita eidem: ergo hæc miranda opera non sunt attribuenda animabus, sed dæmonibus, & vere ita est.

*Secundo* Isti spiritus mouent localiter corpora, quæ intrant, etiam inuitis animabus, quæ viuificant illa: etenim formant verba, quæ volunt, etiam nollentibus arreptitiis, & mouent quo volunt: ergo dæmones sunt, non animæ. *Probat consequ.* quia animæ æqualis potestatis sunt, sicut æquales secundum speciem: sed æquale non agit in æquale: maxime, quia anima in corpore manens est in suo esse naturali; illa vero, quæ vnitur corpori, vt motor est extra suum naturale esse: ergo quamuis ambæ essent æquales secundum speciem, potentior esset illa, quæ corpori vnita est: ac proinde à separata non posset cegi: imo quam-

uis anima ingrediens esset secundum se fortior, imbecillior tamen vnita, præualebit propter vigorem acceptum à modo essendi naturali.

*Tertio.* Esto posset præualere anima intrans corpus alterius: neutriquam credendum est, eam hominem viuentem vexare; maxime si esset pater, aut mater arreptitiorum: quos se esse frequentius mentiuntur. Pater, quia naturalem commiserationem erga parentes, & cognatos non perdunt etiam animæ damnatæ: vt patet *Luca 16.* de diuite epulone, qui cupiebat suos fratres liberari à tormentorum locis; ergo non est credendum eas, corpora suorum propinquorum intrare, vt vexent. Item, quia ægre ferunt ab illis corporibus expelli: sunt ergo dæmones, non animæ defunctorum, vt potè, quæ potius cuperent cito exire à corporibus sibi charissimorum, vt cessarent torqueri; ac vexari earum assistentia intra corpora.

*Circa primum in oppositum* non est modo disputandum, an animæ separata se moueant, & an moueant alia corpora localiter: de quo inferius. Sed illo admissio, resp. non inde probari intrare corpora viuentia inuita anima, qua corpus viuens informatur, vt declarauimus in secunda probatione nostri asserti. Item non probatur intrare, vt vexet, sicut declaratur in tertia probatione eiusdem asserti. *Ad secundum facilius est solutio.* Etenim dæmones nouerunt



bene, imitari operationes hominum quascunque & sic conantur persuadere se esse animas defunctorum, quicquid operationes exercebant. *Ad tertium similiter respondetur*, dæmonia sua peruicacitate, ac discursibus hominum actibus interesse eis ignorantibus, ac nihil tale cogitantibus: unde non mirum secreta defunctorum pandere possint. *Ad quartum respond.* dæmones non suadere ea quæ ad virtutem spectant, ut nos studiosi efficiamur: oderunt enim vitæ puritatem, & studium virtutis: sed quandoque, ut nos decipiant multa vtilia proponunt: ut credamus non esse spiritus dæmoniacos, qui talia fantur: postea vero auditoribus persuasiss, multa falsa docent, multa mala suadent. Et hac arte legimus dæmonia varios errores disseminasse: & quamplures in flagitiosa opera adigisse.

Percontabitur quispiam, quorsum se esse animas mortuorum mentiuntur? nam præfata possent efficere, etiam si dæmonia esse crederentur? *Respond.* quia homines naturaliter colloquia dæmonum reformidant, & de falsitate suspectos arbitrantur: quia mendaces sunt, & mendacii patres. Secus circa animas hominum se habent; quibus magis fidunt, & libentius conuersantur: maximè si viuis sint sanguine iunctæ, quas ab ærumnis cupiunt releuari: & monita ad hunc finem ordinata grato animo executioni tradunt: quare dæmones hoc agnos-

centes, intrantes viuorum corpora, se esse animas defunctorum mentiuntur.

## DISPUTATIO XIX.

*Versabitur in explicando, quas operationes dæmones exerceant obsidentes corpora arreptitiorum: & quæ tribuenda sunt dæmonibus, quæ vero arreptitiis ipsis.*

**D**E hac re aliquid tetigimus superius in multis locis agentes de malis, quæ hominibus per dæmones infliguntur. Modo vero alia via libet procedere; distinguentes actiones dæmonum in obsessis, in actiones transeuntes, & actiones immanentes: actiones transeuntes sunt vulneratio, virium debilitatio, corruptio organorum sensibilibus, & huiusmodi; & hæ operationes citra dubium dæmonibus adscribuntur: arreptitij verò passiuè duntaxat se habent. At sunt etiam aliæ operationes transeuntes, quas, cui adscribas, dæmonibus, an arreptitijs, fortasse dubitabis; v.g. velox cursus, catenarum fortium disruptio, onerum quibus humanæ vires non sufficiunt portatio, &c. quas cum obsessi proprijs membris, ac instrumentis naturalibus efficiunt, videntur hominibus esse attribuendæ; sed quia hæ operationes humanas vires superant, dæmonibus censeo adscribendas: membra vero viuorum passiuè ad eas concurrere. Aliæ vero actiones sunt immanentes, ut intelligere, & velle

& velle, loqui, videre, & similes. Quòd si sermo sit de intellectu, & volitione: certum est dæmones & arreptitios, suas quosque habere operationes: neutri enim ad inuicem possunt esse sibi impedimento in operationibus his exercendis: dæmones habent suas intellectiones, & volitiones, in quibus non cōmunicant obsessi; & è contra obsessi intelligūt, & volūt, in quibus non cōmunicant dæmones. Aliæ verò operationes sensuum, vt videre, imaginari, & c. arreptitijs sunt attribuendæ: quia iste necessariò sunt ab organo vitali corporeo, quò carent dæmonia: de qua relatè tractant Doctores in 2. sent. d. 8.

2 Difficilius decisu est, loquutiones, ululatus, rugitus, & huiusmodi, à quo sint: à dæmone inhabitante, an ab homine arrepto? Et videtur nequaquā huiuscemodi actiones posse esse à dæmone; quia voces necessariò debent fieri ab animali, & à principio vitali, & medijs instrumentis vitalibus, putà larynge, ac pulmone, & huiusmodi, vt planè colligitur ex Arist. 2. de anim. c. 8. dicente: *Vocem esse sonum ab ore animalis prolatum cum imaginatione aliquid significandi.* Sed nil istorum habent dæmonia, vt potè quæ spiritus sunt, omnis corporis, & instrumentorum corporeorum expertia: ergo nullas possunt edere voces.

In oppositū videtur sacer textus: Evangelicus affirmans, dæmonia loqui, ac voces proferre. Matth. 8. dæmones rogauerunt Christum, vt eos

mitteret in gregem porcorum. Idem habetur Marc. 5. & Luc. 8. & 4. dici. Marc. 5. tur exire dæmonia ab obsessis claustris. Luc. 8. & mantia: ergo multas voces dæmones 4. per ora obsessorum formant, ac emittunt.

Pro declaratione huius animaduerte, dæmonibus materiam corporealem obedire ad localem motum: loquutiones itidè esse motus quosdam locales: quare si hoc tantum attendas, facilè erit dæmonibus loqui, ac voces emittere: at verò; quia loquutiones perficiuntur quibusdam instrumentis animatis, putà ore, dentibus, lingua larynge, ac pulmone, quibus dæmones carent, non ita facilè est illis verba efformare, nisi aliundè à corporibus huiusmodi instrumenta mendicent.

Abul.

Quare vt doctè animaduertit Abul. sup. c. 8. Mat. q. 114. tripliciter dæmones vtuntur corporibus ad loquendum. *Primo modo* assumendo corpora: quæ omninò carèt organis loquutionis. v. g. si assumāt corpora aërea, aut ignea, in quibus efformant vultus, nares, os, linguam, vt per hæc corpora voces sonent: & tunc quidè cum illa organa sic efformata non sint apta ad loquendum, non formantur voces propriè loquendo, sed quidam sonitus similes humanis vocibus, nō planè articulati; & declinātes in stridorē, vt adnotarunt qui eas effictas voces se afferūt audiuisse. *Secundo modo* dæmones loquuntur, vt è do instrumentis animatis brutorum, quæ habent plurima loquutionis, &



vocum formandarum organa: sed non ita apta ad articulandas voces sicut necesse est ad loquutiones, & verba formanda. His usus est dæmon, quādo vt persuaderet Euz alloquutus est eam per serpētem: & similiter fecit bonus Angelus, quando per asinam loquutus est Pseudopropheta Balaam, Num. 22. Quas loquutiones existimo attenta sola vi dæmonis aut Angeli: non esse ita perfectē formatas, ac si ab homine proferrentur: quia instrumenta loquutionis in animalibus irrationalibus non sunt apta ad loquutiones, & voces perfectē formandas, licet in eisdem sit maior, aut minor aptitudo. Bruta etenim cum habeāt os magnum & linguam longam, aer ē pulmone attractus, hac illac ex ore diffluit nō percussus: & sic nō potest perfectē formari vox. At verò aues quædam sunt vt picæ, & psittaci, quæ habent organa aptiora ad loquendum, putā os non magnum, linguam planam similem humanæ: & ideo aptius imitantur sermones humanos. *Tertio modo* dæmones possunt loqui, & habent animata instrumēta ad loquendum apta. Huiusmodi corpora sunt homines, qui habent os, linguam, ac reliqua instrumenta loquutionis aptissima: quæ aptitudo consistit non solum in figura & situ organorum, ex cuius defectu homines edentuli non formant perfectē voces, sicut neque habentes linguam grossiorē, aut subtiliorem, quam par est: verum etiam potissimē consistit in quadam

temperie, ac teneritudine nativa cōplexioni hominum: quo fit vt dæmones, quamvis perfectas voces, ac benē articulas emissant per ora obsessorum: ramen obseruatum est, per corpora humana iam pridem emortua non posse loqui: quia anima absente, tota illa organorum temperies dissipata est, & per corpora humana recenter examinata loquuntur quidem: sed lingua, ac pulmone sanguine humectatis, & quibusdam lotionibus; nimirum vt aliquammodo ad debitam temperiem præfata organa reducantur: qua carere verosimile est rusticum illum dæmoniacū, per quem Latine loquebatur dæmon, sed rudi pronūtiatione. Vnde & subdidit; *Non possum domare linguam hoies rustici.* Ita sanctus Vincentius in quodam sermone.

His præmissis dico ad dubitationem. Multa, quæ loquuntur dæmoniaci ab ipsis dæmoniacis sunt, dæmonibus nil operantibus: quā plurima verò, quæ dæmones, per obsessorum ora loquuntur. *Prima pars* satis constat, sæpē enim obsessi à dæmonibus sinuntur suas operationes exercere, vt experientia demonstrat. *Secunda pars* itidem manifesta est, quādo loquuntur, & verba faciunt; ad quæ vires humanæ nequeunt pertinere. Quare recte Abulen *sup. c. 8. Mat. 5. q. 114.* quinque potissimum signa enumerat ad dignoscendum, vtrum loquutiones, & verba à dæmoniacis prolata, sint dæmonis. *Primum*, si loquantur dæmoniaci, quæ alias nescie-

nescierunt, aut non didicerunt: v.g. si loquantur lingua Hebraica dæmoniaci rustici. *Secundum est*, si voce confuera loquantur; sed de rebus altissimis, quæ captum dæmoniacorum certum est excedere. *Tertium est*, si postquam cessant vexari, & sibi restituuntur, nesciant respondere de his, de quibus loquuti sunt. *Quartū*, si de rebus secretis, quæ mortalibus abscondita sunt, loquantur. *Quintū*, si in ipsorum potestate non est, ut ta-  
ceant, vel loquantur etiam flagellis vexati. Similiter dæmoniacorū sunt rugitus, vllulatus, mugitus, atque inconditi, & ingentes clamores; quos dæmoniaci emittere solent. Aliæ verò voces sunt dæmoniorum, vbi nil mirabile est, quod vires dæmoniacorum exuperet. Quas scire, vtrum à dæmone sint, an ab obsessis, difficile, aut impossibile est hominibus adstantibus. Ex his respondetur ad argumentum quo conabamur probare dæmones nequaquam loqui posse per arreptitios. In quo tãgitur dubitatio non contemnenda: An illa efformatio vocum, vera loquutio, & voces formatæ veræ voces dicendæ sint: de qua re operosius dicendū reor inferius: disputans, an dæmones per corpora possint exercere vitales operationes. Modò verò sat est nobis in præsentia dicere, dæmones posse loqui per arreptitios, siue voces, aut locutiones sint operæ talia, siue non. Fere pendens ex præcedenti est:

DISPUTATIO XX.

*An omnes operationes obsessorum, quæ alias ex obiecto peccata essent, imputentur obsessis ad culpam: v.g. blasphemia, conuitia, distractiones, calumnia, secretorum reuelatio, occisiones, mutilationes, & similia?*

**V**idetur vera pars affirmatiua; quia istos actus obsessi peragunt, & interdum seientes, & videntes se malum facere: ergo ipsis imputantur ad culpam.

In oppositum est. Nã ut diximus in disputatione præcedenti, operationes huiuscemodi sæpè dæmonibus sunt adscribendæ, non dæmoniacis: ergo dæmonibus non dæmoniacis ad culpam imputabuntur. Pro decisione præmittendum est, operationes, quæ ab obsessis videtur peragi, quædam solis dæmonibus tribuuntur: quædam solis dæmoniacis, ut docuimus præcedenti dubitatione: quædam vtrisque: ut quando turbatur à dæmone phantasia, aut imaginatiua dæmoniacorum, & apprehendunt aliquod malum, ut verè bonum, ac opere illud prosequuntur: ut si opera dæmonis proponatur mulier aliena, ut propria, & vir ei cõmiscetur: aut si proponat viro vxorem ut serpente, & ita cedat, aut occidat. In hac operatione est aliquid, quod tribuitur dæmonio; videlicet perversitas iudicij ex læsione imaginatiuæ, aut phantasiæ, & est aliquid quod tribuitur dæmoniaci, puta concubitus cum aliena, aut occisio propriæ vxoris.

His



2

His ita positis dico primò. Dæmoniaci non peccant in operationibus primi generis: quantumuis malæ ex obiecto sint. *Prob.* Illæ operationes obsessis inuoluntariæ sunt: ergo in eis non peccant. Peccatum enim vique adeò voluntarium est, vt si voluntarium non sit, neque peccatum erit. *Secundo* Nemo peccat, nisi per operationes sibi proprias: sed præfatæ operationes non sunt obsessorum, sed dæmonum, vt supponimus: ergo non imputantur obsessis ad culpam. Quo fit vt sæpè dæmoniaci blasphemias ore proferant, occulta aliorum crimina reuelent, manibus mutilationes, & vulnera lethalia inferant: sed quia hæ operationes dæmoniorum sunt, obsessis non imputantur ad culpam: eo quod miseri illi non agunt, sed aguntur, membris, ac organis non vtuntur, sed eis passiuè se habentibus, dæmones his vtuntur. Certè si homo à vëto valido impulsus illidatur alteri homini, & eum occidat; occisio nō imputabitur homini cedenti: & sicut si grassator ense occidat prætereuntes, homicidiū ensi non imputatur: sic neque arreptitijs imputabuntur operationes, quas per ipsos exercent dæmones: non tamen ipsi eas exercent.

3

Dico secundo. Obsessi non peccant in exercitio actionum tertij generis. *Prob.* Illæ operationes quamuis sint elicite immediatè ab obsessis, & sint malæ ex obiecto: tamen in ratione culpæ non tribuuntur obsessis: ergo non imputantur illis ad culpam. Ma-

ior clara est: quia ab ipsis agentibus & se mouentibus fiunt. *Minor vero prob.* quia delusa aut perturbata phantasia apprehendūt rem, aliter quam est à parte rei, & sub ratione boni: cuius apprehensionis erroneæ cū non sint causa, non est cur operationes illæ ad culpam imputentur obsessis? & huius generis operationes sunt communiter, mala illa, quæ obsessi perpetrant perturbata imaginatiua, aut phantasia, vel à ludificante dæmone, vel à grauitate cruciarum: & idè non recordantur postea, cessante dæmone, malorum quæ egerunt: nō tamen propterea negamus; aliquando, maximè in operationibus primi generis, se clarè videre eas operationes de se prauas exercere: & similiter se, velint, nolint, cōpelli eas peragere. Cōtingit sæpè, obsessos compelli ad fornicationem, motis à dæmone organis generationis, ac ipsis obsessis compulsis ad actū fornicationis: vt narratur de quadam moniali, quæ per multos annos à dæmone incubo nollēs patiebarur: & D. August. lib. 15. de Ciuitate Dei cap. 24. ait dæmones incubos sæpè improba libidine mulieres vexasse.

Dico tertio. Operationes secundi generis si peccata sint ex obiecto, obsessis ad culpam imputantur, nō minus quàm alijs non obsessis. Hoc est contra quosdam, qui opera omnia obsessorum adscribunt dæmonibus, ac proinde excusant à culpa obsessos: sed hic error manifestus est: aliàs, obsessi impecabiles essent, quia  
ind

4

imò addiderim suggestionibus, suggestionibus, & allectamentis, regulariter dæmones plus posse obsessos ad peccatum inclinare, quam non obsessos; quia super illos maiorem habet potestatem, nempe obstando ne in virtutum officijs occupentur, multos motus illicitos in potètijs sensitivis excitando: quibus non ita facile est resistere volūtatem; resistit tamen si vult: & quāvis difficilior victoria sit, triūphus tamē, & merces copiosior.

Cōtra primum & secundum dictum se offert argumētum. Sæpè homines obsidentur à dæmone propter peccata ab eis commissa, ut inferius videbinus: ergò omnes operationes obsessorum, quæ ex obiecto peccata sunt, ipsis imputabuntur ad culpam, siue eas efficiat ministerio dæmonū, siue non, siue mentis compotes, siue turbata phantasia, siue non. *Probat. consequentia* pari ratione: quia ebrijs imputatur peccata, quæ in ebrietate committunt; quia in causa, putà in ebrietate volūtaria fuere: ergò & peccata, quæ sequuntur ad arreptionem dæmoniacorum, imputabuntur eis; quia in peccato, propter quòd à dæmonibus arrepti sunt; ea peccata voluntaria fuerunt, & ad illud tanquā ad originem voluntariam reducenda sunt.

*Respondetur primo*, adnotantes cum D. Thom. interpretibus 1. 2. q. 76. art. 4. & 2. 2. q. 150. ebriosi non imputari omnia peccata, quæ in ebrietate committuntur; sed ea dumtaxat, quæ præcederunt subsequutura; aut regula-

riter ad ebrietatem hic & nunc huic ebrioso accidere solent; isthæc enim in peccato ebrietatis includuntur, & in eo voluntaria sunt: at nulla inuenio peccata, nullū peccatorū genus, ad quod per se, aut regulariter sequatur obsessio dæmonū. Videmus enim sæpè homines iustos à dæmone obsideri, ac peccatores videmus alios scelestissimos immunes ab hac calamitate. Inde etiā colligere licet non indicandū esse eodem modo de peccatis, quæ regulariter ad ebrietatē sequuntur, sicut de peccatis, quæ ad obsessionem cōsequuntur: illa enim volita sunt in ebrietate, quia ad illā regulariter, & quasi per se in materia morali sequuntur: hæc verò non sunt volita in peccato illo priori, propter quòd obsessus punitur dum à dæmone arripitur. *Secundo respondetur*; esto ad omne peccatum mortale semper aut regulariter sequeretur præfata obsessorum vexatio: tamen nō inde colligere licet, peccata, quæ in vexatione committuntur imputari ad culpam obsessis, quia alia est ratio ebrietatis, quam sequuntur homicidia, fornicationes, & similia: alia est ratio vexationis dæmoniacorum ad quā sequuntur eadē mala: ebrietas peccatum est: vexatio dæmonū pœna peccati: at peccata quæ sequuntur ad aliud peccatum, imputantur peccanti, illo primo peccato: secus contingit in peccatis, quæ sequuntur ad pœnam alicuius antecedentis peccati: v. g. furatur quis & propter furtum in carcerem truditur, & car-



cere detentus omittit multa quæ tenebatur facere lege diuina aut humana: nō fit reus eius omissionis ad penam peccati subsequutæ. Item incidit quis in amētiā, cui dedit causam peccando: peccata, quæ in amētia committit, non imputantur ei ad culpā. Ita in præsentiārum dicendū est de peccatis, quæ sequuntur ad vexationem dæmoniācorum propter peccatum antecedens, nimirum nō imputabuntur, quia sequuntur ad penam peccati, non ipsum peccatū. Ita

*Abulensis.* Abulensis q. 119. in 8. caput Matth. Dicit quispiam quid refert peccata sequi ad peccatum, vel ad penam peccati? Certè multum: nam cum peccatum volūtarium sit, quidquid in illo continetur, vel ad illud sequitur, voluntarium potest esse, & imputari peccanti: at verò pœna peccati, hoc ipso quod pœna est, inuolūtaria est: & ea quæ ad ipsam consequuntur inuoluntaria erunt: ac ex consequēti non imputari possunt ad culpam. Quod si quis cuperet obsideri à dæmone: iam vexatio illa non esset ei pœna: & mala, quæ præuidit futura, aut regulariter sequuntur, non video quomodo non imputentur ei: de quo copiosius infra.

## DISPUTATIO XXI.

*An demoniaci vexentur à demonibus propter peccata, quæ isti miseri commiserunt.*

*V*idetur vera pars affirmatiua ex D. August. lib. 4. de Ciuitate Dei *Augustin.* c. 34. *Dæmones* (inquit) *nisi quos fallendo deceperunt, possidere non possunt, & lib. 10.*

cap. 22. *Potestas inimica vincit, aut subiugat neminem: nisi societate peccati.* Idem habet fufius Serm. 197. de tempore, & Cassianus collatione. 7. cap. 24. & *Cassianus* Metaphrastes in Triphone prima Februarij narra, dæmonem, qui Gordiani Imperatoris filiam torquebat, interrogatum à Triphone viro sancto, cur puellam intrasset, respondisse, dæmones in illos habere potestatem, qui opera eisdem grata exercent. *Qualia sunt* (inquit) *cultus simulacrorum, blasphemia, adulteria, veneficia, &c.* *Metaphr.*

In oppositum est id, quod ait D. Hieronymus in Epistol. ad Paulam de dormitatione Blesillæ, de bimulis, & trimulis, ac pueris vbera suggentibus à dæmone arreptis: & idem de multis pueris adstruit D. Augustin. lib. 21. de Ciuitate Dei cap. 18. *Hieronym.*

Non reuocamus in dubium, an omnes quotquot lethaliter peccant à dæmonibus arripiantur. Negatiua pars verissima est, aliàs cū tot inundauerint peccata (proh dolor!) ferè totum hominum genus à dæmonibus arriperetur. Quod querimus est, an quotiescunque aliquis à dæmone obsidetur, ea vexatio propter obsessi culpam acciderit, an non?

Pro decisione dico primo. Plerunq; & vt plurimum obsessi vexationem à dæmonibus patiuntur in pœnam, ac vindictam peccatorum, quæ obsessi commiserunt. Hoc assertum ex sacris Literis, ac historijs nō sacris cōprobari potest, i. ad Corint. 5. Paulus *Corin.*

1. Corin. 5. Corinthium quendam Sathanæ tra-  
1. ad Ti. 4. didit propter incestum commissum,  
& 1. ad Timo. 4. Hymenæum, & A-  
lexandrum ob blasphemias: & Tex-  
tus Evangelicus affirmat Christum  
Dominum de Maria Magdalena sep-  
tem dæmonia eiecisse: & quamvis  
non expressit causam, insinuat ta-  
men dum peccatricem appellat. Sic  
Magister explicat Magist. Sentent. in 4. dist.  
Sentent. 24. cap. 2. Iansenius & Ambrosius  
Iansenius lib. de Salomone cap. 5. D. Hierony-  
in Marc. mis in Daniele, & Epiphanius in  
cap. 16. vita eius affirmant Nabuchodono-  
Ambro- iorem fuisse obsessum à dæmonibus:  
sius. cuius rei non pauca dedit signa: ob  
Hierony. scelera tamen sua, id ei contigisse ex  
Epiphani. Danielis historia ea commemorâte  
palam fit. Idem videre licet in Saule,  
quem fuisse dæmoniacum graues Pa-  
tres asseuerant. Historias non sacras  
possem plures afferre: sufficiat D.  
Hieronymi testimonium, in vita Hi-  
larionis narrantis de virgine Deo di-  
cata à dæmone arrepta propter im-  
pudicam confabulationem, & aspe-  
ctum cum iuvene impudico.

3 Quod si quispiam sciscitetur, an sit  
aliquod peccatorum genus, ad quod  
sequatur hæc grauis vindicta, & de-  
ploranda miseria? nullum inuenio, sunt  
tamen quedam genera peccatorum,  
quæ frequentius quàm alia, experiëntia  
compertum est puniri hoc pestilenti  
flagello. In priori loco recenseo infi-  
delitatis peccatum: Ita docet ex Cy-  
priano Stapletonus Dominica 3.  
apulo. Quadragesimæ: fauet in sermone de  
Terulio. lapsis, & Tertulianus Apologe. cap.

37. ait fuisse Romæ magnam arrepti-  
tiorum multitudinem, quo tempore  
paganismus floruit: quin imò nostra  
ætate apud Indos, quando gentili-  
tate detinebantur: & apud montana  
Asturicensia, ac loca omnia, ubi co-  
gnitio diuinorum deest, quam plures  
esse obsessos à viris Religiosis audi-  
uimus. Multi obsessi sunt, quia ad  
sacram Eucharistiam sine poenitentia  
ac confessione peccatorum accessere:  
ita Cyprianus ubi supra. Plures pro-  
pter blasphemias in Deum, ac San-  
ctos à dæmonibus occupati sunt,  
huiusmodi fuisse Alexander & Hy-  
menæus, 1. ad Tim. 4. & Cæsar Baro-  
nius To. 7. circa annum Christi 630. 4.  
1. ad Tim. sic ait ex Cedreno. *Eo tempore (inquit) Baroni-  
us. Græci quidam in domo cuiusdam pranden-  
tes: eo prolapsi sunt ut in Virginem Deipa-  
ram conuitia & execrationes iacerent: ho-  
rum reliqui illico à malis, spiritibus arrepti  
pœnas dederunt. Digna certè blasphe-  
mis pœna, ut torqueantur ab spiriti-  
bus, qui in perpetuum blasphemias  
iactabunt; sicut de damnatis affirmat D. Thom.  
D. Thom. 2. 2. q. 13. art. 4.*

Aliud narrat Vvaldensis de quodâ Vvaldens.  
blasphemo in sacram Eucharistiam  
lib. de Sacramentalibus contra Vviclephi-  
stas. Alij multi vexati sunt prop-  
ter luxuriam extraordinariæ mali-  
tiæ primæ ad Corinth. 5. & fortè ob e-  
andem, circumuentionem à septem  
dæmonibus Magdalena passa est.  
Mitto modò superbiam, propter  
quam obsessum fuisse Nabuchodo-  
nosorem quidam putant, & propter li-  
uorem in Dauidem, & persecutio.



4  
*Metaphr.* nem, Saulem arreptum existimant. Hoc adnotauerim, filios sæpè à demonibus arreptos propter impietatem in parentes. *Metaphrastes in vita S. Partenij* refert, ad Partenium cū parentes quidam filium suum arreptitium adduxissent, & pro eiuldem sanitate deprecarentur; *finite* (dicebat Partenius) *torqueatur, parricida est: parentibus vobis sæpè molestus fuit: & quam eidem optastis iustam sustinet castigationem.* Et de Carolo iuniore Ludouici Germanorum Regis filio refert Sigibertus *circā annum Domini. 873.* quod à dæmonio grauiter in præsentia Patris, & optimatum eius, sit vexatus, & in vexatione confessus, hoc sibi accidisse, quia contra patrem suum conpirationem facere moliebatur. Sunt de hacre innumeri casus tumesti. Videndi sunt Surius. 25. Maij, *tom. 3. in vita D. Zenobij Florentini, & Alexander ab Alexandro lib. 4. geniali. ab Alexā. dierum c. 19.* Benè hoc innuit Sapiens *Prou. 30. Proverbiorum 30. Oculum qui subsannat patrem, & qui despicit partem matris sue, effodiant eum corui de torrentibus, & comedant eum filij aquila.* Ad literam sensus est suspendantur in patibulis: per anagogem verò post obitū, imò & in hac vita fiant partes & præda dæmonum.

5  
 Longum esset recēdere varia peccatorū genera, propter quæ narrātur à fide dignis obsessi multi, putā per contemptum religionis, per iniurias illatas Ecclesijs, per Sacramenti cōfirmationis contemptū, & similia. Vnum tamen dicere non grauabor;

sæpissimè homines à dæmonibus arreptos fuisse. quia se dæmonibus deuouerunt, & vab eis arriperentur, postularunt; & merito arrepti sunt; qui timore Dei contempto suū carnificem ac tortorem accersierūt. Videndus est Ioannes Nider *in libr. 5. Nider. formicarij, vbi insignibus memoratis casibus rem comprobat.*

Demum vnū mirabile dæu animaduertēdum est, dæmonia à quādo occasionem captasse hominē arripiendi ob leues culpas veniales. Cassianus de Abbate Moyse viro iusto, *collatione. 7. cap. 27.* refert arreptum fuisse à dæmone propter impatientiam, & quoddam verbum durius prolatum, quod esse peccatū dumtaxat veniale certum est. *Cum esset* (inquit Cassianus) *Moyse singularis & incomparabilis vir ob reprehensionem vnius sermonis, quem contra Abbatem Macharium disputans, paulo durius protulit, quadam scilicet opinione prauentus, tam diro confestim est traditus spiritui, vt humanas egestionis ori suo ab eo suppletus ingereret, quod flagellum purgationis gloria se Dominus intulisse, ne scilicet in eo vel momentanei delicti macula resideret, velocitate curationis eius, atque aucto remedio demonstrauit. Nam continuo Abbate Macbaria in oratione submisso, dicto citius nequam spiritus ab eo fugatus abscessit.* Hæc Cassianus. Et D. Gregorius *lib. 1. dialogorum cap. 4.* refert quādam monialem ob leuē gulam à dæmone arreptā fuisse. Verba Gregorij *Gregorius sunt: Quadam die vna Dei famula hortum ingressa, que lactucam aspiciens, concupiscit,*

piuit, eamque signo Crucis benedicere oblita, auidè momordit. Sed correpta à diabolo protinus cecidit, cumque vexaretur, eidem patri Equitio sub celeritate nunciatum est, moxq. ut hortum idem pater ingressus est: capit ex eius ore, quasi satisfaciens ipse, qui hanc arripuerat, diabolus clamare dicens. Ego quid feci: ego quid feci? Sed & ibi super lactucam, venit illa, & momordit me. Cui cum graui indignatione vir Dei praecepit, ut discederet, & locum in omnipotentis Dei famula non haberet. Qui protinus abscessit, nec eam ultra contingere prauauiit. Hæc Gregorius.

Admirabitur forrasse aliquis quomodo propter leues culpas veniales, tam ingentem pœnā infligat Deus? Sed cessabit admiratio, si perpendatur vnum vel leuicalem veniale peccatum, dignè puniri igne purgatorio: cuius afflictio longe superat omnes etiam obsessorum calamitates, ac cruciatus.

6. Dico secundo. Non est impossibile, imò aliquando accidit homines sine propria culpa, sed propter aliorum crimina à dæmonibus obsideri, maxime si obsessi coniuncti aliquomodo sint peccantibus: quorum peccata Deus vindicare vult in sibi coniunctis: puta, punit peccata parentum in filiis, dominorum in seruis, superiorum in subditis, maritorum in vxoribus. Cui non dissonat illud Exod. 20. *Deus noster Deus zelotes: est, vindicans peccata parentum in tertiam, & quartam generationem.*

Exempla pro nostro dicto confirmando multa sunt: aliquot addu-

cemus de quibusdam pueris arreptis à dæmonibus, mala suorum parentum imprecatione. Cæcilius lib. 5. cap. 26. scribit, patrem iratum filiae quinquenniae, cum lac comederet imprecatum esse, ut simul cum lacte Diabolum voraret. Vix verbum impleuerat; à diabolo occupatur puella: & cap. 11. & 12. eiusdem libri alia duo refert, vnum de vxore, cui maritus, alterum de filio, cui pater dæmonium imprecatus fuerat. Et nostris temporibus huius rei multa narrantur exempla.

Dico tertio. Sæpe dæmones arripuisse homines sine vllis suis culpis, aut aliorum narrant sancti Patres. Id exprimit D. Aug. lib. 21. de Ciuitate Dei, cap. 28. Graue iugum (inquit) filios Adam à die exitum de ventre matris eorum vsq. in diem sepultura, matrem omnium vsque adeo impleri est necesse, ut ipsi paruuli per lauacrum regenerationis ab originali peccato, quo solum tenebantur vinculo, iam soluti: multa patientes: nonnulli, incursiones spirituum malignorum patiantur. S. Hieronymus in episto. ad Paulam de dormitione Bleisla. Quæ causa est (inquit) ut sæpe bimuli, trimulvi, & vbera materna lactantes à demonio corripiantur? & subdit: Inuisibilia hæc inscrutabili altissimi iudicio sunt relinquenda. Multos pueros, qui nondum rationis vsum attigerant, ac proinde nec peccare poterant, arreptos fuisse à dæmone, narrant autores fide digni. Vide Palladium in vita Macharij & Metaphrastem in vita Partenij septima Februarij.

Nostris etiam temporibus audi-

S 3 uimus

Cæcilius.

7

Augusti.

Hierom.

Palladius  
Metaph.



*Marc. 9.* uimus pueros lactantes obfessos fuisse : & id certum reddit Marcus Euangelista *cap. 9.* narrans puerum quendam grauissimam dæmonis vexationem ab infanzia sustinuisse , quemadmodum Pater pueri Christo Domino interroganti confessus est.

*Dices* pueros hos propter peccata aliorum, putà parentum, eam vexationem pertulisse. Huic obstat D. Hieronymus citatus , cuius verbis docetur, non tantum aliquando accidere, vt absque vlla culpa sua homines à dæmonibus vexentur : verum etiam absque omni culpa: dum in reddenda ratione huius vexationis recurrit ad Dei iudicia inscrutabilia. Idem ait Chrysost. *in libris de Dei prouidentia* dicens, aliquando dæmones vexare sanctiores homines , quos , dum in peccatis volutarentur, nulla aduersitas molestabat.

*Secundo* id ipsū persuaderetur, quia vexatio hæc dæmonum, malum pænæ est: at sæpe mala pænæ Deus infert sine culpa patientis, aut alterius: ergo idem dicendum est de hac dæmonum ingenti molestia. Libet cōmemorare pro hac re Christi Domini doctrinam *Ioan. 9.* dicentis de cæco à natiuitate : *Neque hic peccauit, neque parentes eius,* aperte subindicans mala quæcunq; pænæ sine vilo peccato à Deo infligi. *Confirmatur*, quia sine vlla culpa sanctus Iob quamplurima mala à dæmone pertulit: & certè si permetteretur eundem sine vlla culpa inhabitaret. Cur non? Sed

& viros sanctos carnificinam hanc dæmonum pertulisse sæpe narratur.

Dubitabit quispiam : quæ rationes causæve sint: vt Deus velit absq; vlla culpa homines alioqui probos tam graui tortura premi , ac amicos suos in manus truculenti hostis dæmonis tradere vexandos ? *Respondet aliquando cum Hieronymo* inscrutabili Dei à dæmone iudicio hæc relinquenda esse. Nihil ominis aliquas diuinæ prouidentiae rationes in hac parte adducere possumus.

*Prima* ad instructionem hominū circa fidem, quod dæmonia sint corporis expertia: quod Saducæi negabāt; immortalitatemque animarum non esse impossibilem : siquidem reperiuntur quidam spiritus immortales , & infatigabiles in suis operibus, quales sunt dæmones. Item ob oculos proponuntur cruciatus atque tormenta gehennæ: vt peccata fugiant homines , propter quæ consortium dæmonum in alia vita incurrent, nisi pœnituerint. Ac denique monentur homines odium ac rabiem dæmonum sœuientium erga humanum genus : vt inde discant, quantum debeant fugere eorum consortium, ac timere culpas, propter quas merebantur simul cum eis in infernum perpetuo detrudi.

*Secunda ratio* diuinæ prouidentiae in hac molestia inflictione : vt homines iustos exerceat ac probeat : & ita alijs sint exemplo patientiæ, humilitatis , ac aliarum virtutum. Ex dictis colligit *Cassianus collatione*

28. non debere eos abominari, vel despici, quos istis spiritibus nequitia tradi videmus, quia hæc duo credere nos immobiliter oportet. *Primo* quod sine Dei permisso nullus ab his omnino tentetur. *Secundo*, quod omnia quæ à Deo nobis inferuntur, siue tristitia ad præsens, siue læta videantur, velut à pijsimo patre, clementissimoque medico pro nostris utilitatibus irrogentur; & idcirco eos veluti pædagogis traditos humiliari: vt discedentes ex hoc mundo, purgatiores ad vitam aliam transferantur, vel pœna leuiori plectantur, qui secundum Apostolum traditi sunt in præsentem Sathanæ in iterum carnis, vt spiritu salui fiant. Ita Cassianus.

## DISPUTATIO XXII.

*An liceat petere à Deo vt nobis hanc tetram demoniorum vexationem immittat?*

ET videtur vera pars affirmatiua. Nam omne malum pœnæ licet petere à Deo, vt exerceamur in patientia, & vt illo afflictum in hac vita, purgatiores euolemus ad aliam: sed hæc vexatio dæmonum pœna est, vt nuper docuimus: ergo eam licet à Deo petere. *Confirmatur* ex Sulpicio in vita Diui Martini asserente, Eremitam quendam à Deo postulasse, & impetrasse vt per menses aliquot eius corpus ab inhabitante dæmo-

nio affligeretur propter periculum peccari quod timebat superbæ.

In oppositum est. Nam ad hanc pœnam regulariter consequuntur multa peccata, vt blasphemix, conuicia &c. quæ diximus tribui dæmonibus, & partim obsessis: ergo qui vult & petit hanc pœnam, vult etiam omnia quæ ad eam consequuntur regulariter, maximè si præuideat futura. Et *confirmatur*, nam licet pœna, in quantum pœna sit inuoluntaria, tamen si postuletur, & desideretur, desinit habere rationem pœnæ, quia voluntaria est: sicut accidit in hoc casu: & consequenter omnia quæ ad eam consequuntur voluntaria erunt.

Mihi hæc scribenti occurrit historia Dauidi, cui cum daretur optio eligendi vnum ex tribus ingentibus malis, quæ meruerat propter numerationem populi. 2. Reg. 24. aut 2. Reg. 24 septennariam famem in terra, aut trium mensium persecutionem validam ab inimicis Dauid, aut trium dierum pestilentiam grassantem in populum Israeliticum, ait, *Melius est vt incidam in manus Domini (multa enim misericordia eius sunt) quam in manus hominum.* Itaque omnino recusauit persecutionem inimicorum, alia vero mala quæ Deus comminatus fuerat amplexus est. Sic ego grandis peccator dicam ad Deum meum, Domine puni me per temetipsum, infirmitatibus & quibusque malis,



malis, ac denique hic vire, hic seca, vt in æternum parcas: sed obnixè obsecro ne me tradas in potestatem inimicorum meorum læuissimorum, nempe dæmonum: quia si David pertimescebat plus quam cætera mala incidere in manus inimicorum suorum, hominum scilicet: ego homunculus plus timeo: debeo incidere in manus dæmonum: melius namque mihi erit incidere in manus tuas: quia tu Deus meus, & Dominus meus es: cuius misericordiarum non est numerus.

10 Quæstioni igitur respondeo, non licere, seclusa reuelatione, à Deo petere dæmonis inhabitantis vexationem. Probatur argumento facto in oppositum. Et ad ea quæ in initio disputationis proposui, respondetur, non licere à Deo petere illud pænæ malum, quod secum affert regulariter actiones quæ ex obiecto peccata sunt: vt probatur argumento facto in oppositum, tale malum pænæ est obsessio dæmonum.

Ad confirmationem respondetur illos viros iustos, qui postularunt sibi eam calamitatem, habuisse reuocationem, se nullas actiones, quæ ex obiecto peccata essent, passuros, alias non esset licita eorum postulatio. Secundo respondetur: fortassis eum eremitam; & si qui fuerint alij, talis cladis postulatorem, habuisse zelum Dei, sed non secundum scientiam.

## DISPUTATIO XXIII.

*Quæ sunt motiua, ac causa, ob quas dæmones ingrediantur humana corpora?*

Dæmonia magnopere cupere ingredi corpora hominum nullus dubitabit audiens Euangelica eloquia narrantia, voces ac clamores dæmoniorum ad Christum Dominum effusos, simul & precantium ne se expelleret ab obsessis, *Quid nobis & tibi Iesu ante tempus venisti torqueri nos* Matth. 8. Lucæ 8. & Marc. 1. Matth. 9. Luc. 8. Quæ autem motiua aut fines in hoc ingressu habeant, indagandum est: Marci. potissime autem mouentur ex odio, quo erga homines flagrant. Cur? quia Deum impense oderunt, ac proinde odio habent homines, quos Deus diligere certo sciunt.

Secundo, quia inuidia erga homines tabescunt: tum quia vident Dei filium neglecta natura angelica, naturam humanam in vnitæte suppositi assumpsisse, ac nobilitasse, & super cælos ac super omnes Angelos euexisse: tum quia vident homines Dei munificentia, præsentia Dei frui, ac in sedibus, à quibus deiectioni ipsi sunt, collocari: quibus omnibus ipsi perpetuò carebunt. Ex hoc reterrimo odio erga hominum genus frementes circumueunt, quærentes quem deuorent, quem in peccatum pertrahant, atque in infernum detrudant, quem etiam vexent, maximè illa formidabili vexa-

tio.

tionem, quæ ab eis infertur corporibus, quæ permittuntur intrare ut affligant. *Tertium motium* dæmones valde inclinans ad homines ingrediendos & torquendos ut in homines quasi quodam imperium exercent: natura sua excellentiæ sunt appetentissimi & hominibus dominari: cuius dominatus crudelissimi effigiem in nullo alio sensibilius videre licet, quàm in arreptitijs vexandis, volutandis, actorquendis, ob idque ingressum in eorum corpora tantopere cupiunt. *Quartum motium* ut adorentur, & pro Dijs habeantur ab ipsis obsessis deprecantibus ut illos libertate & sanctitate decant. Hoc motium radicata fide apud Christianos, nullius momenti est, inualuit vero antiquitus apud Paganos. Qui ut refert Abulensis videntes se à dæmonibus affligi, sacrificia, & diuinos honores eis obtulerunt, ut his placati à lachrymabili clade cessarent.

12

Matth. 8.

Ex dictis colligitur dæmones non appetere ingressum in corpora Brutorum, quia erga ea nec odio neque inuidia flagrant: & experientia agnoscitur per pauca bruta à dæmonibus inhabitari. Quod si quandoque id contingat ut in serpente, qui decepit Euam, & in grege porcorum Matth. 8. talis ingressus à malis spiritibus non ordinatur ad vexanda bruta; sed ad nocendum hominibus, quatenus ad homines pertinent, vel vel ad decipiendos eosdem. Fortasse id intendebat dæmon ingressus

psittacum, qui erat in delitijs cuiusdam summo Præsuli ob egregiam imitationem humanarum vocum: cui psittaco cum semel Pontifex diceret: Quid cogitas? respondit psittacus, cogitavi dies antiquos, & annos æternos in mente habui. Quibus auditis expauit Præsul, animaduertentem eam responsionem non posse esse nisi à dæmone inhabitante: & statim iussit psittacum suffocari.

#### DISPUTATIO XXIV.

*An dæmones aliquam lætitiā, vel gaudium, aut aliquod pœnarum leuamen percipiant ex ingressu in hominum cor.*  
porat

ET videtur vera pars affirmatiua.

1.

Primo ex his, quæ nuper dicebamus, eos scilicet maximè cupere huiusmodi ingressum propter odium, liuorem, ac inuidiam erga hominum genus. Sed ad consequutionem rerum desideratarum, maximè in nocuumtum inimicorum, necessario sequitur lætitia, ac delectatio: ergo valde lætantur ob ingressum in hominum corpora. Confirmatur ex Patribus, qui sæpe asserunt dæmones gaudere de malis nostris, specialiter August. in soliloquijs, sic ait: Quoties à bono deuiamus, diabolum lætificamus. Et idem ait libro de Genesi contra Manichæos cap. 17. & D. Thom. 1. p. qu. 64. artic. 3. ad 1. dicit. Non esse inconueniens dæmones dolere de vno, scilicet de

D. Thom.

I

amif-



amissione vite aeternae, & gaudere de alio, scilicet de infelice potestate contra homines.

*Secundo.* Dæmones corpora hominum inhabitantes, non videntur igne infernali, pœna scilicet peccatis eorum debita: ergo ex ingressu in hominum corpora lætitiā ac leuamen suarum pœnarū experiuntur.

*Antecedens patet, primo,* quia quomodo ab igne tam distanti & corporeo credibile est dæmonia viti? *Secundo,* quia ille dæmoniorum voces, de quibus sæpe in Euangelio, hoc indicant, *venisti ante tempus,* inquit, *torquere nos:* nimirum, quia tunc non erant in inferno, ubi torquebantur post iudicii diem, sed in humanis corporibus: & Matthæ. octauo quando Christus Dominus eieciēbat eos à quodam, deprecabantur ne eos mitteret in abyssum, indicantes se non torqueri in eo corpore; torquendos autem in inferno.

Matth. 8.

*In oppositum est.* Summus dolor non admittit secum gaudium, aliquod etiam de alio obiecto distincto: ita Aristotel. *septimo Ethicorum,* quod etiam experientia comprobatur: sed dæmones occupantur vehementissimo ac summo dolore: ergo non possunt vel tantillum lætari. *Confirmatur,* si aliquo gaudio aut lætitiā perfunderentur, eorum magnus dolor mitigaretur aliquantulum. *Consequens* non debet admitti, cum quia non essent constituti in

Aristotel.

extrema miseria: tum quia in pœna eorum esset aliqua variatio contra communem sensum Doctorum. *Confirmatur secundo.* Beati, quia sunt in statu summæ fœlicitatis, de nulla re tristantur, aut dolent: ergo dæmones quia sunt in statu summæ infœlicitatis ac miseriæ de nulla regaudere poterunt.

*Pro decisione dico primo.* Dæmones ingressu in hominum aut brutorum corpora, nequaquam liberantur à pœnis debitis propter eorum peccata, nullumque ab eis leuamen suscipiunt: *Hoc assertum est contra quosdam,* falso existimantes, ob id dæmones tantopere optare ingredi obfidendorum corpora: ut à pœnis sibi debitis in inferno respirent: à quibus corporibus si eiciantur, statim in infernum detrudendi sunt. Autores isti mouentur *argumento secundo* in initio quæstionis.

*Sed probatur nostrum assertum.* Dæmones quocunque pergant, deferunt secum suum infernum: ergo ab hac infernali pœna non liberantur neque in totum, neque in partem per ingressum in hominum corpora. *Antecedens* huius probationis acceptatur communiter à Doctoribus Scholasticis in 4. dist. 44. & docetur à D. Thom. 1. part. quæst. 64. articul. 4. ad 3. Quod ut melius percipias aduerte, locum præparatum ad puniendos dæmones esse infernum, qui secundum veriore sententiam est in centro terræ: ubi dæ-

mo-

*Matth. 25.* mones & homines damnati puni-  
entur igne infernali post diem iu-  
dicii vniuersalis, vt habetur Matth.  
vigesimoquinto. At vero non omnes  
mali Angeli post lapsum, in carce-  
rem infernalem detrusi sunt: nam  
quidam eorum in aere relictī sunt.  
Ratio autem, quare non statim  
post eorum lapsum in infernum de-  
trusi sunt, sed dimissi in aere, est,  
quia Deus noluit, vt iplis peccanti-  
bus, eorum creatio totaliter frustra-  
reretur: & idē dedit eos hominibus  
in exercitium, quo bonis prępara-  
rent coronam, malis autem æternā  
mortem: & quia vsq; ad iudicii diem  
est tempus belli, & merendi: ideo  
vsque tunc in aere permane-  
bunt; post diē verō iudicii in infer-  
num detrudentur torquendi ab  
igne infernali. Ita colligitur ex Iuda  
in sua Canonica dicente: *Angelos verō,  
quia non seruauerunt suum principatum,  
sed dereliquerunt suum domicilium, in iu-  
diciū Dei magni vinculis æternis reserua-  
bit sub caligine;* id est sub aere caliginoso:  
& ob id Apost. *ad Ephes. 6.* vocat  
eos potestates tenebrarum harum,  
id est aeris caliginosi: *ad Ephe. 2. Princi-  
pes potestatis aeris huius.*

*ph. 6.* Itaque dæmonibus duplex lo-  
cus assignatur. vnus ratione suæ cul-  
pæ: & hic est infernus: alius ratione  
exercitationis humanæ: & hic est aer  
caliginosus, vbi homines, quos ex-  
ercent, habitant. Maximeque appe-  
tunt ingressum in eos, vt dictum est,  
& vbi cunq; dæmones sint siue in

inferno, siue extra infernum, siue in  
terra, siue in aere, siue in hominibus,  
semper circumferunt suam pœnam  
secum.

Explicare autem quomodo hoc  
fiat, difficile est: si sermo sit de pœna  
sensus. Cuius rei explanatio pendet  
ex alia grauissima quæstione: Quo-  
modo ignis corporeus cruciet dæ-  
mones, qui spiritus sunt? De qua re  
tot sunt sententiæ quot capita. Mihi  
autē sententia D. Thō. plus arridet,  
asserentis in *4. d. 44. quæst. 3. artic. 2.* D. Thom.  
ignem corporeum inferni torquere  
dæmones, ac animas damnatorum:  
eo quod assumitur vt instrumen-  
tum diuinæ virtutis ad detinendum  
dæmones, ne possint operari, vbi vo-  
lunt, quomodo volunt, eo quod illi  
igni alligentur: ex qua alligatione  
adeo anguntur & affliguntur, vt vix  
dici possit quantum doloris concipi-  
ant.

Hæc sententia difficilis intellectu  
est; sed difficilis est scitu, quomodo-  
quocunq; perrexerint, secum suum  
infernum portent: nam in aere, aut  
in corporibus hominum existen-  
tes globum aliquem ignis corpo-  
ralis, in quo inclusi alligētur, secum  
portant? Respond. D. Thom. *1. part.  
quæstion. 64. art. 4. ad 3.* dæmones  
dum sunt in aere, aut verō in homi-  
num corporibus, licet non actu al-  
ligentur igni gehennali: tamen  
hoc ipso quod sciunt illam al-  
ligationem sibi deberi, eorum  
pœna non diminuitur. Ponit  
T 2 exem-



exemplum D. Thom. in captivo extra carcerem existente, qui dum videt se diro carcere includendum, non minus affligitur quam si in carcere detrusus esset. Ita in 4. dist. 44. q. 3. art. 3. q. ultima ad 8.

Contra hanc solutionem replicatur. *Primo*. Pœna sensus in dæmonibus, est actu paræ ab igne inferni eos cruciante actualiter; siue cruciatio fiat per vstionem actualem, siue per actualem alligationem, & detentionem ab eodem igne: sed dæmones quando sunt in corporibus hominum, aut in aere caliginoso, non alligantur actu igni gehennali, ut ait D. Thom. ergo actu non patiuntur ab igne, nisi fortè per apprehensionem. *Secundo*. Apprehensio afflictivi non infert tantam molestiam, sicut actualis applicatio eiusdem afflictivi, ut colligere licet ex exemplo captivi adducto à D. Thom.

Certum est enim non tanta tristitia affici captivum extra carcerem existentem, apprehendentem esse diro carceri mancipandum: atque si actualiter eidem carceri alligaretur, aut in eundem detruderetur: ergo neque dæmones quando extra infernum sunt, tanto dolore afficiuntur, quantumvis apprehendant illam pœnam esse sibi paratam, sicut afficiuntur quando actualiter eam subire cogantur. *Tertio*. Apprehensio futuri mali dolorem non causat sed timorem; ergo ex apprehensione torturæ infernalis dæmonibus

deputatæ non infligitur dolor, sed incurtitur timor: Pœna autem sensus debita dæmonibus, dolor est, non timor.

Certè istæ replicæ videntur probare, dæmones extra infernum positos siue sint in aere caliginoso, siue in hominum corporibus, non pati tantam pœnam, quantam in inferno paterentur: quod non videtur mihi improbabile propter replicas factas, quia tamen oppositum reputo probabilius, & magis conforme seosui Doctorum, maxime D. Th. asserentium, in nullo eorum pœnam diminui: *Respondetur* ad replicas factas.

Ad primam concedo, dæmones quando in obsessis sunt, aut in aere caliginoso, non patiuntur ab igne inferni per actualem vstionem, aut actualem alligationem, nihilominus patiuntur ab actuali apprehensione alligationis futuræ sibi paratæ in inferno. Quæ apprehensio tam vehemens est, & tantum dolorem incurtit, ac si de facto actualiter ab igne detinerentur, ac alligarentur. Ad secundam replicam respondetur, in hominibus verum esse regulariter illud antecedens: quia dolor in hominibus passio est appetitus sensitivi: qui cum corporeus sit, per actualem molestiam magis patitur, quam per afflictionem apprehensam: secus contingit in dæmonibus, in quibus non reperitur dolor, qui est passio, cum careant

appe-

appetitu sensitivo: sed per actus simplices voluntatis: cuiusmodi est requisitus quidam voluntatis ad aliquid quod cogitur subire. Ita D. Thom. 1. p. q. 64. art. 3. & ideo tantum dolorem concipiunt ex apprehensione alligationis ad ignem infernalē certo futurā, ac si actualiter illi alligarentur. Et simile illud de captiuo extra carcerem posito non est ad paritatē cogendum, sed tantum explicationis gratia vsurpandum. Ad tertiam re-  
D. Thom. *plūā respondetur.* Quando apprehensio futuri mali vehemens est, & malum certo futurum, solet apprehendi ac si esset præsens, & tunc non solum timorem, verum & dolorem ac mœsticiam inducere. Ita contingit dæmonibus certo scientibus sibi paratum esse ignem gehennalem: ratione cuius talis ac tantus dolor illis incutitur, ac si actualiter ab eo pateretur. Maneat ergo certum dæmones in corporibus hominum commorantes eandem pati pœnam sensus ac si in inferno torquerentur, ideo rectē dici quocunque perrexerint, secum portare suum infernum.

*Dico secundo.* Dæmones ex ingressu in hominum corpora peculiarem letitiam ac gaudium percipiunt. *Probat*  
6 *argumentis factis in initio disputationis.* Estque expressa sententia.  
D. Thom. D. Th. 1. p. q. 64. art. 3. ad 1.

*Dico tertio.* Gaudium illud leue est ac momentaneum, *Probat*: nam cū mens dæmonum ingenti tristitia occupetur propter amissionem æternæ Beatitudinis, (quod pertinet ad pœ-

damni, & infernalem pœnā sensus) quidquid letitię superuenit, leue est. Insuper aduerrentes dæmones, eam leuem & modicam letitiam à malo prouenire, nempe à suo liuore ac inuidia, & in malum cessurum, videlicet in maiorem suam infelicitatem: quia lætari in malis miseria est: non modica tristitia afficiantur; sic adeo, vt de illis verum habeat illud Sapientis: *Extrema gaudij luctus occupat.*

His prælibatis ad argumenta resp. ad primum initio disputationis positum, & confirmationem, probare, nostrum assertum secundum modificandum iuxta tertium.

*Ad secundum respond.* ex dictis pro explicatione primi asserti. Et negatur voces illas dæmoniorum (de quibus in Euangelio) probare aliquid contra illud: sed esse intelligendas iuxta tenorem secundi asserti nostri. Timebant namque dæmones ne iussu Christi Domini in abyssum irent, nō quia in corpore illius dæmoniacci non torquerentur pœna ignis, ad modum iam explicatum; aut quia in aliquo talis pœna minueretur; sed quia eis alligaretur facultas vexandi homines, ac tentandi, quod dæmones percipiunt. Item dicunt Christum venisse ante tempus torquere: non quia ante Christi aduentum nō torquerentur, sed quia citius quàm ipsi opinabatur venisset ad eos subiugandos, ad eum modum quo solet dici infortunium aliquod ante tempus aduenire, quia scilicet venit ante inopinatum tempus.



D. Thom.

*per* solutione tamen argumentorū, quæ facta sunt in initio *dubitationis* in oppositum tituli disputationis, præmittendum est ex doctrina D. Tho. 1.2. in materia de passionibus, & alibi sæpè, incomparabilitatem lætitiæ cū dolore seu tristitia à duplici radice provenire: vel à cōtrarietate, quæ in his reperitur: & ut verè se inuicē non compatiantur, debent cōsiderari in eadem potētia; nam in diuersis non sunt incompatibiles: verbi gratia, tristitia in appetitu sensitivo, & lætitia in intellectu: & respectu eiusdem obiecti, nam nil vetat lætari de vno obiecto, & tristari de altero. Vel secundo potest expendi incompatibilitas ex redūdantia quadam actus vnius potētiae in aliam: quatenus scilicet, quando tristitia fortior est non finit eam potētiam, in qua est, lætari: vel è contra, lætitia non finit hominem tristari, aut si sinat adedò aggrauat, & debilitat potētiam, ut si prorumpat in cōtrariam passionem, non tanto conatu & intensione, quanta afficeretur, si contraria passione non præoccuparetur.

8

*Ad primum in oppositum nego maiore.* Et Arist. intelligendus est quando dolor & lætitia sunt in supremo gradu. Vel *secundo respondetur*, dictum Arist. esse intelligendum de dolore, ac lætitia hominum, non de dolore, ac lætitia spirituum. Ratio discriminis est, quia cū appetitus intellectus hominum, ac omnes animæ potētiae vrantur in suis actibus ministerio potentiarum corporalium: sic aggrauā-

tur, & deprimūtur à corpore, aut potentijs corporeis, ut si homo afficiatur summo dolore: nequeat in cōtrariam passionem lætitiæ assurgere, iuxta illud: *Deprimit terrena inhabitatio sensum*, id est potētiam intellectuā *multa cogitantem*: secus cōtingit in spiritibus, qui dolent & lætantur per simplices actus voluntatis: dolere nascitur ex hoc quod eorum voluntas renititur circa aliquod obiectū: lætari, ex eo quod eadem voluntas amat aliquod obiectū. Quare si istæ volitiones sunt de diuersis obiectis, non est cur se impendant, neque in odio aut amore, neque in tristitia & lætitia, inde consequentibus.

*Tertio respondetur.* Estò vehemens tristitia in spiritibus impediat aut retardet actū ex quo oritur lætitia etiā in spiritibus: tamen dolor seu tristitia, qua afficiuntur dæmones de sua damnatione, non est dolor summus, neque secundum intensiōem absolutam, quia non adæquat totam capacitatem potētiae; neque secundū extensiōem, quia non est dolor de omnibus rebus. Appellatur autem summus dolor secundum intensiōem proportionatam culpæ, & ita sine diminutione doloris & tristitiæ essentialis possunt lætari & gaudere accidentaliter de aliqua re. Fateor modicam posse esse lætitiā, quia vehementissima est tristitia.

*Ad confirmationem respondetur*, dæmones esse vsq; adedò præoccupatos ingenti tristitia propter bona, quæ amiserūt, & propter cruciatum ignis, & alia

Thom. & alia contristantia: vt eorum modica lætitia propter vexationem hominum, aut alia mala: aut parū, aut nil mitiget de eorum pœna essentia. li. maximè quia vt docet D. Thom. in quodlib. 3. quæstion. 10. articul. 2. in corpore, quamuis latentur de malis hominum, ac pœnis: sed ipsamet lætitia cedit in eorum magnum mœrorem. Dolēt de impletione voluntatis Dei, quæ in eadem vexatione reperitur, & dolent de suo ipsorum gaudio, per vermem, id est remorsum conscientia: iuxta ea quæ dicebamus in tertio asserto. Ex quo liquet, eos non eripi ab statu summæ miseriæ propter hæc parua gaudia, quæ in illis ponimus: nec etiam sequatur eorum pœnam essentialem variari, sed potius accidentaliter augeri.

Secundo respondetur, per eam lætiam dæmonum, quantulacunque sit, non mitigari eorum dolorem. Patet: non à cōtrarietate; quia non extat, quia hæ affectiones sunt de diuersis obiectis: nō propter retractionem à dolore ex retractione ab attentione: quia circa diuersa nō retardatur attentio in spiritibus, neque propter redundātiā, sicut in homine: quia lætitia & dolor in spiritibus cum fiat per actus simplices voluntatis, quando sunt de diuersis obiectis, sicut non contrariantur sic vnū per alterum nō mitigatur, aut diminuitur: sicut attentio intellectus in Angelis non remittitur circa diuersa obiecta, quādo per diuersas species intelligibiles fit.

Ad secundam confirmationem respondetur consequent. Ratio diuersitatis: tū quia gaudium Beatorum implet totā capacitatē subiecti: & ideò non admittit secum neque tantillum tristitiæ: tristitia verò damnatorum est quidem ingens, sed non implet totā capacitatē subiecti: & ideò secum compatitur gaudiola quædam, sed in rabiem ac tristitiam conuertendam: tum, quia in Beatis non potest esse aliqua passio, nisi consequens iudicium rationis. Ita D. Thom. in 4. distinct. 50. quæstion. 2. articul. 4. quæstion. 3. ad 3. & ideò quoties se illis offert aliqua materia tristitiæ secundum se: quia illi omnia hæc referunt ad trutinam rationis, quæ dicat esse illis gaudendū de omni eo quod Deus vult: non tristatur, sed potius latentur, iuxta illud: *Latabitur iustus cum viderit vindictam.* Secus contigit in dæmonibus & damnatis: qui feruntur vel lætitia vel tristitia, prout obiecta sibi oblata exigunt, & ideò dæmones existentes in statu summæ miseriæ, nil verat lætari modicè de quibusdam: & Beati nequaquam tristari possunt, neque per instans.

Ex dictis resolues quæstionem, quinam sint infeliciores; dæmones, qui habitantes in hoc aëre caliginoso homines vexāt, an qui in inferno torquentur ab igne infernali? Respondetur, qui in aere, aut corporibus hominum residēt: quia nō euadunt ignis cruciatum: & præterea illa modica lætitia, quam capiunt ex hominum



minuuntur tortura, illis cedit in tormē-  
tum ac dolorem. Item quia lætitia  
capta ex malo miseria est.

10

Hinc etiam solues, an dæmones  
eos quos obsident, semper vexēt, &  
in eis semper mancant? *Respondet.*  
possent quidē si vellent: sed de facto  
sæpe cessant à cruciatibus, vt expe-  
rientia docet in multis, quos placidē  
ac quiete sine vllō dolore per mul-  
tos interpositos dies quiescere vide-  
mus: quod in Saule factum esse sacre  
literæ docent 1. Regum 16. quia cessa-  
tio fit Deo misericorditer ordinante,  
qui irascitur, & propitius est, & etiā  
ipsis malignis spiritibus volentibus,  
ne scilicet continuata vexatione ob-  
sessos interimant, & domicilia sua  
relinquere cogantur, quod agrè fe-  
runt: & quamuis à cruciatibus sæpe  
cessent, rarò tamen energumēnos  
deserunt, nisi coacti virtute diuina:  
deserunt verò aliquando, vel quia  
alijs in locis interesse volunt, ad quæ  
non se extendit sphaera suæ actiuita-  
tis; si in energumēnis permaneant:  
aut alijs de causis nobis ignotis.

His quæ dicimus non parū fauet  
Historia Saulis, de quo dicitur non  
tantū leuius habuisse Dauide canē-  
te, verū à dæmonio fuisse illo mo-  
dico temporis spatio liberatum. Ait  
enim sacer textus: *Et recedebat ab eo spi-*  
*Bredemb.* *ritus malus.* Et Bredembach, *collat. lib.*  
*7. c. 39.* narrat quosdam dæmoniacos  
in oppido Brabantia à dæmonibus  
fuisse liberatos eo die, quo Martinus  
Lutherus obiit: & cum postera die i-  
terum rediissent ad obsessorum cor-

pora interrogati ab exorcistis; vbi  
pridie latuissent: responderunt, se  
mandato Principis sui ad noui Pro-  
phetæ, & fidelis cooperarij fune-  
ra euocatos fuisse: eidemque inter-  
fuisse. Confirmavit hanc rem Luthe-  
ri famulus; qui eidē morienti adfuit,  
& cum per fenestram aure capiente  
gratia aspiceret: nō sine magno ter-  
rore vidit pluries, & plures terri-  
mos spiritus non longe à loco saltā-  
tes, ac choreas agentes. Confirmarūt  
& corui, qui Lutheri corpus cum ex  
Islebio Vvitembergam deferretur,  
magno clamore comitati sunt.

## DISPUTATIO XXV.

*Qua via, quauē hominis parte, dæmones  
corpora dæmoniacorum in-  
grediantur?*

ET quidem si vulgarium iudiciū  
Esequamur, per os obsessorum in-  
grediuntur. Quorum placitum ad-  
iuuare possumus: tum ex fidelium  
consuetudine, nempe discitantes, os  
signo Crucis munire solent, quo sig-  
naculo sacro, ac dæmonibus terrifi-  
co munitū os, illac introeūdi dæmo-  
nibus facultas auferatur. Tum quia  
sæpe legimus dæmones vna cum ci-  
bo ac potu in quo latuerant haustos  
esse: cuius rei Historia insignis extat  
apud D. Greg. li. 1. *Dialog. c. 4.* verba il-  
lius superius retulimus. Greg.

Hæc nostra dubitatiuncula ijs,  
qui epinabantur dæmones corpora  
quædam tenuiora aëre possidere,  
fortasse difficultatem ingereret, dū  
exquirere necesse esset, vias, per quas  
dæmo-

dæmones corpora dæmoniacorum ingrediuntur, eo quod dno corpora se penetrare nequeāt, sed possent dicere per os, per nares, vel per quoscunq; alios meatus, per tenuissimos poros posse, & de facto ingrediūtur. Si enim per hasce vias sudor emittitur, aer subintrat, multo facilius dæmones introire, & egredi poterūt, vt. potè qui habent corpora tenuiora quā aer. Sed hæc falsa sententia reiecta, nos qui certò certius opinamur, Angelos bonos ac malos carere omninò corporibus, ac proinde corpora obsessorum, illis, eo quod spiritus sunt, nequaquā sua quātitate vllum præstare impedimentum: respondemus, per omnes corporis partes posse ingredi sine vlla difficultate, per os, aures, nares, per poros, imò per solidissimas partes, quas penetrare, sine apertione, aut ruptura, spiritibus facile est.

Ob id verò nō negamus sæpè per os obsessorum intrare, ac exire: neq; improbamus, sed potius laudamus consuetudinem Cruce signandi os; asserimus tamen per quascunq; corporis partes posse dæmonia intrare corpora obsessorū: quod intelligendum est si motu successiuo intrēt, secus si motu discreto: tunc enim vnū ferè paradoxū fatendum est, dæmones scilicet intrare corpora obsessorum, & per nullam corporis partem intrare: quod patebit consideranti quæ D. Th. dicit de motu Angelorū discreto 1. p. q. 52. a. 2. & probatur, quia per motū discretum Angeli transeūt

ab extremo in extremū, non pertransiro medio: ergo si dæmones ingrediuntur corpora obsessorū motu discreto: necessarium erit vt per nullam corporis partem ingrediuntur, aliàs motus ille successionem haberet: dū prius dæmones moueri deberent ad partem per quam ingrediuntur, quā ad intranea viscera, ad quæ terminatur ingressus.

Sed difficilius est postquā dæmones ingrediuntur quempiam, in qua <sup>In qua</sup> hominis parte resident? Si sermo sit <sup>hominis</sup> de potestate res clara est, possunt totum hominē, ac omnes collectim, ac <sup>parte resident dæmones</sup> diuissim eius partes occupare pro arbitratu suo, caput, brachia, ventrē, tibias, & cæteras partes seorsum, & omnes simul: & in hoc ab anima discriminatur: nam cum anima omnium partiū sit forma, omnesq; viuificet, nō potest quasdā viuificare, alijs sine vita relictis: dæmones verò cū in corporibus, vt motores resideant, nō vt formæ corporum: pro sua voluntate possunt omnes vel certas quasdam occupare. Huius rei habetur illustre exemplum in Georgio, in vita sancti Theodori, narrāte in brachio Euthichij cuiusdam ita resedisse dæmonem, vt in nulla alia corporis parte fuerit, quod agnoscēs sanctus Theodorus, Cruce humerum signauit, & ingressum ad reliquum corpus prohibuit, illoq; pulso à brachio Euthichij, homo ille liberatus est. Et sanctus Gregorius Turonensis *de gloria confessorum* c. 9. scribit, quendā dæmonem in sola ungula cuiusdā energu-



*D. Thom.* non sedē habuisse, quinimō in minutissimis partibus, & subtilissimis: & in puncto ipsos posse residere nō ambiges. si legas *D. Th.* & eius discipulos *1. p. q. 52. art. 1.* Sed tamen quas partes inhabitent de facto difficile est: præsertim apud eos, qui existimant dæmones posse latitare, & esse ubi nullo modo operantur. Ita Scotistæ, & multi moderni Thomistæ verò qui censent Angelos nō esse in loco ubi aliquo modo non operantur: ex operationibus inuestigare aliquo modo poterūt in quibus corporis partibus commorentur: nam si inflationem, aut tuber in aliqua hominis parte excitēt, aut linguā ligēt, aut quoquo alicui mēbro molestiā ingerant: non leue signum est ibidē dæmones esse: sed neque hæc signa manifestē pandunt præsentiam dæmonū in his partibus afflictis, quia molestiæ hæc possunt esse à causis naturalibus morbum inducētibus, aut ab ipsis dæmonibus, qui inflētis illis plāgis recesserunt.

Item quia ex sentētia eorundem Thomistarum poterunt esse ubi actualiter non operātur: sunt tamen in procinctu ad operandum, quod homines nosse nequeunt: atq; adeo neque quas hominis partes inhabitent, ac occupent: item quia ab vna hominis parte ad alias migrare quis prohiberet? & idē in exorcismo secundo, qui habetur in rituali Romano, apponitur formula præcipiendi dæmonibus in virtute Sanctissimæ Trinitatis, ne se occultēt in quatuor

humoribus, in carne, ossibus, nervis, medullis, venis, scirrhis, tibijs, renibus, vētre, stomacho, intestinis, gutture, collo, &c. Aliqui putant vt plurimū eos in corde aut propē cor suū domicilium eligere: & coniectura nō levis est, quia cū principium omnium actionum corporis humani cor sit: vt facilius exagitare ac vexare totū corpus possint (id enim motu locali efficiūt) non inaniter credūtur suas sedes eligere in corde, vel propē cor. Quapropter sanctus ille Theodorus, cuius nuper meminimus, curaturus quendā, de quo dubitabatur, an à dæmone possideretur: cor ipsius cœpit pulsare primum, & dæmoni imperare vt se proderet.

## DISPUTATIO XXVI.

*An in vno & eodem hominis corpore possint intrare, ac esse multa dæmonia?*

**E**T existimo partem affirmatiuam esse de fide. Probatur *Matth. 8.* vbi dicitur legionem dæmoniorum, vnum vexasse hominem: & etiā *Luc. 8.* Christum eiecisse à Magdalena septem dæmonia: & *Luc. 11.* Cum immundus spiritus exit ab homine, &c. tunc vadens assumit secum alios septem spiritus nequiores se, & ingressi habitant ibi. Ecce apertē supponit Christus Dominus, multos dæmones vnum corpus possidere posse: quidquid dixerint quidam, suppresso nomine citati ab *Abul. in 8. Matth. cap. quest. 136.* qui ta

*Abul.*

men alieni à veritate, & sacris literis procedunt: non impediuntur in vno esse homine, quia non posset esse penetratio tantarum dimensionum,

Thom. num, nam quantitate carent, & ideo ubi vnus ibi innumeri esse possunt. Non obstat odium crudele dæmonum inter se, propter quod alicui videri poterat eos nequaquam pati in eodem domicilio habitare: nam et si inter se diffideant, tamen in nocendo hominibus, societatem iniungunt, & vnanimes cōspirant. Hoc egregie D. Thom. 1. p. quæst. 109. art. 2. ad secundum. Quod non obscure insinuat Seruator noster in testimonio citato Luc. 11. dū de vno dæmone ait: *Assumit secum septem spiritus nequiores se*: quasi gaudens: imò & quærens socios ad torquendum hominem.

2 Sciscitabitur quispiam, an plures plus vexent, quam vnus? verosimile apparet ex illo dæmoniaco à legione dæmoniorum occupato, cui plures dæmones plura tormenta inferebāt, habebat enim habitationem in monumentis, non poterat eum quisquā catenis constringere, die & nocte in montibus vagabatur, lapidibus se concidebat, &c. hæc autem multiplicata tormenta à multiplicitate dæmonum inhabitantium, id est à 6666. p.ouenire satis verosimile iudico.

3 Quomodo autem ista multitudo dæmonum in vno eodemq; homine inhabitet, quomodo ve molestias inferat: non est facile diffinire. Dico tamen: *tripliciter* imaginari possumus eos in vno domicilio inhabitare, totque molestias ingerere: *vno modo*, vt singuli in proprijs distinctisq; partibus resideāt, in quibus quoties quis-

que operetur cruciando, torquendo, vel quid simile operando. Et aduersum hūc dicendi modū non militat testimonium D. Th. 1. p. q. 52. art. 3. affirmantis duos Angelos non posse esse in eodem loco: etenim iuxta istum modum non sunt plures dæmones in eodē loco, sed in diuersis. *Secundo modo* possunt esse in eodē homine: omnes in eodem, & omnes in omnibus partibus hominis, sed quilibet diuersa operatur nocumenta: verbi gratia, quidam cor constringunt, alij percutiunt, alij multis alijs modis idē cor affligunt, & sic de alijs hominis partibus, & toto corpore. Et iuxta istum modum etiā videtur euacuari testimonij præfati difficultas, quia sicut operationes cuiusque etiam in eadem parte sunt diuersæ rationis: sic & loca, quæ occupant, licet materialiter sint eadē: formaliter tamen distinguuntur: nec ex isto modo existendi sequitur inconueniens, quod affert D. Thom. loco citato, videlicet quod duæ causæ cōplete sint immediate vnus & eiusdem effectus, neque quod sint duo Angeli in eodē loco formali: quia cū operationes diuersæ sint: loca etiam formalia, diuersa sunt; vnus tamen materialiter; neque hoc negaret D. Thom. neque eius discipuli. *Tertio* imaginari possumus, multos dæmones in eodē homine inhabitare, sic vt omnes & singuli occupent totum hominem & singulas eius partes, & omnes ac singuli inferant omnia & singula mala, quæ obsessus pa-

D. Thom.



titur: & iste modus est intellectus difficilis in sententia D. Th. putatis Angelos esse in loco per operationem.

Nec euadit difficultatem qui cēsent Angelos esse in loco per suam substantiam: nam licet benè explicet quomodo plures dæmones possint esse in eodem loco, quia non replēt locum: tamen quomodo in eodem loco vnam & eandem operationem plures efficiant non explicant: nec effugiunt inconueniens asserendi vnam, & eandem operationem esse à multis causis completis: quod alienū videtur à documentis Philosophorum, & à mente D. Thom. in loco citato, propter hoc inconueniens effugiendum negantis duos Angelos non posse esse in eodem loco. Molestus essem, si adducere omnes expositiones discipulorum D. Th. ut defendant sui magistri sententiam, cui innititur tota vis argumenti propositi.

*Breuit̃ dico*, D. Thom. non esse intelligendum de existentia in locis inadæquatis & partialibus, quia iuxta primum modum existendi dæmonum in oblecto ita contingit: neque de existentia in eodem loco materiali: quia iuxta secundum modum nullum est inconueniens ita accideri: intelligendus ergo est de existentia completè, & perfectè in eodem loco. Tunc autem erunt in eodem loco plures, si operabūtur in eodem loco formali, ut causæ totales eiusdem effectus numero: & quādo plures dæmones existunt in eodem ho-

mine, ac cōcurrunt omnes ad vnum numero cruciatum, non concurrunt ut causæ totales, sed partiales.

Et si obijcias: quia quilibet potest illum effectum producere, & multo intensiorē, & quilibet apponi totum suum conatum: ergo causæ totales sunt, non partiales. *Confirmatur*, quia confusio esset operationum, ut plures concurrerent ad id efficiendum, quod vnus potest sine defatigatione, aut molestia: imò cū maxima voluptate, ut in humanis patet. *Respondetur* sumpta similitudine ex eisdē humanis, quæ experiri solemus: contingit enim quandoque, plures homines ad eandem trabem vehēdam cōcurrere: quia vnus solus id nō valeret efficere: non sic contingit, quādo plures dæmones eundē numero cruciatum vni homini inferunt: quia quilibet eorum potens est tam se quos excitare cruciatus: ut si permitteretur, necem citissimè induceret. Item quandoque plures homines concurrunt ad idem onus portandum, non quia vnus non posset portare, sed ut quilibet cum minore labore, ac molestia portent: & neque ita accidit in dæmonibus, qui in inferendis quantumuis magnis cruciatibus, non defatigantur, aut molestiam patiuntur: quin potius magnam capiūt voluptatem, ac gaudio his occupari perfunduntur.

Præterea cōtingere potest, ut plures homines concurrant ad eandem trabem vehendam, quam quilibet posset sine molestia portare, & singu-

4  
singuli totum suum conatum apponunt: sed Deo impediēte, non ob id trabes velocius, aut citius trahitur: sed eadem velocitate, ac prorsus motu eodem modo se habente, ac si ab vno solo portaretur: & in hoc casu quilibet causa partialis est vnius & eiusdem motus: licet attentis viribus portantium, & conatu, posset ab vno solo motus ille peragi.

Ita existimo accidere posse quando plures dæmones vnum & eundem numero cruciatum inferunt vni eorum; quilibet dæmonum posset illum cruciatum causare, omnes operantur secundum totum suum conatum: sed cum Deus præfixerit metas, ad quas vsque torqueri possunt: ne miser homo animam exhalet: omnes eundem numero effectum causant, vt partiales causæ. Nec mirum videri debet Deum hos imposuisse limites: quia vt supra diximus, sine eius permissu & licentia non possunt vexare homines: ergo etiam eius ordinatione limites imponuntur, ne in homines ferociantur quantum possunt. Vel dicito ipsosmet dæmones, qui norunt ad quos vsque limites sint nocere permissi: suum attemperant conatum, vt ab omnibus efficiatur, quod ab vno solo effici posset.

Et hinc pater ad *argumentum*, negando illam multitudinem dæmonum fuisse in vno homine, & singulis eius partibus tanquam in loco vno formali vltimatè, & adæquatè completo ad modum iam explicatū.

DISPUTATIO XXVII.

*Quorum ordinum sint dæmones, qui homines obsident?*

I IN hac disputatione supponimus vt certum apud omnes Doctores, inter malos spiritus seruari ordinem ac prælationem, non solum secundum naturam, quia quidam perfectioris naturæ, alij imperfectioris dicantur, verum etiam secundum electionem: quia si qui imperfectioris naturæ sunt, alijs superioribus subiunguntur in ordine ad procuranda hominum mala, siue tentando, siue obsidendo: de qua egregiè D. Thom. D. Thom. 1. p. q. 109. art. 1. & 2. & Abulensis su- Abulen. sam instituit disputationem super c. 12. Matth. q. 60. Quod modo in dubium vertitur est, an soli dæmones gradus infimi, obsideant mortales, alijs, qui superioris ordinis sunt, in infernum detrusis?

Et viderur vera pars affirmatiua. Nam boni Angeli supremi ordinis, vt Cherubim, ac Seraphim, non se immiscant mundanis negotijs, sed contemplationi soli, & amoris Dei vacant. Alij vero negotia humana dirigunt, ac procurant. Tertij vero, & infimi ordinis ea executioni mandant. Sed mali spiritus licet à gratia exciderint, seruant tamen eundem ordinem, quem ante casum tenebant, quia in eis naturalia manserunt integra: ergo non quicumque & cuiuscunque ordinis mala nostra meditantur, putà ingressum in corpora, aut animarum tentationem:



sed hoc solis malis spiritibus inferioris ordinis reservatur, cæteris nil de hoc cogitantibus, sed flammis perpetuis in inferno traditi sunt. *Confirm.* nam dato cuiuscunque ordinis malis spiritibus concessum esse, ut homines vexent ac tentent (quæ eos occupat invidia ac odium erga homines) omnes essent in hoc aere caliginoso ad suam rabiem erga humanum genus explendam relicto inferno. *Consequens* non admittitur à Doctoribus asserentibus magnum numerum dæmonum esse in inferno reclusum: ergo.

2 Sit tamen *nostra assertio*. Ex omni ordine ac principatu dæmones humana corpora ingrediuntur: ac alias quamplures molestias hominibus inducunt. Proba, ex Apost. ad Eph. 6. *Non est nobis (inquit) colluctatio aduersus carnem, & sanguinem, sed aduersus Principes & potestates, aduersus Mundi rectores tenebrarum harum: contra spiritualia nequitie in cælestibus.* Ecce principatus & potestates, qui sunt ex ordine superiori dæmonum, asseritur esse nobis infestos, cur non ingrediuntur hominum corpora? Accedit id quod narrat Palladius *sectio. 15. Hist. patrum* D. Antonium, cum ad eum adductus esset energumenus, intellexisse spiritum principalem esse, qui miserum obsideret: quocirca neque per se, sed per sanctum Paulum simplicem cuius potestas, quam sua maior esset, posse eijci. De ipso vero Lucifero & dæmoniorum Principe (qui etiã decepisse putatur) non improba-

biliter dicitur, post Christi mortem in inferno detrusum: ne stragem solitam hominibus Christi iam sanguine redemptis inferat, soluetur autem, & ad mortales impugnandos redibit Antichristi tempore. Ita communiter expositores colligunt ex initio capitis vigesimi Apocalypsis. Cui expositioni videretur innuere D. Aug. 20. *de ciuitate Dei*, c. 7. & non abnuat D. Greg. *lib. 32. moralium* c. 12. D. Aug. Greg.

3 Quod vero dæmones ex infimo ordine molestant, ac ingrediantur mortalium corpora, nulla ratio dubitandi potest esse: cum infimus eorum gradus exposcat, ut in his curis se intromittant. Ex omni igitur gradu ac ordine dæmoniorum cupiunt ingressum in hominum corpora, & perficiunt, quando Deus hoc illis permittit. Ad *argumentum* in oppositum factum *resp.* naturalia mansisse integra in dæmonibus, & ideo qui superioris ordinis est, maioribus pollet viribus: at verò quod superiores non se intromittant in negotiis mundanis, ad ordinem gratiæ spectat: à qua, quia propria malitia exciderunt dæmones, non attendunt quid præ naturæ dignitate conueniat agere: sed potius ut suæ inuidiæ ac odio erga homines faciant satis: ad minima etiam officia se libenter demittunt. Ad *confirmat. resp.* fatemur si dæmones permitterentur suæ libidini nocendi hominibus satisfacere: fortassis vacuo relicto inferno cæruatim egrederentur ad molestan-

Iestandum homines, partim tentando, partim vexando : sed sicut non finuntur à Deo omnia mala inferre, quæ desiderant: sic neque omnes egredi à carcere infernali, vt molesti sint hominibus : sed ijs tantum concessum est, quibus à Deo permittitur propter absconditas rationes suæ prouidentia. Mitto modo, quod dæmones, quorum suasu homines peccauerunt: deferunt post mortem animas damnatorum in infernum, vbi manent iugiter eas torquentes: vt adnotauit D Thom. 1. part. quest. 64. artic. 4.

DISPUTATIO XXVII.

*Quibus signis agnosci possit dæmonum inhabitatio in obsessorum corporibus?*

**H**uius resolutio non modicam utilitatem affert, maxime exorcistis : quapropter accuratè tradenda est.

*Signa*, quæ possunt prodere inhabitantes dæmones multiplicia sunt, omnia tamen sumpta ex operationibus: Dæmones enim cum sint substantiæ spirituales, nequit eorum habitatio cognosci nisi ex operationibus, cum iuxta Theologorum sapientiorum sententiam, vbi operantur, ibi sunt, & vbi non operantur, non sunt: igitur signa inhabitantis dæmonis quædam aliqualem coniecturam generant, quædam vehementiorem, quædam certo

produnt habitationem peruersi hospitis. Generant leuem suspicionem ferini & agrestes mores, sed huiusmodi non conuincunt dæmonem inhabitantem. Plures vidimus, & audiuius inferarum naturam ac mores declinantes, qui non fuere obsessi à dæmonibus. Idem dico de his qui diuurno somno grauantur, aut morbis incurabilibus : & de his qui se dæmonibus consecrunt, vt sagæ, & malefici, qui non semper arreptitij sunt : neque etiam qui sibi manus iniiciunt, & mortem intentant : neque illi qui inuocant dæmones vt se arripiant, neque illi qui à furia agitantur. Omnes hi & similes, aliquando obsessi, aliquando nequaquam ; sicut neque illi, qui in nullo loco sunt tuti, & quandoque se molestantes spiritus etiam in corpore sæuientes experiuntur ; hoc signum potius est dæmonum assistentium, aut cupientium ingressum, quam inhabitantium.

*Signa*, quæ generant vehementem suspicionem ac coniecturam inhabitationis dæmoniorum, multa sunt. *Primum* barbaræ & incôsuetae voces, clamores, & ullulatus prorsus belluini. Audiuius sæpe has incôsuetas voces & belluinos clamores à dæmoniacis excitari, cur eos emittentes esse obsessos non vehemèter suspicabimur ? *Secundū* signū esse potest horribilis, & truculentus vultus quia quales ipsi dæmones, tales formas suis inhabitaculis imprimunt: truces sūt, ac crudelissimi; truces ac crudelēs



les vultus volunt referre miseri obsessi.

*Tertium* : stupor membrorum & omnium vitalium fere operationū priuatio: talis erat ille obsessus Mat. 9. & Luc. 11. qui erat surdus, mutus, & cæcus. *Quartum* : ingens inquietudo, qualis eorum est qui vno in loco nequeunt consistere, & solitudines quærunt, ac desertis locis oblectantur: multos audiuius sic à dæmonibus vexari: huiusmodi erant illi dæmoniaci Matt. 8. qui sæui erant, ac in monumentis & desertis viuentes, in prætereuntes grassabantur.

*Quintum* : in humano corpore vires, quæ excedere videntur facultatem hominum: tales sunt eorum qui facile vestes lacerant, catenas frangunt, onera ingentia portant. Hoc signum plus quam suspicionem generare videtur: & eo potuit deprehendi mulier vetula dæmoniaca, de qua in vita D. Bern. c. 4. lib. 2. dicitur adductam ad sanctum virum, scamnum in quo ipse sedebat, transiluit, & dixit se quosque pernices equos cursu æquare posse, eorumque dorsa sine adiutore transilire. Similiter alter dæmoniacus deprehensus est, qui à Nicetio Triuirensi Episcopo iussus est è templo extrahi: tamen columnam ita valide apprehendit, vt à loco dimouere nequiuert à decem viris.

*Sextum* signum sunt persecutiones, cruciatus, atque tormenta extraordinaria, quæ quidam patiuntur vt si, verbi gratia, in ignem dei iiciantur,

quandoque in aquam, nunc ex alto se præcipitent, nunc se cultris lacerent, nunc laqueo, aut alijs vijs vitam sibi adimere intentent. Huius generis obsessum habemus Marc. 9. *Mat. 9.* & hæc & his similia vehementem generare suspicionem dæmoniacæ habitationis, nulli dubium, quia inconsumpta sunt hominibus, dæmonibus autem facilia: verum tamen non sunt signa certa, & indubitata, quia ab alijs causis, quam à dæmonibus prouenire possunt.

*Primum* quidem non esse indubitatum signum, ex eo patet, quia præfati clamores ingentes, aut belluini, possunt esse vel à naturali hominum vi, aut à phrenesi, vel ab arte, aut à dæmone assistente & urgente hominem. Truculentia etiam vultus non semper inhabitantem dæmonem indicat. Potest quis ab infirmitate, aut naturaliter habere vultum horribilem: Insigne factum narrat W. kius de incantationibus lib. 1. cap. 12. *Quidam* (inquit) *Buscoducensis* non dum deposita cacodæmonis persona, quam in fabula paulo ante adumbrauerat, uxorem suam cognovit: & illa grauida facta, talem postea partum edidit, qualem ipsa maritum personarum conspexerat.

*Tertium* etiam signum non esse indubitatum certum est, cum interdum à morbis caducis, aut similibus tales stupores, ac animi deliquia, somnolentiam, & huiusmodi prouenire soleant. Id dico de quarto signo, inquietudine scilicet, & appetitione solitudinis, crudelitate, quæ familiaria sunt

sunt melancholicis, lunaticis, & huiusmodi. Medici asserunt has affectiones habere qui laborant morbo, quem appellant Lycanthropiam, id est lupinam insaniam. Ac denique neque *signum quintum* infallibiliter dæmonis ingressum prodit: audiui-  
mus quosdam homines viribus pol-  
lere supra credulitatem audientium. Maximinus Imperator pugno equū percussum dentibus nudabat. Et no-  
stris etiam temporibus multi ingen-  
tium virium reperti sunt; quos ta-  
men non proinde obsessos esse di-  
cimus.

*Sextum* etiam *signum* non eviden-  
ter prodit dæmonem inhabitantem:  
nam similes cruciatus patientur qui  
afficiuntur Epilepsia, morbo Medi-  
cis noto. Hæc itaque signa, si non ef-  
se à causa naturali agnoscantur,  
non parum suspicionis ministra-  
bunt à dæmone inhabitante esse.  
Sed de alijs signis certioribus dica-  
mus.

*Signa quinque* adduximus superius  
quæ Abulensi, *super octauum caput Mat-  
thæi, question. 14.* vix sunt certissime  
prodere inhabitantes dæmones in  
obsessis: quorum certitudinem accu-  
ratius lubet examinare. *Primum sig-  
num* est, linguarum scientia peregrin-  
narum: quam si experiamur in homi-  
ne aliquo, certum est à dæmone in-  
habitante possideri. Quod videtur  
aperte probari: nam ea expressio  
conceptuum idiomate peregrino  
necessario proficiscitur à natura in-  
tellectuali seu rationali, & non ab

homine voces proferente: ergo ab  
aliquo spiritu, puta Angelo bono,  
vel malo: non est enim aliquod sup-  
positum conceptus enuntians ( præ-  
cipue lingua peregrina ) nisi homo,  
aut Angelus. Minor vero, videlicet  
eam conceptuum enuntiationem  
lingua peregrina, non posse esse ab  
homine obsessio loquente: inde pa-  
lam fit, quia omnia idiomatica, &  
voces earum pro placito hominum  
sunt ad significandum, & expri-  
mendos conceptus instituta: ergo  
impossibile est homines ijs vocibus  
vti ad suos conceptus exprimen-  
dos, si ignorent placitum instituen-  
tium voces diuersas, pro diuersitate  
idiomatica: at supponimus linguæ  
peregrinæ voces, & eorum institu-  
tiones ignorare homines, qui il-  
lud idioma non didicerunt: ergo im-  
possibile est homines suos proferre  
conceptus peregrina lingua: atque  
adeo fit consequens, ab spiritu a-  
liquo inhabitante hominem neces-  
sario debere esse, siue ille spiritus bo-  
nus sit, siue malus: vterque enim o-  
mne genus linguarum probe sciunt  
propter subtilitatem ingenii, &  
propter rerum copiosam agnitio-  
nem.

Ex dictis confutatur delirium Leuini *Lemnius.*  
Lemnij, qui libro secundo, capi. secun-  
do de occultis natura docet, melan-  
cholicos, & phreneticos, ex fre-  
quentissima humorum ebullitione,  
& vehementi spirituum agitatione,  
posse varijs linguis loqui, quam-  
uis antea nullam earum nouerint.

X

Impof-



Impossibile, & incredibile dogma: nam quomodo erit in ore, quod non fuit in mente? & quomodo in mente, quod non prius in sensu? at supponimus linguam esse peregrinam, quam non audit, non legit, non didicit homo. Item donum linguarum magno Dei munere Apostolis collatum est: ergo loqui alieno idiomate, quod quis non didicit, non potest esse à naturali morbo, aut alia naturali complexione.

*Obijcies.* Adhuc ex præfata argumentandi ratione non colligitur, eam expressionem conceptuum lingua peregrina esse à dæmone inhabitante, quia esse potest à Deo, vel ab Angelo bono: & esto sit à malo spiritu, non colligitur ex loquutione illa esse ab eo intus existente: satis est si assistat, & moueat linguam vexati per aerem concitatum, aut vero ab aliqua anima separata, quæ per os obsessi loquatur, & formet voces. *Respondetur:* ab animâ separata nequit esse: tum, quia anima separata ignorat linguam, quam corpori vnita non didicit: tum, quia animâ separata non possunt ingredi aliorum hominum viventium corpora, ut superius ostendi: neque illa loquutio potest formari à spiritu malo, nisi intus existat, eo quod loquutio necessario debet fieri motis organis interioribus, maximè pulmone, qui est præcipuum instrumentum formandarum vocum, eo quod ipse concitat aerem, & subtilizat: tum ut refrige-

ret cor: tum ut reddat aptum hominem ad formandas voces, quarum materia non est aer tam grossus sicut externus. Igitur ut dæmon loquatur per obsessum, necesse est mouere pulmonem: ac proinde esse intra corpus hominis, imo in ventre: & ob id obsessi per dæmonem loquentes dicuntur Pythonem, (id est spiritum malum) habere in ventre, 4. Regum. vigesimo primo, ergo erit ab aliquo spiritu siue bono, siue malo.

Et ideo libenter fateor, ex linguæ 4. Regum peregrinæ loquutione, non euidenter deprehendi inhabitantem malum spiritum, aut bonum; agnosceatur autem adiunctis alijs signis, de quibus diximus & dicemus: verbi gratia si adiungas loquutioni in lingua peregrina, loquentem obsessum pati vehementes cruciatus, si blasphemias, aut inhonesta loquatur, si ad tactus rerum sacrarum fugiat: certe à dæmonibus talis loquutio est, non à bono Angelo, aut Deo ipso. Item Apostoli, quando varijs linguis loquebantur, non inuiti, sed spontaneè id agebant: at à dæmonibus obsessi, velint nolint loquuntur peregrina lingua. Item Apostoli quando varijs linguis proponebant Dei verbum, tam auditores, quam ipsi verba intelligebant. Obsessi vero nullo modo, quia nec idioma peregrinum norunt, neque quid significetur intelligunt. Est itaque signum quasi infallibile ad dignoscendum inhabitantem dæmonem.

monem, loqui peregrinis linguis, si adiungas cætera quæ modo commemorauimus.

<sup>5</sup> *Hieronymus* Hoc signo iam pridem, & modo deprehenduntur dæmones obsidentes. Hieronymus *in vita Hilarionis* narrat candidatum quendam Constantij Imperatoris deprehensum esse à dæmone possideri; eo quod cum linguam Latinam & Francicam tantum nosset, tamen Beato Hilarioni Syro, quo ipsum rogabat sermone respondebat: & ita perfecto (teste Hieronymo) ut non stridor, non aspiratio, non idioma aliquod Palestini deesset eloquio. Similiter dæmonium inhabitans mulierem Mediolanensem deprehensum est, quia mulier nunc Italica, nunc Ibera lingua loquebatur. Ita in vita sancti Bernardi, *libr. 2 caput. 4.* Et vnum mirabile narrat Sigibertus accidisse circa *annum Domini, 1122.* Nortberto namque Præmonstratensi exorcizante puellam dæmoniacam, dæmon irridens Cantica Canticorum à principio vsq; ad finem per os puellæ edidit & ad verbum in Romana, deinde in Teutonica lingua interpretatus est.

<sup>6</sup> Quod dixi de loquutione in peregrina lingua, dicendum est de sciētia legendi, scribendi, aut arte cantandi, artificiose, etenim quando hæc non præcessere in obsessis, & postea ac si per multos annos in eis versati essent, in ijs faciles se præbent: signa sunt inhabitantis dæmonis, non minus, quam loqui lingua peregrina, & propter rationem iā factam. *Secundum*

*signum* ad cognoscendum dæmonem inhabitantem posuit Abulensis: si voce consueta loquantur: sed de rebus altissimis, quas non didicerunt, tunc enim ita diserte loqui non potest esse nisi à spiritu inhabitante, propter rationem allatam in priori signo.

Hoc signum non probaretur Leuino Lemnio, & alijs Medicis, existimantibus hæc omnia posse homines in quibus melancholia abundat. quinimo eiusdem humoris viribus tribuunt diuinare, citra contactum mouere aliena corpora, excitare pluias, & similia mirabilia. Alij Platonici alia via pergunt, putantes animā omnia nouisse, sed immeritam corpori, non omnia actu callere: at quando aliquo casu quasi à materia diuagatur, aut à sensuum perturbationibus subtrahitur (cum à principio omnia nouerit) posse scire & fari quæ à nullo sensu accepit. Sed de his delirijs Platon non libet modo disputare quæ contra communem sensum sapientum procedunt. Quare de hoc secundo signo iudicandum censeo sicut de priori allato ex Abulensi: & idem dico de quarto signo, quod est si de rebus secretis, quæ hominibus absconditæ sunt, loquantur. Pro quo sciendum est, occulta mortalibus esse in duplici differentia: quædam licet occulta sint his aut illis qui ea reuelant, sed tamen ex suo genere non sunt adeo ignota, ut ab illis sciri non possint. *Alia* vero sunt, quæ impossibile est humano ingenio aut viribus sciri. *Priora* continentur tribus temporum differ-



rentissimam aut præterita sunt, ut res gestæ: aut præsentia; quæ tamen ob locorum distantiam homines non possunt scire: aut futura, quæ totum esse quod habent in suis causis habent. *Posteriora* sunt, quæ pendent ex hominum voluntate, & libero arbitrio. In his omnibus dæmones multa agnoscunt, quæ vel homines non cognoscunt, aut non possunt. Agnoscunt quæ modo in remotissimis Regionibus fiunt, quamvis illic non sint præsentia: norunt res olim gestas, & quæ post multa tempora evenient. Agnoscunt etiam quamplurima, quæ à libero arbitrio pendent; licet non tanta certitudine sicut priora, sed tamen vehementi coniectura, quæ fere ad certitudinem accedit: Nam cum illa sit nostræ voluntatis conditio, ut affectus sequatur corporis; moveatur etiam obiectis, & ad naturæ pondus se accommodet sæpe: dæmones, qui bene sciunt affectus nostros, & sciunt quæ mentis obiecta bona sint, & singulorum propensiones longa experientia observarunt: non mirum si multa norint futura vehementissima coniectura, etiam si pendeant à libero arbitrio.

7 Occulta igitur hæc si per homines reuelentur, hoc est, si referantur res gestæ, si propalentur futura; si quæ in remotissimis Regionibus fiunt, enuntientur; si hominum cogitationes, aut studia patefiant: necessarium est dicere id non posse

fieri sine opera alicuius spiritus. Non tamen cogimur dicere hanc occultorum reuelationem esse à malis spiritibus, qui sunt intra obsessorum corpora: aut qui assistunt extrinsecus: nam possunt propalari à bonis spiritibus: imo neque cogimur dicere eam reuelationem fieri ab Angelis bonis, vel malis: nam potest fieri à Deo illustrante mentes hominum ea releuantium; sicut ait Divus Petrus: *Spiritu sancto inspirati loquuti sunt sancti DEI homines.*

Quando ergo hanc occultorum reuelationem colligemus esse à dæmonibus? Quando reuelantur, quæ in Dei contumeliam, aut proximi iniuriam cedunt. Et neque ex hoc cognoscetur dæmones inhabitare istos reuelatores occultorum: nam à familiaribus, quos habent quidam, possunt hæc edoceri, & alijs hominibus reuelari. Ex quo inferitur non omnes diuinatores esse obsessos à dæmone: quia possunt diuinare edocti à dæmone; quamvis ab eo non obsideantur.

8 Quapropter ex occultorum reuelatione, nisi alia adiungas, non cognoscas dæmonem inhabitantem adesse istis reuelatoribus secretorum. At vero si adiungas *duo*, bene id colliges. *Primum*, si homines, qui hæc occulta reuelant, nullam pactum cum dæmonibus habeant. *Secundum*, si in eisdem reperiantur alia signa, quæ circa primum signum diximus

ximus prodere inhabitantes dæmones: verbi gratia, interni cruciatus, ac vehementes, vagi motus, proximis, & sibi allata detrimenta, & similia. *Tertium signum* est, si postquā cessant arreptitij vexari, & sibi restituuntur: nesciant respondere de his, de quibus loquuti sunt. Et quidem si hoc signum, ut iacet intelligatur, non certo prodit dæmonem inhabitantem. Etenim quam plurimos phrenesi, aut alijs capitis infirmitatibus laborantes cognouimus: qui actuali infirmitate detenti, à loquacitate vix cohiberi possunt: pristina verò valetudini restituti, nil eorum, quæ loquuti sunt, postea meminerunt: ac proinde præfatum signum sine certitudine procedit.

Credo autem, Abulensem illud intellexisse quando homo actualiter vexatus, profert mira, reuelat occulta: postea verò cessante actuali vexatione, non recordatur eorum, quæ dixerat; tunc enim (ait) esse signum dæmonis obsidentis hominem. Fortasse fundamentum huius est: quia ea loquutio occultorum, quam esse à superiori spiritu diximus: non est à Deo, neque à bono Angelo, cum vterq; quando aliquid homini reuelat, quid reuelet, edocet: nec reuelat, ut homo obliuiscatur reuelatorum. Hic error fuit Priscillæ, & Montani, qui dicebant Propheas tanquam arreptitios non intellexisse quæ loquebantur: quod diuinæ reuelationi non congruit, neque sanctorum Angelorum: secundum quam mēs prin-

cipaliter illuminatur, & memoria confortatur, ut non obliuiscatur reuelatorum: neque est à dæmone docente exterius, sicut solet docere Magos, non ut obliuioni tradant reuelata, sed potius, ut memoria retineant: ergo quando homines cruciantur, occulta loquuntur, aut quæ captum hominum superant: postea verò sibi restituti non recordantur eorum, quæ dixerunt: signum est eos à dæmone motos, quibus utitur dæmon, ut instrumentis suæ loquutionis, non intelligentibus quæ loquuntur.

Fateor, nullam inuoluere repugnantiam, quod Deus, aut Angelus bonus utatur eis, ut instrumentis loquutionis, non intelligentibus, quæ proferuntur: & tunc non est mirum dictorum non recordari. Rursus possunt hæc fieri à dæmonibus, non inhabitantibus, sed assistentibus: quare non est omnino infallibile signum obsidentis dæmonis, id quod Abulensis retulit. Probabile tamen, & certum adiunctis alijs, quæ supra notauimus adiungenda. Idem dico de quinto signo, id est, si flagellis plagati, ac prohibiti ne loquantur, à loquacitate non prohiberi valent: nam etsi non leue argumentum sumitur à dæmone cogi, ut loquatur: ceterum id fieri potest ab ingentibus aliquibus infirmitatibus, ut experientia docuit: & idem effectus potest esse à Deo, vel bono Angelo.

*Postremum*, & meo iudicio indubitatum signum dæmonis obsidentis sumitur ex usu rerum sacrarum, qui



duplex est. Nam quandoq; iubentur dæmoniaci quædam proferre, aut facere, quandoque ab astantibus exorcistis quædam circa ipsos fiunt. *Prioris generis* sunt inuocatio diuini nominis, aut alicuius Sancti; prolatio sacratissimi nominis Iesu; Psalmi, aut alicuius deuotæ orationis recitatio. Si enim hæc facere recusent, non sine causa de dæmonio inhabitare, aut assistente, plus quam suspecti sunt. *Posterioris generis* sunt si concutiantur, tercantur, impatientes fiant, blasphemant adhibitis reliquijs Sanctorum, aut cereis imaginibus, quas Agnus Dei vocamus, aut Cruce fronti impressa, aut aqua lustrali asperso corpore, aut sanctissima Eucharistia adhibita; similiter si in aurem infusurratū fuerit: *Deum, qui te genuit, dereliquisti, & oblitus es Domini creatoris tui.* Denique si exorcismos intentatos vel non ferant, vel impatienter ferant. His & similibus dæmones inhabitantes prodi facile suadebimus aduertenti, harum rerum sacratarum vsum dæmonibus exosum; ac molestum esse. Et præterea non posse fieri, vt Christianus homo exhorrescat vbi hæc adhibentur: aut difficile se præbeat, quando suadetur, aut iubetur, vt proferat verba sacra, Cruce fronte muniat, aut supra se huiusmodi fieri permittat, maximè si inconditos clamores, & vllulatus edat, in insanos, ac furiosos motus prorumpat: isthæc enim, & impatiëntia relata, ad dæmones inhabitantes referenda sunt, nō ad miseros obsessos, quorum hæc non sunt

opera, sed dæmonum eis vt instrumentis passiuè se habentibus abutentium. Passim videmus dæmones obfidentes his prodi signis.

Nihilominus *vnũ*, aut *alterum* de hac re producam exempla: vt recentia antiquis confirmemus. *Primum* sumitur ex Surio *tom. 4. in vita D. Bernardi, lib. 2. cap. 3.* Adducebat pater filium puerum ad sanctum virum, significans grauitè ipsum torqueri quotiescunque vel Ecclesiam ingrederetur, vel aqua consecrata aspergeretur, vel Cruce signaretur, vel Euangelium audire compelleretur, vel diuinis cogeretur adesse Sacramentis. Astabat tunc forte viro sancto Sgerardus, hic volens experiri eius, quod à patre dicebatur, veritatè, occultè obfessum filium in dorso signo Crucis signat. Quid verò? Mox puer infremuit, & latens dæmon proditus est.

*Alterum exemplum* refert Rupertus Turonen. *in vita S. Heriberti Colonienfis Episcopi.* Accidit dæmoniacum quendam per varia Sanctorum loca recuperandæ pristinæ incolumitatis causa circumduci: sed frustra: tandem ad sanctum Heribertum venit: hic eum iubet adesse supplicationi, quæ in palmarum Domini solemni ritu apud Catholicos peragitur: in hac cum Antiphona de Christi triumpho contra diabolum cantatur, dæmoniacus clamare, atque vociferari cœpit. Iubet Antiphonam repeti Antistes; sed repetitam non ferens spiritus obfessum hominem reliquit.

DE PRAXI EXORCISTARUM, circa obsessos à dæmone.

POst ventilatas præcedentes quaestiones decreui methodum, ac normam summarie præscribere, qua vti debeant Exorcistæ, vt munere exorcizandi legitime, ac ritè fugantur. Ea est.

In primis quando vehemens coniectura vrget aliquem, vel aliquos à dæmonibus obsideri: vocandi sunt Sacerdotes, si propè commorètur: aliàs si Sacerdotum non adest copia, Exorcistarum ordine initiati accersendi. Tunc sic vocatus debet simul cū sapientum consilio discernere, an vexati habeant inhabitatem dæmonē: ne irrideatur eum dispendio sui honoris, ac dignitatis Sacerdotalis; exorcizando aliquos, qui potius cerebri, aut cordis infirmitate laborant, quàm dæmonum vexatione.

Caueāt tamē fideles, quibus cura obsessorum incumbit, ne vocent ad adiurandum obsessum, laicum aliquem (si copia adest Exorcistarum) quantumvis se iactet de pellendi dæmonia dexteritate. Cōmuniter enim huiusmodi laici, ex pacto dæmoniaco, dæmonia expellunt: nisi integritas morum, & vitæ sanctitas eos commendat. Talibus enim siue viris, siue foeminis aliquando Deus donat gratiam ejciendi dæmones copiosam: sicut supra retulimus de Tripho. ne pastore anserum, de sanctis Birgitta, Genouepha, Catherina, Anatholia. Quicumq; autem vocetur nō parum conducet meminisse eoru, quæ

dixi disputatione præcedēri, examinando signa, quibus deprehendatur vexatos, à dæmone possideri, an non. Generant namque aliquale suspicionem ferini, & agrestes mores; maximè si nō insint à natiuitate, aut à barbara educatione. Similiter qui in nullo loco censent se esse tutos. Sed hæc coniecturæ, nisi alia adsint signa, ferè nullius momenti sunt: nisi vt Exorcistarum mens excitetur ad perquirenda alia certiora, qualia sunt barbaræ, & inconsumptæ voces, clamores, & vllulatus prorsus belluini, ut gurgus sicut Leonum, mugitus sicut Boum, latratus sicut Canum, & huiusmodi. Vnde ex latratu deprehensi sunt multi obsessi in Alexandria: quorum meminit Sigibertus circa annum Domini 517. sui Chron. Præterea stupor membrorum, & ferè omnium vitalium operationum priuatio, & quædam quasi perpetua somnolentia. Insuper truculentia vultus, & horribilitas, qui interdum à dæmonibus deformatur. Cuius rei speculū satis deforme referebat dæmoniaca quædam, quæ vix naturæ humanæ suppositum apparebat: (ad eò deformata erat eius facies ab exitiali hoste) quæ à Bernardo liberata est, vt legitur in eius vita, lib. 2. c. 4. Nō dissimile signum erit os spumans, & stridor dentium inusitatus.

Præterea non mediocre signū sunt vires, quæ excedere videntur facultatem hominum: maximè in personis aliàs imbecilibus, quæ actualiter vexatæ, facile catenas frangunt,



gunt, vestes facile lacerant, onera ingentia portat: Hæc omnia plus quam suspicionem, aut leuem cōiecturam generant dæmonum inhabitantium: sed non vsque adeò infallibilia sunt, quin à causis naturalibus, aut morboris affectionibus prouenire possint: sicut cruciatus extraordinarij, quos quidam patiuntur: verbi gratia, si conijciant se in ignem, aut aquam, aut ex alto se præcipitent, aut alijs vijs vitam sibi adimere tentent, aut vulnerare præsumant: de quo latius disput. citata.

Quare nec contradico Medicos peritos consulere ac Religioni Christianæ deuotos. Peritos quidem, vt iudicare valeant, an prædicta signa potius sint aliquorum morborum, quàm dæmoniæ habitationis. Deuotos verò Religioni Christianæ: vt non irrideant dæmoniacos insultus; sicut quidam eorum faciunt, putantes deliramenta esse, quæ de dæmoniis dicuntur: omnia adscribentes morboris apparatibus. Modò dumtaxat aduerto; dæmones aliquando latitare in obsessis sine vllis cruciatibus. Sic credunt quidam sapientes, Anabaptistas quosdam hæreticos à dæmone esse obsessos sine vllis cruciatibus. Esse autem obsessos inde cōiectantur, quia quidam eorum postquam reiecta Catholica fide Anabaptistæ fiunt, mox post haustum poculū, aut sumptam buccellam, scitè sacras literas legunt, ac discunt in concione de rebus diuinis, &c. Quidam sacra Biblia memo-

riter tenent. Rursus iidem, omnium quæ sciuerant obliuiscuntur, postquam ad fidem Catholicam redierint. Quæ signa dæmoniacorum esse inferius docebimus. Multo minus erit signum certum absentiae dæmonis rarò cruciatus pati Metaphrastes in vita Partenij septima Februarij narrat, quendam obsessum à dæmonio per multos annos, de dæmonio nil suspicatum fuisse, neque ipsum, neque alios: donec præteriens Sanctus Parthenius se prodidit dæmon inhabitans. Et in vita sancti Germani Fortunatus Episcopus, capite 27. narrat de quadam puella multis annis obfessa; nullam tamen molestiam sustinuerat à spiritu: hoc solum communis hostis efficiebat, ne templum ingressura progredi posset.

Sed ecce certiora signa demonstro: quando scilicet dæmoniacus lingua peregrina loquitur non vnum, aut alterum verbum: nam hoc garrulis euenire solet, sed continuatam orationem: maximè si verba inhonesta, iniuriosa, aut blasphemata, siue impertinentia loquatur. Secundum, si occulta reuelet in proximorum iniuriam, Dei contemptum, aut futiliter sine necessitate. Tertium, si de rebus altissimis differant idiotæ, aut legant, scribant, eantent artificiose, cum non didicerint. Hæc & similia ab inhabitante dæmone fieri certum est. Multo quæ certius si ad tactum reliquiarum, impressionem Crucis, aut rerum sacrarum vsus elament, strideant, horreant, fugiant dæmoniaci. Et ideo à principio

Metaphr.

Fortuna

3

4

cipio debet Exorcista quantum potest cogere dæmonem ad ista signa ostendenda; ligando latenter aliquod sacrum super ipsum, putà reliquias Sanctorum, vel schedulam continentem verba Dei: ad cuius præsentiam, si obsessus huius rei inscius, nouitatem ostenderit, erit signum diabolicæ præsentia.

Sed aduerte, propter detractores huius artis: dæmones obsidentes corpora humana, rarissime loquuntur Latina, aut peregrina alia lingua; ne scilicet credantur ibi adesse: & etiam, quia vtuntur naturalibus instrumentis illorum, qui ab eis vexantur; & idè dæmon obsidens idiotam, non facile respondet Latine: nec obsidens Hispanum facile respondet Gallicè: quia lingua ad vnum idioma habituatà, est illi obedientior, & ad motus illi placentes disposita.

Igitur præcedente diligenti cõsultatione prædicta: si exploratum fuerit, aut verò probabile, hominem à dæmone obsideri: accingatur Exorcista ad dæmonem, vel dæmones eiciendos: opus sanè arduum omnium opinione, & consensu. Hinc Apostoli admirabundi: *Domine* (inquiunt) *etiam dæmonia subiiciuntur nobis*: & ad Apostolos Dominus: *Ecce dedi vobis* (non donum vulgare, aut futile, sed) *potestatem calcandi super serpentes, & scorpiones, & super omnem potestatem inimici.* & propter eiectionem dæmonum solo verbo: plerique Iudæorum opinati sunt eum esse Messiam. Et Luc. 9. in hanc vocem proruperunt: Nun-

*quid hic est filius Dauid?*

Exorcistæ igitur ad dæmones abigendos multis ornari, multis armari debent ad potentissimos hostes profligandos. Et in primis, conscientiam mundando peccatorum confessione: hanc enim vt suis conatibus contrariam dæmones valdè oderunt. Ieiunia assumenda hortatu Christi Domini ad Apostolos dicentis: *Hoc genus dæmoniorum non eiicitur, nisi oratione, & ieiunio.* Vbi etiam habes orationes feruidas esse fundendas pro incolumitate obsessorum, pro obtinenda victoria contra principes tenebrarum, pro impetranda gratia eiectionis dæmonum, pro fidei dono (quod est gratia gratis data) consequendo. Ita legimus aliquos Sanctos victoriam contra dæmones obsidentes obtinuisse. Nicetius Lugdunensis Archidiaconus vocatus ex Gallijs Romam, vt Leonis Romani Imperatoris filiam ab obsidè dæmone liberaret, noluit hoc opus aggredi, nisi post continuatum cum vigilijs, & orationibus triduanum ieiunium. Et quarta die per inuocationem diuini nominis, & Crucis vexillum spiritum immundum fœliciter à corpore puellæ depulit. Ita. Gregor. Turon. *Turonen. de gloria Confess. c. 63.*

Exorcistæ itidem magnam fidem debent habere, non solum quod Deus potens est dæmonia profligare, verù medianre eorum ministerio: insuper spem, ac fiduciã, id opus arduum efficiendi, non quidem innixã suis meritis, ac viribus: sed Dei po-

Y

tentia,



rentia, ac bonitate. Cui spei, ac fiducia annexa erit profunda humilitas: cui acquirendæ multum proderit, si Exorcistæ secum reputent (quod verissimū est) in abigendis dæmonibus se habere vt mera instrumēta Dei; & per consequēs nil posse sine eius auxilio. Quinimò non vt instrumenta infallibiliter operatione expulsiōnem præfatam dæmoniorum: sed tantum quādo Deus voluerit ijs vtitur autem quandoque, & quandoque nōn.

Hinc sequitur Exorcistas nō debere in eiectione dæmonum quærere laudari ab hominibus, sed dumtaxat Dei gloriam, & incolumitatem miserorum: ne perdant meritum, & incurrant peccatum, propter quod opus infelicitè succedat, & ipsi pœna graui plectantur. Sicut de quodam Exorcista narrat D. Gregor. lib. 1. Dialog. c. 10. qui ob sibi arrogatam virtutem eiiciendi dæmonia, à dæmonio ipse possessus est. Insuper, quia dæmones humiles ferre non valent: vt constat ex exemplo superius allato de sancto Paulo simplici, cuius humilitate confusus dæmon discessit clamans se simplicitate, & humilitate Pauli coactum fugere.

His instructi armis, & præcipuè flagranti Dei amore, impauidi opus hoc arduum aggrediantur: quia timidos dæmonia non formidant. Pro fœlici tamen in ceptione, progressu, ac successu, aliquot aduertentias exorcistis ob oculos ponere decreui, vt ritè ac legitimè suo fungan-

tur munere, & ad optatum perueniant effectum.

*Prima aduertentia pro exorcistis.*

**M**onēdus est obsessus, si rationis est compos, vt ex omologesi peccatorum purget suam conscientiam. Bono animo, ac fiducia sit, euadendi truce inimicum, orationi incumbat, ieiunio vacet, (nisi debilitatus sit) & pietatem exerceat: ac denique ipsum debet instruere, vt se subijciat Deo, qui faciat quod ei magis gratum fuerit siue sanando, siue affligendo. Quod si quis quærat: an diuinissima Eucharistia sit ei porrigenda?

Quidam negant, dicentes, vexatos à dæmonibus non posse liberari, si communicetur existente super eos dæmone. Vulgaris assertio, ac impia, & sine vllō fundamento. Melius D. Thom in 4. dist. 9. ar. 5. quæstionc. 2. ait communionem esse denegandā dæmoniacis, nisi certum sit pro aliquo crimine à diabolo torqueri. Cui Petrus de Palude sic addit, *in hoc casu pro excommunicatis sunt habendi, qui traditi sunt Sathana.*

Hinc infero, quod si qui possidentur à dæmone propter sua crimina, dumodo habeant lucida intervalla, & vsu rationis, & postea contendantur de peccatis suis, ac debitè cōfiteantur: nullatenus sunt repellendi à sacra communione Eucharistiæ: quinimò vt salutare remedium crebè adiungendum, vt admonuit Cassianus collatione 7. cap. 30. his verbis: *Communione sacrosanctam, nequ-*

Gregor.

D. Thom

Palude

Cassian

nequitia spiritibus traditam senioribus nostris nunquam meminimus interdictam. Quinimò etiam si possibile esset, quotidie impartiri eam debere, censebant: quæ ad purgationem, tutelamque corporis, & animæ peruenire credenda est. Et quæ ab homine percepta, eum, qui in membris eius insidet, spiritum, seu in ipsis latitare conatur quodam exurens fugat incendio. Hoc namque modo curatum Abbatem Andronicum nuper aspeximus. Insultabit offenso: cum eum à cœlesti medicina viderit segregatum. Tanto enim durius, & frequentius attentabit affigere: quātum eum ab spiritali remedio senserit longius abdicatum.

Bern. Hæc Cassianus. Et Diuus Bernardus hac medicina plures curauit arreptitios. A muliere Mediolanensi profligauit dæmonem, adiungens hanc orationem: Adest inique spiritus (inquit) summa potestas, in eius virtute tibi præcipio, vt ab hac eius ancilla egrediaris. Ita Boneuallensis in vita D. Bernardi lib. 2. capite 3 vel 4. Et Prosper Aquitanicus lib. 6. de Sacerdotibus eodem remedio liberatam fœminam docet. Et Brenderbachus lib. 9. collatio. capite 22. de quadam puella idem ostendit.

Secunda aduertentia.

6 Sacerdos, aut Exorcista in eius absentia indutus sacris vestibus suo ordini conuenientibus, aut superpellicio, & stola accedat adiuturus dæmonem, vtaturque exorcismis, qui sunt in vsu Ecclesiæ Romanæ, aut alijs Ecclesijs à pastoribus sapientibus gubernatis: deuitans

aliàs exorcizandi formulas, in quibus multi abusus, multæ interdum superstitiones irrepserunt. Caueatque Exorcista, ne immisceat verba ignota: nam hæc solent Magi adiungere sanctis verbis, & docere tantum suos discipulos, & secretò insurrare in aures dæmoniacorum. Hæc omnia cauenda sunt: quia vehementem generant suspicionem pacti dæmoniaci: & iam pridem ea damnauit sanctus Chrysostomus. Chrysost.

Non autem scandalicetur quispian, si audiat proferre exorcista quædam verba, quæ auditori sunt ignota: quia interdum sunt nomina sancta Dei, aut Christi: quorum multa recenset Diuus Hieronymus Hierony. in epistol. ad Marcellam, tom. 3. quare Ghirlan. immeritò scandalizatur Paul. Ghirlan. tractatu de sortilegijs reiiciens, 3. n. 23. vt superstitiosa ista nomina: Agios, Otheos, Xsquiros, Athanathos. Et ait, quod sæpius illa abstulit è manibus maleficorum, & dicit ea significare, Deus Acharon, Deus immortalis: & clarum est (inquit ipse) quod hoc nomen Acharon est nomen Sathana, siue Beelzebub.

Fallitur Ghirla, aliàs doctus, & pius, nec eius expositio vera est, nec vsus horum verborum supersticiosus. Quod clarum est consideranti Ecclesiâ Catholicâ his verbis vt in die Parasceues ad implorandam Dei misericordiam. Consultius putarem ab omni vocabulo peregrinæ linguæ, vt Hebraicæ, vel Græcæ abstinendū, nisi sit



in usu frequenti fidelium, ut Kirieleyson, & similibus: tum propter scandalum multorum ignorantium significationem eorum verborum: tum, quia vix Exorcista poterit ea verba cum perfecto stridore sonare, & facile erit in barbara verba declinare. Certè quodcumq; Dei nomen, quæcumq; preces, quivis adiurandi modus in lingua Latina, aut vulgari, nō minoris efficaciz est aduersus dæmones, quàm verba Hebraica, Chaldaea, aut Græca: quare ab ijs abstinendum propter rationes allatas.

*Tertia aduertentia.*

7 **N**ON solum exorcismi adhiberi solent, & debent: verum & alia media, quæ superius diximus valdè conducere ad dæmones fugandos: puta Sanctorum reliquiarum, Crux, aqua benedicta, cereæ imagines (quas Agnus Dei vocamus) aliquot amullera, id est schedulæ, continèntia nomina, & verba sancta, absque vlla admixtione superstitionis.

Circa quæ, maximè circa applicationem reliquiarum, sit cautus Exorcista: quia interdum dæmones simulat se timere ea, quæ non sunt veræ reliquiarum, ut imminuant fidem verarum reliquiarum, & aliorum mediorum ab Ecclesia vsitatorum. Quare debet ad statibus propalare has astutias: similiter docere non esse necessarium, ut semper istis medijs fugantur dæmones: sed quādo Deo benè visum fuerit: iuxta ea, quæ docui in primo membrum huius tractatus agens de efficacia horum mediorum.

*Quarta aduertentia.*

**D**ÆMONIACORUM quidam ante ingressum dæmoniorum laborant quibusdam morbis melancholicis, aut quibusdam mania speciebus: verbi gratia, morbo caduco, lupina insania, & huiusmodi. Dæmones autem, qui huiusmodi insidiantur, ut paratioribus ad desperationem, & insaniam, tales occupant, & mediantibus illis morbis torquent, ac vexant. Alij sunt, quos morbo succis, aut qualitatibus, suo ingressu afficiunt, ac eisdem miseros arreptitios affligunt. Tertij sunt, quos per solum morum localem constrictionis, aut dilationis membrorum plus nimio affligunt.

Omnes hi ingenti mœstitia perfunduntur: maxime duopriores: & ideo vtile censeo sine scrupulo superstitionis (ut quidam nimis timidi censent) vti quibusdam naturalibus remedijs ex præscripto Medicorum contrarijs melancholicis morbis, aut affectionibus: non quia hæc habeant vim pellendi dæmonia, ut docui disputatione vltima primi membri: sed quia dum aduersantur melancholicis morbis, aut mœstitiæ conceptæ ex afflictione dæmonum, alleuiant magna ex parte à cruciatibus miseros obfesos, faciuntque leuius ferre, & aliquando ut dæmones inhabitantes spontè recedant propter ingratam habitationem: sunt enim sibi grati melancholici, mœsti, ac desperati homines.

Quapropter consulere ego non solum

solum hos vti pharmacis destinatis contra eos morbos, quos patiuntur, verum & gestare lapides pretiosos, herbas, radices, & huiusmodi: quæ iudicio Medicorum melancholiam sanant, aut mitescere faciunt, aut lætitiā conciliant, vt superius docui ex Diuo Hieronymo. Insuper adesse musicæ festiuæ, & hilari, exemplo Saulis, qui audita cythara Dauidica leuius ferebat dæmonis molestias: modo musica sit honesta, læta, aut de rebus diuinis, aut indifferentibus. Nam cantilenæ, aut saltationes obscenæ, inhonestæ, aut leuitate plenæ, potius retinent dæmonia, quàm eijciant.

9 Et propter eandem causam quidam non inutile iudicant balneis vti: quia (vt aiunt periti Medici) melancholici morbi (quales plerunque sunt, quos dæmon arreptitijs conciliat) nullo auxilio magis quam balneis curari solent. Nec superstitionum censuerim id, quod ab Hippocrate, libro de morbo sacro notatum est, à cibis quibusdam abstinendum, velut ex marinis, à Mulio, & Melanro, Mugilique, ac Anguilla. Ex carnibus vero; à caprina, ceruina, suilla, ac canina. Ex volucribus à gallo, turture, ac otide. Ex oleribus à menta, allio & cepa. Nec in caprina pelle decumbendum, neque eandem gestare oportere. Omnes hi cibi ob crassitiem, aut melancholicum substantiæ modum, aut acrimoniam, noxi sunt melancholicis. Nigro indui pallio, aut pelle caprina similiter. Abstinencia ergo

à prædictis medetur affectionibus melancholicis, quibus dæmoniāci abundant: & ob id aliquo modo alleuiant obfessorum molestias: quare vtile erit ab eis canere.

Demum aduertendum est valde pium ac vtile esse, omnia, quæ mandenda, aut bibenda sunt à dæmoniācis, benedicere, non solum vulgari benedictione quam ante cibum, & potum quique morigerati fideles solent præmittere: sed etiam benedictionibus specialibus in Sacerdotali compositis pro quacunque re peculiari-ter benedicenda. Præcipue autem benedicenda, & exorcizanda est aqua bibenda: quam efficacem ad dæmones fugandos celebravit antiquitas, vt superius docui, & experientia compertum est. Diuus Bernardus aquam benedictam bibendam dedit puero obsesso, per triennium bibit, & liberatus est. Idem de alio dæmoniāco narrat Surius in historia inuentiois sancti Celsi, cap. 11. tom. 7. & de sancto Laurentio Dublinensi, p̄culo aquæ benedictæ alium sanasse refert tom. 6. in eius vita.

Quinta aduertentia.

10 Vidam exorcistæ solent dæmoniācis applicare quædam grauelolentia: vt eorum suffitibus dæmones inhabitantes torqueantur: v. g. suffirum cornu, aut stercoreis caprini, rutæ, & similia. Nec laudo, nec reprobō, fortè consuetudo toleranda est: vel quia hi suffitus (licet à dæmonibus, qui olfatus expertes sunt non percipiuntur, vt afflictui) tamen



quibusdam manie speciebus mederi solent; ac proinde dæmoniacos quodam modo à melancholia alleviari, iuxta dicta in præcedenti aduertentia.

Vel ut alij existimant, quia dæmones, utpotè superbissimi, hæc in sui contemptum exercita, ægrè ferunt. Levis coniectura, leue remedium, quia alia medicamina contra atram bilem suauiora, & efficaciora, & licet superbissimus hostis sit: scit ista irridere. Quare si volueris hoc remedio uti: cautus esto, & temperatè utere: ne dum putas dæmonem torquere: miseris oblectis novas torturas adaugeas.

*Sexta aduertentia.*

II **V**ersabitur circa verba, quibus Exorcista debet dæmonem impetere: caueatque ne cum eo alios sermones misceat, nisi quos iudicauerit necessarios ad dæmonis eiectionem. Quæcunque alia confabulatione cum exitiali Dei hoste illicita est, & periculosa, & ad minus veniale peccatum.

Poterit ex parte Christi interrogare potestatinè, ut dicat, Vtrum sint multi, vel pauci obsidentes, nomen eius, & sociorum. Exemplo Christi Domini Matth. 9. interrogantis dæmonem: *Quod est tibi nomen?* Ad eius imitationem Theodorus Archimandrita (teste Georgio presbytero in eius vita) præcepit dæmoni, qui viginti & 8. annis puellâ quandâ miris, & occultis modis torserat, ut se proderet. Licet interrogare causam ingressus:

ut hac (si tolli potest) remota, minor sit spirituum in homines potestas, faciliusque pelli possint. An ibi dæmon, vel dæmones sint ligati aliquo pacto, vel maleficio, & quomodo illud possit destrui. Quis eorum sit princeps in illo corpore. Si talis persona sit verè vexata, & à quo tempore Per quâ personam sint expellendi. Qui sunt sibi magis inimici in cælo. Licet etiâ signum discessus sui postulare: ut de obtenta victoria constet, & similia. Denique omnia, quæ viderit expedire ad eorum expulsionem. Non tamen erit licitum à dæmone interrogare aliquam veritatem, neque de rebus naturalibus: verbi gratia, virtutem talis herbe, aut lapidis pretiosi, solutionem diabietatis Physicæ, aut Medicinæ, aut Astrologiæ: neque de rebus diuinis, aut supernaturalibus. neque licet interrogare de furtis, adulterijs, & alijs occultis: talium interrogatio periculosa & illicita est, pertinens ad societatem dæmoniacam.

*Septima aduertentia.*

12 **V**ltra præcepta, quæ in exorcismis à Romana Ecclesia in sacerdotali exarata sunt ad imperandum dæmonibus, ut à corporibus hominum egrediantur. Pauca superaddenda erunt, ne Exorcista ultra modum suæ potestatis extendatur. Quapropter, quia quandoque dæmoniacus non sustinet, aut non vult audire exorcismos, vel quando multis exorcismis vexatus dæmon non vult recedere: præsumitur alios dæmones forinsecus aduenire in adiutorium ob-

*fiden-*

ſidentis, vel obſidentium: licitum erit in virtute à Chriſto tradita, adiuuantes non minus quam adiuuatos adiurare: præcipiendo ne vllum auxilium, vel fauorem obſidentibus impertiantur. Licitum etiam erit, iubere & indicare ſilentium: maximè quando garriunt in aſtantium, vel aliorum iniuriam. Imò etiam ſi loquantur veritates certiffimas, non ſunt audiendi Exemplo Saluatoris, Marci primo, & Lucæ quarto. Vbi dicitur dæmonem per os obſeſſi clamaſſe, *Scio quod ſis Sanctus Dei*. Cui Dominus: *Obmuteſce, & exi ab homine*. Ex quibus verbis documentum ſalubre nobis datur nunquam audiendi dæmonem etiam vera dicentem: quia ſi paratos, & auidos videat auditores: veris falſa intermiſcebit.

Quapropter illi Exorciftæ, qui cum dæmonibus coram multis adſtantibus prætexunt varias, & prolixas confabulationes, ſine vrgenti neceſſitate; non abs re pacti dæmoniacci ſuſpecti ſunt. Et quandoque poſt multos cum dæmone ſermones, ad ſuum tribunal tali die, & hora iubent venire. Et in ſignum futuræ aſſiſtentiz aliquod ſenſibile ſignum edere. Quid inde adſtantes, percupidi audire, & videre aliquid noui: hora, & die ſtatutis accurrunt audituri. Quod valde cupit dæmon: habere, ſcilicet auditores, quibus ſi non prima vice, alijs ſaltem perſuadet aliquod mendacium velo veritatis occultatum.

Quinimo aliquando dæmon di-

cit, ſe eſſe animam alicuius defuncti implorantem auxilium Miſſarum, orationum, & huiusmodi: vt decipiat vulgus rude, & ſimplices Chriſtianos: non eſt audiendus, neque illi adhibenda fides; quia vt ſuperius docui in diſputatione prima ſecundi membri, animæ hominum non poſſunt intrare hominum viuorum corpora, vt veſent: dæmon eſt, qui loquitur, & ſuadet opera pia; vt ſub virtutis prætextu ſimplices decipiat varijs, & miris modis, quos ignoramus.

Mirabile exemplum de hac re narrat Ioannes Iacobus Wekeius in *Vrikeius*. hunc modum; Monachus quidam Abbatia Knechteſtein integer, & ſimplex agitabatur multis modis circa annum Domini 1550. à quodam ſpiritu: nam interdum rehebatur ſub tectum; interdum ſupra campanile, plerumque transferabatur per murum: quandoque proiciebatur in piſcinam. Tandem cauſam tam diutina vexationis explicuit ſpiritus nequam dicens; ſe eſſe Abbatem Matthiam ante multos annos mortuum, & ſepultum, & ob id torqueri, quod ſuſpenſam D. Virginis effigiem exquiſitè depingi curauerit; nec fuiſſe ſatisfactum piſtoris laboribus, & impenſis, qui inde iacturam ſenſerit, ac ſibi ipſi vim fecerit. Totà hac narratio vera fuit. Subiungebat ſpiritus ille hoc delictum non poſſe expiari, nec ſe vlla ratione liberari, niſi Monachus ille qui torquebatur, peregrinationem ſuſciperet ad quadam templum deuota, quæ ipſe designabat, atque ibi tres Miſſæ de Trinitate ſcilicet, de Beata Virgine, & de tempore recitarentur. Conſulti ſunt Theo-



Theologi Colonienses, & annuerunt. Insuper & Monachi magnis clamoribus postulabant ab Abbate, qui tunc non præerat Monasterio, non bis, aut semel, sed pluries. Ipse vero Abbas vir acriori ingenio, ac maiori doctrina imbutus quam ceteri, noluit acquiescere petitionibus: sed potius ubi dæmonem perseuerare, nec Monachum illius illusionibus satis fidenter resistere animadvertit: ipsum dæmonum hortatus est, ne pronas offerret aures Sathanae, quod si offerret minitatus est se illum flagris in publico capitulo seuerissimo casurum. Quapropter spiritus nequam videns suos irritos conatus ob Abbatis constantiam, & animum Monachi magis erectum fiducia in Deum aduersus fraudulenta dæmonis studia, recessit. Idem apud Cæsarium legitur dæmonem quendam familiarem (ut vocant) à quodam milite clientulo suo pro mercede pepigisse quinque solidos, & iussisse ex illis pauperi cuidam Ecclesie campanam emi; qua diebus Dominicis fideles ad Missam conuocarentur: haud dubie latebat fraudis aliquid, & spes lucri maioris: quod nescimus; scimus autem spiritum nequam, nil nisi peruerso fine peragere: quapropter nullum etiam bonum opus eorum, quæ suadet facienda, operi mandanda sunt: nec Religiosus Exorcista patietur dæmonem per obsessi verba aliquot, nisi ad legitima interrogata respondendo effutire.

Cæsarius.

14

Similiter non licebit Exorcistis præcipere Lucifero, & potestatibus infernalibus, ut dæmones obsidentes contumaces, & Exorcistis inobedientes educant cum tota sua so-

cietate à corpore obsessorum, eosque excrucient in inferno. Hoc dictum est contra fratrem Hieronymum Mengum Vitelianensem in opusculo vocato *flagellum dæmonum documento*. Sed probatur nostrum assertum; quia non licet uti opera dæmoniorum etiam ad vitanda mala: ergo neque opera Luciferi ad expellendum obsidentem dæmonem. Confirmatur. Quia modus iste eiiciendi dæmonia per aliorum dæmoniorum inuocationem, aut iussionem, proprius est Magorum, & Incantatorum: ergo pius Exorcista neutiquam debet illum exercere.

Mengum.

Præterea aduertendum. In quibusdam exorcismis video formulam præcipiendi dæmonibus hæc, & illa, sub pœna excommunicationis maioris latæ sententiæ, & sub pœna immersionis in stagnum ignis per annos mille. Modus iste displicet: nam prior pœna excommunicationis dæmonibus non quadrat: cum enim ipsi non sint participes communionis Ecclesie, neque in pœnam possunt ea priuari; hoc enim est excommunicatio: tum etiam, quia excommunicare ad clauces pertinet, quæ erga dæmones non se extendunt, sicut neque ad animas à corporibus separatas. Secunda vero pœna de immersione in stagnum ignis, & sulphuris per annos mille: verba sunt deprompta ex cap. 20. Apocal. ubi sic dicitur: Et vidi Angelum descendens de celo habentem clauem abyssi, & catenam magnam in manu sua. Et apprehendit draconem serpente

Apoc.

anti-

antiquum, qui vocatur Diabolus, & Sathanas, & ligauit eum per annos mille: & circa finem capitis: Infernus, & mors missi sunt in stagnum ignis. Quæ verba intelligenda sunt de Christo mittente in abyssum principem dæmoniorum, vt ex Gregorio, & Augustino interpretatur Franciscus à Ribera super eum locum. Sed inde non colligitur, Exorcistas eam habere potestatem erga dæmones obsidentes. Fortasse poterunt relegare in desertum sicut Tobie 8 narratur de dæmone Asmodæo ligato ab Angelo Raphaelè in deserto Ægypti: similiter & eijcere extra Regionem. Sed includere in abyssum pertinuit ad Christum propter potestatem excellentiæ, quæ data est ei in cælo & in terra. Hi autem Exorcistæ, qui ex simplicitate, aut quia ita à maioribus didicerunt, hac forma excommunicandi vtuntur, excusandi sunt, ac interpretandi.

Cum enim inter Ecclesiasticas pœnas omnium maxima sit excommunicatio, & Ecclesia in dæmones tanquam in contumaces hostes ius à Deo habeat: quando eos excommunicant Exorcistæ, summam illis pœnam comminantur, & illis summè exosam, nempe relegationem in abyssum, vel extra regionem, vel quid simile: de quo supra. Videatur liber secundus vite D. Bernard. c. 6. sed tamen melius est à nomine excommunicationis abstinere propter sapientes, qui non vocant talem relegationem, excommunicationem, neque ita vocari debet.

Octaua aduertentia.

Modus adiurandi & imperandi dæmonibus, vel eos interrogando, debet esse vehemens, durus, & nullatenus amicus. Tum, quia superbissimus hostis vix potest ferre ab hominibus tam imperiose tractari: tum quia in hoc sequemur exemplum Christi, Domini Apostolorum, & aliorum Sanctorum. De Christo dicitur Matt. 7. Et increpauit illum (dæmonem) Iesus. Et Marc. 9. comminatus est spiritui immundo dicens: Surde & mute spiritus ego precipio tibi vt ex eas ab eo. Et de Apostolis, præsertim de D. Paulo, Actuum 16. legitur, quod adiurans spiritum nequam dixerit: Precipio tibi in nomine Iesu exire ab eo. Et de sancto Laurentio Iustiniano Venetorum Patriarcha refert Bernardus Iustinianus in eius vita, quod dæmonem spumantem ore, & dentibus frementem durius increpauerit, & quasi probum obiecerit, quod infirmam mulierem fuerit ingressus. Et ratio ad idem suffragatur: quia ad exitiales humani generis hostes, quomodo debet esse mitis, ac amicabilis sermo?

Fortasse ex his inferunt quidam, dæmones ab Exorcistis esse impetendos conuijs, ac maledictis, tanquā Christi, & hominum hostes; non abnuo: quia hæc in sui dedecus & opprobrium exercita, ægrè fert dæmon, & fortasse his irritatus aliud sibi gratius quæret domicilium. Vnum non concesserim contra quosdam asserentes dæmonibus esse impo-

Z

nen-

16

Matt. 7.

Marc. 9.

Act. 16.

Bernard.

Iustinia.

17



nenda nomina irrisiva, ut si vnus vocetur stabularius, alter pistior Beelzebub, alius coquus Acherontis, & similia epitheta, ut confusi discedant. Credo tamen his ludicris epithetis, potius detineri dæmones, quam expelli: quia his auditis adstantes in risum conuertuntur, & spectaculum lachrymis dignum, & ad compunctionem, & orationem prouocatum, fit occasio iocorum, ac cachinnorum, quod valde amant dæmones & non solet fœliciter cedere Exorcistis his facetijs, ut narrat Ioannes

Nider.

Nider in *formicario* cap. 11. Nec vnquã legimus his epithetis facetosis Sanctos in expulsionem dæmonum esse vsos. Verbis durioribus sed grauib, eos increparunt. Sanctus Bernardus appellabat Bestiam cruentam, alij draconem, serpentem, furem. Prudentius Poeta Christianus sic:

*Intonat Antistes Domini: fuge callide serpens  
Exue te membris, & spiras solue latentes,  
Mancipium Christi, fur corruptissime,  
vexas.*

Prudent.

Facit etiam pro hoc, quod refert Athanasius de D. Antonio increpante dæmones. Alij insuturrant auribus dæmoniacorum illud ex cantico Moysis: Deum, qui te genuit dereliquisti, & oblitus es Domini creatoris tui.

Nona aduertentia.

18

**I**N hoc opere arduo pellendi dæmones non debet Exorcista suis confidere viribus, aut sapientia: quia eiectio dæmonum, opus est mirabile, soli Deo ut causæ principali adscribendū: exorcizanti vero ut mero in-

strumēto, quo vtitur Deus quando & quomodo vult, non enim est volētis, neq; eurrētis, sed Dei quādo vult miserentis. Aliquando autem non vult ministerio huius Exorcistæ id perficere, sed alterius, qui ob id non debet de se præsumere, iuxta illud: *Numquid gloriabitur securis contra secantem se?* Huiusmodi autem inanē præsumptionem, & media extraordinaria ex ea emanantia, solet Deus punire; ut videre licet in *formicario* Ioannis Nider c. 11. Ex dictis tamen non inferas me asserere, omnibus æqualem suppetere gratiam eiiciendi dæmonia: licet enim omnibus Exorcistis equalis in sua ordinatione collata sit potestas abigendi dæmones per adiurationē: quia tamen vsus huius potestatis consistit in Dei motione voluntaria ac libera largientis sicut vult & quando vult, aliquibus frequentius eam confert quam alijs, vel quia melius se disponunt ad eam recipiendam, vel propter secreta iudicia suæ prouidentia, de quo *superius* disputatione 4. primi membri.

Nider.

Quare non reprehenderim eos, qui agnoscentes se hoc diuino munere magis donari, quam alios, frequentius officium exorcizandi exercent: nec eos qui auidius obsessos adiurandos eis committunt. Hoc dixerim contra Petrum Ciruelo Canonici Salmantini in opusculo *contra superstitiones* p. 3. cap. 8. vbi oppositum huius conatur persuadere.

Ciruelo.

Deci.

*Decima aduertentia.*

<sup>19</sup> **E**Xorcista debet habere patientiā, & perseverantiam non mediocrem in coniuratione, ne scilicet desperet de victoria obtinenda, quamvis videat daemones reluctari & nolle egredi, caueatque ne daemon agnoscat in eo aliquot signa diffidentiae felicitis euentus: quia superbissimus hostis insolescet, & nitetur obnixè non ingredi ab obsesso. Sæpe adiurandus est daemon per singulos fere dies, & qualibet vice moleste nimis per quatuor, aut quinque horas: exemplo Sanctorum, quibus contigit insudare per multos dies, ac menses in vnus obsessi liberatione.

Pro cuius aduertentiae ampliori intelligentia notandum, præcepta adiurantium aduersus daemones nullam habere coactiuam vim, nisi quam Deus his præceptis largitur: & quamvis Deus possit Exorcizanti communicare vim, vt statim ad eius præceptum daemon eijceretur, non semper talem vim communicat: sed interdum finit daemonem in sua libertate, an velit obedire, nec ne: sicut & homines quibus Deus aliqua præcipit. Sed ramen sicut hominibus adhibet stimulos, vt velint obedire per prædicatores, aduersitates, & huiusmodi: ita etiam spiritibus nequam stimulos addit, quibus vrgeantur obedire Exorcistæ nomine Dei præcipienti egressum: stimuli sunt, aqua benedicta, effigies Crucis, reliquæ adhibitæ: stimuli etiam sunt, ex-

orcismi, quibus affliguntur, interdum gradatim ac paulatim, sicut igne infernali posset fieri, & sicut posset homo torqueri vt cederet loco. Sed aliqui daemonum sunt duriores, & ad sustinendas afflictiones fortiores: qui adhuc perseverant illis inflictis torturis. Si ramen finaliter non cedunt: vim coactiuam Deus exorcismis largitur, quando iudicat expedire; quā posset dare in principio si vellet, nec posset damo resistere ei: quare instanter & importunè debet perseverare Exorcista, exorcismos iterum atque iterum, imo sæpe iterando, & orando Deum, vt vim suam eiectionem illi impertiatur ad hostes exitiales proligandos. Quod si post magnam perseverantiam adiurationes non fortiantur optatum effectum, patientiam habeat, & det laudem Deo: qui sicut dedit Sacerdotibus ac fidelibus potestatem daemones adiurandi, interdum nostros exorcismos non vult habere felicem euentum, nec in egressu obsidentis daemonis, nec in manifestatione sui nominis, aut alijs, quæ illis præcipiuntur: hocque facit propter multas causas, quas ad longum enumeravi supra: & modo summam dico, propter paruitatem fidei circumstantium, aut ipsum obsessum offerentium, vel propter peccata vexatorum, aut propter negligentiam, aut aliquod vitium in fide ipsorum Exorcizantium, aut propter purgationem, aut meritum patientium vexationem; quos esse viros iustos interdum contingit à Deo afflictos



illo ingenti malo pœnæ: à quo Deus nos liberet: demum propter Dei iudicia hominibus ignota.

Quapropter qui prædictis licitis remedijs liberari non valent, ad patientiam, & tolerantiam commonedi sunt in remissionem suorum peccatorum, & ne ad illicita remedia contra Dei voluntatem recurrant: ne eis deteriora contingant, non solum in anima, verum & in corpore: sicut sæpe contingere consuevit his, qui videntes licita remedia non profuisse, ad illicita recurrunt.

*Vndecima aduertentia.*

20

**V**ersabitur in explanandis astutijs, quibus conantur dæmones obsidentes Exorcistas decipere: de quibus agitur in *Sacerdotali* c. 8.

Quærit dæmon sæpe quantum potest latere, & à loquutione vel tremore continere: interdum neprehendatur in homine adesse, interdum ut videatur fortis & impavidus stare ante Exorcistam, ut sic desperet de victoria contra illum. Si vero cogitur virtute diuinorum verborum tremere: caueat Exorcista ne loquatur dæmon interius ad mentem obsessi: quod si interius loqui cogitur: caueat ne ipse per os loquatur obsessi: & ideo Exorcista arreptitium moneat sibi dicere quidquid interius dixerit versipellis: ipsum verò frequenter adiuret ut ad interrogata respondeat.

Vbi verò dæmon fuerit coactus exterius loqui: quærit quantum potest auertere mentem obsessi à ver-

bis, quæ leguntur, & similiter mentem suam. Quærit quoque attentionem Exorcistæ perturbare per verba scurrilia, per gemitus, per clamores, vel excitando adstantes ad risum, & similia. Et ideo Exorcista cognita malitia, conetur ad oppositum, & semper imperet hosti virtute Dei, ut desistat ab hoc, vel illo, &c. Nonnumquam etiam, cum mulier quæ adiuratur fuerit iuuenula, fingit se ægre ferre Sacerdotem tangere vultum eius; cum tamen cupiat, ut vehementius tangat, & inde fœminæ accrescant libidinosæ cogitationes: & obidem fingit se ægre ferre Exorcistam, dum loquitur, nimis appropinquare ori: intendit autem astutus hostis, ut vultum vultui magis appropinquet: & ideo Exorcista oculis, & manibus, & omnibus motibus exhibeat se pudicum, & cautum, non solum propter se ipsum, sed etiam propter offensam, & adstantes.

Solent etiam subtrahere se ab ore obsessi, in quo loquebantur, & abscondere in corde, vel alijs partibus: Sacerdos autem conetur spiritum retinere: ad quod valde conducunt ista verba: *Ecce Crucem Domini, fugite partes aduersæ*: cum signo Crucis super frontem, vel caput obsessi; & ille Psalmus; *Vsquequo Domine obliuisceris me in finem*: & similiter debet præcipere potestatiuè, ut hæc & illa faciat, ac respondeat.

Præterea debet iubere Exorcista exitum omnium dæmoniorum, & ne introducant expullos, sed tota acies dam;

damnata exeat nunquam reditura. Postquam verò exiuerint ( vt Christus Dominus in Euangelio dixit ) quærunt denuo intrare, & varijs modis tentant liberatum, etiam de minimis, maximè circa honestatē: quia interdum etiam pro venialibus reingrediuntur. Et idēd persona liberata vigilet, incumbatque orationibus per multos menses, & frequentissimè communicet, saltem omni die festo: & si est persona coniugata socium ad continentiam quantum potest per aliquod tēpus inducat: quod si nequit persuadere, saltem ipsa non sit libidinis causa: aliàs fortasse denuo fatigabitur.

Solent etiā dæmones post egressionem ( quantum valent ) persuadere personam liberatam nō fuisse obsessam: ob id videlicet vt sit Deo ingrata, & iterum à dæmone possideatur. Solent etiam egressi quantum possunt persuadere ne credantur egressi propter rationem factam, nec illis difficilis est suasio per aliquot effectus, quos relinquunt, aut imprimunt corpori. Sed contra hos Sacerdos lecturus exorcismos præcipiat eis in virtute Dei ne ostendant se obsessores esse, si non sunt: & liberatum moneat pro virili ad credendum se liberatum, & Deo gratias reddendas. In coniuratione autem, vbi senserit serpentem sub manu consecratā cōtremiscere: mandet obsesso, vt quæcunque spiritus sibi dixerit manifestet, & vbi spiritus cœperit loqui in obsesso, incipiat illum iterum adiu-

rare de supradictis, interrogando vt videbitur necessarium.

Postquam autem Exorcista habuerit à dæmonio omnem confessionem expetitam, semper adiuret illū vt exeat; & post singulas adiurationes debet interrogare, an velit exire. Quando verò dæmon dicat, se velle exire: debet Sacerdos præcipere, vt nullū ex socijs in obsessio relinquat, neque amplius ad illum reuertatur, & super hoc exigat promissum: nec tamen cum hoc vel aliud præceperit Sacerdos, statim cedat, si dæmon obedire recusauerit, sed verbis, præceptis, & adiurationibus iteratis, & stimulis, & importunitate, ab eo exigat obedientiam. Super omnia verò semper conetur, vt diabolus non habeat requiem, semper eum vrgendo, vel lectione, vel præceptis, vel alijs modis, de quibus diximus: valdè attendens, ne labatur ad colloquium curiosum: quia diabolus ex hoc magnas vires assumit, spiritus autem Sacerdotis vel perditur, vel remittitur.

*Duodecima aduertentia.*

**A**bsque vrgenti necessitate non debet Exorcista adiurare quempiam in domibus priuatis: maximè si ibi adsint fæminæ, quæ meticuloſe, & facile credunt quæ à dæmonio dicuntur. Locus magis congruus est Ecclesia, vbi Sanctorum reliquiæ, Cruces, imagines, res sacratæ: quæ omnia exosa sunt dæmonibus, & quæ horrescunt, maximè sacram Eucharistiam: orationes itidem fidelium in Ecclesia benignius exaudiuntur: ac denique



locus ipse propter multas causas demonibus inuisus est: & ob id beatus Bernardus pulsurus dæmonem difficilem ac ferocem, ad Ecclesiam dæmoniacum adduci iussit, ut ipsum dæmonem commodius aggredere-  
*Chrysost.* tur. Videndus est Chrysostomus *homil. 4. contra Armenos* de hac re, ut in more habet, concionans. Idem dico de tempore exorcizandi, omne scilicet esse opportunum, sed expedi-  
 24 *Chrysost.* tius eligere sacratius: ut id in quo præclara Christi mysteria celebrantur: & summo mane post Missam, tempus magis opportunum est.

*Decimatercia aduertentia.*

**C**Aueat Adiurator, ne tempore ad-  
 iurationis solus cum dæmoniaco præsumat permanere. Tum, quia dæ-  
 mones obidentes solent sic efferare ob-  
 sessos: ut nisi adsint, qui vexatos teneant, ac manibus apprehensos de-  
 tineant, maxima cum difficultate adiu-  
 rari poterunt: tum: quia inter mini-  
 strum & obessum posset oriri ali-  
 quod scandalum à dæmone feroci-  
 ente: tum tertio, quia quando adsunt  
 personæ deuotæ orantes pro dæmo-  
 niaco, facilius dæmones cedunt: quod si vexata persona scemina sit, & non vsque adeò annosa, multo minus Exorcista solus cum illa per-  
 manere debet, neque in domibus priuatis, neque in Ecclesia, ne sibi periculum animæ, aut famæ concilient.

An autem obfessi sint publicè exorcizandi, vel priuatè, id est ianuis apertis, aut clausis, diuersæ sunt sen-

rentiæ. Quidam, ut Mengus citatus *Mengus.*  
 asseruit publicè ianuis apertis. *Primo*  
 exemplo Christi Domini, qui præ-  
 sente turba dæmoniacos sanabat, *Matth. 17. Marc. 9. Luc. 11.* Idem  
 etiam legimus de multis Sanctis de *Matth. 17. Marc. 9. Luc. 11.*  
 Diuo Bernardo, de D. Dominico, & alijs. *Secundo*, quia ordo Exorcista-  
 rum inter Ecclesiasticos computatur: Ecclesia autè in occulto nil ope-  
 ratur. *Tertio*, propter bona spiritualia, quæ ex publica adiaratione proue-  
 niunt, ac subinde non debent impe-  
 diri: ibi enim nequitia dæmonis in-  
 spicitur; & ipse odio habetur; fides roboratur; Dei misericordia & po-  
 testas manifestatur; & sæpè homines improbi conuertuntur, & currunt  
 ad expianda peccata per confessio-  
 nem, & multa alia bona inde possunt  
 prouenire.

Alij censent ianuis clausis, & se-  
 mota turba dæmoniacos esse exorci-  
 zandos: inter quos Petrus Ciruelo *Ciruelo.*  
 Canonicus Salmantinus *de superstitionibus p. 3. cap. 8.* Mouetur potissi-  
 mè: quia dæmones valdè cupiunt  
 numerosum auditorium habere, ut  
 ipsi multa vana, plura mendacia,  
 subtiles deceptiones, miscendo fal-  
 sa quædam multis veris, effuriant,  
 ac quædam superstitiosa sub prætex-  
 tu deuotionis, aut pietatis persua-  
 deant: insuper occulta crimina in  
 proximorum iniuriam reuelant. Pre-  
 terea conantur cogitationes prauas  
 excitare, fingunt quosdam ex ad-  
 stantibus metuere tãquam sanctitate  
 pollentes, ut vanæ gloriæ crimen  
 incur-

incurrant: alijs cogitationes turpes excitant. Igitur vitanda sunt omnia hæc ab adiuratore non exorcizando dæmoniacos publicè.

In hac re dicam quod sentio verū esse. Non sunt admittendæ, vt inter sint adiurationibus, mulieres: tūm quia pronæ cum sint ad crudelitatem superstitiosam, faciliè erit vt dictis dæmonum per os obsessorum loquentium fidem adhibeant, & decipiātur: tūm ne pauore terribilis spectaculi consternatæ, animæ deliquiū patiantur; aut (quod aliquando euenit) morbo caduco; aut dæmonis ingressu corripiantur.

Non sunt itidem admittendi inepti quidam blaterones, ac otiosi, qui omnis pietatis, & deuotionis expertes ad huiusmodi spectacula auidè conueniunt, ac si ad choreas, aut comædiam inuitarentur, vt vacent cachinis, vocibus minacibus aduersus dæmones, & huiusmodi. Non sunt etiam admittendi quidam, qui se sapientiores iactantes, curiositatibus vacant, vt censuram suam proferant, & quid calumnientur inueniant. Sunt igitur accersendi viri pii, religiosi, compassiui, orantes pro liberatione obsessorum: cæteri verò eminus adstant, si volunt orationibus instare, & non aliàs.

Ad illud verò, quod obijcitur ex Christi & Sanctorum factis, respondetur, Sancti per copiosam gratiam poterant dæmonibus infallibiliter silentium indicere, ne sequerentur mala commemorata: præcipuè Chri-

stus Dominus, qui omnibus istis incommodis obuiare poterat alligando dæmonum potestatem, ne in auditorium virus aliquod euomeret: secus de alijs Exorcistis.

*Decimaquarta aduertentia.*

**H**æc, quæ dicta sunt, intelligenda veniunt secundum regulas communes, à quibus Exorcistæ nec latum vnguem communiter discedere debent: at verò non ob id censere debemus manum Domini abbreviatam esse, quin aliquibus viris, aut sanctis scæminis alijs modijs ac vijs, concessum fuerit dæmonia expellere: quas imitari, communes Exorcistas non consulerem: verbi gratia, pede conculcare obsessos. Sic fecit aliquando Diuus Bernardus; ita habetur *in eius vita, capite quarto, lib. secundo*. Similiter & alapis dæmoniacos cedere. Sic fecerunt Diuus Benedictus, & Sanctus Hubertus, qui alapis inflicti, dæmoniacos quosdam liberarunt. De hoc Surius *in* *Gregorio Nouembris in eius vita*. De illo D. Gre. Gregorius 2. *Dialog. cap. 30.* & de alijs Sanctis idem legitur. Hoc non docerem imitandum à communibus Exorcistis.

Flagella à Sanctis sæpè applicita lego, præcipuè à Theodoro Archimadrita, qui obsessam post flagella, per comam apprehendit, & Cruce facta dæmonem fugauit. Et de eodem narrat Georgius presbyter *in eius vita apud Metaphrastem*, quod cum puer adhuc esset, sed sanctitate plus quam senex, quidam filium suum dæmo-

26

D. Bern.

D. Bened.

Surius.

Gregor.

Metaphr.

dæmo-



dæmoniacum ei obtulit liberandum: *Modum* (inquit Theodorus) *fugandi dæmones ignoro. Pater pueri, flagellum illi porrigit, hoc, inquit, filium percutite, & dæmon discedet. Pater Theodorus, sed percutientem primo, & secundo ridet spiritus nequam: percutientem tertio fugit.*

Existimo flagella esse applicanda à communibus Exorcistis raro, & omni semota crudelitate: ne miser dæmoniacus aliàs crudeliter à malo spiritu afflictus, afflictione addita dolore ac mœstitia efferuescat, & absorbeatur. Quod si leuia flagella adhibeantur, puto aliquando prodesse, tum vt dæmones confundantur, dum vident superbissimi, vt serui inferioris notæ tractari in sui contemptum: tum quia corpora flagellata non reputant sibi gratas mansiones, ob idque interdum deserunt.

27  
Marci vi.

Manuum autem impositio omnibus Exorcistis conueniens est, iuxta illud Marci ultimo: *Super egros manus imponent, & benè habebunt.* Digitorum immissio in obessorum ora video esse in usu, & exemplo maiorū firmari. Sanctus Columbanus, teste Iona in vita eius, post iniectos in os cuiusdam obfessi digitos, eiusdem aliquando attrectauit linguam, & liberatus est. Idem refert Gregorius Turonensis de Patroclo Abbate lib. de vita Patrum cap. 9. & Surius tomo I. de sancto Claro: fortasse ad imitationem Christi egerunt, qui sanaturus dæmoniacum, misit digitos in auriculam eius, post expuens terigit linguam. In cæteris manuale seu Sacerdotale Ro-

Ionas.

Gregor.  
Turonen.  
Surius.

manum nuper emendatum, & excusum videndum ac sequendum est.

Decimaquinta aduertentia.

Quando plures dæmones vnum hominem obsident, & Exorcista præualet suis exorcismis, vt plurimum omnes egrediuntur simul. Hoc colligimus experientia teste, ac historiarum relatione: quia nūquam, aut raro legimus, vnum, aut alterum dæmonem eiectum ab aliquo homine fuisse, & interim in eodem homine alios aliquos habuisse: fortassis ratio est, quia machinæ quibus dæmones torquentur, sic adeò illis sunt inuisæ, vt si vnum aliquem in fugam conuertri omnes: nihilominus vt ita semper fiat, nō video urgentē rationem, neque sumptam ex parte libertatis dæmonum: quia liberè ingrediuntur, & egrediuntur, neque etiam ex parte virium dæmoniacorum.

Fatemur esse inæquales & superiorem posse inferiorem pellere, sed cur si egreditur infimus, egredietur principalis? Neque ex parte potestatis Exorcistæ ratio vrget, nam videmus ad quosdam pellendos quendam Exorcistam sufficere, ad alios non itidem. Idem dico de medijs, quibus vititur, nā quædam ad quosdam dæmones sufficiunt, & non ad alios, vt patet Matth. 17 vbi inuocato nomine Iesu, quosdam pepulere Apostoli, alium nequiuerunt propulsare: ergo benè stat vnum pelli dæmonem in eodem homine, alio non pulso.

Quapropter Exorcista agere debet vt nomina, & numerum dæmoniorum

niorum obsidentium acriter interrogando inquirat, nec finem adiurationi imponat, quousque victoriam de singulis obtineat, si plures sint, ne in vacuum laborauerit.

*Decimasexta aduertentia.*

29 **D**æmones quando vrgentur vt dexeant solent ab adiuratoribus aliquid postulare. Quare cautus sit Exorcista quando debeat annuere eorum votis ac desiderio, & quando non. Quando aliquod malum culpa postulant, siue contra Deum, siue contra proximum, eorum petitioni nequaquam est acquiescendum: etiam si minitentur se non exituros, nisi postulata concedantur: imò quamuis pax, requies: & securitas ab infensis hostibus sit paratissima; etenim non sunt facienda mala vt veniant bona.

*Secundo*, si postulent, vt concedatur illis aliquem ingredi vexandum, aut quoquo pacto male afficiendum, siue in se: siue in bonis suis quidam existimant id esse licitum, quādo adiuratores imperium, & ius habeāt supra res torquēdas: probare conātur exemplo D. Pauli tradentis Sathanæ incestuosum, ac Alexandrum, & Hymenæum: Existimo autem esse distinguendum: nam si petunt dæmones opus positium Exorcistæ ad hæc mala inferenda, neutiquam esse licitum reor: tum quia opus illicitum est: tum quia non agnosco esse talem potestatem in Exorcistis aut alijs hæc faciendi, nisi ex Dei reuelatione, & speciali commissa potestate: si verò

dumtaxat petunt licentiam hæc mala inferendi, videndum est, an in potestate Exorcistæ sit ea mala vitare: & tunc si eam largiantur licentiam, peccatum est vt minimum contra charitatem. Dixi, si sit in potestate Exorcistæ ea mala vitare: quia superius in *quæstione* 10. primi membri docui, non habere potestatem supra dæmones ad omnia eorum mala vitanda.

*Tertio*, si postulēt, ne amplius affligantur, iubendo eos in abusum ire, aut ne voluptate, qua vt ūtur, priuentur: verbi gratia, ne iubeātur exire aliquam regionem sibi amabilem propter facilem victoriam contra incolas, propter eorum malitiam; aut ne relegentur in desertum, vbi non est occasio nocendi hominibus: quæ postulasse, & impetrasse dæmones à Christo Domino legimus Matthæi 8. Marci 5. & Lucæ 8.

Existimo communes Exorcistas non habere potestatem mittendi in abyssum dæmones, aut eos relegandi extra regionem, aut mittendi in desertum, & similia, aliàs saltem charitatis lege tenerentur exterminare ab hac mundiali machina exitiales hostes: at Christus Dominus per excellentiæ potestatem, hæc & maiora poterat; & aliquando Sancti ex Dei speciali tradita potestate. Quare vanum esset Exorcistas communes huic petitioni annuere, quia non est in eorum potestate dæmones ab hi præfatis cohibere: quod si haberens talem potestatem, illicitum esset

*Matt. 8.*

*Marci. 5.*

*Lucæ. 8.*



concedere, sed potius lege charitatis erga homines tenerentur ob stare. Nihilominus possent annuere petitionibus eorum in aliquibus leuibus spe maioris boni: v. g. ne inberentur exire intra horam, ne flagellis torqueantur: quia promittunt se egresuros, & huiusmodi.

*Decima septima Aduertentia.*

30

**P**Lurimum refert scire, quando demones relinquunt obsessos exorcizatos: & ideo Exorcistæ petunt à dæmonibus signa sui egressus, determinando quæ illa debeant esse: caueant tamen ne illa sint crudelia, ac nociua infirmis obsessis: verbi gratia, membrorum collisio, aut obscœna, vt inhonestæ voces: quin potius debent dæmonibus imperare, ne similia signa exhibeant: poterunt autem ab eis exigere, vt lumen candelæ accensæ extinguant, aut vas vitreum, seu fenestellam dirumpant, & huiusmodi alia, quæ sine vilo nocumento extra corpus obsessorum perficiantur. Ipsi verò nequam spiritus solent sine postulatione, aut iussione Exorcistarum signa sui egressus exhibere.

Aliquando dicunt se exituros, & ita faciunt: vt quando sancto Ciriaco adiurante filiam Diocletiani Imperatoris dæmon exorcismis afflicta, ait: *Discedam, sed efficiam*, vt cum difficultate in Persidem venias: quod opere compleuit. Ita Surius *tomo quarto, in vita Ciriaci*. Aliquando clamores insoliti, & belluarum voces signa

sunt egressus, maximè quiete obsessos superueniente. Aliquando discessu quorundam animalium turpium egressum suum pandunt; vt discessu formicarum, araneorum, muscarum. Et in *vita sancti Simplicis* refert Palladius *sectione 25.* ingentem draconem septuaginta cubitorum ab adolescente exiisse, & cum ipso dæmonem: in cuius forma mutatum esse dæmonem obsidentem non dubito. Quandoque vomitu ingenti rerum putidarum manifestant suum discessum. Sic accidit Diuo Bernardo, & Diuo Dominico exorcizantibus. Aliquando ex fœtore graui, quem exhalant obsessi, conuincitur dæmonem exiisse. De hoc signo sunt quamplurima exempla. Aliquando egrediuntur, sed magnis illatis nocumentis vel in corpore obsessorum, vt sunt in terram allisio, membrorum disceptio, vel in bonis obsessorum, vt parietum, & domus dirutio, & huiusmodi. Aduertendum tamen neque hæc signa esse infallibilia: quia non rarò ea edunt demones ipsis adhuc permanentibus in obsessio, neque semper signa dant sui discessus. Aliquando egrediuntur nullis datis signis.

Et si quæras, quæ erunt signa infallibilia discessus, & omnimodæ liberationis obsessorum? Vix inuenio. Potissimum est, si examinatis obsessis nullum signum eorum, quæ diximus indicare inhabitantes demones, appareat. *Secundum*, si  
obsessi

*Surius.*

obsessi nullam se pati molestiam earum, quæ antea pariebantur, affirmant, experimentumque per multos perdurat dies, ac menses: quamuis enim dæmones possint latitare nullis editis signis suæ habitationis, nullisque molestijs illatis, sed id rarissimè continget. Frequens est tam peruersum hospitem suæ nequitia signa profundere, iuxta illud Prouerbiorum 6. *Nunquid potest quis celare ignem in sinu suo, ita ut vestimenta eius non ardeant?*

*Notatio ad sequentia.*

**E**Xplicatis his, quæ ad obsessos pertinent, & praxi tradita ad eorum curationem, superest agere de secundo malorum genere, quod dæmones inferunt, non intus hominem existentes, sed ab extrinseco affligentes. Hæc autem afflictio multis modis contingit: *uno modo* per se ipsos sine ullo ministerio hominum mala extrinseca inferendo, homines molestando, apparitionibus, monitionibus, aut crebra assistentia, & interdum vulneribus. *Secundo modo* mala intrinseca inferendo, ut morbos, cruciatus, necesse, insaniam. De his malis, & an per adiurationem eis succurrendum sit, sigillatim dicendum est. Et prius de primo modo, quo dæmones extra homines existentes eos affligunt agendum est, nempe de infestatione, quæ exhibetur à dæmonibus, per apparitiones, & crebram assistentiam.

*In qua re dicimus primum.* Res in-

dubitabilis est dæmones, quosdam homines crebrò affligere apparitionibus, & persequutione suæ crebra assistentiæ. Hos dæmones idè vocamus assistentes, ad differentiam eorum, qui intra hominum corpora includuntur, quos obsidentes Latine, cathabólicos Græce appellamus. Hoc assertum exemplis innumeris comprobatur. In vita *Diui Bernardi* legitur de quadam fœmina, qua dæmon abutebatur per septem annos, & postea per exorcismos *Diui Bernardi* ab ea persequutione cessauit. *Suetonius* in *Nerone* ait, spiritus infestantes eum esse sequutum quocunque pergebat. *Ioannes Tritemius* in *historia Monasterij Hirsau-giensi* circa annum Domini 1132. narrat de quodam dæmone, quod hominum conuersatione valdè delectaretur, apparens nunc sub figura hominis rustici, nunc inuisibiliter illudens, magnates de rebus magnis admonebat, alijs sua obsequia non negabat, neminem, nisi prius læsus, latebat, læsus non parcebat. Itaque cum in præsulis *Hildesheimensis* culina puerulus quidam eundem contumelijs affecisset: principio præfectum culinæ admonuit, ut intolerantiam pueri coerceret: at ubi nil profecit inuentum in culina dormientem puerum, primum suffocat, mox in frustra diuidit, tandem igni appositum coquit: neque hac vindicta contentus multis alijs modis & culinæ præfectum, & plerosque alios ex aulicis vexat.



Sigibert.

De alio dæmone refert Sigibertus Martinus: primo à nemine visus cœpit in homines iactare lapides, & pulsare fores: mox sub humana specie responsa reddidit, furta prodidit, quoscunq; nota infamię aspersit, discordias & simulates excitauit, paulatimque horrea, & omnes casas exussit, vni autem ciuium fuit molestior, perpetuò eius lateri quocunq; pergeret hærens, atque eius domum comburens.

Sacerdotale Romano.

Alia multa consultò omitto: satis nobis sit cōfessio eorū, qui hanc molestiam experiuntur, & narrant: quin imò aliquando dæmones intentates ingredi hominū corpora, eos molestant exterius verberibus, apparitionibus, & huiusmodi, vt dicitur in Sacerdotali Romano *cap. 1. in exorcismis*. Vbi habetur interdum dæmones, prius quàm homines ingrediantur, eos molestare sub forma externa, quæ terrorem incutiat: verbi gratia, defuncti, qui mortem violentam subiij, aut brutorum animantium horribilium, vt draconis, aut cati nigri, vel hirci, & similium: interdum vento, & tumultu insolitis perterrent, aut strepitu orto ex vectibus, quæ colliduntur, & per terram trahuntur, interdum infixis colaphis, & per casus, & propulsationes, & aliquando somnijs terribilibus.

34

Dico secundo. Quamuis frequentius homines molestias has externas à dæmonibus patiantur propter peccata: aliquando tamen id accidit sine vlllo peccato afflictorum. *Prima*

*pars asserti* colligitur ex probatis historijs, & in primis est horrendum exemplum citatum ex *vita D. Bernardi*, apud Suriam *tom. 4.* de muliere molestata à dæmone, eo quod fœdam per septem annos cum ipso habuit consuetudinem: dæmonium itidem infestans Neronem sub specie matris suæ Agrippinæ, quam interfecit. Ita Suetonius his verbis: *Potuit Nero conscientiam ferre saepe confessus se materna specie exagitari, atque verberibus furiarum, ac ardentibus tedis*. Fere idem de *Ottone Imperatore* refert idem Suetonius propter Galbæ occisionem. Et de *Paulania Spartanorum Rege* propter interfectam virginem Cleonicem: ita Plutarchus. Hos omnes & multos alios, dæmones persequuntur, aliquando Deo iubente, vt sint ultores criminum quorundam atrocium (Deus enim est, qui in vindictam scelerum mittit immisionem per Angelos malos (Psalmo 77: aliquando ipsis dæmonibus lauentibus, & conantibus hos sceleratos in desperationem conijcere, & vt sibi crudeles manus iniiciant. Sicut legitur accidisse Aristodemo viro nobili apud Messenios. Ita Gasparus Beucerus *lib. de diuinatione*: & nostris temporibus possent adduci recentiora exempla, sed allata sufficiant.

*Circa secundam partem asserti*. Sanctos scilicet viros, ac fœminas sæpè hanc pati persecutionem dæmoniacam, antiquitatis, & nostrorum temporū annales multa nobis exem-

exem.

exempla suppeditant. Paulum Simplicem, Diuum Antonium, Diuum Hilarium, Benedictum, & alios Sanctos, eremi primos cultores, multa passos esse à dæmonibus narratur. Wilhelmus Pictauorum Comes, Macharius Alexandrinus, Guthlaccus, atque Sabbas viri sanctissimi priorum Eremitarum emulatores multa passi sunt. Euphrasiam virginem sanctam de tertio solario aliquando præcipitarunt, aliquando in puteum demerferunt, aliquando grauissime sauciarunt. Sanctam Catherinam filiam sanctæ Brigittæ nunc è lectulo deiecerunt, nunc etiam grauiter cæciderunt: & sanctæ Mariæ valde molesti fuerunt, partim terribilibus formis, partim horrendis sibilis, & execrandis fœtoribus per aera sparsis. Videadus Surius in *vita omnium horum*.

Causam huius ingentis persecutionis aduersus Sanctos pulchrè tradit Fulbertus in *vita sancti Richardi Abbatis Chimetiensis* apud Surium *tom. quinto*: Sublimiora studia (inquit) diabolus subtilioribus infestare non desinit insidiis: carnalibus namque, & huius mundi amatoribus quos in præsentis vitæ voluptuosa latitudine ambulantes, comperit, quasi parcendo blanditur: quia nimirum de his securus ad spirituales se conuertit: & his acrius instat, more latronum ad prædas festinantium: qui dum fugientem innocuam turbam insequuntur, quoscunque cursu superant, hos transilientes, à tergo reliquunt: in eos vero quos præ oculis conspiciunt eminus fugientes, in eas inquam studio consequendi vires totas

effundunt, & impetu maiore prosequuntur: verumtamen si reliquis captis ex omni turba vnus euaserit, ex hoc vno inter eos sapius, magis sit querulosa recitatio, quam ex vniuersis captiuis exultatio. Hæc Fulbertus.

Secundo loco tractandum est de remedijs aduersus molestias has dæmonum persequentium, & assistentium, quæ ferè coincidunt cum remedijs allatis pro dæmonibus propulsandis ab obsessorum corporibus.

Nec audiendi sunt superstitioni, qui superstitione remedia conantur persuadere. Tale est aduersus spectra multum valere gladij nudati vibrationem: ex poetico apparatu Homeri, & Virgilij *Aeneid. 6.* sumpsit Lambertus Hortensius, cuius *verba* superius retulimus. *Opinio erronea & antiqua hæc fuit apud Iudæos, quam ubi vendicauit Psellus, lib. de dæmonib. in fine, à quo illam hausit Rodiginus libro secundo, cap. octauo.* Dæmoniacum corpus affirmat Psellus per totum esse naturaliter sensuale secundum partes singulas, absque medio videt, audit, tangit, patiturque tangendo, ac diuisum dolet, sicut corpora solida. Sed hoc interest, quod corpora quidem solida diuisa cum sunt, aut vix; aut nunquam restituntur: corpus vero dæmonum vti secatur, mox in se item recreatur, atque coalescit: sicut aquæ aerisque partes quando aliquid incidit solidum: sed & dicto velocius dæmonicus spiritus in se reuertitur, dolet tamen interea dum diuiditur, quam obrem aciem ferri



metuit idque animaduertentes, qui fugare dæmones moliantur, tela & enses in rectum ibi constituunt, quo nolunt dæmones aduentare.

Iam se prodit impietas auctoris, & ob id indigni, cui fides adhibeatur: putat dæmones esse corporeos corpore tenui, ac aereo (quod Catholica fides refragatur) & ob id dolere cum scinduntur, facili tamen negotio partes scissas conglutinari, ac coalescere.

Erastus. Adducuntur aliquot experimenta fugatorum dæmonum ista gladiatorum pugna. Et in primis Erastus in *vita Paracelsi* ait, solitum fuisse Paracelsum noctu consurgere, & Macharam suam Heluericam utraque manu in hostem inuisibilem huc illucque torquere: ut dæmones insequentes fugaret. Dæmones aliquandiu à persecutione cessasse, fingentes se aciem ferri formidare, facile credam, ad decipiendos scilicet hos superstitiosos, & impios, & ut in sua cæcitate captiuos tenerent. Sed quid laboris, molestiæ, aut doloris per ferrum puris spiritibus corporis expertibus? Nil. Item non ne facile esset dæmoni etiam si corpore aereo esset præditus impedire illos ictus ensis, aut macharæ, eis elusis per diuersionem, aut corporis alterius interiectionem? Cur igitur hæc timeat robustus hostis ab imbecilli homine?

Veritas huius rei est, dæmonem interdum assumpto aereo corpore

cum sicarijs, & huiusmodi hominibus, digladiari: & quos posset vno ictu necare, hinc inde iactis ictibus exercere: acies ferri scindit corpus aereum assumptum nullo accepto vulnere, nullo concepto dolore: sed citius dicto idem corpus in pristinam formam compaginatur, ac demum satiatus ludo discedit; aliquando suo antagonista ferè exhaustis viribus exanimato; aliquando iam iam morituro: ut videre licet in *historia narrata à Gaguino historiographo Francorum, & à Cæsario, libro 12. capit. decimo-*

Gaguinus  
Cæsarius.

Alia multa nostris temporibus accidisse commemoratur: & de studioso iuvene Salmanticæ degente, & monialem intra monasterium inuisente, cui obuium spectrum, quantumvis armato, & gladium vibranti, mortem intulit, narrat Martinus del Rio *lib. 6. disqu. magic. c. 2. sect. 1.*

Martinus  
del Rio.

Pari ratione reiiciuntur quidam alij superstitiosi, qui igne accenso, aut iniecto, putant dæmones persequentes fugari. Idque conantur ostendere ex *historia S. Paulini* narrantis, ab hæretica Imperatrice missos fuisse dæmones, ut Diuo Ambrosio exitium inducerent: sed hi re infecta reuertuntur, eo quod, ut ipsi dixerunt, ignis insuperabilis sanctum virum, totamque eius domum communiret. Et *Sozomenus lib. 8. tripartita. c. 28.* dñm Apelles vir sanctus, ac faber ferrarius noctu in officina ferraria ferrum accenderet: in pulcherrimæ muli-

mulieris forma, ut enim ad libidinem prouocaret, dæmon apparuit: sed Appelles ex fornace ferrum candens extraxit, & in eius faciem impexit, & sic eiulans, ac fremens dæmon discessit.

37 Ad hæc accedit. Si flammæ ignis infernalis extimescit: quare nostri ignis prunas cum sint eiusdem rationis non verebitur? Respondetur: quia sicut arma, enses, mucrones, quia corpori, nil valent contra spirituales nequitias: sic neque flammæ ignis, aut pruinæ accensæ, & propter eandem rationem. Ambrosij vero ignem dæmones formidantes Dei adiutorium significat, sicut apud Zachariam, *cap. 2.* Ego, ait Dominus, ero ei murus ignis in circuitu.

Apellis vero ferri candentis injectio, diuinam virtutem, & adiutorium accersuit, ut dæmon fugaretur. Ignis vero noster licet eiusdem rationis cum igne infernali sit: sed non assumitur ut instrumentum diuinæ virtutis ad dæmones torquendos, sicut Tartareus: quem etiam floccifacerent, si virtus diuina non ei adesset.

Non dissimilibus rationibus impugnantur remedia superstitiosa, & inutilia de claudendis foribus, de conuitijs aduersus dæmones iactandis: de quo nos late in priori membro: de luce vero statim.

38 Quare his relictis, ad vera & pia remedia confugiendum est. Et in primis has molestias patientes debent confessionem sacramentalem

præmittere, dolore de peccatis vehementi ac proposito emendandæ feruenti comitatum: siue sciant has infestationes perpeti propter sua peccata, siue id ignorent: nemo enim scit, utrum amore, vel odio dignus sit. Sic enim ablata causa infestationis, Deum propitiatum, dæmonem arcere verosimile est.

Insuper sacratissimæ Eucharistiæ susceptio frequentata valde conducens est ad dæmones hos persequentes fugandos.

Agnoui ego virum religiosum, ac pium, qui infestabatur crebra assistentia dæmonis, & plus molestabat blanditijs, quàm terroribus, plus obsequijs, quàm cruciatibus, ferè semper eius lateri adhærens; nunc in ciuitate in forma amanuensis pueri: nunc in via in figura ante ambulonis: in cella assistebat, & alijs in locis in specie pulchræ puellæ blandientia, aliquando lectulum sternendo, aliquando cameram euerrendo: demum ab eius præsentia non recedebat, nisi quando vir religiosus sacra facturum accedebat; tunc enim Versipellis recedebat, ferre non valens præsentiam sui iudicis, ac Domini Iesu Christi.

Quod si his accedat virtutum studium, proficiet valde: dæmones enim virtutum studium abominantur, & exhorrescunt. *Credite mihi fratres* (dicebat Antonius, teste Athanasio in eius vita) *perterritus Sathanas* piorum vigilas, orationes, ieiunia, voluntariam paupertatem, misericordiarum

Athanas.



Surius.

*sericordiam, humilitatem, maximè autem ardentem amorem in Christum Dominum. Horum remediorum vtilitatem satis comparauit sancta Catherina Beatæ Brigittæ filia, vt refert Surius, tom. 2. in eius vita, quæ Neapoli existens à quadam muliere, quæ nocte à dæmone molestabatur interrogata, quomodo ab hoste illo se liberaret: primum suavit puram peccatorum confessionem: dicebat enim ob peccata in confessione celata plerunque id genus illusionis accidere: deinde peregrinationem ad sanctæ Crucis templum, quæ nudis pedibus, & sine interiori indusio lineo cum humilitate octo continuis diebus perageretur. Tertio orationem Dominicam & salutationem Angelicam coram Crucifixi imagine in eodem templo septies repetitam. Complet mulier monita, & persecutio cessauit.*

39

Summopere etiam iuuat Sanctorum omnium maximè Deiparæ Virginis inuocatio, necnon & Angelicustodis: cuius officium est suorum clientulorum tutelæ adesse, quod non exiliter comprobatur exemplo, cuius ego testis sum. Commorabar Segouix (ciuitas Hispanica est) & ad nostram cellam vir deuotus ac pius aduentabat, remedium petens contra dæmonem, qui ei fere semper ad auriculam loquebatur, suadens suspendium, & mortem: cuius confessiones ego audiens consolatoria verba fundebam: at iussu maiorum ab ea Ciuitate discedens, post mul-

tum temporis iterum ad eum locum reuersus, obuium habui illum vexatum: ac interrogatus de sua salute lætus, ac hilarius de sua libertate rationem reddidit, inquires: Multis afflictatus damnis peregrinationem ad inuisendam quandam imaginem deuotam Beatissimæ Mariæ suscepti in cuius templo per aliquot dies orationibus incubui, orans Dei genitricem vt me ab hoste teterrimo liberaret. Hæ speractis demum meam ac ciuitatem rediens circa noctis initium pontem rapidissimi fluminis transiturus accessi: vbi inimicus more solito me inuasit dicens: Quousque misera vitam duces? mitte te deorsum, & finem impone laboribus. Quod cum ego pararem facere: ecce subito meo latari adhasit quidam homo fustem manu tenens: qui ad me ait, quo te is perditum miser homo? Quare de misericordia Dei diffidis? Meque apprehensum per vestium laciniam extra pontem eduxit, ac in viam reduxit, ab illoque temporis momento nullam amplius ab inimico dæmone molestiam tuli. Hæc ille. Ego vero, deuote lector, certò credo eum vexatum Dei Genitricis intercessione, ad cuius templum perrexit, fuisse liberatum: & Angeli proprii custodis in figura hominis fustem tenentis tutela esse seruatum: vt discant fideles quantum aduersus dæmones persequentes valeat inuocatio Sanctorum, maximè sanctissimæ Deiparæ Angeli, & Angelicustodis.

Quid si nihil horum proficiat? Remedia omnia, quæ contra dæmones obsidentes docuimus, tentanda sūt: nempe orationes deuotæ, maxime quæ

quæ nomine Ecclesiæ, & præcipuè in Missæ sacrificio funduntur; vsus reliquiarum, & Crucis, ac rerum cōsecratarum, præcipuè cerearum illarum imaginum, quas Agnus Dei nominamus. Has etenim plurimum conducere contra dæmonum infestationes ex forma suæ consecrationis monstrauimus superius in primo membro: & Andreas Frusius Poeta Christianus versibus sequentibus suadet:

*Ille (Pontifex) preces recitat mira pietate  
refertas*

*Quas veteris ritus formula cerea tenet.  
Postulat in primis, sacrati aspectus ut agni,*

*Agnum ad cœlestem concita corda leuet;  
Vtque saluifera memores, vitaque, necis-  
que,*

*Criminis, & vitij noxia vitia terant,  
Hostis ut infidus Stygij, ac certamina vin-  
cant,*

*Decipulas mundi, carnis & illecebras,  
Aeterna ut fugiant discrimina cuncta salu-  
tis,*

*Et supera nunquam destituantur ope.*

Ac denique exorcismis vtendum: sunt enim flagella dæmonum petenda ex Sacerdotali Romano: quod si peculiare non inueneris contra dæmones hos exterius persequentes: poteris paucis mutatis accomodare eos, qui contra obsidentes notati sunt. His autem remedijs applicitis, & perseveranter vsutis, si dæmon non destiterit, molestiam patiens patientia ornetur, fortasse sic expediat ad salutem animæ suæ, postulet-

que à Deo feruenter: dabit namque Deus his quoque finem: & interim ad leuamen suæ miseriæ non parum proderit (sicut ex confessione eorū, qui molestantes spiritus sunt passi didicimus) in templis commorari, in quibus sæpe sunt à vexatione dæmonis tuti: oderunt namque spiritus nequam templa, ytpotè sacrata ab Episcopis vt asyla contra dæmonum insultus, & ea, quæ in templis continentur: puta imagines, reliquias, sanctissimum Christi corpus sub speciebus sacramentalibus. Alterum, non adesse solitarios, sed in multorum comitatu, solet tutamen aduersus malignos hostes conferre: hienim solitarijs sæpè molesti sunt: experientia hoc docuit; & Euæ primæ omnium matris, ac Christi Saluatoris exemplum idem suadet, hunc in deserto, illam in Paradiso aggressi sunt: vtrumque cum soli agerent. Tertium remedium est, tenebras quoad fieri poterit fugere, & in luce versari. Etenim dæmones, quia sunt principes tenebrarum, amant tenebras. Cuius rei rationes fusius vide apud Cantipratenum l. 2. c. 57. n. 7. vnde Eusebius Cantipra. Cæsariensis, refert noctem intempestam, quæ galliciniam proximè antecedit conuenientiore esse malo dæmoni. Quare? quia terrere desiderant tumultibus excitatis: at hi melius percipiuntur in noctis silentio, & spectris nigricantibus: & hæ noctis tenebræ faciunt apparere nigiora. Inuadunt solitarios, sed nullo in tempore magis solitarij, quam in nocte:



cte: debent ergo molestari hi tenebras fugere, ac luce trui. Sunt tamen aliqui adeo feri ac audaces spiritus, ut nec vereantur multitudinem, nec templa reformident, & in luce meridiana sunt molesti: ac proinde Deo suppliciter orandum, ut nos eripiat à sagitta volante in die. à negotio perambulante in tenebris, ab incursu, & damonio meridiano.

Plal 90.

## TRACTATUS II.

De Potestate Dæmonum de Magorum ad effectus mirabiles & prodigiosos.

### DISPUTATIO I.

Qua potestate, aut cuius auxilio nisi magi efficiant ea mirabilia, quæ hominum excedunt, aut videntur excedere potestatem?

ET videtur id proficisci ex naturali quorundam hominum complexione. De Psylis, qui habitant Lidix & de Marlis in Italia, narrat Plinius l. 7. c. 2. serpentes sine noxa attrectare, & odore saporare: & D. August. l. 14. de Ciuit. c. 2. narrat mira quædam opera quorundam hominum, quæ non nisi à naturali eorum complexione dimanare poterant. Et Albertus Magnus in l. de morib. animal. (ait) se vidisse in Germania duos pueros fratres, quorum altero iuxta domorum ostia incedente, omnia ostia versus latus illius sinistrum aperiebantur, quamuis clausa essent; idemque contingebat alteri puero illius fratri, versus latus eius dextrum. Et dicit id

Plinius.  
August.

Albertus

vidisse multos, negatque id referri posse in aliud, quam in proprietatem occultam, quæ utrique eorum à cælorum influxu indita est.

Prima assertio sit. Multos effectus admirandos, ac insolitos efficiunt quandoque homines, virtute agentium naturalium ad operandum applicatorum, aut vero virtute, & præstantia in artificiatibus fabricandis, quorum causas, cum vix pauci penetrant, admirationem parit eorum effectio, & interdum suspicionem auxilij dæmoniaci implorari. Probatur prima pars, quia in rebus naturalibus, sunt proprietates admirabiles occultæ ad efficiendum mirabiles effectus, interdum simplici applicatione, interdum diuersarum rerum admixtione, & alijs modis: ergo homines hæc callentes, & his vrentes, mirabiles citra dubium efficient effectus. Antecedens ostenditur aliquibus mirandis naturæ proprietatibus allatis.

Ad hoc propositum D. August. lib. 21. de Ciuitate cap. 4. 5. & 6. aduicit multa de pavonum carne non putrescente, de paleis niues conseruantibus, & vice versa fructus maturantibus, de calce, quæ cum ignitam in se vim habeat, aquarum infusione non olei accenditur, de agrigentino sale, qui liquatur igne, aqua vero induratur, & crepitat: de Epiri fonte, & magnete, & similibus. Item Opianus lib. 3. Cyneg. scribit sonum tympani ex Lupina pelle, aliud tympanum ex Agnina tensum, disrumpere. Et mul-

August.

Opianus

ti, id est

ti, inter quos Tertullianus lib. 3. cap.  
 Tertullia. ult. de pœnitentia, & Hieronymus in Ec-  
 D. Hier. clesiastem, dixerunt dyctamo eso cer-  
 uos sagittas expellere, & Chelido-  
 nia hirundines suis pullis visum re-  
 stituere. De Psyllisque & Marlis ser-  
 pentes contrectantibus, & laceffen-  
 tibus sine noxa, & odore soporanti-  
 bus, tradit Plinius l. 7. c. 2. & idem de  
 Plinius. Pici Martij herba, obturamenta ni-  
 dorum explodente, narrat idem lib.  
 10. c. 18. imo & teras ferreas aperire  
 vulgo dicitur. Et de Remora pisci-  
 culo semipedali, detinente nauis in-  
 gentis imperum, idem Plinius l. 32. c.  
 Aristotel. 11. & Arist. l. 2. de hist. animal. c. 14. & c.  
 Tobia 7. 6. Tobia de felle piscis Callyonimi,  
 valere ad expellendam albuginem  
 oculorum Denique innumeros pos-  
 semus referre effectus mirabiles, &  
 insolitos vi, ac proprietate rerum na-  
 turalium editos. Vide, si placet, Sire-  
 num l. 9. de fato, Fracastorium l. de sym-  
 pathia & antipathia, Ioannem Langum  
 epist. 33. Certè si in naturalibus rebus,  
 tot mirabiles, & paucis notæ pro-  
 prietates inueniuntur, cur earum re-  
 rum usu homines edocti, siue à bono  
 siue à malo genio, siue experientia  
 ductrice, mirabiles effectus non pa-  
 trabunt.

Idem iudicium sumito, de effecti-  
 bus quibusdam artificiatis, quæ in  
 admirationem rapuerunt videntes,  
 existimantes non posse in tantum fa-  
 stigium artem peruenire: cum tamen  
 totum eorum effectuum mirabile  
 artificium, principijs Geometricis,  
 Arithmeticis, vel Astronomicis ni-

teretur. Horum effectuum exempla  
 sint, Sphæra illa Archimedis apud  
 Claudianum De qua Cicero l. 9. Tus- Cicero.  
 cul. & 2. l. de natura Deorum, dicit om-  
 nium cœlestium conuersiones suis  
 motibus clarissime, & perfectissime  
 repræsentare: cuius Sphæræ aliquale  
 specimen dicitur exhibuisse Italû ar-  
 tificem, nominè Ianelum. Et de eodè  
 Archimede refert Plutar. in Marcel- Plutar.  
 lo, in Syracusarû obsidione per spe-  
 cula naues cõbussisse, & tot machi-  
 nas adinuenisse, vt dicerent Romani  
 se nō cõtra homines, sed cõtra Deos  
 pugnare. Item in admirationē rapuit  
 Græcos quædā columba lignea volās  
 fabricata ab Archita. Ita Gellius l. 10. Gellius.  
 noctium. Non fuere dissimilia Leonis  
 Imperatoris auiculæ aureæ cantâtes.  
 Ita Glicas in annalib. Et Boethij aræ Glicas.  
 volantes, & cantilantes, ac serpentes  
 ænei sibillantes. Ita Politianus in Pa- Politian.  
 nepistemone. De B. Isidoro refertur mi-  
 ro artificio fabricasse duas lucernas,  
 quarum vnâ iussit apponi ad caput  
 sui sepulchri, alterâ circa pedes, quæ  
 nunquâ fuere extinctæ, aut cõsump-  
 tæ per ducetos annos, & inde subla-  
 tæ nescio quo successu: ita maiores  
 nostri Hispani, & Iacobus de Boragi-  
 ne in vita eiusd. Isidori. Et Romæ tem-  
 pore Caroli Magni, in sepulchro cu-  
 iusdâ Gentilis candela accensa ante  
 Christi aduentum, quæ nec aqua, nec  
 aere potuit extinguï, quousq; tere-  
 brato lychno aer subintrauit: ita He-  
 linandus in Chronicis, & Ioânes Ægy-  
 dius Camorensis. Et alia multa his  
 similia ab Historiographis narrantur.



*Secunda pars* assertionis nota est : & ideo Philosophi multi antiqui , auidissime rerum occultas proprietates inquisierunt: inter quos Democritus Pythagoras, Empedocles, Plato, Aristot. l. integro edito de admirandis auditionibus : & ex nostris Albertus Magnus, & alij, qui Magiæ physicæ, seu naturali, incubuerunt. Est autem hæc *Proclus.* Magia, vt notarunt Proclus lib. de Ma- *Pfellus.* gia, & Psellus de demonibus, cognitio quædam arcanorum nature, qua cælorum, ac syderum fluxus, & sympathijs, atque antipathijs rerum singularum obseruatis, suo tempore, loco, ac modo, rebus applicantur, & mirandi quidam effectus perficiuntur, qui causarum ignaris præstigiosi, vel miraculosi videntur. Hæc scientia fuisse peritos tres Magos Euangelicos, volunt quidam; eaque imbutum fuisse Salomonem, non obscure tradit 3. Reg. 4. sacra Scriptura, 3. Regum. 4. Et disputauit (Salomon) de lignis, à cedro, quæ est in Libano, vsque ad hyssopum, quæ egreditur à pariete, & disseruit de iumentis, & volucribus, & reptilibus, & piscibus. Vbi nota cum D. Hieronymo, non fieri mentionem de exorcismis, aut incantationibus. De quibus multa Iosephus lib. 8. de antiq. cap. 2. fortè quia ea composuit quando deditus idolatriæ, incantationibus deserviebat.

Ex his infertur corollarium apprimè notandum pro sequentibus, non decere virum sapientem precipitare sententiam vt videns per quosdam fieri effectus insolitos, & mirabiles, asserat vi pacti dæmoniacci

fieri : potest enim contingere ; vt mediante concursu & applicatione agentium & passiuorum naturalium, aut ope artificis præstantissimi fiant. Fateor has duas magias: artificialem, & naturalem, secundum se laudabiles, assumi sæpe vt duo velamina, quibus magia diabolica occultari solet: quia magi sola rerum naturalium aut artificialium efficacitate, non valentes consequi optatos effectus, ad dæmonum auxilia imploranda recurrunt.

Non dissimiliter fecere quidam scriptores moderni, nomine sonantes Christum, re ipsa superstitiosi magi, qui in suis operibus auspicantes à magiæ naturalis documentis, ad diabolicam, & vana, prolapsi sunt, & ideo eorum libros prohibuit Ecclesia, inter quos nomino Anselmum Parmensem, Cicchum Esculanum, Petrum de Abono, Cornelium Agrippam, ac Paracellum, Hæreticos : ad quos ferme declinant Cardanus de subtilitate, & varietate, & Ioannes Baptista à Porta in suo libello de magia, qui & alij multi Germaniæ, vbi officium defensionis fidei non viger, libere à magia naturali ad dæmoniacam in multis dilabuntur.

Ex hac assertionem, & corollarium, respondetur ad argumenta in principio posita; Psyllos, & Marfos habere proprietatem quandam, & qualitatem exitialem serpentibus. Similiter, & alij homines (de quibus August.) habebant quasdam individuales conditiones, ratione quarum illas

illas inusitatas operationes efficiebant. Quod nos non negamus, sed potius asserimus: sed dubitatio est de omni operatione mirabili magorum. De quo

*Secunda assertio fit.* Multos effectus mirabiles ac insolitos efficiunt magi, qui nequaquam reduci possunt ad virtutem operatricem causarum naturalium, aut artificialium. Huiusmodi ferè sunt omnia quæ narratur de Simone, & Apollonio famosis magis. Huiusmodi etiam sunt prædicere occulta, aut futura, thesaurosq; absconditos reuelare, facere statuas loqui, & similia, quæ ex vna parte superant humanas vires, ex alia causarum naturalium efficacitatem, eo quod necessariò ab operante per intellectum procedere debent. Hanc assertionem acutè satis & copiose probat D. Th. 3. contra gentes capite 104. Sed nunquid ad genios malos hi effectus reducendi sunt?

DISPUTATIO II.

*An magorum opera miranda ad dæmones reducenda sint?*

ET videtur non omnia magorum miranda opera esse reducenda ad dæmonum efficaciam patrocinantium magis. Primò ex Auicena dicente: Si homo esset secundum intellectum bene dispositus, & supra materiam eleuatus, res cuncta materiales, cœlestes, & terrena, simplices, ac mixta, obedirent ei ad nutum: ac proinde nil mirabile eius excederet facultatem. Non longè absunt ab hac sententia, Fulginas, & alij medici, confingentes quoddam temperamentum æquali-

tatis, & humorum, & qualitatum ætinarum ad pondus mixtione, quo temperamento, qui sit præditus, posse miracula efficere asseuerant.

*Secundo.* Deus hominibus sceleratis largitur gratias gratis datas: vt opera, quæ vires humanas, imò & angelicas excedunt, operentur diuina virtute adiuti. de quo latè superius egi circa articulum secundum quæstionis nonagesimæ, & palam fit in gratia sanitarum, ac dono linguarum: ergo de magis operantibus mirifica non est inconueniens asserere.

*Dicit quis.* Gratijs gratis datis à Deo qui accipit, non vitur in malum finem: at isti magi operibus mirandis in malos fines vitur, nempe ad maleficiandos homines, ad occulta prodendum, ad decipiendum. *Contra,* quia hoc per accidens est gratiarum datarum gratis receptioni: quibus prauis homines aliquando prauè vitur, sicut accidit Claudie virgini Vestali, quam Dei virtute adiutam fatetur S. Thomas quæstione 8. de potentia art. 5. ad 5. aquam in vaso perforato Tiberi portasse sine effusione; & tamen in honorem Deæ Vestæ id hæc femina fecit, cui suam virginitatem sacrauerat.

*Tertio.* Hæc opera miranda possunt referri in patrocinium bonorum Angelorum ergo in eos potius quàm in dæmones referenda sunt, maximè quādo per ea opera aliquod beneficiū præstatur: verbi gratia sanitas præter communem cursum naturæ, dissoluere maleficia, reuelare thesauros in visce-

Bb 3

ribus



ribus terræ existentes. *Prob. consequentia*, quia id possunt efficere boni Angeli, & audiores sunt nostrarum utilitatum, quàm dæmones.

Sit tamē nostra *assertio*. Magi opera miranda quæ efficiunt excedentia suas vires, nequaquā Dei virtute, aut Angelorum bonorum ea peragunt, sed virtute communicata à dæmonibus: ipsi enim sunt qui ea median- tibus magis operantur. Prior asser- tionis pars est cōtra quosdā, qui mo- ti secundo argumento (sed blasphemē) opera magorum Deo adscribūt, vt operantur principaliter mediante gratia gratis data, miraculorum, lin- guarum, &c. Sed *probat*ur ex doctrina

*D. Thom.* D. Th. de potentia q. 6. art. 5. nam gra- tiam faciendi res mirabiles commu- nicat Deus in testimonium veritatis, & commune bonum: sed si magis communicaret Deus gratiam faci- endi eas res mirabiles, quæ exce- dunt eorum facultates, esset testis falsitatis: putā suorum dogmatum, suorum rituum, suorum scelerum: ergo non est id credendum de Dei bonitate, & æquitate. Consimili ra- tione negauimus supra dogmatiza- toribus Hæreticæ prauitatis, Deum non communicare donum miracula faciendi.

*Secundo*. Deus, & Ecclesia leuere prohibēt huiusmodi magorū opera: ergo ad ea efficienda non dat suas gratias. *Tertio*. Qui operatur ex dono gratiæ gratis datæ, ad certū tempus, occasionem, & cæremonias, non re- stringuntur: sicut magi, qui si vel

minimo deficient, nihil efficiunt.

*Quarto*. Vfus gratiarum non habetur habitualiter, vt supra docuimus, ne- que traduntur hæ gratiæ per discipuli- nā & præcepta: at magis quoties li- bet, factis certis cæremonijs (quæ po- tius inuocationes dæmonum sunt,) operantur, & suos discipulos magiæ artem docent, & auditores magistro- rum sequentes præcepta, quæ Magi- stri, eadem operantur.

*Secunda* pars assertionis est contra quosdam Platonicos Iambicū, Por- phirium, Plotinum, Proclum, & Iu- lianum apostatam, & cōtra alios mo- dernos, qui horum magorum opera, si ad aliquod bonum ordinētur, aiūt esse Angelorum opera: sin minus dæ- monum. Ita Glicas, Nizetas, & alij. *Glicas*. Horum sentētia plusquam falsa est. *Nizetas*. Et probatur primo ex quodam art. Parisiensi dicente: *Quod boni Angeli in- cludantur in lapidibus, & consecrent imagi- nes, vel vestimenta, aut alia faciant, quæ in istis artibus continentur* (magijs scili- cet) *error*. Secundò quia in iure Ca- nonico vniuersaliter vetatur, horum magorum ars, vt videre licet *causa* 26.

*Tertiò ratione*. Nam Angeli horum magicorum effectores, exhibent se adorandos; imò & præcipiunt: iubēt sibi sacrificia offerri: quod certè nō facerent, neque permetterent boni Angeli. *Quarto*, quia istorum magorū ars indifferenter dirigitur ad inferen- da mālā per facta, adulteria, neces, &c. & ad bona conferenda. Miscent itidem mulra mendacia, & deceptiones, vtuntur etiam imperio, & minis

serum impossibilium, vt superius re-  
tulimus: at nullum horum tribuen-  
dum est Angelis sanctis.

Tertia assertionis pars colligitur à  
sufficienti diuisione; nam si opera  
præfata nequeunt fieri nisi ab ope-  
rante per intellectum; non ab homi-  
ne; quia eius facultatem superant;  
non à Deo, aut bonis Angelis, vt pro-  
bauimus; neque ab animabus sepa-  
ratis, de quo inferius: ergo à dæmone  
necesse est fieri, qui ex certo inito  
fœdere cum magis, vocatus ad est, vt  
ea opera perficiat.

Pro primi argumēti responsione,  
confutandæ essent opiniones, seu po-  
tius deliria Auicennæ, & Fulginatis;  
sed quia nullo apparenti fundamēto  
nituntur, refutationem huius relin-  
quo Michaeli de Medina in libr. 2. de  
recta in Deum fide c. 7. secundi verò, Sy-  
billano Decade 3. peregrinarum quest. q.  
3. c. 8. Ad secundum non inficiamur  
possibile esse vt Deus magis gratias  
aliquot gratis data communicet: ma-  
ximè miraculorum, & fortè id fecit  
quando ex circumstantijs expediebat  
ad bonum Religionis, & Dei gloriā:  
sic fortè accidit Claudie Virgini ido-  
latræ, ad testificandum, & prouehē-  
dum bonum castitatis; cæterum id  
raro contingit, aut fortè nunquam,  
propter rationes allatas in probatio-  
ne nostræ assertionis: per hœc tamen  
non negamus, quin magi operentur  
quædam mira, valde similia his, quæ  
sancti homines, & Angeli, virtute à  
Deo accepta, efficiunt, quando suas  
naturales vires excedunt: de quo sta-

tim. Ad 3. responderetur, non esse negan-  
dam bonos Angelos communicare  
aliquādo suam potestatem, & homi-  
nes adiuuare, vt alijs beneficia sanita-  
rum largiantur, consiliorum, &c. Sed  
hoc non faciunt vt magi ad sustenta-  
tionem, vel sicut dæmones, vt colan-  
tur ab hominibus: sed solum propter  
Dei gloriā, & cōmodum hominū,  
& ideo ferè semper occultis modis.  
Quare opera magorum, quæ indiffe-  
renter diriguntur ad bona, & mala  
præstanda, imò tandem ad exitium  
inferendum, non Deo, neque Ange-  
lis adiuuantibus, adscribēda sunt vt  
actoribus, sed dæmonibus.

### DISPUTATIO III.

De modo, id est, de via, ac operationibus, quibus  
dæmones, siue per seipsos, siue ad inuo-  
cationem magorum, opera mi-  
randa efficiunt.

PRO decisione præmittendum,  
præfata opera necessario debere  
perfici per actionem transeuntem  
in exteram materiam: siue ea actio  
sit substantialis, vt generatio, siue ac-  
cidentalis, vt motus localis, altera-  
tio, augmentatio. Rursus ea opera-  
tione, vel fiunt mirandi opera imme-  
diatè sine vlla alia media actione,  
vel mediatè, id est, mediante alia a-  
ctione: quæ à priori ortum habet, &  
ad quam consequitur. His supposi-  
tis.

Primo dico. Quidquid factibile est  
per motum localem immediatè pos-  
sunt dæmones efficere. Prob. pri-  
mo, quia materia corporalis obedit  
Angelis.



D. Thom.

Angelis ad nutum in ordine ad localem motum, ut demonstrat *D. Th. 1. p. q. 110. art. 3* & *locis nuper citatis*. Possunt autem quamplurima miranda efficere per talem motum, sicut & ipse motus localis eorum admirandus est, multis excedens hominum ac rerum aliarum corporearum locales motus. Est enim diuersæ rationis, ac qualitatis, & æquiuocè motus in ordine ad illos. Vnde & possunt dæmones naturali sua virtute transire continuè per medium, & possunt transire de extremo ad extremum non pertransito medio: ac proinde poterunt ab vno loco ad alium valdè distantem velocissimè moueri, & tempore ferè imperceptibili, imò æquè velociter ad distantem, & ad propinquum: de qua re *1 p. q. 53*. nihilominus quando corpora mouent id necessariò debet fieri motu continuo medium pertransendo: & licet possit fieri ab eis motus citissimus, & in breui temporis spatio: aliquæ tamen temporis mora necessaria est, & tanto maior, quanto extrema motus distantiora sunt.

Hinc, videlicet ex motu locali, possumus assignare rationem multorum effectuum admirandorum, & quæ humanam fidem excedere viderentur, nisi accederet autoritas dicentium, & experiètia idem comprobare. *Primo*. Possunt dæmones homines, bruta, & alia corpora, ab vno loco in alium, quatumuis distantem, in modico temporis spatio transferre. Dæmon Christum Dominum à deserto vsque ad pinnaculum templi portauit, ut *Diuus*

*Gregorius in Homilia*, & alij post eum *Gregor.* asserunt: & Angelus bonus portauit *Habacuc* per longa terrarum spatia, *Danielis 8*. nec Scriptura aut Sancti *Daniel 8* adscribunt hoc virtuti speciali Dei, sed naturæ, & virtuti naturali motiue Angeli, quæ in malis conseruatur vsque adhuc: nostri etiam temporis magi crebrò ad longinqua loca à dæmone feruntur, quinimò & alios secum, volantes per aëra in caballo ferente, id est, dæmone sub forma caballi, per aëra deferunt, monitos primum ne signo crucis se muniant, sicut narratur sæpè apud *Sprengerum*, *Sprenger* & *Syluestram lib. 1. c. 14. pun. 4. & hist. Syluest.* *Eccles. in vita D. Petri* narrat, Simonem Magum à dæmonibus inuisibiliter per aëra euectum esse in sublime, quasi ascendentem in cælum: inde tamen precibus Beati Petri ad Deum fufis deiectus est in terram.

*Secundo*. Per localem motum possunt ignem ex superiori aeris parte in terram demittere, in perniciem hominum; item turbulentos, & vehementes vētos, quibus magna subruant ædificia. Ita habetur *Iob 1*. Possunt *Iob 1* etiam dæmones per motum localem grauissimos in mari ventorum impetus, procellas, & varias tēpestates excitare, vel aquas maris ab imo sursum commouendò, vel per concitatissimos ventos: possunt itidem ingētes facere terremotus, vel includendo vehementem aliquem ventum in cauernis terre, vel inclusum in illis vehementius agitando. Ad hūc modum reor esse dicendum, de aliquibus

quibus mirandis magorum circa v̄-  
 tos excitandos, Ericus Rex Gottho-  
 rum quocumq; verteret pileū, inde  
 prosperum v̄tum eliciebat, nimirū  
 dæmone mouente ventum ad signū  
 pilei moti. Ita Ioannes Magnus *lib. 17.*  
*historia Gotthorum*, & Olaus Magnus  
*lib. 1. c. 1. & lib. 3. c. 18.* de lappis finnis  
 & Biarnis narrat, esse solitos vendere  
 ventos nauigantibus, dæmonibus,  
 scilicet, eos accersientibus propter  
 pactum cum ea gente initum. Et ad  
 eum fermè modū fieri potuit, quod  
 narrat Philostratus *lib. 3. c. 3.* de duo-  
 bus dolijs, quæ vidit Apollonius a-  
 pud Indos: quæ cum aperiebantur  
 imbres, & ventos emittebant: clausa  
 verò, cohibebant: & quod Gentiles  
 fabulantur de Æolo Deo ventorum:  
 dæmones efficiebant, vt illi sub no-  
 mine Æoli colerent, *Tertio*. Possunt  
 dæmones subitò res præsentēs ē  
 conspectu adstantium subtrahere,  
 atque isto pacto reddere inuisibiles.  
 Ita dicitur Apollonio, qui cum esset  
 in conspectu Domitiani Imperato-  
 ris, repentē ex omnium oculis rece-  
 sit, & quasi euauit: sed longē alibi  
 inuentus est: quod est manifestum  
 signum, à diabolo asportatum esse.  
*Quarto*. Potest dæmon facere vt sta-  
 tuæ, vel aliæ res inanimatæ ambu-  
 lent quasi motu progressiuo, dæmo-  
 ne, scilicet, eas mouente. Sic fiebat  
 illud quod refertur à Philostrato  
*lib. 3. c. 8.* cum enim Apollonius, &  
 Hiarcha, & alij Brachmanes mensæ  
 accubissent; Tripodes lapides sua  
 sponte fuisse motos, & ab æreis pin-

cernis calices in gyrum circumlatos  
 esse, certa mensura vinum, & aquam  
 miscentes, & cyathos offerentes con-  
 uiuijs. *Quinto*. Possunt per eundem  
 motum facere vt statuæ, arbores, &  
 bruta more hominum loquantur;  
 exemplum in simulachro Iunonis.  
 Ita Valerius Maximus *lib. 1. c. vltimo*, Valerius.  
 & illud de vlmæ salutâre Apolloniū,  
 vt ait Philostratus, quæ non fuere  
 veræ voces vt infra videbimus, sed  
 soni eis similes in ære formati. Deni-  
 que multa alia miranda faciunt dæ-  
 mones medio locali motu, in quo  
 potentissimi sunt, & nos sparsim ad-  
 ducemus in sequentibus.

Altera dæmoniorū actio mediata  
 est consequens ad localem eorum  
 motum, in quo potentissimi sunt, &  
 per hāc possunt quidquid causæ na-  
 turales possunt, eas applicando per  
 localem motum, vt operentur iuxta  
 naturalem modum suum, & actiui-  
 tatem, & sic operantur miranda, quæ  
 hominum operationem exuperant.  
*Primo*, quia noua & inusitata sunt  
 hominibus. *Secundo*, quia modus  
 operandi eis occultus. *Tertio*, quia  
 dæmones nouerunt virtutes occul-  
 tas rerum, latentes in quibusdam  
 rebus, putà aquis, succis, gemmis, la-  
 pidibus, herbis, lignis, & animalibus,  
 quin imò in ipso hominis cor-  
 pore operum admirabilium effe-  
 ctrices, & accommodata nouerūt ap-  
 plicandi tempora. *Quarto*. Sicut homi-  
 nes variè, temperando, & modificā-  
 do res naturales, possunt effectus  
 naturales producere, quos per se na-



turales causæ nunquā produxissent, ut patet in distillationibus aquarū in arborum incisionibus, in ciborū cōdimentis, in pharmacarū confectionibus: ita dæmones, quī artificiores sunt hominibus, solertiæ, & artificij, ac confectionum vix est quod ignorent, propter assiduam experiētiā, & obseruationem eorū, quæ Angelī, & homines ab initio mundi patrarunt, sic aptè concinnari, & cōponere ac miscere possunt causas naturales, ut effectus mirabiliores producant: quos causæ illæ naturales nunquam per se produxissent.

D. Thom.

Ac denique, quia ut ait D. Tho. 3. contra Gentes, cap. 10. cum Angelī, vel dæmones vtuntur causis naturalibus ad aliquos producendos effectus, vtuntur eis tanquam instrumentis: ex instrumento autem procedit effectus, non tantum eius virtuti respondens, sed multo etiam præstantior, & perfectior, respondens, scilicet, virtuti principalis agentis, à quo instrumentum mouetur ad operandum: quemadmodum securis non tantum secat, sed etiā facit lectum, vel mensam, vel hominis statuam, ut est instrumentum hominis ex arte operantis, & calor naturalis, qui est in semine, vel in animali, non solum calefacit, & rarefacit, ac segregat; sed etiam generat sanguinem, carnes, & ossa in virtute animæ, vel animalis, cuius est instrumentum. *Simili ratione*, causæ naturales interdum producant effectus præstantiores suis ipsarum virtutibus; ex

eo quod sunt instrumenta Angelorum, vel demonum, à quibus mouentur, & reguntur.

#### DISPUTATIO IV.

*Quæ non possunt Angeli, & dæmones, neque magi, eorum ope, efficere?*

ET in primis hoc iacendum est fundamentum ad quæstionem decidendam apprimè necessarium; neque Angelos, neque spiritus, neque magos posse ordinem naturæ, aut leges vniuersi, quas Deus ad gubernationem orbis fixit, inuerrere, aut immutare; siue sermo sit de potestate per motum localem (quæ est actio immediata dæmonis) siue de applicatione actiuorum, & passiuorum per alterationem, aut corruptionem, generationemve, quæ sunt eius actiones mediata. Itaq; non possunt quidquā quod naturam superet, & proinde non valent efficere aliquid, quo ordo, aut lex gubernationis vniuersi immutetur: hæc enim potestas solius Dei est, ut causæ principalis, & earum creaturarum, quibus Deus ut instrumentis, eam communicat per donum miraculorum patrandorum.

Hæc assertio est cōtra veteres Poëtas, qui inducunt magos minitantes se totum naturæ ordinem subuerrere posse: sed iactantia superba, & sine fundamento. Nostra verò assertio approbatur à tota Theologorū Schola, præcipuè à Diuo August. lib. 3. de Trinitate, & à D. Th. lib. 3. contra Gen- D. Thom. August.

ter, cap. 102. & q. 16. de malo art. 9. ad 2.  
 & probatur ex Apostolo ad Hebræos  
 2. Non subiecit Deus Angelis orbem terra  
 futurum. Sic interpretatur D. Chry-  
 lostomus, Theophil. & Diuus Tho-  
 mas, quos sequitur Ribera, quamuis a-  
 lij de nouo mundo dicant testimo-  
 nium esse intelligendum. Sed melius  
 probatur ratione, quia pars neque incli-  
 nationem, neque potestatem habere  
 debet ad subuertendum totum; pars  
 enim propter totum est.

Ex præfata assertione quæ plurima  
 deducuntur. *Primum*, Non poterunt  
 dæmones cælorum, aut syderū mo-  
 tus sistere, neque eorum cursus retro  
 agere, vel mutare, vel velocius quàm  
 modò mouere. *Probat*ur, quia esset or-  
 dinem à Deo præstitum orbi inuer-  
 tere. Quapropter illam magorum ia-  
 ctantiam minitantium se Lunā posse  
 à cælo deturbare: inane delirium iu-  
 dicaro. Si fabulis delectaris, poteris  
 videre non illepidam de Arcadibus  
 putantibus, dum Luna eclipsaretur  
 esse epotam ab asino, apud Ludoui-  
 cum Viues commentarijs, super 10.  
 lib. de Ciuitate, cap. 4.

*Secundum*. Non valent dæmones,  
 neque Angeli integrum elementum  
 de suo loco naturali ad alium trans-  
 ferre, neq; partes, quibus integratur  
 Mūdus, auferre, aut ex suo exturbare  
 loco: quia esset ordinem vniuersi im-  
 mutare. Dubitas fortè, an hæc non  
 possint, quia carent ad id efficiendū  
 virtute motiua? an verò quia à Deo  
 prohibentur, ne destruat orbis? D.  
 Tho. conformior prior dubitationis

pars: nam in quest. de malo, vbi supra  
 ait, quod idem est naturalis motus  
 totius, & partis, non tamen eadem  
 vis sufficit ad mouendum totum, quæ  
 mouet partem. Vnde licet dæmones  
 possint mouere aliquam partem ter-  
 ræ, non sequitur, quod possint mo-  
 uere totam terram, quia hoc non  
 est proportionatum potētiae ipsorū,  
 vt mutant ordinem elementorum  
 mundi. Hinc poteris colligere moti-  
 uam potentiam Angeli, non solum  
 respicere molis quantitatem, sed po-  
 tius inclinationem rei mouendæ.

*Tertium*. Non poterunt vacuū pro-  
 ducere, neq; in tota aëris regione, ne-  
 que in minimo spatio: quia ordo v-  
 niuersi, quod oportet esse contiguū  
 lationibus superioribus destrueretur.  
*Quartū*. Neq; corpus de extremo  
 ad extremum transferre non transi-  
 to medio, neque in instanti mouere,  
 neque corpus longè à se distans, pu-  
 tā Angelus existens in Oriente, non  
 poterit mouere corpus in Occiden-  
 te extans, quia positio hæc extra suæ  
 actiuitatis sphaeram continetur, neq;  
 quantalibet celeritate mouere, quia  
 vis motiua dæmonibus limitata est  
 certis limitibus, & licet attenda sua  
 naturali virtute, possent animas se-  
 paratas localiter quo vellent defer-  
 re, tamen à Deo prohibentur.

*Quintum*. Non possunt aliquid ex  
 nihilo producere, neque annihilare,  
 quia hoc solius Dei omnipotentiae  
 reseruatur. *Sextum*. Dæmones, aut  
 magi non valent per localem mo-  
 tum immediatè producere aliquam



formam substantialem, siue accidentalem, nec magis corpoream, & permanentem. Dixi, corpoream, quia aliquod lumen intelligibile possunt communicare. Dixi, permanentem, quia fortè aliquam formam accidentalem debilis entitatis cum motu locali citò interituræ, & ad eum sequutæ, poterunt subiecto motabili imprimere. *Ex assertione sequitur*, non posse producere equos, boves, aut alia animalia perfectæ: quia hæc nisi à generatē eiusdē speciei, produci nō valent. Sequitur etiā non posse carnem, sanguinē, ossa, & huiusmodi partes integrales viventium efficere, quia à principio viventi vitæ alicuius genere, prodire ne necesse est. Probat<sup>r</sup> nostra assertio ratione *D. Thom.*

*D. Thom.*

*1. p. quæst. 110. artic. 2.* omne quod fit à sibi simile fit, sed compositum est id, quod fit, non forma: ergo nequit aliquid corporale fieri nisi ab agente composito ex materia, & forma (cuius compositionis dæmones expetites sunt) aut ab eo, qui eminenter continet formam, & materiam, qualis est solus Deus. Sic igitur omnis informatio materiæ, vel est à Deo immediatè, vel ab aliquo agēte corporali: non autem immediatè ab Angelo. De hac re *D. Thom. 2. contra Gentes. c. 103. & quæst. de demonibus art. 9. & alibi sæpè*: nec possunt exercere opera verè vitalia, vt loqui, comedere, audire, quia hæc necessariò sunt à principio vitali intrinseco. *D. Thom. 1. part. q. 51. art. 3.*

*D. Thom.*

*Septimum.* Neque ex qualibet re

naturali possunt facere quamlibet, quia non possunt, vt dicebamus immediatè formā introducere, vt autē mediatè possint, necessariū est aptas dispositiones agentium, & patientiū naturalium præcedere: nulla verò res est, quæ capax sit omnium dispositionum requisitarū ad singulas formas.

His modò dictis proximè accedit *octauum assertum*. Nequeunt dæmones, neque magi eorum ope, corpora perfectæ alicuius speciei in aliam speciem transformare. Dixi, perfectæ speciei, quia sicut naturaliter fortè fieri potest, vt animalia quædam imperfecta in alia transmutentur, de quo *Aristot. libro 5. Histor. animal. capite 19.* & *Plinius libro 11. natural. histor. capite 22.* ita dæmones explicatione caularum naturalium possent efficere. Probat<sup>r</sup> assertum ex *Augustin. libro 18. de Ciuitate, capite 18.* & de spiritu, & *litera capite 28.* Quod dupliciter potest intelligi. *Primo modo*, vt ex anima, & corpore vnius animalis fiat alterius speciei animal: verbi gratia ex equo elephantis. *Secundo modo*, vt ex homine, aut equo fiat canis, aut lapis, per hoc quod forma præcedentis compositi informet corpus pertineñs ad indiuiduum alicuius speciei. Vterq; modus naturæ impossibilis, prior impossibiliore: maxime si ex homine esset efficienda bellua, aliàs anima rationalis corrumperetur, neque immortalis esset: res aliena non solum ab ortho-

*Aristot. Plinius*

*August.*

*doxa.*

doxa fide, verum & lumini rationis  
dissona. Item, quia hoc esset fingere  
transubstantiationem quandam in  
rebus, dum vna in alteram conuerteretur: quod (præterquam in Eucharistia virtute diuina) non admittunt sapientes scientia seculari; neque orthodoxus quispiam. *Secundi* autem modi impossibilitas ostenditur; quia quælibet forma substantialis, vt suū esse tribuat informando, requirit peculiare, & sibi conuenientes dispositiones, & organizationem corporis propriam: est enim actus corporis physici organici (Aristot. 2. de Anima) ergo neque anima humana corpus ferinum, vel ferina humanum informare poterit secundum naturæ ordinem.

*Quod si obiicias* Nabuchodonosor. 4. rem conuersum in bouem, *Danielis* 4. & vxorem Loth in statuam salis, *responsa* in promptu est, id factum esse diuina virtute; nos de virtute naturali dæmonum oppositum asseueramus. Mitto modo, quod multi ex Patribus negant eum Regem formæ bouis accepisse, imo neque effigiem bouinam: sed dumtaxat ita esse mente alienatum, vt se bouem crederet. Alij forte probabilius vt Gregorius *lib. 5. Moral. cap. 8.* affectiones illius Regis in bouis temperamentum commutatas, figuram etiam humanam quodam modo in bouinam degenerasse, sensusque internos similes brutorum sensibus. Vnde factum est, vt instar quadrupedis incideret, & fœno vesceretur, & homines fugeret,

& in deserto moraretur. Diuina vero virtute factum est sub tali temperamento, & habitudine corporis, rationalem animam perseuerare, vt pœnitendo resipisceret. Conuersionem autem vxoris Loth factam fuisse per Angelos malos, ex Dei iussione, & virtute diuina, non displicet D. Thom. *de malo quæst. 6. ar. 9. ad 3. vbi* D. Thom. negat dæmones posse propria virtute corpora vnius speciei in aliam transformare: non possunt etiam dæmones quantitatem corporum sic mutare, vt penetratio partium sequatur. *Prob. ex doctrina Philosophi, & D. Thom. dicentium secundum naturæ ordinem non posse esse partium, aut corporalium dimensionum penetrationem.*

Hinc fit vt nequeat dæmon facere, vt striges in forma cati, aut mustellæ per rimulam, & multo minus foribus clausis ingrediantur cameram, vt ipsæ mentiuntur: & propter eandem rationem puto non posse dæmones duo corpora ponere in eodem loco. Non possunt dæmones facere, vt homo resurgat, & ~~non~~ minus cætera quæcumque viuientia, & non viuientia, si semel corrumpatur. *Prob.* Id dicitur resurgere quod idem numero tã secundum formam quã secundum materiam iterum reproducitur: at hoc non potest fieri facultate virtutis creatæ, quia vt ait Arist. à privatione ad habitum non est possibilis regressus, 5. physic. & 2. de generatione: ergo, *Prob. & declar. minor;* nã quando moriuntur bruta, animæ eorū moriuntur.



riūtur, & totaliter desinūt esse, quando etiā non viuentia corrumpūtur, eorū forma desinit esse: ergo cum natura non possit reparare idē numero; non poterit facere, vt forma amissa, aliud corpus, vel præcedens informet, quod informauerat, quia quod non est nihil poterit operari.

De homine verē poterat magis dubitari, quia eius natura propinquior est resurrectioni, propter animæ immortalitatem, & incorruptibilitatem. *Sed probatur*, dæmones, aut Angelos id non posse: tum quia naturæ viribus non conceditur regressus à priuatione ad habitum: tū quia anima humana separata semel à corpore, vel informabit corpus, quod antea habitauerat, vel aliud: neutrum possibile est per naturæ vires: etenim modus naturalis vniendi animam corpori, necessario debet fieri per generationem corporis animæque creationem, aut infusionem. Corpus autem vt adaptetur animæ semel separatæ, neutrūquam naturaliter generari possibile est; quia absunt dispositiones, scilicet conueniens temperamentum, calor naturalis, ac viuificus, spiritus animales, & naturales, verus atque humanus sanguis. Has porro atque alias res ( sine quibus corpus humanum animæ rationalis capax esse non potest) non potest dēmo, neq; vlla naturalis causa præstare corpori humano, cū earū rerū naturalis, & propria causa sit, primo quidē, naturalis virtus seminalis, & formatrix humani corporis, postea

vero naturalis virtus animæ sensitivæ & vegetatiuæ, quæ cū ab anima sint, non possunt eam reunire volēte dæmone. Ex his infertur, resurrectiones mortuorum, quæ à magis factæ narrantur: vel esse fabulosas, vel tantum simulatē atque in specie esse factas à dæmonibus.

Obijciunt nobis, naturaliter muscas submersas reuiuiscere si in cineribus tepidis ponantur, apes si succo nepetę persuadātur, pellicanū pullos mortuos proprio sanguine ad vitam restituere, leunculos quoque mortuos voce, & spiritu parentum vita donari: ergo & opera dæmonum, qui possunt quidquid causæ naturales, poterant animalia resurgere. *Respondetur*. Esto esset verum corpora brutorū mortuorū posse viuificari, non proprie dicerentur resurgere, quia alia distincta informarentur forma: & sic non essent eadem animalia. Ad rigorosam vero resurrectionē nec esse est, vt idem numero viuens, quod mortuū fuerat, viuificetur. *Secūdo resp.* animalia perfectā vita functa neque etiam posse sub diuersa forma, & in eodem corpore viuificari: quia cum hæc viuificatio fieri debeat per generationem viuentis perfecti: nisi mediantibus dispositionibus ab eodem viuente effectis, (quod non potest fieri in corpore corrupto) nequibit effectus produci. Quare si quando talia animalia videntur aliquādo reuiuiscere: penitus mortua nō fuere, sed mortuis similia. Sicut quædam animalia, quæ certis anni temporibus quasi

quasi mortua iacent, & postea in initio veris excitantur, & quasi reuiuiscere apparent, vt accidit gliribus, vris, & passeri vitulino, apud Mexicanum. At vero animalia, quæ ex putrefactione nascuntur, cum vitam amiserunt, poterunt à dæmone viuificari, naturalibus remedijs adhibitis, ipse enim nouit calorem, & dispositiones ad hoc requisitas congerere, quæ cum pauca sint, & sine agente proximo induci possint virtute cælorum, non mirum vt corpus præmortuum, de nouo informetur. Sed tamē propriè non erit idem animal mortuum & viuificatum, quia licet materia fortasse possit esse eadem, si nondum corrupta totaliter erat: tamen anima, quæ ex eius potentia denuo educetur, non erit eadem numero cum ea quæ corrupta fuerat, & defierat esse. Maneat ergo certum dæmones non posse facere, vt homines aut alia animalia resurgant, quia hoc soli potentia Dei reseruatur.

Sed dubitas, an dæmones possint animas separatas loco mouere etiam coactas? *Resp. affirmatiuè*, si sermo sit de potestate naturali, tamen secundum legem à Deo statutam hoc eis non permittitur, quia in animas sanctas non habent potestatem, quod de cælestibus est clarum, & certum de animabus purgatorij: decretum enim diuinum est, vt inde non exeant donec soluant, & tunc rectè tendant in cælum, quod si forte aliquando aliqua illarum inde permittitur exire, fit ex speciali Dei dispensatione sine adiu-

torio dæmonum: animæ vero inferni ita ibi alligatæ sunt, vt nec sua, nec dæmonum voluntate inde exire valeant, propter Dei decretum eas ibi puniendas destinans: cuius non mediocri testimonium perhibet diuitis epulonis exemplum *Lucæ 16*. Ex dictis infero fallum esse quod ait Iustinus Dialogo cum Triphone de potestate dæmonum reuocandi animas etiam iustorum.

Vltimo nequeunt aliquam formam substantialem etiam præuijs dispositionibus in instanti producere: quia applicatio præuiarum dispositionum, cum per motum localem fiat, à dæmone nequit fieri in instanti, nec etiam possunt quantumuis paruo tempore, aut mora æquali quidquid volunt perficere: nam causæ naturales quarum actione mediante has formas producant, plus temporis ad vnā rem producendam, quam ad aliam requirunt secundum plures, aut perfectiores dispositiones vnius rei, quam aliterius.

Hinc fit, vt vermes, locustas, mures, & huiusmodi insecta, producere possunt: tum sine actione causarum naturalium particulariū: tum in parua mora, eo quod dispositiones ad huiusmodi animalia imperfecta facile coagulantur, & parua consumpta mora: tum quia naturaliter producuntur sine causarum naturalium efficientium concursu. Vnde quando dæmones ea efficiant, ad eos tantum spectat dispositio:



sitiones procurare, & quia pauca sūt in parua temporis mora congregantur. Cætera vero viuientia perfecta nequeunt producere, etiam median-ribus causis proximis naturalibus, nisi in tempore congruenti, vt gignantur, & multo minus in statu perfecto: verbi gratia, ad generandum equos medio semine equino, indigent non modica temporis mora, & multo maiore, vt producant robustos equos. Denique nō possunt immediatē efficere, vt causæ naturales applicatæ sufficienter ad agendum, non agant: hoc enim solius Dei est, & eorum qui virtute diuina id efficiunt: possunt tamen mediante motu locali alterius causæ: v.g. si ad amantem adhibeas, impiedietur magnes ne ferrum trahat.

## DISPUTATIO V.

*An effectus isti mirandi, quos daemones, & magos posse producere diximus, veri sint, an dumtaxat apparentes?*

**E**T primo pro tituli elucidatione aduertendum, in dubium non verti, an aliquid daemones possint efficere, aut per localem motum, aut alias mutationes ad eum consequentes. Etenim si eas operationes verē possunt efficere vt posse definimus, & easdem ad terminum verum seu obiectum terminare necesse est. Sed dubitatio est an hi effectus tales sint, quales apparent sensibus intuentium: & gratia exempli ante oculos

ponamus, actionem præstigiosam; qua daemones D. Antonium nitebatur decipere, in specie blandientium fœminarum; simulachra illa muliebria, vera simulachra erant, vere immutabant visum, veri effectus erant actionum, seu motus localis daemonum, quo ea depingebant: sed tamen apparebant esse veræ fœminæ, cum tamen essent tantum illarum imagines inanes, & spectra decipientia oculos videntium. Sensus ergo dubitationis est, an omnia opera magorum, & daemonum, sint fucata, & deceptoria, oculos & sensus percipientium fallentia: ita vt aliud essent, & aliud apparerent? an vero aliqua essent, & talia qualia apparebant?

Disputatio hæc deciditur, dicendū: aliquos daemonum effectus veros esse, non sensus decipientes, quales sunt apparentes, aliquos vero fucatos, præstigiosos, ac deceptorios, qui vnum sunt, aliud apparent. *Prima pars assertionis ex capite 13. Deuteronomij colligitur, vbi Deus prædixit Hebræis futuros Pseudo-Prophetas, qui prædicerent futurum aliquot portentum, idque ita euenire, vt ab eis fuerat prænuntiarum: & Iustinus martyr in responsione ad quæstiones orthodoxorum de Apollonio Tyranno affirmat quædam admirabilia vera fecisse, vt maris impetus, ferarū incursiones, &c. Et D. August. lib. 3. de doct. Christiana cap. 7. & 8. & lib. 83. quæstionum q. 79. expresse asserit magos facere posse, & fecisse multa admiranda opera, explicans illud* *Matth.*

Matth. 24. Surgent Pseudo Christi, & pseudo-Prophetae, & dabunt signa magna, & prodigia, ita ut in errorem inducantur, si fieri potest, etiam electi. Et sequitur illum D. Thom. Super istum D. Matthæi locum, & clarissimè 1 p. q. 114. art. 4. sic ait. Sciendum tamen est, quod licet eiusmodi opera demonum (narrauerat aliqua quæ naturæ humanæ facultatem excedunt) quæ nobis videntur miracula ad veram rationem miraculi non pertingant: sunt tamen quandoque res veræ, sicut magi Pharaonis per virtutem demonum veros serpentes, & ranas fecerunt; & quando ignis de cælo cecidit, & familiam Iob vna cum gregibus pecorum vno impetu consumpsit, & turbo domum eiciens filios eius occidit: ea fuerunt opera Sathana non sanè phantastica, sed veræ, ut docet D. August. de ciuitate Dei. Hæc D. Thom. Secundo ratione probatur, quia ut supra docuimus dæmones sæpe admiranda operantur, applicando actiua passiuæ rerum naturalium, at certum est causas naturales si inuicem agant, & patiantur, effectus veros producere: ergo id ipsum dicendum est de dæmonibus & magis operantibus ministerio earundem causarum naturalium.

Tertio, quia aliquando reperti sunt artifices excellentes, qui opera miranda fecerunt, quæ rapiebant videntes in admirationem: ergo dæmones & magi per eos multò mirabiliora possunt efficere; utpote qui arte, ingenio, & experientia longè superant artificiosissimos quosque homines. Antecedens palam fiet in Archimede Syraculano, mirabili artifice, qui

ingentem nauem onerariam quam plurima hominum turba magnis eniſibus vix mouere poterat, hominibus insuper multis, magna sarcina & ingentibus ponderibus impositis, procul assidens, & quietà impellens manu, vi quadam cuiusdam machinæ ab Archimede compositæ, quasi tranquillo mari prolaberetur, ad se adduxit; & plures alias machinas bellicas, quæ horrorem, & admirationem incutiebant, legitur fecisse. Ita Plutarchus in Marcello. Non minus mirabile opus fuit columba lignea facta ab Archita Pythagorico, ut refert Aulus Gellius lib. 1. c. 12. quæ sic erat libramentis suspensa, & aere certo quodam modo intus occultè incluso, ut per aerem volitaret, ac si viua columba esset.

Secunda pars assertionis perspicua erit recolenti ea, quæ diximus miranda fecisse Simonem Magum, quorum pleraque vana, & fucata erant, ut patet ex his, quæ diximus in disputatione præcedenti, superare facultatem dæmoniorum. Et de Apollonio Tyanæ Philostratus in vita eius multa opera narrat stupenda, sed ferè omnia præstigiola, & dumtaxat apparentia.

Sed an ea miranda opera, quæ magi Pharaonis fecere conantes resistere Moyſi, fuerint veri effectus, puta veri dracones, verus sanguis, &c. an vero tantum præstigioli, & apparentes? vetus, & litigiosa quæstio est. Ego libes amplector sententiã Aug. lib. 7. de Trin. c. 7. & 8. & l. 83. q. 79. D. Th. sup. 24

Plutarch.

Gellius.

Philost.

August.  
D. Thom.

D d

cap.



Caietan.

cap. Matth. & 1. p. q. 114. a. 4. eos esse veros effectus, veros dracones, verum sanguinem, &c. eandem sententiam sequuntur moderni: videndus Caieta. Exod. 7. & nos alio properemus.

*Secundo dico.* Vt plurimum opera mirabilia Magorum, ac dæmonum, fucata, & apparentia dumtaxat sūt. *Ratio est*, quia aliquando eos effectus veros producere non valent, utpote omnipotentia Dei reueruatos: v.g. suscitare animas mortuorum; & ut occultent suā potentia recurrunt ad deceptionē, & faciunt quædā præstigiola, quæ apparent pertinere ad mortuorum resurrectiones: aliquando vero et si aliquos possunt effectus veros producere, attenta sua naturali virtute, Deus nō finit eos ea uti: & si Deus finat, ipsi nolūt veros producere, contenti apparentibus. Tū quia facilius sunt per motum localem, nullis quæsitis virtutib. & dispositionib. causarū naturalium: tum quia amatores sunt deceptionū, & si decipere valent simulachris, non largiuntur vera bona: si spectro ad Venerem alliciunt, non dant facultatem ad naturalem concubitū. Quofit, ut quando dubitatur, an effectus sit verus, an vero præstigiolus, coniectura non levis sumatur ex prædictis, præstigiolum esse: quando autē verum est, & certum, effectum vires dæmoniacas excedere: etiam valde perspicuum est præstigiolum esse. Quando autē eas vires excedat habes ex dictis in præcedenti disputatione.

*Sed antequam ab hac disputatione*

nerecedamus decidenda sunt quædam dubiola ad idē pertinentia. *Primum* de effectibus mirandis, quæ Exod. 7. narrantur facti à magis, scilicet virtute dæmonis virgas conuersas in dracones, aquam in sanguinem, ranas, &c. an fuerint illi effectus veri: an vero præstigioli, & dūtaxat apparentes? Duas oppositas sententias reperio habentes singulæ illustres, & antiquos patronos, quos enumerat Benedictus Pererius *super dictum caput* q. 9. & 10. plausibilior est D. Augustini, & D. Thomæ, *vbi supra*, asserentium fuisse veros dracones, verū sanguinē, veras ranas: nec displicent Lyranus, & Abulensis dicentes, eos dracones non esse arte magica re-  
*Lyra.*  
*Abulensis.*  
père factos, sed ope dæmonū occulte è montibus allatos, vbi gradiebantur.

*Secundum dubium est*, & celebre, de lamijs, Hispanè *Bruxas*, quæ dicuntur ferri à dæmone per aera ad loca valde distantia: an hoc verè contingat? an solum per phantasiæ illusionem? Postremum asserunt ferè omnes Iuris Canonici periti: fundantur in c. *Episcopi*, 26. q. 5. & in experientijs multis, quæ referuntur, quales sunt relatæ  
*Abulensis.*  
ab Abul. *inc. 13. Genes. q. 35. 4.* & Caietano *infra quest. 95. articulo 3.* de quibusdam fœminis maleficis, quæ dicebant media quadam vnctione ferri ad loca valde distantia, in quibus simul cum alijs tripudijs, & choreis vacantes, omnis voluptatis genere perfrui: & tamen ad satiendam experientiam se se coram alijs vnxe-  
*Caietan.*  
runt.

runt, & statim graui sopore correptæ in eodem loco iacuerunt, & postea ad se reuersæ narrabant ad quæ loca, & conuiuia perductæ fuerint: vnde conuictæ sunt non in re, sed sola illusione phantasie ea omnia illis accidisse.

Secunda sententia affirmat, has maleficas verè deferri ad loca distantia, & ibi multa turpia, & sacrilegia cum alijs, & cum ipsis dæmonibus in forma visibili, interdum humana, interdum hireina, & similibus, committere. Hæc est communis sententia Iuris peritorum, ac Theologorum, vt ait Penna in *Directo. comment. 68.* eamque ita tenaciter affirmat Abulensis *quest. 47. in cap. quartum Matth.* vt dicat non posse sine impudentia negari, cum mille testes occurrant, qui harum rerum conscij sunt. Idem late Sprengerus in *Malleo, & Castro libro 1. de iusta Hæret. punit. cap. 16.* & Paulus Grillandus de *fortilegijs, questione 7.* & alij multi. De his item lamijs dicitur sæpe accidisse, vt in illis conuenticulis ad quæ deferuntur, vt nonnullæ aliqua occasione pauore affectæ, vel nomen Iesu proferant, vel signo Crucis muniant; & statim congregatio dissoluatur, & omnes dispareant, ac dæmones fugiant, & solæ maneant quæ signo sacro vti sunt, & eo in loco in quo esse putabant, se inueniant, ac pedites non sine angustia domum redire cogantur. De qua re multa Spreng. & Petrus Binsfeldius lib. de confessione maleficorum præf. l. d. 10,

Existimo iuxta vtramque sententiam, sæpe accidisse vt experientia allatæ testantur; & ad caput. *Episcopi*, allatum pro prima sententia, concessio illud esse satis authenticum (quod quidam inficiantur) responderetur, quæ in illo capite dicuntur non esse generaliter accipienda, sed applicanda ad eam dumtaxat casum & materiam, de qua ibi erat sermo: scilicet, de quibusdam fœminis, quæ credebant esse aliquam Deam Dianam, quæ veram potestatem, & dominatum haberet, cuius virtute interdum per aera equitando ferrentur, & ad illius obsequium, & seruitium vocarentur, cui etiam obediendum vt Deæ esse credebant. Item quod de Herodiade illa cogitabant tanquam de fœmina, quæ resurrexerat, & per aera æquitarer omnino erroneum erat. Sic ergo in illa narratione multi errores includebantur; quod satis colligitur ex illis verbis textus: *Innumera multitudo hac vera esse credunt, & credendo à recta fide deuiant: & errore Paganorum inuoluuntur, cum aliquid diuinitatis, aut numinis extra vnum Deum arbitrantur, & cætera videnda omnino: & ita huiusmodi credulitas in illa materia ibi magis damnatur, quam opus faciendi maleficia ex pacto cum dæmonibus, quamuis hoc etiam valde damnabile sit.* Sic interpretantur illum textum Doctores communiter, *Turrecremata ibi articulo tertio, & Abulens. supra ad primum, & Syluest. verbo, Hæresis*  
Dd 2 3. la.

Penna.  
Abulen.

Sprenger.  
Castro.  
Grilland.

Binsfeld.



3. late, & latius in opusculis de strigimago. Dæmonibus mirandis, l. 2. c. 1. qui non sine delectatione cupientis curiosa poterit videri.

## DISPUTATIO VI.

*De modo quo effectus quidam demoniaci dumtaxat apparentes veri apparent.*

DISPUTATIO hæc nimis subtilis valde proficiet pro cognitione apparitionum, reuelationum; & cætera maxime quæ à dæmonibus efficiuntur: & ideo detrecturus inimici antiqui fraudes, quibus conatur homines deludere falsa pro veris ostendendo, animaduerto huiusmodi præstigia deceptiones seu errores (hæc enim omnia præ eodem in præsentiarum vsurpo) posse circa sensus externos, & internos, & circa intellectum, & quodam modo voluntatem euenire.

## De deceptione circa sensus externos

DECEPTIO circa sensus externos (quæ proprie præstigium appellatur) accidere potest ex parte obiecti, ex parte medij, & organi. Ponamus exemplum in potentia visiva, quæ plures deceptionis modos patitur: ex parte obiecti decipit diabolus dupliciter, vel efformando nouum obiectum, quod vnum, cum aliud apparet; vel iam efformatum variè collocando, aut mouendo, obiectum, inquam de nouo formando ex aere, aut a-

lio elemēto, & illud oculis obijciendo: siue dæmones illud corpus phantasticum assumant, siue illud circumponant alteri rei, vt aliter quam res est appareat. Ad hunc modum deludere solet ac delusit sæpe homines Versipellis, vt testatur Aug. l. 18. de Ciuitate Dei cap. 18. quando ostendit locios Vlis magicæ arte Circis mutatos in bestias, & Arcades quando transnatabant quoddam stagnum, conuersos fuisse in lupos: & quod stabulariæ mulieres homines in iumenta conuertebant, & respondet D. Th. qu. 16. de malo. art. 9. ad 2. ex eodem August. omnes præfatas conuersiones factas fuisse secundum phantasticam apparitionem dæmoniorum: & aliquando Diuo Antonio, & alijs, in forma horribili Leonum, Serpentum, & aliarum ferarum, ei dæmones apparuisse legitur, vt terrerent.

Aliquando in specie pulcherrimæ mulieris, vt ad venerea allicerent, interdum oculis obijcierunt varias formas rerum inanimatarum, vt auri, argenti, gemmarum, vinipularum. Extrat huius effictionis, seu apparitionis famosa narratio apud Philostratum l. 4. de vita Apollonii, c. 5. de quadam lamia, quæ Menippo iuueni, cui per pulchra effigie apparēs, nubere se velle simulabat, ac plurimas opes, & pretioso ornamenta, magnamque vini, & epularum copiam ostendebat. At Apollonius miserat iuuenē, oēs eas res docuit esse inania simulachra, & imagines dumtaxat earum rerum, quas representabant: quo dicto

totus

rotus ille apparatus ex omnium oculis euauit, & vetula illa se esse Iamiam confessa est. Hæc autem omnia, & similia per solum localem motum posse effigiari probatur. Quia cuiusvis rei corporalis similitudo in figura, & colore consistit, sed hæc per solum localem motum fieri possunt: ergo & huiusmodi imagines rerum, quibus dæmon decipere conatur homines, ut putent esse eas res, quas repræsentant. *Minor probatur.* Quia statuarios per solum motum localem efficere figuram, imò ipsam, nisi per localem motum, addendo, subtrahendo, mutando, aut disponendo, fieri non posse, certum est. Pictores itidem per solum localem motum colores ad-mouendo res ita depingunt, ut interdum veræ, & naturales videantur, sicut tradidit Plinius lib. 25. cap. 10. de uis ita artificiose & Zeuxide pictis perfecteque, ita naturales vuas repræsentantibus; ut ad eorum esum aues conuolarent. Quid non ad uiuum repræsentauit dæmon, Zeuxide, & omnibus pictoribus, aut statuarijs dexterior artifex? Maxime, quia condensatione, & rarefactione possunt omne corpus figurare, & colorare, ut in nubibus experimur, & de alijs apparitionibus per hunc modum iudicandum est.

Ex qua verò materia eiusmodi simulachra fiant, communiter asserunt Theologi non ex terra, maxime quando dæmon vult statim, aut citò euanescere: neque ex aqua, propter eandem rationem, neque ex igne, ne

tangentes comburantur; sed ex aëre, cuius signum est illud quod superius latè dixi, nonnullos huiusmodi spectra gladio secare, aut truncare adnixos, non valuisse: quia partes aeris diuisi statim continuantur. Aeris tamen nomine omnem vaporem quantumcunque grossum, & terreum intelligimus, maxime quando dæmones se exhibent incubos, aut succubos, aeris tamen natura seruata, quod ibi faciunt dæmones ad alicuius rei proprietates signandas siue hominis, siue equi, vel huiusmodi: dicuntur illa corpora ab eis assumpta, in quibus sunt non ut animæ vegetantes, & viuificantes, sed ut motores, instar naturæ in naui. Alias verò ubi talia corpora non ipsi effingunt ad aliquod signandum, sed efficta à Deo vel à natura mouent; velut arrepticiorum membra non assumpta eiusmodi corpora, sed occupata dici consueuere: at isto modo etiam decipiunt sensus externos, circumponendo aliquod corpus phantasticum corpori verò, ut occultetur, aut alterius figuræ, & speciei appareat esse quam est. Hæc dicta sint ad ostendendum aliquot mira, quæ à dæmonibus immediatè per motum localem fiunt, ex quibus non erit difficile in alijs quamplurimis discurrere, aut philosophari.

Interdum autem nullam simulachrum effingunt de nouo, sed obiecto sensibili alias efformato variè moto, varias dæmones inducunt deceptions: v. g. obiectorum sensibilibus celeri agitatione, subita occultatio-



ne, varia collocacione, separatione, vel cōglutinatione latente, vt faciūt circulatores (Hispanè, *jugadores de pas-  
sa passa*, Italicè, *Ceretani*) varijs ligami-  
nibus, sciphulis, globulis, &c. Ali-  
quando per artem perspectiue certa  
quadā dispositione obiecti in ordi-  
ne ad oculū videntis. Si enim perspe-  
ctiua dediti homines, efficiunt, vt li-  
neæ in tabula longa confuso ordine  
ductæ, si è directo aspiciantur lineæ  
rudes vidētur & sunt, si tamē aspicias  
per foramē, aut tabula rotata specie  
reddunt alicuius artificiosæ imagi-  
nis, cur nō hæc, & mirabilia efficiet  
dæmon in omni arte peritissimus?

Ex parte medijs æris multi etiā de-  
ceptiones dæmoniacæ contingunt.  
*Primo.* Si dæmones impediāt nē spe-  
cies ad oculum, vel ad alium sensum  
deferantur, quod non erit difficile,  
si inter sensum, & obiectum aliquod  
impeditium specierum inijciant, &  
sic totum obiectū, vel partem occul-  
tent. *Secundo.* Si medium aliqua qua-  
litate afficiant, qua species per me-  
dium transeuntes, sic efficiantur, vt  
obiectum non quale est repræsen-  
tent. Isto modo velum nigrum, cuius  
species per fenestellā vitream viridē  
transeūt viride apparet. *Tertio.* Si me-  
dium circa ipsum obiectum spiceretur  
res visa aliter apparet quàm sit. Hinc  
accidit vt si æris intermedij vapores  
condensentur: Lunam augeri, aut  
minui appareat. *Quarto.* Ex varia  
conformatione, vel multiplicatione  
specierum sensibilium ab obiecto  
vsq; ad sensum emissarum: ad istum

modum oculus videns res quædam  
conspicila artificiosè formata iuxta  
perspectiuam artem, decipitur plu-  
res res videns, cū vnicum tantum  
sit obiectum visum.

Famosior deceptio, & quæ plus in  
admirationem rapit videntes, & au-  
dientes, ea est, quando extra sensum  
nullum obiectum est quod actū sen-  
tiatur, neq; à dæmone efformatum,  
neq; à natura productum: & tamē re  
vera sensus ita immutatur, ac si obie-  
ctum præsens esset: v.g. quando dæ-  
mones, aut Magi eorum ope præsti-  
giose faciunt, vt mulier appareat, e-  
qua, aut quando nullum sensibile  
obiectum adest, & tamen sentitur a-  
liquid, ac si re vera a dæmone, sicut con-  
tingit interdū febricitantibus, qui vi-  
dent in pariete ex aduerso stante pi-  
cturas, & imagines, quæ re vera non  
sunt, neque res, quarum sunt imagi-  
nes, ibi adsunt.

*Non defuerunt* qui existimarent i-  
stum præstigijs modum esse impossi-  
bilem, eo quod sensatio, maximè ex-  
terior nō potest fieri à non ente, quia  
sensus in actu ab obiecto in actu im-  
mutari necesse est. Quod si quispiam  
dicat non esse obiectum secundum  
suum esse reale, sed secundum suam  
similitudinem, id est, speciem, à qua  
actuatur sensus. *Contra hoc arguitur*  
supposito communi consensu Theo-  
logorum (de quo supra) dæmonem  
nullam formam posse immediatè  
imprimere in potentias, nisi mediatè  
concurso aliarum rerum natura-  
liū: tūc sic, vel illa species ortum ha-  
bet,

bet, & emittitur à re, quæ vnum est, & apparet aliud: v.g. à muliere, quæ apparet equa, & hoc non, quia tantum est emissiva speciei, quæ repræsentet mulierem, & non equam, nisi in eadē reponas duas formas substantiales, & duas figuras ad eas consequentes, quod est impossibile. Et propterea illa res talis iudicaretur ab omnibus, quod quandoque non sic evenire certum est, vel illa species dumtaxat in sensu, & hoc non, quia sensus non habet speciem, nisi à rebus acceptā, supponimus autem in sensu non extare rem, cuius species repræsentatiua est: quia neque in aëre circumstante est aliqua forma, unde ortum habere possit, & à qua emittatur species, quæ sensum actuat, & informat, nam aer nisi per condensationem non est receptivus figure. Tum, quia semper non est vnus & idē, neque circa eā rem manet: tum, quia esto esset idem fluctuaret hinc, & inde, & non posset in eo figura vlla manere.

Dices, per condensationem permanet ea figura. Contrā: nam sequeretur eam rem talem videri ab omnibus adstantibus, & omnes ludificari, quod tamen in præstigijs non accidit semper, sed vno, aut duobus ludificatis, ceteri quandoque non ludificantur: ergo præstigia præfata per dæmones fieri non possent. Respon. D. Th. in 1. d. 8. q. vni. art. 5. ad 4. quod illa species dumtaxat est in sensu in calibus positus, & hoc contingere potest dupliciter per dæmonum operationem. Primo, ut species, quæ sunt in thesauro imaginationis servatæ, dæmonum

operatione ad organa sensuum fluant, sicut contingit in sono, excepto quod ad organa exteriora non attingunt, quia sunt ligata. Unde quando species illæ contingunt organa sensus exterioris (quod potest fieri motione locali dæmonum) uniuntur, ac si res essent præsentis extra, & actus sentirentur. Secundo esse potest ex imutatione organorum, quibus imutatis fallitur iudicium sensus, sicut patet in eo, qui gustum corruptum tenet, cui omnia videntur amara, quod dæmones facere possunt virtute quarundam rerum naturalium, sicut ad euaporationem fumi herbæ cuiusdam, trabes domus serpentes videntur, & multa eiusmodi experimenta inveniuntur. Hæc D. D. Thom. Th. qui profunde satis rem hanc explicat, sed argumentis imperendus, ut eius doctrina manifestior sit.

Et argumētor primo, & probatur nullo modo esse possibilem præfatā præstigationem, nam teste Aristot. lib. 2. de anima cap. 5. text. 52. & 59. hæc est differentia inter sensum & intellectum, quod ille præsentiam obiecti requirit, hic vero non ita: ergo nulla potest fieri sensatio, nisi præsentia obiecto sensus, ac proinde ludificatio sensuum in absentia obiecti nequaquam possibilis est. Confirmat quia implicat sensum moveri nisi à suo obiecto: ergo quidquid dæmon operetur, & si non præsentat sensibus aliquod obiectum, nequaquam poterit mouere ad sentiendum. Antecē patet, quia implicat passivum moveri, nisi ab actu suo

Aristotel.

libi



sibi proportionato, neque potentiam extra suum obiectum vagari. *Secundò.* Si res absens potest sentiri à sensibus externis: ergo poterit animal sine cibo nutriri, & ignis non existens tãgi, & animal ab eo vri poterit, cymbalũ non existẽs audiri, & eius sono auditum lædi, & mel non existẽs gustari. *Confirmatur*, quia sequeretur dari duas propositiones contradictorias veras; esset enim simul verum, video Socratem currentem, siquidem in prastigiosa visione videtur vt currens, & video non currentem, quia re vera non currit. *Tertio arguitur*, ad probandum nulla contingere deceptionem in sensibus externis, eo quod in absentia obiecti percipiant illud per specierum sensibiliũ fluxionem à thesauro imaginationis vsq; ad organa sensuum: ac proinde modum primum prastigiorum assignatum à D. Th. non consistere. Nam quãdo sensus percipit rem per propriam speciẽ, & sic per speciẽ repræsentantur, quia illius imago est, non decipitur: sed in eo priori modo assignato à D. Thom. percipitur obiectum per propriam speciẽ, sicut per eam repræsentatur: ergo non est vlla deceptio.

*Confirmatur.* Quia species sensuum iuxta præfatum modum D. Thom. abstrahit à præsentia, & absentia: ergo quamuis per illam speciẽ non non percipiatur obiectum vt præsens, non decipitur. Iudicare enim de præsentia, aut absentia obiecti non pertinet ad sensus externos. *Quarto.* Quando dæmon visum ludificat, vt

mulier appareat equa, duo reperiuntur, in quibus ludificatio consistit: agnitio scilicet visiva equæ, & occultatio mulieris coram vidente existentis. At primum non pertinet ad ludificationem, sed potius ad perfectionem visus, qui specie rei, quam cognoscit, potiùs perficitur quàm ludificatur, vt in argumento proximè præcedenti probauimus: & secundum non potest consistere iuxta primum modum D. Thom. ergo ille modus dicendi insufficiens est. *Probatur minor*, quoad secundam partem, quia potentia visiva ex hoc, quod actuetur vna specie; quàm plures alias recipere non impeditur, vt experientia docet, quando plures res simul videmus: ergo quamuis in casu posito recipiat speciẽ equæ per effluxionem ab imaginationis thesauro, non veratur recipere speciẽ mulieris in prospectu adstantis, & simul videre equam, ac mulierem. Ac proinde primus explicandi modus insufficiens est, quia ex eo non colligitur occultatio mulieris, sed apparitio equæ, vtrunque autem simul esse iuxta primum modum necesse est.

*Quintò.* Quia iuxta primum illum modum non poterit percipi res sub varia habitudine motus, aut situs, &c. putà currens, iacens, saliens, &c. sed necessariò vniformiter, nam sicut & species in imaginatione seruantur vniformiter in esse quieto, sic quando defluunt ad organa sensuum vniformiter repræsentabunt res, quarum sunt species, & consequenter ille

ille modus nō explicat, quo modo à dæmone ludificentur sensus, vtpotè qui multis, ac varijs modis percipiūt in præstigijs res, erga quarum sensationem ludificantur.

*Sexto.* Quia iuxta eūdem modum dæmones non valerēt decipere sensus ostendendo illis ignota; sed tantum nota; cum tamen experientia docuerit, & *August. lib. de spiritu, & anima, cap. 28. tom. 3.* eos ostendere hominibus formas notas; & ignotas. Probatur consequutio: quia species, quæ in thesauro imaginationis seruantur, & dicimus fluere vsque ad organa sensuū; à rebus acceptæ fuere, & ad sensus vsque delatæ, & à sensibus demum vsque ad imaginatiuam transmissæ; vt ibidem tanquam in loco thesauri conseruarentur: ac proinde non nisi rerum notarum poterunt esse similitudines.

Contra secundum modum, quo vtitur D. Th. vt explicet qualiter sensus à dæmone ludificentur, putà propter organi læsionem, *arguitur septimo.* Demus operatione dæmonum oculum læsum videre Leonem, qui neque præsens est, neque eius figura, in quo visus valdè decipitur: tunc certè illa visio nequit fieri sine specie Leonis Leonem repræsentante: & rogo vnde sumitur illa species? *Dices:* fluit ab imaginatione: ergo iam confundimus secundum modum cum primo, dum ad ludificationem non putamus sufficere organi læsionem. Item arguitur præcipuè, vt probemus talem ludificationem esse

impossibilem organo existente læso, nā visus iudicat in hoc casu de Leone, sicut per illam speciem repræsentatur: ergo nō est læsum organū, quia læsio organi nō inducit deceptionē, nisi quia potentia aliter iudicat de re, quam per speciem repræsentatur, aliàs non esset læsa, sed sana, & integra: quod si non iudicat sicut per speciem Leonis repræsentatur, certè non percipit Leonem. *Confirmatur.* Quia quando dæmonum ludificatione mulier apparet equa, illa species, qua fit visio, vel oritur à muliere adstante; & hoc non, quia à muliere non prodit nisi species mulieris, non ab equa, quæ nulla extat. *Dices,* illa est species equæ, quæ fluit operatione dæmonum ab imaginatiua. *Tunc credit argumentum positum,* quia impossibile est per eam speciem fieri visionem equæ ab oculo læso, quia si iudicat de equa sicut per speciem eius repræsentatur: ergo non est læsus. Si iudicat aliter, quam per speciem equæ repræsentatur, læsus quidem esset, quia hic est effectus organi læsi, sed non intelligitur vnde habeat speciem, à qua informetur, vt producat visionem equæ sine specie equæ.

Fieri à dæmone sensuum exteriorum, & interiorum ludificationem, non est qui ignoret propter euidencia indicia, & experimenta, vt *August. lib. 83. question. 12.* experimentorum autem multitudinem poteris legere apud *Guillielmum Pari. part. vltima de vniuerso ca. 27.*

Ee Modum



Modum autem id faciendi à sufficienti diuisione colligimus, scilicet ex parte obiecti, ex parte medij, & organi: & Angelicus Doctor ubi supra, præ cæteris profundius meditatæ est, quomodo id accadat quando deceptio contingit ex parte specierum sensibilium, & ex parte organi laxi: & ideo nos contenti resolutione

*D. Thom.* ne *D. Thom.* ad dissoluenda argumenta, quæ contra illam facta sunt properamus, animaduertentes non esse necessarium, ut in omni præstigiola deceptione, vnus dumtaxat ex præfatis modis interueniat, putà ex parte obiecti, medij, aut organi, nam contingeret aliquam fieri ludificationem, in qua sit necesse deceptionem ex parte omnium præfatorum prouenire, aliquādo vnus tantum modus sufficiet. Rursus præmittendum omnem diabolicam deceptionem necessariò originari in motum locali dæmonum, aut in alteratione, ad eundem localem motum consequente, sicut supra latè docuimus. His positis.

*D. Thom.* Ad primum argument. respondet. ex doctrina *D. Thom.* *question. 6. de malo artic. 11. ad 6.* apprehensionem sensitivam hominis, natam esse immutari dupliciter: vno modo progrediendo à rebus ad animam: v. g. quādo sensus immutatur ab obiecto extra sensum existente, & iste progressus naturalior & cōmunior, iuxta quem intelligendus est Aristot. quando ait sensum non percipere obiectum nisi præsens. Secundo

modo procedendo ab anima ad res, qui processus reperitur in somniantibus, ut notat Aristot. in libr. de somno Aristot. & vigilia, cap. 3. assignans causam apparitionum, quæ in somnis fiunt, ait: quod cum animal dormit descendente plurimo sanguine ad principium sensitivum, id est, sensum cōmunem, simul descendunt motus, & impressiones ex motionibus sensibilium relictæ, quæ in spiritibus sensualibus conseruantur, & sensitivum principium mouent: sic, ut apparitio quædam fiat, ac si tunc à rebus ipsis exterioribus immutaretur sensitivum principium, & tanta esse potest humorum spirituumq; cōmotio, ut etiā vigilantibus, huiusmodi apparitiones fiāt; sicut & in phreneticis, & melancholicis patet, & commentator Auerroes in suo tractatu de somno & vigilia, ait, nos in somnijs sentire per quinque sensus sensibilia externa, licet absentia: idque accidere redeuntibus ab internis sensibus ad externos, absentium rerū imaginibus; sicut enim in vigilia sensibilia externa mouent sensus externos, & hic sensum communem, is imaginatiuam; sic inter somniantum cōuerso ordine, imaginatio mouet sensum communem, hic sensus externos. Cum ergo dæmones possint quidquid nos motu locali possumus: nō mirum quod dæmones idē possint, & percipere faciant obiectū absens, ac si re vera præsens esset, ut èdo processu, qui dictus est fieri ab anima ad res, siue ab internis ad externa. Et hoc

hoc benè nota, pro apparitionibus, & ecstasibus. *Ad confirmat. respondet.* in hoc progressu ab anima ad res, sensus mouetur à suo obiecto, non in esse entitativo, sed in esse repræsentativo, id est, à sua specie; & hoc sat est, vt obiectum sentiatur, & vt dicatur moueri à suo actiuo proportionato, & potentiam non euagari extra suum obiectum.

*Ad secundum respondet.* Si sermo sit de processu animæ ad res, non est inconueniens mel non existens gustari mediante sua specie gustui inhaerente. Item, quod ignis non existens tactu sentiatur, scilicet per species qualitatum tangibilium ignis, quibus tamen speciebus nō dicetur animal vri, quia vitio non fit nisi per calorem realiter inhaerentem in re, quæ vritur. Nec implicat quod cymbalum non existens, per existentes species soni audiatur; quibus tamen non sequitur offendi auditum, quia hæc offensio nō ab speciebus, aut sono est, sed à vehemente agitatione aeris, sonum, speciesve, deferentis. Secus dicendum est de nutritione sine cibo, quia nutritio importat conuersionem cibi in substantiam aliti, quæ conuersio si non adsit cibus nequit reperiri. *Ad confirmat. respond.* eas non esse cōtradictorias, sed hæc, video Socratem currentem, non video Socratem currentem; ex quibus negatiua falsa est in casu præstigiöse visionis.

Tertio argumento conuincuntur  
Alber. Mag. *ira. 3. 6. 5. de ani. & Apolli.*

in 2. de ani. q. 13. vt existiment sensus non decipi circa proprium sensibile, quod tamen esse falsum iam supponimus in hac disputatione, moti experimētis multis, & quia intellectus sæpè dicitur sensum corrigere, certè errantem, ac deceptum. *Quare respondetur,* deceptionem sensus non in eo consistere, quia aliter apprehendit rem, quam per speciem repræsentatur: sed in eo quod apprehendit rē, ac si haberet aliquam qualitatē, quam re vera non habet, vt quando gustus percipit rem dulcem, vt amarā, & in casu argumenti, quia apprehendit rem vt præsentem, cum tamen absens sit. Sed de hoc latius statim. *Ad confirmationem* concessio antecedenti in hoc sensu, quod interdum percipit rem præsentem, interdum absentem, negatur consequentia, quia quādo percipit rem absentem, ac si præsens esset: decipitur iudicans iudicio sensuali (quod fortè non distinguitur ab ipsa sensatione, vt ad eam concurrat communis sensus) rem esse præsentem, & non est ita vt iudicat.

*Ad quartum respondet.* Quando mulier apparet equa, aut quoduis aliud, id quod non est: sensus ludificatur in agnitione eius quod non est, & in occultatione rei, quæ re vera præsens est, in priori, sensus perficitur recipiendo speciem; nihilominus decipitur in iudicando rē aliter quam est: at verò occultatio rei, quæ re vera præsens est, non sufficienter fit ex eo quod defluat ab ima-



ginatiua species rei, quæ non est præsens, vt argumentum probat, sed necessariū est apponi aliquod obstaculū, ne res præsens appareat; hoc autē apponetur vel interponendo aliquod corpus tenuissimū inter eā rē, & potentiam, vel quid simile: nec hoc est contra primum modum ludificationis, quem assignat D. Thom. iam enim monui al quas ludificationes reperiri, vbi deceptio sumitur non solum ex parte vnius modi, verū & alios interuenire.

Ad quintum *negatur antecedens*; et enim sicut quando motus fit à rebus ad animam, dantur species repræsentantes rem sub diuersa habitudine, sic quando motus est ab anima ad res, eadem species conseruata in thesauro imaginationis, defluunt operationes dæmonis vsque ad sensus externos cum ea habitudine, sub qua dæmon vult repræsentare rem sensibus. Itaque illæ species conseruata in imaginatiua, vniformiter se habent in essendo, & difformiter in repræsentando, si eis vti vult dæmon ad repræsentandum rem sub hac, vel illa habitudine; nec hoc debet videri impossibile cum id videamus accidere in somniantibus, qui per species seruatas in imaginationis thesauro, percipiunt res sub diuersis habitudinibus motus, vel quietis, situs, aut figuræ: quod ergo potest commotio naturalis humorum, potest dæmon simili motione vtens.

Ad sextum *respond.* dupliciter posse intelligi aliquid esse ignotum: *vno*

*modo* totaliter & secundum se, & secundum sua principia; & isto modo ignotum non potest dæmon homini ostendere, neque sensatione exteriori, neque interiori phantasiæ: non enim potest facere cæcū à natiuitate colores videre, aut surdum à natiuitate sonos audire: & idem dico de imaginatione. *Secundo modo* dicitur aliquid ignotum secundum speciem totius: verbi gratia, si quis imaginetur montes aureos, aut eos videat decipiente dæmone. Hos enim nunquam vidit, & nullibi sunt; & huiusmodi ignota dæmon benè potest ostendere, iuxta primum illum modum assignatum à D. Thom. nempe per fluxionē specierum ab imaginatione, quia licet nō sit in ea vna species montis aurei, est tamen species montis & auri, quæ homo aliquando vidit. Ex quibus cōpositis & adiunctis, & defluentibus vsque ad organa sensuum, facit dæmon videre montem aureum ignotum: imò & quancunque aliam rem fictitiā, quia ex speciebus reconditis in imaginatione scit fabricare, & componere mira, vnde sensus decipiatur.

Circa *septimum argumentum*, & eius confirmationem inquiritur res difficilis, videlicet in quo consistat, vel à quo promanet deceptio, ratione læsionis organorum? Et dico non consistere in hoc quod sensus percipiat rē aliter quàm à parte rei se habet, nam sine vlla læsione organi, per speciem defluentem ab imaginatione vsque ad sensus externos, decipitur

pitur sensus sentiens rem absentem, ac si præsens esset. Consistit ergo, vel promanat deceptio ratione læsionis organi, ex eo quod sensus læsus non percipit rem sicut per speciem, qua informatur, repræsentatur: v. g. oculi laborantes icteritia, decipiuntur ratione læsionis, dum omnia alba quæ vident, illis apparent pallida, eo quod alba non percipiunt, sicut per species alborum repræsentantur. Idem dico de laborantibus ophtalmia, id est, lippitudine, qui ratione læsi organi non percipiunt omnia colorata sub proprio colore, sed sub sanguineo. Similiter gustus læsus ab humore cholerico, percipit dulcia, ut amara.

Et si roges unde provenit ut sensus ratione læsionis devians ab attingendo rem, sicut per propriam speciem repræsentatur, percipiant magis sub hac, vel illa ratione obiecti, puta oculus ictericius sub ratione pallidi, gustus cholericius sub ratione amari? *Respondetur*: quia organum infectum est aliqua alteratiua qualitate: immutatiua interdum medijs, interdum obiecti, tali, vel tali modo, & ideo determinatiua organi læsi: ut esto aberrat ab attingendo rem obiectam, sicut per speciem propriam repræsentatur; attingat eam alia habitudine, & alio modo, ad quem qualitas illa determinat: & ut in exemplis positis permaneamus, quando oculus inficitur icteritia, & ei obijcitur nix alba, terminatur oculus ad videndū niuē, ut pallore vestitā, eo

quod aer circum circa oculos, & eorū cōcavitates existēs, immutatur ab icteritia, ut species illac transeuntes pallidæ fiant. Item, quando lingua, quæ est gustus organum, infecta est cholera, & gustat mel dulce, determinatur gustus ab humore cholerico, ut cibum, alias dulcem, gustet ut amarum: quia ipse cibus ab amaritudine linguæ inficitur, & amarus redditur. Non dissimiliter esse dicendū censeo in proposita dubitatione, dæmonem scilicet aliquando deceptionem ingerere sensibus, ex læsione organorum, eo quod ab ea nascitur, ut sensus obiecta sua non apprehendant eo modo, quo per suas proprias species repræsentantur, quod frequenter contingit quando res aliquid sunt, & aliud apparēt, ut quādo leo apparet homo, aut homo equus.

Et si quispiam dicat: bene intelligitur organum læsum errare in attingendo rem, sicut per suam speciem repræsentatur; error enim deviatio quædam est; sed vix intelligitur quomodo, aut inde determinetur ad attingendum hoc, & non illud: v. g. unde determinatur, aut à quo, ut oculus læsus in prospectu habens hominem, videat leonē, & non draconē, aut bouem. Dices, à qualitate læsiua organi, sicut supra dicebamus. *Contra*: nā læsio illa per alterationem fit: at terminus alterationis non est figura, sed qualitas: ergo per qualitatem læsiuā, non potest organū determinari ad videndū leonē, cum oculi respiciāt à directo hominē. *Resp.* Per



alterationem possunt organa lædi, & etiam per motum localem, id est, per commotionem, ac agitationem humorum, sicut accidit ebrijs, ac furiosis, qui credunt duplicem Solem, & geminas se cernere Thebas: ad hos vero motus sequitur determinatio organi sensus per modificationem, & figuræionem quandā virtualem medijs, per quod sensatio fit, & non est impossibile: multa narrat Guilielmus Parisiensis p. vlt. de vniuerso, c. 22. Et præcipue ad nostrum propositum ait, quod si de semine asinino & cera, fieret candela, quæ sola in conuiuio luceret, omnes in conclaui existentes viderentur capita asinorum habere. Et D. Thom. vbi supra ait, per fumum quarundam herbarum videri omnes trabes domus serpentes: igitur non erit mirum si dæmon lædat organum aliqua qualitate rerum naturalium, vnde oriatur quod medium imbuatur tali figura virtuali, vt ad eam agnoscendam organum læsum determinetur, maximè quando potentia tantum intentionaliter mouetur: at vero quando realiter, vt gustus, & tactus, puto eam qualitatem infecti organi commisceri obiecto gustabili, aut tangibili, & ab ea commistione gustus, & tactus errabundi, determinatur ad hos, vel illos sapores, ad hæc vel illa tangibilia.

Itaq; illa qualitas sensu læsa, & dissipat organum, ac errare facit circa propriū obiectū, & simul determinat illud ad aliquid percipiendū.

Ex his, nisi fallor, poteris reddere rationē multarum deceptionum, quæ à dæmone fiunt circa sensus externos v.g. adsunt multi, qui quidquid cōspiciunt serpentes esse putant, ludificati à dæmone: mutatio medijs in causa est, quæ frequentius oritur ex læsione oculorū: si vero quidā ludificentur; quidam non, à corruptione organorum eorū qui ludificantur, prouenit. At vero si omnes circa vnā rē tantū ludificentur, putā, quia hominē asinum esse putant: sola læsio organi eam deceptionē nō inducit, sed necesse est obiecto aliquam affigi qualitatem ratione cuius aliud appareat, quam sit. Hæc satis sunt; nam numerare innumeros fallendi modos, quibus versipellis hostis vtitur: penè impossibile mortalibus est. Sat sit scire omnem hanc deceptionem prouenire, vel ex parte obiecti, vel ex parte medijs, vel maximè ex parte organi, non solum læsi, vt modo dicebamus: sed etiam aliquando impediti in meatibus suis obstruis per crassos humores, ne spiritus ad organum perueniant: qua fortè ratione Angeli Sodomeos à orosia, seu à chusia percusserunt Gen. 19. id fuit genus cæcitaris, qua Angelos siue bonos, siue malos, facit nobis celari non omnia, sed quædam.

*De deceptione circa sensus internos.*

**P**AUCA dicenda sunt, eo quod ex dictis circa externos ferè omnia, quæ in decipiendis internis contingunt, perspicua sunt: differunt enim dumtaxat secundum internum, & exter-

externū. Sicut ergo probauimus demones posse deceptionem ingerere sensibus externis, quia corporei sūt, & omne corpus obedit Angelus ad nutum, quantum attinet ad motum localem: ita & probatur posse sensus internos deludere propter eandem rationem: & sicut deceptionē in sensibus externis diximus prouenire ex parte obiecti, medij, & organi: sic dicendum est sensuum internorum deceptionem prouenire ex parte obiecti, formando intra ventriculum cerebri, vbi phantasia residet, idola quædam, ad quæ attendens phantasia multa agnoscat, & reuoluat, siue vera, siue fictitia. Sed potissimè vtitur dæmon deceptione proueniente ex parte specierum, ad phantasiam, seu imaginationem spectantium. Non quidem potest dæmon phantasiam, aut imaginationem immutare, nouæ speciei impressione, vt ait D. Th. 1. p. q. 111. art. 3.

*2. Thom.* & communiter omnes Theologi: & ideo non potest efficere, vt cæcus à natiuitate rectè de colorib. imaginetur, sed bene potest ex speciebus, quæ à sensibus ad imaginationē delatæ sunt, tot & tales commixtiones efficere, vt imaginetur homo res quas nunquam vidit: v. g. chimæratam per speciem capræ, leonis & draconis, commixtas per solum motū localem, vel etiam concitatis humoribus, atq; affectionibus, vnde contingant imaginari leta, aut tristia, quæ nunquam vidit, aut fuerūt: vel sicut in amentibus, vel phreneticis

videre est, ex humorū perturbatione varias eorū phantasiæ species deuoluere. Vtitur etiam dæmon phantasiæ latione, assumendo humores suo instituto accommodatos, ex rerum natura, circumcirca vētriculum phantasiæ affigendo, aut verò intra cerebrum intromittendo, vt quales vult ipse imaginationes homo in phantasia obuoluat, eaque se videre, & audire iudicet, quæ re vera neque oculis, neque auribus vnquā hausit. Et hæc benè nota, quia hinc manant tot falsæ apparitiones, & ecstases, ac reuelationes, vt probè aduertit Victoria de Magia, num. 35. & Victoria. ante eum Aug. de cura pro mortuis, c. 11. August. & ex parte terigit Caiet. 2. 2. q. 95. art. Caiet. 3. agens de superbiorum contemplatiuorum, & lamiarum deceptorij imaginationibus, à dæmone immisiss.

De intellectus deceptione à dæmone.

**A**N intellectus humanus à dæmone possit decipi? non inuicilis dubitatio est. Et videtur vera pars negativa primò: Quidquid dæmon potest efficere per motum localem, aut alterationem ad eum consequentem potest, vt supra docuimus: sed intellectus non est mutabilis immediatè locali motu, & multò minus alteratione, quia incorporeus est. ergo in eum nihil dæmon potest. *Confir.* Ideò tot, & tanta potest dæmō in sēlus internos, & externos, quia potētia corporales sūt, & organis corporalib. affixæ: at nihil horum



horum intellectui quadrat : ergo in illum nihil dæmon potest. *Secundo.* Cognitio intellectiua secundū duo fit, videlicet secundum lumen intelligibile, & secundum species intelligibiles : sed dæmon non potest mouere animam ad cognitionem intelligibilem ex parte luminis intellectualis : tum, quia hoc præexistit hominī a natura; tum, quia ut superius docuimus, nullam formā potest immediatē producere sine agentium naturalium actione per applicationem actiuorum, & passiuorum, quæ non habet locum in lumine intelligibili. Similiter etiam, neque ex parte specierum intelligibilium, propter eandem rationem, non enim vallet eas producere : ergo non potest intellectum immutare, nedum decipere.

*In hac re dico primo.* Citra dubium decipere dæmon hominum intellectum potest, falsa, aut permixta falsis, docendo, loquutione sensibili, aut quouis alio modo visibili, suos conceptus manifestando. Assertio clara est, si enim hæc potest facere homo, ut decipiat alium hominem, cur non hæc efficere valebit potens inimicus, maximē assumpto aliquo corpore ? Sic conatus est decipere, sed frustra, Christum Dominum, sic sæpe decipit Magos, & maximē incubos, aut succubos.

*Dico secundo.* Dæmones inuisibiliter & immediatē, attentata sua naturali virtute, possunt mouere hominum intellectum cum illuminando. Hæc

assertio probatur. Nam id potest Angelus bonus, ut ait D. Thom. 1. p. q. 111. art. 1. & multis alijs locis : ergo & dæmon id poterit, quia in naturalibus æqualis sunt potestatis spiritus bonus, ac nequam, teste D. Dionysio & assentientibus cunctis Theologis. Hæc autem illuminatio non consistit in productione alicuius formæ, vel noui luminis, sed lumen naturale iam præhabitum fortificando : virtus enim inferior coniuncta superiori fortior redditur, ad eum modū quod minus calidum ex adiunctione ad magis calidum robustius redditur : quod egregiè explicat D. Thom. de veritate, q. 11 art. 3. in corpore, & ad 3. sicque est intelligendus sanctus Doctor in 2. dis. 8. q. vni. art. 5. ad 6. quando ait, posse dæmones imprimere hominum intellectibus lumen intelligibile, non producendo, sed iam productum vigorando. Cōsulto dixi in assertione, id posse dæmones attentata sua naturali virtute : nam considerata eorum malitia, & odio, quo homines prosequuntur, nunquam homines isto pacto illuminant. Ita D. Thom. vbi supra, quæst. 16. de malo, & 1. 2. quæst. 80. & ratio est, quia isti hominum hostes, nullum bonum cupiūt hominibus, sed hostilia mala : ergo semper desiderant hominum intellectus obnubilare, tenebris offūdere, in errorem inducere, ac decipere : ergo nunquam intellectum confortabunt lumine intelligibili, sicut possunt, ne eorū thecnæ, malæ artes, & doli lumine illustriori deregantur.

Et

Et si obijcias: dæmones scientias docent, secreta veritatis inspirant, sacra dogmata, quasi in momēto ad, discere faciunt, vt dicitur de Anabaptistis, qui sumpto poculo (dæmoniaco nempè) in sacre Scripturæ lectione periti euadunt, ordinantes hæc omnia in malum, & deceptionem errorum: cur ergo id non efficiant confortando scilicet intellectum hominum, vt errores defendant, aut alia mala subtilius machinentur? *Resp.* negando consequentiam: in casu enim antecedentis, magna latere potest erroris, ac deceptionis occasio, vt statim videbimus: eo quod commemorata in antecedenti, fiunt per apprehensionem, & receptionem specierum intelligibilium: quas ita concinnant, & commiscet dæmones, vt multa persuadeant falsa: at verò confortatio luminis intellectualis, sicut & ipsum lumen, pertinet ad iudicandum melius de apprehensis, quo iudicio relegatur omnis error, & deceptio; tantum abest, vt inducatur, seu occulteretur. Quare quamuis possent dæmones intellectum confortare modo prædicto, & eundem subtiliorem reddere ad omnes operationes suas præstandas per commodiores potentiarum sensitiuarum, quæ intellectui deseruiunt, dispositiones, humoribus scilicet densioribus per morum localem expulsis, vel agentium naturalium adhibitis medicamentis, vel spiritibus sensitiuis expurgatis, aut multiplicatis: quanto

enim sensus dispositionibus nobilioribus afficiuntur, tanto perfectiora esse opera intellectus, necesse est: sed id non procurant humani generis hostes, sed in omnino opposita, & incommoda incumbunt pro virili.

*Diso tertio.* Dæmones possunt decipere intellectum hominum non immutando illum immediatè: sed mediatè. *Prima pars* longiore indiget discussione; modo breuiter: quia non est intelligere quomodo immediatè possit immutari ab erroneo iudicio. *Secunda probatur:* quia intellectus pro isto statu nequit moueri, nisi medijs phantasmatis, quæ à sensibus ortum habuere: sed in his phantasmatis componendis possunt dæmones multas deceptiones, & fallacias obtendere: ergo. *Maior* perspicua erit si aduertas, intellectum, quamuis non sit alligatus alicui organo, neque suam operationem producat mediante organo, in ea tamen operatione dependere ab organo corporeo: quia vt dicitur in 3. de anima, phantasma est obiectum intellectus, sicut color est obiectum visus: phantasmata autem dependent à sensibus, à quibus ea recipiunt. *Minor autem probatur,* ex his quæ diximus posse dæmones circa phantasmata, quæ sic possunt adaptare, & commiscere, & commixta intellectui præsentare, vt intellectus apprehendat ea cogitata, quæ dæmones intellectum volunt percipere; siue vera sint, siue falsa.



Hinc patet solutio ad primum pro parte negativa. *Respond.* namque, tantum probare, non posse intellectum directè moueri à dæmone: nō autem probat non posse indirectè, & mediatè, vt modo dicebamus: & idem responderetur ad confirmationem. *Ad secundum resp.* ex secundo, & tertio assertis, id est, non posse intellectum immutari à dæmonibus, per productionem noui luminis, aut alicuius alterius formæ: posse tamen per immissionem phantasmatum, seu specierum intelligibilium.

Ex his colligitur differentia inter intellectum, & phantasia, & alios sensus: nam sensus internos, & externos dæmones decipere possunt immediatè, immutando ipsos sensus eos disturbando, aut lædendo, & faciendos eos errare à veritatis scopo, at intellectum nequaquā immediatè decipere possunt, eum immediatè mouendo, seu mediatè, & indirectè, ad modum expositum. Est rursus altera differentia, nam phantasia (velit nolit) cogi potest à dæmonibus, vt species sensatas verset, & obuolnat, ac de quibus ipsi voluerint imaginetur: at verò licet possunt intellectum informare speciebus intelligibilibus, & phantasmatibus deputatis per operationem intellectus agentis: non tamen possunt cogere, vt eis vtatur, & ijs mediantibus aliqua intelligat. Eo quod præter intellectum recipientem species, & obiectum cognoscibile, requiritur actualis intentio cognoscētis, vt co-

gnoscere intendat: quæ actus est voluntatis; quæ cum non possit à dæmonibus immutari, vt statim dicemus, neque ipse intellectus, propter participatam à voluntate libertatem potest cogi: non solum ad iudicandum, verum neq; ad apprehendendum ea, quæ dæmones suggerūt, sed existentibus aliquibus speciebus in phantasia, non est necesse in eas intellectu intendere: at potest aciem suā ab eis diuertere, imò existentibus speciebus in memoria, seu intellectu, non est necesse conceptus formare actiue intelligendo, quia ad hoc intentio voluntatis requiritur. Doctrina est D. Th. in q. 16. *De malo*, art. 11, ad 3, 4, & 5. & alibi sæpe.

*De deceptione voluntatis.*

**E**RROR, & præstigium præcipuè ad potentias apprehensivas pertinet; deceptio autem etiam ad appetitiuas facultates spectat, quæ tunc dicuntur decipi, quando mouentur, vt ament non amanda, & odio habeant non odienda. Hanc autem deceptionem non valent dæmones voluntati inferre ipsa renuēte. *Probat*ur: quia dæmones nequeunt mouere hominum voluntatem, neq; directè, neq; indirectè: ergo non possunt eam vlllo pacto decipere. *Prob.* prima pars antecedentis, eo quod voluntas vndique & omninò est independens à corpore.

Quod vt planius percipiatur aduertendum est, esse quasdam hominum potentias dependentes à corpore quas

quantum ad actum, & quantum ad obiectum, cuiusmodi sunt sensus interiores, & exteriores, qui actum producant mediante organo corporeo, & versantur circa obiecta corporea: & idem dico de appetitu sensitivo.

*Alia potentia* sunt dependentes à corpore dumtaxat, quantum ad obiectum: huiusmodi est intellectus, qui non valet actum producere, nisi phantasmata illi quasi in ratione obiecti præsentetur, cum oporteat intelligentem phantasmata speculari: at vero actus ipsius intellectus à corpore non pender, quantum ad sui perfectionem; quia potentia est nullo indigens organo ad sui actus productionem. *Alia potentia* sunt omnino independentes à corpore quantum ad actum, & quantum ad obiectum. Hæc est voluntas humana, quantum ad actum quidem, quia nullo indiget organo ad sui actus elicentiam; quantum ad obiectum etiam, quia cum non moueatur ab obiecto, seu specie sumpta à re corporea, id est, phantasmate, sicut intellectus, sed à bono vero, vel apparenti, non pender ab obiecto corporeo: ergo omnino independens est à corpore, ac proinde non potest directe ab extrinseca creatura moueri, neque decipi. *Rursus*, Voluntas, libera potentia est, nulli subiecta creaturæ: & consequenter suorum actuum domina: ergo à nulla creatura poterit directe moueri, alias ab ea creatura cogeretur: neque etiam indirecte, quia maxime ab obiecto, & hoc non est

verum, etenim à nullo obiecto necessario mouetur, nisi ab ultimo fine.

Hinc perspicies, dæmonum potentiam, in voluntatem multo minus vires suas exercere, quam in intellectum: quia illam nequit directe, aut indirecte mouere: hunc vero mediate, & indirecte mutare potest. Colliges etiā, dæmones non valere villo pacto homines inuitos ad peccandum trahere: quia eorum voluntas nequit (velint, nolint) ab vlla creatura moueri.

*Dico secundo*. Quamuis dæmones non possint ad peccandum cogere, possunt multipliciter, & vehementer inclinare. *Primo* operando interiorius in phantasia, aut appetitu sensitivo, ut habet D. Thom. I. 2. q. 89. & *de malo*, q. 16. art. 11. Modum autem isthæc faciendi percipies, si aduertas quæ paulò ante diximus; nam dæmones per motionem spirituum in quibus sunt phantasmata, illa ad imaginationem deducunt, quæ vel allicient concupiscentiam, vel irascibilem concitent, & sic indirecte inclinant intellectum ad iudicandum, & voluntatem ad volendum illud, quod ad peccati patratiōem conducit. His addendum, eos posse humores in homine existentes mouere & his inflammata parte sensitua in actum peccati prona, ipsa voluntas acriter inclinatur, & quasi arripitur: sed nequaquam cogitur, sed ultro neque aliquando assentitur peccato.

*Secundo*. Ad peccatum possunt inducere, & inclinare per exteriora:



verbi gratia: exterius suadendo : sic cum Seruatore nostro egit dæmon, *Matth. 6.* loquens voce humana, *Mat. 6.* & nōnullos Sanctos, conatus est ad lapsum carnis inclinare, apparens in forma iuuenularum blanditiū, vsque ad barbæ attrectationem, & eo deteriora. Item aliquot munera ficta offerendo extērius, vt D. Antonio argenteam mensam; & lamijs viros, & fœminas, ac carnales delicias: aut ostendendo aliquot prouocatiua vera, quibus animus intuentis emolliatur, & ad malum prouocetur: vt si Ecclesiā adeunti, procurer occursum fœminæ dilectæ, aut quod aliquid turpe videat, aut audiat, ac denique aliquod corpus, quod ardorem venereum excitet, intromittēdo: potest, n. homine dormiente, in stomachum cibos inferre, qui iram, aut concupiscentiam moueant, aut vires genitales accēdant, sed his, & alijs nequaquam cogere potest ad peccandū, cū homines ipsi valeant fortiter resistere, nec occūbere, vt egregie docet D. Tho. 1. 2. q. 80. per totam, & D. Aug. *serm. 197.* Latrare, inquit, potest diabolus, sollicitare potest, mordere omnino non potest. Non enim cogendo, sed suadendo nocet, nec extorquet à nobis consensum, sed petit. *Cyrillus.* Hierosolymitanus, catechesi. 4. illuminatorum: Liberum, ait, arbitrium habet anima, & potest diabolus incitare, cogere autem præter voluntatē non potest. Subijcit tibi cogitationes fornicationis, si vis, *Cassianus.* probas, si nolis, improbas. Et Cassianus: collat. 6. cap. 8, ait: dæmones ita no-

stris profectibus aduersari, vt eos tantummodo incentores malorum, non etiam impulsores credamus. Hæc dicta sint de deceptionibus, quibus dæmones illaqueare mortales contendunt, & de modo, quo eas operentur.

## DISPUTATIO VII.

*Quibus signis, quibusve notis deprehendatur, effectus istos mirabiles, qui à demonibus vel à magis ope demonum fiunt, esse veros, an verò fucatos, & apparentes?*

**I**N hac re dico primo. Ad intellectum præcipuè pertinet diiudicare de veritate, aut falsitate horum effectuum, id est, sint ne veri an dumtaxat deceptorij, & apparentes. Assertum planum est, tum, quia licet intellectus possit aliquo modo decipi quantum ad receptionem specierū intelligibilium dimanantium à phantasmatibus, vt in præcedenti disputatione docuimus: tamen quantum ad sublationem, aut læsionem luminis intelligibilis, non potest; quo mediante lumine, habet intellectus diiudicare de veritate cuiusvis entis. Tum, quia inter alia intellectus munia, vnum est sensus errantes corrigere, quod nequibit fieri, nisi ad ipsum spectet apprehendere errores eorum.

*Dico secundo.* Si effectus factus à Mago, vel dæmone, iudicatur ab in-

intellectu superare facultatē totius naturæ creatæ: v.g. suscitatio mortuorū, vel aliquid simile, de quibus diximus in disputatione quarta, infallibile signum est, eum effectum præstigiosum, & apparentem dumtaxat esse.

*Dico tertio.* Quædam aliæ coniecturæ sunt ad idem dignoscendum; quædam ex duratione sumptæ: nam si effectus citò euanesceat, aut parum durat; cōiectura non levis est, fuisse fallacem, & fucatum; eo quod quæ à natura sunt diutius permanent, quàm quæ ab arte: item si celeritate nimia plus solito coalescit. Ac denique ex alijs circumstantijs coniectura sumenda est: hoc præ oculis habente, quod superius docuimus disputatione quinta, asserto secundo, opera miranda dæmonum, ac Magorum, ut plurimum fucata esse, & dumtaxat apparentia. Sed est digna scitu.

# DISPUTATIO VNICA.

*Vtrum ipsimet sensus diiudicare valeant, an decipiantur in suis operationibus, necne?*

**E**T quidem dubitatio non procedit quando deceptio prouenit ex organi læsione: quia si propter organi læsionem, aut dissipationem deceptio procedit, nequibit legitimè de ea iudicare, ad quod iudicium integritas organi requiritur. Neque habet locum quæstio, quando deceptio dimanat ex parte speciei, putà, qui per propriam speciem ab i-

maginatione defluentem, quia iudiciū illud debet fieri specie: quod si alicuius obiecti specie propria informatur sensus, impossibile erit aliter, quàm per eam representatur, iudicare. Totū ergo disputationis pōdus incumbit, quādo deceptio prouenit ex parte obiecti sensationis, e mentiti, ac effecti à dæmone, vel à Mago ope dæmonis, an ipse sensus suamet sensatione, potens sit ad dignoscendū, vtrū illud obiectū effectum sit à dæmone, an à natura formarum. Vtrū verum sit, an tantum apparens: v. g. videt quis spectrum mulieris pulchræ, dubitatur an ipsa spectri visione facultas visiva possit apprehendere, obiectum illud non esse veram mulierem, sed dumtaxat apparentem.

Et videtur vera pars negatiua. Nam dæmoni facillimum est per motum localem, aut alterationis, applicando actiua passiuus, sic effingere obiecta omnium sensuum, ac si à natura essent formata. Quod pater inductione facta in obiectis omnium sensuum: in visus obiecto res clara est, ex innumeris fallacibus apparitionibus, quibus dæmon fefellit oculos intuētium: in auditus etiā obiecto non minus facilè, fingēdo voces humanas, & armoniā musicam. Multa narrat Syluester de strigima, lib. 2. cap. 5. puncto 3. se accepisse à quodam amico sibi fide digno. *Quidam, Syluester.* ait Syluester, in ciuitate Bononia satis religiosus Sacerdos, mihi amicus, cui Hieronymo à Viola, seu Lyra nomen



men erat, quod eiusmodi instrumentum peroptimè tangeret, mihi ad annum Domini 1500. in hanc sententiam retulit, ex Necromanticis, quidam mihi (inquit) cognitus dum me lyram tangere crebro videret, ostendam (aiebat) aliquando meos pulsatores, & quam nihil scias videbis: cumque festo quopiam ad tempus Quadragesimale post cibum, sanctum Michaelem in Vosco, declinata semita per vineas, angusto calle conscenderemus, medio itinere lassiqueuimus: cui ego: Quando illos, de quibus toties, pulsatores, auditurus sum? Qui statim quibusdam in terra formatis, respice ait sursum, vidique in aere quoddam pernicialium agmen, vt videbatur alis ludentium, & descendantium, ac descendendo crescentium: quæ cum in terra steterunt, quindecim iuuenes pulcherrimi quindecim instrumenta musicalia tangeres fuere: tota verò intentione ferebar in eum qui lyram tenebat, quodiū audito, visum est mihi, quod in ea arte scire penitus nihil. His verò iussu Necromantis disparentibus, & eorursus characteres effingente: denuo similia, vt prius, sed plura apparere; quæ dum in terra consisterent, fuerunt qui prius quindecim iuuenes pulsantes, & puella totidem cantantes, quibus (pareat, inquit, mihi Deus si in hoc pecco) aut pulchriores, aut in pulchritudine pares vidi nunquam. Hæc ille. In obiecto etiam gustus, & tactus, idem apparet, in casu superius allato, de conuiuio præstigiolo in nuptijs Menippi cum lanfia quadam, quod supra retulimus.

Sed quia circa sensum tactus, præcipua difficultas est, vt videbimus argumento secundo ex cap. 18.

Gen. vbi habetur Angelos in figura vitorum receptos ab Abrahamo latione pedum, non esse deprehensos, non habere veras carnes, ac ossa. Tertio. Omnia quæ in carne, & ossibus reperiuntur à dæmone valent graphicè efformari, ac simulari, nèpè ossium durities, carnis mollities, tepor, ac suauis calor, qui tactu percipitur, & cætera tangibiles qualitates: ergo quamuis veras carnes (quæ à principio viuente necessariò sunt) nō valeat producere: simulare tamē ac efformare, vt tactui tales appareant, poterit efficere, ac ex consequenti sic tactū fallere, vt ipse non percipiat deceptionē. Confir quia sensus visus præstantior potentia est: ergo minorem deceptionē patitur. His & alijs mouetur quidam moderni, vt existiment non posse tactum percipere deceptioni, quam cæteros sensus.

In oppositum est dictum Christi Domini, Luc. vltim. qui vt probaret suum corpus post resurrectionem non esse phantasticum, sed naturale, ait Discipulis dubitantibus: *Palpate, & videte, quia spiritus carnem, & ossa nō habet, sicut me videtis habere.* Quæ latio nullius esset efficaciam nisi per tactum discernatur inter veram, & simulatam carnem, inter vera, & ementita ossa. Posset enim quis occurrere dicens: Etiam phantasmata dæmoniaca habent carnē, & ossa simulata, actangibilia, ac palpabilia, ita vt deceptio per tactum nequeat deprehendi.

Caietan.

*Secundo.* Magi ac lamiaæ quæ cum dæmonibus familiariter cōuersantur, maximè tactu pertinente ad generationem, falsæ sunt sæpè, se conquestas apud dæmones incubos, eorum corpora assumpta, siue cadauera, siue aërea corpora formata, esse tactu frigida, & horrida, & dæmones respondisse (vt refert Caiet. 2.2. q. 93. art. 3. ex certa relatione earum) se non posse melius facere: ergo aliquid est in carne, & ossibus tãgibile, quod non potest perfectè obũbrari à dæmonibus, ita vt tactus omninò decipiatur.

Sit tamè *assertum* nostrum. Potest dæmon ita omnes differentias coloris, ac lucidi, ac denique omnia, quæ spectāt ad sensum visus effigiare, vt omninò decipiatur apprehensio rem phantasticam, & apparentem, vt naturalē, & veram, nō valens per se ipsum percipere eam deceptionem. Hæc assertio non indiget probatione.

*Secundum assertum.* Circa obiectũ auditus, sic & dæmon negotiari potest, vt potentia præfata omninò decipiatur, non valens percipere suam deceptionem. *Probat*ur: quia obiectũ auditus est sonus, sed dæmon per localem motum, aut alterationem, potest efficere veros sonos, & omnes eorum differentias, aut saltem simulare: ergo omnino sic decipi potest, vt suam deceptionem non deprehendat; sed existimet eos sonos à causis naturalibus prouenire, non à dæmone. Aliqui accipiunt ab hæc

assertione voces humanas, quas aiunt dæmones nō posse ita perfectè imitari; quin attente audiens efficitur à dæmone, non percipiat eas voces non esse verè vitales, sicut re vera non sunt. Hi nituntur primo: quia sagæ plurimæ comprehensæ, falsæ sunt dæmones eas alloqnētes, id efficere voce stridula, instar sibili, confusa, obscura, debili, pusilla, & quasi ex dolio per testam ruinosam. Ita Remigius lib. 1. de monolatr. capit. 8. ergo signum est, eos non posse imitari perfectè voces humanas, alias perfectè obumbrarent, vt melius deciperent.

Remigius.

*Secundo.* Quia & voces formentur (maximè humane, quæ magnam de articulationem exposcunt) quamplurima instrumenta requiruntur, eorumque functiones plures, & difficiles: ergo nō poterūt dæmones ita perfectè formare, quin deprehendatur non voces humanas esse, sed fictas, & simulatas. *Antecedens ostenditur* ex Philosophis, & Anatomicis quamplurimis, maximè ex Vesalio lib. 7. de humani corporis, qui ad numerum quinarium reducunt interiora instrumenta vocum humanarum formandarum, pulmones thoracis, & intercostales musculi, aspera arteria, larynx, gargariorum. Pulmones seruiunt ad excipendum aerem, & idè inest eis raritas quædam, & mollities similis spongijs, qua se contrahunt, & dilatant. Musculi facultate motiua, qua pollent; siue thorax, ijs median-

Vesalio.

tibus



ribus compressum aërem diuerberant, & expellunt; alioqui neq; vox, neque sonus ullus esse potest. Aspera arteria, est via quæ à faucibus ortum ducens, varijs compacta cartilaginibus, per collum in pulmones decurrit, & ut trahere ac reddere spiritum possit assidue patet. Diciturque aspera, ob inæqualitatē; sicut & illæ, quæ à corde procedunt, & pulsum denuntiant, leues nuncupatur. Larynx est superiori finis asperæ arteriæ, laryngis verò summum ostiū ne quid cibi, potusve, per id dilabatur, cōtegit membrana cartilaginosa, quibus larynx constat, linguæ assimilis, & ob id lingula vocatur. Hæc verò cum spiritum identidem reciprocamus, sursū erigitur. Gargalio, seu gurgulio est caruncula rotunda in extremo palati dependens, sub qua in epiglottis, seu vvula.

His itaq; instrumentis vox in hūc modū editur: musculis thoracis, & intercostalibus, vehementer cōprehensus aër, è pulmonibus per arteriā vocalem confestim deducitur, qui angusta via tractus, in aerem in arteria vsque ad laringem epiglottidis oppositum retentum, impingit. Hic ad guttur, summamque arteriæ partem allisus, sonat; ac vocem effingit, quam si lingula opposita non esset formare non posset, qui totus sine percussione profliret: confert verò plurimum ad formandam vocem, gurgulio, & lingula, quia vox ad eas partes frangitur, & temperatur; ac pro varietate percussionum, diuersæ

vocum flexiones fiunt, præsertim verò gurgulio, quasi plectrū ad suauitatem, & moderationem vocis conducit. Præter hæc commemorata instrumenta, alia plurimum ad dearticulandas voces conducunt; vt lingua, palatum, dentes, & labia, vt experientia teste agnouimus.

*Tertio.* Supposita opinione eorum qui censent ipsummet auditus obiectum verè, & realiter vsque ad auditus tympanum referri, est argumentum. In vocibus, præcipue humanis, est quædam teneditudo ac mollitudo, delectans valde auditū, eo quod à principio viuentis proficiscatur: hanc non potest perfectè imitari dæmon, cum non sit vitale principium: ergo non sic perfectè poterit simulare humanas voces, quin defectus imitationis, ab auditu hominis attenti, deprehendatur.

Nihilominus censeo assertum nostrum secundum sine vlla exceptione esse firmandum in obiecto quocunque potentiæ auditivæ. Et ad obiectionem in oppositum *respondet.* Ad primam, quamuis dæmones per motum localem, & alterationes possunt perfectè effingere, & dearticulare voces humanas (quod & res inanimæ possunt efficere, & efficiant sæpè, vt patet in tibijs, organis: & in cauis vallibus resonat echo, quanto melius spiritus nequam id efficient?) tamen non semper sinuntur facere quantū possunt; sed confusè satis, & imperfectè voces humanas edunt, Deo disponente,

nēte, vt auditus, qui est potentia cōducens ad veritates naturales, & supernaturales recipiēdas, nō omninō decipiat, sed habeat vnde possit discernere, & deprehēdere se aliquādo decipi à dæmone, nempe ex voce confusa, stridula, & pusilla, qua dæmones vtūt, quia sæpè alia expressiore, & magis articulata vti non permittuntur à Deo propter hominum bonum. Possunt tamen attenta sua naturalis facultate, & aliquando id efficere non dubito.

Pari ratione philosophandū reor circa obiectum visus. Quamuis enim possint dæmones affabrè effigiare, & e mentiri figuram cuiusvis rei, imò aliquando Christi Domini; tamen semper, aut ferè semper, Deo cohibente potentiam dæmonū, in figura adest aliquis defectus, vnde deprehēdatur effigiem esse fucatam, & opus esse dæmonum. Ostendunt se humana figura sæpè; sed corpore atro, squallido, fœtēte, & formidabili, aut saltem obscuro, nigro, fœdoque vultu, naribus vel deformiter simis, vel nimis aduncis, instar aquilæ, ore deformi, oculis valdè intrusis, flammantibusque, manibus, pedibusque obuncis, aut ad modum vulturis, strigosis brachijs; cruribusque, & villo fusco plenis, tibijs caprinis, vel asininis, aliquando vno pede, aut vtroque; truncato, denique statura corporis nunquam iusta, ac decora: sed cui semper adsit aliquid insolitum, vt sic homines percipiant dæmonis fraudes, nec se ab huiusmodi spectris

finant deludi. *Ad secundam obiectionem respond.* Ea omnia formandæ vocis instrumenta, & eorum functionem per motum localem, & alterationem si opus est, potest dæmon perfectè effigiare. Ad tertiam responder, nos non asserere veras voces posse à dæmonibus fabricari, quia loqui actio vitalis est, quàm in dæmone reperiri non posse asseruimus cum D. Thom. vbi sup. sed docemus eas posse tam perfectè simulare, vt nihil in vocibus humanis reperiatur, quod dæmon non possit per motum localem, aut alterationem, sensui præsentare; ac si veræ voces ei insonarent; etiam admissa illa opinione, quam falsam reputamus.

*Tertium assertum.* Omnes tangibiles differentias potest dæmon ita perfectè fabricare, vt potentia tactiva nequeat obiectum esse à dæmone apprehendere; præter quam carnes, & ossa, nervos, & alia, quibus fabrica corporis viuētis constat, quæ perfectè simulare dæmonē, impossibile putamus. Secunda pars, circa quam difficultas incumbit, probatur argumentis factis in oppositum; præcipuè argumēto primo desumpto ex Diui Lucæ testimonio, cui consonat Diuus Ioannes in 20. capit. *Ioan. 20.* sui Euangelij, narrans apparitionem factam Discipulis, & Thomæ, quando erat cum illis. Præterea, Temperamentum carnis, ossium, ac nervorum pertinet ad obiectum tactus; non enim solum percipit primas, & secundas qualitates, duritiem ossium,



mollitudinem carniū , sed etiam temperamentum earum partium viuentium , maximè animalium: sed huiusmodi temperamentum non potest perfectè fabricari à dæmone: ergo quando id simulat, tactus simulationem percipiet (& loquimur de tactu, non excludendo à concomitante sensu communi, in omni sensuum externorum operatione.) *Minor probatur:* quia illud temperamentum consistit non in sola mixtione qualitarum tangibilium, non in duritie, aut mollitudine, sed in temperie resultante ex his , vt à principio vitali, & animato, proficiscitur.

*Obijciat quis primo.* Quia eandem temperaturam possumus in obiectis aliorum sensuum fingere, & dicere, hanc vitaliter non posse fabricari à dæmone. *Secundo.* Estò ponatur in solo tactu, vt percipiatur non est necesse esse veram temperiem carnis, sat est effictam, sicut in alijs sensibus simulatur color ita percipitur sicut verus; simulata vox humana, sicut vera. *Tertio.* Per fluxionem speciei carnis à phantasia ad tactum vsque poterit percipicari, ac si re vera esset præsens, vt supra dicebamus in disputatione immediatè præcedenti. *Respond.* *ad primam obiect.* Ad visus, vel auditus obiectum non pertinet temperamentum subiecti, sed solus color, aut sonus; secus ad obiectum tactus, imò & gustus, qui percipiunt vt differentiam proprii obiecti temperamentum carnis, ossium, &c.

*Ad secundam respond.* Obiecta vi-

sus, auditus, & fortasse olfactus intentionaliter immutant, saltem non est necesse realiter potentias immutare: at verò gustus, & potissimè tactus obiecta, vel non immutant intentionaliter (vt Medici volunt) aut si ita immutant, necesse est simul immutare realiter: per affixionem & impressionem realem cum organo præfatorum sensuum, gustus scilicet, & tactus; & ideo nisi adsit, & illis iungatur verum carnis, aut ossium, &c. temperamentum, nō sentiet se immutari vera carne, & veris ossib. Doctrina est D. Th. in 4. dist. 8. q. 1. art. 3. q. 1. & 2. Quomodo autem cum hoc saluetur, omne sensibile positum supra sensum non causare sensationem, non est huius loci, sed ad secundum librum de anima pertinet, nos aliò properamus. *Ad tertiam.* Per solam effluxionem specierum ad tactum, vel gustum, qui est quidam tactus, nequeunt tangibilia percipi, vel quia non immutant intentionaliter, aut si ita immutant, etiam realiter imprimere sensorio necesse est. *Secundo respondetur,* nos dumtaxat differere de deceptione proveniente ex parte obiecti, non verò ex parte mediij, id est, speciei: sed præstat prior solutio. *Ultimo probat.* nostrum assertum, carnes cadaueris nuper exanimis, magis accedunt ad geras hominis viuentis carnes, quàm carnes, quæ fingi possunt à dæmone per aëris condensationem, aut aliorum humorum alterationem; sed carnes cadaueris non esse veras

D. Thom.

car-

carnes viuentis, affirmant experti se tactu percipere, propter defectum temperamenti à principio vitali proficiscentis: ergo malto melius percipiet carnes à dæmone non esse veras carnes.

Ex dictis infertur non minorem ab hominibus capi delectationem in sensationibus obiectorum à dæmone effectorum erga visum, auditum, & olfactum; quam in sensatione obiectorum harum potentiarum, si à natura producerentur: secus contingit in obiectis gustus, & tactus. *Prima pars probatur.* Quia æquè aut plus perfectè possunt triam præfactorum sensuum obiecta effingi à dæmone, quam à natura fabricari, & æquè aut plus perfectè immutare, vt nuper docui: ergo & delectare, quia appetitus sensitivus, ad quem delectatio pertinet, sequitur in suo opere modum potentiarum apprehensuarum sui obiecti. *Secunda pars corollarij probatur* opposita ratione, & quia sagæ ac lamia sæpe falsæ sunt se in coitu cum dæmone incubo, non sentire eam delectationem, quam cum viris experiuntur, nimirum propter scabrositatem, & defectum temperamenti vitalis instrumentorum, à dæmone effectorum. Rectè Caietanus 2.2. qu. 95. art. 3. *Est enim, inquit, tanto humanarum personarum commixtio naturalis delectabilior, quanto verum superexcedit verosimili.* Detinentur autem in his spurcitijs delectabiliter lamia propter alia quæ consequuntur ex communica-

tione cum dæmonibus, & quia deceptor hominum dæmon, id quod deficit de temperamēti vitalis qualitate, supplet alijs voluptuosis spurcitijs. Quare quidam incubus dæmoni in figura pulchræ fœminæ, quæ Catherinam appellabat, captus, & igni statim tradendus, ridens diu, interrogatus de risus causa, dixit se recordari de lenocinijs, & blanditijs suæ Catherinæ (dæmonis succubi) & cum iam flamma occupabat, idem, inquit, faciam: ita refert Syluester lib. 2. de strigimagijs, cap. 5. in fine.

*Ad argumenta facta in principio dubitationis resp.* ad primum concedendo intentum quoad omnes sensus, excepto gustu, & tactu propter argumenta facta in oppositum, & propter rationes allatas in tertio asserto: nec tamen negamus homines alijs affectionibus occupatos, vt Menipum captum amore illius sagæ, & illius pulchritudine ludificatum, de facto ac sæpè decipi in tactu, & gustu sensatione, sed homo attentus gustu, & tactu ea cibaria percipere vt inania.

*Ad secundum similiter respondetur.* Abrahamum opinione illorum virorum præoccupatum, & diuinis intentum, ac nihil doli suspicantem, non mirum deceptum esse, etiam in lotionem pedum; posset tamen deprehendere errorem, si attentè attendisset. Mitto modò, quod ibi non dicitur expressè, an per se, an per famulos pedes Angelorum lauerit, imo neque an dumtaxat aquam pro-




lotione obtulisset, facienda ab ipsis  
mer hospitio receptis.

*Ad tertium resp.* temperamentum  
verarum carniū, non posse perfec-  
tè simulari à dæmone, quia id ne-  
cessario debet esse à principio viue-  
re intrinseco, & hoc à tactu percep-  
tibile est, sicut calor naturalis ut sic,  
perceptibilis est per tactum, sed ta-  
men impossibile est à dæmone ita  
perfectè per alterationem fieri, ut  
non percipiatur, utrum calor fuerit  
naturalis, necne, per sensum tactus.

*Ad confirm. resp.* visum esse præstan-

tiolem potentiam tactu propter  
maiolem immaterialitatem, & pro-  
pter plures sui obiecti differentias,  
& propter alia: cæterum tactus mi-  
nus obnoxius deceptioni propter  
rationes allatas. Hæc disputata sint  
pro introductione quæstionis nona-  
gesimæ quintæ, & nonagesimæ sex-  
tæ, ubi agitur de diuinatione, & vana  
obseruatione, quorum criminum  
malitia ferè tota ortum habet, occa-  
sione sumpta ex potentia dæ-  
monum ad mirabilia  
patranda,

L A V S D E O.



TRA-

1

---

TRACTATUS  
THEOLOGICVS  
DE PROCESSV ADVERSVS  
crimina excepta, ac speciatim aduersus  
crimen Veneficij.

*Sumptus ex commentario Theologico R. P. ADAMI  
TANNERI ad 2. 2. S. Thom. quest. 67. a. 2. 3.*



Aboluetur hic tractatus quinque quæstionibus seu dubitationibus.

I. Quænam velut principia in hac re supponenda sint.

II. An in crimine veneficii ad torturam vel damnationem sufficiant solæ denunciationes complicum.

III. An in processu aduersus sagas, expediat tam multa iudicis arbitrio relinqui.

IV. Quid animarum Curatoribus, in hoc processu, præsertim circa Sacramentorum, & sepulturæ administrationem faciendum.

V. Qua ratione, quibusue mediis Veneficia aut auertenda aut extirpanda sint.

---

QVÆSTIO I.

*Quænam velut principia in hac re supponenda sint.*

Ad S. Thomæ loc. cit.



Vocantur crimina excepta, ex usu loquendi Doctorum illa, quæ ob singularem enormitatem ac perniciem aduersus

bonum commune, in plerisque rebus, à communi modo procedendi speciales in iudicio exceptiones habent; qualia sunt illa, quæ directè vergunt in corporale, vel spirituale damnum publicum, vt est crimē læsæ Maiestatis, hæresis, Veneficium &c. de quibus quidem singulis agere huius instituti non est, sed solum  
rum



tum communia tradere principia, quæ circa processum, adeoque inquisitionem & punitionem eiusmodi criminum obseruanda sunt; tum deinde generaliores quasdam difficultates, quæ circa processum in causa Veneficarum seu strigum occurrunt, & hodie inter doctos enixius ventilantur, expendere: prius hoc dubio, alterum sequentibus quatuor dubitationibus exequemur.

Est verò hæc tractatio eo minus à Theologi professione aliena, quod ea non tam dependet à legibus humanis, quam ipso iure naturali, ut inferius patebit. Et quia mihi quoque adhuc Monachij Theologiam moralem docenti, iam ante annos 24. ea ipsa quæ sita circa hanc materiam resoluenda proposita fuerunt, quæ postea ad Martinum Delrium delata, & ab eo in appendice 2. operis resoluta exstant; existimaui nihil à professione mea alienum me facturum, si meam hac de re sententiam breuiter & quasi summarim exponerem; non ut receptæ & approbatæ uspiam praxi, doctiorumque sanioribus iudicijs præiudicarem, sed ut eorundem, ac præcipuè summorum Magistratum sapientissimo iudicio rem omnem maturius discutiendam relinquerem.

3. Quod igitur ad præsentem dubitationem attinet, primum in hac re principium esto: neque in crimine Veneficij, nec in aliis criminibus extraordinariis, seu exceptis, obliga-

rii iudicem, ad communem ordinem publicorum iudiciorum seu antiquum, quem iam exoleuisse scribit Paulus Iureconsultus lege 8. ff. de publicis iudiciis, seu posterioribus legibus communibus præscriptum: seu etiam ad communem aliorum criminum praxin vndequaue obseruandam. In hoc principio omnes Doctores consentiunt. Quare etiam plerique notant, in eiusmodi criminum inquisitione (nisi quid peculiare obftet) admitti etiam locios criminis, saltem cum aliis indiciis, quamuis non usque adeo manifestis: neque in his præquiri infamiam: cum ea plerumque sint natura sua occultissima, ut notant Syluester V. Inquisitio 1. §. 10. Sotus lib. quinto de Iust. q. 6. a. 2. Nauarrus cap. 18. man. n. 58. & cap. 25. n. 27. & 33. licet dubitet Valentia q. 14. pun. 1. de Iust. eo quod Sanctus Thomas 2. 2. q. 70. a. 1. vniuersim infamiam requirere videatur, quando alij præter reum interrogandi sunt. Quam rem inferius examinabimus. Ratio sumitur tum à difficultate consueta probationis: tum ab enormitate ac ingenti perniciæ, quam eiusmodi crimina Reipub. adferunt: quibus proinde nisi efficacioribus medijs ac modis obstat, facile sui contagione vniuersam communitatem inficiunt ac perfundant.

Arque in his criminibus potissimum esse videtur veneficium seu magia strigum: cum quo crimine ordi-

ordinariè alia crimina quam plurima, eaque grauissima tum in Deum, tum aduersus homines solent esse coniuncta: de quibus proinde etiam, vbi opportunum est, à Confessariis & Iudicibus sunt interrogandi, vt post alios rectè etiam notauit Lessius lib. 2. de Iustit. cap. 44. dub. 4. Talia sunt I. Hæresis seu infidelitas. Plerique enim à fide Christiana & Catholica, nonnunquam etiam ab ipso Deo, & SS. Trinitate, per manifestam apostasiâ deficiunt. Deû, aut saltè Christû, fidemq; Christi abnegantes, ac fidei in baptismo susceptæ abrenuntiantes: aut cerrè non credentes diabolum esse malum, & fallacem spiritum, eumque vna cum suis asseclis pœnas æternas subire. Vnde Prosper Farinacius tractatu de hæresi, qui habetur parte 8, operum criminalium q. 181. §. 1, num. 46 ex Delrio disquis. mag. lib. 5. sect. 5, refert, lamias esse suspectas de hæresi, & raro hanc suspicionem fallere. Et Sæct. 15. ait, lamiarum seu strigarum crimen cum hæresi coniunctum esse. II. Idololatria in cultu diaboli, cui totas se manciant, & sacrificia offerunt, alioque deferunt honores. III. Blasphemia in Deum, Christum, B. Virginem, & omnes Sanctos. IV. Omnis generis sacrilegia, quæ per abulum Sacramentorum, rerumque sacrarum, & ipsius sacratissimæ Eucharistiæ nefandam dehonestationem, sæpissime committunt. V. Luxuria infanda, ac nefariæ cum dæmone commixtiones. VI.

Damna proximorum, vt homicidia, mortes animalium, vastationes segetum, aliaque similia, quæ fufius etiam referunt Binsfeldius Commentario ad legem, Nemo Cod. de maleficis & Mathematicis, in principio; & Delrius disquis. magic. libro. 5. sect. 16.

Ex quibus patet, veneficos & sagas tanquam non solum in Deum ac religionem impios & blasphemos, sed etiam omnium pessimos, ac nocentissimos salutaris humanæ hostes, vti loquitur Imperator L. fin. Cod. de maleficis & Mathematicis, dignos esse morte, & extremis supplicijs, ac omnino è Republica, quoad fieri potest, exterminandos, iuxta illud Exodi 22. v. 18. Maleficos non patieris viuere. Accedit, quod hoc crimen sua natura admodum est contagiosum: ita vt instar hæresis, velut cancer serpat, semperque plures in societatem pertrahere moliatur: item quod clam & proditorie, in locis solitariis, & plerumque nocturno tempore, absque omni teste, qui particeps criminis non sit, idque continuato quasi studio, perpetrari solet: quæ omnia planè conuincunt, ordinarium processum in hoc crimine inquirendo & puniendo vnde quaque locum habere non posse: neque à grauissimo peccato excusari Magistratus qui eiusmodi crimen, quantumuis sæpe apertis indicijs satis sese prodatur, per oscitantiam dissimulant: neque serendos.



dos illos, qui pleraque eiusmodi strigum crimina, ac speciatim corporalem translationem, & consuetudinem cum dæmone, negant: de qua re satis prolixè egimus *tom. 1. disp. 5. q. 6. dub. 7.*

*Secundum principium est*, nihilominus Iudicem, tum in hoc crimine, tum in cæteris criminibus exceptis, sequi debere eum iudicii ordinem ac processum, qui rationi & æquitati naturali cōsentaneus est, quemque in criminibus privilegiatis siue exceptis, tum iura communia, tum particularia statuta locorum, si quæ de his extant, præscribunt: adeo ut si quis eum turbet, aut negligat, eius iudicialia acta nulla forent, iuxta *legem 16. Cod. de panis*. Quod ex communi omnium Doctorum sententia tradunt etiam Binsfeldius *de confess. malef* & Delcius *lib. 5. sect. 1.*

*Tertium principium est*: non solum contra ordinaria, sed etiam contra extraordinaria & excepta crimina, adeoque etiam in causa strigum & sagarum, ita procedendum à iudicibus esse, ut ne ex eo processu, secundum prudens iudicium, morale & frequens creetur periculum ipsis etiam innocentibus. Pater hoc ex Christi præcepto *Matthæi 13. v. 29.* ubi seruis ad eradicanda zizania suam operam intempestivè quasi obtrudentibus: *Visimus & colligimus ea*, respondet paterfamilias: *Non: ne forte colligentes zizania, eradicetis simul cum eis & triticum. Sinite utraque crescere usque ad messem: & in tempore messis dicam messori-*

*bus: colligite primum zizania, & alligate in fasciculos ad comburendum: triticum autem congregate in horreum meum.*

Vbi generalis regula præscribitur omnibus Magistratibus, ut si quod crimen puniri & extirpari non possit, non solum absque certa perniciæ, sed etiam morali periculo innocentum (quod nempe significatur per particulam *Forse*) abstinendum potius sit ab eius criminis punitione, idque diuinæ vindictæ in extremo iudicio relinquendum, quàm ut intempestivo ac pernicioso zelo innocentes simul cum nocentibus perimantur, ut ex communi Doctorum sententia fasius docuimus *tom. 2. disp. 5. q. 1. dub. 3.*

Id vero cum in omnibus criminibus puniendis, tum maxime etiam in veneficii crimine diligenter observandum est, ob gravissima incommoda: quæ ex illegitimo, incircumspecto, ac periculoso processu aduersus hoc crimen, toti communitati accidere possunt. E quibus *primum est ipsa infamia*, & gravissima tormenta ac supplicia ipsorum innocentum: eorumque, uti in diuturno, ac pluribus sæpe annis continuato processu, evenire necesse est, quam plurimum vita, ut si vel denuntiationes illegitimè extorqueantur: vel nimium deferatur denuntiationibus, non absque præiudicio & morali periculo innocentum, fieri non possit, quin si processus eiusmodi diu continueretur, toti communitati periculum imminet, ne simul

inne-

innocentes cum nocentibus, eodem supplicio, quasi generali quodam incendio, aut diluuiio, omnes inuoluantur. Videmus enim, inquit Farinacius lib. 1. prax. crim. tit. 5. q. 43. n. 22, quod aliqui reperiuntur adeo in tortura impatientes: vt potius mori, ac de se & aliis mentiri deliberent, quam tormentorum cruciatibus & dolores sufferre, iuxta tex. in l. 1. §. In causa tributorum. ff. de quaest. cum aliis adductis per Foller. in pract. crim. canon. cap. 31. num. 2. & 13. Quod in hoc crimine facilius accidere, ipsa acerbitas & frequentatio consueta tormentorum persuadet.

9. Secundum incommodum, est infamia ac perpetuum probum honestissimarum, ac etiam nobilium familiarum: quod et si ita quidem nunc à nonnullis eleuari videatur, ac si ob frequentiam quasi pro nihilo aestimandum sit: nemo tamen adeo vacors est, qui cum id sibi, suæque familiæ acciderit, non vehementer sentiat, ac pro graui nota ac probro habeat, pro quo redimendo magnam etiam pecuniæ summam facile sit expositurus.

10. Tertium est probum quasi quodam ac dedecus ipsius Catholicæ Religionis: quod ex eo oriri solet, dum sæpe maleficii crimine damnatur, etiam illæ personæ, quæ tum morum, ac totius vitæ, quatenus constare hominibus poterat, honestate, tum etiam diuinorum Sacramentorum frequenti vsu, ante infamiationem & publicationem criminis, bono omnibus exemplo fuerant: è qui-

bus cum dubitari quidem non possit, nonnullas etiam subinde hypocritas velo inductas, fucum alijs facere, ac interim re ipsa veneficii crimine infectas teneri: non parum tamen Catholicæ Religionis nomini & existimationi obest, nocentum numerum, adiectione innocentum, multiplicari & cumulari.

Quibus rationibus planè adducor, vt si quo processu fori criminalis, salutem inter decem, aut etiam viginti nocentes, vel vna simul per, sona innocens eiusdem poenæ infamiaeque communione sit inuolunda, ab eiusmodi processu, ipsaque adeo etiam, si aliter fieri non possit, punitione ac inquisitione ipsarum etiam nocentum abstinendum censeam: idque maxime, quia inchoato semel eiusmodi processu, adeo numerus puniendorum multiplicatur, vt nullus propemodum sit finis ac numerus eorumdem, vt dictum.

Adducor in hanc sententiā ipsius in primis Dei, æquissimi Iudicis, sententia ac præiudicio: qui ipsi etiam Sodomæ integræ ciuitati, quamuis grauissimo ac infando scelere infectæ, se parsurum esse sponndit, non solum si ex eo toto numero, inter homines adultos, quinquaginta, vel quadraginta, vel triginta, vel viginti, sed etiam si vel ex omni numero decem iusti fuissent inuenti, ipso Abrahamo ita pro salute populi Deo supplicante, Genesis 18. v. 25. Absit à te, vt rem hanc facias, & occidas iustum cum impio, fiatque iustus sicut impius: non est hoc

II.



12.

tuum qui indicas omnem terram : nequam facies iudicium hoc.

Contentit his etiam ipse Delrius disquis. lib. 5. sect. 5. num. 4. ubi ait : *Esto sit probatio criminis admodum laboriosa, progrediatur ergo hoc ad torturam : si ad necem infantis extendis, nonne durus, & saeus merito dicare ? Sit crimen atrox natura: quid tum si reuera non commisit ? Sic aliqui noxij elabentur: praestat decem elabi, quam vnum innoxium condemnari. Si tortus sit innocens, potest ei solatii aliquid impendi: si damnatus & necatus, quod tu mortuo praebeas cataplasma ? ubi vides, ipsum etiam Delrium sollicitum esse, ne si incircumspectus ac nimis rigidus sit Iudicum processus, innocentes simul cum nocentibus periclitentur: cum tamen praestet decem potius nocentes elabi, quam vnum innoxium condemnari. Nec obstat, quod in bello saepe innocentes cum nocentibus magno numero perimuntur. Nam & hoc quoad fieri potest, vitandum: & aliud est indirectè, & absq; infamia: aliud, directè ac tantacum infamia innocentes perimi.*

13.

*Quartum principium est. Et si quidem Deus malorum auctor & causa non sit, & verò ea suo nutu facillime tollere ac impedire possit omnia: iustas tamen ob causas tum cætera mala, quæ fieri videmus omnia, tum ipsorum saepe etiam innocentum iniustam cedem ac punishmentem, tam in iudicio, quam extra iudicium nonnunquam permittere : ut hoc proinde velut pro axioma habe-*

*ri neutiquam possit, Deum non permittere, aut permitturum, ut in hoc processu aduersus striges, multi innocentes à Magistratu damnati pereant, vanumque esse timorem suspicari, aut formidare, ne sicubi debitus processus fortè non seruetur, in tanto maleficarum numero, quæ ob id crimen damnantur, multæ etiam personæ innocentes simul inuoluantur.*

*Axioma hoc falsum esse, & oppositum principium esse verum, nempe si processus non rectè ac debito modo instituitur, facile fieri posse, Deo permittente, ut inter plures nocentes, etiam multi innocentes pereant, patet. I. ex persecutionibus Tyrannorum à quibus iam olim ab initio Ecclesiæ innumerus pene innocentum Martyrum numerus peremptus fuit.*

*II. Ex tot bellis ac stragibus, in quibus etiam ex parte exercitus iustam causam propugnantis, tot millia saepe perire solent : & nonnunquam etiam integri exercitus funduntur, & ad internecionem delentur.*

*III. Ex ipsis confessionibus & factis sagarum & strigum, quibus tot innocentes, saepe etiam ipsos parentes & filios, à se fuisse peremptos, & quotidie perimi, vnanimi consensu profirentur.*

*IV. Sensu & experientia prudentium & doctorum virorum, ac quorundam etiam Theologiæ Professorum: è quibus aliqui cum non paruo tempore, in foro conscientiae, has cau-*

cau-

causas sagarum tractassent, magnopere se timere professi sunt, ne quo forsan inordinato procedendi modo, multis etiam innocentibus fiat iniuria: alii vero ita perplexi fuerunt redditi, ut nescirent demum, quid crederent.

V. Ex multis historijs, quibus in omni scelerum genere, constat subinde etiam innocentes easdem cum nocentibus pœnas luisse: idque si in aliquibus accidit, cur non etiam in pluribus accidere possit, si quo in crimine, & frequentius, & minus, circumspœctum soleat exerceri mortis iudicium.

VI. Ex ipsa huius temporis experientia, qua constat, eos qui talibus causis iudicandis prœerant, minus integrè nonnunquam in suo officio versatos fuisse. Certe proximis his annis, in locis non admodum diffitis Germaniæ, constat, duos latrunculos, qui causas sagarum tractauerunt, ob processus illegitimos cum periculo innocentum adhibitos, capite damnatos & extremo supplicio fuisse affectos.

16. Dicere ergo, Deum nunquam permittere, aut permissurum, ut in processu aduersus maleficos multi innocentes cum nocentibus inuoluantur, non habita interim in particulari ratione ipsius processus, seu modi procedendi, inane axioma, imo falsum pronunciatum est, quod nec ratione, nec autoritate fulcitur.

Qua de causa etiam non proba-

tur, quod nimis generatim cū Binsfeldio tract. de confess. malef. memb. 2. post concl. 7. ait Delrius lib. 3. disquis. append. 2. q. 1. Vix vnquam permissum reperias, innocentes nominari. Quod si nominati, mox eorum innocentia, Deo sic disponente, palam sit. Quod repugnat ipsi Delrio eod. l. 5. sect. 5. n. 4. ubi ipsemet timet, ne si indebitus processus & nimia credulitas denuntiationibus adhibeatur, passim cum nocentibus etiam pereant innocentes, ut superius retulimus. Scilicet Deus tot alia, eaque immanissima scelera singulis momentis, idque iustissimis de causis permittat, ut dictum cum Sancto Thoma 1 part. disp. 3. q. 1. dub. 2. & in solo hoc processu aduersus sagas, signato quasi codicillo sponsonem fecerit, non se permissurum, ut innocentibus fiat iniuria, qualis qualis denique processus ille futurus sit.

Quintum principium est, eos, qui magiæ seu veneficii nomine capiuntur, ordinariè non esse, aut habendos esse, velut de crimine iam sufficienter conuictos; quin & iure & facto existimandum, fieri posse, ut re ipsa sint innocentes. Ex quo sequitur, iisdem, quamuis iam captis, locum & facultatem esse concedendum, quo se ab obiectis & impositis criminibus purgare, atque ita in libertatem restituere possint. Patet hoc euidenter ex eo, nō solū quod pleræque sagæ solum capiuntur ob denuntiationes cōplicū, quas ad cōuincendū aut damnandū reū, per se non



le non sufficere, inferius ex communi Doctorum sententia dicitur, sed etiam quod captis torturæ primū, & ex sæpe multiples ac frequentatæ adhibentur, ad exprimendam veritatem, certitudinemq; patrati sceleris comparandam: quod recte non fieret, si iam antea essent de crimine sufficienter conuictæ.

18 Nam legitimè conuictum, ad eiusmet confessionem exprimendam, torquere non licet, ut cum Nauarro *cap. 18. dub. 17. n. 59* & Iulio Claro *q. 64. n. 8.* docet Lessius *lib. 2. de Instit. c. 29. dub. 17. n. 152.* & habetur in *Constit. crim. Carolina art. 69.* Ratio est, quia cum tortura adhibenda sit in subsidium, ob defectum plenæ probationis, frustra inferretur reo conuicto; quia confessio non est necessaria ad condemnandum. Eamque sententiam Nauarrus vocat communem Theologorum & Iurisperitorum, quam tradit etiam Couarruias *pract. quest. cap. 23. conclus. 1.* ubi plures citat. Addit Clarus *loc. cit.* contrariam praxin esse iudicum inereditorum.

19 Et vero consentiens omnium Doctorum sententia est, per sufficientem torturam purgari præsumptiones & indicia quantumvis vrgentia & violenta, imo verior & communior sententia est, purgari etiam plenas probationes, ut contra nonnullos fusè docet Farinacius *prax. crim. lib. 1. tit. 5. q. 40.* itemque sequitur Delrius *lib. 5. Disquis. sect. 11. 5.* Caterum.

Sextum principium est, si per torturam, non præuiis sufficientibus indiciis admotam, extorta fuerit confessio criminis, eam habendam esse nullam, etiam si postea ratificetur; ipsamque sententiam in ea fundatam esse irritam. Ita ex communi docent Nauarrus in *Rubrica de iudiciis nn. 86.* Clarus *q. 64.* & Lessius *loc. cit. n. 155* iuxta legem penult. ff. de *questionibus* & leg. *Non dubium Cod. de legibus*. Ratio est, quia confessio fuit per iniuriam extorta, & consequenter etiam ratificatio, quæ ex illa sequitur. Ut proinde hoc velut axioma habendum sit, confessionem factam in tormentis, non præcedentibus indiciis, esse nullam, etiam si sequatur ratificatio.

His veluti fundamentis suppositis, resoluendæ sunt breuiter generaliores aliquæ difficultates, quæ in processu aduersus sagas hodie studiosius ventilari solent; quod sequentibus dubitationibus seu questionibus faciemus.

## QVÆSTIO II.

*Vtrum in hoc crimine sola denunciatio complicitum, absque vllis aliis indiciis, sufficiat ad capiendas & torquendas personas denunciatas, etiam bona alioquin fame.*

Ad S. Thomæ 2.2. q. 67. a. 8.

EST hæc prima, ac fere præcipua difficultas, ex ijs, quæ hodie circa processum aduersus sagas in questionem veniunt; & est hac de re duplex Doctorum principalis sententia. Prima ab-

absolutè affirmat, sufficere ad eum finem, solam denuntiationem plurium sagarum. Hanc sententiam fultuetur Delrius lib. 5. *disquis. Sect. 3.* & in *append. 2. eiusdem libri* q. 1. *conclus. 2.* vbi cum antea dixisset, *nō satis tutam videri sententiam multorum grauium scriptorum, volentium, in criminibus exceptis, sufficere ad torturam, si denominatio sit facta ab vno complice*, nihilominus postea subiungit; si quando reus à pluribus complicibus debite interrogatis fuit denuntiatus, etiam absque aliis indiciis, vel ad *miniculis*, licere Iudici procedere ad *torturam in nostro* (magiæ seu veneficij) crimine. Quod tradunt etiam apud eundem citati, Nicolaus Boerius *decisione Burdegalsi* 319. num. 4 & 17. Paponius lib. 22. tit. 13. Iulius Clarus q. 21. n. 11. Farinacius q. 43. n. 37. Lanfrancus in *praxi* n. 72. c. 8. Binsfeldius de *confess. mal. post. prelud. conclus.* 6. itemque Friburgenfes, Patauini, & Ingolstadienses Doctores consulti; quos sequuntur multi recentiores, speciatim Valentia tom. 3. *disp. 6. q. 13. pun.* 4. § 2. & 3. Idem à fortiore sentiunt illi, qui etiam vnius complices denuntiationem in exceptis criminibus, ad torturam sufficere asserunt quales apud Delrium citantur Cynus, Imola, Abbas, Ambrosius de Bononia, Antonius Gomez, Fridericus Scotus, & alij.

21

Addit tamen simul idem Delrius sub finem eiusdem questionis *conclus. vlt.* limitationem, nimirum eam sententiam procedere, si ex verisimilibus coniecturis, & numero testium, vel ex qualita-

te deponentium, vel ex personis eorum, contra quos deponunt, presumantur nominantes falsum non dicere. Hancque limitationem ait esse Collegij Patauini, illam desumentium *ex capit.* In *fidei & capit.* *Accusatus, de hereticis* in 6. itemque Aretino, Marsilio, Rolando, & Spregero in *malleo* q. 4. & alijs. Simul quo ad hæc capit. 2. reduci posse ait condiciones alias, requisitas à Binsfeldio *loc. cit.* Sed nihilominus speciatim Doctorum Friburgenfium has condiciones refert. 1. Si in denuntiatione constanter perseuerent. 2. Si pœnitentes ad iudicium accedant. 3. Si cum contritione moriantur. 4. Si nulla mendacii, aut odii, aut inimicitiarum sit suspicio.

Addunt ex Iureconsultis nonnulli, plurium denuntiationes etiã sufficere ad condemnationem: pro qua sententia à Delrio *loc. cit.* & à Farinacio *prax. crim. lib. 1. de ind. & tort.* tit. 5. q. 43. num. 71. tom. 1. citantur. Antonius Gomez. tom. 3. *var. resolut.* rub. de *probat. delict.* num. 18. Ludouicus Peguerius *decis. crimin.* 5. num. 18. itemque Castrensis, Decianus, & Aymō; quibus consentit etiam Lessius lib. 2. cap. 30. num. 39 vbi ait; in huiusmodi exceptis criminibus, depositionem socii non solū esse sufficiens indicium ad torturam, sed etiam esse semiplenam probationem: & accedente alio socio, qui idem deponat, esse plenā probationem, & posse reum condemnari, vt docet Cynus in *leg. vlt. Cod. de accusationibus*, & Panormitanus in cap. 1. de *confess.* Debet tamen, inquit, hæc depositio fieri, tanquam à teste, nempe cum iuramen-

22



ro, & citata parte, cui etiam danda est copia depositionis, ut possit se defendere.

Hi verò omnes auctores cum in eo consentiant, solas denuntiationes plurium complicum, in criminibus exceptis, sufficere ad capiendas & torquendas personas denuntiatas; aperte tamen ijs locis non loquuntur de personis bonæ & integræ famæ à strigibus denuntiatis, de quibus nonnulli aliter loquuntur, ut videbimus.

23 Altera sententia principalis est, propter solam denuntiationem sagarum, seu maleficarum, quantumvis illa multiplicetur, nec torqueri, nec condemnari posse eas personas, quæ alioquin ante eiusmodi denuntiationes, & indicia ex ijs orta, probæ & integræ famæ erant: quam sententiam uti veriore & tutiorē sequentibus assertionibus declaro & confirmo.

24 Assertio I. Propter solas denuntiationes sagarum, siue strigum quantumvis multiplicatas, nunquam potest vlla persona denunciata, quæ antea, ut supponitur, bonæ & integræ famæ, nec ex specialibus indiciis de crimine suspecta erat, non confessa damnari, aut extremo supplicio affici. Ita contra quosdam Doctores superius relatos, habet communior Doctorum sententia, quam ex instituto in hac ipsa materia defendit etiam Delrius lib. 5. disquis. sect. 5. num. 4. ubi ait: *Quantumvis multiplicentur depositiones personarum infamium & complicum, non est producendum iudici ex his solis ad condemnationem.* Idem repetit append. 2. q. 1.

Idem tradit Prosper Farinacius prax. crim. lib. 1 tit. 5. q. 37. num. 16. & num. 62. & q. 4. num. 29. & 75. ubi ait: *Nec verum est, quod in delictis occultis & difficilis probationis socii criminis, tanquam omni exceptione maiores, si unus sit, sufficiat ad torturam, etiam sine adminiculis; si verò plures, ad condemnandum, quicquid in contrarium dixerint Doctores citati. Veritas est, quod etiam in occultis, unus testis non facit indicium ad torturam, nisi sit omni exceptione maior, vel nisi adiuuetur aliis adminiculis. Non etiam verum est, quod tales socii criminis, tanquam testes omni exceptione maiores, plene conuincant.* Idem num. 39. eandem vocat communem Doctorum opinionem: pro qua speciatim adducit Marfilium, Boerium, Baldum, Clarum in practica §. finali q. 21. Idem à priori tradunt, qui negant, etiam complurium complicum denuntiationem, absque alijs indiciis vel adminiculis, sufficere ad torturam denunciati, quos inferius referemus.

Ratio, præterea, quæ assertionem dicentur, petitur ex ipsa natura rei, & infirmatione contrarii fundamenti, cum aiunt, ex multiplicatis indiciis debilibus resultare indicia indubitata. Quod argumentum inquit Delrius, *valde debile est, nec in rigore verum.* Nunquam enim quæ natura sua sunt dubia, possunt rem facere indubitata (adeoque nec multa argumenta probabilia, quantumvis conglomerata, parere certitudinē) sicut nec multa venialia peccata vnum mortale; nec multa ægra vnum sanum;

saum; nec multa non alba vnum album; nec multa tepida vnum calidum &c. quando nimirum res non sunt subordinatae ad vnum finem naturae suae, sicut vna depositio naturae suae non subordinatur alteri. Cum igitur denuntiationes sagarum singulae planè incertae, imò suspectae sint, nec cum alijs subordinatae, fieri non potest, vt ex quantumuis multiplicentur, vllam certitudinem pariant, qualis ad condemnationem requiritur; esto plurium denuntiationum multiplicatione crescat probabilitas; eo quod singulae non nihil probabilitatis habent.

26 Nec obstat primo, quod in criminibus exceptis, etiam socij criminis pro idoneis testibus habeantur, vt ex communi tradunt Syluester V. Testis q. 1. Clarus q. 21. num. 3 Sa. V. formula num. 3 Lessius cap. 30. num. 41. alijsque citati ex capit. finali de testibus cogendis, & Glossa ibidem. Sunt enim illi idonei quidem testes ad probabilitatem conciliandam, sed non ad pariendam certitudinem; praesertim in hoc crimine magiae, vbi, ob specialem conditionem personae delinquentis, singularum, imo etiam plurium denuntiatio merito de falsitate suspecta haberi potest, vt inferius dicam.

27 Nec obstat secundo, quod testes omni exceptione maiores, si duo sint, pariant moralem certitudinem, quam vnus testis non parit: quia tales testes non sunt suspecti de falsitate, sicut testificatio com-

plicum: quare illi pariunt moralem certitudinem; ita vt vnus testimonium confirmet alterum, quando singula sunt in suo genere firma; haec non item.

Nec obstat tertio, quod socii criminum solum iure positiuo repelluntur à testificando: reuera enim ipso naturalis rationis dictamine inepti sunt ad conuincendum, idque praesertim in magiae crimine, vt assert. 3. patebit.

28 Qua de causa oppositam sententiam, ex principijs quidem intrinsicis, quidquid sit de auctoritate, practice probabilem existimare non possum: eo maxime, quod iudex sequi debeat securiorem interpretationem iuxta capit. Ad audientiam, & capit. Significasti 2. de homicidio; quodque cum sunt partium iura obscura, reo fauendum est potius quam auctori, iuxta regulam 11 iuris in 6. Nec ideo necesse est, elabi multos noxios, quando praeter denuntiationem, etiam suppetunt alia media veritatis eruenda, vt tortura, infamia, aliaque indicia Nec oppositum vsipiam, quod sciam, in hoc crimine est vsu receptum; idque si reciperetur, non dubito, quin ea certissima futura esset ad exitium plurimorum innocentium via: quo argumento etiam vtitur Delrius: cuius verba retulimus quaest. praed. n. 12.

Quare nec vndiquaque probatur, quod ex Binsfeldio, & alijs notauit Valentia disp. 6. q. 13 pun. 4. §. 4. in huius-



huiusmodi criminibus atrocibus, natura sua secretis, probationem per coniecturas, & indicia (nisi forte admodum manifesta sint) & denuntiationes complicum, etiam sine propria rei confessione, sufficere quidē ad condemnandum, sed pœna mitiori, quam ordinaria.

29

**Affertio II.** Nunquam etiam vnius sagæ, siue strigis denuntiatio, quantumvis per iuramentum, aut torturam confirmata, absq; aliis indicis, sufficit ad torquendam personam denuntiatam. Ita ex communi sententia cōtra Cynū, & quosdā Doctores superius relatos, docent Delrius *disquis. l. 5. appēd. 2. q. 1. concl. 1.* & Farinacius *prax. crim. lib. 1. tit. 5. q. 4. num. 76.* qui citant etiam Glossam in *leg. fin. Cod. de Accus.* item Bartholum, Baldū, Bossum, Salicetum, Marfilium, Malcardum, Socinum, Decium, Crauetram, Rolandum, Boerium, item Clarum *lib. 5. §. finali q. 21. num. 2.* Menochium *lib. 1. de præsumpt. q. 88. num. 12. & 13.* & alios. Addit Delrius auctoritatem clarissimarum Academiarum, Bononiensis, Patavinæ, Friburgensis, & Ingolstadiensis, quæ anno 1602. ita consultæ responderunt. Colligitur ex *l. 1. in princip. ff. de quaest. & leg. Milites Cod. Eodem titulo*, ubi habetur, nec in atrocissimis quidem delictis absque legitimis indicis, iudici à tortura inchoandum: legitima vero indicia non sunt vnius complicis denuntiatio, ut constat ex *lege final. Codice de accusat. & cap. Veniens de testibus*, Scilicet, quia facile acci-

dit, ut complex criminis, aut denuntiati priuilegio veniam speret, aut eius odio, cupiat illum eodem supplicio perire, ut habetur *cit. lege final.* Accedit, quod testis infamis iure inhabilis censetur ad probandum; & fulciri debet alijs adminiculis, ut indicium faciat, etiam in criminibus exceptis, ut ex *textu l. Sicuti Cod. de quaestionibus*, cum Bartholo in *legem 1. §. Idem Cornelio, ff. de quaest. Baldo consil. 359 lib. 1. & multis adductis à Farinacio quaest. 37. numero 58. & quaest. 36 numero 68. & 70 docet Delrius cit. lib. 5. append. 2. quaest. 1.*

Et addit: *Qua sententia communis cum sit iuri & rationi magis consentanea, meo iudicio iudici sequenda est*, in utroque foro. Si quis tamen illam contrariam Cyni & aliorum sequutus esset, putarem eum Syndicatui non subiacere: facit enim tot Doctorum, quos sequutus est auctoritas, ut dici nequeat, ex capite suo vel temere fecisse aut processisse qui grauium Doctorum; & quorundam iudicum praxin doctrinamque amplexus fuit, licet minus probabilem, vel tutam. Ita Delrius, cuius moderationem ut in alijs criminibus exceptis tolerabilem. ita in crimine veneficii nullo modo tutam aut ferendam existimo, utpote receptæ iam tribunalium praxi repugnantem; idque ob peculiarem præsumptionem falsitatis, quæ in hoc crimine infectis interuenit, ut mox inferius diceretur.

**Affertio III.** Quinimò longe probabilius videtur, nec ob pluriū lagarum siue strigum, velut com-

pli.

plicum denuntiationes, sine alijs indicijs vel adminiculis, contra personam alioqui probæ ac integræ famæ procedendum esse ad torturam. Hæc assertio videtur quidem contra multos Doctores superius n. 20. & 21. relatos, & contra praxin Iudicum quibusdam locis receptam; sed quæ nihilominus tum auctoritate, tum ratione, & argumentis optime fundata est. Ita enim præter Gomezium cap. 12 num. 20. citatum à Lessio lib. 2. de iust. cap. 30. dub. 5. n. 40. docent vniuersim, de criminibus etiam exceptis Marfilius consil. 79 numer. 13. & consil. 106. num. 10. Ancharanus consil. 246. Alexander lege. Si quis ex argentariis §. Cogentur n. 1. ff. de edendo, Cornelius consil. 333. l. 1. Felinus inc. Testimoniū, lib. 5. de testibus, Crauettus consil. 99. n. 10 Bartholus in leg. 1. ff. de q. §. Idem Cornelio Rolandus consil. 16 num. 18. & 23. lib. 1. Burlatus consil. 201. num. 61. Bertazzolus consil. 28. num. 3 consil. 116. num. 21 quos omnes citat Delrius libr. 5. disquis. append. 2. q. 1. post conclus. 2.

Qui etiam q. 5. eandem sententiā, quoad personas bonæ famæ, indicat esse communem, & valde probabile, cum ait: Pleriq; censuerunt, contra constantē, & non vulgarem denūtiati famam bonā, nihil ad torturam valere plurium complurum nominationem: idque ne sit in potestate & arbitrio istorū tam infamū, grauare & denigrare bonum nomen, existimationem, & personam hominum proborum. Citantur pro hac sententia Raphael Cumanus consil. 16. act. 1. Alexander consil. 89 num. 13 lib. 3. Marfilius consil. 74 num. 25. & in crimi-

ne nostro maleficij consil. 109. num. 27. Paris consil. 151. num. 13. lib. 4. Gr. mmaticus consil. 21 num. 8. consil. 35. num. 37. & decisione 28 num. 17. & 18. post Andrean de Isernia, & alios ab eo allegatos; item Socius iunior consil. 39. num. 66. lib. 2. Rolandus à Valle consil. 16. num. 24. & consil. 13. num. 35 libr. 1. Mengchius de Arbitris casu 474. num. 42. Bertazzolus consil. 59. num. 8. & consil. 61. num. 16. Vincennius Onde-  
dus consil. 100. num. 40. lib. 1.

Hac communiter recepta sententia, inquit Delrius loc. cit. Valde probabilis est, quando bona fama tam constanter & plene probata est vt dubitare iudex non possit, aut debeat, communicis loci cum loci hominum existimatione, denuntiati, propter nomen ante acta vita haberi pro viro probato, & ab hoc crimine alieno, arg. leg. De minore §. Plurimum ff. de quaest.

Huc spectant etiam illi, qui indicium hoc plurium denuntiantium, per certam & constantem bonæ famæ exceptionem tunc saltem elidi tradunt, quando ad bonam famam accedunt alia indicia ad exculpandum reum denuntiati; vel quando etiam reis denuntiatis plures defectus obijciuntur, qui eorum personas vel dicta debilitant; vt quod sint viles personæ, aut alias alijs criminibus scelerosi: quandoquidem semper duplicata materia exceptionis, plus debet valere, ad augendum & detrahendum. Quod in terminis, inquit Delrius cit. qua. 5. ad liberandum à tortura nominatos, annotarunt non pauci. Gigas de crimine laesa Maiestatis tit. Quomodo, & per quos quaest. 7. num. 7. Farina-  
b 3 cius



cus q. 4. num. 179. Et rursus qu. 17. Plurimi, inquit tenere, quod etiam in criminibus exceptis, (ut sunt maleficium, heresis, sodomia, &c.) socij criminis, qui plures defectus patiuntur, verbigratia, quia multis aliis criminibus implicati, etiamsi, aliter veritas haberi non posset, quam per illos, nec ad torquendum, nec ad inquirendum admitti à iudice possint, &cæt. Vbi mox etiam supra viginti authores pro eadem sententia velut communirefert, licet ab ijs ipse dissentiat.

34

Sed & ipse Delrius, licet pro ea sententia, nempe sufficere denuntiationes plurimum infamium, & fagarum, ad torturam denuntiati, referat Doctores Ingolstadienses in scripto suo Anno 1590. (quod tamen postea aliter arbitratos fuisse constat) & Doctores Friburgenses in Consilio Anni 1601. post Bossium, Clarum, Baiardum, Binsfeldium, & alios; ipse tamen denique id, pro diuersitate circumstantiarum iudicis arbitrio dijudicandum relinquit: Igitur aliquando inquit, plurimum sociorum testimonium non eliditur per bonam famam solam, quantumvis certam; aliquando eliditur: & mea quidem sententia, à iudicis arbitrio dependet iudicare, quando elidatur, quando non: quia à iudicis arbitrio pendet decidere in animo suo, quodnam certius in individuo sit indicium, bona fama, an denuntiationis plurimum.

Quando certius illi videtur indicium bona fama, tum abstinere tenetur à tortura, iuxta Bartholum in leg. 1 §. 1. ff. de quest. Angelum de maleficio in vers. Quod fama publica n. 34. Marfilium in §. Diligenter n.

190. Alexandrum cons. 180. n. 9. l. 2. Gramaticum vota 3. n. 20. Vbi etiā adducit Ioannem Andream, & Baldum. Sic etiam Farinacius q. 28. num. 110.

Sin verò urgentiores & firmiores iudicet complicum denuntiationes, procedat ad torturam saltem leniorem. Dependet ergo res à pondere indiciorum, ut praeualeant grauiora, ut olim docui lib. 3. disquis. sect. 3. v. Conditiones autē, cum Prospero Farinacio praxi criminali q. 47. & est ad mentem Carolinae. Hæc Delrius.

Ex quibus omnibus patet assertionem positam, in his terminis, quos expressi, non solum non esse nouam & singularem, sed potius communem Doctorum sententiam; quando in crimine hoc magis, non vnum sed quàm plurima, eaque grauissima scelera solent concurrere, quæ contra denuntiantes, pro persona aliqui bonæ famæ, pariunt iustissimam exceptionem, ut inferius dicetur.

Probatum assertio primo ex iure ciuili. Nam ne plures inhabiles testes ad torturam vel questionem iungantur, videtur generaliter quoad crimina statutum leg. 1. §. Idem Cornelio, ff. de question. Certè in constitutione Carolina, ubi indicia maleficij commemorantur, non ponitur duorum vel plurimum complicum denuntiatione; nempe, quia ea sola, alijs administris destituta, ad convincendum non sufficiat.

Secundo probatur assertio rationibus. I. Nam aut denuntiantes verè, uti de se profitentur, sunt striges & maleficæ, aut non sunt: si non sunt,

sunt, tunc & de se ipsis mentiuntur, & de alijs complicibus nihil sciunt; præsertim quia hoc crimen occultum est, & solis complicibus notum esse solet. Si autem sunt, vt supponitur, tum & re ipsa (saltem ante seriam pœnitentiam criminis, de qua in foro externo vix satis constare potest, vt dicitur) & secundum iustam præsumptionem, ex ipsa vi ac natura criminis, tales personæ sunt, quæ cum omnibus, tum præcipue innocentibus, quouis modo nocere; adeoque vel maximè falsa etiam denuntiatione, supplicium parere cupiunt. Sicut enim *fidelis testis non mentitur: ita profert mendacium dolosus testis*, *Proverb. 14. v. 5.* Quomodo ergo earum denuntiatio tanti momenti esse possit, vt valeat ad capiendos, & grauissimis torturis afficiendos eos, qui ante hac semper bonæ ac integræ famæ extiterunt?

38 II. Secundum oppositam sententiam, graui & morali periculo exponuntur personæ etiam innocentes, ne tum ad torturam adeò grauem & infamem: tum, quod ob magnitudinem torturæ ferè consequens esse solet, ad ipsum denique vltimum & grauissimum mortis suppliciū pertrahantur, non paruo damno ipsius Reipublicæ, vt dictum quæst. prima princip. 3. & 4. Est enim hæc ratio in potestate sagarum, quodlibet innocentes denuntiare, eosque ita ad communionem eiusdem pœnæ pertrahere: & cum ex altera parte voluntas hac faciendi ijs non de-

fit, aut certè non deesse merito præsumatur, vt dictum, quam facilè est, vt per tales processus in præsentissimum periculum etiam innocentes conijciantur. Vno verbo, secundum hunc procedendi modum, sagæ & possunt facilè nocere, quia possunt mentiri & innocentes nominare: id. que in foro externo innoxie, quia mendaciæ hæc occulta sunt: & volunt nocere, quia sagæ, & diaboli mancipia & instrumenta sunt. Quid ergo superest, nisi manifestissimum innocentum periculum?

*Nec obstat*, quod plures in eiusdem personæ denuntiationem conueniant. Nam primo facilè hoc fieri potest, dæmone suggerente: aut si sagæ antequam caperentur in hoc ipsum conspirauerint. Deinde cum tanta sit multitudo sagarum, quæ quotidie in tribunalibus per torturas ad denuntiandum adiguntur, nec in certo numero denuntiatorum facile sistatur, fieri non potest quin vel casu aliquando in eiusdem personæ, quamuis innocentis, plurium denuntiationes conspirent. Id. que vel maximè, quando vel paucæ iam fœminæ, vti nonnunquam accidit, in aliquo loco eiusmodi indicij non absumptæ supersunt; vel quando suppositis iam duabus vel tribus denuntiationibus, particulatim de hac vel illa persona, vti fieri nonnunquam solet, fit inquisitio.

Denique experientia satis constat: ex ipsis confessionibus sagarum, nonnunquam siue officia iusti-



40 iustitiæ, siue aliorum, qui rerum gestarum conscij sunt, loquacitate, etiã multo antea quã personæ delatæ capiantur, in vulgus spargi indicia de ipsiis personis denuntiatis, quæ idcirco hac de causa palam infamãtur; quàm prouidentiam est ergo de iisdem multiplicari indicia ab ijs, qui suis denuntiationibus utrunq; verisimilitudinis speciem habentibus, se à grauissimis torturis quàm primum liberare & expedire, atque interim tamẽ sine discrimine omnibus promiscuè nocere cupiunt? Neque hic recurrẽdum est ad diuinam prouidentiam: nam si qui processus per se ac suã naturã in periculum innocentum vergant, nihil obstat quo minus diuina prouidentia malum illud permittat, ut *dub. preced. princ. 4.* dictum.

41 Eadem prope ratio est inquisitionis & experientia, qua confessa per torturas indicia damnorum alijs illatorum cognoscuntur & explorantur. Siquidem ex duobus viris grauibus & doctis, in hoc negotio versatis audiui, à personis quas ipsi pro innocentibus habebant, sibi planè fuisse persuasũ, eas cum in torturis similia inquirenda probè nouissent, iã prius ea, quæ verisimilitudinis speciem habere possent, quæq; iam antea hinc inde dãna illata audiuisset, animo præmeditata sponte sibi ipsis imposuisse, ut torturas eo citius euaderent: certè hoc fieri posse nemo negauerit, & factũ esse aliquando in tanta tormentorum acerbitate, non est incredibile.

42 His accedit, quod sæpè solum agi-

tur de intèratis maleficijs, quæ quod effectu carerent, ab effectu explorari non possunt. Nonnunquam aut exploratio penitus negligitur, aut manifestè falsa conuincitur; uti in quadam ciuitate ad Rhenum nõ ita pridem accidisse, certa relatione ad Facultatem Iuridicam Ingolstadiensem delatum constat, ubi cum damnatarum velut strigum confessio publicè prælegeretur, & inter alia varia homicidia & maleficia certis ac nominatis ibidem personis illata referrentur, illæ ipsæ personæ, tunc præsentes, saluæ & incolumes falsitatem prælectæ confessionis redarguerunt.

III. Certum est, sagas non raro in somnijs à dæmone deludi, dum se putant ad hunc vel illum locum transferri, & cum his vel illis personis versari, imò valde credibile est, eiusmodi translationes sæpius tantum esse phantasticas, non veras & reales, ut docui *tom. 1. disput. 5. quæstione 6. dub. 7.* Cum ergo tam prouidentia & frequens sit illusionis periculum, adeo ut nec illæ ipsæ, quæ talia patiuntur, partim ob simplicitatem, partim ob phantasiæ & imaginationis firmitatem, partim ob dæmonis vafritatem, satis aliquando inter veras & falsas eiusmodi translationes & negotiationes distinguere possint; quomodo eiusmodi denuntiationes per se solæ haberi possint pro clariis probationibus, quales ad torturam requiruntur?

Licet enim ad eam non requirantur probationes luce per meridiana clarior.

clariore, quales ad condemnandum requiruntur; & verò ad capturam seu incarcerationem leuiore sufficiant; ad torquendum tamen requiruntur vrgentiores, adeoque firmæ & claræ, vt merito prudens quisque ijs multum fidere possit, vt cum Iulio Claro *lib. 5. §. finali quest. 20.* & Menochio *lib. 1. præsumpt. quest. 88. & 89. & de arbitris casu 90. numero 9. & casu 270. numero tertio.* fatetur Delrius *cit. append. 2. quest. 1. post conclus. 2.* & generatim docui in 2. 2. *S. Thom. disput. 4. de iustitia, quest. 4. dub. 4. n. 83.*

44 IV. Illi ipsi qui strigum plarium denuntiationes ad torturam denuntiari sufficere asserunt, ex veriori requirunt hanc conditionem, vt pœnites denuntient: ita enim docent Binsfeldius *libro tertio, conclus. 6.* & Doctores Friburgenses apud Delrium *l. 5. app. 2. quest. 1. in fine*, & eodem teste, olim ipse Delrius *lib. quinto, disquis. sect. 3.* At verò ista conditio nec seruari hodie solet in multis tribunalibus, in quibus ante cōfessionē & pœnitentiā, striges ad denuntiandum torturis compelluntur; neq; de ea satis ferè cōstare in iudicio potest: quomodo ergo solis eiusmodi denūtiationibus aduersus honestas & bonæ famę personas tutò fidetur?

45 V. Constat exemplis quibusdam, in conuenticulis sagarum nonnunquam à dæmone repræsentari eas personas, quæ reuera tunc præsentes non sunt; nec potest certo constare, id Deo extra ordinem permittente, nō aliquando etiā circa personas in-

nocentes accidere posse; quando id re ipsa accidisse, plures fide dignæ relationes habent; & in vita B. Berthe Reuttenfis, quæ quotidianis hodie, maximisq; miraculis claret, legitur, dæmonem cum eius incredibili abstinentiæ detractum iri veller, eius persona indurū omnis generis, cibos furtim subduxisse; quæ ficta tantum & simulata non vera esset ea à Virgine repræsentata abstinentia. Vbi etiam aduertendum est, ad hoc, vt diabolus aliquam personam repræsentet, non opus esse speciali & miraculoso Dei concursu; sed id diabolus facere posse per se ipsum ac naturali virtute, nisi speciatim à Deo inhibeat, vt suo loco de Angelis dictum, *tomo 1. disputat. 5. quest. 6. dub. 7.*

Quare etiam ex alijs historijs cōstat, diabolus subinde ad decipiendos simplices, etiam Sāctorum, imò ipsius Christi, aut B. Virginis personas repræsentasse; & alijs modis nonnunquam pios iustosque viros dæmonibus cruciandos fuisse permisos, tradit Chrysostomus *de prouid. Dei.* Ergo etiam ex hac parte, non satis firmæ & certæ, sed potius dubiæ & suspectæ sunt eiusmodi denuntiationes.

46 VI. Experientia iudicum, & ipsarum strigum confessione cōstat, hoc crimen solis per se criminalibus eiusmodi processibus, quantumvis rigidis, non extinguimò vix diminui: etsi quidē nihilominus processus illi prorsus necessarij sint, tū ad  
c iusti-



iustitiæ exemplum; tum ob scandalum tollendum. Ergo cum ex vna parte tantæ utilitatis non sint: ex altera parte, si tantum solis denuntiationibus deferatur, facile possit periculum creari innocentibus, ita moderandi iure videntur, ut saltem morale periculum innocentum absit; quod fiet, si solis per se denuntiationibus sagarum non admodum fidatur, saltem aduersus personas bonæ & integræ famæ, nulloque alio indicio de scelere notatas.

47

VII. Denuntiationes eiusmodi per se solæ non sufficiunt ad condemnationem, ut *assert.* 1. dictum: Ergo in hoc processu, nec ad torturam. Consequentia probatur: quia moraliter quasi certum est, ob acerbitatem & frequentiam torturæ, quæ in hoc crimine adhiberi solet, reos vi torturæ ad actum iri ad confessionem; adeo ut à viro non solum cordato, sed etiam docto, pio ac prudēte, qui in his negotijs multo tempore versatus erat, ipse audiuerim, se tantum sibi roboris polliceri non posse, ut pro tuenda innocentia eiusmodi torturas sustineat: & frequens denuntiatorum sermo auditur, malle se mori, quàm eiusmodi torturas perferre, præsertim nō tantum corpori acerbis, sed nonnunquam etiam pudori ac honestati naturali parū consonas.

4

VIII. Communis Doctorum sententia est, quàm tradit etiam Delrius *lib. 5. disquis. sect. 3.* saltem tunc elidi indicium plurium complicum seu infamium personarum, per certam &

constantem bonæ famæ exceptionē, quādo ad bonam famā personæ denūciatæ, accedūt alia indicia, ad exculpandum denunciatum; vel quādo etiam reis denuntiantibus plures defectus obijciuntur, qui eorū personas vel dicta debilitant, ut quod sint viles personæ, aut alias alijs criminibus scelerosi, ut superius dictū *n. 33.* et si posterius contra communē neget idem Delrius *append. 2. q. 17.* At verò eiusmodi exceptiones defectuum in omnibus sagis & veneficiis vel maximè locum habēt: sunt enim 1. personæ plerunque viles. 2. sunt mulierculæ rudes, & nonnunquam semifatuæ. 3. sunt præter magiam, omnibus quasi sceleribus contaminatæ, ut dictum *n. 4. q. 1.* Et quidem 4. eo, quod vel vnicum sufficiat, & in hac re comprimis consideratione dignum est, vniuersali odio erga totum quasi humanum genus, suoque adeo etiam vel proximos sanguineos, puta, parētes, filios, fratres, sorores, &c. laborant.

Quod si ipso iure naturali probatū, aut iure præsumptū odiū accusatoris vel testis, denuntiationem seu indicium eneruat & elidit, quidni etiā præsumptum illud odium, quod sagæ aduersus quoslibet animo fixum gerere censentur, & à quo etiam apud Germanos nomen *Unholden* accepisse videntur, saltem eatenus eneruabit, ne sola denūtiatio ad torquendam personam denuntiatā valeat, si bonæ alioquin famæ, & alterius indicij expertus fuerit?

IX. Ipse

50

IX. Ipsemet Delrius *cit. q. 3.* nō audet vniuersim absolutē affirmare, indicium plurium complicum & infamium præualere aduersus bonā famam personæ denuntiata; sed iudicis arbitrio permittit iudicare, quando eiusmodi testimonium elidatur, quando non; ita quidem, ut si certius ei videatur indicium bonæ famæ, quàm denuntiatio plurium, tum iudex teneatur abstinere à tortura, ut *superius n. 34.* retulimus: at verò in hoc crimine, quidquid sit de cæteris exceptis criminibus, moraliter loquendo, & secundum prudens iudicium, nunquam non certius merito haberi potest indicium bonæ famæ, quàm denuntiationis complicum, cum hoc omnibus prudenter spectatis, sit incertissimum, ut ex dictis constat; illud verò firmam & constantem innocentie præsumptionem afferat. Ergo bonæ famæ indicio potius stādum, quàm lubricis & periculosis eiusmodi denuntiationibus, si solæ sint.

51

Ex quibus argumentis colligitur, specialem in hoc crimine causam esse, cur complicum denuntiationes per se solæ tanti roboris habendæ non sint, ut ad personas bonæ famæ torquendas sufficiant; adeò ut etiam si vel auctoritate Doctorum, vel rationes adferantur, quibus alioqui indefinite docetur, in criminibus exceptis plures complicum denuntiationes ad torturam denuntiati sufficere, illæ tamen ad hunc casum nō sint accommodandæ. Non enim quia v.g. aliquis hæreticus est, aut reus læ-

Maiestatis, ideo præsumitur vniuersali quodam odio erga humanū genus teneri, quo omnibus nocere, modis quibus potest omnibus, cupiat, sicut de strigibus merito præsumitur, ut dictum. Neque in alijs criminibus interuenire solent eiusmodi delusiones & fraudes demonum, quales in hoc non raro euenire demonstrauius.

52

Neque ad præsens institutum refert, etiam si striges pœnitentes iam, & in speciem Sacerdoti confessæ, eiusmodi denuntiationes faciant, aut saltem ratas habeant. Quamuis enim hæc conditio aliquid momenti habeat, ad firmandam denuntiationem, ut *assert. sequenti* dicemus; non tamen tantū ei roboris cōfert, ut idcirco solæ denuntiationes ad torturam aduersus personā bonæ famæ sufficiant. Tum quia suspicio & periculum falsitatis, circa eiusmodi denuntiationes, non solum oritur ex malitia denuntiantium, sed etiam ex alijs causis, puta illusionibus diaboli, &c. ut *superius* dictum, ad quas detegendas pœnitentia denuntiantis nihil momenti habet. Tum quia ratificatio post confessionem fieri solet ex metu, ne si negent denuntiationes factas, denuò ad torturam rapiantur. Tum quia iudici in foro externo vix satis constare potest, de vera pœnitentia, in tali scelere, quod tā difficulter sanatur, uti agnoscit etiam Delrius *append. 2. questio. 3.* Tum quia iuxta oppositæ sententiæ authores pœnitentiæ non

c 2

habe-



habetur tanta ratio, vt idcirco per reuocationem subsequenter censeantur elidi denuntiationes antea factæ: Ergo nec tantum momenti ea habere debet, vt denuntiationibus eiusmodi infamium personarum coniuncta, aduersus bonam famam persone denuntiatæ præualeat: quandoquidem hæc non minus roboris & firmitatis ad fidem innocentiam faciendam habere debet, quam denuntiatio sagarum, ad præsumptionem criminis, uti probauimus.

53

Imò si iusta est ea praxis iudicum, vt reuocationis etiam in ipso extremo vitæ factæ nulla habeatur ratio, tunc quia talis reuocatio inutilis & superuacanea est, neque necessaria quidem erit quantumuis denuntiatio complicum falsa fuerit, vt ex quorundam Doctorum sententia questione vltima dicetur: Ergo ex prætermissa reuocatione, nullum sumi potest argumentum, pro veritate denuntiationis. Præterquam quod per se equum videtur, vt positiua actio reuocationis plus momenti habeat, ad exculpandum denuntiatum, quam omissio reuocationis (quæ etiã per obliuionem vel incogitantiam omitti potest) ad eum torquendum, si quidem ille alias interueniente reuocatione, torqueri non potuisset.

54

Quæ omnia si prudens iudex, sine affectu sinistro expenderit, non dubito, illum in hanc sententiam facile inductum iri, vt solas denuntiationes strigum, quantumuis multiplicatas, sine omnibus alijs indicijs

& adminiculis, ad capiendas & torquendas personas alioqui bonæ & integre famæ non arbitretur sufficere: quando hæc sententia & auctoritate, & ratione optime fulcitur: adeò vt pauci admodum sint, & quantum mihi quidem constat, præter Delirium vix ullus, qui particulatim & apertè, in hoc, de quo agimus, veneficij crimine, solam denuntiationem sagarum siue strigum, etiam ante pœnitentiam, & confessionem Sacerdoti factam, ad capiendas & torquendas personas, quæ alioqui bonæ & integre famæ erant, sine omnibus alijs adminiculis sufficere docuerit: qui nec ipse tamen constanter & absolutè eam sententiam defendit, vt vidimus. Certè Lessius, Binsfeldius, & Doctores Friburgenses pœnitentiæ conditionem requirunt, vt dictum.

Et cum alioquin iudex in dubio mitiorem partem sequi, & reo potius, quam auctori fauere debeat, & iuxta *regulam 30. iuris in 6. de reg. iuris. In obscuris minimum sit sequendum. & reg. 49. In pœnis benignior sit interpretatio facienda*: nulla causa est cur iudices non in hæc potius, quam oppositam sententiam inclinent: consideratio potissimum, quod etsi opposita sententia zelo iustitiæ & boni communis ferri videatur: tamen spectatis rerum circumstantijs, & spes illa publici commodi non admodum sit magna: contra verò periculum innocentum præsens ac certum ex oppositæ sententiæ praxi sequi videatur, vt probauimus.

Neque

55

*Neque vero hoc est sagarum*, sed potius innocentum aduersus sagas, illis malitiose insidiantes, patrocinium sumere; ne sicut extra iudicium, etiam cum amissionis vitæ, ac bonorum suorum periculo, ita in iudicio, hoc periculo & metu solutæ, in eorundem vitam, famam, & fortunam eo nocentius, quo liberius grassentur.

*Neque idcirco obstruitur via ad procedendum aduersus hoc crimen*; quando præter denuntiationes sagarum, alia quam plurima suppetunt indicia, eaque sæpe admodum firma, ipsaque publica fama prodita; etsi malè nonnunquam à Magistratibus dissimulata; quæ vel sola, vel accedentibus eiusmodi denuntiationibus sagarum, ad torturam inferendam sufficiant; de quibus præter Malleum malef. part. 3. & Binsfeldium, tractant Delrius lib. 5. Disquis. sect. 3. & nonnihil append. 2. q. 4. & multo plenius Farinacius *prax. crim. lib. 1. tit. 5. tomo 1. edit. Francofortensis.*

Possum ego ipse exempli causa, ex fide dignis relationibus, aliqua eiusmodi, quæ alicubi acciderunt, referre. V. G. oblato haustu subitum & insolitum viscerum dolorem ac stomachi euersionem alicui conciliasse, &c. Vetulam tempore nocturno inuentam fuisse in clausa cella supra vini dolium confidentem, &c. Ex demulsiōe quasi blanda corporis, sed insolita, mox grauissimum & incognitum morbum in persona

attaçta consecutum: post afflatum vetulæ, infantem mox lenta tabe fuisse consumptum, &c. Post nocturnos concursantium & colludentium strepitus, in alienis ædibus concitatos, mane puluinar pectorale alicuius faminae fuisse inuentum; si quando ex eiusmodi spolio agnoscipertona spoliata possit, &c. Quo spectant ea, quæ ex Bodino lib. 4. *Demonom. cap. 2.* refert Valentia disp. 6. q. 13. pun. 4. §. 2. si minata fuerit mulier alicui malum, & deinde quis reperiatur morbo ac fascinatione seu maleficio correptus. Item, si testes aliqui testentur, se vidisse quampiam veneno aut vnguento quopiam linire animalia, quæ postea mortua reperta sint, aut infantes, aut alios, &c.

Dixi vero contra personas alioqui bona & integra fama; nimirum, quæ alioqui ante eiusmodi denuntiationes sagarum, nulla infamia laborabant, sed bona apud omnes famæ erant. Nam si quæ primum post denuntiationes sagarum factas, peruersa loquacitate Officialium iustitiæ, alijsue modis in publicum editas, infamia aspersæ fuerint, ut sanè fieri nonnunquam videmus, ea infamia denuntiationibus momentum addere nullum potest, utpote ab ipsis denuntiationibus inique causata; cuius proinde etiam in iudicio ratio nonnulla habenda est.

Assertio IV. Sola denuntiatio plurium sagarum, facta ante pœnitentiam criminis, parum admodum

56

57



momenti habere censenda est: quæ de causa consultum est, ut reus post confessionem de se ipso factam, & sententiam condemnationis latam, disponatur per confessorium, ad feriam pœnitentiam & dolorem criminum, sicque pœnitentia indicatur, ut sponte reuelet omnes socios criminis, quos putat à maleficis non cessaturos. Hæc est doctrina Lessij de iustit. cap. 29. dub. 17. n. 162. ubi ait. In hoc tamen casu consiliosissimum esset, ut reus ante condemnetur, & post sententiam disponatur per Confessorium, ut reuelet sponte omnes socios, quos putat à maleficiis non abstenturos: sic enim ad socios eliciendos, non erit magnis tormentis opus. Quod cum ipse generatim tradat in criminibus, quæ absque socio non committuntur, tum maxime verum est in hoc crimine beneficii, in quo alioquin ob ipsam conditionem criminis, persona denuntians parvæ aut nullius fidei est.

58

Idem colligitur ex doctrina Binsfeldii, & Doctorum Friburgensium, qui docuerunt, denuntiationes sagarum ad torquendos denuntiatos non sufficere, nisi à pœnitentibus profectæ fuerint: tamen si Delrius postea lib. 5. append. 2. q. 3. oppositum docuerit; quasi eiusmodi pœnitentia non sit necessaria, cum ante sententiam soleat esse ficta, & postea possit esse simulata, ad pœnam mitiorem obriendam. Igitur si pœnitentia signa, inquit, etiam citra confessionem in illis apparerent, bonum id foret & optandum iudicari: sed citra illa vix est, ut pœnitentia signa

censeri debeant. Certe super pœnitentia signis exterioribus, an essent sufficientia, nec ne, sæper Aduocati sine fine litigarent. Quare ista sententia noua mihi videtur, satis noxia iudiciorum expeditionis. Ita Delrius.

Sed probatur assertio ex dictis; quia seclusa pœnitentia, sagæ censendæ sunt retinere affectum criminis, adeoque animum obsequendi diabolo, nocendique omnibus, qui affectus in eo crimine includitur; iuxta reg. 8. Iuris in 6. Semel malus semper præsumitur malus: Ergo non minus, imo magis cupiunt nocere innocentibus quam nocentibus: Ergo earum depositio ante pœnitentiam criminis de aliis facta, non est censenda magni momenti, quia personæ, quæ præsumitur, ac præsumi debet, mentiendo velle nocere, nulla aut parua fides habenda est, ut ex ipsa ratione naturali constat. Neque sola tortura sufficit ad hanc præsumptionem tollendam; cum enim eam æque perferre debeant, nec minus euadere possint, siue nocentes, siue innocentes deferant, non est credendum, eam per se solam valere ad inclinandum maleficæ animum, ut nocentes solū, non etiā innocētes denūtiēt; ad quod à diabolo, cui se obstrinxit, vel maxime instigatur. Qua de causa etiā superius dixi, à strigibus impunè & innoxie in iudicio æquè deferri posse innocentes, ac nocentes.

Quod si ea Binsfeldij notatio olim noua fuit, parum refert, quando res hæc à Theologis nunquam, vel parum antea tractata fuit; qui ple-

runque accuratius res à sola naturaliratione pendentes expendere & diiudicare solent: ac proinde etiam recte monere quædam in conscientia seruanda possunt, quæ alioquin à communi Iurisperitorum plebe parum fuerant animaduersa: præsertim cum res hæc nec iam quidem ita sit explicata, quin nouis curis & considerationibus illustrari magis possit, vt ex ipsa praxi, & difficultatibus quotidie emergentibus patet. Certè hoc tempore ea Binsfeldii & Lessii notatio communiter à Theologis, & merito probatur: præsertim in hoc crimine, vbi peculiaris ratio est, de fide denuntiantium dubitandi, vt dictum.

61 Quæ causa etiam est, cur existimem, ob solas denuntiationes sagarum præsertim ante pœnitentiam criminis factas, nec capi quidem cum infamia posse personas, quæ alioqui antea bonæ & integræ famæ erant: esto consideratis circumstantiis personarum, prodesse aliquando eiusmodi denuntiationes possint, ad inquisitionem formandam contra nominatum, & vt inquisitio nominato transmittatur, vt personaliter compareat, vt in casa vnius denuntiationis docet Delrius lib. 5. disquis. append. 2. q. 1. ad conclus. 1. post Baldum in leg. Seruorum Cod. de testibus, & in leg. 1. Cod. De Summa Trinitate num. 5. Bossum tit. de inquisit. num. 4. & 61. Clarum lib. 5. §. finali. q. 21. num. 2. Menochium lib. 1. de præsumpt. q. 88. num. 12. & 13.

## QVÆSTIO III.

An in processu aduersus Sagas, expediat, tam multa Iudicis arbitrio relinqui: & quid in particulari, de quibusdam eiusmodi arbitrationibus sentiendum.

Ad S. Thomæ 2. 2. q. 67. a. 3.

62 Non est animus, vt dixi, particulatim omnia persequi, quæ ad processum in causa sagarum pertinent, sed solum vniuersaliora capita, ex quibus fere cætera dependent, quale est etiam hoc quæsitum secundum, an expediat, in hoc processu tam multa iudicis arbitrio relinqui. Etenim fatendum quidem est, cum hoc crimen sit exceptum, imò inter excepta, vt ita dicam, exceptissimum, ob ipsam scilicet eius enormitatem, pernitiem & obscuritatem; id communibus regulis aliorum criminum inquirendorum & diiudicandorum non ita comprehendendi, quin pleraque sibi peculiariora vendiceret: ex altera tamen parte, non admodum expeditum, sed periculosum videri potest, pleraque iudicis arbitrio relinqui: quæritur igitur quid facto opus.

63 In hac re Delrius, alijque recentiores eum sequuti, pleraque demum in hac causa ad iudicis arbitrium reuocant. Ita enim scribit Delrius lib. 5. append. 2. q. 1. post conclus. 2. respons. ad 4. contra quosdam aliter sentientes: Longè verius est, in criminibus exceptis (quale est magia) primo etiam tortura



tura quantitatem & qualitatem à iudicis arbitrio pendere iuxta legem 1. & leg. Questionis modum. ff. de quest. (adde etiam constit. Carolina art. 58.) post Baldum, Gandinum, & alios. Menochius de arbitrio casu 171. num. 2.

Item secundo an, & quando iteranda questio, Baldus in leg. 2. Cod. Quod merus causa, Marsilius in dictam legem, Questionis modum, Menochius casu 272. num. 4.

Tertio arbitrari, qua indicia sint idonea ad torturam, post alios ibidem casu 270. num. 3.

Quarto denique, ut procedat in hoc crimine, quo sibi modo procedendum putat. Sic ibi Menochius casu 474. n. 34. referens ad hoc Baldum, Salycetum, Boerium, aliosque. Similia habet Delrius quest. 24. & 26.

64

Huc spectat, quod idē scribit q. 5. sub finem: *Mea quidem sententia*, inquit à iudicis arbitrio dependet iudicare, quando elidatur plurium sociorum testimonium per bonum famam denunciati, quando non. Haftenus Delrius, ex quo patet, amplissimam in hoc crimine relinqui iudicii arbitrandi facultatem. Nam si in hoc crimine potest procedere, quo sibi modo procedendum putat, ut ait Delrius, quid quaeso restat ab eius arbitratione exemptum?

Hoc autem principio posito, sicut liberum est viro docto cuique suo arbitratu, incidentes in hoc processu difficultates resolvere, ita etiam Delrius ipse eadem arbitrandi facultate usus, complura definit non

ab omnibus approbara. Qualia sunt hæc sequentia.

I. In hoc crimine admittendos testes singulares in circumstantiis; dummodo concordent in effectu, substantia, & fine; eosque fidem facere ad torturam. Ita arbitratur Delrius cit. append. 2. q. 10. post Mascardum volum. 2. conclus. 856. Binsfeldium memb. 2. conclus. 6. licet alijs multis contrarium sentientibus.

Intelligere autem eo loco Delrius per substantiam criminis videtur, non vnum aliquod & indiuiduum consummati criminis factum, puta vnum homicidium seu maleficium certum, vnam certi alicuius conuentus veneficarum, per præsentiam in propria persona, participationem; sed solum ipsam speciem criminis veneficii & Magiæ in genere & abstractè acceptam; seu quod idem est, plura facta particularia eiudem generis: cum tamen ipsemet paulo antea dixerit, testes singulares, qui de diuersis actibus non subordinatis deponant, ex probabili valde sententia & communi, non admittendos, etiam quoad crimen in genere probandum, in ordine ad condemnationem. Et addit; Et quoad istam singularitatem strictam, & quoad omnia, idem censeo, quoad torturam. Certum autem videtur, plura ac diuersa maleficia, vel etiam præsentationes in conuentibus sagarum, non esse actus magis inter se, vel ad vnum crimen perpetrandum subordi-

dina-

dinatos, quam diuersa furta, aut latrocinia ad idem eiusdem generis crimen probandum subordinentur. Ut proinde non videam, qua ratione Delrius in hac re, vel secum ipse, vel cum ea, quam communem sententiam vocat, satis constentiar. Plura q. 4. dub. 6. n. 119. sed pergamus modo in aliis quibusdam eiusdem Delrij arbitrationibus referendis. Nimirum:

66

II. In hac denuntiatione, quod hæc vel illa persona interfuerit conuentibus sagarum, non requiri ad torturam, specificationem, seu additionem loci & temporis; sed sufficere generalem denuntiationem plurium absque huiusmodi circumstantiis, ad inquisitionem & torturam. Ita docet & arbitratur ipse, cum Doctoribus Friburgensibus, & quibusdam alijs; etsi contrarium multi sentiant, & olim ipsemet docuisse videatur lib. 5. sect. 3. ubi ait: *Tertio requiritur ex parte criminis, ut nominans diligenter sit interrogatus de omnibus circumstantiis, quis, quid, quando, ubi, cum quibus, quomodo? Nec enim aliter posset procedere ad inquisitionem & torturam, ex tali nominatione. Est omnium, & dicta constitutionis Carolina.* Ita Delrius, qui tamen postea loc cit. seipsum explicare conatur, quasi id tantum ad bene esse pertinere existimauerit: rectius dicere poterat, se priori loco solum agisse de vnus testis nominatione. Vide etiam hac de re doctrinam S Thom. cit. q. 4. dub. 6. n. 119. relata.

67

III. Posse nonnunquam vnus in-

famis ac malefici depositionem esse tam verisimilem, ut sufficiat ad torturam, arbitrio iudicis. Ita arbitratur ipse cit. append. 2. q. 16. atque, hoc ut probabile tenuisse Doctores Patauinos; quamuis alioquin in contrarium stet communis doctrina ipsius etiam Delrij ut *quasi preced. retulimus n. 29.*

68

IV. Per extraiudicalem reuocationem, post sententiam mortis, in rigore non infirmari aut tolli, iudicalem & legitimam denuntiationem; ita quidem, ut iudici arbitrium sit, adhuc credere denuntiationi, & cunctis perpensis statuere, cui velit stare, ineulpationi an exculpationi. Ita Delrius cit. append. 2. cum Binsfeldio, & Doctoribus Ingolstadiensibus consultis Anno 1590. quamuis non paucis Doctoribus repugnantibus, speciatim Marsilio *consil. 109. num. 31.* Farinacio q. 46. num. 73. Quam sententiam etiam tutiorem vocant Doctores Patauini itidem consulti: quia moriens præsumitur non mentiri, & facit indicium innocentie pro eo, Baldus *consil. 25. Col. 2. vol. 1.* De qua re præterea, quæ diximus q. 4. dub. 5. n. 99. plura dubio sequenti.

69

V. In hoc processu, contra negantes, generatim ac vniuersim ter iterari posse torturam, super eodem crimine, sine nouis indiciis. Ita cum nonnullis arbitratur idem Delrius. lib. 5. sect. 9. & cit. append. 2. q. 29. & 30. cum tamen alioqui communis sit doctrina, si reus sufficienter semel tortus nihil fateatur, non posse nec semel quidem repeti torturam, nisi

d

no



noua indicia habeantur, quæ ad nouam torturam sufficiant. Ita Clarus *tom. 5. sentent. 5. finali q. 64. num. 46.* Menochius *de arbitrio iudicum lib. 2. centur. 3. cas. 272.* Gregorius Tholosanus *lib. 48. cap. 12. num. 26.* Farinacius *prax. crim. lib. 1. tit. 5. quæst. 58. num. 79. & 88.* alijque Iureconsulti; & ex Theologis Syluester *V. Tortura, Azor. part. 3. l. 13. cap. 26.* circa finem, Lessius *lib. 2. de iust. cap. 29. num. 168.* & ipse Delrius *lib. 5. Disquis. sect. 9.* à quibus etiam citantur Dynus, Albericus, Alexander, Villalobius; Antonius de Rosellis. & alii: eo quod sufficiens tortura purget indicia.

70

E quibus tamen Clarus, Tholosanus, Farinacius, Lessius *loc. cit.* excipiunt, nisi indicia sint grauissima; quia tunc prima tortura, respectu indiciorum, videtur leuis fuisse; quo casu eam repeti posse, communiter docetur, non tamen supra tertiam vicem.

Vnde Lessius *loc. cit.* Aduerte, inquit, ne in actu tam odioso procedatur absque termino, in hoc casu (retractationis) reum non debere subiici quæstionibus plusquam ter. Itaque si tertio tortus, & in tormentis confessus, tertio etiam ductus ad ratificandum, recusauit, non potest condemnari, imo debet absolui, vt docet Gomezius numero 27.

Et Farinacius *prax. crim. lib. 1. tit. 5. q. 38. n. 105.* Aduertat, inquit, pariter Iudex, ex quibuslibet indiciis, quantumuis vrgentissimis & indubitatis, ne reum torqueat vltra tres vices; quia hoc est omnino reprobatur communiter.

Quod si in præsentī causa quæ-

ras, quæ nam sint illa indicia vrgentissima & grauissima, sæpè forte alia non inuenies, quam denuntiationes multiplicatas singum; quæ quanti faciendæ sint, quæst. præcedenti dictum est. Pone ergo, vt fieri potest, personam eiusmodi denuntiatam esse innocentem, ac simul ternas illas, easque acerbissimas torturas singulas, vt iuris esse dicunt, per hōram continuari, annon tali processu, præsertim si subsequens ampliatio accedat, pene impossibilis redditur, in sexu præsertim infirmo, facultas sese expurgandi? quam tamen integram consistere debere quæst. 1. princip. 5. diximus.

VI Quod si reus tot delicta commisisset, vt examen vno die absolui non posset, posse eum vltra tres vices torqueri; adeo vt si quis de quinque diuersis criminibus foret delatus, & ex indicijs grauibus suspectus, & de tribus tantum delictis tres quæstiones (leu torturæ) & examina cōsumpta, de reliquis toties torquendus sit, donec examen de ijs fuerit perfectū & absolutū. Sicut reus suffi-ciēter, hoc est, bis aut ter tortus atq; cōtra se crimē confessus, quarto aut quinto torqueri potest, ad detegendum socios; quia ratione sociorum nunquam fuit tortus. Ita cum! Binsfeldio *l. 7. q. 1. conclus. 13.* & Doctoribus Friburgensibus, Delrius *lib. 5. append. 2. q. 34.*

Sed hoc, ( præterquam quod viam aperit, in hoc crimine magno numero multiplicandi tortu-

ras.

ras, vbi tot crimina solent esse connexa ) videtur propemodum nouum, & cæteris Doctõribus incognitum, parumque consentaneum Constitutioni criminali Caroli quinti *art. 58.* vbi cum decretum fuisset, torturam, proratione indiciorum, multum, sæpe vel parum, mitius vel acerbius adhibendam, pro arbitrato boni & prudentis iudicis, subijcitur: vñd soll die Sag desß gefragten nit angenommen oder auffgeschriben werden / so er in der Marter / sonder soll sein Sag thun / so er von der Marter gelassen ist. *Et confessio rei interrogari non acceptetur nec inscribatur, dum is in tortura versatur, sed confessionem suam edat ex tortura demissus.* Quod si verum, non video, cur ad plurimum etiam criminum examen vna tortura non sufficiat; præsertim vbi crimina solent esse connexa.

Præterquam, quod graues Doctores sentiunt, actualem torturam non esse necessariam, sed sufficere torturæ metum. Vnde Binsfeldius *memb. 2. conclus. 5.* Aduertendum, inquit, pro praxi, non esse necessarium, vt confitens actu tractus sit ad torturam, modo metu tormentorum confiteatur. Quia confiteri in tormentis, & metu tormentorum, equiparatur in iure. Quod Binsfeldij dictum probat etiam Gregorius de Valentia *tom. 3. d. 6 q. 13. p. 4. §. 3.* Quando autem dicitur confessio metu tormentorum facta, explicant Delrius *l. 5. sect. 11.* Farinacius *l. 1 tit. 5. q. 41.*

VII. Idem Delrius *q. 27.* cum Farinacio *q. 8. num. 54.* alijsque nonnullis Doctõribus concedit, in atrocissimis eiusmodi delictis, reum torqueri posse ad vnā horam, aut paulo amplius; cum tamen vt ijdem referunt, in Bulla quadam (*num. 8.*) Pauli III. sapientissimi Pontificis prohibeari, ne reus in tortura teneatur *per longum temporis spatium, velut vnius, aut plurium horarum.* Equidem fauores potius, quam rigores ampliandos putarem.

VIII. Non necessario dandam esse reo copiam indiciorum: & processus informatiui, in hoc, alijsue criminibus exceptis, sed sufficere indicia reo proponi, eumque in continentem cum suis defensionibus audiri. Hanc praxin quibusdam locis receptam approbat Delrius *loc. cit. q. 37.* tãetli & Patauini Doctores oppositū cõsuluerint, & cõmuni iure statutum sit, vt reis detur indiciorum copia, idque etiam in crimine læsæ Maiestatis, alijsque atrocioribus, vt iuxta legem vnius §. *cogniturum ff. de questionibus, & leg. Desertorem, §. si ad diem ff. de re militari, & leg. Defensionis facultas, Cod. de iure fisci, & capit. Qualiter & quando de accusationibus, & Clementinam Pastoralis de re iudicata,* communis habet Doctõrum sententia, apud Clarum *q. 49.* Farinacium *q. 39. num. 41.* & Lessium *de iustit. lib. 2. cap. 30. num. 39.* adeo vt Ioannes Monicella *regula crimin. 4. num. 3.* affirmet, nullibi in iure contrarium reperiri.

d 2

Quod



Quod si iudex ante datam copiam indiciorum, & decretas defensiones, ulterius procederet, & torqueret, *confessio reum non premeret, foretque processus totus nullus*, inquit iuxta cit. *Clementinam Pastoralis* Farinacius num. 84. *Quæ proinde iure ordinario*, inquit Delrius cit. q. 37. *certa putauimus: & propterea ubi non est alia consuetudo, vel Principis ordinatio, sic esse iudicibus obseruandum, ut securius procedant*. Certe si reis concedendus est Aduocatus, ut ipse Delrius inferius asserit, non video, quomodo copia indiciorum reo denegari possit.

74 Hæc omnia ex Delrio paullo fufius referre placuit, non ut ea, quæ retuli velut improbabilia damna-rem aut reijcerem; sed ut eo manifestius fieret, quam in hoc crimine hætenus late pateat concessa iudici arbitrandi licentia; quamque hæc ipsa arbitrandi libertas varias inter Doctores pariat de modo procedendi sententias.

*Mihi vero hac de re plane per suum est*, optandum esse, & summis magistratibus, ad quos hæc pertinent, curandum, ut quoad fieri potest, ea quæ ad hunc processum adeo necessarium ac frequentatum pertinet, certis legibus definiantur, & quam paucissima iudicis arbitrio permittantur.

*Rationes sunt* I. Quia cum ad eiusmodi causas cognoscendas, non semper & ubique iudices doctissimi & sapientissimi constituantur, quales aliquando difficulter etiam ha-

beri possunt; facile ea tam laxa arbitrandi licentia, & reis, quorum causa tractatur, & ipsis Iudicibus periculum creatur; ne vel per imperitiam, vel immoderatam quandam vindicandi & puniendi cupiditatem, & iustitia lædatur, & graue innocentibus damnum inferatur. Cuius rei recentia habemus documenta; quando præteritis annis, in diuersis locis, duo latrunculatores, ob illegitimos; nimisque seueros processus aduersus sagas, vnus Ingolstadtensis Iuridicæ facultatis iudicio ac sententia capitis damnati fuerunt.

II. Ex eiusmodi incircumscripta arbitrandi licentia, cum in causis dubiis & obscuris pro diuersitate arbitrantium, tot soleant esse sententiæ, quot capita: necessario oritur diuersa admodum iudiciorum & processuum criminalium praxis; quæ diuersitas & scandalum parere, & affectus animosque distrahere, & bonum Reipublicæ statum facile perturbare potest, nec ideo in Imperio ferenda videtur.

III. Ex eadem arbitrandi licentia, nonnulla quandoque, circa processum aduersus sagas, fieri & obseruari nonnullis locis solent, quæ iure moderationem exigere videantur. *Ut quod primo in hoc crimine reis denegantur Aduocati*: quod tamen si à quibusdam Doctoribus probetur; ipse tamen Delrius cit. *append. 2. q. 38.* improbat, cum ait: *Quamuis ea opinio prima facie aliquid probabilitatis habere*.

77

bere videatur; eam tamen reuera non esse securam, ad proinde omnino tenendum, etiā in exceptis criminibus non posse denegari reis Aduocatum. Quam sententiam, inquit, vnanimiter tenuerunt in suis Consilijs Doctores Ingolstadienses anni 1590. & rursus anni 1601. Friburgenses, Patavini, & Bononienses: & est recepta praxi. Inquisitorum in haresi, cui nostrum crimē exequatur, & communi Doctorum calculo approbata, speciatim Sprengerii part. 1. mallei Maleficarum, Clari §. haresis num. 17. Eimerici in directorio Inquisitorum tit. de defensionibus reorum, & ibi in communi Pennæ Repertorijs Inquisitoris V. Aduocatus, Hüberti in praxi iudic. eodem verbo. Simanche Cathol. Institut. rit. 5. num. 12. Bosij de iudicijs contra torturam num. 78. in fine Rolandi consil. 12. num. 61. lib. 3. & aliorum.

Sed & Gregorius de Valentia diff. 6. quæst. 13. punct. 4. §. vlt. in hac eadem causa dandas defensiones reis, audiendosque aduocatos, sicut in cæteris causis: prudenter tamen simul admonens ex malleo malef. part. 3. nomina testium contra reum testificantiam, non esse edenda reis, & eorum aduocatis, quādo propter personarum potentiam imminere posset testibus aliquod periculum: quod si nullum sit periculum, ea esse edēda, sicut in alijs causis regulariter.

Quibus accedit ratio. Est enim iuris naturalis, vt nemini, etiā in iudicio, iusta sui negetur defensio; adeoque vt qui per se nequit, possit se per alium defendere: at verò mulieres pro sagis denunciatae plerumque sunt rudes, illiteratae, simplices, timidae, nec se

norunt defendere. Ergo debent per alium defendi; alioqui illis indirectè tolleretur defensio, quæ nulli tollenda. Idem etiam conforme est iuri communi, lege. Si non defendantur. ff. de pœnis, & constitutioni Carolinae ar. 14. vbi veratur, ne ad carcerem aditus ijs præcludatur, quorum opera ad defensionem suam rei vti cupiant: & expressius art. 47. vbi ratio simul additur, quoniam alij ex simplicitate, alij ex terrore nequeunt suas defensiones proponere.

Neque verò in ijs, quæ sunt iuris naturalis, vllum est discriminē exceptorum, & non exceptorum criminū, & quamuis in crimine læsæ Maiestatis diuinæ & humanæ, itemque in furibus insignibus & grassatoribus, seu latronibus viarum, quando notoriū est, reum esse hæreticum, rebellē, seu conspiratorem in Principem, assassinum, aut insignem furem vel latronem &c. communi iure negetur Aduocatus, iuxta cap. Finale de hæreticis in 6. & legem: Quisquis §. Deniq. Cod. ad legē Iuliam & leg. Per omnes Cod. de defensione ciuitatum; tamen antequam constet, reum esse talem, Aduocatus conceditur, vt ex communi sententia, & ipsa praxi docent Iulius Clarus §. haresis num. 16, & Farinacius qu. 39. num. 109. & 167.

Secundum est, quod nonnunquam ob solam denuntiationem complicum, persona denunciata non solum capiuntur, sed etiam statim ac capta sunt in continentem ad torturam rapiuntur, nullo cogitandi ac deliberandi spatio dato. Quod iuri naturali non

d 3

satis

79

80



fatis consonum videtur, exigenti, ut cuique integra sit sui defensio. Quomodo autem in illa summa animi cōsternatione & terrore, qui ex tam repentina & misera pristini, eiusque honorati, aut certè honesti status deiectione necessario cōcipitur, ubi etiam cordati cuiusque animus & mens vix satis sibi constat, integra constet sui defendendi facultas? Ex quo ulterius sequitur, ut non solum primum sit, etiam innocentem ex ea animi perturbatione, tantaque tormentorum vi ad falsam criminis confessionem induci, sed ut is etiam præiudicio hoc semel posito, difficillimam sibi reddat deinceps sui defendendi facultatem. Mirius est, quod cum nonnullis suadet Valentina disput. 6. quest. 13. punct. 4. §. 4. ut statim ac capti sunt, examinentur, (sine tortura) etiam prius quam ad carcerem ducantur: quod ipsum tamen non satis expeditum videtur.

31 <sup>6</sup> Tertium est, quod in torturis adhibendis aliquando, ut apparet, nec debita mensura, neque semper modus is observatur, qui vel aequitati ac moderationi Christiana, vel naturali modestia & verecundia satis consentaneus est, &c. Id quod ex eo ortum habet, quod & mensura, & forma, ac modus torturæ adeò illimitate in arbitrium iudicis reijcitur. Quæ si Principes & Rerum publicarum Rectores sapienti, quo pollent iudicio, expenderent, facilè opinor sibi persuaderent, illimitatam illam iudicum arbitrandi licentiam

certis limitibus ac definitis quibusdam regulis esse circumscribendam.

In quem sensum denique etiam concludit ipsemet Delrius lib. 5. disquis. append. 2. questio. 41. Consideratis, inquit, cunctis quæ & in lib. 5. Disquis. & in responsione hac quadragenaria scripsi, statuo, Principem optime de Republica meritum, & iustitia prælare consultum, si in suo territorio præcisè faceret statutum, quo primum caueret, ad quot denuntiationes tortura in hoc crimine posset adhiberi, & licet dua de iure sufficiant, tamen tres ad minimum requirendas, sine vlla distinctione virorum & fæminarum. In quem sensum ferè loquitur etiam Valentia disputat. 6 q. 13 punct. 4. §. 3. post Binsfeldium part. 2.

2. Quod non attendatur ad contritionem; nisi fortè aliqua sit notoriè incontrita, eo quod nolit confiteri, aut Eucharistiam sumere.

3. Quod non requirantur alia circumstantia, nisi quod sage carcerata, seorsim tamen posita & examinata, atque interrogata in genere viderint N. & N. in tali congregatione nocturna sagarum: nullis admissis defensionibus, nisi quæ fundamentum habeant in iure naturali fundatum. Ratio, quia in criminibus exceptis, iudici quoad processum remissa sunt solemnitates iuris civilis.

4. Cum de persona semel denunciata possent alij socij interrogari in specie; eiusmodi autem interrogationes speciales admodum sint periculosa, quod dua denuntiationes debeant precedere, ut in specie de persona denunciata possit interrogari. Quæ

eo magis placeret expresse statui, vt iudicis arbitrio quàm paucissima committantur. Ita Delrius.

Cuius vti generalem hanc existimationem, curandum videlicet esse, vt in hac re iudicis arbitrio quàm paucissima committantur, valdè probo, ob dictas superius causas; ita particularia illa puncta ab eodem relata, speciatim verò primum & secundum, tanquam minus probabile, *question. præcedenti* non leuibus argumentis improbauimus. Suaderem ego potius, vt ex solis denuntiationibus sagarum, præsertim necdum pœnitentium, nulla persona bonæ & integritatis famæ torqueatur, vel etiam capiatur, vt *ibidem* fusius deduxi. Sed & cætera quædam à Delrio arbitrata, quæ superius retulimus, non omninò firma esse, partim antea monuimus *hac ipsa questione*, & satis constet ex multorum aduersantium Doctorum auctoritate; partim magis patebit ex sequentibus, vbi ex ijs quædam vltèrius speciatim expenduntur.

#### QVÆSTIO IV.

Quid animarum Curatoribus in hoc processu, aduersus sagas præsertim circa Sacramentorum & sepultura administrationem faciendum.

Ad S. Thomam 2.2.q.67 a.3.

Est hoc tertium quæsitum generale, circa processum in causa sagarum, spectans ad officium Cōfessarij; quod rursum plures sub se quæ-

stionculas continet. Primo enim quæritur, an fieri possit, vt aliquando priuatim innocentia personæ iam confessæ & damnatæ Confessario innotescat: & an tunc iudicem monere debeat, quantique eius monitio faciendæ. Supponimus autem, vt in alijs criminibus, ita etiam in hoc crimine, non expedire, vt Confessarius ante cōdemnationem, reorum confessiones excipiat, vt monet etiam Delrius *lib.6. disquis. cap.1. sect.3.* Vix enim illi ante condemnationem verum fatentur; siue quia sibi timent à delatione: vel quia sperant, se opera & fauore Confessarij adiutos, condemnationem & mortem euasuros.

Hoc posito, ad propositam quæstionculam respondetur sequentibus assertionibus.

ASSERTIO I. Fieri, Deo permitte, absolutè potest, vt siue legitimus sit processus, siue illegitimus, nonnunquam etiam innocentes damnentur. Hæc assertio à nemine, quod sciam, apertè negatur; & patet ex dictis *qua.1. princip. 4.* Et quidem si illegitimus sit processus, sæpè etiam fieri posse, vt innocentes damnentur, nemo negauerit: cum talis processus sua natura cū periculo innocentum sit coniunctus: nec vlla certa ratio vel principium sit, ob quod negetur: Deū æquè in hoc, ac in alijs criminibus, ob iniquitatē iudicum, eorumque illegitimum procedendi modum, nonnūquam permittere, vt etiam innocentes damnetur, vt patet ex iudicijs tot Martyrū, qui olim ob iniquitatem iudicum ini-

85

iniy.



iniuste damnati fuerunt, & alijs ibidem dictis.

86 Hinc verò sumitur argumentum, fieri posse, ut etiam in legitimo processu, aliquando, etsi rarius, cōdemnentur innocentes. Ut si quis legitimum vocet processum, quo ob solas denuntiationes sagarum condemnentur personæ denuntiatae. Cur enim si Deus nonnunquam permittit, ut iudices aliquando illegitimos processus instituunt, atque ita facile condemnent innocentes, non etiam possit permittere, ut innocentes denuntientur; quasi verò plus obistere teneatur diuina prouidentia, ne sagarum denuntiantium mendacijs, quàm iniquitate iudicis innocentes pereant. Quod si in legitimo processu rarius innocentes damnantur, quod libens fateor, id non accidit, quod Deus extraordinaria prouidentia innocentum interitum impedire soleat, aut teneatur; sed quia ipse processus, hoc ipso, quod legitimus est, per se ac sua natura cum periculo innocentum non ita moraliter coniunctus est; quandoquidem si morale periculum innocentum cōtineat, iam hoc ipso legitimus nō est censendus, ut eadem quaestio, 1. princip. 3. docuimus.

87 Ex quibus colligitur, parum firma esse quorundam pronuntiata, quibus illi persuasum esse volunt, nullum in hac re morale periculum innocentum extimescendum esse. Ut cum aiunt, *vix vnquam permissum innocentes nominari: quod si nominati, mox il-*

*lorum innocentiam. Deo sic disponente, patā fieri, iuxta doctrinam Binsteldij de confessionibus maleficarum sub fin. & Delrium lib. 1. disquis. 7. 2. §. 5. Item etsi Deus patiat, interdum innocentes infamari, non tamen patitur damnari, ut ait idem Delrius lib. 5. sect. 16. §. 7. cum tamen ipsummet Delrium eadem quaest. 1. non immerito timentem retulerimus, ne quandoq; in hoc processu, innocentes cum nocentibus pereant, si processus eiusmodi minus caute & circumspecte instituat.*

Certè inter alias, hæc non levis est querelā sapientis Eccles. cap. 4. v. 1. *Verti me ad alia, & vidi calumnias, quæ sub sole geruntur, & lacrymas innocentium, & neminem consolatorem: nec posse resistere eorum (calumniatorum) violentia cunctorum auxilio destitutos. Et laudavi magis mortuos, quam viuentes: & feliciorē vtroque iudicavi, qui necdum natus est, nec vidit mala, quæ sub sole fiunt.*

ASSERTIO II. Sed & fieri nonnunquam potest, ut Confessarius moraliter certus reddatur, personam denuntiatam & damnatam esse innocentem. Hanc assertionem contra nonnullos contrarium asserentes, cū pluribus viris grauib; & prudentibus, adde etiam pijs & doctis, quibuscum in hac materia sæpius conculi, mihi persuadeo, ob causas sequentes.

Nam I. Et si quidem ex sola, eaque constante negatione personæ damnatae, id sufficienter constare non possit; potest tamen id moraliter cōstare, si ad negationem eiusdem personæ

sonæ accedant negationes & reuocationes constantes aliarum, præsertim plurium, quarum indicio persona illa denunciata fuit, quæque iam secundum omnes circumstantias verè pœnitentes mori ac mortis pœnam sustinere decreuerint; siue dicant, se vi tormentorum coactas, siue etiam propria malitia, aut ex pacto seu conuentione, eiusmodi personam innocentem denuntiassent. Si enim in foro externo plurium sagarum, quamuis impœnitentium, denuntiationibus creditur, ad inculpandam, quare non in foro interno pœnitentiam, iam pœnitentibus ac mortè subituris, fides habeatur ad exculpandum? cum præsertim ea sit conditio huiusmodi personarum, vt ante pœnitentiam nocere velle innocentibus merito præsumantur, non autem post pœnitentiam occultare velle nocentes, quos sub peccato mortali prodere tenentur.

90 II. Tanta aliquando, tamque cōstās, & seria apparere potest alicuius personæ condemnatæ pœnitentia, & ad Deum conuersio, dum libenter se pro suis cæteris peccatis, ad mortem paratam offert, nec ab ea ullatenus liberari expetit; dum continuis lachrymis & lacrimis sua peccata deflet, & vltioneis supplicijs spōtè castigat; dum diuinę prouidentię, ipsique iudicis dispositioni demisse se subiicit, ac in hac dispositione animi diu & constanter perseuerat; vt merito & prudenter Confessarius sibi persuadeat, eam retractionem de

immunitate à peccato veneficij, veram præsertim ac fide dignam esse: non solum quia Confessarius vniuersim pœnitentis dictis credere debet, sed etiam quia difficile est, sub tali dispositione hypocrisis latere, & non aliquo signo se prodere.

91 III. Ex ipsa in eadem cōfessione personæ denuntiantis fieri potest, vt Confessario certò constet, ex priuato ac particulari odio, quod iā olim aduersus personam denuntiatam habuerit, denuntiationem eiusmodi profectam fuisse, & indicia quæ denuntiationi adminicularentur confinxisse ac supposuisse, v.g. ollam vnguenteriam in eius cubiculum aut domū intulisse, testes seu accusatores falsos subornasse, etsi iā fortasse mortuos, falsam famā sparsisse &c. Quid ni tunc existimet Cōfessarius, processum, qui talibus indicijs nitetur, aduersus innocentem susceptum re ipsa fuisse frustratorium & à veritate facta aberrantem?

92 IV. Etsi quorundam sit sententia, innocentiam à persona condemnata probari non posse, docendo *suum alibi*, vt loquantur, hoc est se illo tempore & die, quo denuntiatur fuisse in conuentu sagarum, alio loco, puta domi suæ fuisse, & hoc multis testibus fide dignissimis probari posse, vt speciatim etiam docet Binsfeldius *membr. 1.* & Delrius cit. qu. præced. eo quod in hoc crimine necessaria non sit loci & diei designatio; quodq; licet necessaria foret, cōstet maleficas non semper in persona



Propria conuentibus illis adesse; sed cum adesse non possunt, personam illam à demone proprio representari; quod de Doctore Flaet, alijsq; Treuirensibus satis constat ex actis iudicialibus: negari tamen non potest, probabilem etiam esse eam sententiam Doctorum, qui afferunt, eiusmodi denuntiationes singulares & indefinitas, etiam in criminibus exceptis, parum momenti habere ad torquendum & condemnandum denuntiatum. Ita enim cum multis alijs sentiunt Clarus §. *finali quaest. 35.* & Pegna apud Delrium *lib. 5. append. 2. quaest. 10.*

93

Quo posito, si Confessario alicuius fide digni testimonio constet, personam denuntiatam predicto tempore & die, non in conuentu sagarum, sed alio loco, puta domi suae fuisse, nihil obstat, alijs poenitentiae ac sinceritatis indicijs adminiculantibus, eum moraliter certum reddi, reuocationem esse veram ac sinceram: quando esto diabolus nonnunquam per se ipsum aliarum sagarum personas representet, nihil est tamen, quod conuincat, eum non posse etiam subinde, Deo extraordinarie permittente, alicuius innocentis personam representare, ut dictum *quaest. 1.* idque re ipsa aliquando accidisse, fide digna relatione constat.

94

Nec obstat, quod non obstantibus omnibus his indicijs, reuocationi absolute falsum subesse possit, ut patet exemplo illius Hispanae mulieris Magdalenae Cruciae, quae grauib; pijs ac

doctis etiam viris fucum fecit: siquidem hoc ferè commune est cuius certitudini morali & humanae, ut ei absolute falsum subesse possit: sicut etiam subesse potest iudiciali notitiae criminis, quantumuis moraliter certa. Satis est, notitiam priuatam innocentiae tam certam aut etiam certiorē esse posse, quam sit ea notitia, quae ex criminali processu comparatur.

ASSERTIO III. Posita eiusmodi notitia moraliter certa, ad Confessarium pertinet, iudicem prudenter informare; qui etsi non continuo fidem extraiudiciali eiusmodi depositioni contra notitiam legitimo processu iudiciali partam adhibere teneatur, debet is tamen diligenter tam processum iudicij, quam praesentia innocentis indicia ad mentem reuocare & expendere, an forsan ex his in processu iudiciali aliquis error commissus deprehendi possit; ut illud demum statuatur, quod aequitati naturali magis consentaneum videtur.

Hac assertio est ex mente omnium illorum, qui per extraiudicialem reuocationem criminis, post sententiam mortis reo denuntiatam, puta factam tempore confessionis, vel Eucharistiae, docent elidi praecedentem alterius nominationem, ut inferius dicetur. Ratio est; quia tamen si notitia illa innocentiae extraiudicialis ac priuata sit, valere tamen eò potest, ut ex ijs iudicialis processus examinetur, ac si fieri potest, error commissus publica etiam ac iudiciali notitia innotescat.

rescat; ita quidem vt nonnunquam etiam executio sententiæ tantisper differatur, dum causa ipsa denuo accuratius examinetur.

Sicut etiam cum iudex priuata scientiâ aliquem nouit esse innocentem, qui iudiciali processu nocens probatus est, etsi non teneatur idcirco innocentem absolueret, tenetur tamen inquirere & operam dare, vt error commissus deprehendatur, etsi fieri potest, nouo processu instituto innocentia denunciati publicè ac legitimè contestata fiat, vt omnes faterentur, & suo loco dictum *questio. 4. dub. 2. disput. 4. de iustit. in 2. 2. S. Thom.*

Et quamuis Delrius q. 18. asserat, graues iudices hac in re non solere, aut debere stare dictis Confessariis; scio tamen, in hoc crimine, nonnullis locis differri solitam executionem, quoties reus post damnationem crimen impositum retractauit, idque eo magis fieri tunc conuenit, quando ipsius Confessarij iudicium, prudensque innocentiae credulitas accedit.

Nec obstat, quòd in Constitutione Carolina a. 91. statui videatur, si reus in via ad supplicium, vel in ipso supplicio reuocet confessionem suam de se, eum reuocatione contempra, omninò adhuc puniendum, vt cum Mascardo *de probat. volum. 1. concl. 353. num. 23.* & Binsfeldio *in leg. 7. cod. de maleficiis & Mathematicis q. vlt.* refert Delrius *cit. q. 18.*

Nam reuera citatus articulus Carolinae constitutionis non bene al-

legatur, nec id decernit, sed potius contrarium in hunc modum. *Quod si accusatus ipso die iudicij delictum negauerit, quod antea legitimè constanter fuerat confessus, ac iudex ex ea confessione per explorationem omnium circumstantiarum deprehenderit, eam retractationem à reo solum ad impediendum legitimum iuris processum fuisse susceptam, sicut iam antea art. 56. alijsque nonnullis subsequentibus, usque ad articul. 62. de constanti cognitione seu confessione dictum est: tunc iudex duos illos constitutos assessores, qui vna cum ipso libellum confessionis praelegi audiuerunt, sub iuramento interroget, vtrum praelectam confessionem audiuerint: & si affirmauerint, idem iudex omnino consultationem ac deliberationem instituat apud Iurisperitos, seu alijs locis ac modis, vt inferius significatur. Et quoniam duo assessores illi in hoc casu non vt testes sed vt Coniudices agunt, idcirco à iudicio & sententia ferenda excludendi non erunt.*

Ex quibus colligitur, iuxta Carolinam Constitutionem, eiusmodi retractationem à iudice non planè negligendam & contemnendam, sed potius expendendam esse, habita etiâ, vbi opus erit, cum viris doctis & peritis deliberatione, quid in eo casu facto opus sit; idq; etiam si retractatio solum ad impediendum legitimū iudicij processum facta fuerit: quanto magis, si ex indicijs constet, eam non temere & malitiose, sed bona fide ac ex debito fuisse factam, vti in nostro casu accidit.

Quæritur secundò, an saltem in extremo vita Confessarius innocentem



adigere debeat, & l. reuocationem criminis, sibi, aut alijs falso impositi. Supponitur, non peccare mortaliter eum, qui ante mortis sententiam, vt effugiat grauem torturam denuò inferendam, falsum crimen semel sibi impositum non reuocat, metu tormentorum, vt ex communi docent Angelus V. *Detraction. 6.* Syluester *eodem quest. 3.* Sotus de iust. lib. 5. *quest. 1. ar. 6.* & Lessius de iust. c. 11. n. 41. & sequentibus, qui n. 48. addit, non teneri reuocare, quāuis antea periurio illud confirmasset, si prudenter metuit, se rursum ad tormenta raptum iri (vti ordinarie fieri solet) ac posse sine peccato mortifero, in eo persistere & mori, vt etiam dictum qu. 4. dub. 5. nu. 99. disp. 4. de iustia. ad 2. 2. S. Thom.

401 ASSERTIO I. Is qui falsum crimen sibi imposuit, iuxta consuetam locis quibusdam forensium iudiciorum praxin, non tenetur sub peccato mortali nec in extremo quidem vitæ cum iam est occidendus, crimen confessum reuocare, suamque innocentiam contestari: quare ad hoc nec à Confessario quidem adigendus est. Ita docet Lessius loc. cit. nu. 49. itemque Petrus Nauarrus lib. 2. de restit. c. 4. num. 134. & alij, qui alioqui putant, seipsum falso infamante de peccato, pro quo afficiendus est morte, peccare mortaliter. Ratio est, quia hæc reuocatio, iuxta quorundam iudiciorū praxin, (in qua nulla propè eius reuocationis haberi solet ratio) ad exculpandum reuocantem nihil, vel parum prodest; aut si vel

maximè profutura sit, certò periculo exponit reuocantem, ne ad bancū iuris reductus denuò examinetur, & torqueatur. Sicut ergo metus grauis torture liber ab obligatione reuocandi crimē ante damnationem, ita hoc casu etiam post damnationem.

ASSERTIO II. Quod si tamen ex retractatione criminis, in articulo mortis facta, spes certa sit, seu famæ recuperandæ, seu morris enadendæ, citra metum nouæ & grauis torture, tunc reus tenetur fallam de se confessionem in extremo retractare. Ita docent Nauarrus *Manual. c. 18. nu. 28.* Petrus Nauarrus lib. 2. de restit. cap. 4. & Valerius lib. 24. *praxis fori penitent. num. 90.* & alij, qui etiam eidem tamen addunt, si nihil se hac retractatione profecturum speret, tunc posse tacere. Ratio est; quia quicquid tenetur sub mortali, quoad commodè potest, tum vitam, tum famam suam integram tueri. Neque verò retractationem eiusmodi nullius prorsus momenti habendam, accedente præsertim Confessarij testimonio & iudicio, iam supra monuimus à num. 94.

ASSERTIO III. Si damnatus (seu nocens sit seu innocens) alium quendam innocentem denuntiarit, tenetur sub peccato mortali non solum ante condemnationem, sed si tunc pō fecit, etiam post damnationis sententiam, falsam eiusmodi denuntiationem reuocare: ad quod etiam à Confessario compellendus est. Ita ex communi Toletus l. 5. c. 66. n. 7.

vbi ait: Qui imponit alteri crimen falsum, peccat mortaliter contra iustitiam &c. ob id obligandus est à Confessario, verum aperire, licet pateretur mille torturas. Idem habet Lessius de iustit. cap. 11. dub. 15. in fine, vbi ait: Si ex infamia falsa periculum vitæ vni vel pluribus impendat, teneris etiā cum vitæ periculo reparare, ex communi Doctorum, quia tunc obligaris non ratione solius infamiae, sed ratione damni. Neq; huiusmodi retractationem pro nihilo habendam à prudenti iudice, iam antea num. 79. in simili, & hic quaestione præcedenti notauimus.

Si quis tamen sequatur, ipsaque praxi seruari aduertat eam sententiam, quæ negat, per huiusmodi reuocationem in extremo vitæ factam tolli aut infirmari factam antea denuntiationem, is consequenter existimare poterit, denuntiantem; in eo mortis articulo, (saltem cum aliquo suo incommodo, & sub peccato mortali) obligatum non esse, ad reuocationem, quia inutilis esset. Eam vero sententiam, præter Delrium lib. 5. sect. 5. num. 3. & append. 2. q. 18. (vbi etiam citat Consilium facultatis Ingolstadiensis Theologicæ ac Iuridicæ anno 1590. scriptum) indicat etiā Gregorius de Valentia disp. 6. qu. 13. punct. 4. §. 5. vbi tamen potius de reuocatione propriæ confessionis, quam alienæ denuntiationis loquitur, cum ait: Tertium est, post sententiam condemnatoriam rite latam, nullus amplius inficiationi aut tergiversationi reorum datur locus, et si pie admodum ac bene animo esse dispositi videantur, cum priora retra-

ctant. Prioribus enim confessionibus & denuntiationibus solenniter atque ex iuris ordine factis standū est; tum ut firmitatē suā obtineat processus iuridicus; tum ut esse possit finis huiusmodi actionum; tum ob alias rationes, quibus hoc ipsum ex sententia Doctorum probat Binsfeldius circa conclus. 5. part. 2. Sed contraria sententia, nimirum absolutē reuocandā esse falsam denuntiationem innocentis, ut vidimus, est communis, veriorque & tutior, & oppositæ sententiæ fundamentum minus est probabile, ut hac & præcedenti quaestione dictum, præsertim, quia esto talis denunciatio non penitus tollat priorem denuntiationem; fieri tamen non potest, quin eam aliquo modo infirmet, ut cautius contra denuntiatum procedatur.

ASSERTIO IV. Cauendum tamen Confessario, ne vel importunè sæpius ipsi reo inculcet, si quem iniquè denunciauerit, ut retractet; neue retractationem à damnato sponte factam imprudenter & cum scandalo euulget. Primum monet Binsfeldius de confess. malefic cit. memb. 2. post 5. conclusionem. Ratio est; quia importuna eiusmodi inculcatio, in animo iam antea satis perturbato, præter superuacaneam anxietatem, facile etiam mouere potest scrupulum & suspicionem falsæ depositionis, etiam si is reuera nullius sibi conscius sit.

Huc spectat etiam, quod constitutio Carolina a. 103. Confessarios reorum admonet, ne reos inducant, ut



quod de seipsis, aut alijs vere confessi fuerunt, denuo reuocent; quia nulli conuenit, reorum malitiam, contra bonum commune, & cum damno proborum, falsitate ac mendacijs tegere, & ad mala propaganda opem conferre, &c.

Posterior monet Delrius lib. 5. disqu. append. 2. q. 18. vbi ait: Nec circumscripti Confessarij solent in vulgus tales exculpationes spargere, gnari scandalum certum, fructum vero incertum fore. Itaque præstabit ac sufficiet plerunque, reuocationem iudici, alijsue, qui iudicio præsunt, intimare, vt hac ratione, tñ innocentibus denuntiatis consuletur, tum processus ipse deinceps cautius, & quoad fieri potest minori innocentum periculo instituitur.

106 Quæritur tertio, *utrum sagis, nec confessis, nec plene adhuc conuictis, sed grauissime suspectis, morituris in carcere Eucharistia, mortuis sepultura negari possit; vel ulterius contra eas procedi.*

ASSERTIO I. Si quando suspicio eiusmodi est violenta, quæ non facile deponi possit, eo quod indicia sint graua, & in contrarium nihil sit, quod suspicionem purget aut eleuet, tum potest quidem tali personæ extra mortis articulum, negari Eucharistia: idque etiam publice, si suspicio sit publica: secus si suspicio vel indicia criminis per torturas, seu alios modos sufficienter ac legitimè sint purgata. Priorem partem ex communi Theologorum sententia post S. Thomam, Richardum, Alensem, Gabrielem, Antoninum tradit Suarez 3. part. tom. 3. disp. 67. sect. 6. Ratio

est, quia cum ex vna parte susceptio eius Sacramenti non sit adeo necessaria extra articulum mortis; ex altera parte, talis suspicio admodum urgeat, grauemque timorem ac propemodum opinionem violandi Sacramenti ingerat, recte existimatur, ob irreuerentiam Sacramenti vitandam, abstinendum à communicatione Sacramenti. Id quod ita etiam in praxi obseruari videmus; quia ante inquisitionem & torturas superatas, quibus criminis suspicionem purgari superius diximus, non solent eiusmodi personæ communicari.

107 Posterior pars est itidem ex mente communi Doctorum: qui docent, torturis superatis, sufficienter purgari impositi criminis suspicionem, id quod maxime verum est, vbi non sunt alia indicia criminis, præter denuntiationes complicum. Ratio est, quia tunc cessat violenta & iusta criminis suspicio, utpote iam tormentis legitimè purgata. De qua re plura hic qu. 1. princip. 5.

108 ASSERTIO II. Sed & durante violenta suspicione, in mortis tamen articulo, non est deneganda captis debitam pœnitentiam alioqui præferentibus, Eucharistia, etiam si crimen negent. Ita Suarez loc. cit. & Gregorius Tholosanus Syntagmate Iuris Canon. lib. 1. tit. 9. cap. 8. Ratio est; quia in foro spiritali conscientia, vbi agitur de salute animæ, illæ circumstantia mortis propinqua, & instantis tribunalis ultimi videntur maximi

maximi ponderis, ad deponendam suspicionem, saltem in ordine ad Sacramentum administrandum; quod in articulo mortis nemini fidelium, nisi aperte impœnitenti, denegandum est; iuxta Capit. *super eo de hereticis in 6.* & Glossa in Clem. 1. de pœnit. & remiss. communiter à doctõribus receptam. Vnde etiam per morum proprium Pij V. Anno 1569. in Hispania abrogata est consuetudo, non dandi communionem dānatis ad mortem, vt testatur Suarez disp. 69. sect. 3. quam consuetudinem olim etiam in Gallia fuisse tradunt Nauarrus cap. 25. Manual. num. 27. & Julius Clarus q. 99. num. 3. Nec ab hac doctrina dissentit Valencia disp. 6. qu. 13. pun. 4. §. 5. vbi præscribit, vt rei post sacramentalem confessionem muniantur quoque sacra Eucharistia, pridie ante, vel quatuor saltem horis ante supplicium, si forte ob aliquam causam prius fieri non possit, &c.

109 ASSERTIO III. Ob solam causam violentæ suspensionis, nemo potest Ecclesiastica sepultura priuari, si pœniteat. Est itidem communis Doctõrum. Ratio sumitur tum ex dictis; si enim Eucharistia non est neganda, multo minus sepultura, in qua minus est sacrilegij periculum; tum quia nullo iure talibus sepultura negatur, de quo Syluester V. sepultura q. 2. Gregorius Tholosanus Synag. Iuris lib. 1. tit. 15. cap. 7. Henricus Canisius in summa l. 3. tit. 12. tum quia etiam ij, quibus alioqui interdicitur

sepultura, si tamen pœnitentes absoluantur, à Parocho suo sepeliendi sunt, iuxta Capit. *Finale de sepulturis.*

Qua de causa etiam Delrius lib. 5. disquis. sect. 19. iudicem lecus facientem peccati mortalis damnat, cum de eiusmodi maleficis in carcere mortuis, ante damnationem, ait: Si vero non vi sibi illata, sed agritudine, vel debilitate, aut incommoditatibus carceris morerentur ante sententiam; in his ego prorsus sequeretur communem illam sententiam; adeo vt si in talem non legitime confissum aut conuictum iudex sciens, eum non pariat Ecclesiastica tradi sepultura, peccet mortaliter, & actione iniuriarum conueniri à propinquis defuncti possit, iuxta capit. Placuit, & capit. ex parte, de sepulturis. Neque hac in re, inquit, praxin contrariam proferunt Doctores, sed omnes volunt vnanimiter, quoad hoc iura seruari.

110 ASSERTIO IV. Licitum tamen est iudici, protestationem interponere, & litem cœptam contra mortuum prosequi: seu agendo in locis, vbi bona confiscantur, ad bonorum confiscationem, aut saltem ad memorie damnationem, & vt corpus sepultum post condemnationem possit exhumari, & ossa comburi. Ita ex communi Delrius lib. 5. sect. 19. post Gomezium tom. 3. casu 1. num. 80. Clarum q. 51. n. 14. & Simanch. in praxi tit. 62. & 6. Poterit tamen, inquit Delrius, iudex sinere corpus sepeliri, cum protestatione, & litem cœptam contra mortuum prosequi, citatis ad defensionē ijs, quorum interest, vt in hæresis crimine seruetur.

Nimi-



Nimirum, quia huius, (vt & hæresis) excepti criminis natura est, vt morte non finiatur, sed contra mortuum procedi in eo possit.

Sed quot annorum spatio currit ius contra mortuum agendi? Putarem, inquit Deltius, in hoc crimine, quoad bonorum confiscationem, non posse agi post annum quæagesimum; ad memoriam tamen damnandam adhuc agi posse, iuxta ius canonicum, docent etiam Brunus de hæresibus lib. 5. cap. 17. & Simancha tit. 62. nam. 7. ex capit. ult. de præscriptionibus in 6. Sed ius civile videtur quinquennij tantum spatium exigere, iuxta legem 2. Cod. de Apost. & glossam in legem Manichæi cod. de hereticis, cui in foro civili standum, vt ex communi tradunt etiam Gomez num. 81. & Clarus §. fin. q. 51. num. 24. & colligitur ex dictis ad 2.2. S. Thom. disput. 4. de iustitia quest. 1. dub. 6 n. 99.

#### QVÆSTIO V.

Qua ratione, quibusque medijs Veneficia auertenda, aut extirpanda sint.

Ad S. Thomam 2.2. q. 67. a. 3.

112 **N**ON contentus esse Theologus debet criminis veneficij malitiā ac perniciem intelligere, & ob oculos ponere; sed necesse est etiam, modum ac rationem ostendere, qua aduersus illud pugnandum sit. Vbi quidem duplex quæstio explicanda occurrit; Prima, qua ratione veneficia seu maleficia auertenda sint, ne cui noceant; Altera, qua ratione hoc crimen, quod diaboli tyrannide & hominum malitia adeo inua-

luit, è communitate extirpandum sit.

Quod ad prius quæsitum attinet, reuocandum est in mentem, quod tom. 1. disp. 5. de Angelis q. 6. dub. 7. docuimus, diabolum per se quidem immediatè ac directè non posse vlli damnum corporale inferre, nisi speciali Dei permissione interueniente; sed nec per sagas etiam, nisi Deo ob bonum finem permittente. Quare cum omnis hæc res à diuina prouidentia pendeat, optimum medium ad auertenda & euadenda maleficiorum damna, est spes & singularis fiducia in Deo, tum quotidianis precibus, tum vitæ honestate conscientiaque puritate comparata, iuxta illud Psalm 90 v. 1. Qui habitat in adiutorio Altissimi, in protectione Dei cæli commorabitur; & illud Apostoli Rō. 8. v. 31. Si Deus pro nobis, quis contra nos? Quod si nihilominus Deus aliquando etiam bonis, & in ipso confidentibus, mali quidpiam à maleficis obuenire permittit, id dubitandum nō est, ad maius eorum bonum, siue in hac, siue in altera vita cessurum; vt cum S. Iob accidit, qui post diaboli afflictionem, longe maiori postea, quam vnquam antea felicitate & prosperitate recreatus fuit.

Atque cum hac præsertim moderatione accipio illud, quod scripsit Aureolus in 4. dist. 34. q. vn. a. 2. Difficile quidem esse loqui de diuina potestate, sed de congruentia videri dicendum, quod cum diuina iustitiæ semper admisceatur misericordia, etiam vltra condignum, ex parte hominis, non puto, inquit, quod hominem exi-

existentem in gratia Deus permittat, de communi lege deduci virtute maleficijs vsque ad mortem; sed loquendo de homine existente, vel qui præsuit in culpa, qua mereatur mortem; ac per hoc fiat excacatio tam agentis, quam patientis, quam et am circumstantium, non video, cur sit irrationale. Ita Aureolus.

114 Præter hoc generale medium, sunt hæc specialia. I. Confessio peccatorum & expiatio conscientie. Sicut enim peccata mortalia singularem Dei protectionem auferunt, ita eorundem expiatio per pœnitentiam eandem restituit; & ex historijs notum est, nonnunquam domorum infestationes diabolicas per sacram confessionem totius familiæ fuisse sublatas.

115 II. Missæ celebratio in locis, quæ nocturnis spectris infestantur; cuius reidululentum exemplum, præter alia recentiora, extat apud Augustinum libro vigesimo secundo de ciuit. capit. 8.

116 III. Exorcismi Ecclesiæ, qui vim habent, tum ex Christi institutione, qua Deus hanc potestatem Apostolis, alijsque Ecclesiæ ministris consignauit; tum ex persona Ecclesiæ, cuius nomine recitantur; tum in primis ex Christi nomine, morte, ac meritis, quæ in eiusmodi exorcismis aduersus diabolicas infestationes veluti antidoti loco obijciuntur.

117 IV. Imago Sanctæ Crucis, domorum, cubiculorum, vel thalamorum ianuis inscripta. Quem vetustum fidelium usum testantur Cyrillus

libro 6. in Iulianum, Ruffinus lib. 2. hist. cap. 29. & Ephrem. serm. in S. Crucem, ubi ait: Coronemus portarum frontes ut Christiani; & non ut gentiles atque pagani lauris, aut frondibus, alijsque herbarum generibus. Error Idolorum destructus est: mors spoliata est: inferorum captiuitas reuocata est. imperium errans multorum Deorum confractum est: homo liberatus est: Dominus regnauit à ligno: creatura latatur: Crux dominatur: quam omnes adorant Gentes & populi, tribus & lingua. Crucem depingamus & insculpamus in ianuis nostris. Vnde est illud Ecclesiæ: Ecce Crucem Domini, fugite partes aduersæ; vicit leo de tribu Iuda.

V. Signum S. Crucis, eiusque frequens vsus, Hoc scuto aduersus diabolum, eiusque infestationes, vbi sunt Sancti, Antonius teste Hieronymo in vita S. Pauli, Hilarion eodem teste in vita S. Hilarionis, Martinus teste Sulpitio & Paulino lib. 3. in eius vita. Optime Antonius apud Athanasium in vita eiusdem: Cum videritis (dæmōnes noctu venientes) tam vos, quam domos vestras Crucis armate signaculo; & confessim soluuntur in nihilum, quia metuum; Illud trophaum, in quo Saluator areas expians potestates, eas fecit ostentui.

Beneramen Chrysostomus homil. 35. in Matthæum: Crucem, inquit, non simpliciter digito in corpore, sed magna profecto fide in mente prius formare oportet. Nam si hoc modo eam faciei tue impresseris, nullus scelestorum demonum, cum hastam videat, qua lethale vulnus suscepit, congregari tecum audebit. Plura Iacobus Gretserus lib. 4. de Cruce cap. 36. & seqq.



119

VI. Nomen Iesu, B. Virginis, Angeli Custodis, aliorumque Sanctorum pie inuocatum. De qua re Ch ylostomus homil. 4. de laudibus S. Pauli; Si Iesum inuocaueris Nazarenum, velut ab igne demon repente diffugiet. Et Antonius apud Achanasium in eius vita: Crucifixum nominamus; & vniversi demones ad primum dominica Crucis signum fugantur. Et Arnobius l. cont. Gent. Iesu nomen auditum fugat noxios spiritus, imponit silentium vatibus, haruspices inconsultos reddit, arrogantium magorum frustrari efficit actiones, non horrore, vt dicitis nominis, sed maioris licentia potestatis.

120

VII. Vfus rerum sacrarum, & precibus Ecclesia ad hunc vsum consecrarum, vt sunt Agni cerei, aqua benedicta, itemque cerei, panes, palmarum, aliarumue arborum rami benedicti &c. Habent enim hæc vim exprecatione S. Matris Ecclesiæ Sponsæ Christi; de quibus varia extant exempla. De qua re bene etiam monet Gregorius de Valentia disputatione 6. question. 13. puncto 4. §. 5. Vt dum maleficæ personæ in carcere detinentur, adsint in promptu remedia spiritualia, ad propulsandam vim & iniurias demonis; vt aqua benedicta, agnus Dei, cruces & sacrae imagines, exorcismi &c. Item vt præsto sint sacerdotes, qui reos de ratione officij sui, tum in ipso iudicio, tum placando & propitiando sibi Deo diligenter & maturè admoneant. De quo tamen vide etiam dicta superius n. 84.

VIII. Supplicatio sanctis facta; itemque Reliquia & Imagines Sanctorum; speciatim etiam S.P.N. Ignatij; qui vt in vita singularis demonum hostis, & Victor extitit, ita experientia compertum est, etiam post mortem, eius imagines ad infestationes & terculamenta diaboli auertenda, magnam vim habere.

IX. Oratio cum ieiunio, iuxta illud Christi Matthæi 17. Hoc genus demoniorum non eiicitur, nisi in oratione & ieiunio.

X. Opera misericordiæ propter Christum. Nam qui pronus est ad misericordiam, benedicitur. Prouerbiorum 22. v. 9. & Tob. 12. v. 9. Eleemosyna à morte (etiam corporali) liberat. Et oratio Tobia misericordiæ iuncta impetrauit, & curationem cæcitatis, & liberationem Saræ à demonio.

Adde postremo etiam destructionem symbolorum maleficii: hæc enim, si inueniantur destruere licitum esse, alibi de Relig. & de matrim. docemus. Nullo vero modo committendum, aut concedendum, vt maleficium maleficio soluat, vt dictum etiam tom. primo disputat. 5. quasi. sexto dub. 7. & fusius tom. 4. de impedim. matrim. vbi de impotentia agitur. His ergo modis incantationes & maleficia tum avertuntur ne noceant; tum etiam aliquando immissa sanantur, & irrita reddantur.

Quod vero ad secundum attinet, qua ratione crimen maleficii è communi-

tate.

121

122

123

*tate extirpandum sit.* duo ad hanc rem adhibenda occurrunt remediorum genera. Quædam sunt *politica*, alia sunt *spiritualia*. Politica sunt duo. *Primum* est, ablatio occasionum & incitamentorum, quibus plerunque miseri homines ad commercium & consuetudinem cum dæmone contrahendam alliciuntur; & quibus adeo ipsi etiam dæmoni via aperitur, ut liberum ad homines seducendos accessum habeat.

Talia sunt. *Primo*, turpia & obscena conuenticula, tum diurna, tum nocturna; quibus petulantissimi utriusque sexus, præcipue rustici homines, ad omnem immundæ voluptatis experientiam, tum in diuerso, tum in eodem etiam sexu, sæpe ad multas horas sese exercent; quæque licet nonnunquam latenter fiant, non ita tamen latent, quin patribus & matribus familias sint cognita, aut saltem ab ijs deprehendi facile possint. Hæc ergo dixerim vera diaboli gymnasia, & strigum utriusque sexus seminaria: quæ eo nocentiora sunt, quod à nemine improbantur, neque culpæ aut crimini dantur; adeo ut si forsan etiam ab aliquo deprehensa reprehendantur, tamen propter impunitatem & licentiam in externo foro, reprehensio vix fidem inueniat.

Exempla huius rei recentia habemus ex vicinia, ubi cum post festa paschalia fœdissimis amplexibus & tactibus in publico campo

cuiusdam lusus modo, serui & ancillæ iuxta pagum quendam inter se colluctarentur, ibique casu quidam è nostris Sacerdos cum socio iter illac faciens, interuenisset, fœditatemque tam apertam reprehendisset, parum absuit, quin à lasciuiis seruis pro verbis verbera recedisset. Non multo post, cum in alio vicino oppido similem lasciuiam, apud eius loci parochum, alius quidam sacerdos noster reprehenderet, & maiori studio abolendam suaderet, aliud responsum non tulit, quam hunc esse antiquum ac gentilitium patriæ morem, &c.

*Secundo* huc proinde etiam spectat fœdissima petulantia per turpes contractus, complexus, denuationes, quæ in choreis, in ludis, & recreationibus, imo inter ipsos etiam labores agrestes, ac ciuiles conuentus, domi forisque, priuatim ac publice in oculos occurrunt: quibus adiunge obscenum fœminas in die Innocentium virgis cadendi morem, itemque genus quoddam turpe chorearum agrestium, quod sua natura ac tota corporis agitatione apertæ libidinis irritamentum est. De qua re pluribus disserui *tom. 2. disp. 4. questione 8. dubit. 5.*

Hæc sunt, quæ diabolo viam sternunt ad seducendum: hæc sunt, quæ contempto timore Dei, infelices homines impellunt ad ipsam etiam diaboli commercium non



detrectandum, ut fœdæ voluptatis libidinem, tantis incitamentis effrenem in modum concitaram, quouis modo exsaturare possint. Quæ si Magistratus utriusque vigilantia, constitutis ad hanc rem peculiaribus morum Censoribus & Syndicis, corrigerentur, nihil dubito, quin pestis illa Veneficij, magna ex parte, breuiter Republica extirpanda foret.

126

*Alterum medium politicum*, est legitimus & accuratus processus Iuris, aduersus hoc crimen; isque non vno solum in loco, sed communi principum consensu vniuerso orbe Christiano instituendus. Quamuis enim, ut superius dictum, facile sperari non possit, hoc crimen sola iudicij seueritate exterminatum iri, est ea tamen necessaria, tum ob vitandum scandalum, ne simplices putent, crimen, non esse; tum ob honorem Dei vindicandum, & grauissimas eius iniurias debita animaduersione castigandas. Ad eum vero processum ego, saluo Sapientiorum iudicio, præter notata dubijs præcedentibus, requirerem ista.

I. Vt iudices sint non solum egregie docti, & prudentes, sed etiam optimi & egregie pii. Alias enim cum pugna hæc suscipiatur aduersus diabolum, & causa per se obscurissima & intricatissima sit, non sine periculo suo, & aliorum, imo & ipsius Communitatis, hoc officium sustinebunt.

127

II. Vt iudicibus attribuaturs etiam aliquis pius & eruditus Theologus, ob varias causas. 1. Vt in rebus dubijs præcipue ijs, quæ forum internum, & crimina quædam merè spiritualia concernunt, ut sunt hæresis, abnegatio fidei, &c. itemque in alijs perplexis & obscuris tam facti, quam iuris quæstionibus, ex Philosophiæ & Theologiæ principijs potissimum resoluendis, quoad opus erit, consuli possit. 2. Vt prudenter aduertat, quibus rationibus hoc vel illo loco homines ad eiusmodi sacrilegam cum diabolo consuetudinem inducantur. 3. Vt si qui ex reis prudentiores, & seriò ad Deum conuersi videantur, ex illis exploret, quanam existiment ipsi efficaciora esse media, ad hoc crimen extirpandum. 4. Vt subinde aliquod spirituale auxilium reis adferat. 5. Vt cum hoc crimen sit mixti fori, ut tradunt Panormitanus & alij, in cap. 1. de sacrileg. imò vero maiori ex parte spirituale, securius in eo à iudicibus secularibus procedatur. Quæ de causa etiam video Gregorium de Valentia iam olim tom. 3. disp. 6. q. 13. pun. 4. expediens iudicasse, ut in his causis, vnus saltem Theologus iudicibus secularibus adiungatur.

Nec idcirco communiter necesse erit, aut in loco torturæ, aut ipsa tortura durante adesse; hoc enim prohibitum est in Concilio Antiodorensi Can. 33. vbi dicitur: Non

lior

*licet Presbytero, nec Diacono ad trepalium, ubi rei torquentur, stare. Et cap. 34. Non licet Presbytero in iudicio illo sedere, vnde homo ad mortem tradatur. Satis erit, cum eo acta communicari, & ad maleficas accessum habere, eiusque ubi opus erit consilium audiri. De qua re non nihil etiam egi tom. 1. disput. 5. q. 5. dub. 3.*

129 III. Vt in quauis ciuitate, oppido, & pago, cōstituantur Syndici & Exploratores, qui ad omnia indicia huius criminis diligenter attendant, seruato interim silentio, eaq; ad cōstitutos iudices deferant; ab iisdem notanda, vt si vel per se sola, vel alijs accedentibus, tantū momenti esse videantur, inquisitio institui possit.

130 IV. Vt iuxta leg. vlt. Cod. de malef. & Mathem. seuerè precipiatur omnibus, vt qui aliquam personam hoc crimine infectam, vel de eo merito ac grauiter suspectam neque emendatā hactenus norint, occulte ad iudices constitutos deferant; data interim silentij ac impunitatis fide. Eæ verò denuntiationes etsi non continuo sufficere soleant ad capiendas & torquendas personas denunciatas, annotandæ tamen erunt, vna cum personis denuntiantibus, alijsque circumstantijs, vt suo tempore vsui esse possint. Proderit etiam ad hunc finē, pro concione moneri omnes, vt norint se teneri, ad personas eiusmodi, quas nondam emendatas sciunt, denuntiandas, vt dictum ad 2. 1. S. Tho. disput. 2. q. 5. dub. 4. & disput. 4. q. 4. dub. 6. num. 110. Eodem spectat etiā illud,

quod monet Valentia disput. 6. qu. 13. punct. 5. vt instituta generali inquisitione, imperetur omnibus aliquo publico edicto, vt sub certa pœna intra certum tempus per viam accusationis vel denuntiationis iuridicę, deferant si quid sciant, aut viderint, aut audiuerint, &c. Oportebit autē, vt idem monet §. 4. delationes fideliter & diligenter, ad acta referri, seruato silentio, &c.

V. Vt processus nō nimis diu pro-rogētur, sed seruata iuris formā maturius expediatur, vel damnatis reis & confessis, vel dimissis, si qui per torturas indicia purgarint.

VI. Vt sagæ de complicitibus non examinētur, nisi post acceptam mortis sententiam, & præuiam pœnitentiam criminis, ac præparationem ad benè moriendum à Confessario procurandam: impœnitētib; verò parua, aut nulla fides habeatur, vt hic qu. 2. dictum.

VII. Vt verè resipiscentibus extra iudicium, promittatur venia & impunitas commissi criminis, si verè & serio pij & prudentis Confessarii iudicio, pœniteant: quo casu, si Confessarius norit, iam antea fuisse denū. riatas, curabit, accepta à pœnitente facultate, vt sub fide secreti ex Catalogo denuntiarum deleantur. Est. que hoc medium conforme S. Inquisitionis officio, & processui in foro Ecclesię, de quo Farinacius part. 7. oper. tract. de heret. q. 181. §. 1. nu. 48. Quod si lamia, inquit, pœnitentes veniam petunt, & ad Ecclesiam ex corde redire volunt, sunt



admittende ad pœnitentiam, ac etiam reconcilianda; nec villo pacto curia seculari tradenda; etiam quod infantes occiderint, seu alia atrociora & nefanda crimina perpetraverunt, iuxta Simancham Cathol. Instit. tit. 37. rub. de Lame. n. 17.

133

Et audio, quibusdam in locis, hoc medium ad salutem plurium feliciter cessisse. Forſau aliquando expediret, etiam aduerſus dœmnatas vti eiufmodi benignitate Eccleſiaſtici fori, vt nimirum iuxta Can. Episcopii 26. q. 5. à fidelium communione ſeparatæ, certis aliquot diebus, ante fores Eccleſiæ, habitu pœnitentis ſtantes, & ad certas abſtinentias &c. obligatæ, publicam, verbi gratia, vnius anni ſpatio, pœnitentiam ſubire cogerentur. Equidem non dubito, plus diabolus hac humiliatone confuſum & repreſſum iri, quam mille mortis ſupplicijs.

VIII. Denique ad proceſſum in hoc iudicio generatim ſeruandum quod attinet, obſeruanda eſt generalis doctrina ad 2. 2. S. Thom. diſputat. 4. de Inſtit. quaſt. 4. dub. 4. & ſeqq. tradita, quam ad hanc ipſam quoque materiam ſpeciatiim applicat Valentia diſputat. 6. quaſt. 13. pun. 4. §. 1. Nempe vt quis iure interrogetur de ſe ipſo, neceſſe eſſe, vt is ſit ſuſpectus de hoc crimine, vel propter publicam infamiã, vel propter grauiſſima indicia duorum ſaltem teſtimonio comperta, iuxta Sylueſtrum V. Indiciũ q. 2. & Cõſtit. crim. Caroli V. art. 23. vel propter ſemiplenã probationem, vt ſi præter actorem vel denũtiatorem, accedat

vnius teſtimonium omni exceptione maius, vel indicia tali teſtimonio æquiualentia, vt notat Caietanus qu. 69. art. 2. & indicat Nauarrus Man. cap. 18. num. 57.

Idq; ipſum etiam reo, cum interrogatur ſignificandum erit, eum ſcilicet merito ſuſpectum eſſe, ob aliquam ex prædictis cauſis, vt intelligat ſe legitime interrogari, & obligatum eſſe ad reſpondendum, vt iuxta cap. Qualiter & quando 2. de accuſat. notant etiam Sotus lib. 5. de Inſtit. q. 6. art. 2. Caietanus q. 69. a. 2. & Nauarrus Man. c. 18. n. 57.

Addit Valentia ibidem, vt non ſolũ ipſe reus de ſe, ſed etiam alij de illo, per ſpeciale inquisitionem interrogentur, tanquã teſtes, nõ ſufficere qualemcunque ſuſpicionem, niſi determinate fuerit orta ex infamia publica, qua reus laboraret circa crimen, quod inquiratur, vt patet, ex ca. Inquisitionis. &c. Qualiter & quando 2. & cap. Cum oporteat de accuſationibus.

Sed hoc patitur aliquã limitationem, præſertim in criminibus exceptis, vt dictum ad 2. 2. S. Thom. diſput. 4. de Inſtit. q. 4. dub. 4. n. 78. Alioqui nunquamliceret ſagas iam de confeſſas interrogare de complicitibus in particulari, puta hac vel illa, quantumuis iam ab alijs ſæpius denuntiata, alijsque indicatijs merito ſuſpecta, niſi de eadem iam antea præceſſiſſet infamia: cuius contrarium habet praxis, vt ſuperius dub. 3. n. 82. ex Leſſio retulimus, & re ipſa agnoſcit Valeria loc. cit. 3. & 4. dum propter denũtiationem

nem complicitis in tormentis seu metu tormentorum confirmatam, concedit denuntiatam personam capi posse; item probationem per coniecturas & indicia, & denuntiationes complicum, etiam sine propria rei confessione sufficere ad condemnandam pœna mitiori & extraordinaria, quæ tamen superius improbauimus.

Neque ego improbare ausim, si post duas tresue denuntiationes à reis iam pœnitentibus proprio motu factas, accedentibus simul alijs quibusdam adminiculis seu indicijs, etiam apud plures alias, itidem per pœnitentiam crimen suum exolas, specialis de personis denuntiatis fiat inquisitio; modo alioquin & secreti fides inuiolata seruetur, & in usu taliû denuntiationum debita moderatio adhibeatur, vt dictum *hic quæst. 2.*

354 *Quod verò ad media spiritualia attinet,* certum est, ea multo maioris esse momenti, ad hoc vitium exterminandum, quam vlla humana & naturalia media. Quandoquidem enim hic non est nobis colluctatio aduersus carnem & sanguinem, sed aduersus principes & potestates &c. & contra spiritualia nequitia, vt loquitur Apostolis Ephes. 6. v. 12. nō est dubium, plus hic valere arma spiritualia, quam corporalia. Talia sunt omnia illa, quibus quisque sigillatim se à diaboli infestatione immunem ac illæsum præstare potest, quæ superius commemorauimus. Si enim quisque sibi ipsi satis à dæmone cauet, cōtinuo etiam toti communitati satis ab eo cautum erit.

II. Solemnis & publica abrenuntiatio diabolo facta, post conciones toti populo prælegi solita. Multum enim valet hæc protestatio aduersus diaboli machinationes. Vnde Chrysostomus hom. 21 ad populū Antiochenum: *Cum esianua vestibula transgressurus, hoc prius loquere verbum: Abrenuntio tibi Satana. Sum hoc verbo & Crucem in fronte imprime.* Quæ causa est, cur optem etiam in Confessionali, præsertim à fœminis, eam abrenuntiationem, vt quædam formulæ confessionum habent, præmitti. Nam experientia didici eas ad hoc non facile adduci, quæ de veneficij crimine suspectæ sunt &c.

III. Publica protestatio fidei Catholicæ, iuxta formulam Pij V. aut breuiorem ex ea desumptam sæpius repetita, plerunque enim defectu fidei accidit hoc strigum cum diabolo pactum & commercium.

IV. Officiû & Missa de S. Michaelē Luciferi debellatore, & Ecclesiæ Patrono, de quē Angelo loci custodē, quot hebdomatibus, aut saltē singulis mensibus solemniter celebranda, pro huius criminis extirpatione.

V. Bona institutio liberorū ac familiæ, maxime vt sublata præiura iurandi, imprecandi, maledicendi, blasphemandi, turpiumue iocorum consuetudine, ad preces quotidianas diligenter assuescant, & sacro Missæ officio, & Cathéchismo, vel concioni diebus festis reuerenter intersint.

VI. Supplicationes & preces publicæ, pro eodē crimine extirpando & diabolo



diaboli studijs frangendis. Si enim contra pestem, bellum, tempestates, supplicationes & preces indicuntur, cur non multo magis contra hanc animarum pestem, contra hanc diaboli tyrannidem &c. Hæc ut opinor sufficient.

Reliqua verò, quæ ad hunc pro-

cessum aduersus striges pertinent, videri possunt apud citatos, qui de hac re fusius scripserunt, in quibus præcipuè sunt Delrius in suis libris *disquisitionum* & hoc antiquiores, Maleus maleficarum *part. 2. & 3.* & Petrus Binsfeldius *tract. de Confess. maleficorum.*

## LECTORI BENEVOLO.

**Q**uia R. P. Tannerus tractatu hoc de Processu aduersus Sagas de earundem ad diuersa loca translatione quoque meminit; atq; multa hic obiter, aliud scilicet ex instituto agens, quæ non leuem apud huius ætatis doctos pariter & indoctos, pios & impios Sagarumque patronos, patiuntur controuersiam, attigit; de extrema scilicet strigum malitia, & inexplebili ingenus humanum odio, de prauis demonum & Veneficarum machinationibus, quousque utrorumq; & potestas & nequitia sese porrigat: libuit commodotuo ex eiusdem Patris disputat: de Angelis ad 1. p. S. Thomæ has paucas dubitationes seu quæstiones separatim hic adiungere: eo quidẽ ordine, ut quia de translatione Sagarum ad nocturnos conuētus dicturi eam in fronte ponamus, quæ, an in demonibus potētia loco-motiva sit, disquirat.

QVÆSTIO I.

An, quæ, & qualis potentia loco motiua, seu operatiua ad extra, sit in Angelo; an ab intellectu & voluntate distincta; an etiam actiua in distans; & miraculorum operatiua.

1 ASSERTIO I. Est in Angelis potentia quædam naturalis operatiua ad extra, qua saltem corpora localiter mouere possunt. Ita sanctus Thomas 1. p. quæst. 110. artic. 3. & communis omnium Doctorum; post Aristotelem libro 12. Metaph. tex. 44 aliosque Philosophos, qui docent re ipsa cælos moueri ab intelligentijs, siue substantijs spiritualibus.

Nec dissentit Guilielmus Parisiensis, dicit à Delrio libro secundo Disquisit. Mag. in diuersum citatus. Et enim Tract. de vniuerso part. 2. secunda partis cap. 71 expresse ait: Cum ex narrationibus historicis, atque Prophetis manifestum sit, huiusmodi substantias & ciuitates subuertisse, & alia non pauca similia fecisse manifestum est, eas virtutem huiusmodi habuisse. Si verò quis dixerit, quia huiusmodi perfectio, non fuit innata, siue naturalis, sed potius de nouo data, cum ad huiusmodi faciendâ creator illas misit; dico, quia & hoc vane dicitur: eodem quippe modo dicere posset, & de virtute intellectiua. Idem docet cap. 70. Nec obstat, quod vtroque loco docet, Angelos solum mouere corpora imperando; non enim negat mouere efficaciter per se ipsos, ita vt vis effectiua motus sit in Angelis, sed solum docet, eam

vim effectiuam aliam non esse, quam imperium voluntatis, absque alia potentia exequente realiter distincta, de qua re inferius.

2 Probatur assertio passim ex scriptura, præsertim ex Danielis cap. 14. vers. 35. vbi de Propheta Habacuc in Iudæa constituto dicitur: Et apprehendit eum Angelus Domini in vertice eius, & portauit eum capillo capitis sui, posuitque eum in Babylone supra lacum in impetu spiritus sui. Et mox vers. 38. Porro Angelus Domini restituit Habacuc confestim in loco suo. Et Matth. 4. vers. 5. de Christo dicitur: Tunc assumpsit eum diabolus in sanctam ciuitatem, & statuit eum super pinnaculum templi &c. Et vers. 8. Iterum assumpsit eum diabolus in montem excelsum valde, &c. Ex quibus locis certissimum est, vim motiuam ad extra naturaliter conuenire Angelis, tum bonis, tum malis.

3 Neque enim dici potest, vim hanc mouendi solum miraculose fuisse communicatam his Angelis, tum ob dictam causam, ex Parisiensis; tum quia Deus ea ratione conuenientius per seipsum mouisset absque Angelo; tum quia illud, In impetu spiritus sui, manifeste vim naturalem significat. Denique cum diabolus peruersa voluntate Christum detulerit, non est dicendum, voluisse Deum per miraculum ipsi eam vim communicare, cooperando quasi speciali influxu ad malum.

4 Idem patet pluribus alijs exemplis eorum Angelorum, qui ad homines forma visibili missi sunt;



vt in Angelis, qui apparuerunt Abrahamæ *Genesis* 18. & Loth. *Genesis* 19. item in Raphaelæ, qui comitatus est Tobiam *cap. 5.* & Gabriele qui ad Virginem missus *Luc. 1.* & Angelis qui ministrarunt Christo *Matth. 4.* idem docent SS. Patres, in primis Augustinus *libro tertio de Trinitat. capit. 8. & 9.*

Ratio S. Thomæ est. Quia vt dicit Dionysius *cap. 7. diuin. nom. Diuina sapientia coniungit fines primorum principijs secundorum.* Ex quo patet; quod natura inferior (vti est corporea) in sui supremo attingitur à natura superiori, nimirum spirituali: in corporibus autem motus localis ex suo genere est supremus & perfectissimus omnium: Ergo necesse est, vt Angeli saltem motum localem in corporibus efficere possint. Minor probatur, tum ex Aristotele *8. Physic. text. 57.* Tum quia motus localis inter omnes minimè corruptiuus est, nec mutatione corruptiuus quicquam in mobili intrinsecum ponit, aut destruit. His accedit, quod Angeli naturaliter seipso; & animæ corpus sibi vnitum, eoque mediante corpora cætera possunt mouere: quid nî ergo etiam Angeli, cum sint substantiæ viuentes & spirituales multo perfectiores, quam animæ, corpora mouere possint?

6 *Affertio II.* Potentia hæc loco motiua, seu operatiua ad extra, non est re ipsa distincta à potentia naturali Angeli, qua seipsum mouet. Hanc

assertionem expresse tradit Suarez de Angelis *libro 3. capit. 29. numero 4.* & alij ab eo citati. Ratio est. Tum quia idem est vtrobique terminus formalis; nempe vbi locale. Tum quia etiam in anima, eadem est potentia loco motiua, qua suum corpus, & alia extra se constituta mouet. Tum quia Angelus, non mouet alia à se diuersa, saltem ad locum planè diuersum, nisi vel seipsum simul mouendo, vel imprimendo impetum, ab eadem naturali potentia motiua profectum: sicut etiam homo pariter eadem potentia loco motiua tum deferendo, tum imprimendo impetum alia extra se posita mouet; quando nimirum pilam vel manu gestans circumfert, vel impresso impetu proijcit.

*Affertio III.* Angelus non potest agere in distans, adeoque nec immediatè mouere corpus, nisi cui secundum substantiam suam præsens est. Ita habet communis Doctorum sententia, & speciatim tradit sanctus Thomas *1. part. question. 52. articulo. 1. & quodlib. 6. articulo 2. ad 1. & quodlib. 9. à 10. ad 2.* Caietanus & omnes Thomistæ cit. *articul. 1. cæterique Scholastici communiter in 1. distinctione 37. & in 2. distinct. 2. & 3.* in quibus etiam Scotus *in 2. distinctione 2. question. 5. & 6.* nec dissentit Durandus *in 1. distinctione 37. part. 2. question. 1. & in 2. distinctam. 8. question. 3.* & sequuntur Vaquez *disputat. 189. cap. 3.* Conimbricenses *6. Physic. cap. 2. quest.*

1. Suarez Metaph. disputat. 18. sect. 3. & ad 1. part. 3. Thom. de Angelis libr. 4. cap. 30. numer. 5. & 6. ubi tamen non satis constanter loquitur, maximè propter eam, quam de locutione Angeli amplexus est sententiam *alibi* relata & refutata.

3. Quamquam non desunt plures, tam veteres, quam recentiores Theologi, qui docent, Angelum posse immediatè operari, ubi non est præsens secundum suam substantiam, adeoq; in distans. Ita Hæruus tract. de motu Angeli quæstion. 1. ad 3. & in 1. distinct. 17. quæstion. 1. Ockam ibidem, Gabriel ibidem artic. 3. dub. 1. qui ita fere etiam de agentibus corporeis sentiunt. Et fauent Magister in 2. distinct. 8. cap. ultim. & Scotus in 1. distinct. 37. quæstion. 1. & sequuntur non pauci recentiores teste Vasquez loco citat. cap. 1. speciatim Albertinus tom. 1. Princip. 1. coroll. 16. numer. 10. post Auicennam & Aphrodisiensem.

9. Sed probatur assertio primum auctoritate. Ita enim generatim de naturalibus agentibus docet Aristoteles 7. Physic. cap. 2. & speciatim de Intelligentia cælum mouente libr. 2. de cælo c. 2. Idè docet Damascenus lib. 1. de fid. cap. 17. ubi de Angelo ait: *Nec alibi est; verum intellectualem in modum illic circumscribitur, ubi operatur.*

10. Secundo probatur ratione. I. Quia alias nulla ratio esset, cur non posset operari Angelus in quouis loco remotissimo: Si enim distantia passi actioni agentis nil obest, nec opus

est per medium transmittere actionem, aut vim actiuam; nihil obstat etiam, quantumvis magna distantia eiusdem agentis actioni: hoc verò nec aduersarij faciliè concesserint. II. Quia sic etiam Angelus assumere posset corpus, etiam si ei præsens non esset; id verò non satis consonum est, tum apparitionibus Angelorum in assumpto corpore; tum communi sensui Ecclesiæ, quoad energumenos seu oblectos à diabolo, aduersus quem preces Ecclesiæ & exorcismi velut præsentes adhibentur. III. Quia vniuersali inductione, & experimento satis constat, res cæteras naturales & corporeas non posse operari in distans, sine actione, aut vi actiua transfusa per medium; quicquid authores oppositæ sententiæ in contrarium dixerint: nec apta ratio assignari potest diuersitatis in Angelis. IV. Quia ex opposita sententia non esset causa, cum Angeli substantialiter mitterentur de cælo in terras, siue ad custodiam hominum, siue ad punitionem, siue ad alia peragenda aut denuntianda. V. Opposita sententia ianuam aperit superstitionibus, & superstitiosis medijs ad varij generis effectus procurandos: V. G. per vñctionem vulnerariam, & similia.

Nec obstat, quod Angeli voluntate agunt etiam in exteriora: voluntas autem ad suam actionem non requirit præsentiā obiecti. Primo enim ex nostra sententia Angeli immediatè ad extra non agunt



agunt voluntate, sed potentia executiva realiter distincta, ut dictum. Deinde etiam si voluntate immediate agerent ad extra, nihilominus tamen argumentum ab obiecto ad effectum nullius esset momenti: quia cum obiectum tantum moueat voluntatem in quantum cognitum est, nihil obstat eius localis & realis distantia volitioni; at verò in subiectum passum ipsumque effectum debet agens naturale realiter influere; cum quo proinde debet realiter coniunctum esse, siue per se, siue per virtutem aut actionem à se transmissam: quod proinde etiam de voluntate & intellectu dicendum, si immediatè ad extra operarentur. Quod notauit etiam S. Thomas quodlib. 9. articul. 10. ad 2. ubi ait, *quod licet Angelus moueat per imperium, nihilominus imperium hic non dicitur sine virtute actiua, quam oportet aliquo modo contingere corpus motum.*

31 *Assertio IV.* Angeli virtute naturali nō possunt facere vera miracula. Ita S. Thomas 1. part. quest. 110. artic. 4. & quest. 114. art. 4. & 3. cont. gent. cap. 102. & 103. Caietanus, Ferrariensis, commentatores ibidem. Alensis 2. part. questio. 42. & 43. Bonauentura, & alij Scholastici communiter in 2. distinct. 7. quos sequitur Gregorius de Valentia ad 1. part. S. Thom. disputat. 8. question. 5. punct. 2. & Suarez ibid. de Angelis libr. 4. cap. 39. Ratio S. Thomæ, eaque optima est. Quia de ratione veri miraculi, & quod simpliciter tale sit,

est, ut sit præter ordinem totius naturæ creatæ: angelus autem in virtute propria & naturali non potest facere aliquid per totum ordinem naturæ creatæ; hoc ipso quod propria etiam eius virtus creata est: Ergo, &c. Minor patet. Maior probatur. Quia ad miraculum non sufficit, ut aliquid fiat, præter ordinem naturæ alicuius particularis; sic enim ille, qui proijcit lapidem sursum, miraculum faceret; cum hoc sit præter ordinem naturæ lapidis.

Idem confirmatur ex ipsa notione nominis miraculi, iuxta S. Thomam 1. part. quest. 105. artic. 7. Miraculum enim dicitur, quasi *admiratio plena*: quod per se & absolutè non conuenit, nisi illi, quod habet causam simpliciter, & omnibus occultam, uti est DEVS. Cætera verò quæ habent causam naturalem, licet nobis incognitam, non sunt per se occulta, vel admiratione plena: sed solum per accidens, ratione ignorantie nostræ; cum alioqui causa naturaliter sit cognoscibilis; quā cognitā, cessat admiratio.

Ex quibus colligitur, solum Deū virtute propria & naturali facere posse vera miracula; siue actiones ipsæ tales sint, quæ secundum se etiam & ex suo genere, à nulla re creata naturaliter fieri possint, ut est resuscitatio mortui; siue ex parte modi ita fiant, ut eo modo naturaliter à nullo agente creato fieri possint.

possint; vt est sanatio subita ægri, sine applicatione causæ secundæ, etiam si morbus ille ex suo genere non fuerit incurabilis, &c. Atque hanc doctrinam tradunt etiam scriptura & SS. Patres. *Psal. 71 vers. 18. Benedictus Dominus Deus Israel, qui facit mirabilia solus. Psal. 76. v. 15. Quis Deus magnus, sicut Deus noster? Tu es Deus, qui facit mirabilia. Psal. 135. v. 4. Qui facis mirabilia magna solus.* De qua re plura, Basilii Theodoretus, Chrysostomus, Augustinus in eadem psalmorum loca, & rursum Augustinus epist. 3. ad Volusianum. Interim non negandum, fieri posse quædam ab Angelis mirabilia, quorum causa & ratio cum nobis occulta sit, dici possunt, *miracula quoad nos, & secundum quid, vt notauit idem S. Thomas cit. q. 110. a. 4 ad 2.*

## QVÆSTIO II.

*Quas res Angeli loco mouere, aut sistere possint, an non solum corporeas, sed etiam alias spirituales substantias: & quo modo; an etiam impresso impetu; & virtute illimitata ad mouendum.*

S. Thomas 1. p. q. 109. a. 4. & 110. a. 3.

**D**VO hac dubitatione quærentur. Primum spectat subiectum mobile: cum enim ex dubio præcedenti constet, corpora ab Angelo moueri posse, nunc quæstio est, tum de Angelis, tum de animabus; an scilicet Angeli animas, & vnus Angelus alium Angelum loco mouere naturaliter possit; aut etiam in loco sistere

seu detinere. Alterum pertinet ad modum mouendi: siue is spectetur ex parte medijs, an scilicet fieri possit etiam impresso impetu seu impulsu, quo mediante Angelus moueat: siue spectetur ex parte subiecti, & virtutis motiue naturalis: *ubi quæstio est, an hæc sit determinata, tam in ordine ad magnitudinem subiecti mobilis: quam velocitatem motus.*

**A**ssertio I. Angeli propria sua & naturali potentia, non solum corporeas substantias, sed etiam animas hominum: adeoque vnus aliquis eorum, etiam Angelum alium loco mouere, in eoque sistere potest. Hæc assertio quoad animas est communis sententia, & traditio Patrum, ac Theologorum, qui docent, animas damnandas, cum primum separantur à corpore, à dæmonibus violenter raptari ad tartara. De Angelis vero inter se comparatis res non est tam certa, nec ab antiquis Theologis admodum disputata; eam tamen tradunt Maior in 2. dist. 2. q. 7. Molina q. 52. a. 3. Suarez Metaph. disp. 35. sect. 6. n. 28. & ad 1. p. S. Thom. de Angelis lib. 4. c. 28. Zumell. ibid. q. 53. art. 1. q. 5. & Pelantius a. 1. disp. 2. et si Vasquez disp. 194. cap. 3. contrarium sentiat, asserens, *frivolum esse, quod quidam comminiscuntur, Angelos alios quos tanta esse virtutis, vt aliquo impulsu quasi impresso alteri Angelo, ipsum moueant ad alium locum, vel alicui loco alligent, cum hoc sit proprium corporum.*

Sed abstrahendo nunc à modo, eum motum efficiendi, an scilicet fiat impresso impulsu, an non, probatur



*assertio I.* Quia dæmones naturali virtute raptant & mouent animas damnatas ad infernum, vt dictum: nec enim vlla est ratio, cur hoc ab eis fieri dicatur virtute supernaturali; Ergo etiam Angeli possunt alios Angelos ita mouere: quandoquidem par est ratio vtroque; tam ex parte mobilis, cum vtrumque sit spirituale; quam ex parte mouentis, saltem si Angelus alium Angelum mouens ponatur esse superior respectu huius, adeoque maioris virtutis naturalis. II. Angelus sua natura est loco mobilis ab extrinseco, nimirum à Deo; nec iste effectus, cum sit finitæ perfectionis, per se requirit infinitam virtutem; alias enim nec seipsum Angelus naturaliter mouere posset: Ergo non est ratio, cur negetur posse effici ab aliquo Angelo saltem superiore, eo, qui mouendus est. III. Omnis substantia viuens, quæ seipsam potest loco mouere, potest etiam ab alia sui generis moueri, si modo fortiorem habeat vim ad mouendum, quam altera ad resistendum: Vel quod idem est: Omnis substantia, quæ seipsam naturaliter loco mouere potest, potest etiam eadem vi naturali etiam similem sibi, adeoque capacem naturaliter motus localis, loco mouere; si modo alias virtute naturali huius resistantiam superet; vt patet dum inductione; tum ratione; quia eadem est potentia ad se, & ad aliud sibi simile mouendum, cæteris pa-

ribus. IV. Non male argumentatur Maior *loc. cit.* Angelus potest mouere corpus secundum omnes: Ergo potest mouere Angelum inferioris, vel eiusdem speciei. Denique nulla est ratio in contrarium.

*assertio II.* Angelus non potest naturaliter mouere alium Angelum inuitum, adeoque resistentem, se superiorem, nec omnino æqualem, sed tantummodo inferiorem, siue secundum speciem, siue secundum rationem indiuiduam. Hanc assertionem quoad superiorem Angelum secundum speciem, expresse tradunt Maior, Suarez, & alij citati: eademque est ratio superioris secundum rationem indiuiduam, aut etiam plane æqualis; si quidem talis detur inter Angelos eiusdem speciei, naturalis virtutis excessus aut æqualitas.

*Ratio est.* Quia à proportionem inæqualitatis, aut etiam omnimodæ æqualitatis, tam ad agendum ex vnius parte, quam ad resistendum ex parte alterius, non sequitur actio; sed bene ab excessu virtutis ad agendum respectu passi ad resistendum; quo autem Angelus natura superior est, eo habet maiorem vim agendi & mouendi, quam inferior; ac proinde etiam habet maiorem vim ad mouendum, quam hic ad resistendum: Ergo potest hunc quamuis inuitum & repugnantem loco mouere. Et si Zamel *loco citato* putet, nec inferiorem quidem Angelum posse inui-

inuitum loco moueri à superiori , sed absque fundamento , vt recte Suarez loco citato numero nono & de-  
cimo.

*Assertio III.* Potest tamen Angelus inferior naturaliter loco mouere etiam superiorem; si hic non resistat. Ita Suarez cum alijs loco citat. *Ratio est* Quia cum alioqui superior Angelus sit natura sua mobilis loco, & resistentia illa arbitraria sit ipsi, sane hac sublata, nihil est, quod motum etiam ab inferiore adhibendum impediatur. Nec enim, vt in corporibus accidit, resistentia illa in Angelis naturalis & necessaria est: alioquin etiam respectu motus intrinseci resistentiam haberent; sed arbitraria, vt dictum. Nisi quis dicat, propter naturalem improprietatem, & defectum virtutis, ex parte Angeli mouentis, fieri non posse, vt Angelus inferior superiorem vnquam mouere naturaliter possit: sicut corpus non potest mouere spiritum, & cæt. Quod non videtur omnino incredibile.

*Assertio IV.* Diuina autem virtute fit, vt sicut Angelus malus, licet natura superior, nequeat mouere inferiorem bonum; ita possit inferior bonus superiorem malum mouere aut sistere loco, quantumuis resistentem. Ita iuxta Sanctum Thomam *1. p. quest. 109. art. 4.* Suarez, & recentiores citati pro assert. præcedent. *Ratio est.* Non solum quia plane indecens est, & inconueniens statui

beatorum, vt vim vllam patiantur ab vlllo agente creato; nedum ab Angelis damnatis; sed etiam quia cuiusdam imperfectionis est, moueri solum ab extrinseco; quæ proinde imperfectio à beatis Angelis abesse debet. Qua de causa existimat Suarez *loc. cit. numero octavo*, etiam inter beatos Angelos, nunquam moueri vnnum ab alio; non solum inuitum, sed nec etiam volentem. Præsertim quia Angelus beatus ad nutum alterius se mouet, quando alter imperandi potestatem habet; quo fit, vt sola locutio; sine alia extrinseca actione, inter sanctos Angelos sufficiat.

Nec obstat, quod Christus homo beatus à dæmonibus translatus & loco motus est. Christus enim simul Viator erat, cui sicut alia huius vitæ mala, & defectus naturales, vt mors & tormenta, ab extrinseco inferri potuerunt, ita etiam motus localis à dæmonibus, si quidem ipse illis nollet resistere.

E contrario autem, quia diuina lege & ordinatione dæmones nunc, in statu damnationis, Angelis beatis subiacent, eorumque potestate compescuntur & coercentur, vt docet Sanctus Thomas *loc. citat.* & ex scriptura constat, hinc fit, vt diuina virtute Angeli beati, licet natura inferiores, possint dæmones quamuis resistentes facile loco mouere aut continere; quia virtus gratiæ maior est, quam naturæ: siue quia dæmonum

*vis*



vis alioqui naturalis ad resistendum diuinitus cohibetur; siue quia vis motiua Angeli beati diuino munere auctior est. *Nec obstat*, quod Angeli per peccatum naturalia non amiserunt; sed eadem etiam post peccatū integra conseruant. Hoc enim intelligendum est, de naturalibus viribus in actu primo spectatis; non autem de vltu ipso naturalium virium, vt etiam *alibi* dictum.

Atque hæc de subiecto mobili, ad priorem huius dubitationis partem pertinent. *Ad alteram vero partem*, de modo mouendi, sequentes assertiones spectant.

9 *Assertio V.* Cum Angelus alium Angelum seu spiritum loco mouet, non mouet impresso impetu; sed immediatè per se ipsum. Ita à potiori Suarez citandus *assert. 8. Ratio est*. Quia hoc ex vna parte non est necessariū; siquidem Angelus potest mobile, cui præsens est, per se ipsum immediate mouere, vt dicitur. Ex altera vero dubium est, an Angelus impetum seu virtutem motiuam immediatè per se ipsum mobili imprimere possit; & probabile est, non posse, nisi per instrumentum corporeum, quod respectu spiritus locum non habet.

10 *Assertio VI.* Quando Angelus corpori saltem secundum aliquam eius partem præsens est & permanet, tum potest & solet Angelus pro suo libitu id mouere immediatè per se ipsum, sine vltu impetu ipsi impresso, adeoque etiam lapidem in aere tum oblique cingere, tum sistere vbi volue-

rit. Ita sentio cum Suarez *Metaph. d. 35. sect. 6. n. 25. & ad 1. p. S. Thom. de Angelis li. 4. c. 31.* contra Vasquez ibid. d. 182. d. 2. 8. n. 9. vbi docet, non solum posse Angelum per se immediate imprimere impetum corpori, eoque mediante corpus etiam distans mouere; (quod docet etiam Molina *ad 1. p. S. Thom. q. 110. a. 3.*) sed etiam necessariam esse eam impetus impressionem, quoties corpus ab Angelo in medio aere quasi suspensum detinetur, vel per aerem secundum lineam transuersam mouetur.

11 *Probatur assertio.* Primo enim, modus magis connaturalis est, absque impresso impetu mouere; non solum quia per se minor hic violentia interuenit; sed etiam quia natura odit superflua, & quod æquè facile & commodè potest fieri per pauciora: non solet fieri per plura; potest autè Angelus corpus sibi præsens sine impetu impresso mouere; quia nec vis actiua, nec conditio requisita ad hunc effectum deest. Deinde quod speciatim ad detentionem corporis in libero aere attinet, nihil opus est impetu impresso. Quia sicut Angelus per se ipsum mouere corpus potest, adeoque successiue & continuo aliud & aliud vbi in eo producere, ita potest etiam per se immediatè idem vbi constanter in eodem conseruare, quo facto nihil opus est alio impetu seu qualitate ab Angelo impressa: sicut idem agens calidum vt quatuor, potest in aqua calorem vt quatuor producere, & simul etiam perpe-

perpetuo influxu eundem confer-  
nando, ob stare, ne eadem aqua ad  
suum statum naturalem frigiditatis  
se reducat. Idem est, cum lapis ab  
Angelo in aere per transversam li-  
neam mouetur; quia nec tunc opus  
est impresso impetu, sed satis est An-  
gelo immediata sui applicatione, &  
permanente coniunctione cum eo-  
dem, eundem ita mouere; hæc ipsa e-  
nim efficacia Angeli per se ipsum  
immediate mouentis, sufficit, tum ad  
lapidem mouendum, tum ad eun-  
dem detinendum, ne descendat, vt  
bene Suarez *cit. cap. 31. n. 7. & 8.*

Ex quo colligitur, re ipsa etiam cæ-  
lum ab Angelo moueri, absque im-  
presso impetu, seu virtute motiua &  
impulsiua in eodem producta: quia  
Angelus cælo à se mouendo sub-  
stantialiter præsens est, vt cum Ari-  
stotele *lib. 8. Physic. c. vlt. & 2. de cælo c. 2.*  
docent S. Thomas *1. p. q. 52. a. 2.* Bona-  
uentura; Scotus, & alij *in 2. d. 2.* qui  
dicunt, Angelum esse in aliqua de-  
terminata cæli parte, vnde motum  
inchoat; potest ergo Angelus cælum  
per se ipsum mouere, etiamsi ipse in-  
terim cum eo non circumuoluatur,  
sed immobilis persistat: Ergo super-  
uacaneus est impetus impressus. De-  
inde omnis impetus mobili impres-  
sus, cum in progressu deficiat & de-  
bilitetur, hoc sua natura habet, vt ini-  
tio celerius, quam circa finem, aut  
medium, idem mobile moueat: mo-  
tus autem cæli est æqualis & uni-  
formis: Ergo impossibile est natura-  
liter, vt impresso impetu efficiatur.

Quia tamen Angelus non potest ro-  
tius cæli substantiæ immediatè præ-  
sens esse (sic enim simul etiam facile  
in cælo posset esse, & in terra) ideo  
fatendum est motum cæli ab vna  
certa parte, cui præsens est Angelus,  
inchoari, & sic per totum corpus e-  
iusdem cæli consequenter diffundi;  
ita vt non quidam tempore, sed na-  
tura prius moueatur illa pars, cui  
præsens est: hæc vero secum alias, ob  
mutuam solidamque connexionem,  
quasi pertrahat, vt pluribus declarat  
Suarez *cit. c. 31.*

*Affertio VII.* Potest tamen etiam  
Angelus mediante corpore, seu in-  
strumento corporeo, alteri corpori,  
mobili, imperum seu vim motiuam  
imprimere, & ita mediante impetu  
impresso mouere: idque re ipsa neces-  
sario fit, quando Angelus mouens,  
mobili, dum ita mouetur, præsens  
non est Ita Suarez *ad 1. p. S. Thom. 1. cit.*  
*de Ang. & Metaph. disp. loc. citat. & con-*  
*sentiant à fortiori Vasquez & Mol-*  
*ina mox citandi. Ratio est.* Quia quis-  
quis per se ipsum immediate potest  
aliquod corpus mouere, eo ipso etiā  
potest id ipsum corpus violenter im-  
pellere in aliud corpus: vt ita huic  
impetus seu vis motiua imprimatur:  
Quibus consentiunt ea, quæ à spiri-  
tibus nocturnis nonnunquam fa-  
ctitari audimus, vt cum lapides, vasa,  
resque alias in ædibus hinc inde pro-  
ijciunt, & collidunt. Ex quo sequitur  
Angelos posse mouere corpora, non  
solum quasi portando, aut trahendo,  
sed etiam proijciendo, saltem medi-

h

ante



ante alio corpore, tanquam instrumento, ut dictum.

14

*Affertio VII.* An vero possit Angelus per seipsum immediate corpori imprimere impetum, seu qualitatem motiuam, vel non, incertum est, & utrumque probabile. Probat & declaratur. Affirmantem enim sententiam tradunt Molina *ad 1. p. 8. Thom. q. 110 a. 2.* & Valquez *cit. d. 218. num. 9.* & luaderi potest. Tum quia utroque modo posse mouere corpus scilicet immediate per se, & mediante impetu seu impulsu, cuiusdam perfectionis est, quæ cum hominibus conueniat, non videtur deneganda Angelis, cum habeant virtutem motiuam multo præstantiorem, quam homines. Tum quia eiusdem virtutis esse videtur, mouere aliquid violenter, & qualitatem motiuam transeuntem ad hoc imprimere.

15

Negatiuam autem velut probabiliorem tueretur Suarez *Metaph. d. 35. sect. 5. n. 24. & 25. tametsi cit. l. 4. c. 31. à n. 9.* rem in medio dubiâ relinquat, ratus utramque partem esse probabilem. *Ratio est.* Tum quia ex communi Doctorum sententia, Angeli non possunt aliquid extra se efficere immediate, præter motum localem, nõ autem aliquam qualitatem, qualis est etiam impetus ille seu impulsus, qui nihil aliud est, omnium sententia, quam qualitas motiua. Tū quia ex suo genere perfectior est modus ille mouendi per seipsum immediate quam mediante impetu, non solum quia magis connaturalis est, ut dictum,

sed etiam quia hac ratione motus ipse magis in potestate mouentis est eiusq; arbitrio plenius subiaceret. Cum ergo Angelus facile possit omnia mouere immediate per seipsum, ut ex dictis colligitur, non opus habet vi productiua impulsus: præterquam quod ipsum etiam impulsus, si eo quandoque opus est, efficere potest saltem mediante alio corpore, velut instrumento, ut dictum: sicut etiam cæteras qualitates & formas, quas corpora per se ipsa immediate producant, Angeli non possunt producere, nisi mediantibus causis secundis ut dicitur. Ex quibus etiam patet responsio ad contraria fundamenta.

*Affertio IX.* Vis motiua Angeli determinata est, non solum quoad pondus mobilis, seu qualitatem corporis mouendi, si in motu resistantiam habeat: sed etiam quoad velocitatem motus, in quocunque demum mobili efficiendi: ita ut non possit Angelus naturaliter quocunque velit corpus & quanta velit celeritate loco mouere, sed ut determinatam suisque viribus non impari molem ea celeritate mouere possit, quæ naturali ipsius Angeli perfectioni respondeat. Ita ex communi & certa Valquez *d. 97. Suarez Metaph. d. 35. sect. 6. & cit. l. 4. c. 32.* & Deltius *lib. 2. disquisitionum Mag. qu. 16.* ubi etiam contrarium damnaſſe fertur articulus quidam Parisiensis.

*Ratio est.* Quia virtus motiua Angeli finita est: Ergo determinata ad certam veluti quantitatem obiecti,

& ve-

& velocitatis perfectione. Dixi tamen, si mobile resistantiam habeat: hinc enim tantum, & non ex ipsa præcise magnitudine mobilis petenda est limitatio & determinatio virtutis motiua. Quod si corpus resistantiam ad motum non habeat, vti est cœlū, nil obstat: quo minus aliud maius etiam in infinitum syncategorematice ab Angelo moueri possit, vt recte Suarez loquitur, & particulatim dicitur *disp. 6 q. 4. dub. 3. ad 1. p. S. Th.* Sicut ob eandem causam diximus supra, posse Angelum non resistantem etiam superiorem à quolibet inferiori Angelo moueri.

E contrario, si mobile resistantiam habeat, vt habent omnia graua, imo etiam omnia sublunaria, siue ex se, siue ex parte medijs, fieri poterit, vt mobile tantæ sit resistantiæ, quæ ab Angelo naturaliter superari non possit, vti credibile est, re ipsa ob hanc quoque causam, etiam abstrahendo à lege Dei hoc impediente, totam terram ab vno Angelo moueri non posse. Vti vero nonnulli docuerunt, posse Angelum seipsum maiori & maiori celeritate in infinitum mouere, eo quod resistantiam non habeat, ita existimat Suarez hic non improbabile, posse Angelum qualibet maiori celeritate in infinitum mouere cœlum, aliudue mobile, quod nullam resistantiam habeat: sed contrarium est verius, vt ipsemet fatetur: & suo loco dictum supra *disp. 5 q. 2. du. 3. ad 1. p. S. Th.* De motu vero cœlorum per Angelos pluribus age-

mur d. 6. q. 4. dub. 3. ad 1. p. S. Thom.

### QVÆSTIO III.

*Quid particulatim de translatione sagarum ad earundem conuenticula sentiendam:*

*an vere, & qua ratione à diabolo transferantur.*

Ad S. Thomæ p. 1. q. 110. art. 3.

**Q**Via generalis doctrina per se parum vtilitatis habet, nisi quo ad opus est etiam ad particularia, velut ad praxin possit applicari operæpretium est, illam multorum iudicijs ventilatam quæstionem, cum tradita hæcenus doctrina coniunctam discutere, *An nimirum, & qua ratione sagæ seu striges, vtriusque sexus, à damone vere & corporaliter transferantur, ad nocturna illa, quæ omnium ore celebrantur, conuenticula, in quibus omnis generis nefaria crimina nefandasque voluptates exerceant.* Quæ quæstio tamen si de sagis rite ferenda non parum habeat momenti, non tamen ad tribunalia iudicium, sed cathedras Theologorum ventilanda pertinet, vtpote ex principijs Theologicis potissimum, non ex fori legibus decidenda.

Sunt autem hac de re vniuersim due scriptorum sententiæ. Prima vniuersim negat, sagas siue striges vere & corporaliter ad eiusmodi conuenticula à damone transferri, rati eas translationes solum esse phantasticas, & delusiones imaginarias, à damone huic hominū generi immisas



ut somnijs delusi existiment, se vere corporaliter à dæmone transferri, cum re ipsa tamen domi immobiles perseuerent. Ita sentiunt non solum A catholici Scriptores communiter Wierus, Godelmanus, Agrippa, & Sectariorum huius temporis Antesignani. Lutherus & Melanchthon, quos refert Martinus Delrius lib. 2. *Disquisit. Mag. qu.* 16. sed ex ijs etiam qui Catholicum nomen profitentur, non pauci Iureconfulti seu phyfici apud eundem, tum Itali, in quibus Ponzinibius, lib. *sing.* Porta, Alciatus, tum Galli, speciatim Duarenus, Aerodius, Michael Montanus, & ex Hispanis, F. Samuel lib. *sing.* Author Fortalitij, Martinus de Arles: denique ex Germanis, Philippus Camerarius, Vlricus Molitor, Leonardus Vairus, & alij.

3 Cuius quidem sententiæ fundamentum præcipuum petitur ex Iuris Canonici decreto, *Can. Episcopi* 26. q. 5 qui tribuitur ibidem Concilio Aquirensi seu Ancyrano c. 1. Verba autem Canonis ita habent: *Episcopi, eorumque ministri, omnibus modis elaborare studeant, ut perniciosam, & à Zabulo inuentam sortilegam magicam artem, ex parochiis penitus eradicent: & si aliquem virum aut mulierem huiusmodi sceleris sectatorem inuenerint turpiter debonestatum de parochiis suis euiciant. Ait enim Apostolus (ad Tit 3) Hereticum hominem post primam & secundam correptionem deuota; sciens quia subuersus est, qui huiusmodi est. Subuersi sunt, & à diabolo captiui tenentur,*

qui relicta Creatore suo, diaboli suffragia querunt: & ideo tali peste debet mundari sancta Ecclesia. Hæc prima pars Canonis est. Sequitur altera.

4 Illud etiam non est omittendum, quod quadam scelerata mulieres, retro post Satanam conuersa, demonum illusionibus & phantasmatis seducta, credunt & profitentur, se nocturnis horis, cum Diana Dea Paganorum, vel cum Herodiade, & innumera multitudine mulierum, equitare super quasdam bestias, & multarum terrarum spatia intempesta noctis silentio pertransire, eiusque iussionibus obedire, velut domina: & certis noctibus ad eius seruitium euocari. Sed utinam hæc sola in sua perfidia periissent, & non multos secum ad infidelitatis interitum pertraxissent. Nam innumera multitudo, hac falsa opinione decepta, hac vera esse credunt, & credendo à recta fide deuiant, & errore paganorum inuoluuntur, cum aliquid diuinitatis, aut Numinis, extra vnum Deum arbitrantur. Hæc est propositio de sagarum eius temporis crimine & infideli persuasione, sequitur decretum & constitutio, cui simul adiungitur ratio & declaratio.

5 Quapropter Sacerdotes per Ecclesias sibi commissas, populo Dei omni instantia prædicare debent, ut nouerint, hæc omnino falsa esse, & non à diuino, sed à maligno spiritu talia phantasmata mentibus fidelium irrogari. Siquidem ipse Satanas, qui transfigurat se in Angelum lucis, cum mentem cuiuscumque muliercula ceperit, & hanc per infidelitatem sibi subiugauerit, illico transformatur in diuersarum species personarum, atque similitudinum.

litudines, & mentē, quam captiuam tenet, in somnijs deludens, modo lata, modo tristia, modo cognitas, modo incognitas personas ostendens per deuia quaq; deducit: & cum solus spiritus hoc patitur, infidelis mens hoc nō in animo, sed in corpore euenire opinatur. Ad confirmationem autem rationis spectant sequentia.

6 Quis enim non in somnijs, & nocturnis visionibus extra se educitur, & multa videt dormiēdo, qua nunquam viderat vigilando? Quis verō tam stultus & hebes sit, qui hac omnia quę in solo spiritu fiunt, etiam in corpore accidere arbitretur? cum Ezechiel Propheta (c. 1. 2. & c.) visiones Domini in spiritu, non corpore vidit, & Ioannes Apostolus Apocalypsis Sacramentum, in spiritu, non in corpore vidit & audiuit. sicut ipse didicit. statim inquit (Apocal. 1. v. 10.) fui in spiritu. Et Paulus 2. (Cor. 1. 2.) non audet dicere, se raptum in corpore. His denique subiungitur conclusio Canonis, in qua definitio repetitur & extenditur.

7 Omnibus itaque publice annuncian- dum est, quod qui talia, & his similia credit, fidem perdit, & qui rectam fidem in Domino non habet, hic non est eius, sed illius in quem credit, id est, diaboli. Nam de Domino nostro scriptum est, (Ioan. 1. v. 3.) Omnia per ipsum facta sunt. Quisquis ergo aliquid credit posse fieri, aut aliquam creaturam in melius aut in deterius immutari, aut transformari in aliam speciem, vel similitudinem, nisi ab ipso Creatore qui omnia fecit, & per quem omnia facta sunt, procul dubio infidelis est, & pagano deterior. Ita Canon.

8 Ad quem, ut apparet, respiciens Burchardus lib. 19. c. de arte magica, ita

scribit: Credidisti, ut aliqua femina sit, qua hoc facere possit, quod quadam à diabolo decepta, se affirmant necessario & ex precepto facere, id est, cum demonum turba, in similitudinem mulierum transformata (quam vulgaris stultitia Holdam vocat) certis noctibus equitare debere, super bestias, & in eodem se consortio annumeratam esse, si particeps fuisti istius incredulitatis, annum vnum per legitimas ferias pœnitere debes. Ex quibus satis patet fundamentum primæ huius sententiæ.

9 Sed nihilominus vera & certa est contraria sententia, striges non raro etiam verè & corporaliter ad sua illa conuenticula à dæmone transferri. Ita nunc habet communis Theologorū ac Iurisperitorum inter Catholicos sententia: quam ex Theologis tradūt Guilielmus Parisiensis part. ult. de vniuerso cap. 23. Abulensis inc. 4. Matth. qu. 47. Syluester 7. Hæresis n. 3. Caietanus 2. 2. q. 95. art. 3. Alphonsus à Castro de hæ. punit. cap. 16. Sixtus Senensis l. 5. Biblioth. annot. 73. Victoria relect. de Mag. q. 7. Picus Mirandulanus l. 3. dialogo strix, Angles in 2. q. vn. de Mag. art. 4. Binsfeldius conclus. 11. Delrius lib. 2. Disquisit. quæst. 16 & lib. 5. sect. 16. & apud eundem ex Canonistis Turrecremata, Remigius, Grillandus, Basinus, Pegna, Arnoldus & Malleus Maleficarum; quos sequitur Nauarrus Man. cap. 11. numer. 28. Idem habet Inquisitorum fidei à summis Pontificibus constitutorum, & omnia in Italia, Hispania, Germania, Gallia, Ecclesiasticorum tribunalium communis sensus & praxis, ut videre est, tum



ex gestis & fama publica, tum ex diuersis Bullis Pontificum ad Inquisitores fidei conscriptis, speciatim Innocentij VI. Iulij II. Adriani VI. Clementis VII. relatis apud Binsfeldiū edit. vlt. & Delrium lib. 5. sect. 16.

Idque probatur non solum constāti & concordī confessione ipsorum vtriusque sexus veneficorum; sed etiam alijs varijs aliorum experientis & oculari inspectione, quibus fides sine temeritate denegari non potest, vt videre est apud citatos.

Quibus accedit Theologica ratio. Nam vt q. 1. & 2. probatum est, Angeli boni quam mali habent naturalem vim & potentiam corpora localiter mouendi, qua proinde etiam dæmones re ipsa facile vtuntur; sic ubi & ipsi hoc suis rebus opportunum esse norint; & Deus, vt id faciant, permiserit: non est autem ratio, cur vniuersim Deus id fieri prohibeat: cum & olim in rebus alijs, & in seipso fieri hoc permiserit; & potestatem sæpè non minorem permittat dæmonibus, ad alia mala hominibus inferenda, vt in Energumenis videre est.

10 Cæterum qua ratione hæc veritas cum citato Canone conciliari possit, non eodem modo explicant auctores. Nauarrus *loc. cit. Man cap. 11. numer. 38.* citatum Canonem ita explicare videtur, vt communiter quidem & regulariter locum habeat: nihilominus in aliquo raro casu etiam oppo-

situm verum habere possit. Ita enim cum hunc Canonem citasset, scribit: *Peccat mortaliter qui credit, veneficos, aut veneficas, vel striges corporaliter per aera vehi, ad diuersa loca, vt illi existimant. Quamuis credere, quod aliquando, licet raro, dæmon aliquas de loco in locum, Deo permitte, transportet, non est peccatum: & experientia ludicum compertum est, in Germania, & traditur in malleo maleficarum & probatur rationibus late deductis ibidem.*

Ita Nauarrus; in quē sensum etiam citatum Canonem intellexisse videtur Caietanus *loc. cit.*, quem pro se allegauit Nauarrus. Verum si Canonis mens fuit, penitus negare translationem, non licet exceptionem ab eo facere.

Alij verò putant, huuc Canonem non spectare ad nostri temporis striges; sed alias mulieres illas, quæ describuntur in eo Canone: quasi nostræ quidem corporaliter transferantur; non tamen de illis hoc sentire fas sit, ita definiente Canone.

Ita Alphonfus à Castro l. 1. de *punit. heret. cap. 16.* sed reuera parua est differentia inter vtriusque mulieres; nec quoad translationem ratio vlla diuersitatis, cur illæ solum phantasticè, hæ reuera transferri à dæmone existimari possint, vt rectè etiam Vasquez ad 1. p. S. Thom. disput. 184. cap. 3. num. 16.

Alij vt breuius, & vndiquaque ab hoc Canone se expediant, putant, hunc

hunc Canonem nullius auctoritatis sit vel ipsius Concilij Ancyranj I. ut esse. Quod tuse persuadere conatur Gratianus, & communiter Canonistæ, & Doctores in decreto ibidem notarunt; non quidem vnus ex ordinarijs eius Concilij Canonibus, sed ex quadam appendice, seu generali decreto ab eodem Concilio edito, vt referunt Binius tom. 1. *Conciliarum* (vbi etiam Concilium illud Ancyranum refertur approbatum à Concilio Nicæno) & Caranza in *summa Conciliarum*, sub finem Concilij Ancyranj, vbi refert, id approbatum à synodo Trullana capit. 2. vel certe sit Damasi Papæ, è quodam Concilio Romano, vt sentiunt Baronius Anno Christi 314. & Binius loc. citat.

II. Equidem de hac re sane graui & difficili ita iudico. *Primum* existimo, huic decreto Ecclesiastici Canonis auctoritatem derogari non posse: quod his rationibus probatur.

I. Quia Canō hic corpori Iuris Canonici, & iā olim ab antiquo, & nouissime à Gregorio XIII. recognito & approbato, ita insertus est, vt nullo verbo aut signo, quod in alijs supposititijs fieri solet, ei Canonis Ecclesiastici auctoritas abrogetur.

II. Quia glossa, alijsque Canonistis & interpretibus *ibidem* ita receptus est, vt nec vnus quod sciam Canonista eum repudiet, quem ita etiam, vti diximus, recipiunt Burchardus, Nauarrus locis citatis: nec Theologi hactenus eum repudiarunt; sed defendit recens etiam Suarez tom. 1. de relig. lib. 2. de superst. cap. 16. num. 26. nec dubitant Vasquez ad 1. p. S. Thom. disputat. 184. cap. 2. & Valentia diss. 4. q. 2. pun. 2.

Durum est autem in materia propriè Canonica concernente, à communi Canonistarum omnium ceterorumque Doctorum sententia recedere.

III. Idem Canon prima etiam origine sua maximè & vetustissimè auctoritatis esse comprobatur; cum

Quandoquidem prorsus similia leguntur in vita Damasi Papæ, quæ exstat Romæ, in *peruetusto de vitis Sanctorum Codice S. Maria Maioris*, vbi postquam reliqua relata essent ex synodo Romana, in qua Damasus Macedonium & Apollinarem damnauit, adiungitur, *anathematizatos in ea synodo esse, maleficis, superstitionibus, & incantationibus seruientes*: ac simul, ne quis alio hoc trahat, expressa fit mentio earum mulierum, quæ putabant, *se nocturno silentio, cum Herodiade, & vniuersa multitudine mulierum super bestias equitare, & multa terrarum spatia peragere*, vt refert recens quædam annotatio Gregorianæ editionis Decreti.

Et fieri etiam potest, vt Canon ille à Concilio Ancyrano dudum  
edit.



editus, denuo quasi renouatus, & ad praxin reuocatus fuerit decreto Damasi, & bene Suarez *loco cit.*

IV. Accedit, quod de mulieribus illis eadem habentur *tom. 3. Augustini lib. de spiritu & lit. cap. 28.* qui etsi non sit Augustini, sed authoris non paulo recentioris, est tamen liber doctus & pius, vt censet Bellarminus *lib. de scriptoribus Ecclesiasticis in Augustino*: & multo verisimilius est, hunc auctorem ex illo decreto partem descripsisse, quam contra.

V. Denique nullum est firmum argumentum, quo probetur, Canonem illum supposititium esse, imò nullum ferè aliud, quam quod à materiæ in eo decisæ & assertæ inconuenientia nouiter à nonnullis desumptum est; quod argumentationis genus ad conuellendam antiquorum scriptorum, & antiquitus receptorum authoritatem, & per se odiosum, & sæpè fallax, & hoc loco importunum infirmumque est; cum sine ullo absurdo illius doctrina recte explicari & defendi possit, vt mox dicetur.

Neque admittere aut credere possumus, quod sine sufficienti probatione asserit, an suspicatur Delrius *cit. lib. 5. sect. 6.* quædam quæ scilicet minus probantur, à Burchardo, vel alijs inserta; cum ea dudum ante Burchardum, siue in decretis ipsius Concilij Ancyranum, siue in vita Damasi, legantur; vt taceam auctorem libri de spiritu & litera *locis citatis.* Ex quibus omnibus concludimus, hunc Canonem, secundum id, quod in eo per se

& principaliter intentum ac definitum est, planè habere vim Ecclesiasticæ regulæ. Et hoc est primum pronuntiatum, quod de hac re statui-  
mus.

*Secundo dico,* priorem partem citati Canonis nihil habere difficultatis, sed plurimum vtilitatis & solidæ prudentiæ: vt magi scilicet & venefici deprehensi *turpiter debonestati*, ex Ecclesia seu fidelium cōgregatione eiciantur. Ex quo patet etiam crimen hoc iam olim à foro imprimis Ecclesiastico fuisse dijudicatum: id quod postea etiam Ecclesiæ praxis nō immerito obseruauit. Cum enim per se Magiæ, Infidelitatis, Idololatriæ, & sacrilegij crimina, quæ in veneficis præcipua esse solent, planè ad forum Ecclesiasticum spectent, ac simul etiam circa ~~contra~~ consuetudinem nefariam cum diabolo, aliorumq; malefactorum perpetrationem, quæ plures sæpè difficultates sese ingerant, quæ non solum prudentem Iurisconsultum, sed & acutum quoque Philosophum, grauemque Theologum exercere ac dubium reddere possint, planè optandum videtur, vt præter humani Iuris peritorum prudentissimos quosque & pijssimos Iudices, etiam Theologus grauis & eruditus, tam graui ancipitiq; & periculoso Iudicio, quasi Inspector siue director adiungatur; eo saltem loco futurus, quæ commodè ab alijs cōsuli possit. De quo plura *Tractatu de processu aduersus sagas.*

*Tertio.* Sed & quod ad posteriorem eiusdem

12 eiusdem Canonis partem attinet, in qua de mulierum translatione agitur, cum omnes quidem fateantur; sæpenumero mulierculas illas præstigijs ac somnijs à diabolo immissis deludi, ut existiment, se verè transferri, cum reuera non transferuntur: illud mihi etiam simul persuadeo, non malè, nec imprudenter scripsisse Caietanum, & N. marrum *locis citatis*, qui censent, sæpius quoad hoc deludi sagas, quam vere localiter transferri; quod etiam sentit Vasquez d. 184.6.3. et si post Jaquerium, Sprengerum, Binsfeldium, contrarium sentiat Deltius l. 5, sect. 16.

Moueor his rationibus. I. Quia modus hic operandi, & per delusiones phantasticas decipiendi hominè, magis est familiaris & consentaneus dæmoni, qui mendacij Pater est, & ab imposturis diabolus dicitur. Pater hoc in alijs eiusdem operibus, quæ erga sagas exercet, ut cum pecunijs, epulisque falsis & præstigijsis sæpissimè sagas decipit & ludificat. Et cum dæmon ex assensu & approbatione etiam phantasticorum criminum parem propemodum fructum, in animarum perditione, Deique offensa positum, habeat, parum ipsius interest, virtuteue, ut ita dicam, an fraude vincat, animasque irretiat.

II. Delusio eiusmodi phantastica, facillima est diabolo, iuxta doctrinam generalem S. Thomæ 1. p. q. 111. a. 3. & q. 16. de malo a. 11. præsertim circa id genus mulierculas pathicas & plerumque semifatuas, si non etiam,

ut Caietanus loquitur, *insensatas ac melancholicas vetulas*. E contrario realis illa & corporalis translatio non leui etiam opere & labore cõstat diabolo: non solum quia iumentum quodammodo operam præstare debet rã vilibus propudijs; sed etiam quia in corporibus phantasticis compingendis, varioque adornando apparatu epularum, symphoniarum &c. vario opus est labore & industria.

III. Cum sine diuina permissione nihil horum à diabolo fieri possit, iure creditur, facilius à Deo permitti, ut somnijs & imaginationibus deludat sua mancipia, quam externa & reali translatione toties oblectet.

IV. Cum pleræque ex strigibus sint matrimonio iunctæ, quæ in eodem cum viris thoro cohabitare solent, impossibile esset moraliter, si frequenter totis propemodum noctibus à viris abessent, quin earum absentia à viris notaretur: & tamen cum sæpè decem, viginti, triginta & amplius annis in eo statu veneficij viris cohabitarint, nunquam tamen audimus, à viris aut earum præsentiam fuisse desideratam, aut absentiam nocturno & suspecto illo tempore animaduersam. Dicere autem, quod mariti vel ab ipsis vxoribus sagis, vel à dæmone, immissis tam profundo somno aut somnio, vel etiam substituto vxoris loco, trabe aut phantastico corpore, & inter tot conatus nunquã fallente euentu, quasi pro arbitratu deludantur, videtur incredibile. Tū quia patribus familias  
i  
quam-



quamplures facile seu ordinariæ seu extraordinariæ solent occurrere causæ rumpendi somnum. Tum quia incredibile est, Deum facile & adeo frequenter permittere, vt innocui mariti, præsertim etiam alieno corpore substituto, non sine peccati periculo, quasi pro arbitratu diaboli deludantur.

V. Multæ etiam ex his sagis, tum coniugatæ, tum solutæ puellæ, de nocte, tum ferreis clattris in fenestras inductis, tum occlusis foribus cubiculi, totiusque domus ita quasi obseptæ sunt, vt nec aperire prorsum sit diabolo fores, quin aliquis subinde strepitus audiat; nec tamen nisi appetitis ianuis educere possibile sit, vt inferius dicitur.

13 VI. Ipsemet sagarum confessiones rem sæpe dubiam admodum reddunt. Tum quia non consentiunt in denuntiatione frequentationis conuenticulorum, quæ inter se complices ipsæ celebrarint, & adiuuerint; tum quia per rimas, fenestras, aut foramina tam angustæ, sæpè etiã in aliena forma felis, aut muris, aut auis, à diabolo abductas se fuisse confitentur, vt nulla ratio permittat credere, eiusmodi translationes fuisse veras, & non phantasticas. Præterquam quod aliquæ frequenter, aliæ non nisi raro corporales fieri translationes, præsertim coniugarum, asserunt.

VII Viri pij, docti, & prudentes, qui diu eiusmodi foeminarum confessionibus audiendis operam de-

derunt, partim & quidem non raro dubij & perplexi redduntur, an reuera ipsæ, quæ in hoc genere sibi contigisse asserunt sagæ, sit fides habenda; an potius delusæ somnia pro factis narrent; partim etiam manifestè experiuntur, non raro delusiones & somnia esse, quas ipsæ corporales translationes esse firmissime sibi persuaserunt.

In quo genere Caietanus, qui tamen vt apparet, non diu admodum hanc materiam tractauit, duo exëplanatu digna refert cit. 2.2 q. 95. art. 3. cuius verba referre placet: *Cōtingit, inquit, & secundum interiorem sensum apparitiones demonem causare, vel in alienatione à sensibus, siua per nimiam attentionem, accidit superbis contemplatiuis, qui à demone illuduntur in varijs imaginibus; siue per vnctionem corpoream, vt accidit his, qui ire se credunt, vespere quinta feria, ad ludos Diana; vel similia diabolica. Sunt enim hac in imaginatione vt experientia teste visum est à fide digna persona, qua mihi narravit, se vetulam illam, qua promiserat, se ituram in suam cameram, nocte illa inuenisse nudam, in propria camera insensibiliter constitutam. Vnde & postea conuertit eam ex tali confusione.*

Ego quoque ab vna muliere amante quendam, scio, quod diabolus vnxit eam nudam, suadens illi, quod sic duceret eam ad locum sui dilecti, & postmodum, postquã fuit extra se multo tempore, & crederet se cū dilecto sub fuisse, &c. inuenit se in suo loco, ita lassatam, quod refocillatione indiguit. &c. Et nisi ego declarassem ei, quod imaginatio fuit, & ex tali imaginatione ita laesa esset, nescio

nesciret forte usque hodie, quod illud non fuerit in veritate. Ita Caietanus; & similia referuntur etiam apud Abulensem in cap. 13. Genes question. 354 Delrium alios, & ab ipso etiam Augustino libr. 18. de ciuit. cap. 18. Est ergo probabile, sæpius hac in re deludi sagas, quam verè transferri. Denique hoc saltem etiam probat authoritas citati Canonis; in quo idem etsi non definitur, tamen supponitur, vt dicemus.

14 *Quartò* nihilominus moraliter certum est, sagas quandoque ad eiusmodi conuenticula à diabolo verè transferri; neque id de nostris strigibus, iam ab annis circiter centum quinquaginta publice cognitis (vt post Bernardum Commensem notauit Delrius cit. libr. 5. sect. 16.) vlllo modo negari potest, vt *superius* probatum est. Neque desunt vtilis regulæ, quibus eiusmodi phantasticæ translationes à veris discernantur, vt videre apud Delrium *ibidem*. Sane quidem putandum minimè est, striges à dæmonibus, è quibuslibet etiam occlusis locis ita transferri, vt muros ipsos, aliaue vlla corpora penetrèt: sed fit ea ex locis occlusis translatio, aut silenter celeriterque remotis, ac mox rursus repositis ianuarum repagulis, aut per caminum, seu fenestram, tali corpori saltem preesse capiendo sufficientem; nonnunquam etiã forte tabula remota, ac denuo restituta; quod de muro fieri ita subito posse, non videtur. De qua re vide Petrum *Tyræum de locis infestis*, & Delrium

libr. 2. quest. 16. & 17.

*Quintò*. Id verò, quod de reali translatione sagarū diximus, cū definitione Canonis citati non repugnare, ita declaratur. Mens enim & intentio Canonis eò minimè spectabat, vt definirer, an mulieres illæ reipla ad nocturna illa conuenticula à diabolo deferrentur; sed an eo modo deferrentur, quo mulieres illæ deferri se iactabant, in ipsius Christianæ fidei perniciem & contumeliam. Nimirum palam affirmando, se veluti ad diuini cuiusdam numinis commercium ac societatem adscitas, non à malo dæmone raptatas, nec eo comite deductas, sed Diana Dea olim paganis celebrata siue Herodiade (ad Diuorum itidem felicitatem euecta) euocante ac honorifice ducente, bestiis quibusdam, ad hoc seruitium diuinitus destinatis, inequitantes, multarum terrarum spatia peragere, noctesque certas in eius, siue Dianæ, siue Herodiadis seruitio religiosè consumere.

Id quod cum alij quam plures, inquit Canon, impiè credant, *paganorum errore impiè inuoluuntur; aliquid diuinitatis, aut minimis extra vnum Deum arbitantes*: cum tamen hæc prorsus sint falsa; eaque phantasinata, non à diuino, sed à maligno spiritu profiscantur; qui in somnis varijs modis homines, præsertim mulierculas eiusmodi, iam antea per infidelitatem sibi deuinctas, solet deludere. Quo fit, vt cum solus spiritus eius-

i 2 modi



modi phantasmatum illusionem patitur, mens iam illa infidelitate impiè præoccupata, ea non in animo, sed in corpore euenire opinetur.

Sed & aliorum etiam hominum nullus est, qui non plurimis visis & phantasmatibus in somno quandoque deludatur; neque tamen quisquam tam stultus est, qui hæc omnia (in somnijs scilicet visa) quæ in solo spiritu fiunt, etiam in corpore acciderē arbitretur. Neque verò vel ipsorum etiam Prophetarum & Apostolorum, speciatim Ezechielis, Ioannis, & Pauli diuinæ visiones & raptus in corpore, sed in mēte acciderunt: quāto ergo minus, mulierculas istas, utcumque diuini spiritus familiaritatem iactent, ipso etiam corpore verè à diuino quopiam Numine, in alienas terras rapi credendum est.

Palam itaque omnibus denunciandum, eos qui talia, & his, quæ à mulierculis istis impiè iactantur, similia credunt, fidem perdere, ac in diaboli potestatem transire. Vnus est enim Deus, & Dominus, per quem facta sunt omnia. Quisquis ergo credit, aliquid fieri posse, aut creaturam vllā in aliam speciem, siue similitudinem posse transmutari, ab alio quopiam Numine, præterquam ab ipso vnico Creatore cœli & terræ, infidelis; & quia à vera fide Apostata, pagano deterior est. Hactenus Canonis sententia, quam ita etiam communiter tradunt Doctores, speciatim Turrecremata in illum textum art. 3. Abulensis in 6. 13 Gen. 9. 35 4. Syluester V. Hæresis 3.

Suarez cit. tom. 1. de relig. l. 2. de superstit. c. 16. fin. & fere Delrius lib. 5. sect. 16.

Atque hanc esse ipsissimam mentem, & quasi paraphrasin Canonis illius, quoad posteriorem illam partem, ex ipsis verbis Canonis apertè intelliger, quisquis hæc interpretationem cum ipso Canone voluerit conferre: præsertim quando in eam aperte Dianæ, paganorum Deæ, fit mentio; simulque dicitur, muliercularum istarum, aliorumque similium persuasione, fuisse cum perfidia & infidelitate coniunctam, & errorem paganorum inuoluisse; cum aliquid diuinitatis aut Numinis, extra vnum verum Deum arbitrarentur. Item cum in ipsa definitione Canonis asseritur, talia phantasmata non à diuino, sed à maligno spiritu mentibus fidelium irrogari. Vbi vides, definitionem Canonis eo non spectare, ut ea translatio quoad substantiam habeatur phantastica; sed ut à diuino aliquo eiusmodi spiritu profecta non credatur.

Et mox quidem in modo diabolicæ deceptionis explicando, ea ratio initur, qua ipsa etiam translatio phantastica esse significetur: potuisset enim alias Canon dicere, trāsferri quidem illas subinde, at non à diuino, sed à maligno spiritu, Dianæ aut Herodiadis speciem assumente: verum illud nec definitur; sed solum ut ratio & modus facilis rem definitam explicandi additur; qui ut plurimum fortassis etiam in illis mulierculis à diabolo fascinatis locum habebat; nec vsquam asseritur,

trans-

translationem veram à diabolo nunquam fieri, sed non fieri ab aliquo Numine gentilitio, vti secum fieri mulierculæ illæ palam gloriabantur. Quæ proinde tametsi quoad ipsam substantiam criminis, ipsorumque etiam diabolicorum conuenticulorum impiam celebrationem, cum nostris strigibus planè conuenirent: tamen ea gloriatione & sacrilega iactatione alieni Numinis à nostris differebant: tametsi nostræ quoque striges cum vnius veri Dei fidem abiurent, & dæmonis cultui ac venerationi se se addicant, vtrique alium quoque Deum, nempe diabolum ipsum, sibi pro numine constituent: sed quem tamen palam velut Deum profiteri & iactare non audent.

18 Quo fit, vt neque Burchardus, neque Nauarrus locis supra citatis, mentem Canonis satis assecuti fuerint; neque tamen ex eo quicquam argumenti desumi possit, ad probandum, striges nostri temporis à diabolo ad conuenticula illa magica, quantumvis dissita non transferri.

#### QVÆSTIO IV.

An etiam sit in Angelo naturalis vis seu potentia productiua alicuius substantia vel qualitatis: & quid speciatim de sagarum conuersione in varias formas animalium, tempestatumque noxiarum, concitatione sentiendum.

S. Thomas 1. p. q. 110. a. 1. & 2.

DE hac re sequentes assertiones statuo. Assertio 1. Non est in Angelis potentia, immediatè aut per se productiua vllius substantiæ; quare nec possunt ipsi vllam formam substantialem per se ac propria virtute producere. Ita Sanctus Thomas 1. p. questione 110. artic. 2. Bonauentura 2. distinct. 8. part. 1. artic. 2. quest. 2. Albertus dist. 7. art. 8. Egidius quest. 3. art. 1. Richardus art. 4. quest. 1. Durandus quest. 4. Scotus d. 8. quest. vn. Argentina quest. 1. art. 2. Bassolis quest. vn. Ferrariensis 3. cont. gent. cap. 103. omnesq; recentiores; quam idcirco etiam Valquez disp. 218. cap. 1. vocat concordem Scholasticorum sententiam; & Suarez ad 1. p. S. Thom. de Angel. libro 4. cap. 25. nu. 4. ait, eam sine magna temeritate non posse negari quicquid & Plato olim dixerit apud Augustinum lib. 12. de ciuit. c. 24. Angelos ex præiacente materia produxisse res corporeas: alijque nonnulli hæretici apud Irenæum & Epiphanium contra hæres. damnati idcirco in Concilio Bracharensi l. can. 8. & 12. & forte etiam notati ab Apostolo Colof. 2. vers. 8. & 18. creationem etiam quarundam substantiarum Angelis tribuerint. Contra quem errorem differit S. Thomas 1. part. quest. 44. art. 1. & quest. 45. art. 1. & 5. & quest. 61. art. 1. & quest. 65. art. 1. & 3.

Probatur assertio primum auctoritate. Ita enim videtur definitum in Concilio Bracharensi cit. can. 8. vbi dicitur Si quis credit, quod aliquantas naturas diabolus in mundo fecerit: tonitrua & fulgura, & tempestates & siccitates, ipse diabolus



authoritate sua faciat, sicut Priscillianus dixit, anathema sit. Et can. 12. speciatim de plasmatione hominis: Si quis plasmationem humani corporis, diaboli dicit esse signentum, & conceptiones in utero matrum, operibus dicit demonum figurari, propter quod resurrectionem carnis non credit, sicut Manichæus & Priscillianus dixerunt, anathema sit. Quamquam cum hoc loco directe agatur contra Manichæos & Priscillianistas, qui hæc creaturas tanquam opera diaboli incusabant, mens fortassis non fuit, vniuersum negare, Angelos habere potestatem aliquam Deo primo auctori subordinatam per se producendi aliquas substantias. Huc spectat etiam Canon Episcopi 26. *quæst. 5. ex Concilio Ancyrano citatus dub. præced.* quem ad hoc propositum etiam adducit Vasquez *loc. cit. n. 5.* Idem docent Ambrosius *lib. 1. de fid. cont. Arian. cap. 8.* & Augustinus *lib. 12. de ciuit. c. 24.* & *lib. 3. de Trinit. c. 7.* & 8. Leo *epist. 93. ad Turibium cap. 3.* & fauet etiam Aristoteles 7. *Metaph. cap. 6. à text. 22.*

3 *Secundo probatur ratione I.* Quia ad has formas producendas, sunt aliæ causæ naturales per se constitutæ: & quidem non subordinatæ Angelis: Ergo neque necessaria est hæc vis agendi in Angelis, neque recte eis attribui potest: Tum quia ut natura in necessarijs non deficit, ita nec amat superflua, præsertim plures causas secundas & particulares, toto genere diuersas, & inter se non dependentes, ad eosdem effectus per se producendos destinando. Tum quia cum

Angeli sint superioris naturæ, quam agentia corporea, sanè si ipsi per se haberent vim producendi substantias seu substantiales formas, par esset, ut agentia corporea illis subordinarentur.

II. Non est ratio, cur Angeli has potius formas substantiales, in se eminenter contineant, adeoque per se producere possint, quam alias, siue loquamur de formis actu existentibus, siue de possibilibus; omnes autem in se continere eminenter, solius Dei proprium est.

III. Substantiæ naturales omnes, producant substantias mediantibus accidentibus velut instrumentis naturalibus; ac sua natura necessario actiuis & productiuis suorum effectuum; in Angelis autem nulla talis potentia est cogitabilis, præsertim quæ per se possit producere tam varios effectus; cum in ijs non sit alia potentia ad extra operatiua, quam potentia locomotiua, cui tam varij ac diuersi, imo etiam contrarij effectus attribui non possunt; cum adæquatus eius actus sit motus localis.

IV. Accedit ratio S. Thomæ *cit. qu. 110. artic. 2.* Quia vna substantia non potest producere aliam corpoream substantiam, nisi vel totam illam eminenter contineat, ut Deus, vel habeat similitudinem cum effectui, saltem in modo essendi, seu compositionis substantialis ex materia & forma; ut sunt substantiæ corporeæ: quorum neutrum inuenitur in Angelis: Ergo, &c.

Affect-

4

*Affertio II.* Angeli per se non possunt etiam producere ullum accidens, seu qualitatem materiale corruptiuam. Ita cum Sancto Thoma, Richardo, Bonauentura, Agentibus, Durando, Ferrariensi, locis citatis, ex communi Gregorius de Valentia *ad 1. p. S. Thom. disp. 8. quest. 5. punct. 1.* Molina *ibid. quest. 110. a. 2.* Fonseca *lib. 7. Metaph. c. 7. qu. 7. sect. 1. & 3.* Vasquez *disp. 218 cap. 3.* Suarez *Metaph. disputation. 35. sect. 6. & 1 p. S. Thom. de Angelis libro 4. cap. 26.* Probatur tum alijs rationibus pro præcedenti assertione adductis: tum quia si Angeli possent per se & propria virtute hæc accidentia producere: possent etiam per hæc ipsa producere formas substantiales; cū hæc accidentia sint naturalia instrumenta, siue dispositiones, ad producendam formam substantialem, verbi gratia, calor cum siccitate ad producendum ignem.

5

*Affertio III.* Angeli etiam per se non possunt producere ullam qualitatem materialem intentionalem sensibilem, puta lumen, aut species sensibiles. Ita citati. Et ratio sumitur tum ex *assertione prima.* Tum quia hæc qualitates, magis quam reales aliæ, ex sua propria ratione, certam causam efficientem deponunt. Tum quia absurdum est dicere, Angelum posse per se illuminare aerem, absque alio corpore luminoso; item posse producere species visibiles, vel audibiles, sine obiecto; aut sonū sine vlla aeris percussione; hæc enim planè sunt incredibilia; & quæ si admit-

tantur, facile aperire viam poterunt, vt Angelis etiam plures aliæ præternaturales actiones tribuantur.

6

*Affertio IV.* Angeli etiam per se non possunt producere ad extra ullam qualitatem, seu accidens, præter, vbi, seu motum localem; eiusue impetum. Ita cum Sancto Thoma & communiori veterum ac recentiorū Gregorius de Valentia, Molina, Vasquez locis citatis; etsi contrarium sentiant primum Thomistæ quidam, qui dum docent, cum Sancto Thoma *in 2. disp. 15. quest. 1. artic. 2.* Angelos non nunquam agere per corpora tanquam instrumenta, etiam eleuando illa ad agendum aliquid ultra naturalem virtutem corporum, aiunt, hoc fieri per impressionem virtutis, quæ sit qualitas quædam intentionalis, vt docent Soncinnas 7. *Metaphys. quest. 25.* & alij nonnulli Thomistæ. Alij docent, posse ab Angelo produci ad extra saltem qualitates quasdam intentionales spirituales, vt lumen intelligibile, conceptus, species intelligibiles; vt retulimus *ad 1. p. S. Thom. disput. 5. quest. 3. dubio 2. 5 & 6.* & in his etiam Suarezium, tametsi *hoc loco cit. capito 26.* nullam eius rei mentionem faciat. *Ratio est.* Tum quia accidentia materialia non producuntur nisi à causis materialibus. ob dictam superius rationem: accidentia intentionalia nō nisi ab obiectis, vel à causa eminenter continēte ipsa obiecta, vt est Deus; vel etiā ab intellectu quidē, seu agēte, seu possibili, sed àctione solū immanēte. Speciatim vero cōtra instrumentariā illam



illam virtutem ratio est. Tum quia si Angeli producerent in corporibus eiusmodi qualitates instrumentarias ad operandum, ultra naturalem virtutem corporum, tum necesse foret, eos esse causas principales eiusmodi effectuum: quod ipsimet authores isti negant. Tum quia nulla opus est virtute eiusmodi instrumentaria; cum ad eiusmodi effectus mirabiles & extraordinarios producendos Angeli tantum applicent actiua passiuas, nec ad eos adeo aliud conferant, quam conditionem sine qua non; qua posita, agentia naturalia sua virtute eos effectus producant, ut recte Molina loco citato, & dicitur assertione sequenti.

7

*Assertio V.* Possunt tamen Angeli, applicatione agentium naturalium, seu causarum secundarum, in rebus naturalibus efficere, quicquid per easdem causas naturales effici potest; & tum ob celeritatem applicandi, tum ob solertiam miris modis eas inter se contemperandi, admirabiles sæpe effectus producere, qui secundum ordinarium alioqui naturæ cursum fieri non possent. Ita Sanctus Thomas *quest. 110. art. 2. ad 2. & 3. & art. 4. ad 2. 3. & 4.* & cum magistro in *2. d. 7. omnes Doctores. Ratio est.* Quia ut dictum seu *quest. 2. & 3.* Angeli possunt naturali virtute summa celeritate mouere corpora localiter, & quia cognitionem omnium rerum naturalium habent, ea singulari solertia & artificio inter se commiscere, ut mutua eorum actione effectus ipsis

agentibus & dispositioni materiae proportionati admirabiles inde exoriantur. Qui tamen effectus non ideo simpliciter sunt miraculosi, cum sane in virtute naturali causarum naturalium contineantur; sed solum secundum quid, & quoad nos, ut dictum *dub. 2. q. 1.* De qua re eleganter & eruditè disputat Augustinus citato libro *3. de Trinitate c. 7. 8. 9. 10.*

*Assertio VI.* Non igitur possunt dæmones, siue Angeli, hominem seu corpus humanum conuertere & transmutare in bestias, seu corpora bestiarum: ac proinde transmutationes illæ strigum in varias formas brutorum: puta luporum, felium, bufonum, ranarum, auium, &c. non sunt veræ conuersiones, sed apparentes tantum, & fictitiæ. Ita Sanctus Thomas *1. 2. questione 114. articulo 4. ad 1.* Caietanus, & Thomistæ ibidem. Petrus Tyræus *de spirituum apparitionibus cap. 14.* Delrius libro *2. qu. 24.* & communis Doctorum, quos citauimus pro assertione secunda.

Probatür primo ex Augustino libro decimo octauo de ciuit. capite decimo septimo, & decimo octauo, ubi hoc ex instituto docet & probat. Cum enim cap. 17. obiectionem de Circe proposuisset his verbis: *Hoc Varro ut astruat, commemorat alia non magis incredibilia, de maga illa formosissima Circe, qua socios quoque Vlyssis mutauit in bestias, & de Arcadibus, qui sorte ducti transibant quoddam stagnum, atque ibi conuertebantur in lupos, & cum similibus feris, per illius regionis deserta viuabant. Si vero carne non* *vesce-*

8

9

scerentur humana, rursus post nouem annos, eodem renatato stagno, reformabantur in homines.

Et capite decimo octauo addit sui temporis historias; Nam & nos, inquit, cum essemus in Italia, audiebamus talia de quadam regione illarum partium, ubi stabularias mulieres, imbutas his malis artibus, in caseo dare solere dicebant, quibus vellet seu possent viatoribus, vnde in iumenta illico verterentur, & necessaria quaque portarent, postque perfuncta opera iterum ad se audirent; nec tamen in eis mentem fieri bestialem, sed rationalem humanamque seruari: sicut Apuleius in libris, quos asini auri titulis inscripsit, sibi ipsi accidisse, ut accipere veneno, humano animo permanente, asinus fieret, aut indicauit, aut finxit. Ad hæc respondet ipse cit. cap. 18. Hæc vel falsa sunt, vel tam inusitata, ut merito non credantur. Et infra: Nec sane demones naturas creant, si aliquid tale faciunt, de quolibus factis ista vertitur questio, sed specie tenuis, quæ à vero Deo sunt creata commutant, ut videantur esse, quod non sunt. Et addit: Non ita solum animum, sed nec corpus quidem vlla ratione crediderim demonum arte vel potestate in membra, vel lineamenta bestialia veraciter posse conuertere: &c.

Secundo probatur ratione. Tum quia, ut dictum, Angeli non possunt per se, aut formas substantiales, aut vlla accidentia materialia & corruptiua producere; sine quibus tamen ista conuersio fieri non potest; nec omnino quicquam in hoc genere possunt efficere, nisi quod vi causarum naturalium earumque applicatione effici potest: at vero ut citò ac subito,

ac solo alicuius V. G. casei aut veneni gustu, corpus humanum in bestiale vere & realiter transmutetur, nulla ratione fieri potest. Tum quia etiam si per causas naturales, aut etiam immediate per ipsos Angelos, posset subito ita in aliam figuram & temperiem commutari humanum corpus, fieri tamen non posset, ut anima humana illud informaret; utpote quæ certam, & humani quidem corporis, non bestialis, figuram ac complexionem & dispositiones requirit; ideo enim cum ab his dispositionibus notabiliter dimouetur status humani corporis, mori hominem necesse est: postquam autem anima semel à corpore separata est, non potest denuo vlla virtute naturali ad corpus informandum reuocari; alioqui posset Angelus naturaliter mortuos ad vitam reuocare, &c.

Fieri igitur eiusmodi transmutationes videntur tantum, (præterquam quod nonnunquam mera figmenta sunt, ut de asino Apuleij, & similibus, non immerito censet Plinius lib. 8.) siue quia sola phantasia strigum dormientium, aut etiam quandoque vigilantium à dæmone deluditur, ut existiment se esse, quod non sunt, vti etiam in Lycanthropiæ morbo accidere docet Pomponatius lib. 2. q. 28. siue quia dæmon effigiatū ex aere bruti corpus sagæ, aut sibi ipsi, loco sagæ per phantasiam delusæ, circūdat; vulnera simul vulneribus, in apparente bruti corpore, alicunde forte illatis, similia in corpore sagæ



infigendo; sive quia aliquando etiā homini veras bruti eximias circumponit; aut verum animal, loco soporati vīpiam, ac somnio delusi venefici hominis substituit, agitaturque, vt ferē etiam docet Augustinus citat lib. 18. de ciuit. cap. 18. & pluribus persequuntur citati, atque etiam Alensis 2 part. q. 43. mem. 3. a. 1. & Gabriel in 2. d. 8. quest 1. art. 2. 3.

12

Nec obstat, quod vxor Loth, eiusue corpus, in statuam salis conuersa est. *Genes. cap. 19. v. 26.* quodque Nabuchodonosor ad vitam & victum bestiarum redactus, *Daniel. 4. vers. 30.* Primo enim hæc non virtute Angelica, sed diuina facta sunt; neque impossibile est quicquam in hoc genere Deo, vt etiam notauit Augustinus cit. cap. 18. Deinde quod ad Nabuchodonosorem attinet, verius est eius corpus non fuisse transmutatū substantialiter in corpus bestiale; sed potius in humano corpore ad vitam seu victum bestiarum translatum, vt indicatur cit. loc. Dan. vbi dicitur: *Eadem hora sermo completus est super Nabuchodonosor, & ex hominibus abiectus est, & fenum vt hos comedit, & rore cæli corpus eius infectum est, donec capilli eius in similitudinem aquilarum crescerent, & ungues eius quasi auium: maerente nimirum nihilominus figura & idiomate humani corporis.*

13

**Affertio VII.** Possunt quidem Angeli seu dæmones seu sponte sua, seu per sagas externo aliquo symbolo ac quasi tessera fidei datæ euocati, Deo permittente, tēpestates noxias eiere:

adeoque imbres, grandines, pruinas fulmina, typhones, procellasque excitare vel inmittere: at non nisi applicatione & interuentu causarum secundarum & naturalium, aut etiam per solum motum localem. Ita iuxta Sanctum Thomam citata qu. 110. art. 4. ad 2. communis Doctorum apud Binsfeldium quest. 4. & in lib. 4. Cod. de Malefic. & Mathem. & apud Delrium libro 2. qu. 11. contra Senecam lib. 4. qu. natur. vbi negat hanc potestatem fagis ac dæmonibus. Sed res adeo certa est, tum ex confessionibus sagarum: tum alijs argumentis, vt sine temeritate non possit negari.

*Probatum primo ex Scriptura Iob. 1. v. 16. & 19. vbi narratur ex Satanæ procuremente ignem, seu fulmen de cælo lapsum, tactas oues puerosque consumpsisse: & rursus ventum irruisse à regione deserti, & concussisse quatuor angulos domus, oppressis liberis ipsius Iobi. Item Apocal. 7. versu 1. referuntur quatuor Angeli stantes super quatuor angulos terra, tenentes quatuor ventos terra, ne flarent super terram. Et capite decimoquinto, & decimo sexto, septem Angelis committuntur septem plagæ nouissimæ. Vbi speciatim capite 16. vers. 17. dicitur: Et septimus angelus effudit phialam suam in aerem, & exiuit vox magna de templo à throno dicens, Factum est. Et facta sunt fulgura, & voces, & tonitrua, & terra motus factus est magnus, qualis nunquam fuit &c.*

Deinde idem confirmat ratio. Quia Angeli per se quidem res aut qualitates corporeas non possunt produ-

cere.

cere, ex dictis *assert. 2. & seq.* attamen possant causas secundas ad eas efficiendas applicare, ut dictum *assertione quinta*. Quod in presenti materia facile ipsis esse, ita ostenditur. Etenim materiam quidem vaporum exhalationumque facile est ipsis, aut iam productam aliunde celerrimo motu adducere, ut accidit *Iob. 1. versu decimo nono*; aut subinde, fauente praesertim caelo, in cauernis terrae, montiumque recessibus, ubi etiam aquae calidae, item nitri, sulphuris, & aluminis copia est, igne excitato, nouaque adeo agentium naturalium applicatione producere. Ex parte vero causae efficientis, aliud opus non est, quam ut daemon eiusmodi materiam ad eam aeris regionem, plerumque mediam euehat; in qua tum causae superiores, tum calor aut frigus circumstant, vim suam ad efficienda eiusmodi meteo-  
ra ex subiecta materia requisitam, aptè exercere possint. Ad quam rem conferre potest tum certa figuratio & collocatio vaporum, exhalationumque, respectu radiorum solis; maiorque vel minor, in eadem media regione aeris, eleuatio: tum obseruatio syderum, & aspectuum, ad eiusmodi tempestates ciendas idoneorum: quarum rerum daemon est scientissimus. Nec impossibile videtur, ut serenissimo etiam caelo tonitrua à daemone excitentur, sola concussione & commotione aeris, ab eodem profecta; sicut nec ut lapidis, aut viscosa aliqua exhalatio in altum eleuata, accensa, non ac-

cesa: aut etiam particula quaedam solius aeris violento motu, fulminis instar, ab eodem in terras euibretur: etiam nulla interueniente alia causa secunda motum ci-  
ente.

*Nec obstat* Concilij Bracharensis Canon. 8. *superius assert. 1.* citatus. In eo enim solum negatur, diabolum eiusmodi tempestates excitare propria sua auctoritate: hoc est per se & independenter à permissione diuina, sicut Priscillianus dixerat.

Dixi vero in *assertione*, daemone aliquando à sagis euocatum hoc facere: quia sagae utcumque ollam suam commisceant vel affundant, hoc non faciunt, nec quidem per modum applicantis actiua passiuus, sed ut Sanctus Thomas citat. *quest. 110 articulo 4. ad secundum*, ex Aug-  
stino lib. 83. *quest. 79* dicit, haec magi per daemones faciunt; seu per pactum initum cum daemone; quia iuxta pactum, externo illo symbolo euocatus, adest, & postulatum effectum, mediantibus causis secundis operatur, ut dictum.

## QVÆSTIO V.

*An & quare ratione possint Angeli assumere corpora; & per ea actiones vi-  
ra exercere.*

S. Thom. 1. p. q. 51. a. 2. & 3.

**H**abet hæc res difficultatem nõ parua, praesertim quando particularim ad daemones cū strigib.  
k 2 nego-



## 76 De actionibus Angelorum & Daemonum

negotiantes applicatur. Difficiliter enim explicari potest assumptio illa corporum tam frequens, tam subita, tam ad sensum solida, ut non solum à sagis, velut genuina hominum aut bestiarum corpora, videri & tangi: sed & omnis libidinis cum iisdem exercendæ instrumenta esse possint, uti ex confessionibus sagarum est manifestum: similis ratio est bonorum Angelorum, quando ab hominibus contrectari se permiserunt, ut in tribus Angelis, qui apparuerunt Abraham, in Angelo Tobie, & similibus accidit. Quæ res proinde etiam valde dubium habuit Augustinum in *Enchiridio* cap. 59.

2

Ratio difficultatis est. I. Quia hoc demones facere non possunt, nisi vel in seffione agitationeque verorum animalium: quod tamen de hominibus aut humanis corporibus, nemo facile dixerit: de alijs bestiis vniuersim nec dixit hætenus quisquam: nec est ratio asserendi: vel per nouam productionem seu formationem phantasticorum corporum, mediante motu aut etiam actione naturalium agentium: uti quidem communiter fieri existimatur. Cum autem actio hæc omnis fiat, interuenientibus qualitatibus primis, puta calore, frigore, humiditate, siccitate: contemperationeque secundarum; in primis densitatis & raritatis: quarum actio aut mixtio omnis, quia inter contraria est, successiua est, qui fieri potest, ut momento quasi, omnibusque promiscue locis, hæc omnia à diabolo

aut fiat, aut fieri videantur; corporis, inquam, humani figmentum cum eorum organorum varietate & distinctione, sine qua corpus humanum, tactus præsertim, & oculorum iudicio, nec videri quidem potest.

II. Aut si hæc omnia ita facile fieri possunt, cur magi Pharaonis non potuerunt suis incantationibus efficere Iciniphes? *Exod. 8. v. 18.*

III. Cur nullum agens naturale fuit hætenus visum, quod elementaresue alias in humanam speciem ita subito conformare posset?

IV. Quæ ratione Christus à mortuis resurgens, ad eum diserte vel ipso tactu verum corpus à phantastico discerni posse docuit? *Videte, inquit, manus meas, & pedes: quia ego ipse sum: palpare & videte, quia spiritus carnem & ossa non habet, sicut me videtis habere. Luc. 24. v. 39.*

V. Cur ipse etiam cibi assumptione, se verum esse hominem demonstrauit? *Ibid. v. 43.* Hæc sunt, quæ difficultatem faciunt.

*Affertio I.* Certum dogma est, Angelos, seu bonos, seu malos, vere aliquando assumere corpora, præsertim humanæ figuræ: in quibus appareant. Ita docent omnes Scholastici, cum S. Thoma *sir. q. 51. a. 2.* & cum Magistro in 2. *dist. 8.* excepto Vdalrico, qui putat eiusmodi apparitiones solum fieri per illusionem phantasie & sensuum; & citat pro eadem sententia Albertum Præceptorē suū, apud Dionysium Carthusianū *cit. dist. 8. q. 1.* cum tamen Albertus in 2. *d. 8. ar. 2.* & in opere de qua-

in hoc coeuis i. p. q. 9. art. 10 & 11. & in sum. tractat. 9. quæst. 33. expresse docuerit oppositum, ut etiam ex parte notauit ibidem Carthusianus.

5 Probat<sup>ur</sup> assertio primo ex Scriptura; quæ sapius eiusmodi corporum assumptionem ab Angelis factam tradit. Ita enim tres Angeli apparuerunt Abraham, in specie virili; qui etiam comedisse ab eo visum; ac postea Sodomam ingressi, vltice flamma nefandum scelus expiarunt. *Genes. 18. vers. 9. & c. 19. vers. 13.* Ita Gedeonem Angelus, in humana specie, ad bellum contra Madianitas animauit, & victoriam prædixit, *Iud. 6. vers. 14.* Ita rursus Angelus apparens Manue, eiusque Vxori, Samseis cōceptionem, Philistæorumq; internecionem prænuntiavit, *Iud. 13. vers. 3. & 12.* Ita Angelus humana specie assumpta, Tobiam iuniorem in Rages ciuitatem Medorum duxit, & reduxit, visus palam manducare & bibere. *Tob. 5. vers. 23. & cap. 12. vers. 19.* Ita Christo nato, Angeli exultantes Pastoribus apparuerunt *Luc. 2. vers. 9. & 13.* Angeli quoque Christi resurrectionem, in vestibus albis apparentes, mulieribus denuntiarunt, *Matth. 28. vers. 5. Marc. 16. v. 5. Luc. 24. vers. 4. Ioann. 20. vers. 12.* Angeli item duo, virili forma, Christi ad celos ascensum, & futurum aduentum ad iudicium Apostolis denuntiarunt, *Act. 1. vers. 10.* Item Angelus Petrum ex Hierosolymitano carcere mirabiliter reduxit, *Act. 12. vers. 7. 9. 10.* Denique Christum malus Angelus humana vtique forma indutus tetrauit, *Matth. 4. v. 3.*

Huius autē generis apparitiones non contigisse per solam imaginationem, seu delusionem sensuum, sed verē ipsa etiam externa specie & forma, ex eo optimē probat Sanctus Thomas citata quæstione 51. articulo secundo, quia visa imaginaria, cum interiorius peragantur, non promiscuē videntur ab omnibus, sed solum ab eo, qui talem habet imaginationem. Idē est, si quis ab Angelo sine obiecto sensibili, externos sensus ludificari posse existimet, siue per impressionē specierum, sine obiecto; siue per transmissionem specierum sensibilium, quæ sunt in phantasia, ad sensus exteriores, qui ab eiusmodi speciebus ita immutentur, ac si reuera à rebus externis ad eos deriuarentur, ut cum S. Thoma in 2. distinct. 8. quæst. vn. art. 5. ad 4. fieri posse existimat Gregorius de Valentia disput. 4. quæst. 2. punct. 2. ad 1. p. S. Thom. Quia & tunc ludificatio hæc non fit generatim ex parte principij alicuius communis, sed particularis; quæ proinde ludificatio, per se & ex suo genere non est, necesse facillē porest communis omnibus. De qua re plura Richardus in 2. dist. 8. art. 2. quæst. 3. & Angles in Floribus super 2. p. 1. quæst. vnic. de dæmonibus.

7 Secundo probatur assertio ex Sanctis Patribus. Ita enim docet Tertullianus in libro de carne Christi, Athanasius serm. 4. contra Arian. Gregorius hom. 34. in Euang. Isidorus libro primo de sum. bono cap. 12. Bernardus serm. 5. in Cant. Damascenus libro 2. d. fid. cap. 3. & 4. vbi cum addit κατὰ πάρεσιν non loquitur



quitur de interiori sensu phantasia, sed de externa apparentia, ut idē sit, quod secundum apparentiam, ut cū Bil-  
lio rectē Vasquez disput. 84. capit. 1. Idem sæpē docet Augustinus præfer-  
tim libro tertio de Trinit. cap. 10. & 11. & libro 15. de ciuit. capite 23. vbi ait: Apparui-  
sse hominibus Angelos in talibus corpori-  
bus, quæ non solum videri, verum etiam  
tangi possent, verissima Scriptura testa-  
tur: idque adeo multorum experi-  
mentis confirmant, ut hoc, inquit, ne-  
gare impudentia videatur. Nec obstat E-  
piphanius contra heres. 26. vbi ait: Quo-  
modo potest demon, qui spiritus est immun-  
dus & incorporeus, corpora assumere? Lo-  
quitur enim iuxta subiectam mate-  
riam, de corpore vitali, quo veræ a-  
nimasticæ operationes exercerentur,  
ut Gnostici fabulabantur.

Ratio sumenda est; tum ex rei possi-  
bilitate, de qua infra; tum ex fine.  
Quamuis enim, ut docet Sanctus  
Thomas 1. p. 8. Thom. questione quinquage-  
gesima prima, articulo secundo ad 2. Angeli  
non indigeant corpore propter seipsos, ta-  
men si boni sunt, vtuntur corpore  
assumpto propter nos, ut familiariter  
cum hominibus conuersando, demon-  
strent intelligibilem societatem, quam homi-  
nes expectant, cum eis habendam in futu-  
râ vita; vel ut similitudinibus rerum  
sensibilium, repræsententur homini-  
bus intelligibiles Angeli proprietates, ut  
dicit idem Sanctus Thomas ibidem  
ad 2. & articulo 3. ad 1. & 2. aut si ma-  
li sunt, faciunt hoc, ut sensibili ac fa-  
miliari repræsentatione sui tanto  
magis decipiant homines, deceptos-

que in sua potestate retineant, ad exi-  
tium sempiternum perducendos.

*Affertio II.* Assumptio hæc corporū  
non fit per hypostaticam, aut vllam  
substantialē vnionem eorundem  
cum Angelis; aut per solum motum  
localem, seu coniunctionem nu-  
dam eorū in ratione mobilis; sed fit  
ea corporum assumptio, quatenus  
Angeli corpora sibi coniungunt, tā-  
quam motoribus repræsentatis per  
corpus mobile assumptū. Ita Sanctus  
Thomas citata questione quinquagesima  
prima, articulo 2. ad 2. vbi ait: Corpus as-  
sumptum vnitur Angelo, non quidem ut for-  
ma, neque solum ut motori, sed sicut motori  
repræsentato per corpus mobile assumptum.  
Sicut enim à sacra Scriptura proprietates re-  
rum intelligibilium sub similitudinibus re-  
rum sensibilium describuntur, ita corpora  
sensibilia diuina virtute sic formantur ab An-  
gelis, ut congruant ad repræsentandum An-  
geli intelligibilis proprietates. Et hoc est, An-  
gelum assumere corpus. Ita Sanctus Tho-  
mas, idemq; docet omnes Scholasti-  
ci ibidem vel in 2. dist. 8. contra Tertul-  
lianum loco citato, vbi indicat, corpora  
hypostaticè assumi ab Angelis.

Ratio est. Tum quia vnio substan-  
tialis corporis, velut materiæ cum  
forma, est impossibilis in Angelis, ut  
qui sunt formæ & substantiæ perfectæ  
& completæ ex disp. 5. q. 1. ad 1. p. 8. Tho.  
Idem de hypostatica etiam vnio-  
ne verius esse suo loco docetur 3.  
part. Tum quia finis & vsus eiusmodi  
assumptionis, non postulat vllam  
substantialē coniunctionem; cum  
præsertim assumptiones illæ ordina-  
riè

riè non nisi breui admodum tempore durent.

Nec tamen sufficit quælibet corporis coniunctio velut mobilis cum motore; sicut enim non rectè dicerentur Angeli in assumptis corporibus apparere: neque etiam Angeli dicuntur assumere cœlos, etiam si eos moueant; nec dæmones assumunt corpora strigum, dum eas transferunt; nec Energumenorū corpora, etiam si ea obsideant & moueant; nec si per magiam efficiant aliqua corpora, aut ea moueant, verbi gratia, immittendo fulgura, concitando ventos, assumi corpora hæc dicuntur ab Angelis, etiam si ab his moueantur.

Necesse est ergo, ut corpus & cum Angelo coniungatur velut mobile cum motore; & ut ob peculiarem aliquam similitudinem per illud, & in eo ipso corpore Angelus repræsentetur, tanquam præsens & inexistens motor; ita ut coniunctū ex corpore & motore illo dici possit Angelus: siue ob *similitudinariam vnionem materia & forma*, ut cum Aureolo in 2. distinct. 8. artic. 1. docet Suarez citato libro 4. ca. 6. siue quia Angelus eo corpore quasi vestitus ac personatus apparet. Qua de causa nubes aut ignis Israelitas, motore Angelo præcedens, non dicitur ab eo fuisse assumptus; sed quidem serpens à dæmone in paradiso, &c. ut etiam hodie hircorum, aliorumue animalium corpora assumere dicitur, quando inter striges apparet; quantumvis hæc vnio ad Angelum solummodo dicat respectum

rationis, ut ex communi docet Suarez ibidem.

*Affertio III.* Verius est, ipsam etiam Deum, in utroque testamento, non nisi ministerio Angelorum apparuisse, ita ut Angeli in assumptis & à se formatis corporibus Deum repræsentarent. Ita Gregorius de Valentia *disputatione 4. questione 2. punct. 2. ad 1. p. S. Thom. Valquez ibid. disput. 185.* & est communior sententia Sanctorum Patrum, in quibus speciatim Dionysius *cap. quarto cœl. hierarch.* Hieronymus in *illud Galat. 3. Ordinata per Angelos*, Cyrillus *libro octauo thesauri capita 2.* Gregorius *libro 28. Moral. capite secundo*, & ex instituto Augustinus *libro tertio de Trinitate capite vndecimo, & libro quarto, cap. vltim. & epistol. 102.* tametsi contrarium sentiant Eusebius *lib. 1. demonstr. Euang. c. 5. & lib. 5. c. 10. & 11.* Chrysostomus *homil. 16. in Acta ad illa verba capite 7.* *Expletis annis quadraginta, & Theophylactus in eundem locum*; rati, non omnes huiusmodi apparitiones factas fuisse ministerio Angelorum; quod speciatim etiam de columba, & alijs eiusmodi apparitionibus noui testamenti, docet auctor operis imperfecti in c. 3. *Matthai.*

*Probatnr assertio ex collatione Scripturarum*, ut benè deducit Augustinus *cit. c. 11. lib. 3. de Trinit.* Nam *Exodi 3. legimus, Deū apparuisse Moyſi in rubo ignis, & Exo. 19. dedisse Moyſi legē, & tñ eadē Scriptura docet, apparitiones has factas esse ministerio Angelorū, Gal. 2. v. 19. Lex per Angelos ordinata est in manu mediatoris, & Heb. 2. v. 2. Si enim*  
quæ

11

12



qui per Angelos dictus est sermo, factus est firmus. Et Stephanus Actor. 7. vers. 35. disertè asserit, Angelum apparuisse Moysi in rubo. Et nihilominus tamen Deus ipse dicitur apparuisse; quia non in persona Dei, sed in persona Dei, Angelus in corpore à se formato apparebat & loquebatur; quod in alijs Angelorum apparitionibus non fiebat.

13 Ratio est. Quia hoc ex vna parte erat facile Angelo; siquidem corpora illa non erant viua, sed ex aëre formata, vt inferius dicitur, id quod de colūba etiam verius est, cum Augustino libr. 2. de Trinitate cap. 5. Chrysostomo homil. 12 in Matth. & Caietano part. 3. quest. 39. art. 7. probabilius sentit Valentia loco citato, etsi post Tertullianū libro de carne Christi, Ambrosium libro de ijs, qui inuitantur, capite 4. contrarium sentiat Sanctus Thomas 3. part. quest. 39. artic. 7. Ex altera parte id magis conueniebat, tum ob maiestatem Dei, cuius personam dignius repræsentabat Angelus, quam sola creatura insensibilis: tum ob consuetam subordinationem causarum mediarum, inter causam primam, & causas inferiores, hoc est, Angelorum, inter Deū & homines.

14 Afferio IV. Angeli communiter nō assumunt viua aut vera hominum, seu aliorum animalium corpora; sed veris ac viuis externa specie similia; quæ sibi plerumque ex impuro aëre, seu vaporibus & exhalationibus nubibusue aëri admixtis formantur; idque virtute propria & naturali. Primam partem ex communi tradit Sanctus

Thomas 1. p. quest. 51. art. 3. in corp. vbi vniuersim negat, posse Angelos exercere opera vitæ per assumpta corpora. Et in respons. ad 1. supponens, assumpta corpora non esse viua, docet id fieri posse absque fictione: sicut enim nō est contra veritatem, inquit, quod in Scriptura intelligibilia sub figuris sensibilibus describuntur, quia hoc non dicitur ad astruendum, quod intelligibilia sint sensibilia, sed quod per figuras sensibilibus proprietates intelligibilium secundum similitudinem quandam dantur intelligi: ita non repugnat veritati sanctorum Angelorū, quod per corpora ab eis assumpta videntur homines viuentes, licet non sint. Non enim assumuntur, nisi vt per proprietates hominis, & opera hominis spirituales proprietates Angelorum, & eorum spiritualia opera designentur. Quod non ita congruè fieret si verus homines assumerent: quia proprietates ipsorum ducerent in ipsos homines, non in Angelos. Ita S. Thomas.

Idem communiter docent ceteri Theologi veteres ac recentiores, locis citatis, & pluribus Tyræus lib. 1. de spirit. apparit. cap. 9. num. 166. Delrius lib. 2. disquisit. questione vigesima octaua, sect. 1. & Suarez citato libro quarto, capite vigesimo quinto, post Augustinum in Enchirid. capite 59. & libro 2. de Trinit. cap. 2. & lib. 3. cap. 2. & Damascenum loco citato contra Tertullianum lib. 3. contra Marcionem cap. 9. & 11. & libro de carne Christi cap. 6.

Ratio est. Tum quia viua animalia perfecta ab Angelis subito ac de nouo fieri non possunt, nec per applicationem quidem causarum secundarum;

darum; sicut nec verum corpus humanum, extra vasa naturalia generationi destinata. Tū quia ad propositum Angelis scopum, opus non est viuis aut veris eiusmodi animalium corporibus: quando communiter breui rursus sunt dimittenda. Tum quia Deus tam facile non permittit, vt dæmon, etiam si velit, vera animalia suis Dominis subducatur, aut ijs pro libitu ad sua sacrilegia abutatur.

Qua de causa etiam existimandum non est, posse dæmonem defuncti alicuius hominis cadauer assumere, nisi forte cadauer alicuius hominis damnati, in casu raro & extraordinario, vt notarunt Tyræus & Delrius *locis citatis*: quod ita etiā fieri posse, & quandoque re ipsa fieri, docet Sæctus Thomas 1. p. *quest.* 117. *art.* 4. ad 2. cum Augustino *lib.* 10. *ciuit.* cap. 10. & Chrysostomo *homil.* 29. in *Matth.* & sequitur ex communi Suarez *cit. lib.* 4. c. 37. n. 5 & cap. 35. n. 5. Sicut etiam verius videtur, serpentem illum, in paradiso, primorum parentum seductore, à diabolo assumptum, fuisse verū serpente; nec incredibile etiam, bestias dæmonem repræsentantes, quibus sagæ inequitrantes per aera vehuntur, nonnunquam esse veras & viuas bestias; quando, vt refertur, nonnunquam ex eiusmodi transportatione catti ex aere decidere visi sunt. Sed hæc rarius contingunt: & idcirco in assertione dixi communiter.

Ex quibus etiam sequitur secunda pars assertionis; quæ ita magis declaratur. Etenim quando corpora ab

Angelis assumpta non sunt ipsorum exploranda, facillimus & maxime obuius modus formandi & assumendi corpus aliquod est ex impuro aere, seu habitu aeri mixto ad instar nubis condensato; hic enim & magis obuius est, & facile quamuis figuram recipit, ac ad nutū dissipatur. Atq; ita etiam speciatim de impuro aere docent S. Thomas *questione* 51. *artic.* 2. ad 3. & Durandus in 2. *distinct.* & S. *quest.* 1. item Bonauentura in 2. *distinct.* 8. part. 2. *articulo* 2. *questione* 2. Richardus *articul.* 1. *questione* 3. Scotus *questione* 1. Gabriel *questione* 1. *articul.* 2. quos sequuntur Vasquez ad 1. p. S. Thom. *disputat.* 185. cap. 4. & Suarez *cit. libro* 4. cap. 34. contra nonnullos, qui ex cælesti materia corpora hæc assumi docuerunt, in quibus Isidorus *lib.* 1. de *summo bono* cap. 10. & Beda *lib.* *variar. quest.* 9. sed qui bono sensu explicari possunt de aere. Nec dissentiunt A-  
lenfis 1. part. *quest.* 34. *memb.* 4. & Albertus 2. part. *tract.* 9. *questione* 33. *memb.* 2. & in *lib.* de quatuor coelis 1. part. *questio.* 9. *articul.* 11. nisi quod hi etiam de aere puro loquuntur, quibus loquendo de bonis Angelis, fauent Isidorus *lib.* 1. de *summo bono* cap. 12. *numer.* 19. & Beda *cit. lib.* qq. *quest.* 9. Nec obstat, quod aer, cum sit liquidus, nullius certæ figuræ aut coloris tenax est: Licet enim, inquit Sanctus Thomas *cit. articulo* secundo ad tertium, aer in sua raritate manens non retineat figuram, neque colorem; quando tamen condensatur, & figurari, & colorari potest, sicut patet in nubibus.



16

Quamuis autem Bonaventura, Richardus, Scotus, Durandus & Gabriel *locis citatis* dicant, condensationem illam fieri sola compressione & motu locali partium intra seipsas, absque alia alteratione; difficile tamen videtur intellectu, quomodo id naturaliter id fieri possit sine penetratione. Quare etiam Vasquez *l.c. disputat. 184. cap. quarto*, rem hanc dubiam relinquit; Suarez verò *numero sexto* concedit, aliquando intervenire alterationem.

17

Dixi tamen *plerumque*; quia quando corpora ipsa ab Angelis assumpta durabiliora esse debent, ac ipso sagarum, ut fit, contactu sunt exploranda, verius est, solum aërem halitumque non sufficere, ut recte Molina *question. 51. artic. 2. disput. 2. Delrius lib. 2. quest. 28. sect. 2. contra Gihrlandum de sortilegijs q. 1. & Angles in 2. d. 8. q. 2* quibus consentire videntur Suarez *l.c. lib. 4. cap. 35. numer. 8. & Vasquez ibid. disputat. 184. capit. 3. & 4.* qui diuersitatem inter partes assumpti corporis, quoad duritiem & molliem, solum referunt in maiorem vel minorem resistantiam ipsius Angeli respectu tactus; quod in diuturno & vario attractu eiusdem corporis videtur difficillimum, & moraliter impossibile.

Verius est igitur, eo casu, præter aërem, iungendam præterea aquam, terram, lutum, sulphur, resinam, lignum &c. forte etiam accedunt quandoque à cadaveribus animalium damnatorumque hominum ossa; ut etiam

subinde verum à brutis homineve decisum semen, iuxta S. Tho. *1. p. q. 51. art. 3. ad 6.* aliaque similia, è quibus inter se utcumque coagmentatis, iunctisq; multo facilius citiusque dæmon, etiam sine alia diuturna actione, alterationeque physica, speciem humani corporis cōfigurare potest, quam ex præsupposita materia, vlla dexterimi artificis cuiusque manus, ut recte citati, Plura de hac formatione Alësis *2. p. q. 43. mem. 3. art. 1. & Gabriel in 2. d. 8. q. 1. art. 2. & 3.*

Tertiam partem cum Alberto & Bonaventura *loc. cit.* tradit Vasquez *cit. disp. 184. cap. 4. & Suarez cit. lib. 4. c. 37. à n. 7. contra Alensem 1. p. quest. 34. memb. 5. & ut apparet S. Tho. cit. 1. p. q. 51. art. 2. ad 3. vbi ait, Et sic Angeli assumunt corpora ex aere, cōdensando ipsum virtute diuina, quantum necesse est ad corporis assumendi formationem. Quod ita etiam tradit Petrus Bergomus in Concordant. dub. 117 Ratio est. Tum quia alias convenientius quodammodo Deus per se ipsum ea corpora formaret, præsertim quando ille ipsemet in eiusmodi corporibus apparet. Tum quia cum sæpius mali Angeli corpora assumant, idque ad fines pessimos, non est credibile, Deum propria virtute & speciali concursu illa formare: imo Suarez *loc. cit.* putat id esse impossibile, & plane alienum à diuina bonitate. Denique non apparet, cur id naturalis virtute Angelorum fieri non possit, ut ex dictis colligitur; nisi forte in extraordinario casu tam perfecta & eximia corporis formatio fiat,*

tanta-

tantaque membrorum soliditate & pulchritudine, ut vires Angelicas plane excedat; ut fieri posse, & fortè factū esse in Angelo Gabriele, alijque Angelis, qui apparuerūt Abraham, vel Jacob, & Tobiae, cōcedit Suarez cit. c. 27. n. 8. ubi etiam in eundem sensum S. Thomam non incommode explicat, quasi S. Thomas, de bonis nimirum Angelis solū locutus, dicere voluerit, quoad opus est, virtute diuina, &c.

19 *Affertio V.* Nō possunt tamen Angeli naturali virtute tam perfectā efformare & assumere eiusmodi hominum & animalium perfectorum apparētia corpora, quin à veris plurimū distēt; nec difficulter ad eō, præsertim accuratori tactus experimento discernantur. Colligitur ex S. Th. 1. p. q. 51. art. 3. ad 2. & tradūt communiter Doctores locis citatis, speciatim Vasquez cit. disp. 184. c. 2. & Suarez cit. lib. 4. c. 35. n. 10. & optime Caietanus 2. 2. q. 95. art. 3. ubi speciatim de dæmonibus loquens, his verbis rem explicat: *Frequenter accidit, inquit, ut cum dæmones in assumptis corporibus humanis apparent vigilantibus, conuersenter cum eis familiaritater, colloquentes & concumbentes; quandoque etiam munera vera offerentes eisdem. Non enim habent veras carnes, & vera ossa, (nisi forte aliunde ascita, ut dictum) nec membra; sed carnis & membrorum similitudinem, non solum visibilem, sed palpabilem & solidam, ita ut sentiantur tanquam humana persone, ut à multis fide dignis, ex propria experientia narrantibus audiui. In duobus tamen deficere ab humanis percepti corporibus. Primo in tem-*

peramento carnis. Nam confessus est ipse mendacij pater, cum eius caro, quasi glacialis, molesta esset tactui humana carnis, se non posse melius facere. Non potest enim sic commiscere naturalia, absque vera generatione hominis, ut carnem humanam efficiat. Et simili ratione non potest semē humanū efficere, propter perfectionem horū, & similium effectuum, requirentium propria naturalia actiua perfectā. Et ex hoc patet, quod verissimum est, quod Christus post resurrectionem suam dicit, *Palpate & videte, quia spiritus seu dæmonium carnem & ossa non habet* Ioann. 20. & Luc. ultimo. *Secundo* (deficit corpus à dæmone assumptum) *in delectatione tactus & concubitus.* Est enim tanto personarum humanarum commixtio naturalis delectabilior, quanto verum excedit verisimili. Ita Caietanus.

Et ratio est; quia ars perfectè naturam exprimere non potest, præsertim quoad eiusmodi effectus tam perfectos, & miram contemperationem partium corporis viuētis, non solum quoad qualitates primas, sed etiam secundas, ut densitatem, raritatem, duritiem, molliorem, laxitatem, asperitatem, colorem, odorem, &c.

Taceo, quod ut ex Alexandro ab Alexandris lib. 4. genial. capit. 19. Rhodigino libro 16. lect. antiq. & Remigio libro 1. damonolat. docent Binsfeldius de Confess. malef. prælud. 12. Delrius libro secundo, quæstion. 28. sect. 3. & Suarez citat. libro 4. cap. 35. plerumque effigie humani corporis à diabolo assumptam, parte aliqua apparere mancā,

20



aut monstrosam, insigniterue horridam, vocemque stridulam, obscurā, confusamque; velut ē dolio fractaue olla prodeuntem.

21

*Affertio VI.* Angeli per assumpta corpora non exercent vllas veras actiones vitales & animasticas: adeoq; proprie nec comedunt, nec generāt, nec loquuntur, nec ambulant; etsi opera vitalibus his actionibus similia exercent. Ita S. Thomas 1. p. q. 51. a. 3. corp. & ad 2. 3. 4. 5. 6. Caietan<sup>9</sup>. Molina, & omnes Commentatores *ibidem*; itē Vasquez *disput.* 186. cap. 2. & Suarez *cit. lib.* 4. capit. 38. Et prima pars est communis Doctorum in 2. *dist.* 8. *Ratio est.* Quia ad operationem vitalem, quæ per corpus exercetur (de qua solum in præsentī sermo est) requiritur, vt sit à principio vitali intrinseco & substantialiter coniuncto ipsi corpori, per quod eiusmodi operationes exercentur: quod in præsentī non fit, quia Angelus non est substantialiter coniunctus corpori; nec corpus ipsum, cum sit expers vitæ, habet vllam potentiam vitalem, nec vllas actiones, quæ recipiantur in subiecto viuentē à quo procedant.

Secundæ parti contradicunt quidē nonnulli Doctores, saltem quoad modum loquēdi. Etenim Alensis 2. p. q. 35. *memb.* 2. Scotus in 2. *dist.* 8. q. vn. & ferè Gabriel *quest.* 1. art. 3. *dub.* 2. docent, Angelum in assumpto corpore verè posse comedere; sed cum S. Thoma verius negant Bonauentura, Richardus, & alij Doctores cōmuniter in 2. *dist.* 8. & Scotus ipse in 4. *dist.*

45. q. vn. art. 5. & Clitovæus in Damas. lib. 2. c. 3. E diuerso Bonauentura, in 2. *dist.* 8. part. 1. art. 3. q. 2. Angelis tribuit verum motum progressiūm & ambulationis, quod cum S. Thoma verius negant Scotus in 2. *cit. dist.* 8. adeò, vt etiā secunda illa pars sit cōmunior inter Scholasticos; quamuis vt notauit Gregorius de Valentia ad 1. p. 8. Th. *disp.* 4. q. 2. *pun.* 3. hæc ferè tantum, sit quæstio nominis, de qua nō magnopere etiam disputandum censuit Augustinus lib. 15. de ciuit. cap. 22.

*Ratio est.* Quia comedere, generare, loqui, ambulare, seu motu progressiuo moueri, proprie nō significāt meram actionem transeuntem, secundū se & materialiter acceptā, vt est V. G. sumptio & traiectio cibi, productio qualiscunque substantiæ viuētis, formatio alicuius soni in aere, motus localis; sed significāt has actiones cum modo vitali, atq; adeò vt procedūt à principio vitali intrinseco & substantialiter coniuncto; quod in Angelis deest, vt dictū. Alioquin enim etiam vêtus, dum casu format sonū articularem in aere, loqui diceretur: & ignis aut mare comedere cibum, quem ad interiora recipit, & transmittit, &c.

Ex quibus facile patet tertia pars assertionis. Quia vt iuxta S. Thomam *loc. cit.* recte notarunt Vasquez & Suarez *locis citatis*, duo sunt genera actionū vitalium: vnum earum, quæ etiam secundum se & substantiam suam non possunt esse nisi à principio vitali, vt sunt operationes sensuum: *alia*, quæ secundum substantiam ipsam, seu quoad

quoad suum terminum materialiter spectatum, non sunt vitales, nec adeo requirunt principium vitale; sed solum sunt vitales quasi quoad modum seu specificam rationem, ut sunt illæ, quas diximus, nimirum locutio, deambulatio, manducatio, itemque ritus, fletus, & fere generatio. Prioribus non possunt Angeli similes actiones producere; quia cum etiam quoad substantiam sint vitales, nulla actio non vitalis potest illis proprie esse similis. At vero actionibus posterioris generis, possunt Angeli interueniente motu locali similes actiones producere; ut allisione aeris ad corpus, certo modo conformatum, vocem locutioni similem producere; item in assumpto corpore, moto illo pedum simulachro, motum animalis progressionis & ambulationi similem conformare; cibum quoque factitio ore sumere, ac masticare, & quasi per fauces in viscera, seu interiora corporis assumpti trajicere; multo etiam artificiosius omnia hæc representando, quam olim caput Buconis loquelam, aut Architectæ columba volatum representauit; cum tamen interim in his nec sit vera locutio, nec vera ambulatio, nec vera manducatio, ut dictum, &c.

Paulo diuersa est ratio generationis animastice: cuius terminum etiam secundum se & materialiter spectatum, cum Angeli proprie ac per se efficere non possint, sed solum per accidens, applicando actiua passiuis, idcirco nec ipsi proprie ac per se

exercere possunt actum generationis, aut generationi ipsa similem; sed solum exterius per motum localem applicando actiua passiuis, nimirum semen à viro acceptum transfundendo in matricem mulieris, causa esse per accidens generationis; ita quidem, ut etiam inde proles generetur, quæ tamen non propterea dæmonis, sed hominis qui semen emisit, & feminæ quæ recepit proles sit, ut post Augustinum lib. 15. de ciuit. cap. 23. & li. 3. de Trinit. cap. 8. recte S. Thomas cit. q. 41. a. 3. ad 6. Bonauentura, Scotus, Carthusianus, Gabriel in 2. dist. 8. Castro lib. 1. de iusta hæret. punit. c. 16. Medina in 1. 2. q. 72. artic. 1. & Suarez cit. lib. 4. capit. 38. num. 10. & alii.

Atque hæc causa est, cur Angelus Tob. 12. v. 19. dixerit: *Videte quidem vobiscum manducare & bibere, sed ego vobis inuisibili & potui vtor.* Abraham autem Genes. 17. cum cibos offerret Angelis, eos Angelos esse necdum cognouerat: in quibus tamen Deum venerabatur, sicut soles Deum esse Prophetis, ut post Augustinum l. 16. de ciuit. c. 19. dicit S. Thomas cit. artic. 3. ad 5. Alia ratio fuit Christi Domini, qui cum post resurrectionem cibum vitalibus organis, veraque actione vitali assumpsit, atque ad stomachum transmiserit, vere ac proprie comedit, tamen cum non concoxerit, aut in suam substantiam conuerterit: quod ad propriam manducationem minime requiritur, ut habet communis cum S. Thomas cit. a. 3. ad 5. & pluribus persequitur Suarez cit. l. 4. c. 38. n. 17. & 18.



26 Ex quibus fere etiam colligitur responsio ad difficultates & rationes dubitandi initio propositas. *Ad primam*, n. patet solutio ex assert. 4. & 5.

*Ad 2.* de Magis Aegyptiacis respondeo, eos non potuisse ope demonis efficere sciniphes, siue defectu dispositionum naturalium, siue potius Deo impediante. In quem sensum Augustinus lib. 3. de Trinit. cap. nono ait: Neque enim occurrit alia ratio, cur non potuerint facere minutissimas muscas, qui ranas serpentesque fecerunt, nisi quia maior aderat dominatio prohibendi per Spiritum sanctum; quod etiam ipsi magi confessi sunt, dicentes, *Digitus Dei est hic.*

27 *Ad 3.* ex comparatione agentium naturalium petitum, Respondetur, Angelos ad hæc corpora effigianda multo maiori facultate pollere, quam vlla alia agentia naturalia vel artificiosa; ob vim singularem motiuam, & penitissimam cognitionem rerum naturalium, vt dictum assert. quarta & 5.

*Ad 4.* patet ex assert. 5. responsio. Siquidem tactus experimento moraliter certum & euidentis esse poterat, corpus Christi rediuiui, verum & naturale corpus esse, vt recte etiam post Caietanum 2. 2. q. 95. artic. 3. Valquez citat. disp. 184. cap. 2. num. 12. & Suarez cit. lib. 4. cap. 35. num. 11. & 12.

28 *Ad 5.* Respondeo, solum quidem per se elum non fuisse sufficiens signum veri ac naturalis corporis; sed alijs tamen signis additum merito augere poterat eiusdem rediuiui fidem. In quem forte sensum etiam Sanctus

Thomas 3. part. quest. 55. articulo sexto docet, singula illa argumenta resurrectionis per se non fuisse sufficientia, bene tamen coniuncta cum testimonijs Prophetarum. Quanquam aliud est resurrectio, aliud absoluta presentia veri & viui corporis. &c. Sed de hac re suo loco plura.

### QVÆSTIO VI.

*An & qua ratione Angeli generalem ordinem & statum huius mundi immutare, causarumque naturalium efficientiam suspendere vel impedire possint.*

S. Thomas 1. p. q. 110. a. 1. & 2.

NON agit quidem hac de re Sanctus Thomas ex instituto his locis; at quia tamen ad multa explicanda necessaria est, quæ diabolus per striges aut magos factitare videtur. *faciendo V. G. vt magi reddantur inuisibiles, vt ignis subiectum stramen non comburat. &c.* operæ pretium est eam breuiter explicare.

*Affertio I.* Non potest Angelus substantialem statum huius Vniuersi destruere; aut vniuersalem seu essentialem rerum naturalium ordinem immutare: quare nec potest vacuum, aut penetrationem corporum efficere; nec cælum aut stellam aliquam ad terram detrahare; nec terram vniuersam ad cælum attollere, aut suo loco dimouere; nec vniuersalem elementorum situm peruertere; aut integrum aliquod elementum destruere;

struere : nec solis astrorumue cursum turbare ; nec lumen præsentis solis sine medio intercipere ; nec influxû cœli impedire : nec intrinsecas & naturales rei proprietates tollere : adeoque nec naturales causarum naturalium actiones , positis omnibus ad agendum requisitis, impedire : solus Deus negato concursu necessario suspendere eas potest. Ita supponunt passim Theologi, vbi de his rebus agunt : in primis Sanctus Thomas 3 p. *question* 13. *articulo secundo*, vbi etiam animæ Christi talem potestatem negat, secundum propriam naturam & virtutem , siue naturalem, siue gratuitam. Et 1. p. *qu.* 1. *o. art.* 2. negat materiam corporalem obedire Angelo ad nutum. Quibus locis idem docent Theologi, speciatim Suarez *ibidem* & *metaph. disputat.* 19. *sect.* 1. *nu.* 14. & *disput.* 43. *sect.* 4. & *cit lib.* 4. *cap.* 27. *num.* 6. vbi ait ; Cum ordo vniuersi certis Dei legibus definitus sit , Angelus simpliciter vniuersi ordinem inuertere non valet. Eandem doctrinam habent Guilielmus Parisiensis in 2. *part. de Vniuerso*, Albertinus tom. 1. *quest.* 1. *Coroll.* 2. & Delrius *lib.* 1. & 2. *disquisit.*

In eundem sensum Augustinus libro tertio, de Trinit. *cap.* 7. & 8. ait : Non est putandum, istis transgressoribus Angelis, ad nutum seruire hanc visibilitum rerum materiam, sed Deo potius, à quo hæc potestas datur, quantum in sublimi & spiritali sede incommutabilis iudicat. Et *cap.* 9. Aliud est, inquit, ex infimo ac summo causarum cardine condere atque administrare creaturam ; quod qui facit, solus creator est Deus.

*Ratio assertionis est.* Quia quædam ex his superant naturalem virtutem omnis agentis creati : quædam etsi forte non superent : tamen iuxta constitutam legem & ordinationem Dei, de statu vniuersi huius conseruando vsque ad finem mundi, iuxta promissum illud factum ad Noë *Genes.* 8. *vers.* 22. & *cap.* 9. *vers.* 11. & decimo tertio. Angelis non permittuntur : vt Verbi Gratia *sistere cælum, aut cursum solis, vel astrorum perturbare* : quare etiam cælos mouere dicuntur per modum naturæ. Et conuenientissimum erat vt status & ordo vniuersalis mundi soli auctori Deo subiaceret : sicut vniuersalis regni status à solo Rege dependet, qui solus etiam vniuersales regni leges figit & refigit.

Quamquam idem Augustinus *ibidem* inferius sentiat ; difficillimum esse, particulatim definire, quid Angeli per naturam possint, & Deo prohibente non possint. Ait enim : Quid autem possint per naturam, nec possint per prohibitionem, & quid per ipsius naturæ suæ conditionem facere non sinantur, homini explorare diffisile est, imo vero impossibile, nisi per illud donum Dei, quod Apostolus commemorat dicens : Alij diuinitas spirituum. Nouimus enim hominem posse ambulare, & nequaquam hoc posse, si non permittatur : volare autem non posse, etiam si permittatur. Sic & illi Angeli quadam possunt facere, si permittantur ab Angelis potentioribus ex imperio DEI ; quadam vero non possunt, etiam si ab eis permittantur : quia ille non permittit, à quo illis est talis naturæ modus,



*modus, qui etiam per Angelos suos & illa plerunque non permittit, quia concessit, ut possint. Ita Augustinus.*

5 Nihilominus, quia Angeli ad extra nihil possunt efficere, nisi motum aut quod ex motu naturaliter sequitur, ut superius dictum, facile est intelligere, ab ijs naturaliter effici non posse penetrationem corporum, nec vacuum: præsertim quando hæc vniuersalis natura rerum respuit: cui Angelus minime dominatur: uti neque influxum cæli, aut actionem causarum naturalium, omnibus ad agendum positis, impedire. E contrario, quia Angeli naturaliter, & quantum est ex intrinseco operationis modo, libere cælum mouent: neque natura sua ad tantam præcile velocitatem, aut hanc vel illam rationem motus, determinati sunt, utique possent sua natura & naturalis viribus cælum aliter mouere, aut omnino sistere, si diuina lex & ordinatio non obstaret: quæ etiam communiter prohibet alia multo minora, ne ab Angelis effici possint. Possent enim Angeli, ut recte ait Suarez *hic loc. cit.* si nudam facultatem naturalem spectes, animalia occidere, arbores eradicare, montes transferre, & similia, quæ per violentum localem motum fieri possunt: sed moraliter ac Deo permittente non possunt: & boni non volunt, nec velle possunt: mali etiam si velint, non valent.

6 *Affertio II.* Potest quidem Angelus naturaliter sensuum etiam externorum sensationem variè impedire, ip-

soque sensus ludificare: at vero potentia videndi simul cum organo non læsa aut turbata, siue distracta, obiectum visibile debito modo præsens, nulloque tegumento cooperatum, clara cæteroqui luce videri non possit, nulla vi naturali efficere potest. Ita communis Doctorum. Et priorem partem tradit Sanctus Thomas *questione 6. de potentia articulo 5. ad 6. & quest. 16. de malo articulo nono ad 2. & in 2. diffin. 8. qu. vn. art. 5. ad 4.* Alensis *part. 2. qu. 43. mem. 3.* Gabriel & alij Doctores in 2. dist. 8. Caietanus 2. 2. qu. 95. articulo 3. Gregorius de Valentia de Angel. disp. 4. qu. 2. pun. 2. Post Augustin. 18 de ciuit. cap. 18.

*Ratio est.* Quia cum ad sensationem, præter animam ipsam & potentiam innatam, requirantur etiam tum per modum principij, organum sanum, item obiectum, ac species: tum per modum conditionis necessariæ, debira approximatio obiecti, item medium certo modo dispositum, & ne animæ attentio tota in alias res sit distracta & abrepta: hinc fit, ut Angelus varijs modis sensum ludificare, aut sensationem impedire possit: 1. Ex parte organi: tum replendo illud humore aliquo & rheumate: tum figuram organi, præcipue oculorum, quadam compressione aut distractione immutando: tum spirituum influxum, sine quibus non fit sensatio tantisper inhibendo. Quæ ratione in deliquio animæ, homo etiam apertis sensibus nihil sentit, & in cataractis facile alij alijque sensus quasi obstru-

obstruuntur & obtunduntur. 2. Ex parte obiecti, subito vel formando, aut adducendo, vel remouendo, aut dissoluendo, aut immutando, & aliter atque aliter conformando obiectum, vt *dub. preced. dictum* 3. Ex parte speciei, aut interposito obstaculo impediendo propagationem eius vsque ad oculum, siue sensum; aut respectu sensus interni, spiritus vitales, qui sunt vehicula siue receptacula specierum, varie commouendo, retrahendo, agitando, conturbando, vt dictum. Atque ad hunc modum nonnulli putant, aorasm Sodomæorum factam fuisse spirituum animalium repressione. 4. ex parte approximationis, remouendo, vel post tergum reiiciendo obiectum, vt dictum. 5. Ex parte medij interposito obstaculo regendo, vel occultando obiectum; item colorando, vel condensando, aut in figuram certam, concauam, aut connexam, regularem vel irregularem conformando, partem aliquam medij; ita vt quemadmodum per specula seu vitra colorata, aut aliter & aliter configurata, obiectum aliter & aliter, maius vel minus; rectum vel distortum representatur, vti in specillis quotidie videre est; ita etiam per similem conformationem medij, seu partis medij aliter & aliter visus afficiatur. *Sicut*, inquit Sanctus Thomas *cit. 2. sent. distin. 8. ad vaporacionem cuiusdam fumitrabes domus videntur serpentes, &c. 6.* Ex parte attentionis, commonendo phantasmata, & distrahendo

mentem, vt alijs, non presentibus rebus & obiectis animi attentio applicetur.

Addit Sanctus Thomas *cit. distin. 8. questio. vn. articulo 5. ad 4.* alium modum ludificandi sensum externum, cum ait: *Fieri potest, vt species, quæ sunt in imaginatione seruata, operatione demonum, ad organa sensuum fluant, sicut contingit in somno; & ideo quando contingunt illa species organa sensus exterioris, videntur, ac si essent res presentes extra, & actu sentirentur.* Quod etiam tradit & sequitur Gregorius de Valentia *citata disputatione quarta, questione secunda, pun. 2. vt dictum dubitat. precedent.* Sed hoc difficile est: non solum quia sic dæmon sensationem in externo sensu efficere posset, sine vlllo obiecto; sed etiam quia species, quibus mouetur sensus externus, non sunt phantasmata, sed species sensibiles ab obiecto immediate productæ, & dependentes. Quod si solum de visione phantastica loquitur S. Thomas, quid ad eam conferre potest transmissio specierum ad organa sensus exterioris?

Atque ex his sequitur secunda pars assertionis: Nam si remoto omni obstaculo, tam ex parte potentia, & organi, quam medij, aliarumque conditionum, obiectum præsens & illuminatum videri non posset, id vel fieret, impedita specierum visibilium productione, seu propagatione vsque ad oculum, aut positis etiam omnibus ad videndum requisitis ipsa per se *facul-*



cultate videndi, ab eliciendo visionis actu impedita: at neutrum est possibile, ex prima assertione; quia diabolus non potest causarum naturalium actiones, positis omnibus ad agendum requisitis impedire, ut dictum.

Reddere igitur hominem ἀόρατον & inuisibilem diabolus duntaxat potest, sublato aliquo ad eum videndum principio, aut dispositione, vel conditione, siue ex parte obiecti, siue medij, aut ipsius potentiae seu organi requisita: nimirum aut subita ipsius hominis in alium locum distantem occultamue translatione, seipsum subinde interim, cum opus videtur, hominis absentis, somnioque forte delusi, loco, per aliquam externam operationem praesentem substituendo; aut nubis seu aerei cuiusdam operimenti, alteriusue corporis, ad res ceteras praesentes bene accommodati obiectu; aut potentiae visuae seu organi reali physicaque alteratione: siue quia crasso fumo ac fuligine interius excitata, oculi à visione impediuntur: siue quia spiritus animales ad visionem requisiti ita suo loco mouentur, ut visioni subseruire non possint: siue quia ipsum organum humore crasso repletum, aut pellicula inductum, seu alias deprauatum, species apte recipere, vel ad locum visionis transmittere non potest.

31

*Assertio III.* Non potest quidem diabolus facere, ut ignis stramen debite approximatum & dispositum, adeoque omnibus ad agendum

requisitis positis, non comburatur; atamen ut exterius videatur ab igne non comburi, quamuis debite approximatum, facere potest; sicut & humanum aut animalis corpus intrinsece incorruptibile seu inuulnerabile reddere non potest, sed solum extrinsece reprimendo seu cohibendo vim globi, seu ferri in corpus impacti, vel adacti. Haec assertio quo ad partem negatiuam sequitur ex prima assertione; & est ex mente Doctorum, quos citauimus: quia nec impedire actionem naturalem, omnibus ad agendum praerequisitis potest: neque naturales, & intrinsecas rerum proprietates tollere vel immutare. Pars autem affirmatiua eiusdem assertionis patet experientia magorum, quibus cum daemone pactum intercedit.

Fieri autem potest, ut stramen videatur ab igne non comburi: siue delusione sensus externi, per fatui alicuius fictiq; ignis aut straminis representationem: siue quia inter ignem & stramen, ferrum aut lapis artificiose interpositus est: siue etiam quia stramen liquore igni resistente imbutum est, ut fieri posse tradit Fallopius. Atque in hunc modum intelligi & explicari debet, quod de Zingaris (superstitiosa illa & vaga gente) iactari ab imperita plebe solet, eos in stramine ignem accedere posse: ita ut stramen interim non comburatur. Nam subtractione virtutis seu influxus naturalis ignem ab actione naturali cohibere solus Deus potest, qui tres pu-

eros in camino ignis illæsos conseruauit.

13

Eodem modo potest dæmon vim vel impetum globi aut ferri subito inhibere & retardere, ne corpori vulnus vllum aut læsionem inferat: quia hoc solum est impetum, & motum localem rerum naturalium sistere & inhibere: quod potest quisquis mouendi vim & impetum fortio- rem habet, quam sit in re mobili: cum sit eiusdem rationis & virtutis mouere aliquid, & motum seu impetum aliunde impressum cohibere, vt superius suo loco dictum.

14

Qua quidem in re est aliquod discrimen inter vim motiuam rerum naturalium, ipsumque motum vnde- cunq; tandè rei impressum, & inter alias agentium naturalium virtutes actiuas earumque actiones. Quia enim Angelus ad extra directe & per se producere nihil potest, præterquàm motum vel impetum ad mouendum, idcirco potest ipse quidem per se ipsum immediatè etiam sine alia mutatione interueniente, conatum seu applicationem causæ naturalis ad se vel aliam rem mouendam retundere, & quoad effectum irritam reddere: sicut & motum in medio cursu suo arbitrato intercipere: at vero cæteras virtutes ad agendum, earumque naturales actiones & effectus impedire non potest, nisi vel interposita causæ secundæ contrariæ seu resisten- tis: aut facta alia mutatione, siue ex parte agentis, siue passi, aut medij, seu debite approximationis: quod fac-

re dæmon aliquando potest per motum localem, aliquando non nisi per applicationem aliorum agentium naturalium, iuxta variam & peculiarem viam cuiusque agentis, seu actionis naturalis & præsentium circumstan- tiarum rationem.

Ex quibus denique colligitur, motum localem quidè ignis dæmonem suo arbitrato per se immediate inhibere & intercipere posse: calefactionem ignis in subiecto apto & approx- imato per se immediate cohibere aut interrompere non posse, nisi aliqua alia mutatione interueniente, vt dictum. Qua ratione etiam in homine longum somnum, aut inedia- m causare potest. An vero dæmon suo arbitrato, siue per se, siue per striges, hominibus nocere possit, dicitur *disput. huius de Angelis, q. 6. dubio vltimo*, in quo etiam cætera tum ad boni, tum ad mali Angeli functiones & studia erga homines spectantia declarabuntur.

### QVÆSTIO VII.

*De prauis dæmonum studiis & infestationibus, ad homines seducendos & perdendos: speciatim an dæmones absque speciali permissione Dei, siue per se, siue per striges, maleficosque homines, nocere hominibus possint.*

S. Thomas. 1. p. q. 64. a. 4. & q. 114.

DE hac re solum generatim & breuiter agit Sanctus Thomas qu. 64. a. 4. ex instituto vero & particula-



curatim quæst. 114. Nos supponimus id veluti principium, quod alibi docuimus; dæmones quosdam ex diuinæ providentiæ dispositione in hoc mundo inter homines degere, partim vt dum Deo permittente, ijs tentandis & exercendis operam ponant, bonum eorundem, Deiq; gloriam vel inuiti, & quasi præter intentionem procurent & promoueant, vt pluribus differit Chrysostomus *homil. 1. ad populum* & prosequitur *Barra dius lib. 2. concord. c. 8. & seq.* partim etiam vt veluti ministri diuinæ iustitiæ, homines ob sua peccata castigent & puniant; quod Deo etiam nonnunquam præcipiente & directe volente facere possunt, in ijs pœnis exequendis, quæ per se culpa vacant vt bene declarat Suarez *hic l. 8. c. 20. n. 7. & 8.* Vnde Beda *l. var. q. q. 9.* Quoties, inquit, Deus quocunque flagello huic mundo irascitur, ad ministerium vindictæ Angeli (mali) mittuntur: qui tamen diuinâ potestate coercentur, ne tantum noceant, quantum cupiunt. Hoc principio posito, rem hanc omnem aliquot quæstiunculam breuiter explicabimus.

2

Primo igitur quæritur, *vtum omnes dæmones promiscue, ad tentandos homines in hac vita incumbant.* Respondeo breuiter immediate ac per se ipsos non tentare, nisi eos, qui in terra seu aere inter homines degunt: quod quidem contingit non omnibus simul, nec determinate ac perpetuo certis quibusdam, sed alternatis quasi vicibus. modo his, modo alijs; hoc solum ex-

cepto, quod supremus Lucifer in inferno vsque ad tempora Antichristi alligatus creditur, iuxta *Apocal. 20.* At vero mediate & consilio atque hortatione credibile est, omnes pariter ad seducendos homines operam conferre: cum id & facile possint, & ob summum, quo erga homines feruntur, odium & inuidiam, vti que etiam velint.

Secundo quæritur, *vtum inter dæmones, quoad homines tentandos, sit aliqua subordinatio, ita vt alij aliorum inssu & auctoritate hac in re ducantur?* Respondeo cum S. Thoma *q. 109. a. 2.* Guilhelmo Parisiensi *2 part. de vniuers. p. 2. cap. 14. 15. 16.* & Magistro, & communi Doctorum in *2. d. 6. sententia*, quam bene explicant Gregorius de Valentia *disp. 8. q. 4. pun. 3.* & Suarez de Angel. *l. 8. c. 21.* esse plane inter dæmones aliquam prælationem, fundatam quidem in ipsa eorundem natura, prout alij alijs secundum speciem sunt superiores: sed quæ tamen tum ex voluntario eorundem consensu, tum etiam ex ipsa ordinatione diuinæ, providentiæ ac sapientiæ, partim id permittentis, partim etiam ad bonum finem ordinantis ac dirigentis eam subordinationem, compleatur & perficiatur. Hoc significatur à Christo, *Luc. 11. v. 17.* *Omne regnum in seipsum diuisum desolabitur. &c.* Et si Sathanas &c. Et ab Apostolo *Ephes. 6. v. 12.* inter dæmones referuntur *principatus & potestates* quibus *1. Cor. 15. v. 24.* adduntur *virtutes*, vbi dicitur: *Deinde finis, cum tradiderit regnū Deo & Patri, cū*  
qua-

3

evacuaverit omnem principatum, & potestatem, & virtutem. ubi glossa ordinaria: *Quamdiu, inquit, durat mundus, Angeli Angelis præsunt, demones demonibus, homines hominibus, ad utilitatem viventium, vel ad deceptionem; sed hominibus collectis, iam omnis praelatio cessabit, quia necessaria non erit.* Et Augustinus l. 83. q. 69. ait: *Evacuando omnem principatum & potestatem, manifestari & omnibus notum fieri, nullum principum vel potestatum siue celestium, siue terrestrium, per se habuisse aliquid principatus vel potestatis, sed ab illo, ex quo omnia, non solum ut sint, verum etiam ut ordinata sint.* Et ratio est. Quia praelatio inter naturas specie distinctas, & ex se invicem sua natura pēdere aptas, fundatur in ipsa præstantia naturæ, secundum quam inferior à superiori dependet; hæc autem diversitas naturarum convenit Angelis, tam bonis, quam malis, ut dictum *questio. 1. dub. 1.* Ergo. Qua ratione etiam S. Thomas *loc. cit.* sentire videtur, ex ipsa quoque præcise natura rei, atq; in omni statu, Angelos inferiores fuisse superioribus subiectos: quod tamen negat Suarez *cit. capit. 21. à n. 14.*

Sane quia Angeli mali ab initio motioni Luciferi se peccando submitserunt, tum etiam ut post lapsum eorum regnum in ordine ad seducendos homines stabile esset, valde credibile est, inferiores etiam voluntarie consensisse in praelationē superiorum; etsi nec dubium, quin in ipsa executione, pro libertate arbitrij sui, sæpè etiam reluctentur, ut rectè Valentia *loc. cit.* præterquam quod di-

vinæ providentiæ ordō ad bonum finem hæc omnia ordinantis non permittit, ut suo arbitratu singuli ad hæc studia ferantur: etsi quidem positive etiam non velit aut intendat; ut inferiores superioribus in pravis eiusmodi studijs, & procurationibus obtemperent; quia malum velle non potest.

Sed nec Deus ipse, ob eādem causam, positive inter dæmones ministeria nocendi distribuit, uti significat Bonaventura in 2. *distinct. 6. quest. ultim.* sed potius Lucifer, ut cum S. Thomas *question. 114. artic. 1.* & Guilielmo Parisiensi rectè Suarez *cit. capit. 21. à numero 25.* Quæ autem præterea in particulari à nonnullis circa hanc praelationem referuntur, tum à Guilielmo Parisiensi *loco citato capit. 5. 8. & sequent.* tum ab alijs, incerta sunt, ut post Binsfeldium *libro 6. de maleficijs prælud. 10.* rectè notavit Suarez *cit. capit. 21. numero 21.* Quomodo autem superiores dæmones etiam possint inferiores violenter loco movere, vel sistere, etsi directe eos ad aliquid agendū cogere non possint, patet ex *qu. 5. dub. 2. disp. 5.*

Tertio quæritur, *an demones ab exordio mundi, & nunc etiam cunctos homines ex æquo infestent.* Respondeo, sine permissione Dei, dæmones nihil in hac re facere posse, ut inferius dicitur; & verò hac permissione non exclusa, iuxta SS. Patrum & Scripturæ doctrinam, discrimen est inter varios status seu ætates mundi. Nam *in statu innocentie non permissus est demon*



ita tentare hominem, sicut post peccatum: illic enim solum exterius suadendo tentauit; postea verò etiam interiorius alliciendo seu inclinando, vt dicitur.

- 6 Secundo post peccatum vsque ad Christum multo infestius tentare ac persequi homines permissus est, quam post aduentum Christi: hinc enim passim idolorum responsa cessabant; nec tam frequentes, ac prodigiosæ elementorum perturbationes à demonibus excitari poterunt, præsertim vbi crucis Christi trophæum erectum, aliaque fidei nostræ symbola in vsu essent. Quo tempore etiam vsque ad persecutionem Antichristi, Lucifer in inferno alligatus creditur. *Apocalyp. 20. versic. 2.*

- 7 Tercio inter ipsos etiam homines hoc tempore discrimen est, quia baptizatos vniuersim & à toto genere minus permittitur infestare, præsertim externis & violentis machinationibus, quam infideles non baptizatos; vti etià è terris Ethnicorū ac gentiliū, nēpè Indiæ tã Orientalis, quàm Occidentalis, multo horribiliora diabolicæ virtutis ac potentiæ documenta ad nos scripta transmittuntur, quam in terris Christianorum audiantur. Vt cum illic dæmones visibiliter ac familiariter palam inter homines versantur, docent, monent, puniunt &c. cum supra fidem prodigiosas sæpe tempestates cient, aliaque eis nocumenta inferunt; quorum etiam nonnunquam

etiam vicini, seu permixti inter Ethnicos Christiani participes fiant, credibile tamen est, ea non nisi ob Atheismi seu gentilismi impietatem, communiter ijs locis adeò inclitam, à DEO permitti. Idem ferè seruata proportionem dici potest de fidelibus iustis, si cum peccatoribus confectantur.

Quarto discrimen est inter tempora postrema, seu extremo iudicio vicina; & anteriora. Nam sub tempore persecutionis Antichristi, rursum soluetur Lucifer, maioriq̃ tyrannide sæuire permittetur, vt colligitur ex *Apocalyp. 20. versic. 3. 7. & 9.* De qua passim agunt SS. Patres, speciatim Cyprianus *libr. 7. epistol. 4. seu epistol. 77.* Lactantius *libr. 2. Instit. capit. 15.* Athanasius in *orat. cont. gentes*, Chrysostomus *homil. 1. ad populum*, Gregorius Nazianzenus *orat. de natiu. Christi.* Augustinus *20. de ciuit. capit. 7. & serm. 197. de temp.* & Gregorius *libr. 32. Moral. cap. 12.* vbi tempore gratiæ dæmonem dicit esse ligatum; quia potentia diuina dispositionis asstringitur, ne in quantum nocere valet, effrænetur.

Interim recte Suarez *cit. capit. 18. numero 17.* annotat, eam dæmonis potentiam non semper limitari à DEO, pro ratione, aut certa condicione, seu statu personæ, vel Ecclesiæ: sed sępè Deum, pro solo suæ voluntatis consilio, ac libera electione, hunc grauius, illum leuius; hunc frequentius, illum rarius; vel in hac, vel in illa materia tentari per-

mittere

mittere; ac vniuersim aliter electorum tentationes moderari, quam cæterorum. Quia in hoc nulli facit iniuriam, & cui vult, facit maiorem gratiam.

10

Quarto quæritur, *qua ratione vniuersim demon homines infestet?* Respondeo hæc iuxta Sanct. Thomam *question. 1. 1. artic. 1. 2. 3. 4. & question. 114. artic. 4. & 1. 2. question. 8. artic. 1. & 2.* generatim hoc enim facere duobus modis; primo exterius, & per effecta externa affligendo, siue tentando; siue interim simul visibilis ipse in assumpto corpore appareat; siue non; iuxta ea, quæ de hac re generatim alio loco docuimus. Secundo interius alliciendo; non quidem directe & immediate inclinando voluntatem; hoc enim Dei proprium est; sed prauas suggestiones seu cogitationes, phantasmatum seu humorum commotione, ingerendo. Quia vt ex communi bene docet Suarez *cit. libro 8. ca. 18. numer. 8.* diabolus non aliter tentat hominem, quam immittendo prauas cogitationes, vel interius phantasmata (motus spiritibus animalibus, quæ sunt quasi vehicula phantasmatum) aut etiam ipsum corpus humoresque commutando, vel exterius obiecta sensibilia incitantia ad malum offerendo, vel etiam aliquando exterius sub diuersis figuris apparendo, & loquendo; adde, vel varijs effectibus, quos ipse per se, aut per causas secundas producere potest, hominem cruciando, vt fuse persequitur Cassianus *collat. 7. à ca. 9.*

vsque ad 16. In qua re tamen omni, *Benedictus Deus non patitur nos tentari supra id, quod possumus, sed facit cum tentatione prouentum. 1. Cor. 7. v. 13.*

Quinto quæritur, *an diuersi demones sub diuersis ducibus destinati sint, qui ad diuersa vitia ex instituto impellant, eorumque progationem promoueant.* Affirmant Origenes *homil. 15. in Iosue*, Hieronymus *in Abacuc. 3. & Ephes. 6.* Cassianus *collat. 7. capit. 17.* Magister *in 2. distinct. 6.* & Guilielmus Parisiensis *loc. citat. alijque apud Binsfeldium citat. pralud. 10.* Nec est incredibile; sed incertum, vt bene Suarez *cit. libro 8. capit. 21. numero 28.* Sicut enim idem bonus Angelus ad cuiusque virtutis honestatem promouet, ita verosimile est, ad quodlibet vitium pro re nata impellere ex demonibus quemlibet, vt docet etiam Gregorius *libr. 32. moral. cap. vltim.* Et quamuis in scriptura quidam dicatur *spiritus mendax 3. Reg. 22.* alius *spiritus fornicationis Osee 4.* *spiritus seductores 1. Timoth. 4.* non est tamen necesse; vt hi spiritus intelligantur ex parte subiecti seu personæ esse diuersi.

Sexto quæritur, *an demon victus in oppugnatione hominis, saltem ad tempus recedat, hominemque dimittat, statim enim ad inferos detrudi, verisimile non est.* Respondeo iuxta communem affirmatiue. Ita tradunt Sanct. Thomas *1. p. question. 114. artic. 1.* Egidius, Richardus, Durandus & alij *in 2. distinct. 6.* & colligitur ex *Luc. 4. vers. 13.* *Et consummata omni tentatione,*  
diabo-

11

12



diabolus recessit ab vilo, vsque ad tempus. Et Iacob 4. v. 7. Resistite diabolo, & fugiet à vobis.

Verum hoc intelligendum moraliter & ordinariè non post singulas partiales quasi tentationes, sed post totam aliquam machinationem, quæ pluribus sæpè insultibus constat, perfecte deuictam: pudet enim tum quodammodo dæmonem amissæ victoriæ, sibi quæ à victore meruit: præterquam quod hoc benignitati diuinæ providentiæ admodum consentaneum est, vt victorem aliquantisper subleuet. Quod tamen non obstat, quo minus postea dæmon audacior insistas, iuxta Matth. 12. & Iob. capit. 1. & 2. & Gregorium libr. 10. epist. 38. & lib. 3. Moral. capit. 8. & lib. 32. capit. 16. & Cyprianum epist. 6. vbi ait: Fortiorem magis aggreditur, & acrior factus, hoc ipso, quod victus est, superantem superare conatur.

13 Septimo quæritur, an sicut de bonis Angelis à plerisque dicitur, ita etiam Deo permittente, & Lucifero disponente, ex malis Angelis, singulis hominibus à natiuitate, proprius adiunctus sit aduersarius & impugnator? Respondeo ex communi & valdè probabili sententia Doctorum, affirmatiuè. Ita enim cum Magistro in 2. distinct. 6. communiter tradunt alij Scholastici; & docent Origenes homil. 35. in Luc. & 3. periarcho cap. 2. Gregorius Nyssenus lib. de vita Moyssis, Tertullianus lib. de anim. cap. 39. vbi multa Pamelius numer. 451. & plura Eugubinus lib. 8. de perrenni Philosophia, & probabile censent Grege-

rius de Valentia ad 1. p. S. Th. diff. 8. q. 3. punct. 4. Vasquez disputat. 245. capit. 1. ibidem Suarez cit. lib. 8. capit. 21. numer. 31.

Ratio est. Quia dæmon studio nocendi cupit ex aduerso, quoad potest, paria facere cum Deo; nec deest facultas: quia tamen non sit tanta multitudo dæmonum, quanta Angelorum, facile tamen credi potest, etiam ex infimo ordine tantum esse numerum dæmonum, quantus est omnium hominum simul viuentium; præterquam quod verisimile est, aliquando etiam fortasse ex superiori ordine ad idem officium aliquos destinari. Deus autem ob eandem causam hoc ipsum facile permittit, ob quam vniuersim homines à demonibus tentari permittit.

14 Octauo quæritur, vtrum demones suo arbitratu, sine speciali permissione Dei possint homines tentare, eis quæ siue per se, siue per striges nocere? Responderetur in modum sequentem. I. sine permissione aliqua diuina nihil in hoc genere demones præstare possunt. Ita omnes; & tradunt passim SS. Patres, speciatim Cyprianus in exposit. orat. domin. Augustinus in Psalm. 61. & 100. Damascenus lib. 2. capit. 4. & Bernardus lib. ad sororem cap. 67. Ratio est. Quia nihil fit, nisi Deo vel faciente, vel permittente.

15 II. In consuetis tamen modis impugnandi non est opus speciali permissione Dei; tamen etiam in his subinde Deus per se, vel per Angelos eorum conatus impedit vel infringit.

fringit. Ratio est. Quia hæc potestas permissa intelligitur, sub generali permissione homines tentandi.

III. Specialia tamen nocumenta, siue in rebus externis, siue in personis, inferre hominibus per seipso non possunt, neque extraordinarios & prodigiosos tentandi modos adhibere, absque speciali, in vnoquoque casu particulari, permissione Dei: Colligitur apertè ex scriptura, exemplo Iobi capit. 1. vers. 12. & capit. 2. vers. 6. & exemplo Achab lib. 3. Reg. ca. 22. vers. 22. item documento porcorum Matth. 8. vers. 39 idem docent Damascenus lib. 2. fid. cap. 4. Augustinus lib. 20. de ciuit. capit. 8. & in Psalm. 77. & ser. 193. de temp. & lib. 3. de Trinit. cap. 8. & 9. Ratio mox afferetur.

IV. Sed nec per striges aut maleficos, sine speciali, in vnoquoque casu particulari, permissione Dei, dæmones nocere hominibus possunt; sicubi striges non adhibeant res naturaliter homini nociuas. Colligitur ex iisdem scripturis, & testimonijs. Quocirca nec potest dæmon, suo arbitrato, tempestates ciere, etiam si striges scopis adhibitis, ollaue malefica effusa, diaboli in eam rem opem inuocent; tamen si facilius hoc casu permittat Deus, exoptatum à strige malum per dæmonem inferri; quia saltem aliqua ad eam rem hominis cooperatio accedit.

V. At verò quando striges à diabolo vnguentum venenosum seu naturaliter noxium acceperunt, tunc

sanè suo ipsæ arbitrato, nisi Deus speciatim conatui obstat, eo vti, eiusque vsu & applicatione, quibus volunt, nocere possunt. Ratio est, Quia Deus ligauit diaboli potestatem, ne per se, suoque arbitrato noceat, vt colligitur, ex Luc. 11. versu 22. & Apocalyp. 20. versu 2. nec vnquam generalem fecit ei potestatem, naturis rerum suo arbitrato vtendi, aut nocendi vti liberet. At verò hominibus, in hac vita, reliquit liberam potestatem, rebus naturalibus vtendi suo arbitrato, seu bene, seu male.

Atque ita quoque docet Trithemius lib. quest. ad Maximil. I. Imperatorem q. 7. vbi inter cætera etiam recte cauet, ne maleficium nouo maleficio depelli à Magistratibus permittatur. Non sunt, inquit, inter Christianos tolerandi, O sacratissime Cesar, homines mente corrupti, & reprobi circa fidem, qui per maleficia curant maleficiatos; qui furti ministerio demonum reuelant & adulteria; qui lapidum aut speculi inspectione prænotant futura. Non exaudias illos, precor, qui diuinarum legum ignari, huiusmodi ministros demonum imperio tuo existimant vtilis; propterea quod maleficio nouerunt maleficia dissoluere. Quoniam ista perniciosaturatio corporum mortem inducit animarum, & facit homines à Deo creatore omnium recedere, & impijs apostatis demonibus adherere, cum quibus post mortem damnabuntur in æternam.

Nono quaeritur, Vtrum omnes tentationes, omniaque peccata hominum, ex demonum machinatione proueniant? Respondet cum S. Thoma q. 114. artic. 3. media-

18

19



mediate quidem & remote omnia peccata, omnesque tentationes à demone prouenire; quatenus induxit primum hominem ad peccatum, ex quo concupiscentia & naturæ corruptio, adeoque cætera peccata consecuta sunt, de quo nulla est contro-  
 uersia: directè verò & immediatè non est omnium peccatorum seu tē-  
 rationum causa; sed quædam ex li-  
 bertate arbitrij nostri propriæque  
 carnis corruptione nascuntur; iuxta  
 illud Iacob. 1. v. 14. vnusquisque tenta-  
 tur à concupiscentia sua abstractus & ille-  
 ctus.

Idem docent Origenes libro 3. Pe-  
 riarchon capit. 2. Basilii in reg. breu. nu-  
 mero 75. Chrysostomus homil. 54.  
 in Acta & in opere imperf. homil. 49.  
 Gregorius Nazianzenus carmin. seu  
 metro 52. Gennadius libro de Eccles. dogm.  
 capit. 81. & Gregorius libro 11. Moral.  
 capit. 25. et si contrarium significant  
 Leo sermon. 4. de Collect. Auctor sermon.  
 68. ad Fratres in Eremo, apud Augu-  
 stin. Hieronym. in Eph. 6. Cassianus  
 Collat. 7. Damascenus lib. 2. capit. 4.  
 quibus fauet Suarez citat. lib. 8. capit.  
 19. à numer. 20. cum nonnullis recen-  
 tioribus.

Ratio patet ex dictis. Quia cum  
 concupiscentia partim sua natura  
 sæpè fortuitis quibusque casibus ab  
 extrinseco exciteretur, non est veri-  
 simile, à dæmonibus omnes eiusmo-  
 di tentationes immitti; utcumque a-  
 lias in suo labore & perdendi studio  
 sint indefessi, de qua re pluribus dis-  
 serit Cassianus collat. 7. capit. 7. 15. 20.

& collat. 8. cap. 12.

Decimo quaeritur, quid sentiendum  
 sit de varijs demonum partitionibus, quas  
 nonnulli authores à varijs nocendi studijs,  
 aut habitati. num diuersitate desumptas  
 tradunt. Respondeo. De hac re agit  
 Trithemius libr. 8. qq. quaest. 6. vbi  
 Orpheum, Psellum, & ipsius Apol-  
 linis Pseudooraculum, apud Euse-  
 bium libr. 4. demonstrat. Euang. ferè se-  
 cutus, sex dæmonum genera recen-  
 set, nimirum igneum, aereum, terrestre,  
 aquaticum, subterraneum, & lucifugum;  
 eorumque etiam studia & affectus  
 prolixè describit. Sed hæc examine  
 indigent; & vniuersim nec proban-  
 da sunt, nec improbanda videntur,  
 ut notauit etiam Delrius libr. 2. que-  
 stion. 27. sect. 2. Certe S. Ignatius Mar-  
 tyr epist. ad Eph. ab ipso etiam Trithe-  
 mio relatus, duo tantum eorum ge-  
 nera, omisso igneo, assignat, cum ait:  
 Nihil melius est, quam pacem habere, in  
 qua omne telum euacuatur, aereorum si-  
 mul, & terrestrium spirituum. Sub qui-  
 bus utique eos etiam, qui in aquis,  
 & speluncis quandoque hominibus  
 infesti sunt comprehendit.

Nec verò simile est in regione ig-  
 nis aliquos dæmones ordinariè ha-  
 bitare, quando ab Apostolo Ephes. 6.  
 Rectores tenebrarum, & à Iuda, caligi-  
 ni, seu caliginoso aëri adscripti di-  
 cuntur: nec est quicquam, quod in  
 regione ignis aduersus homines ma-  
 chinentur. Quod si dæmonum ge-  
 nus igneum dicatur, ab igne inferna-  
 li, iam omnes dici poterunt ignei;  
 non solum quia ab igne omnes pati-  
 untur.

untur, sed etiam quia alternatim, & ad tempus omnes aliquandiu inferis addicuntur. Ob quam causam etiam non est verosimile, eosdem numero spiritus perpetuo aut in aquis, aut in speluncis degere, sed pro occurrentium circumstantiarum varietate, varijs in locis, ad seducendos homines, incumbere.

21 Plenus ex scriptura varia dæmonum studia & affectus describit Cassianus collat. 7. capit. 32. vbi tamen & illud, cum Trithemio commune, pia interpretatione indiget, cum ait, quosdam dæmonum solummodo Iocutores esse; vt non tormentis hominum, sed derisione delectentur; & illusione contenti, fatigare potius studeant, quam nocere. Quorum similia etiam habet S. Antonius apud Athanasium in vita eiusdem: nimirum quia plus illis diuinitus non permittitur, vt recte ab Henrico Cuickio in citatum locum Cassiani annotatum. Vide quæ in simili diximus ad 1. part. 8. Thom. disputa. 5. question. 1. dub. 1. de imperitia & inertia dæmonum. Plura de dæmonum tentationibus & studijs

ex Patribus & historijs

Coccius tom. 1 lib.

4. a. 5. & 6.



# TRACTATUS alter Theologicus De Sagis & Veneficis.

SVMP TVS, EX OPERIS  
Moralis libro tertio R. P. Pauli  
Laymanni in Dilingana Vni-  
uersitate publici Canonum  
professoris.

Seruauimus Ordinem, quem auctor ipse  
in Opere suo exhibuit, distributa & in  
certos numeros relata vniuersa  
doctrina.

## SVMMARIUM.

- 1 Plures scemine, quam viri veneficijs ob-  
stricti sunt.
- 2 Sagas ad veram poenitentiam conuertere  
difficile, sed non impossibile est.
- 3 Confessarius agendo cum sagis à Iudice  
captis, aut condemnatis, magna prudentia  
vti debet.
- 4 Sage tenentur eiusdem criminis reas,  
quas nouerunt, Iudici prodere.
- 5 Si testis, aut denunciator testimonium  
suum reuocet, probabilem erroris sui ra-  
tionem asserens, audiri debet.
- 6 Iudex plerumque astimare non debet re-  
uocationem denuntiationis, post latam  
sententiam condemnatoriam denun-  
tiantis; etsi is morti proximus reuo-  
cet.
- 7 Confessarius frustra plerumque labora-  
bit, si post Sage supplicium Iudici signifi-  
cet, eam reuocasse denuntiationes.



- 8 Qui sibi crimen morte dignum falso affinxit, retractare tenetur, si spes sit mortis supplicium ea ratione effugiturum: quanquam opposita sententia ob auctoritatem Doctorum, in praxi probabilis est.
- 9 Et si Confessarius ex sacramentali Confessione colligat, mulierem metu tormentorum confessam, re ipsa innocentem esse, tamen iudicem de ea remouere non expedit.
- 10 Iudex mulieres de maleficio suspectas capere, & torquere debet secundum indiciorum grauitatem.
- 11 In criminibus exceptis, et si reus confessus non sit, damnari potest propter multiplicatas denuntiationes personarum infamium; modo sint testes eiusdem criminis particularis.
- 12 Consuetudo apud Christianos est, ut rei ad ignem damnati non lenta morte crucientur, nisi impoenitentes decedant.
- 13 Crimina morte extinguuntur, nisi excepta sint; ut heresis, veneficij &c.
- 14 Saga in carcere prius mortua, quam crimen confessa, vel de eo conuicta sit, si nihil aliud obstat, in loco sacro sepeliri debet.
- 15 Qua de crimine conuicta non fuerunt, nec confessa, non debent post mortem publica sententia infamari.
- 16 Sacra Eucharistia, & sacra sepultura Sagis negari non potest, si iudicio adhuc pendente, in carcere decedant.
- 17 Sacra Eucharistia ad Sagas, & alias eiusmodi personas cum minore solemnitate deferenda est.
- 18 Casus implexus de obstetrico, qua infantes multos in nomine diaboli baptizauit,

## QVÆSTIO I.

Cur plures femina, quam viri cum Diabolo paciscantur, & maleficia discant?

**R**espond. Quia mulieres, ob defectum iudicij, & experientia, citius credunt, & facilius decipiuntur, quam viri: sunt magis curiosæ, & rerum nouarum appetentes; ad libidinem & luxum proniores; magis item pusillanimes, atque infirmæ, ut animi mœsticiam, aut rancorem agrè nimis ferentes, facilius quoduis, quantumuis impium Dæmonis solatium, auxiliumque admittant. Ita Binsfeld in rubr. C. de Maleficis & Mathematicis. notab. 8. Iacob Simanca de Cath. instit. tit. 37. num. 3. Paulus Grillandus tract. de sortilegijs, quest. 7. num. 31.

## QVÆSTIO II.

Quomodo Confessarius cum Sagis ultro ad sacram Confessionem accedentibus se gerere debeat?

**R**espondeo: Si mulier ad confessionem veniens, ob aliqua indicia, vel asserta eius, Confessario de maleficijs suspecta sit; proponat illi ex vna parte periculum animæ, in quo versatur, nisi rite confiteatur; ex altera verò parte obligationem maximam sigilli sacramentalis, ut mors potius Confessario perferenda sit, quam peccatum quodcunque

cunque pœnitentis directè, vel indirectè significare ei liceat : ideoque quæ coram Confessario tanquam Dei Vicario peccata facta fuerit, seuerissima fore, perinde ac si nulli hominum dicta essent. Quod si Confessarij exhortatione permota confiteatur, se sagam esse; plurimum expedit, vt diligenter; & exactè exquirat quo tempore, qua occasione in tale crimen lapsa fuerit: cum enim mulieres tales in dictis suis inconstantes esse soleant, enarratis circumstantijs conuiaci deinde poterunt, vt quod semel dilucidè confessæ fuerant, retractare faciliè non possint. Postea examinet confessam de modo, & qualitate superstitionis; vtrum ex animo Fidei Christianæ renunciarit; Diabolum adorarit; Falsa de Deo & æternitate senserit; an rebus sacris abusa sit? hominibus nocumentum intulerit in bonis fortunæ, aut corpore? numeriam læserit personas valde coniunctas, vt maritum, parentes, liberos? item an viros Principes, Clericos, Religiosos: idque propter censuram excommunicationis, &c. Vtrum alios seduxerit, & an hi in tali crimine persistant: quia tenetur illos ad viam veritatis reducere, aut si conuerti nolint, Magistratui deferre, sicuti docet Martinus Delrius lib. 6. *disquisit. Magic. sect. 3. §. quoad interrogatoria*. Quia tamen denunciandi obligatione non astringetur, si exinde probabile periculum imminet in suspicionem, atque capturam veniendi.

Sed quia difficile, quamuis non impossibile, est, è potestate Diaboli eripere eos, quos sibi deuinxit inito pacto, magnam operam Confessarius adhibere debet: I. Vt agnoscere incipiant hostis infestissimi mendacia, fraudes, & falsa promissa. II. Vt abiurato diabolo, fidem, ac spem in Deum concipiant, qui peccatores omnes ad se inuitat, & reuerti volentes recipit: Eximenda enim ipsis est persuasio, quam multæ habere solent, propter pactum inuitum, à Dæmone liberari non posse. qua de re Barth. Spineus *de strigibus*, q. 32. III. Frequentes preces, vt litanix Sanctorum, & variæ Collectæ; quæ si vel ab ipso pœnitente, vel alio coram ipso, spiritu fidei feruente recitentur, maximam vim habent ad Diabolum repellendum. IV. Crucis signum, sacræ imagines, & reliquiæ Sanctorum, aqua, agni Dei, & similia benedicta, de quibus *Leffl. l. 2. c. 44. n. 5*. V. Frequens peccatorum confessio, facta apud eundem Confessarium, qui statum hominis cognitum habet, vt congruas interrogationes formare, & apta remedia præscribere possit. VI. Fidei Catholicæ sæpius repetita professio, frequens recitatio symboli Apostolici.

---

### QVÆSTIO III.

*Quomodo Confessarius se gerere debeat cum  
Sagis à Iudice captis, vel con-  
damnatis?*

**R**espondeo: De hac re tenenda  
est,



esse, quæ sequuntur: I. Consultum non est, ut Sagæ captæ ante iudiciale examen ad sacram Confessionem admittantur: quia spe liberationis consequendæ innocentiam tunc suâ prædicare solent: & vix adigi possunt, ut crimen confiteantur, dum timent sibi à delatione. Quamobrem consuetudo in plerisque tribunalibus viget, non admittendi Confessarium ad Reos, priusquam omni examine expedito, noxij iudicati sint. Quamvis, nisi consuetudo prohibeat, nihil obesse videtur, quominus Confessarius prudens, etiam ante iudiciale examen, Sagas, aliosue Reos suspectos accedat, ad contritionem de peccatis suis disponat; ad patientiam & obedientiam Magistratui debitam serio cohortetur.

II. Cauere debet, ne coram Reo reprehendat, aut in dubium reuocet modum procedendi, aut sententiam iudicis: Igitur querimoniarum, præsertim à fœminis plerumque mendacibus, de iniuria ipsis facta admittendæ haud sunt: cum officium Confessarii non sit talia iudicare; sed Reos ad veram pœnitentiam disponere, ad patientiam & mortem, si ita opus sit, fortiter perferendam hortari, eorundemque Confessiones audire.

III. Expedit, Confessarium utcumque cognita habere, quæ in iudicio acta fuerant; quæ indicia, & probationes deprehensæ, quæ mira acciderunt per aquam benedictam: agnos

Dei, &c. ut si postea per inconstantiam suam coram Confessario crimen negent, refelli possint, atque conuinci; addita exhortatione, ut in vitæ suæ termino sincerè agant coram Deo, eiusque ministro Sacerdote, neque sinant se à Dæmone decipi, atque ad æternas pœnas deduci. Ita enim fiet, ut si Sagæ virum prudentem ac grauem nanciscantur, qui non faciliè earum excusationibus & querelis moueatur, denique ad cor redeant, atque ad Deum conuertantur.

IV. Si Saga Confessario fateatur crimen, statim illam examinet de modis & circumstantijs, de quibus dixi quæ præced. §. Quod si Confessarii. Postea cohortetur, & disponat illam ad veram pœnitentiam, proposita magna Dei misericordia; per quam id iam consecuta sit, ut faciliè ex faucibus Dæmonum eripi possit; alioquin æternum cum ipsis arsurum: animetur ad fortiter subeundum supplicia corporis breui tempore duratura; quibus satisfacere poterit pro peccatis suis, atque diu duraturas alterius vitæ pœnas redimere. Sin autem Saga in iudicio confessa, apud Confessarium constanter dicat se innocentem esse, & tormentorum metu confessionem extortam; si eam verum dicere, consideratis circumstantijs, arbitretur, (præsertim cum in foro interno confessionis credendum sit Reo; sicuti dicenti contra se, ita & dicenti pro se) hoc casu consolari eam potest; etiam Martyres passos fuisse im-

meritos

immeritos; pœnam hanc fore illi ad meritum, atque vberem satisfactionem aliorum peccatorum suorum: Interim vero scire debeat, Deum non decipi, ideoque caueat, ne si innocentem se faciat contra scientiam & voluntatem Dei, cum Diabolo perpetuum luat.

20 V. Sagam de crimine suo confessam examinet Confessarius, vtrum consortes, siue eiusdem criminis reas, quas nouit, Iudici prodiderit: quia ad id obligatur; vt pernicioſa flagitia à Magistratu impediri, atque extirpari possint. Sin vero Saga constanter asseueret, se per inuidiam, aut ob tormentorum metum innocentes denuntiassse, urgere eam debet Confessarius, exposita grauissima obligatione, vt falsam denuntiationem coram Iudice reuocet; etiamsi timeat, quod ob variationem & inconstantiam noua tormenta sustinere cogetur, sicuti constat ex doctrina Per. Nauar. libro 2. cap. tertio numero 251. Modo spes aliqua sit, Iudicem eiusmodi reuocationi, contra priorem iuratum iudicalem depositionem, fidem aliquam habiturum. Ordinariè enim Iudices stare solent confessione, aut denuntiatione criminis semel iudicialiter facta, licet reuocatio eius postea interiecto temporis intervallo fiat, sicuti docet Abb. in cap. sicut, numero primo de testib. Couar. 2. resol. cap. 73 Iacobus Menochius de arbitr. Iudicum question. casu 108. Binsfeld. membr. 2. conclus. 5. §.

hac questio; excepto, si deponens de crimine, postea errorem suum alleget, eius probabilem rationem afferens, sicuti docet Abb. c. praterea, num. 4. de testibus cogendu. Couar. num. 8. Menoch. numero septimo. Deinde recte admonet Delrius lib. 5. §. quinto in fine, post Couar. cit. num. 8. Si ex manifestis indicijs appareat testem, aut denuntiatorem, non ex leuitate & perturbatione animi; non prece, aut suasionem testimonium suum corrigere, aut reuocare: etiam in crimine hæresis, & maleficij à Iudice audiendum esse: quæ tota doctrina colligi potest ex cit. cap. sicut.

Dubitant autem Doctores, vtrum Iudex attendere, & asfirmare debeat reuocationem denuntiationis, post latam sententiam condemnatoriam denuntiantis, quando is supplicio proximus ait, innocentem personam esse, quam in iudicio falso denuntiarat? Pro parte affirmatiua questionis est; Quod instante morte nemo salutis suæ immemor censetur, sicuti docent Doctores in l. vlt. Cod. ad l. Iuliam repetundarum. Ergo magna præsumptio est, reuocationem veram esse, per quam proinde elidatur denuntiatio.

21 Sed negatiuam partem tenent Binsfeld. de confess. malef. memb. 2. conclus. 5. §. Videtur quod elidat. Martinus Delrius lib. 5. disquisit. magic. sect. 5. numero quinto & alij communiter. Quia denuntiatio in tormentis facta, ac postea coram Iudice, & Notario ratificata, præsumptionem veritatis



tatis inducit. Ergo non eliditur per subsequentem reuocationem extraiudicalem, & non solemnem.

Ad rationem in oppositum respondetur; Denuntiationem, aut reuocationem hominis morituri (præsertim si animo perturbato sit, sicuti plerumque esse solet, qui ad supplicium ducuntur) non efficere præsumptionem certam, sicuti colligitur ex l. si quis in graui, §. i. ff. ad SC. Syllanianum, ubi dicitur; Quod vulnerato non creditur, si mox decessurus dicat, se à Titio percussum fuisse; nisi id aliter probari possit.

23

Nihilominus, si Saga constanter Confessario ingerat, quod personam innocentem denuntiari; permittere illi, imo suadere poterit, ut publice coram populo retractet: tum quia tali reuocatione conscientiam criminis commissi pacatiorem reddet; tum quia negari non potest, talem reuocationem apertè coram Deo teste factam à morituro, aliquatenus debilitare priorem denuntiationem: ut si alia etiam indicia commissæ antea falsitatis accedant, contra denuntiatam personam procedi non debeat.

Ex dictis porro colligitur: Quod Confessarius operam suam frustra locabit, imo querimoniam, aut scandalum occasionem præbebit, si post mulieris supplicium significet Iudici, eam in extremis reuocasse denuntiationes: cum Iudices eiusmodi reuocationem non acceptent, plus fidei habentes iudiciali antea legiti-

mæ factæ denuntiationi, quippe per quam quodammodo ius ipsis quaesitum est: quæ non extraiudiciali, eique non probatæ reuocationi.

His adde, quod Confessarius sigillum sacramentale violaret, si non accepta prius licentia, aut non declarata voluntate penitentis, Iudici, vel alteri cuiunque significaret innocentiam personæ denuntiata: eo ipso significans iniuriam personæ denuntiantis. Quare si in aliquo casu Confessarius arbitretur consultum fore, ut Iudicè de hac re admoneat, quia alia etiam indicia innocentia habentur: roget mulierem, extra confessionem sibi dicat, ut hoc ipsum Iudici significare deinde possit: quippe, qui persuasum sibi habere debet, Confessarium nihil omnino eorum, quæ in confessione sacramentali accepit, siue pro Reo, siue contra Reum sint, indicare.

#### QVÆSTIO IV.

*Si femina coram Confessario constanter neget, se Sagam esse dicatque metu grauium tormentorum se maleficii crimen sibi in iudicio affinxisse, quid agendum?*

**R**espondeo, & dico I. Si talis persona alia peccata sua rectè confiteri, ideoque sincerè agere videatur, à Confessario absolui debet.

Dico II. Confessarius deinde hortari debet mulierem, ut considerato dedecore, quod sibi, ac familiæ suæ infere-

inferet, nec non mortis malo, cuius sibi ipsi causa existit, confessionem suam coram Iudice constanter retractet: dum modo spes aliqua sit, quod Iudex ante sententiam latam Reum retractare volentem auditurus, aut fidem aliquam habiturus sit. Multienim Indices stare solent confessione semel iudicialiter extractum tormentorum facta, aut confirmata; nisi probabilissima argumenta commissæ falsitatis appareant: Tunc autem inanis & frustanea erit reuocatio, quæ nihil profutura putatur, sicut bene monet Iacob. *Simanca de Cathol. instit. tit. 13 n. 28.*

*24* Dico III. Si mulier, vel quicumque alius Reus, qui falsa confessione crimen sibi imposuit, ob quod mortis supplicio afficiendus erit, persuaderi sibi non sinat, ut retractet: quia timet, grauissima, qualia antea se passum tormenta recordatur, iterum inferenda fore, ideoque mori mauult, quam ea sustinere; hunc Confessarius denique urgere non debet, ad retractationem cum taliû tormentorum periculo: quia Reus conformare se potest sententiæ probabilis Doctorum negantium, in hoc casu obligationem retractandi sub peccato mortali incumbere: hi sunt Angelus *ver. detractio, §. 7.* Sotus *lib. 5. q. 10. a. 2.* Tolet *lib. 5. c. 66.* Less. *lib. 2. c. 11. dub. 7. assert. 5.* Sa *ver. infamare.* Quamquam cõtraria sententia speculatiuè vera mihi videtur, quæ est Couar. *1. resol. c. 2. n. 8.* Nau. *c. 18. n. 29.* *Mol. tract. 4. disp. 37. concl. 15.* Qui e-

nim causam suæ mortis posuit, tenetur eam tollere, si possit; alioquin sui ipsius occisor erit: Sed Reus, qui sibi crimen falsò affinxit, ob quod morte puniendus est, is causam suæ occisionis posuit: Ergo tenetur eam tollere, retractando crimen falsò sibi impositum. Minor est clara: Maior declaratur simili: Si enim aliquis ignem posuit, ex quo intelligit oriturum esse incendium, nisi extinguat ignem, si possit; tanquam incendiarius damnabitur. Confirmatur: Si enim is, qui crimen falsò affinxit alteri, ob quod supplicio extremo afficietur, omnium sententia: homicida est; cur non etiam, qui sibi affinxit? cum neque suæ, neque alienæ vitæ dominus existat.

### QVÆSTIO V.

*Si Confessarius ex Sacramentali confessione prospicere se arbitretur, mulierem crimen metu tormentorum confessam, re vera innocentem esse, vtrum Iudicem, tanquam internuntius, & aduocatus hominis confesi, de ea re monere debeat?*

*25* **R**espondeo, Id consultum non esse. I. Quia, ut suprà dictum, Iudex huic retractationi extra iudiciali fidem nullam habebit, post publicā Rei confessionē, aut cõuictionem. II. Quia si sciatur, Confessarium intercedere pro Reis, quos ipse innocētes esse ex sacramentali cõfessione



suspiciatur; alij verè nocentes exinde occasionem accipient, facinora sua Confessarium callidè celandi, non sine graui sacrilegio, & animarum suarum pernicië. III. Quia si Confessarius plures Sagas, vel alios supplicij Reos audire solitus, de vnius, non item aliorum innocentia contestetur; hoc ipso aliorum innocentiam tacitè confirmare videtur, sicuti in simili dicam *lib. 5. tract. 6. c. 14. ver. Quinto.*

#### QVÆSTIO VI.

*Quodnam sit Iudicis officium in processu contra maleficas?*

**R**espondeo I. Vt nulla capiatur, & ad iudicarium processum trahatur, nisi adsit verisimile criminis commissi indicium: & non sola delatio personarum infamium: siue sola infamia ab hominibus vilibus, & improbis orta, sine probabili causa, aut coniectura, sicuti videre est apud Farinac. *l. 1. tit. 5. q. 42.* & dixi explicatius hoc *c. in fine, q. 2. II.* Vt secundum numerum delationum, & grauitatem indiciorum, deueniat ad torturam: neq; seuerius, aut sæpius Reus torqueat, quam indicia exigant. Dicunt tamen Doctores, quod in crimine hæresis (cui propter grauitatem, crimen maleficij æquiparatur, teste Binsfeld. *memb. 2. conclus. 5. §. hac questio.* Delrio *lib. 5. sect. 5. prope finem*) Iudices proniores esse soleant ad torturam; cum sit crimen valde

perniciosum, suapte natura occultum, ac plena probatione plerumque destitutum, *arg. l. Diuus ff. de qu.* & ex communi testatur Ioannes Royas *tract. de hæret. assert. 31. n. 296.* Addunt aliqui, dicta crimina adeò detestabilia, & perniciofa, vt quamuis interdum accidat quibusdam paucis ex denuntiantium malitia iniuriam fieri, potius id permittendum sit; quam vt bonum publicum per Magistratus dissimulationem periclitetur. Arbitror tamen dicendum esse, etiam in hoc crimine veneficij, & alijs similibus, requiri indicia absolute grauia, vt aliquis tanquã reus capi, & ad criminalem processum trahi possit, vti docet Delrius *lib. 5. disqu. f. 3.* Grauiora autem indicia necessaria sunt, si persona denunciata, vel aliter suspecta, magni nominis sit, dignitatis, aut status, v.g. clericalis. Ad torturam verò suspecto inferendam generalis regula est, *ex l. 1. ff. de questionibus;* Quod talia indicia opus sint, quibus animus Iudicis planè inclinetur ad existimandum, hominem noxium esse: vt iam nihil aliud deesse videatur, quam ipsius Rei confessio, sicuti bene explicat Mart. Delrius *lib. 5. disqu. Magic. sect. 3. §. ad assumendas.*

Controuerfia autem inter Doctores est; *Vtrum Reus de maleficio condemnari possit mortis pœna. propter multiplicatas personarum infamium denuntiationes, et si ipsemet crimen confessus non sit?* Affirmant Binsfeld. *de conf. malef. memb. 2. concl. 7.* Gomez *3. resolut. 12.*

27

num. 18. & alij plerique, contra Pro-  
sperum Farinacium *quæst.* 43. nu. 39.  
62. Martinum Delrium *lib.* 5. *sect.* 5.  
Ratio est: Quia licet depositio seu  
testimonium personæ infamis mi-  
nus ponderis habeat, tamen indi-  
cium aliquod facit: tantoq; maius,  
quantò plurium infamium perso-  
narum depositiones concurrunt &  
consentiunt. Ergo fieri potest, tot  
personas, v.g. duodecim, aut quin-  
decim Sagas de proprio crimine  
confessas, aliam vt sociam perseue-  
ranter denunciare, vt exinde oria-  
tur indicium moraliter certum seu  
indubitatum, quod plenæ proba-  
tioni in criminib. exceptis, suapte  
natura occultis, æquivalere debet.

Hæc sententia vera est, per se lo-  
quendo, & secundum eam in praxi  
procedendum est in hæresis crimi-  
ne. Verum quod attinet ad crimen  
sagarum seu maleficarum, alia diffi-  
cultas non modica se offert. Nam  
vt testimonia, seu depositiones plu-  
rium ad condemnationem homi-  
nis non confessi sufficiant, debent  
ij esse contestes, id est, testificari de  
eodem facto particulari, sicuti su-  
pra ex communi docui. Atqui exi-  
stimo, vix vquam accidere, vt de-  
cem, aut duodecim Sagæ in ean-  
dem personam denunciando con-  
sentientes, de eodem particulari fa-  
cto contestentur. Aut enim con-  
fessæ, & de socijs interrogatæ id so-  
lùm dicunt, Titiam quoque malefi-  
cæ esse: cuiusmodi tamen denuncia-  
tiones, nisi particularium factorum

indicijs specificentur, nihil aliud  
generare possunt, quàm infamiam  
commissi criminis; quæ si sola sit,  
parùm probat. Accedit hoc loco,  
quòd maleficæ interrogatæ de so-  
cijs interdum aliquas prodant; non  
quia eas verè tales esse sciunt, sed  
quia propter earandem in hoc ge-  
nere infamiam, vel antecedentem  
capturam, tales esse suspiciantur. Sin  
verò ulterius examinatæ specialia  
facta denuntient, vix accidet, vt  
multæ in eodem particulari cōsen-  
tiant: sed vna dicet, se ante tres an-  
nos: altera se ante duos annos Ti-  
tiam in conuentu Sagarum, ac Dæ-  
monum vidisse: tertia, se eandem  
sociam habuisse in creanda tem-  
pestate: quarta se sociam habu-  
isse in alio magiæ genere. Cuius-  
modi denuntiationes infamium  
personarum, quantumvis multipli-  
catas, si solæ sint, & non alijs gra-  
uioribus indicatijs, aut testimonijs  
confirmatæ, arbitror ad condem-  
natoriam sententiā haud sufficere.

---

### QVÆSTIO VII.

*Vtrum condemnati ad ignem viui combu-  
rendi, an prius strangulandi sint?*

**R**esp. ex doctrina Couar. 2. *resol. cap.*  
10. nu. 9. Iulij Clari 5. *fin. q.* 99. n. 7.  
Binsfeld. *cit. memb. 2. concl. 7. dub. 4.* &  
*dico I.* Si lex ob criminis atrocita-  
tem iubeat Reum igne comburi,  
o 2 intel-



intelligitur, vt viuus comburatur : Consequenter Iudex id legis præscriptum exequi debet ; nisi sit supremus, qui in lege dispensare possit, vel nisi ob circumstantias, epikeia dicter, legis rigorem in casu particulari mitigandum esse : quare re vide Prosp. Farinac. in pract. criminali q. 17. n. 5.

28

Dico II. Consuetudo apud Christianos viget, vt Rei ad ignem damnati non lenta morte, absque omni subsidio, crucientur; ne in desperationem, aliudve graue peccatum incidant, atque impenitentes decedant: sed quibusdam locis pectori illorum puluis tormentarius appenditur, cuius concussione extinguantur. Excipe: Nisi impenitentes, & in crimine pertinaces persenerent hæretici, aut malefici; tum viui, absque subsidio, non immerito cremantur: cum cesset ratio, cur pœna legibus decreta mitigari debeat.

### QVÆSTIO VIII.

An, & quatenus Saga, si in carcere moriantur, de crimine infamari, aut damnari possint?

29

Respondeo, & dico I. Licet ordinariè crimina, eorumque pœnæ morte extinguantur, sicuti habetur l. 1. & 2. C. si Reus, vel Accusator mortuus sit, & l. Lucius. ff. de iure fisci: tamen id locum non habet in criminibus exceptis: cuiusmodi est v. g. crimen desertæ militiæ, l. defunctorum, C. de re

militari, lib. 12. Crimen læsæ Maiestatis, l. vlt. C. ad l. Iuliam Maiest. Crimen hæresis, l. Manichæos, Cod. de hæreticis, Crimen Apostasiæ, l. hi qui, Cod. de apostatis. Crimen veneficij, seu maleficij, quippe quod secundum praxin forensem, hæresiæquiparatur. In eiusmodi, inquam, Reus conuictus, aut antea confessus, etiam post mortem damnari, aut bona eius confiscari possunt, sicuti docet Gl. in cit. l. 1. C. si Reus, vel Accusator, Gomez 3. resol. c. 1. num. 8. Clarus cit. §. fin. qu. 51. n. 13. Martinus Delcius lib. 5. l. sect. 19. Quamobrem quibusdam locis consuetudo est, vt tali casu Sagæ, si in carcere, post iuridicam criminis confessionem, aut conuictionem, mortuæ sint, publico loco crementur. Idemque in alijs grauissimis criminibus puta hæresis, læsæ Maiestatis, sodomix, latrocinij factitari solitum esse, vt cadauer hominis in tali crimine notoriè deprehensi, conuicti, aut confessi, post eius mortem cremetur, aut furca suspendatur, testis est Gomez cit. c. 1. n. 81. Clarus nu. 15.

Dico II. Si Saga in carcere moriatur, antequam crimen confessa, vel de eo conuicta est (nisi aliud obstat) in sacro loco sepeliri debet: tātū abest, vt corpus eius cremari, aut memoria seu fama eius publicè dampari possit. Ita ex cōmuni Delcius loc. cit. Excipe I. Nisi Reus in carcere sibi ipsi mortem conscie-rit, tunc corpus eius igne comburi, vel furca suspendi iure potest: cum

cen-

cenſeatur crimen, tali pœna (vt ponimus) dignum, ipſo facto confite-  
ri, ſicut docet Gomez *cit. c. 1. num. 79.*  
Couarruu. 2. *reſolut. c. 2.* Delrius *cit. ca.*  
19. & videri poteſt Menoch. *de arbitr.*  
99. *caſu 285.* Sed et ſi Saga, verbi gra-  
tia, ſibi ipſi necem adferens, ante  
mortem de crimine doleat, confe-  
teatur, imò & Eucharistiæ ſacramen-  
tum accipiat, nihilominus In-  
dex tribunalis ſui conſuetudinem  
ſequi poteſt, vt eius, tãquã de cri-  
mine ſuo confeſſæ, cãdauet creme-  
tur, memoria damnetur, bona con-  
fiſcentur: cùm pœnitentia illa ſa-  
cramentalis foro externo nihil præ-  
iudicij adferre ſoleat.

Excipe II. Iudex permittens cor-  
pus ſepulturæ tradi, tamen proteſta-  
ri poterit, quod litẽm contra male-  
ficam cœptam proſe qui velit, citatis  
ad defenſionem ijs quorum inter-  
eſt, ſicuti & in hæreſis crimine ſer-  
uatur, teſte Delrio l. c. Verum hoc  
ius agendi contra defunctum, quin-  
quennij tantum ſpatio durat, ſecũ-  
dum ciuile ius, ſicuti colligitur ex l. ſi  
quis defunctum, *Cod. de apoſtatis*, & docet  
Gloſſ. recepta in l. Manicheos, *Cod. de*  
*hæreticis, ver. ſubire*, Clarus *quaſtion. 51.*  
*numer. 14.* Gomez *numer. 81.* In foro  
autem canonico quid obſeruãdum  
ſit, videre eſt in c. 2. *de præſcript. in 6.*

Corollarium. Reprehendenda  
eſt praxis quorundam Iudicum, qui  
in promulgata ſententia Sagæ ad  
mortem damnatæ, aliam extra, aut  
intra carcerem defunctam interdũ  
nominant; quod verbi gratia, fuerit

ſocia, aut magiſtra artis magicę, cum  
tamen de hoc crimine coniuncta nõ  
fuerit, nec confeſſa. Quare iniquum  
eſſe videtur, talem publica ſenten-  
tia veluti damnatam, infamare. Si ta-  
men vehementiſſima, & quaſi indu-  
bitata indicia habeantur, vt ſi quin-  
que, aut ſex Sagæ cum debitis cir-  
cumſtantijs ac cõiecturis, conſtan-  
ter aſſeuerarent de aliqua defuncta,  
quod fuiſſet magiſtra in hoc genere  
magiæ; tolerari poteſt conſuetudo,  
vt in promulgatione nominetur, ſi  
de hoc crimine iam publicè infama-  
ta fuerit.

## QVÆSTIO IX.

An S. Eucharistiæ Sagis in carcere  
morituris miniſtrari  
debeat?

Non loquor de ijs, quæ ad ſup-  
plicium mortis ducendæ ſunt,  
quibus (ſicuti & alijs Reis damna-  
tis) ſacrum Viaticum ſi pœnitentes,  
& confeſſæ ſint, negari non poſſe,  
dicam *lib. 5. tract. 4. c. 6. numer. 13.* & vi-  
deri poteſt Binsfeld. *memb. 2. concluſ.*  
7. *dub. 5.*

Ad propoſitam autem quæſtio-  
nem reſpondeo, & dico I. Si mulier  
de veneficijs valdè ſuſpecta, crimen  
non confiteatur (ſiue torta ſit, ſiue  
non torta propter corporis infirmi-  
tatem, fœtum in vtero &c.) ſacra  
Eucharistiæ priuari non poteſt; ſi pe-  
tat, & ſacramentaliter confeſſa ſit.  
Eſt communis, & probatur ex regu-  
la canonica: Cui ſacramentum re-  
conciliationis ſeu pœnitentiæ da-  
tur,



tur, neque viaticum negandum est. Atque extrēdi debet assertio I. ut locum etiam habeat, etsi mulier crimē in tortura confessa sit; sed postea in publico iudicio renocarit: quia confessio in tortura, nisi postea ratificetur, nō censetur esse alicuius momenti. II. Etsi mulier corā Iudice, & Notario extra torturam crimen confessa sit, postea tamen renocarit, allatis indicijs falsitatis, ob quē Iudex, propter variationē & inconstantiam; ad noua tormenta deuenierit; si ea mulier constanter pertulit, censetur expurgasse priorē confessionē. Quare si postea in dicta retractatione, seu contestatione innocentiae perseueret, non debet in mortis periculo constituta sacramentis priuari. Neque his obstat, in quibusdam tribunalibus consuetudinem esse, ut confessio semel facta non nisi per tres torturas purgetur: nā, ut taceā, hanc praxin iuri conformem nō esse; quia tortura expurgat antecedentes criminis præsumptiones, sicuti ex communi Farinacius q. 4. n. 26. & q. 40 n. 2. Delrius lib. 5. f. 9. §. ceterum: saltem illa extendi non debet ad sacramentorum subtractionem. Et enim sacramenta morituro negari non possunt, nisi constet, eum esse in statu peccati mortalis: de tali autē muliere, quæ crimen semel cōfessa, postea retractauit, non constat esse in statu mortalis peccati, videlicet falsæ, & pertinacis repocationis. Alioquin enim Iudex non debuisset eam torturæ subijcere: cū tortura

adhibenda sit tantū in causa dubia ad dignoscendam veritatem.

Dico II. Etsi mulier de crimine confessa, vel secundum præsumptionē fori externi cōficta sit; si tamen corā Confessario, post seriam admonitionem, constanter neget, fides ei habenda est in foro conscientiae; idēque à peccatis absoluenta, & sacro Viatico ante diem supplicij munienda est, sicuti constat ex ijs, quæ supra dixi q. 3. Data opera dixi, Corā Cōfessario, videlicet in secreto: si enim post Confessionem sacramentalem palam dixit, se innocentem esse; Communio illi neganda est, propter scandalum: quia publicē præsimitur mendax, pertinax; atque impœnitens.

His quædam addēda sunt: *Primū*. Quod dixi de sacro Viatico, non esse denegandum mulieribus, si iudicio adhuc pendēte in carcere decessuræ putētur; idē fermē sentiendū de sacra sepultura, non esse negandam decedētib; si de crimine, neque sufficienter conuictæ, neque confessæ fuerint. *Ratio est*: Quia consuetudo illa denegandi sepulturam maleficis, alijsve Reis, licet ante mortem sacramentis muniti fuerint; locum tantū habet in damnatis, vel quorum memoria etiam post mortem damnari potest: horum autem, qui crimen nec confessi, neque de eo sufficienter conuicti sunt, memoria damnari nō potest: Ergo non debēt sacra sepultura priuari. Ceterū, si contra mulierem, crimen maleficij confi-

confiteri reculantē, vehementissima atque indubitata indicia adfint, improbari non potest praxis, ut ipsi mortuę propter violentā præsumptionem criminis, sacra sepultura denegetur. Quamquam eiusmodi homini sacramentaliter confessæ sacrū Viaticum negare non oportet: quia indicia illa & præsumptiones fori externi transferri non debent ad internum conscientię examen, q̄ Iudici spirituali, seu Confessario committitur.

*Alterum.* Si sacra Eucharistia ad Sagas, & alias eiusmodi personas infames deferenda sit, cum minore id solemnitate fieri conuenit; ideoque pulsus cāpanę per plateas, & magnus comitatus omitti potest. Neque tamen etiā omnino clām S. Eucharistia deferenda est; perinde, ac si id indecens sit, ideoque nemo scire debeat. Simili ratione dicendum in casibus, quibus Sagę, vel similes Rei in carcere decedentes, vel ultimo supplicio affecti sacre sepulture tradi possunt; non esse id agendum magna cum solemnitate, & cum publicis exequijs; neque tamen etiā omnino clanculum atque furtiuę; sed cum cæremonijs saltem præcipuis, & quasi substantialibus, quę in Rituali præscriptę sunt. Interim pietatis opus exercent sanguine iuncti & amici, si pro condemnatis, & supplicio affectis priuatim orent, Sacrificia offerant, vel offerri curent, modò non constet, aut vehemens

præsumptio sit, impœnitentes decessisse.

*Corollarij loco hic adicere licet casum difficilem & perplexum, at difficiliorem in praxi, ex eodem auctore. Obstetrix quędam, pauper mulier, confitetur Sacerdoti se 40. circiter infantes baptizasse in nomine Zabulon; quibus postea à Paracho, sine alio baptismo, cæremonia tantum adhibita fuerunt. Persona autem illa non recte baptizata partim mortua sunt, partim adhuc viuunt, sed ferme per varia oppida, vel etiam regiones dispersa: ut, consideratis omnibus, nullus modus excogitari possit, quo illis defectus Baptismi significetur, nisi mulier Magistratui se prodat, & extremum supplicium subire debeat. Quaritur, quid Cōfessario hic agendum.*

*Respondendum videtur;* quòd Confessarius imprimis mulieri explicare debet grauitatem peccati sui, & spirituale damnum, quod hominibus à se perperā baptizatis accidit; inducere etiā ad renuntiandum Diabolo, si cum eo (quod verisimile est) pactum habeat: Quòd si eam semel, iterum, vel sæpius, si opus sit, instructam & catechizatam, recte dispositam existimet, & verum propositum concepisse non solum abstinendi in posterum ab eiusmodi sacrilegijs, sed etiam satisfaciendi, & præstandi ea, ad quę Confessarius eam obligatam esse iudicauerit; tūc, si hæc promiserit mulier, à peccatis absoluenda est.

*Deinde verò seu in ipsa Cōfessione, seu postea, tempore magis opportuno,*



tuno, Cōfessarius operam dare debet, vt in muliere excitet desiderium plenè satisfaciēdi pro peccatis suis, & reparandi spirituale magnum dānum, quod innocentibus intulit; & ea propter extremum supplicium corporis libenter sustinendi ad salutem animæ suæ & aliorum, seq; ipsam ad hoc offerendi. Quod si autē Confessarius ab isto tam heroico facto mulierem suapte natura infirmam, planè abhorrentem conspiciat, non illam vrgendam multum arbitror, dicendo v.g. aliter salutem fieri non posse; ne omnino in desperationem agatur, & in retia Diaboli recidat: sed contentus esse debet, si mulier in posterum à peccatis & sacrilegijs eiusmodi abstinere firmiter proponat. Licet enim, casum istum speculatiuè considerando, probabilissimum videatur, quod hæc mulier teneatur seipsam Magistratui prodere: quia salus corporis ex lege Charitatis postponenda est salutis animæ, præsertim non ad vnius,

sed plurium personarum: Imò hæc obligatio ex iustitia esse videtur: quādoquidem ipsamet mulier homines illos innocentes in salutis sue discrimen per summam iniuriam coniecit: Tamen hic ipse discursus fortasse non tam certus est, vt à nemine in dubium reuocari possit: propterea, quod licet maius in genere suo absolutè consideratum sit spirituale, quàm corporale damnum; tamen corporale in hoc casu maximum & certissimum est, non item spirituale; cum homines illi contritionem saluari possint. Sed quidquid sit de hac responsione, saltem mulier, vt ponimus, obligationem hanc seipsam prodendi & ad mortem offerendi non agnoscit: edocere autem illam probabiliter ignorantem in re non omnino evidente, consultum non est, si Confessarius arbitretur, se non persuasurum, sed magis obfuturum.

\* \* \*



## LECTORI CANDIDO S.

**A**lebat olim magnus ille Gentium Doctor Paulus debitorem se omnibus; & omnibus omnia factum, vt omnes Christo lucrifaceret. Laudaui semper & exosculatus sum S. Viri zelum, & ubi licuit, vestigia eius discipulus pressi. Hoc fine cum separatim aliquot magnorum Theologorum tractatus, tum de Ecclesia in spiritus malignos potestate à Deo, tū de eorum internecino in mortales odio: tū de Sagarū & maleficorum horrenda apostasia, criminibus inauditis, & mediis seu extirpandi hoc nefastum hominum genus, seu reducendi ad veri & unius Dei cultum & religionem, orbi Christiano, maximè verò Sacerdotibus & Confessariis dedissem; volui quoque iis, quibus sententia ferenda ius est tributum, quibusq; gladius ad iram vindex porrectus ad hanc hominum fecem proscribendam & delendam, suffragari. Hoc animo clariss. viri M. Anton. Pereg. Iuriscons. Patauini Consilium secundum, quod est de Magia & ordine in hoc flagitio procedendi criminaliter, exhibeo, & te valere iubeo.



MAXIMILIANVS DEI  
gratia Comes Palatinus Rheni  
Vtriusque Bauariæ Dux.

**N**obiles, Clariss. & Amplissimi  
viri, Nobis sincere Dilecti: Oc-  
currunt nobis in causa quarundam  
maleficarum foeminarum, quo ad  
processum iudicium contra illas  
informandum, aliquot dubitatio-  
nes ex iure decidendæ: re igitur no-  
bis fuit vitum facti speciem exactè  
descriptam, vna cum deductione ra-  
tionum in vtramque partem allata-  
rum, nec non quæstiones aliquot in  
eadem materia ex iure determinandas  
ad vos transmittere, benignè requi-  
rentes, vt ista omnia maturo iudicio  
& consilio vestro collegialiter pon-  
derare, & quid vobis de illis videat-  
ur, sententiam vestram vna cum al-  
legationibus iuris latius deductam  
ad nos prima occasione perscribere  
velitis. Præstabitur nobis eo ipso  
rem gratam, quam remunerari con-  
digne haud erimus immemores.  
Vobisq; vicissim fauorem & bene-  
uolentiam pollicemur, Valere. Datū  
Plumier, I. mensis Iunij Anno 1601.  
Nobilib. Clariss. & Ampliss. viris nobis sin-  
cere Dilectis Professoribus iuris vni-  
uersitatis Paduana.

Padua.

#### D V B I A.

- 1 An denunciatio plurium per se sit suffi-  
ciens indicium ad torturam absque  
alijs indicijs aut adminiculis?
- 2 An inimicitia denūciantium erga de-  
nūciatos debeat plene probari per

duos testes, vel sufficiat semiplena  
probatio per vnū testē, aut presumptio  
ad elidendum indicium denūciationis?

- 3 An denūciantes debeant esse contriti,  
sicuti quidā volunt, cū hoc iure nō sit  
expressum, & sagararissime pœni-  
teant?

- 4 An ea, quæ de iure, & Constit. Caroli-  
na art. 31. requiruntur in denuncia-  
tione vnius, requirantur etiam in  
denūciatione plurium.

- 5 An denūciationibus infamium sit cre-  
dendum in criminibus exceptis con-  
tra personas bonæ famæ, & an duo-  
rum, vel plurium infamium denun-  
ciationes requirantur?

- 6 An vltra denūciationē pluriū requi-  
ratur diffamatio in exceptis, vt possit  
procedi ad inquisitionem & torturā?

- 7 An satis sit denunciari aliquē, aut ali-  
quā à pluribus quod ipsam viderint  
in cōuentu & congregatione sagararū  
ordine ad torturam; absque eo, quod  
damna fecerit.

- 8 Quando sit talis denunciatio, quod hæc  
aut illa persona interfuerit Conuen-  
tibus sagararum, an requiratur specifi-  
catio temporis & loci, vel vtrū suffi-  
ciat generalis denunciatio plurium  
absque eiusmodi circumstantijs ad  
inquisitionem & torturam?

- 9 An in denūciatione plurium requira-  
tur, quod qualibet fecerit confessionē  
in tormentis, vel vtrum hoc solum  
procedat in denūciatione vnius.

- 10 An in hoc crimine, aut alijs exceptis  
admittantur testes singulares in cir-  
cumstantijs, dummodo concordent in  
effectu, substantia, & in fine, & an  
eiusma-

- eiusmodi testes singulares, quando plures sunt, faciāt indi. iū ad torturā.
- 11 An mulier possit esse testis in causis criminalibus, & an ad confessionem duarum mulierum procedi possit, siue ad torturam siue ad condemnationē.
- 12 An denunciations fœminarū tanto magis fidem faciant, quando non ad. sunt testimonia virorū in contrariū.
- 13 An plurium Mirorennium denuncia- tio faciat indicium ad torturam.
- 14 An Verisimilitudo denunciationis ab vno tantū facta sit sufficiens admini- culum, vt possit procedi ad torturā.
- 15 An malefici denunciātes impliciti etiā alijs criminibus faciant indicium ad torturā, maxime quādo sunt plures.
- 16 An extraiudicialis reuocatio infirmet iudiciale, quod non amplius faciat indicium ad torturam.
- 17 Quando nihil inuenitur de instru- mentis maleficij an denunciatio plu- rium per hoc elidatur, quod non am- plius sit indicium ad torturam.
- 18 An leuiores, & quæ indicia sufficiant ad torturam in criminibus exceptis.
- 19 An iudex prœptior & faciliior debeat ef- se ad torturā in atrociorib. & occultis
- 30 An dignitas excuset à tormentis in hoc crimine.
- 21 An in atrocioribus maior debeat ad- hiberi tortura, quā in alijs crimini- bus, & cum sage plerunque sint in- durata, & maleficio taciturnitatis munita, qualis tortura in hoc crimi- ne maioris sit effectus.
- 22 Quoties possit eleuari reus, & quot possint dari ictus corde pro quolibet indicio in corda, possit teneri eleuatus ordinari.
- 23 Et quid in viroq; adsumā fieri possit
- 24 An nō possit iudex, cum videt esse reū induratam, aut ex alijs iustis causis desistere ab examine, & tortura, & per aliquot dies eam repetere.
- 25 Quid sentiendū sit de affusione aqua frigida intergum suspensi rei.
- 26 An, & quādo tortura ex primis indi- cijs repeti possit, maxime in hoc cri- mine, cum sage plerunq; sint indura- ta & obstinate.
- 27 An iniure & legibus fundamentum habeat, quod quidam dicūt, torturā repeti debere vltra tertiam vicem, & an illa tres vices sint intelligenda de vna die, vel tribus diebus interpola- tis, & quid dicendū, si reus cōmisisset tot delicta, quod examen vno die absolui non posset.
- 28 An cōsuetudines locorū quoad modū torturæ simpliciter sequenda sunt, cū magna sit differētia personarū indi- ciorū, criminum, ita quod nō sēper v. no, & eodē modo possit procedi, & cā- sus causa, & genera tormētōrum sine lege, sine consuetudine determinari nequeant.
- 29 An etiam iudicibus inferioribus à su- periore modus torturæ praescribi possit
- 30 An sit danda copia indiciorū, & pro- cessus informatini in criminibus a- trocioribus seu exceptis, vel an suffi- ciat indicia à iudice reo proponi, eum, que in continenti cum suis defensio- nibus ore tenus audiri, cum isto modo melius possit haberi veritas.
- 31 An sint concedendi aduocati in atro- cioribus, cum soleant ex hoc rei magis indurari, & instigari ad negandam?



32. An Confrontatio sagarum, qua ut plurimum solent esse prone ad reuocandum, sit consultat?

SERENIS S. MAXIMILIANO Com. Palatino Rheni viri-  
usque Bauaria Duci.

AD singula Sereniss. Celsitudinis tuæ postulata, Nos sacri Collegij Patauini Iurisperiti, rebus pro virili nostra collegialiter examinatis, quæ sequentur, vnanimi consensu respondemus: Tibi vero interim, quippe Principi religiosissimo, & inter alios eminentissimo, cum nostram operam, tum maximè quàm debemus obleruantiam, propensamque voluntatem, pari cōsensione deferentes. Atque à Deo felicia omnia precantes manus ex animo osculamur. Datū Patauij 6. Idus Ian. 1602.

Prior & Doctores Sacri Colleg. DD.

Iuristarum Paduæ.

### SUMMARIA.

1. Denunciatio plurium, de per se, an sit sufficiens indicium ad torturam.
2. Denunciatio vnius tantum, an sit sufficiens indicium ad torturam. Reus de se confessus potest interrogari de sociis in criminibus exceptis, magis crimen est de criminibus exceptis.
3. Nominatio sola vnius rei confessi, non facit indicium ad torturam contra nominatum.
4. Testis vnicus infamis infamia iuris etiam in exceptis non facit indicium ad torturam, nisi alia accedant adminicula.
5. Nominatio rei confessi de aliquo in socium criminis facit indicium ad inquirendum & ad retinendum eius

personam, in criminibus exceptis, secus tamen in non exceptis.

6. Nominatio plurium reorum de se ipsis confessorum, an sufficiat ad torturam contra nominatum in exceptis, & in non exceptis.
7. Testes ubi inhabiles sunt, an numerus suppleat fidem. Numerus an suppleat fidem plurium testium inhabilium. ibid.
8. Denunciatio plurium criminis de se ipsis confitentium, facit contra nominatos fidem ad torturam.
9. Numerus suppleat fidem in testibus.
10. Testes plures licet infames in criminibus exceptis faciunt fidem ad torturam.
11. Rei confessi nominatio de alio correo facit indicium, accedentibus aliis coniecturis.
12. Indicia plura etiam remota sufficiunt ad torturam.
13. Singula quæ non possunt, multa coaceruata inuadunt improbationibus, quæ diriguntur ad vnum certum finem.
14. Rei plures de se confessi nominantes aliquem correum probant, secundum aliquos ad illius condemnationem. Sed illorum opinio communiter improbat.
15. Testes alii inhabiles & non integri, quamuis plures, non sufficiunt ad condemnationem ordinariam.
16. Testes inhabiles recepti in criminibus occultis & exceptis, non tamen sunt omni exceptione maiores.
17. Testes si habiles essent, qui facerent fidem ad condemnationem, si inhabiles sint, prosunt ad torturam. Et ubi si habiles essent ad torturam tantum sufficerent: si inhabiles sint prosunt ad inquirendum.

18. Te-

- 18 Testes in grauibus probant, nisi ex ali-  
quibus falsa dicere præsumentur.
- 19 Testes plures inhabiles quando possint  
inuicem se habilitare.
- 20 Probationes an debeant esse clara, quo  
ad torquendum.
- 21 Probationes vehementiores desideran-  
tur ad condemnandum in atrocis-  
simis.
- 22 Inimicus repellitur à testimonio feren-  
do contra inimicum.
- 23 Inimicus testis receptus etiam in tortu-  
ra non facit indicium, etiam in cri-  
minibus exceptis.
- 24 Inimicitia est contra ius naturale, ideo  
non præsuntur, sed probatione indi-  
get.
- 25 Inimicitia probatur per verisimiles  
coniecturas.
- 26 Inimicitia in probanda seruantur re-  
gula in materia probationum.
- 27 Inimicitia quæ repellat, an debilitet di-  
ctum testis.
- 28 Inimicitia an sit leuis, an grauis, relin-  
quitur arbitrio iudicis.
- 29 Inimicitia probatur ex causis grauis  
odii.
- 30 Inimicitia causa & qualitates probari  
debent.
- 31 Odiosus repellitur à testificando, licet  
non inimicus. Amicus inimici non est  
idoneus testis. ibidem.
- 32 Denunciatore in crimine publico, & in  
aliis exceptis, an debeant esse contriti  
& poenitentes.
- 33 Caroli V. Imper. constitutio de indicis  
sufficientibus in crimine Magia po-  
nitur.
- 34 Infamium denunciationibus an sit cre-  
dendum.
- 35 Bona fama denunciantis elidit præsump-  
tionem ex nominatione rei orien-  
tem, etiam in exceptis. Sed an elidat  
præsumptionem ex nominatione plu-  
rium, difficilis est questio.
- 36 Testes famosi, etsi recipiantur in crimi-  
nibus exceptis, non tamen sunt in-  
tegra fidei.
- 37 Indicia sufficientia ad torturam con-  
trariis eliduntur.
- 38 Rei criminis denuntiantes alios, si alias  
præterea patiantur inhabilitates, non  
faciunt sufficiens indicium ad tor-  
turam.
- 39 Diffamatio an precedere debeat etiam  
in exceptis, ut deueniri possit ad in-  
quisitionem & torturam.
- 40 Inquisitio de iure formari non potest,  
nisi præcedat diffamatio inquisiti, se-  
cus tamen in atrocibus.  
Inquisitiones de consuetudine for-  
mantur, etiam non præcedente diffa-  
matione.
- 41 Nominatione rei de se confessi de aliquo  
pro conreo criminis, sufficit ad inqui-  
rendum, personaliter citandum, de-  
trudendum in carceres, non tamen  
ad torturam.
- 42 Indicia ad torturam debent esse clara  
& proxima.
- 43 Fama sola in criminibus occultis facit  
indicium ad torturam.
- 44 Striges non solent conuenire in suis  
conuentibus priusquam Christum  
Deum abnegauerint, & societatem  
cum Diabolo coierint.
- 45 Tempus & locus inseri debent in accu-  
sationib. denunciis, & inquisitionib.



- 46 Iudex inquirens succedit loco accusatoris.
- 47 Dies an debeat inseri in inquisitionibus.
- 48 Inquisitio formata sine adiectione temporis & loci, est ipso iure nulla.
- 49 Tempus & locus delicti necessario inseri non debet, ubi citatio reo transmittitur de crimine aliquo occulto, lesa Ma. Heresis, Fals. Magie, & similibus.
- 50 Tempus & locus an inseri debeant in accusationibus, denunciis & inquisitionibus in delictis successivis consistentibus in facto. Et quid in delictis ob non factum.
- 51 Testibus criminosis & infamibus non creditur absque tortura.
- 52 Reus criminis nominans alium non probat, nisi in tortura, & si extra torturam nominaverit, debet in tortura confirmare.
- 53 Tortus presumitur dicere veritatem.
- 54 Testibus singularibus an standum sit in criminibus gravibus & atrocibus.
- 55 Probationes in criminibus atrocibus & exceptis requiruntur prout in aliis, nisi contra reperitur dispensatum.
- 56 Testes non probant, ubi agitur de probatione unius certi actus, si testes ipsi discordent inter se de loco, aut de tempore.
- 57 Singularitas obstativa est ubi agitur de probatione certi actus, & testes discordant in loco aut in tempore: sed non ubi agitur de probando in genere.
- 58 Singularitas non obstat in actibus reiterabilibus.
- 59 Singularibus testibus Iudex potest adhibere fidem.
- 60 Testes plures inhabiles singulares in factis reiterabilibus, quamvis non sufficiant ad condemnationem, satis tamen sunt ad torturam.
- 61 Testes repulsati, qui non sufficiunt ad condemnationem, satis sunt ad torturam.
- 62 Testes singulares super diversis induciis an sufficiant ad torturam.
- 63 Testes famosi, qui admittuntur in exceptis super facto principali, attamen super adminiculis & induciis non sunt idonei, nisi plures, aut verisimilia deponant.
- 64 Mulier an possit esse testis in causis criminalibus.  
De iure Canonico non recipitur, ac idcirco in foro Ecclesiastico repellitur. Fallit ubi civiliter pro crimine agit. & Fallit ubi iudex inquit & mulierem assumit in testem.  
Fallit in criminibus exceptis.
- 65 Mulier de iure civili testificatur in criminalibus. Nisi pateretur defectus Infamiae, Vilitatis, Paupertatis.
- 66 Mulierum duarum testimonium in criminalibus prodest ad torturam.
- 67 Mulierum testimonium in criminalibus minoris fidei est, quam virorum.
- 68 Mulierum duarum testimonium non prodest ad condemnationem ordinariam in criminalibus criminaliter actis. Imo nec etiam trium.
- 69 Mulierum testimonium in civilibus integrum est.
- 70 Testium conditio spectanda est.
- 71 Minor 25. annis maior 20. est testis idoneus in criminalibus.
- 72 Puer minor 20. annis an in criminalibus sit testis idoneus? Si sit pauper & vilis, non est idoneus.
- 73 Minorem 20. annis, puberem tamen, potest iudex assumere in testem.
- 74 Pueris testimonium recipitur in criminalibus.

minibus exceptis.

- 75 Impuberes nō testificātur in criminalib.  
Fallit cum de morte domini occisi  
queritur.
- 76 Impubes maior infante, in exceptis est  
testis idoneus.
- 77 Iudex in criminalibus ex officio suo exa-  
minat impuberes.
- 78 Impuberis testimonium non facit pro-  
bationem ad effectum condemnatio-  
nis: sed an ad effectum torture sunt  
opiniones: n. gatiua verior est; nisi plu-  
res impuberes testificarentur, aut cō-  
curreret indicium aliquod non leue.
- 79 Impuberum duorum testimonium non  
sufficit ad condemnationem ordina-  
riam, sed ad extraordinariam secun-  
dum aliquos.  
Verisimilitudo denuncie cum de-  
nunciatore an sit sufficiens indicium  
ad torturam.
- 80 Inuerisimilitudo multum detrahit de  
fide testis.
- 81 Falsitatis imaginem habet, quod verifi-  
mile non est.
- 82 Confessio nō verisimilis nō nocet cōfitei.  
Numerus testium non supplet fidem  
vbi inuerisimilia testificantur.
- 83 Verisimilitudo multum de fide auget, &  
supplet defectus testium.
- 84 Verisimilitudo magnum prestat fun-  
damentum ad torturam.
- 85 Torturam in atrocioribus iudex facile  
adhibere debet.
- 86 Testes infames & repulsati verisimilia  
deponentes, in non exceptis non fa-  
ciunt fidem ad torturam.
- 87 Infames infamia facti aut iuris, quam  
fidem fassant in criminalibus exce-

ptis, & non exceptis.

- 88 Rei de se confessi & conuicti infamati  
pro alijs criminibus denunciante so-  
cium criminis, non faciunt indicium  
ad torturam, etiam in exceptis.
- 89 Extraiudicialis assertio rei exculpantis  
nominatum, an infirmet nominatio-  
nem de eo iudicalem, vt nominatus  
torqueri non debeat.
- 90 Morientis dictum non probat in praiu-  
diciū tertij, si fuerit testis, Iudex,  
aut Notarius.
- 91 Morientis dictum ad exculpandū Reum  
prodest ad vitandum torturam. Mo-  
riens non presumitur mentiri, & fa-  
cit indicium Innocentie pro reo.
- 92 Morientis exculpatio prodest reo, etiam  
in grauioribus & atrocioribus.
- 93 Inuentio instrumentorum apud reum  
pertinētium ad delictum subiectum,  
facit indicium ad torturam, non in-  
uentio facit indicium pro reo.
- 94 Indicia qua sufficiant ad torturam in  
criminibus exceptis.
- 95 Transgredi iura licet in grauioribus, &  
in his ordo est, ordinem non seruare.
- 96 Tortura facile adhibetur in atrociorib.
- 97 Tortura an adhibeatur in atrocioribus,  
nō precedentibus legitimis indicijs.
- 98 Confessio facta in tortura, non legitime  
adhibita, non nocet reo.
- 99 Tortura est iniuria corporalis, & cru-  
ciatus morti proximus.
- 100 Probationes vehementiores desideran-  
tur in atrocissimis ad effectum con-  
demnandi.
- 101 Indicia etiā non legitima sufficiunt ad  
torquendū in occultis & in atrociorib.  
id est, qua leuia sint, non tamen sine  
indi-



- indicijs quis torquetur.
- 102 Indicia qua sufficiant in grauioribus ad torturam.
- 103 Testis vnus integri dictum sufficit in omnibus ad torturam, non integri in atrocioribus facit fidem ad leuem torturam.
- 104 Indicium vnum proximum facto plene probatum, sufficit ad torturam.
- 105 Indicium vnum remotum à facto non sufficit ad torturam de iure, de consuetudine secus, praesertim in occultis & in exceptis ad leuem torturam.
- 106 Indicia sufficientia in crimine Magia qua sint.
- 107 Terrere potest iudex reum, vbi non habet indicia sufficientia ad torturam.
- 108 Torturae modus relinquitur discretioni iudicis ex qualitate personae torquenda.
- 109 Tortura de facili adhibetur in atrocissimis, & in dubio in his adhiberi debet.
- 110 Dignitas non excusat reum à tormentis in criminibus exceptis.
- 111 Dignitas rei an illum excuset à tormentis in criminibus non exceptis.
- 112 Tortura in atrocioribus an maior adhiberi debeat quam in aliis.
- 113 Maleficum crimen omnia scelestia continet.
- 114 Malefici in crimine iudex pronior esse debet ad torturam.
- 115 Tortura acerrima in grauioribus adhiberi debet.  
Torturae modus pro qualitate indiciorum regulari debet.
- 116 Tortura ictus quot dari possint.
- 117 Corda ictus quot dari debeant pro quolibet indicio.
- 118 Tortura modum iudex seruet, vt reus tortus saluus sit innocentia & supplicio.
- 119 Tormenta non vltra horam preferantur.
- 120 Torqueri potest reus ad summum diebus tribus interpollatis cum tribus saccatis.
- 121 Tortura acrior est tenere reum appensum funi.
- 122 Tortura an repeti possit.  
Tortus an sit sufficienter reus in arbitrio iudicis est.
- 123 Torturam repetere, & an indicia sine purgata, iudicis arbitrium est.
- 124 Tortura cum effusione aquae frigidae est tormentum nouum, legibus non praescriptum.
- 125 Tormentum funis est legale, & frequentatissimum.
- 126 Corda qui torqueri nequit, igne torquetur.
- 127 Tormentorum genera plura sunt.
- 128 Tormentis insolitis caueant iudices ne vtantur.
- 129 Tormentorum modos solitos in immanibus iudex excedere potest.
- 130 Tortura ex nouis indicijs vrgentioribus primis repeti potest.
- 131 Tortus semel ex eisdem indicijs iterum torqueri non poterit.
- 132 Indicia si graua sint, potest iudex repetere torturam.
- 133 Tormentorum repetitio fieri debet cum moderamine.
- 134 Indicia an sint graua vel leua, arbitrium iudicis est.

- 135 Reus reuocans confessionem factam in  
tortura, potest repeti.
- 136 Torturam ultra tres vices repeti non  
posse decisum est.
- 137 Reus confessus & retortus per trinas  
vices, negant extra torturam, non est  
ulterius torquendus.
- 138 Testis varij dictum praualeat quod as-  
seruit in tertia tortura.
- 139 Consuetudines curiarum in modo tor-  
quendi seruanda sunt.
- 140 Stylus curiarum in ordinib. iudicio-  
rum seruatur, & in torturis.
- 141 Tortura modus seruandus est pro sty-  
lo & vsu loci.
- 142 Tortura modum Princeps prescribere  
potest.
- 143 Princeps committere nequit, vt non  
torquendus torqueatur, & iudices  
qui obediunt, non excusantur.
- 144 Copia indiciorum danda est reis in-  
quisitis.  
Etiam in atrocissimis, & n. 145.  
Et etiam quod reus sit mala opinio-  
nis & fame, 146.  
Ac etiam quod proponeretur timor  
subornationis testium num. 147.
- 148 Tortura adhibita non decreta indicio-  
rum copia, nullitatis vitio subiacet.
- 149 Defensiones potest iudex cōstringere reo.
- 150 Princeps circa defensionum modum  
potest alterare iuris ordinem.
- 151 Aduocatorum patrocinium reo in qui-  
busdam casibus negarunt.
- 152 Aduocatus interesse non debet exami-  
nibus reorum.
- 153 Aduocatus non debet instruere reum  
ad tacendum veritatem.
- 154 Aduocatus nisi consulat clientem re-

stitueret, quod indebite tenet peccat.

- 155 Aduocatus mortuo reo iuste defendit  
haredes vbi agitur de damnanda  
memoria defuncti.

- 156 Confrontatio reorum an consulta sit,  
vt fiat.

- 157 Nominatio rei confessi de aliquo illum  
non grauat, nisi in tormentis presen-  
te nominato repetita sit.

CONSILIVM.

De Maleficis; De Strigiis; & de ordine pro-  
cedendi criminaliter, plures  
Quæstiones.

**A**D I. quæsitum. An denunciatio  
plurium per se sit sufficiens † in-  
dicium ad torturam absque alijs in-  
dicijs, aut ad miniculis?

Respondemus, prius videndum  
esse, quid si nominatio facta sit ab  
vno † tantum. Nam plures auctores  
magni nominis senserunt, in crimi-  
nibus exceptis, in quibus criminosus  
de se confessus potest interroga-  
ri de socijs criminis, inter quæ nu-  
meratur crimen Magiæ l. fi. C. de Ma-  
lef. & Mathem. cum pluribus auctoribus  
congestis à Prosp. Farinac. l. 2. q. 43. n. 67.  
nominationem vnus solius crimi-  
nosi facere indicium ad torturam,  
ob grauitatem, & immanitatem ho-  
rum criminum. Pet. Cyn. & Angel.  
in l. fi. C. de accusat. Butr. Imol. & Abb. in  
c. 1. de confes. Gandin. in tit. de quæst. &  
Tort. nu. 18. Bonif. de Vitalin. in rub. Quæ  
indicia preced. deb. sub nu. 9. Guid. de Su-  
zar. in tract. de indis. sub nu. 42. Amber. de



Bonon. in suo tract. de quest. sub num. 9. ubi refert sic vidisse praticari. Marc. Anton. Blanc. Patavinus iurisconsultus celeberrimus in tract. de indic. sub num. 378. Anton. Gomet. Delictorum in tit. de probation. sub num. 18. Petr. Plac. Delict. cap. 13. num. 28. Feder. Scot. conf. 10. num. 28. & 31. libr. 2. ubi in occultis. nam in istis regulæ iuris scripti in pluribus degenerant, tum quo ad hoc, quod reus de se confessus potest interrogari de socijs criminis, d. l. si C. de Malef. c. literas. de præsumptio. cap. 1. de confess. & cap. nemini 15. quest. 3. contra regulam in l. repeti. ff. de quest. & in l. fin. C. de accusatio. tum etiam quod testes infames etiam infamia iuris audiuntur aduersus reum tanti facinoris, l. famosi ff. ad l. Iul. Ma. cap. in fidei de heretic. in 6. cap. per tuas de Simon. & l. ob. carmen. §. si ea. ff. de testibus.

3 Communis tamen recepta sententia contra stat, quia etiam in istis & grauioribus, & atrocissimis non est incipiendum à tortura, absque legitimis indicijs præcedentibus, ad regulam in l. 1. in princ. ff. de quest. & in l. milites. C. eod. & pro regula statuerunt Hip. Marsil. in l. 1. col. 2. & in l. de minore col. 2. ff. eod. & in singul. 117. Gigas de crim. las. Ma. in tit. quomod. & per quos. q. 26. Iul. Clar. in criminalib. §. fin. q. 64. sub n. 9. Mascard. plures alios adducens conclus. 1391. n. 4. & plenius dicemus in resolutione. 8. dubij.

4 At dictum vnus solius testis infamis de iure alias regulariter inhabilis & in criminalibus, etiam in istis exceptis, solum non facit fidem ad

torturam, nisi alijs adminiculis iuuetur. Bal. conf. 259. lib. 1. Ang. in l. 3. C. ad leg. Iul. Maieft. Alex. conf. 11. n. 11. lib. 1. & conf. 89. n. 12. lib. 3. Dec. conf. 189 sub n. 10. vers. Secundo etiam respondetur. Mars. conf. 101. nu. 36. 37. Paris. conf. 151. num. 3. l. 4. Carer. de indic. & tortur. §. que autem. num. 3. & 5. ubi ampliat, etiam cum tortura. Menoch. de præsump. lib. 1. q. 89. numero duodecimo, cum pluribus alijs adductis à Farin. lib. 2. q. 37. numero 58. & q. 56. num. 68. & nu. 70. & est regula generalis tradita à Bart. in l. 1. §. idem Cornelio. ff. de question. per illum text. de qua re dicitur infra in 18. questio. Igitur pariratione reus de se confessus, qui quidem perditus & infamis est, interrogatus de alijs non facit fidem quo ad effectum torturæ, & sic communiter concluditur, Gloss. & Sal. ad fin. in d. l. fin. C. de accusatio. Bart. in l. maritus. ff. de quest. iuncta l. qui ultimo. ff. de pæn. ubi quod facit quale quale indicium. Bald. d. conf. 259. Ang. & Rom. in l. si certus. ff. ad Sillan. Alex. explicite conf. 11. numero quinto libro 1. & 89. sub num. 12. lib. 3. & 124. ad finem lib. 6. Corn. conf. 95. ad finem lib. 1. Socin. 96. col. 4. lib. 3. decis. 189. sub num. 10. vers. secundo etiam. Marsil. in §. diligenter, n. 60. & in l. 1. §. diuinus. num. 5. ff. de quest. & in conf. 74. num. 8. & 12. & conf. 109. num. 16. & 130. num. 42. & in sing. 109. Ruin. conf. 146. col. 1. & 147. sub n. 3. l. 5. Paris. d. conf. 11. n. 9. l. 4. Boer. decis. 319. col. 1. & nu. 3. Grammat. decis. 28. n. 12. 34. n. 37. & melius decis. 56. n. 1. & in conf. 21. nu. 6. & 66. n. 4. Nat. 298. n. 3. Crau. optime in cōf. 78. col. 2. Rel. l. 1. conf. 16. n. 17. & 73. n. 20.

Bertaz. conf. 40. n. 11. & infra, & plenius in conf. 110. per totum, & 332. & 341. nu. 25. ubi secus concludit concurrentibus alijs indicijs, & adminiculis. Decian. conf. 18. n. 64. 67. 68. l. 1. & pulchre Onded. conf. 100. n. 16. l. 1. & in tractatibus subsecuti sunt, Gigas in tit. quomod. & per quos q. 7. n. 5. Carer. sub tit. de heresi. n. 118. Boss. de indic. n. 11. 66. 149. & 198. Clar. q. 21. n. 9. Ioan. de Arnon. Solitoq. 94. Menoch. de arbitr. casu 474. nu. 43. & prater hos Fran. Brun. Cason. & alij adducti à Mascard. conclus. 1317. num. 52. Earinac. qu. 43. n. 145. & 155. ubi concludit nominationem rei confessi in istis exceptis facere indicium ad torturam, si praterea concurrant alia adminicula & præsumptiones, & idem prius clare dixit, n. vigesimo septimo & sic declarada sunt dicta ab eo sub num. 43. & nouissime Delrius Disquisition. Magicar. lib. 5. tom. 3. section. in §. ad torturam. ubi in solo dicto vnus criminosis communem dicit, ut non faciat indicium sufficiens ad torturam. & ita ut alia adminicula & euidencia Argumenta desiderentur, videtur text. in l. sicuti Cod. de qu. unde inferitur nihil obesse, quod reus de se confessus in criminibus exceptis interrogari possit de socijs, nam non sequitur, ut vnus indicatio sufficiat ad torturam absq; alijs indicijs, istud enim est: de quo quaeritur. An quia iura permittunt reum de se confessum in istis exceptis interrogari posse de alijs eius nominatio sufficiat ad torturam absque alijs adminiculis, quod

communiter negatur.

Fatentur tamen communiter omnes nominationem vnus rei confessi sufficere ad inquirendum aduersus reum nominatum, & ad transmittendum inquisitionem reo, ut personaliter comparere debeat. Bal. in l. primo. C. de Sum. Trin. sub numero 5. Clar. d. q. 21. n. 2. quod tamen secus est in alijs non exceptis, idem Clar. sub num. 6. & latius alijs adductis declarauit Farin. d. qu. 43. numero 130. & praterea prodest ad capturam rei, si haberi poterit. Salic. in l. absentem, numero 9. C. de accusat. Boer. decis. 319. sub numero quarto.

Videndum modo est iuxta ordinem quaesiti, an plurium criminolorum nominatio faciat fidem ad effectum torturae, ut in puncto, & adhuc dubitabile est? Sane in criminibus non exceptis nominationem plurium non grauare, quia de iure eis non creditur in caput alterius, l. si. C. de accus. professi sunt Grammar. conf. 21. post num. 10. Natta. conf. 298. nu. 10. Mascard. conclus. 1317. numero 18. & in exceptis, in Maleficis, & Falsarijs idem Marfil. consilio 109. numero 10. & 78. numero 13. & ubi testes sunt omnino inhabiles, ut numerus non suppleat fidem, Pet. Ancar. conf. 246. in causa. Alex. in l. si quis ex argentariis, §. cogentur, n. 1. ff. de eden. Corn. conf. 333. col. 7. l. 1. Fel. in c. testimon. n. 5. de testib. Crau. conf. 99. numero decimo. & de antiq. temp. in 1. par. in §. quod libro officialis. n. 19. ubi absurdum reputat, quod plures testes omnino inhabiles possint se facere habiles,



habiles, & vnus dare alteri, quod ipse non habet. Et in criminalib. vt plures inhabiles testes non iungantur ad quaestionem, & torturam, videtur casus in d. l. i. §. Idem Cornelio. ff. de quest. & ibi Bar. & in pluribus nominantibus, Rolan. conf. 16. n. 18. & n. 23. l. i. Bursi. conf. 201. n. 61. Bertaz. conf. 28. n. 3. & 116. n. 21. c. 234. col. 1.

8 Sed contra, quod nominatio plurium criminoforum † in his atrocibus faciat fidem, etiam ad torturam, ratione demonstratur. Nam isti iure interrogari possunt de socijs, d. l. repeti. ff. de quest. l. fin. C. de Malefic. & d. c. in fidei, de heret. in 6. & licet singuli non faciant fidem ad torturam, faciunt tamen qualem qualem praesumptionem, vt supra diximus, quæ sufficit ad inquirendum. Numerus ergo augebit illam qualem fidem, vt sufficiat ad torturam, nepe † in testibus numerus supplere solet, quod deficit in fide. l. 3. §. quæ argum. ff. de testib. cum Gloss. in verbo numerus, & inde notarunt Iacob. Burriq. & Florian. & l. ob carmen. §. si. ff. eo. Alex. conf. 47. col. 1. & conf. 73. l. 2. & 149. col. 2. l. 5 Dec. conf. 163. col. pen. Curt. iun. 168. n. 16. Præterea † plures testes infames infamia iuris regulariter inhabiles, in alijs non faciunt indicium ad torturam, in exceptis autē vtique, & ad transmittendum reo inquisitionem particularem, si personaliter capi nō poterit; sicuti post plures ab eo relatos firmavit Farinac. q. 56. n. 68. igitur & plures rei de se conuicti, & confessi, nam quæ ad

illum nominatum sunt loco testium.

Vltcrius, si cum dicto rei criminis † contra denunciatura concurrat aliquod adminiculum, seu indicium veluti vnus testis de auditu, vnus testis de visu non integer, inimicitia nominati, fama, fuga extemporanea conuersatio, secreta collocutio, & eiusmodi, dictum rei sufficit ad torturam, quamuis hæc sint remota à facto, sicuti ex aliorum traditionibus plene probauit Farinac. dict. qu. 43. à nu. 163. vsque 177. igitur & multo magis si cum nominatione vnus ex reis concurrat nominatio alterius, aut duorum, nam hi afferunt adminiculum de facto, & super facto, & ad hoc videatur text. in dict. l. 1. §. si serui ff. de quest.

Rursus plura indicia † etiam remota sufficiunt ad torturam, Bart. & communiter posteriores in l. fin. ff. de Quest. Ang. Aret. in verbo, quod fama publica. nu. 6. & Aug. ad eum sub nu. 52. Boss. in tit. de indic. nu. 71. Blanc. de indic. num. 150 & ex communi pluribus citatis Farinac. dict. quest. 37. nu. 11. & latius nu. 43. item plures testes quamuis singulares, & ipsi sufficiunt ad torturam, vt dicetur infra in 8. questio. Item † in probationibus, quæ diriguntur ad probationem vnus facti, seu vnus delicti, quia tendunt ad vnum & eundem finem, quæ non prosunt singula, multa coaceruata iuuant. Bart. & posteriores in d. l. i. §. Idem Cornelio. Quibus ac similibus rationibus sic concludunt Auctores.

Boer.

Boër. d. decis. 319. num. 17. vbi refert, sic bis iudicatum in Curia Burdegal. ob nominationem duorum aut triū reorum. Et in Curia Parisien. sic seruari retulit Papon. libro duodecimo. titulo decimotertio. Aresto. 2. & 3. Clar. qu. 21. sub num. 11. vbi refert Grammat. super Capitul. regni attestantem sic seruari in regno, & præter hos Gigas. dict. titul. Quomodo. & per quos. quæst. 8. Crau. consil. 178. sub numero tertio. Roland. libro primo. consil. 16. num. 20. Bonacof. commun. opinien part. 1. versicul. indicium faciunt. Farinc. quæst. 43. num. 37. & q. 44. num. 6 Bertaz. consil. 225. num. 20.

Quinimò, quod magis est, senserunt nonnulli, duos aut tres ¶ reos criminis nominantes in tortura aliquem conreum criminis, facere fidem, etiam ad condemnationem. Gomet. Variar. Resol. tomo 3. cap. 12. sub tit. de probation delictor. num. 18. & sic seruari in Regio Cathalonix consilio testatur Ludouic. Regner. in criminal. decision 5. num. 38. Imò & vnus, concurrentibus multis alijs admiculis. Menoch. consil. 171. nu. 62. Sed horum opinio communiore scriptorum calculo improbatur. Boss. de indic sub num. 165. iuncto numer. 177. Marfil in §. Diligenter. num. 68. Boer. dict. decis. 319. sub numero 4. Blanc. de indic. n. 384. cum pluribus alijs adductis à Farin. qui sic ex communi concludit. quæst. 43. n. 39. & 40. nisi testimonium inhabiliam ex verisimilibus alijs cōfirmaretur. Menoch. post alios consil. 149. num. 12 & 13. & multorum auctoritatibus iterum confirmat. q. 62. num. 73. & infra.

Et est ratio, quia vbi testes ¶ alias inhabiles, & non integri adiunguntur, non faciunt plenam probationem, nec numerus supplet in eis fidei defectum, ad effectum cōdemnationis ordinariæ. Ias. post alios. in Auth si vero contigerit. C. de iudic. Marfil. consil. 109. num. 6. & in singul. 177. Sed quo ad torquendum sic. Gram. consil. 1. num. 5. Natt. consil. 474 num. 3. Farinac. quæst. 43. num. 167. & quæstion. 62. num. 75.

Et ratio rationis est, quia testes iure inhabiles recepti ¶ in criminibus occultis aut exceptis, non tamē sunt omni exceptione maiores. Marfil consil. 109. num. 13. Gram. consil. 59. num. 12. cum concordantibus adductis ab eodem Farin. q. 37. num. 63 & q. 43. n. 40. & q. 56. num. 71. & 155. & quæst. 62. num. 383.

Et conclusio denique sit, quod vbi testes ¶ si essent omni exceptione maiores, facerent fidem ad effectum condēnationis, hi si inhabiles sint faciant fidē ad torturam, & vbi illi prodescent ad torturam tantum, isti iuuent ad inquirendum, & ad transmittēdum reo inquisitionem, & ad capiēdum personaliter, reum: Sic Ias. in l. 1. C. de Sum. Trin. in 2. lect. n. 46. Barbat. in rep. c. testimonium. ext. de testib. par. 2. n. 15. Farin. q. 56. n. 54. & infra.

Hanc tamen firmatam cōclusionem ¶ libenter moderamus ad temperamenta text in c. in fidei. de haret. in 6. ibi si ex verisimilibus coniecturis, ex numero testium, vel ex qualitate

q 3 depo-



deponentiam, vel ex personis eorum, contra quos deponunt, falsa non dicere præsumantur, quem ad hoc aduertit, Franc. Aret. in c. cum P. Manconella. ex. de accusat. sub num. 21. & 22. sequitur Hip. Martil. consil. 24. num. 13. Roland. consil. 73. numer. 25. lib. 1. Onded. cons. 100 n. 17. Sprenger. q. 4. fol. 376. Quibus cōsensit Petr. Rinsfeld. lib. 3. conclus. 6. ubi ultra numerum ponderat diuersas circūstantias; An testes constanter perseverent, pœnitescentes ad iudicium accedant, moriantur cum contritione, nullo odio, aut rancore occupati contra denunciatos, verisimilia deponant. Nec dissentit Delr. tome 3. lib. 5. section. 3. in vers. Ad torturam. ubi inquit: Ad torturam sufficiunt hæ conditiones, si alie confessiones plurium reorum concurrant, vel etiam adminiculentur alia indicia. Et ultra dicta istorū patrum est text elegans in c. accusatus. §. licet, de heret. in 6. in illis verbis. Et postmodum velint corrigere dictū suum contra alios suos complices deponendo, cum crimen huiusmodi sit exceptum, si ex manifestis indicij apparuerit, tales non animi leuitate, aut odij fomite, seu corruptione pecuniæ, sed Zelo fidei orthodoxæ, velle dictum suum corrigere, in fauorē fidei, nisi aliud obstat, statari debet tam contra se, quam contra alios attestationibus eorundem.

19

Et sic tenendo & declarando, non obstat opposita ratio, quod plures inhabiles testes simul iuncti non possint inuicem se habilitare.

Nam regula & ratio procedit in omnino inhabilibus, sed ubi tales sunt, quod quilibet de per se facit qualē qualem præsumptionem, intrac, vt plures simul iuncti ex pluribus præsumptionibus suborientibus ex dicto cuiuslibet faciant vnā probationem integram, quæ sufficiat ad torturam, Bart ind §. Idem Cornelio & sic clare sensit Nat. consil. 298. num. 10. & fuit resolutio Corn. in l. 1. C. de testam. num. 35. & in cons. 42. col. fin. lib. 1. & 172. num. 20. volum. 2. Crau. consil. 9. num. 12. & 99. num. 10. Roland. cons. 98. num. 34 cum alijs congestis à Farin. quest. 34. num. 41. & latius quest. 62. num. 317. & num. 341.

Nec obest, si diceretur, quod si sicut probationes in condemnando debent esse claræ, l. fin. C. de probat. sic & ad torquendum, Bald. consil. 257. verba col. 2. volum. 1. per text. in l. si quis. C. ad leg. Iul. Ma. Marfil. consil. 101. nu. 13. Roland. cons. 16 num. 29 lib. 1. Nam solutio est, vt probationes debeant esse claræ, proportionabiliter in suo genere, & prout de quali periculō agitat. Farinac. d. qu. 37. sub n. 5. post Franc. Personal. & Bruonor. à Sole ab eo relatos.

Nec negamus in istis atrocissimis, in quib⁹ agitur de honore, de substantia, & de vita hominis, nō considerari vehemētiore probationes & præsumptiones ad condemnandum. Nam requiri concedimus ad glos. & Abb. in c. literas, de præsumpt. & in crimine læsæ Ma. Gigas. d. tit. quomod. & per quos q. 20. Decian in criminal. lib. 7. c. 46. n. 1. & in crimine hæresis, Oldrad.

Oldrad. *conf.* 210. *colum.* 1. Menoch. *conf.* 149. *n.* 1. & iuadet Melchiadis Sum. Pōtif. monitum. *inc. primo semper.* 2. q. 1. *in illis verbis.* Primo semper, ante omnia diligenter inquirite, ut cū iustitia & charitate diffinitatis, neminem condemnatis ante veram & iustum iudicium, nullū iudicetis suspicionis arbitrio. Sed primum probate, & postea charitativam sententiam proferte, & quod vultis vobis non fieri, alteri non faciatis.

Ad II. An inimicitia denunciarium erga denunciarios debeat plene probari per duos testes, vel sufficiat semiplena probatio per vnum testem, aut præsumptio ad elidendū indicium denunciationis.

Respond. absolutum esse naturali & politica ratione, nimirum ꝑ repellendum esse à testimonio ferendo aduersus inimicum. l. 3. *in princ. ff. de testib. c. repellantur. c. cum p. c. cum oporteat. c. mem. nimis. de accusat. c. per tuas. de Simon. & Authen. si dicatur. c. de testib.* & latius in corpore vnde sumitur, & in Ecclesiast. c. 12. legitur, *Non credas amico tuo in aeternum.*

Et in criminibus exceptis, ut inimicus ꝑ denunciator, aut testis, nullum faciat indicium etiam receptus in tortura, quia facile inimicus mētitur in caput inimici; sicutamen ut non omnino detrahatur quæstioni fides, inquit rex. *in l. 1. §. prateres ff. de quæst. & de inimico, ut fidem non faciat, Alexand. conf.* 127. *sub nu.* 16. *libr.* 4. *Marfil. in l. de minore. num.* 8. *ff. de quæstion. Gigas de crim. l. 5. Ma. in tit. quomo.*

*& per quos. quæst.* 7. *nu.* 6. *Menoch. de arbi. trar. casu.* 474. *nu.* 55. *& conf.* 149. *n.* 14. *cum alijs adductis, & Farin. q.* 43. *n.* 179. *& latius quæst.* 53. *num.* 5. 7. *& nu.* 12. Et huiusmodi inhabilitas non etiā suppletur per torturā. d. §. *præterea Marfil. ibi. in princ. Gigas d. tit. quæst.* 2. *n.* 4. *Farin. e. dem loco nu.* 10. *Bertazol. in crimina. lib. conf.* 38. *num.* 15. *& 528. num.* 7. Nec etiam quia sit confessus & in articulo mortis, *Farin. ibidem. numer.* 11. *post Marfil. Gigan. Grammat. Crot. & alios.*

Inimicitia autem, quia est ꝑ cōtra ius naturale, ad l. *ut vim. ff. de iust. & iur.* non præsuntitur, ideo probatione indiget. l. *in ratione.* §. *cū quidam. ff. ad leg. Falc. l. 2. C. de mandat. princ. c. cum in iure, de offic. deleg. Marc. Mant. conf.* 24. *nu.* 13. *& 52. n.* 17. *lib.* 1. *Crau. conf.* 8. *n.* 8.

Et quia inimicitia est ꝑ affectus, & passio quædam animi intrinseca, quæ oculis corporeis cerni non potest, sed indicio intellectus percipitur ex aliqua facti circumstantia, unde inimicitia causari potuerit, ideo per verisimiles coniecturas probatur suborientes ex facti qualitate. *Bald. consil.* 46. *præmittendum est. nu.* 4. *volunt. 5. Abb. d. c. repellantur. colum.* 2.

Et probationes fieri debent ꝑ regulam text. *in c. in omni negotio, de testib. & in l. ubi numerus. ff. eod. quæ quidē in probatione inimicitie non reperitur mutata. Bald. in errore. C. de testamēt. Mascard. concl.* 901. *n.* 2. ac ideo vnus solius testis dictum non sufficeret, quacunq; etiā dignitate præditus esset. *ad l. iurifurand. C. de testib.* faceret tamē semiplenā probationē, ad not.

24

25

26



ad not. in l. admonendi. ff. de iureiur. & in l. maritus. ff. de quast. & eius dictum elideret indicium ex denunciatione surgens, prout etiā aliqua alia cōtraria præsumptio, veluti bona fama rei inquisiti, ad ea quæ dicentur in fra in 3. quasto.

27 Quæ autem inimicitia repellat, aut † debilitet dictum testis, seu nominantis; iure scripto ac ex consensu scriptorum constat inimicitiam capitalem repellere testem, & nominatorem in iuribus supra allegatis. Levis autem inimicitia nō repellit, sed debilitat. Bald. in d. Authentic. si dicatur. ad finem. C. de testibus. Iacobin. à S. Georg. in l. testium. ff. eo. Grammat. decis. 34. num. 26. 27. Iacob Spreng in suo maleo Maleficar. in ultim. part. quastion. 5. q. 11. & quast. 12. vbi exactè prosequitur materiam istam; & alios concordantes citat Farinac. quastion. 53. num. 54. Carolina autem constitutio, de qua infra, requirit singularem inimicitiam, malevolentiam, vel contrarietatem cum denominato.

28 Inimicitia autem, an sit grauis, vel levis, relinquitur † arbitrio iudicis. Innocent. in dicto capit. cum oporteat. Iacobin. & Grammatic. dictis locis. Farinac. quastion. 49. numero 86. & quastion. 53. num. 57.

29 Et est notandum, quod ad repellendum † sufficit probare † causas grauis odij, quamuis ille non demonstret se odiosum. Innocent. in c. Cum I. & A. de rei iudis. in fin. per text. in capit. 2. & seq. 3. quastion. 5. cuius dictū probarunt Bald. in l. prescriptione. C. si

contra Ius. numer. 36. Rom. in rubr. de arbit. colum. 11. Grammat. decis. 33. nu. 7. Marsil. d. l. 1. §. præterea n. 3. Farinac. q. 13. num. 21. & num. 24. & 25. vbi quod præsumptus, ac etiam occultus inimicus repellitur.

Et probari debent particulariter † causæ, seu species, & qualitates inimicitia. Bart. in l. si quis testib. C. de test. in fine. Gram. dec. 34. num. 11. vbi in id infert Imol. in cap. Raynutius. de testament. & post Iason in l. Titia textores. colum. 3. ff. de leg. 1. concludit, non sufficere probari de inimicitia in genere, & post Bald. in l. solum. C. de testib. non sufficere testes dicere inimicitiam subesse, nisi causas inimicitia referat. Et idē Iason in lege prima n. 9. C. de testament. Farinac. qu. 49. nu. 126. 127. & in ea quæstione ample discernit causas, ex quibus inimicitia capitalis contrahitur, quas hic recensere minimè putauimus.

Dicimus tamen ad repellendum testem sufficere, quod † sit odiosus ei, aduersus quem testificatur, licet non sit inimicus. Præposit. in cap. Quod vero, colum. fin. 3. quastion. 5. & post eum Gigas. d. quastion. 2. num. 30. per text. in cap. inquisitionis. de accusation. & in capit. testes. 3. quastion. 5. & consulendo Alexand. consilio 99. colum. 2. lib. 1. Natta 412. num. 24. & concordantes adducit Farinac. eodem loco, num. 30.

Amicus autem inimici mei † an idoneus testis? & quidem in non exceptis idoneus non est. Nam pro iudicis arbitrio inspecta amicitia detrahatur de fide. Bart. in l. sciendum, §.

1. ff. de legationib. Cin. Bald. & pulchre Sal in l. eos. C. de testib. Bos. in tit. de oppos. cont. test. num. 102. Quorum dicta etiam in crimine læsæ Maieft. accepit Gigas in tit. Quomod. & con. quos. libro secundo, quest. 2. num. 28. Farinac. d. quest. 53 num. 30. vbi alios citat & ample declarat. Sufficiet remisisse ad loca præallegata, cum de hoc quæsitum non simus.

Ad III. An denunciantes debeant esse contriti, sicuti quidam volunt, cum hoc iure non sit expressum; & sagæ rarissimè pœniteant.

Respond. ex modernis auctoribus Rinsfeld. libro tertio concl. 6. ultra numerum reorum nominantium ad faciendum indicium ad torturam diuersas circumstantias, an constanter perseuerent, pœnitenes ad iudicium accedant, moriantur cum contritione, nullo odio, contra denunciantes occupati verisimilia deponant, à quo, vt in primo quæsito retulimus, non dissensit Delr. Magic. Disquisition. tomo 3. libro 5. sect. 3. & his assentiri videtur text. in c. accusatus. §. licet. de heretic. in 6. ibi. si ex manifestis indicijs apparuerit, non ex leuitate animi, aut odij fomite, sed Zelo orthodoxæ fidei. Quare assertio horum patrum iure satis fundata videtur.

Ad IV. An ea, quæ de iure & constitutione Carolina Artic. 31. requiruntur, denunciatione vnus, requirantur etiam in denunciatione plurium? Illius autem constitutionis hæc sunt particularia ad magiæ crimen.

R V B R I C A.

De magia sufficientia Indicia

Artic. 44.

Si quis se offerat alios magiā docere, vel ꝑ aliquem maleficare minetur, & illi, cui minatus est, eiusmodi quid contigerit, vel etiam singularem consuetudinem cum Magis, aut maleficis habeat, vel talibus suspectis rebus, gestibus, verbis, & substantijs, vratur, quæ magiam secum important, & illa persona de hoc alias sit diffamata, hoc præbet firmum indicium magiæ, & sufficientem causam ad torturam.

Respondemus itaque, absolutū esse ad denunciationem vnus concurrente aliquo ex indicijs in constitutione relatis suboriri sufficientem causam ad torturam, sed in denunciatione plurium non esse opus alio adminiculo, quia pluralitas denunciatorum supplet, vt dictū fuit in resolutione primi dubij.

Ad V. An denunciationibus infamium sit credendum ꝑ in criminibus exceptis cōtra personas bonæ famæ, & an duorum, vel plurium infamium denūciationes requiratur.

Respond. in denunciatione vnus tantum bonum famam ꝑ denūciati elidere præsumptionē qualē qualem orientem ex denunciatione illius rei, quoniam merita vitæ præcedentis plurimum iuuant. l. 3. §. sed ex improviso. & l. non omnes, §. à Barbaris. ff. de re milit. & in princip. illius legis. Sed in denunciatione pluriū difficilis est quæstio: multi etenim tenuerūt cō-

stantem

33

34

35



stantem & non vulgarem denuncia-  
ti bonam famam elidere indicium  
proueniens ex nominatione pluriū,  
vt non sufficiat ad torturam, ne sit  
in facultate horum infamium, de se  
conuictorum grauare bonum no-  
men, existimationem, & quod peius  
est, personam viri probi, Raph. Cum  
consil. 136. Ad primū: colum. 4. Alexand.  
consilio 89. num. 13. lib. 3. Marfil. consil.  
74. num. 29. & in crimine maleficii consil.  
109. num. 27. Paris. 151. numer. 13. lib. 4.  
Grammat. in suis consilijs. 21. num. 8. 35. n.  
37. 57. num. 11. 58. n. 18. & 66. n. 5. & pul-  
chre in decis. 28. numer. 17. & 18. vbi pōst  
Andr. Ifern. Decian Felin & Bertrand. ab  
eo allegatos sic plene firmat. Socin iun. con-  
sil. 39. num. 66. lib. 2. Roland. consil. 16. n.  
24. & 73. numer. 36. lib. 1. Menoch. casu  
474. num. 42. Bertazol. consil. 59. numer.  
8. & 6. num. 16. Onded. consil. 100. num.  
40. libro primo. Laderch. de Imol. consil. 181.  
num. 15. vbi plures alios adducit. Et  
quamuis plures alij contra steterint,  
quorum opinione non facilē di-  
uellitur, licet præcedens sit com-  
muniter recepta, Farinac. question.  
47. numer. 187. Quia, vt experientia  
docet, nullus est tam prauæ condi-  
tionis, qui de facili reperire nō pos-  
sit duos, aut tres testes attestantes de  
illius bona fama; & præterea excu-  
satio respectu bonæ famæ pluribus  
modis solet dilui. Menoch. consil. 101.  
n. 57. Verum, vt aduertimus supra,  
intelligimus de bona fama constan-  
ter & firme probata, vt dubitari nō  
possit, communi in eo loco homi-  
num existimatione denunciatum

pro retroactis suis moribus haberi  
pro bono viro, alieno à crimine im-  
putato. Nam ex eo, quod cuius exi-  
stimationis quisq; in ciuitate sua sit,  
plurimum adiuuenti affertur ad il-  
luminandam veritatem, vti præcise  
inquit text. in l. de minore, §. plurimum.  
ff. de quest. Aliqui tamen dixerūt, bo-  
nam famam denunciati tollere in-  
dicia leuia, & elidere graua, Paul.  
Meren. in criminalibus diuersorū. cōf.  
88. n. 77. Vulpell. cōf. 105. n. 6. & 125. n. 25.

Alij autem senserunt bonam fa-  
mam nominati probatā, tollere ma-  
lam famam generalem; sed non in-  
dicia particularia. Alexand. consil. 77.  
n. 9. lib. 1. & consil. 62. n. 5. lib. 3. Ioan. de  
Arnon. Soliloq. 37. Quare in crimini-  
bus maleficis, quæ grauissima sunt,  
Binsfeld. lib. 2. conclus. 6. Dub. 3. Illation.  
6 & Delrius lib. 5. section. 3. vers. Admittū-  
tur. & vers. fama bona, senserunt indi-  
cium hoc particulare denunciatio-  
num plariam excludere præsump-  
tionem generalem suborientem à  
bona fama, ac ideo nominatum tor-  
quendum esse, leuiter tamen.

Nos autē aduertendum putamus,  
quod et si in criminibus excep-  
tis admittantur, & recipiantur testes  
criminosi & infames, item etiam au-  
diantur rei de se ipsis confessi & cō-  
uicti, iuribus satis allegatis in primo  
quæsito: non tamen nec isti, nec illi  
sunt integre fidei. Alexand. consilio 11.  
sub numero secundo, lib. 1. Gigas de crimina-  
lis. Ma. in tit. Quomod. & per quos. q. 2. nu-  
3. AEgid. Boss. in tit. de indic. n. 177. Farin.  
q. 43. n. 4. & q. 56. n. 71. & n. 155.

Præterea aduertimus, quod ubi extât aliqua indicia, quorum ꝑ causa procedi possit ad torturam, si tamen in contrarium alia vrgeant, eliduntur, vt ad torturam deueniri non possit. Bart. in lege prima. §. 1. ff. de quaest. Angel. de Malefic. in ver. Quod fama publica. num. 34. Marfil. in §. diligenter. num. 190. Alex. consil. 189. numer. 9. in 2. Grammat. voto. 3. n. 20. ubi etiam in id adducunt Ioan. Andr. & Bald. plenissime Farinac. q. 38 num. 110.

Quare si efficaciter fundatâ & ꝑ probatam vltra bonam famam concurrerent aliqua adminicula ad exculpandum reum denunciatum, vel etiam rei denunciante paterentur alios defectus inhabilitates eorum personas, aut debilitantes eorum dicta, vel quia essent infames, ac rei pro alijs atrocibus criminibus, ita vt apparerent personæ sceleratæ, & vitæ infamatæ, vel quia essent viles, in his sane casibus concurrente bona fama rei denunciati bene constabillita, fortè melius est dicere, vt à tortura denunciatus eripiat. Nam in omni materia duplicitas in iure multum consideratur, ad augendū, & ad detrahendum: Duo vincula sanguinis: Duæ fictiones: Duæ proprietates: Duæ prohibitiones: Duo iudicia: Duo actus geminati: Duæ confessiones, & eiusmodi plura. Et in exceptis ad euadendum torturam ex nominatione reorum cōmictorum, & vitæ infamatæ sic tradiderunt Grammatic. consilio primo. Fori iudicat. numer. 61. & consil. 15. nu-

mero vicesimo septimo. & latius consil. 70. numero octauo. Gig. loco præall. qu. 7. numer. 7. Natta consil. 298. num. 6. Roland. lib. p. consilio decimo sexto numer. vigesimo. & 73. numer. 24. Menoch. dict. casu 474. num. 54. Mascard. conclus. 1317. numero quadragesimo primo. Vine. Onded. dicto consilio 100. numero 17. & 18. Farinac. quaestio. 43. num. 179. ubi plures alios cōcordantes adducunt. Quare obstâtibus ipsis denunciatoribus duabus, vel pluribus exceptionibus, torturæ indicium ex eorum denominatione suboriens potest dici elisum, vt insufficiens reddatur ad torquendum.

Ad condemnandum autem solâ malam famam non sufficere comperit, Ioan. Anan. consil. 59. colum. 3. per text. in cap. cum oporteat, & in cap. Qualiter & quando. de accusation. prout nec etiâ dictum vnus solius testis idonei. Deuteron. Cap. 17. Nemo occidatur vno contra se dicente testimonium.

Item si nominantes essent periurî nullam facerent fidem, etiam in exceptis, ac nec etiam ad inquirendū. Roland. consil. 73. numero decimo nono. lib. 1.

Ad VI. An vltra denūciationem ꝑ plurium requiratur diffamatio in exceptis: vt procedi possit ad inquisitionem & torturam.

Respō. de iure scripto pro regula constitutum esse, Inquisitionem ꝑ non præcedente fama, nullam & inualidam esse, text. ad hoc. in ca. inquisitionis. in cap. qualiter & quando. el. se. cundo. ubi plene scribentes de accusat.



& cap. licet Hely. de Simo. Angel. de Malefic. & Marsil. vterque in sua practica crimin. in verbo. Hac est quadam inquisitio. & est dictum commune apud Criminalistas. Clar. §. fin. questio. 6. in princip. Boss. in titul. de inquisit. n. 7. Farinac. libr. 1. quest. 9. in princip.

Fallit autem prepositio hæc in crimine hæresis & læsæ Maiestatis, capit. excommunicamus, §. adijcimus, de sententia excommun. & inde not. Cardinal. Zabbar. & Ioan. Anan. & idem Cardinal. in Clement. secunda, questione secunda, de hæret. Bartol. in Extrauag. ad reprimendā. in verbo, per inquisitionem, num. 29. Felin. dict. cap. qualiter & quando, in ultim. verbis. Clar. dict. questione 6. versicul. Item scias. Gig. de crim. læ. Ma. in tit. Qualiter procedatur, quest. 9. num. 2. vbi ampliat etiam in omnibus alijs criminibus atrocibus & grauibus, & fuit ampliatio Præpos. Alexandr. in c. 1. n. 64. 2. qu. 8. subsecuti sunt Dec. conf. 18. num. 42. lib. 1. Cephal. conf. 304. n. 88. Menoch. 100. n. 64. Et post hos Farinac. dict. q. 9. n. 14. 15. Delr. Magicar. disquisit. libr. 5. section. 1. versic. Quinto requiritur. Decian. in criminali, libro 7. capit. 43. num. 8. Sed in his non est immorandum, quia quicquid sit de iure, de consuetudine & vltu iudiciorum, solennitas diffamationis recessit ab aula. Iul. Clar. loco præcitato. Bonacof. commun. opin. libr. 1. in versicul. inquisitionem precedere debet quos subsecutus est Farinac. d. loco num. 21.

41

Ad inquirendum itaque non est necessaria in crimine malefico præcedens diffamatio, sed sufficit no-

minatio reorum, etiam vnus de se confessi Bal. in l. 1. C. de sum. Trin. num. 6. Marsil. in suis conf. 12. n. 38. 15. n. 5. & 6. & 28. num. 16. Grammat. consil. 21. num. 71. Clar. in §. fin. quest. 21. num. 5. vbi etiā in criminibus non exceptis, & quod ita letuatur. Et in exceptis nominationem vnus sufficere ad inquirendum. Menoch. casu 474. n. 41. ac etiā ad citandum personaliter, & ad detrudendum in carcerem. Clar. eodem loco. n. 6. Nam etiam in istis sola fama sufficit ad inquirendum, citandum personaliter, & ad detrudendum in carcerem. Cyn. in l. nullus C. de exhiben. Reis. Crau. conf. 41. num. 6. cum alijs adductis à Mascari. conclus. 754. numero decimo nono.

Non tamen ad torturam Crau. & Mascari. dictis locis num. 5. Clar. dict. questio. 21. Bursat. consil. 20. numer. 32. & consil. 35. num. 16 & ex veriori, receptiori, & in practica frequenter recepta, plurimis relatis, Farinac. quest. 47. num. 4. & infra.

Quia fama est † indicium remotum à facto. Et quia indicia ad torquendum debent esse grauiora, verisimilia, certa, clara, & facto propinqua, quod iudex sit quasi certus reū inquisitum esse delinquentem l. 1. in princip. ff. de questio. ibi, vt sola reorum confessio deesse videatur. & leg. milites. C. eod. ibi. Et si veluti certis indicijs deducti. Præclare Bald. consil. 259. num. 4. libr. 1. Corn. 101. numer. 3. volum. 2. Marsil. consil. 18. num. 12. & 51. n. 6. Socin. consil. 6. num. 8. volum. 4. Crau. consil. 6. num. 12. & consil. 9. n. 11. & 99. num. 1.

Nati.

Natt. consil. 42. n. 1. cum pluribus congestis à Farinac. qu. 37. n. 3. Fama autem persape est vox populi vana & fallax, & conclusio procedit, etiam quod fama traheret originem à personis honestis & fide dignis, uti idem Farinac. constituit *num. 28. & num. 46.*

Cæterum in criminibus occultis sola fama suboriens facit indicium ad torturam, ex recepta sententia Clar. dict. *question. 21. versic. Fama sola* Rimin. iun. consil. 362. num. 3.

Quæ tamen concurrere debeant ponit Menoch. consil. 149. num. 40. Qui tandem sub *num. 42.* post Simanc. concludit in crimine hæresis solam famam, quamvis publicam, non sufficere ad torturam, sed ad inquirendum, prout in alijs criminibus, Marfil. consil. 15. nu. 12. & singul. 97. copiose Crau. consil. 41. num. 6.

Vel etiam si cum fama concurreret aliquod aliud adminiculum, veluti nominatio rei confessi. Clar. eod. loco. Gandin. Guido Suzar. & ceteri alij relati à Farinac. d. quest. 47. numero 17. Sed de hoc quæsito satis, hæc sufficiant.

Ad VII. An satis sit denunciari aliquem, seu aliquam à pluribus, quod ipsam viderint in conuentu & congregatione sagarum, in ordine ad torturam, absque eo, quod damna fecerit.

Respond. Satis esse quo ad effectum torturæ, ut nominatores dicant, illam, aut illas, vidisse in conuentibus & conuenticulis sagarum, nec oportere probare de damnis a-

licui illatis. Nam non ante striges conuenire solent, quam abnegauerint Christum Deum, & societatem cum Diabolo coierint. Binsfeld. de conf. ff. Malef. membr. 3. concl. 6. dubio 2. Delr. l. 5. sect. 16.

Ad VIII. Quando fit talis denunciatio, quod hæc, aut illa persona interfuerit conuentibus sagarum, an requiratur specificatio temporis, & loci; vel vtrum sufficiat generalis denunciatio plurium, absque eiusmodi circumstantijs ad inquisitionem & torturam.

Respond. Iure scripto regulariter si procedatur, pro delicto iure accusationis exprimi debet locus & tempus, scilicet mensis & annus, dies autem non. l. l. eorum. de accusat. Bar. ibid. n. 2. c. fin. §. libellorum 2. q. 8. nisi factum tale sit, quod vna certa die esset punibile. Bar. d. l. libellorum. nu. 12. & idem est in inquisitione particulari. Nam Iudex inquirens succedit loco accusatoris, idem Bar. sub nu. 12, in l. 2. §. si publico, ff. de adult. & est communis traditio, Aret. & Fel. in c. qualiter, §. debet de accus. Bos. in rit. de inquis. n. 90. Clar. qu. 31. num. 11. & per totum mundum sic seruari dixit Angel. in leg. ea quidem numero tertio, capit. de accusat.

Index tamen ad petitionem rei ut possit instruere suas defensiones, tenetur, si inquit, exprimere in inquisitione etiam diem, prout etiam teneretur accusator, quia forte velit reus probare, se eo die abfuisse. Bartol. in leg. is qui reus ff. de publ. iud. sub n. 10.



& est communis traditio, lason. in l. 2. § si quis *Ephesi* ff de eo quod cer. loc. Boff. d loco n. 92. *Gigas de crim. la Ma in tit. Qualit. proced. quest. 3. Clar. question. 12. num 6. & num. 9.* & præter hos Angel. Aretin. & August. in addition in gloss. de anno præsentē, sub num 2. et si Imol. aliter senserit in dict. leg. is quireus, nam communiter recipitur Bart illa traditio, Mascart. concl. 512. n. 3. *Farina quest. 1. nu. 20.* Si tamen accusator dicat se ignorare diem, quia dicat non recordari, excusatur, maxime si iuret. *Clar. question. duodecimo, sub num 9.* Ergo multo magis iudex inquirens.

48 Rursus in inquisitione & in accusatione adeo requiritur, ut inseratur locus & tempus anni & mensis, ut citra insertionem inquisitio sit ipso iure nulla, etiam parte non opponente, uti deficiens in substantia. libus. Sic post Alexand. Aretin. Decian. Curt. iun. Claud. Rip. Bellon. & alios, ex communi. *Clar. quest. 32. n. 6. Farinac. qu. 1. nu. 11. & num. 15.*

Et in crimine Magiæ Delrius *Magie. Disquis. tomo 3. lib. 5. section. 3.* inquit, quod nominans debet esse interrogatus de omnibus circumstantiis. Quis; quid, quando, ubi. Et sic quoque videtur requirere constitutio *Carolina Artic. 21. ibi.* Secundo convenit, quod ille denunciāns omnino specificē interrogetur, qualiter, quomodo, & quando, & infra, ibi, debet denunciāns interrogari de omnibus possibilibus & necessariis circumstantiis, quæ pro occasione

& qualitate cuiusque facti, omnium optimè ad sequentem investigationem veritatis conducere possunt.

Sed cum receptum sit in crimine læsæ Ma. non esse necessarium, dum citatio reo transmittitur, inserere in libello citatorio locum & tempus delicti commissi, & sufficiat citare reum, ut veniat responsurus super crimine læsæ Ma. ut habetur in *extrauag. Ad reprimendam. ibi.* super dicto crimine, & inde notavit Bart. in primis verbis. sequitur *Gigas* post Sal. & Præpos. ab eo allegatos. in tit. *Qualit. in crim. læs. Ma. proced. q. 10. Decian. conf. 18. n. 72. lib. primo Menoch. conf. 100. n. 88. Caphal. conf. 304. n. 115. Farinac. d. q. 1. nu. 17.*

Et quæ dicta sunt in crimine læsæ Ma. humanæ, trahunt Doctores ad causam hæresis, læsæ Ma. diuinæ. Angel. in *Authentic. Quomodo oport. Episcop. & fin. Angel. Aret. in verbo. Hac est quedam inquisitio. num. 63.* quia hæ criminum species à pari procedunt quoad relaxationem solemnitatum iuris positivi.

Idem quoque in crimine falsi, quod pro sui natura occulte, & ab uno solo committi potest, ut non sit necessarium in accusatione, aut in inquisitione locum & tempus falsi commissi inserere, firmavit Bald. in cap. primo in tit. *Quib. mod. feud. amitt. n. 21. ex Gloss. Instit. de publ. iudic. in prin. & subsecuti sunt cōmuniter posteriores.* Angel. Aret. dicto loco. num. 64. & in verbo. *Falsario. num. 37. August. in addit. ad eum, in verbo. de anno præsentē. Purpur. in rep.*

*rep. l. edita. C. de eden sub nu. 54. Ceph. & Menoch. in consil. supra alleg. Rimm. iun. consil. 18. sub num. 72. Farinas. dict. qu. 1. num. 13.*

Propterea videretur, ut etiam in crimine isto malefico tam detestabili non sit necessarium exprimere locum & tempus, scilicet, cum citatio transmittitur reo prout in crimine Maiestatis. Denunciator autem nominans aliquam personam, quæ interfuerit conuentibus sagarū, de tempore, & de loco, ac de cæteris circumstantijs interrogabitur, ut instruit Deltius supra relatus, prout etiam in crimine læsæ Ma. nā non conuenit in tanto crimine denunciatores absolute vagari, cum discrimine alienæ existimationis, *ad l. prator edixit. in princ. ff. de iniur. & l. itē exigit ff. de dolo.* Et si saga de aliquo alio particulari delicto fuisset delata, veluti de aliquo dāno in rebus, vel de aliqua offensa in personam, locū & tempus, circumscribi oportere, de iure sentimus per præmissa.

Non tamen placet traditio Farinae. *d. question. 1. sub num. 17.* quatenus proponit non esse in inquisitione & accusatione exprimendum locum & tempus in delictis, quæ habent tractum successuum; sed in ijs, quæ temporis momento committuntur. Nam Bar. ab eo allegatus *in d. l. libell. sub num. decimo. & sub num. 16.* id non dicit, sed contra. Nam *sub num. 16.* quarit, pone, quod aliquis tenuit occupatam aliquam terram per v-

num annum, ego volo accusare eum lege Iul. Maiest. quia tenuit contra Principem, sufficitne dicere, quod tenuit per annum, an vero etiam debeo dicere mensem? Respondet. credere in Maleficijs momentaneis oportere exprimi locum, mensem & annum; sed in maleficijs, quæ habent causam successuam & continuam, credit sufficere annum exprimere vel mensem; secundum quod ipse tenuit illam terram occupatam *Authent. si vero Dominus temporalis. C. de heret. & illam Bar. traditionem nullus ibi impugnat, ex qua constat etiam in crimine læsæ Ma. si factum est momentaneum, oportere accusatorem inferere locum & tempus, scilicet annum & mensem, prout in alijs criminibus.* Si vero est factum successuum continuatum pervnū annum, vel pervnum mensem, sufficit exprimere illum annum, vel illum mensem. Quare licet in citatione reo transmittenda insertio temporis non sit necessaria, ut supra dictum fuit, locus tamen in accusatione, ac etiam in examinibus & interrogationibus, testibus, & reo faciendis; ne reo delato defensio tollatur, quam minime denegandam, aut coercendam toties testatus fuit Bart. *in d. Extratrag. ad reprimendam.*

In delictis autem commissis ob non factū & in omittendo. Si quidē ob nō factū respectu alicuius certi loci aut certi tēporis, eo casu debet inseri certus locus & certū tempus, cuius



cuius respectu delictum in omittēdo fuit commissum. Si vero illud, quod debebat fieri, non habet certum locum, aut certum tempus determinatum, & hoc casu non opus est inferere tempus, aut locum, Bar. d. l. libellorum sub nu. 10. Bal. in l. actor. col. ult. n. 7. C. de probat.

Ad IX. An in denunciatione plurius requiratur, quod quilibet fecerit confessionem in tormentis, vel utrum hoc solum procedat in denunciatione vnius.

Respond. pro regula receptum esse apud maiores nostros, ut testibus† criminosis & infamibus infamia iuris, quales sunt conuicti & confessi de seipsis, non credatur nisi in tormentis. l. quoties. C. de quest. l. ob carmen §. si ea conditio ff. de testibus. & §. si vero ignoti, in Authen. eo specul. in tit. de testib. & §. 1. nu. 28. Bar. in l. cunctos populos. C. de Sum. Trin. n. 12. Bald. n. 5. Albe. n. 34. Sal. n. 18. Ia. fin. l. lectura, n. 67. & in 2. nu. 46. Fulgos. conf. 173. in causa. col. 1. vbi sic concludit post Oldrad. & Alber. ab eo relatos, per illa iura subsequuti sunt posteriores. Aret. in cap. 1. nu. 40. de accusat. Ruin. conf. 146. col. 1. & 147. lib. 5. Ioa. de Arno. Soliloq. 60. Marsil. in §. Diligenter. nu. 62. & in l. 1. §. Diuus. sub nu. 5. ff. de Question. & suis consil. 78. nu. 15. 109. num. 13. & 130. num. 40. Grammat. conf. 70. nu. 10. Blanc. in tractat. de indicij. num. 381. Boss. in eo titul. num. 151. Clar. §. fin. question. 31. numero decimo tertio. Vbi quod sic seruatur in prætorij Mediolani, quamuis secus in prætorij Gallix, & ultra hos Roland. consilio 51. numero 30. &

consilio 73. num. 22. libro primo. Menoch. casu 474. sub nu. 49. Vincen. Onded. conf. 100. num. 16. libro primo Mascard. conclus. 1317. num. 38. Et idem est in testibus infamibus, de quibus ea iura loquuntur Clar. qu. 24. nu. 13. & infinitos propemodum auctores ad hoc re. uli. Farina. qu. 43. num. 132. & qu. 56. n. 56. & 57.

Et est notandum, quod requiritur specialiter ut reus † in tortura nominet, & si extra torturam nominauerit, specialiter torqueri debet pro confirmatione nominationis. Cla. q. 41. vers. ceterum si reus. Farin. d. loc. nu. 136. & iterum q. 56. n. 56.

Et cum ita sit receptum, putamus assertionem hanc procedere, etiam vbi plures testes examinantur, seu vbi plures sunt nominatores. Nam receptum est vnius solius nominationem non sufficere ad torturam.

Tortura autem in his requiritur, quia † tortus præsumitur dicere veritatem. Glof. efficacissimi in l. edictū ff. de quest. Alber. ibi nu. 2. Boer. dec. 163. nu. 12. Grammat. dec. 8. nu. 7. Couar. in pract. cap. 23. nu. 5. Farin. qu. 43. sub nu. 15. ideo dictum à teste in tormentis præuallet primo sine tormentis. Bart. in l. eos. ff. de fals. & in l. si postulauerit, §. sed & si ff. de adulter. in princ. Dec. consil. 189. col. 6. versis. Non ob. quod secundum.

Ad X. An in hoc crimine, & in alijs exceptis admittantur testes singulares† in circumstantijs, dummodo concordent in effectu, in substantia, & in fine: & an eiusmodi testes singulares, quando plures

sint , faciant indicium ad torturam.

Resp. quod etsi in criminibus privilegiatis & exceptis probationes† debeant fieri secundum regulas iuris communis, nisi quatenus contra reperiatur dispensatum , veluti in crimine hæresis tradiderunt Card. & Imol. in Clement. 1. de hæretic. & de c. 1. fit, quod† ubi agitur de probando vno particulari actu , testes singulares discordantes inter se in loco, aut tempore, non sufficiant, nec probent: quia de diuersis actibus in effectu testificantur l. iurisiurandi. C. de testib. c. Bona, de elect. c. licet causam, de probation. c. literis. & c. licet ex quadam. de testib. optimus text. in c. Nihilomin. 3. q. 9. ubi Leo Papa ita sanxit. Nec eorum voces, tanquam plurium admittuntur, quos temporum quidem diuersitas simul interfuisse prohibuit. Veluti si agatur de probando vno contractu, vel de vno homicidio, insultu, aut vulnere.

Attamen si agatur de probando vno, quod† ex pluribus & diuersis actibus illud singulis de per se inferentibus resultat, valet probatio per testes singulares , per singulos actus testificantes de illo, quia testes omnes in id, quod principale est, conuenirent quamuis per diuersa media in eundem finem tendentia. l. qui sententiam. C. de pœn. & tunc singularitas, vti Doctores aiunt, non est obstatiua, sed cumulatiua , & administratiua.

Exempla sunt , veluti si agatur

de probando quem esse hæreticum, hoc quidem deducitur in probatione, esse autem hæreticum ex pluribus causis deduci potest , ideo si vnus testis deposuerit inquisitum esse hæreticum, quia abnegauit Christum Deum esse, alius quia abnegauerit Mariam virginem; tertius, quia negauerit Sacramenta Ecclesiæ, testes quidem licet de diuersis medijs dixerint, quia tamen media ista singula de per se inferunt hæresin, ideo probant illum esse hæreticum, quamuis per diuersa in facto media sic cognouerint, & perceperint. Sic etiam si agatur de probando, quem habere iurisdictionem , seu esse in possessione iuris dicendi in aliquo loco , aut iuris decimandi, aut in possessione alicuius fundi , & testes dicant illum esse in possessione, & in hoc omnes concordant , quamuis causam scientiæ reddiderint per diuersa media in facto singula de per se inferentia possessionem, quia actus possessorij fuerint diuersi, probant tamen, Et sic quoque si agatur de probando conspirationē in Principem, aut quem esse furiosum , & mente captum, & testes in hoc principali proposito conueniant , quamuis per diuersa media , id tamen de per se inferentia , probant.

Et in his & similibus causarum figuris conueniunt magis communiter auctores , quamuis contradictores, non defuerint, Sic in crimine hæresis Iacob. Butrig. in l. Arriani.



C. de heret. Sal. in l. quicumque C. eo Ioan. Anan. in cap. 1. ex eod. sub num. 7. Corn. consil. 91. numero 42. in 1. & cons. 34. colum. 2. & 247. colum. 6. libro secundo, Socin. iun. consil. 99. libro secundo plenissime Marfil. consil. 1. vbi sic firmat in crimine hæresis, Maiest. Simonix, & huiusmodi, & late Crau. consil. 73. numero 32. & 78. num. 6. & 267. numero tertio, & de Antiq. temp. in 4. par. num. 157. & omnium latissime Rimin. iun. consil. 7. per totum. vbi in crimine hæresis, & generaliter in similibus, & sub num. 27. retulit eius consultationem fuisse à iudicibus receptam: in crimine autem læsæ Maiestatis, conspirationis, & tractatus aduersus Principem, Petr. Ancar. consil. 277. in 2. dub. cum alijs adductis ab Aegid. Bos. in titul. de crimin. læs. Ma. num. 117. & à Hieron. Gigar. in eo tractat. in tit. quomod. & per quos quest. 8. & de impudicitia Bald. consil. 207. quia dicta. volumin. 4. Alexan. consil. 13. col. vlt. in 7. Alba consil. 25. Vdal. Zas. consil. 11. n. 15. volum. 2. Bertaz. consil. vigesimo, numero decimo sexto, & generaliter in actibus reiterabilibus Alexand. consil. 53. num. 6. lib. 1.

Non tamen, vt dixi, defuerunt auctores magni nominis, tenentes & in istis testes singulares non sufficere, & signanter in causa hæresis excommunicari posse. Sal. in l. testium, n. 16. C. de testib. Io de Amic. Menchiac & alios ab eo relatos firmavit Iul. Clar. in §. fin. qu. 53. sub num. 18. vbi disquirendo conceptum Doctorum distinguendum, an agatur de probando delicto in specie, an in genere; in specie

autem secundum eum dicitur agi, quando agitur de puniendo delinquentem, & hoc casu verior sit opinio, testes singulares non probare ad effectum condemnationis, etiam in crimine hæresis, & quod ita vidit seruari; de probando autem delicto in genere, tunc secundum eum agitur, quando ad alium finem, non de pœna infligenda. subiungit tamen testes singulares multum aggravare reum vt seuerius torqueatur. Nos autem putamus tunc tractari de probando delictum in genere, quando in libello accusationis aut denunc. proponitur, quem hæreticum, vsurarium, maleficum adulterum, & huiusmodi, non descendendo ad aliquem actum particularem, de delicto autem in specie, vbi proponitur quem abiurasse Christum, & ideo hæreticum esse, & hoc casu singularitas esset obstaculiva, & sic sentit Felin. in cap. licet el. 2. col. 5. de testib. quem retulit Gigas loco præallegato. Mynsinger. centur. 3. obseruat. 76. clare in hæreticilibus Francisc. Pegn. in commentar. ad director. inquisitor. comment. 121. in versic. ego quantum. & in versic. subsequitur nunc, vbi sic concludit cum D. Th. Caiet. Soto, & alijs ab eo relatis cōtra Sal. & nonnullos alios, & hoc casu videtur loqui Menoch. consil. 149. n. 17. vbi post plures asserit testibus singularibus non probari quem esse hæreticum. Qui tamen sub 44. admitit per testes singulares hæresin in genere probari posse, requirit tamen tres testes singulares omni exceptione ma-

ne maiores, post Arti. Albert. in c. 1. q. 16. n. 53. de heret. in 6.

Quare conclusio sit, quod in factis & delictis reiterabilibus testes singulares deponentes de diuersis actibus, singulis de per se inferentibus crimen, & factum illud, de quo agitur, veluti si agatur de probanda hæresi, Magia, læsa Maiest. de iurisdictione, de possessione, de fatuitate, & huiusmodi, testes singulares probant, & si sint bonæ conditionis & omni exceptione maiores, sufficient ad condemnationem ordinariam, aut extraordinariam pro motu iudicis, per supradicta.

Nam iudex ex qualitate personarum & facti potest testibus singularibus fidem adhibere leg. 3. §. tu magis. ff. de testib. quia probationes fiunt iudici. l. quingenta ff. de probat. ac ideo probationes sunt arbitrarie iudicū, sic pulchre Paul. Castr. in l. Lucius. ff. de infam. & in l. admonendi. ff. de iureiur. Seuerin. ibi. fol. 10. colum. 2. Hip. Marsil. consilio 1. numero septimo, & in leg. 1. §. si quis ultro. nu. 40 ff. de qu. Socin. iun. consil. 32. nu. 10. & consil. 90. colum. 4. lib. 2. Blans. de indic. num. 367 Boff. eo tit. numero vigesimo tertio. Rimin. iun. d. consil. septimo num. 105. Gabriel. de testib. conclus. 2. limitat. 2.

Nec resistit, quod testes alias inhabiles quamuis plures non faciant plenam fidem ad effectum condemnationis, vti diximus in solutione primi quesiti. Nam conclusio illa procedit, vbi testes sunt inhabiles, respectu personarum, quia

infames, vel aliter non integre personæ.

Quamobrem si plures testes singulares patientes defectus in personis suis testificarentur contra reū in istis reiterabilibus, quamuis non sufficerent ad condemnationem, prodescent ad torturam. Grammat. decis. 34. num. 30. post Alexand. & alios ab eo allegatos. Gigas de crim. læs. Ma. in tit. Quomod. & per quos. qu. 25. Bertazol. consil. 213. n. 7. & 8.

Et est ratio, quia testes repulsari, qui non sufficiunt ad condemnationem, sufficiunt ad torturam. Bartol. in leg. 1. §. questio ff. de questio. cum aliis adductis à Gramm. dict. decisione 34. num. 51.

Si vero testes essent singulares super diuersis indicatijs, maxima oritur questio, an sufficiant ad torturam. Nam Hip. Marsil. in consil. 18. nu. 12. & 41. numero decimo, post Alexand. 180. numero quinto, libro secundo. Grat. Resp. 45. numero vndecimo in 2. Grammat. consil. decimo octauo, numero tertio, & plures alij quos longa serie recensuit Farinac. questio. trigesimo septimo, numer. 33. senserunt non sufficere. Contra vero, quod eiusmodi probatio sufficiat ad torturam, clare sensit Fulgos. in l. fin. C. famil. hercise. relatus ab Anton. Gomer. in tit. de tort. reorum. cap. decimo tertio, numero decimo octauo, versic. Adde tamen clare Alexand. consil. 77. in causa lib. 1. per totum & prope finem cum pluribus alijs congestis à Farinac. eod. loco. numero trigesimo quarto. Gigas in tit. Quomod. & per quos quest. 25.



Rationabiliter concludi potest, præsertim in atrocioribus, ut testes singulares integræ opinionis deponentes de diuersis indiciis proximis facto, nec multum remotis, sufficiant ad torturam, sicuti post Brun. & Carer. concordando opiniones resoluit Farinac. eo loco. n. 37.

63

Et diximus in probandis indicijs testes debere esse omni exceptione maiores, etiam in istis atrocissimis, quia receptum est, quod etsi in istis recipiantur testes super facto immediato, alias inhabiles & repullati, non tamen ad probandum indicia remota à facto idonei sunt ad effectum torturæ. *Rimin. iun. consil. 361. num. 32. & 33. vsque 46. vbi alios recenset & plene probat. Farinac. dict. qu. 37. n. 18. & 19. vbi tandem sub n. 27. limitat, nisi plures essent, aut deponerent verisimilia.*

Et his consonat Bart. traditio in *l. in qu. ff. ad leg. Iul. Ma. vbi inquit, quod quamuis ad probandum crimen principale læsæ Ma. testes alias non idonei admittantur, non tamen admittuntur ad probandum adminicula. Secuti sunt Bald. in Authentic. si testis. C. de testib. numero 7. Dec. Consil. 37. colum. 5. & 410. num. 15. Paris. consil. 2. n. 80 lib. 4. Gigas in tit. Quomod. & per quos. quest. 5. Boss. in titul. de indio. numero decimo quinto. Grammat. consil. 31. num. 41. Decian. in criminal. lib. 7. cap. 45. num. 3. Quorum traditionem uti veram & communem aduersus Ang. Sal. & sectatores late tuetur Farinac. *quæstion. 56. nu. 72. & infra.**

Ad XI. An mulier possit esse testis in causis criminalibus, & an ad confessionem duarum mulierum procedi possit ad torturam, vel etiam ad condemnationem.

Respond. distinguendo, aut quæritur inspecto iure canonico, & eo iure mulier inhabilitatur à ferendo testimonio in causis criminalibus. *mulierem 33. q. 5. c. forus §. testes, de verb. sig. Gloss in c. tam literis de testib. ac ideo non recipitur mulier in foro Ecclesiastico pro teste in causis criminalibus criminaliter actis. Alb. Felin. & Dec in c. quoniam de testib. Marsil. in suis cons. 22. n. 1. 59. n. 9. 101. n. 8, 130. n. 34. Onded. consil. 100. n. 24.*

Fallit vbi pro crimine ciuilitè ageretur, per text in *d. c. quoniam*, iuxta vnum intellectum communiter ibi receptum. *Dec. in l. fœmina nu. 34. ff. de reg. iur. Clar. q. 24. sub n. 3. Farin. q. 59. n. 1. & infra.*

Fallit secundo, vbi ex officio de crimine inquiritur. Nam eo casu etiam iure canonico mulier potest assumi in testem. *d. cap. quoniam*, iuxta alium intellectum communiter receptum. *cum aliis adductis à Farin. dicto loco. nu. 9.* Fallit tertio in exceptis. *c. tanta. de Simon. & vide not. Ioan. de Anan & in Maleficis. Bodin. lib. 4. cap. 4. & generaliter in omnibus exceptis. Imol. & Henric. Boich. in d. c. Quoniam Alex. cons. 11. n. 3. l. 1. cum pluribus adductis à Farin. d. q. 59. n. 10.*

De iure autem ciuili absolutum est, & sic practicitur, fœminas etiã in criminalibus dicere testimonium.

*l. ex*

64

66

7

65

*l. ex eo. ff. de testib. Canonizat. 15. quæstion. 3. capit. ex eo. Gloss. ibi. & in cap. forus. § fin. Alexand. ex communi. consilio 11. num. 11. lib. 1. & 115. colum. pen. libr. 4. Socin. conf. 54. col. 2. lib. 3. Bonifac. Vital. sub tit. de testib. num. 35. & 37. & post plurimos Farinac. eodem loco. num. 17.*

Si ramen mulier pateretur aliquē defectum, quia esset infamis, repelleretur *l. qui testamento, §. mulier. ff. de testam. vbi Bar. & Imo. vel quia meretrix. Alexand. conf. 11. in 1. Iason in l. 1. C. de Sum. Trinit. num. 54. vel quia esset vilis & pauper. Dec. consil. 310. num. 5. Ioan. de Amic. conf. 87. num. 8. & 9. vbi. quod paupertas reiicitur. Paris. conf. 152. num. 17. in 4. Grammat. conf. 62. numer. 23. & conf. 58. numer. 10. Roland. conf. 24. num. 64. in 1. Bertaz. consil. 3. num. 6. Onded. conf. 100. num. 18. vel quia esset minor annis 20. ad *l. in testimonium. ff. de testib. Alexand. consil. 64. colum. 1. in 1. Bertazol. conf. 3. num. 5.**

Ex iam dictis patet solutio ad quæsitum. Nam si aliud † non obster, quàm sexus exceptio, ex testatione duarum mulierum (super facto equidem iuste procedi poterit ad torturam; sed ad condemnationem ordinariam an possit, subsistendum est.

Quia Fœminæ † in criminalibus non sunt integræ personæ, sicut mares, & minoris fidei, quia non omni exceptione maiores. Alexand. consil. 11. num. 11. lib. 1. præcise Cæpol. in criminalib. conf. 32. sub num. 2. Socin. conf. 54. col. 2. lib. 3. clare Crau. conf. 99. num. 5. Gomez. tom. 3. cap. 12. num. 20.

Quare testimonium † duarum mulierum non sufficere ad cōdemnationem in criminalibus, decidit Dec. in *l. fœmina. ff. de reg. iur. sub num. 35. Delr. Magic. Disquisition. libr. 3. section. 3.* qui propterea plurium numerum desiderat, ex regula satis nota, quod numerus supplet. fidem. Innoc. in *c. cum nuncius. de testib. & horum patrum dicta pluribus alijs cumulatis secutus est. Farin. d. q. 59. nu. 26. & 27. vbi etiam post Gandin. & Riminal. iun. consil. 217. numer. 5. concludit, non etiam tres fœminas sufficere ad cōdemnationem pœna ordinaria in criminalibus criminaliter actis.*

In ciuilibus autem † quamuis grauib, veluti in matrimonialibus, mulierem esse testem integrum & omni exceptione maiorem, firmavit idem Dec. consil. 342. colum. 1. Ripa in *l. admonendi. ff. de Iureiur. nu. 179. per text. in cap. super eo. de testib. Farinac. d. quæst. 59. num. 33.*

Ad XII. An denunciationes fœminarum tanto magis fidem faciāt, quando non adsunt testimonia virorum in contrarium?

Respond. non videri † earum fidem magis augeri, quandoquidem mulierum conditio spectanda sit. *l. 3. §. tu magis. & §. Quæ argumenta. ff. de testib.*

Ad XIII. An plurium Minorenium denunciatio faciat indicium ad torturam?

Respond. distinguendum esse, aut est † minor 25. maior 20. & in criminalibus est testis idoneus. *l. in testimonium.*

68

69

70

71



nium. ff. de testib. à contrario Gloss. in l. inuicti. ff. eo. Spec. & Ioan. Andr. ad eum in tit. de testib. §. 1. nu. 34. & est recepta & practicata cōclusio, sicuti pluribus relatis tradidit Farin. qu. 58. num. 19. & infra. vbi sub num. 21. inquit, quod, qui contradixere, inaduertēter sunt locuti.

72 Aut est pubes, minor tamen annis 20. Et de iure scripto † in criminalibus hi non citantur in testes. d. l. in testimonium. cum Gloss. & 4. q. 3. C. si testes. Specul. d. loco, & Ioan. Andr. in addition. Qui tamē addit, quod Guid. Suzar. dicebat verum esse in accusatore producente, sed in iudice inquirente secus, preteritum in defectum probationum. Alex. autem consil. 64. in 1. securus opinio. Hostien. & Bal. in l. inuicti. ff. de testib. indistinctē cōcludit, minorem 20. nō esse idoneū testem in criminalibus, nisi in defectum aliorum testium, quia ex natura negotij alij testes haberi non possint; secus autem si ex accidēt. securus in hoc But. declarationem, in consil. 24. Quæst. hac & inc. tertio loc. de probation. sequitur Ial. in l. 1. C. de sum. Trin. n. 50. & in l. si. C. de indign. Hip. Mars. consil. 11. n. 5. & 102. n. 5. & 127. nu. 9. Et si est minor, pauper, & vilis, absq; dubio ob duos defectus repellitur. Idē Mars. consil. 31. nu. 30. & 31. & ad regulam, vt pubes minor annis 20 non sit idoneus testis in criminalibus, plures accessere auctores, Angel. de Malefic. in verbo, Comparuerunt. sub nu. 13. Dec. & Cagnol. in l. 2. §. Item impuberes ff. de reg. iur. Blanc de indic. n. 349. & plures

alij relati à Farin. d. q. 58. n. 10.

73 Cōmunis resolutio est, quod iudex † ex officio suo possit puberem in testem assumere iuxta sentētiā Guid. de Suzar. & Ioan. Andr. supra relatam, quā secuti sunt Alber. Florian. & Iacobin. à S. Georgio in d. l. in testimonium. Angel. Aret. in verbo comparuerunt. sub n. 13. Marsil. in l. de minore. n. 24. ff. de q. Blanc. de indic. n. 349. & plures alij relati à Farin. d. q. 58. n. 37.

74 In crimine autem † lesæ Ma. & in alijs exceptis atrocioribus, & occultis, quorū veritas difficile haberi potest, puberis testimonium recipitur. d. l. de minore. in princ. ff. de Quæst. notarunt Alber. & posteriores in d. l. in testimonium. Ias. in d. l. fin. col. vlt. C. de indign. Gigas de crimin. les. Ma. in titul. Quomod. & per quos. qu. 12. cum infinitis concordantibus adductis à Farin. d. q. 58. n. 22. & num. 29.

75 Et in istis ob grauitatem delictorum puberis persona existimari poterit integra, & omni exceptione maior, quamuis in alijs non faciat probationem sed indicium, ex notatis in d. l. in testimonium & in l. inuicti. per Gloss. Alber. Bald. Florian. & Iacobin. & per Specul. & Ioan. Andr. ad eum in loco supra allegato. quia in delictis nō exceptis, non est integra persona, & ex pluribus sic tradidit Farin. d. loc. num. 34.

76 Aut est impubes, siquidem infans † aut doli incapax, non assumitur in testem. Bal. in l. 1. in fi. C. de indign. & in l. testium. col. 2. de testib. Marsil. in l. infans. ff. de sicar. num. 41. quia nullum habet

habet animi indicium. *l. cum prator. §. nō autem. ff. de indic. §. praterea. Inst. Quib. non est perm. fac. test.* Si autem non sit proximus pubertati, similiter à testificando repellitur. *leg. 3. §. lege Iulia. & l. inuicti. ff. de testibus. in §. sed nec pupillus. l. ex libero §. 1. ff. de quaest. & 4. quaest. 2. §. lege Iulia. & §. sed nec pupillis:* aded vt horum testimonium sit nullum etiam parte non opponente: Angel. in §. 1. numero 3. in *Auth. de testib. Marfil. in l. de minore numero 24. ff. de quaest. ratio conclusionis est, quia pupillus non habet animi indicium, distis iuribus. & illa ætas, quod videt, ignorat, libro 1. C. de fal. mon. & quia testis non iuratus non probat, l. solam C. de testib. Impubes autem iurare nequit. l. qui iurasse in princip. ff. de iureiur. & l. 4. ff. de in lit. iur. Nec assumi possunt in torturam in caput alterius: d. ex libero §. 1. late Farinac. d. quaest. 58. numero 1. & infra: & numero 17. etiam si sit doli capax:*

75 Fallit in casu, † vbi de morte Domini in domo occisi quæritur: nam etiam impuberes de domo illa examinantur de auctoribus veris, & si opus est, torquentur impuberes ad eruendam veritatem, modice tamen, scilicet ferula & habena: l. 1. §. Impuberi. ff. ad Sillan. Farin. d. qu. 58. num. 25.

76 Fallit etiā in crimine † læsæ Ma. nam & hi doli capaces licet Impuberes, ob criminis atrocitatem examinantur & torquentur: l. de minore in princip. ff. eo. vbi late Marfil. Dec. & Cagn. in l. 2. §. Item impuberes ff. de Reg.

Iur. Gigas de crim. las. Ma. in titul. Quomodo & per quos. quaest. 12. numer. 4. Feder. Schenc. de testib. sub n. 13. verl. nisi agatur. & est indubitata propositio Farinac. post multos. d. q. 57. n. 22. & torquebuntur ferula aut habena. Bart. in d. l. de minore per text. in d. §. Impuberi. Marfil l. 12. Clar. in §. fin. q. 64. n. 20. idē Bart. in l. fin. C. de insign. quamuis iura & plures auctores dixerint, quod torqueantur. Sed tortura hic moderari debet, vt tandem resoluit Farinac. d. q. 41. n. 102. & 103.

77 Fallit etiā vbi Iudex † ex officio suo assumeret dictum impuberis, nam fieri possunt concedunt glossæ & scribes. Bald. Alber. Florian. & Iacob. in l. inuicti, & in l. testimonium ff. de testib. Specul. & Ioan. Andr. ad eum, in titul. de teste, versic. Item excipitur, quod est impubes: sub numero 34. & quamuis contra videatur text. in d. l. ex libero §. 1. ff. de quaest. & contrarium statuerint Alexand. d. consil. 64. libr. 1. Cagnol. in d. l. 2. §. si Impuberes: communis tamen Modernorum traditio & practica iudicialis priorem recepit, vt ex Farinac. d. q. 58. num. 37.

78 Non tamen horum impuberum dictum † facit probationem quo ad effectum condemnationis, facit tamen indictum sic præcise glossæ & alij in d. l. inuicti. Specul. & Io. Andr. loco præcitato. Bart. in d. l. de minore, & in d. l. ex libero §. 1. & in l. 2. §. quod obseruari. numer. 11. C. de iur. cal. gl. ff. Bart. Bald. Ang. Sal. Alex. & las. in l. fin. C. de indign. Sed an tale indicium sufficiat ad torturā: varie dixerunt auctores. Bar.



in l. Maritus. ff. de question. sensit negatiue: dum inquit, quod iste facit indicium quale quale, sed non plenū, cuius doctrinam sequuntur posteriores ibi. Marfil. in l. §. Diuus Antonius. ff. eo. & in d. l. de minore. num. 23. vbi explicite, quod facit indicium ad inquirendam non ad torturam. & in §. diligenter. numer. 80 & clare Bald. in l. 1. §. Impubes. ff. ad Sillan. in 2. not. & in l. Seruos. C. de testib. Iguis in d. §. Impubes. numero 38. Clar. question. 24. numero 16. Anton. Gomet. var. Resol. Tomo 3. de probat. delictorum. numero 13. versio. secundo repellitur. Contra tamen senserunt Angel. & Ias. in d. l. fin. C. de indign. Vulpell. consil. 39. numero 5. Sed præcedens opinio collatis auctoribus communior & receptior est: vt constat ex relatis à Farin. d. loco. num. 48. vsque 53.

Si tamen cum dicto Impuberis concurrerent aliqua alia indicia, vel etiam vnum non leue, procedi posset ad torturam, vel etiam vbi duo Impuberes sic testarentur. Florian. & Alberi. in d. l. in testimonium. ff. de testib. Hip. Mars. in l. infans numero 46. ff. de fideiuss. Blanc. de indic. numero 349. Anton. Gomet. loco præalleg. Boß. de Indic. num. 14.

Et in criminibus grauioribus & atrocioribus forte dictum solum Impuberis sufficeret ad torturam & generaliter in his, quorum veritas difficulter haberi potest, Marfil. d. l. de minore, numero 24. Farinac. d. qu. 58, n. 32.

Imo duorum dictum sufficere ad condemnationem sensit Alberic. in d. l. in testimonium: secutus est Mar-

fil. in d. l. de minore, numero 28. & in l. infans, numero 46 ff. de fideiuss. & in §. Diligenter sub numero 80. Grammat. Conf. 45. numero 21. cum alijs adductis à Farin. eod. loco. numero 33. Sed ad pœnam ordinariam eius dictum non videtur recipiendum, ex scriptis in anteriore articulo de mulieribus. Vtrum autem Impuberes sint idonei testes in facto, super quo alij testes haberi non possint, vt quia delictum sit commissum in schola Impuberum, prosequitur Farinac. d. question. 58. numero 29.

Ad XIV. An verisimilitudo denunciationis † ab vno tantum facta, sit sufficiens ad miniculum, vt procedi possit ad torturam.

Respondemus: quod sicut inue-  
risimilitudo † multum prodest ad detrahendum. l. non est verisimile. ff. Quod met. cau. & l. si ita quis. ff. de euiction. ibi. quod nemo latius diceret: adeo vt efficaciores probationes desiderantur ab eo, qui proponit aliquid non verisimile. c. quia verisimile. ex de presumpt. & plene per Canon. ibi: & propterea testibus non verosimilia testificantibus non creditur, quia quod non est verisimile, specie falsitatis habet, dictis iuribus. & not. Bal. in l. 1. sub numer. 9. C. de ser. fug. Innoc. in c. auditis de prescript. Albe. in d. c. Quia verisimile, in vltim. not. Felin. in c. licet causam. in 10. not. de probat. Ias. in l. si extraneus, n. 6. ff. de condit. cau. da. Soc. in n. cons. 88. ad finem lib. 2.

Immo quod magis est, confessio non verisimilis † non nocet confitenti.

renti. Bald. in l. si quis in hoc. C. de Episcop. & Cler. num. 3. Petr. Ancar. consil. 24. visa inquisitione. colum. 1. per tex. in l. 1. §. Diuus Seuerus. & in §. si quis ultro. ff. de quaest. & idem Ancar. consil. 257. ex ordine. num. 5. dicit, quod non verisimilibus Iudex non debet dare fidem, per not. ab Innoc. in d. c. Quia verisimile: & sequitur plura cumulans. Hip. Marsil. in l. 1. §. in crim. n. 35. ff. de qq. & in rep. Rub. de prob. n. 108.

82 Quare licet numerus † soleat supplere fidē in testibus defectuosis, l. testium cum glos. ff. de testib. Alex. consil. 5. n. 6. lib. 1. Corn. in l. 1. n. 35. C. de Testam. las. in Auth. Si vero, C. de Iudic. cum infinitis propemodum concordantibus adductis à Farinac. quaest. 62. nu. 309. attamen numerus non supplet fidem, vbi ni verisimilia testantur, vt per eundem numer. 320. & per Mascard. conclus. 1358. numero 13. vbi plane assertores adducit.

83 Per contrarium autem verisimilitudo † in testium dictis multum fidei augeat: adeo vt pauciores verisimilia deponentes præferantur pluribus numero contra assertentibus, l. ob carmen §. si testes, ff. de testib. cap. in nostra, ex de testib. pulchre Curt. Iun. consil. 17. numer. 6. Socin. iun. 183. num. 10. lib. ij.

Et verisimilitudo prodest ad sup. plendum defectus testium, Ruin. consil. 149. num. 6. lib. 5. Decian. consil. 18. n. 204. lib. 1. Mascard. conclus. 499. nu. 14. Farinac. q. 47. n. 158.

84 Et insuper magnum † præstat fundamentum ad torturam, l. 3. & l.

milites, C. de quaest. sicut & ea, quæ à communiter accidētibus vera sunt: Marsil. §. diligenter, nu. 33. & in singul. 1. ad finem.

Et in istis atrocioribus † vt verisimilitudo augeat fidem denuncia- tionis & denominationis ab vno licet de se confesso & conuicto, sua- det: quia in istis animosius iudex procedere debet ad torturam, quam in alijs: Bal. in l. nemo, la. 3. num. 3. C. de Episcop. audien. Bos. in titul. de indic. nu- mero 200. Clar. §. fin. quaest. 1. num. 9. & q. 64. num. 6.

Conclusiue sic distinguendum putamus, aut loquimur in crimini- bus † non exceptis & priuilegiatis, in quibus criminosi non interro- gantur de socijs criminis, ad l. fin. C. de Accusat. & in his interrogati non faciunt fidem, etiam si verisimilia vi- derentur deponere: quia nec etiam testes infames super his interrogati, quamuis verisimilia testantes, face- rent fidem ad torturam, ex Bald. doctrina in l. 1. C. de sum. trin. vbi sub num. 5. distinguit: an sint infames in- famia facti, & per talem infamiam † dictum testis eliditur, sed non prorsus repellitur, in causis non grauib. nec criminalibus, vel quā- do videretur deponere proxima ve- ritati, tunc enim licet minor fides si- bi adhiberetur, non tamen omnino repelleretur: quia ex additis & veri- similibus cohærentiis potest sibi credi, d. l. ob carmen, §. si testes, & Bald. hic loquitur in criminalibus, dum statim subdit: quod in criminalibus

t

& cau-

85

86

87



& causis grauibus, in quibus testes requiruntur omni exceptione maiores, istis non creditur, nisi pro se habeant adminiculum: quod etiam clare voluit Paul cap. ibi. ante finem: ubi inquit, quod duo testes infames infamia facti non probant delictum; nisi concuerent etiam alia indicia, quæ coadiuuarent: & ibi declarat optime, qui sint isti infames infamia facti, & qui iuris: plenissime autem, quam probationem in criminalibus faciant infames infamia facti Farinac. *question. 56. numer. 115. & infra*: Testes autem infames infamia iuris non probant ad fundandum sententiam super eorum dicto, sed ad fundandum inquisitionem contra reum super dicto in tormentis recepto, & estratio, ut idem Bald. inquit: quia iuris infamia enervat fidem, quæ in teste est fundamentum testimonij, l. 3. §. legē Iulia. & §. tu magis, ff. de testib. c. forus de verb. sign. c. licet ex quadam & c. testimonium, de testib. Tortura autem in istis non purgat defectum infamiae, Farinac. loco de quo sup. num. 37. Cephal. conf. 234. num. 19.

In exceptis autem, quia infamia iuris non hos repellit, l. famosi. ff. ad leg. Iul. Ma. l. 3. §. si ea condicio. ff. de testib. & l. fin. C. de malefic. Si præterea accedat adminiculum verisimilitudinis, quæ sit proxima facto: forsan melius est tenere, ut fidem nominantis augeat ad effectum torturæ, sicut augeret fidem testis: de materia autem an infamia iuris, vel facti repellat à testificatu, plene Ias, in d. l. 1. Fa-

rinac. *question. 56. Articuli. 1. numero 26.* ubi amplissime tractat sententiam, de infamia iuris, ibi est locus amplissimus.

Ad XV. An malefici denunciantes, impliciti etiam alijs criminibus, faciant indicium ad torturam, maxime quando sunt plures.

Respond. quod si criminosi de se confessi & conuicti, si præterea pro alijs criminibus sint infames, fidem non faciunt ad effectum torturæ, etiam in exceptis, Alexand. *consil. 89. numero 11. & 12. lib. 3. Crat. resp. 59. num. 41. libr. 2. ex pluribus Grammat. tori iudicat. consil. 1. numero 61. & consil. 15. numero 27. & latius consil. 70. numero 8. Gigas de Crim. l. 1. ma. in titul. quomo. & per quos, questio. 7. numero 7. Roland. lib. 1. consil. 17. numero 20. & 73. numero 24. 27. & 28. Menoch. casu 474. numero 54. cum alijs relatis à Mascar. conclus. 1317. numero 41. & numero 43. Onded. consil. 100. numero 17. 18. & alij adducti sup. in v. qu. ad finem, & ultra hos Cephal. consil. 65. numero 27. 204. numero 9. 250. numero 33. Laderch. consil. 181. numero 80. Quare nisi excessus in numero suppleat, à regula etiam in exceptis non facile recedendum est.*

Ad XVI. An extrajudicialis reuocatio infirmet iudiciale, quod si non amplius faciat indicium ad torturam.

Respond. quod si & si dictum morientes in præiudicium tertij minime pro vero habeatur, ad l. si quis in graui §. si quis moriens. ff. ad Sillan. & ibi not. Angel. in l. mater C. de calumniat. Alenand. *consil. 14. libr. 3. Ias in l. 1. C. com. de leg.*

de leg. ex pluribus Cephal. consil. 276. num. 34. Menoch. consil. 39. numer. 44. Farina. quest. 43. num. 30. Boss. de indic. num. 188. Quare si testis moriens dixerit falsum deposuisse in caput alicuius ad suggestionem & corruptionem alterius, non huic præiudicat: prout etiam si iudex diceret tulisse per pecuniam sententiam contra aliquem, Bar. in d. s. si quis moriens: vel etiam si notarius dixerit fecisse falsum instrumentum. Bart. in l. si librarius. ff. de Reg. iur. Bald. in l. generaliter in ultim. not. C. de non num. pec. Alexand. conclus. 123. nu. 6. lib. 6. & 133 ad finem lib. 7. Felin. in c. exhibita: de homicid. & c. cum in tua de testib. Ias. in l. 1. in princip. ff. de eo per quem fact. erit. Alcia. reg. 3. præsumpt. 4. nisi tamen ea assertio efficacibus coniecturis foueretur. Curt. sen. conf. 70. Crau. conf. 6. num. 53. vbi concordantes adducit.

91

Si tamen moriens † exculpet aliquem non in damnum alterius, prodest exculpatio, vt tortura viteatur ex alijs præcedentibus indicijs, quia moriens non præsumitur mentiri, & facit indicium innocentie pro reo. Bal. in l. 1. n. 33. C. com. de legat. sequitur Ias. ibi. Alex. d. conf. 14. & 123. nu. 12. vol. 6. Alcia. d. loco, vbi tamen limitat nisi grauia essent indicia.

Et in criminibus etiam grauioribus, vt exculpatio morientis prodest ad vitandum torturam, text. in l. diuus Marcus. ff. ad Sillanian. Marfil. consil. 109. num. 31. vbi in crimine hæresis, & in criminibus occultis, furri, veneni & assassinij, Gramma. Deci. 56.

num. 11. & voto 3. num. 15. & voto 11. numer. 17. & fuit de mente Bal. consil. 25. in ij. col. volum. 1. vbi inquit, non esse præsumendam, quod tunc moriens mentiat, & hanc, vbi alia non concurrerent indicia præter nominationem exculpanrium, post longam disputationem probauit Marfil. in sua præctica, in §. restat. ad finem: & videtur tutior, quamuis Delrius, libr. 6. Section. 3. versic. in contritione, post Binsfeld, aliud senserit: quia huiusmodi personarum maleficarum genus non pœnitet, nec redeunt ad contritionem, in alijs autem criminibus, si offensus exculpet aliquem, an eius exculpatio prodest: plura, quod iuuat, proposuit Marfil. consil. 61. num. 34.

Ad XVII. Quando nihil inuenitur de instrumentis maleficij: an denuntiatio pluriū per hoc elidatur, quod non amplius sit indicium ad torturam.

Respond. inuentionem instrumentorum † esse quippe signum & efficax argumentum aduersus sagas, sicuti Carolina constitutio edicit: & de monetarijs ac furibus, repertis instrumentis. Hip. in l. qui falsam. ff. de fals. num. 114. & infra. Decian. in criminal. libr. 7. cap. 26. num. 6. ex non inuentione autem per contrarium sumitur argumentum: minuitur autem, & augetur ex facti circumstantijs.

Ad XVIII. An leuiora, & quæ indicia † sufficiant ad torturam in criminibus exceptis.

1 2

Ref.

93

94



Respond. Auctores in Iurisprudentia nostra in diuersas abiisse sententias. Quidam enim senserunt in atrocissimis licere torquere ex non sufficientibus & illegitimis indicijs. Sic enim sensit Marfil. in l. 1. sub num. 47. ff. de question. Iul. Clar. in §. 1. ante nu. 11. vbi inquit: sic seruari apud eum in statu Mediolani, quia in istis atrocibus permittitur iura transgredi, etiam in procedendo, ac ideo deuenitur ad torturam, etiam si indicia non sint in totum sufficientia, neque probata per testes omni exceptione maiores, vt de iure videtur regulariter requiri: & plerumque etiam non edita copia processus informatiui: explicite autem Menoch. de arbitrar. quest. 84. num. 9. Roland. consil. 7. num. 5. & infra lib. 1. sensit Mascard. conclus. 1385. num. 13.

95 Et ratio est secundum eos. supra relata: quia † in istis licet iura & iuris ordinem transgredi, vt in his ordo sit ordinem non seruare. Innoc. & posteriores, in cap. 1. de constitut. Bald. in l. obseruandum, numero 10. de offic. pres. & in l. & si seruior. C. de infam. Capic. decis. 31. Grammat. Decis. 36. numero 2. & 3. Clar. d. loco, numero 10. Menoch. consil. 100. num. 66. non tantum in condemnando, ad dicta per Iul. Clar. d. §. 1. sub numero 9. Sed etiam in procedendo, ad text. in l. vbi C. de fals. ibi acerrima fiat indago: ad hoc etiam text. in capit. in fidei & in c. accusatus, §. licet de heretic. in 6. nam iura hæc ordinem in procedendo respiciunt.

Quare concluditur in istis iudicem † animosius & facilius venire posse ad torturam, quam in alijs, Bald. in l. nemo la. 3. C. de Episcop. audien. numer. 3. Aegid. Bos. de indic. numer. 200. Clar. loco prealleg. & q. 64. num. 6. Et maximè in occultis, prout est delictum maleficarum, nempè striges & sagæ occulte agunt.

97 Contra verò, quod † nec etiam in atrocissimis iure procedi possit ad torturam, nisi præcedentibus legitimis indicijs: senserunt alij grauissimi auctores, gloss. Cyn. Bal. Sal. & alij, in l. si quis C. ad leg. Iul. Maiest. vbi in crimine læsæ Maiest. Alber. in Rubr. ff. eo. numero 3. quos sequitur Affliet. in titul. que sint regal. in verbo & bona committentium, numer. 44 Grammat. voto 34. ad finem. Capic. decis. 126. numero 4. & in crimine proditiōis patriæ, Angel. Aret. & August. ad eum in verbo: Che hai tradito la tua patria, num. 1. Marfil in §. diligenter, n. 175. & in atrocissimis, ac in crimine læsæ Ma. ex communi post Brun. & Corrad. Clar. quest. 64. ante num. 10. Follerius asserens nullo iure reperiri, quod in enormi crimine procedatur ad torturam non subsistentibus legitimè indicijs, in sua practica crim. in verbo, & quod suffocauit uxorem, numer. 58. & repetit in crimine læsæ Ma. numer. 103. & præter hos Casen. post tract. de indic. & q. cap. 5. sub Rubr. de non torquendo sine indic. etiam in crim. læsæ Ma. Gigas, de eodem crimine, in titul. quo mo. & per quos. q. 26, vbi sic firmat & q. 25. vbi signatè concludit.

concludit, quod vnus testis de immediata delicti scientia faciat indicium sufficiens ad torturam, testis autem vnus de indicio, non sufficiat. Plures autem testes singulares de singulis indicis sufficiant ad torturam post plures ab eo adductos, & hanc vti communem subsecuti sunt Modernior. Roland. conf. 12. num. 33. libro 3. Rimin. iun. consil. 88. num. 53. & 361. num. 34. & infra Olsac. decis. 79. nu. 14. & præter hos Decian. in criminal. lib. 7. c. 46. vbi præterea vult post Marfil. consil. 46. col. 3. quod.

Confessio facta in tortura adhibita, non præcedentibus indicis, non valeat, nec præiudicet Reo, etiam postea ratificata, Bertazol. post plures consil. 61. col. 1. lib. 1. Bursat. consil. 166. numero 32. & 201. num. 41. Rimin. consil. 88. num. 33. & 361. num. 34. Franc. Becc. consil. 67. sub numero decimoquarto Franc. Personal. in tit. de indic. & tort. num. decimoquarto & in crimine Sodomitico Vinc. Oued. consil. 100. num. 5. libro 1. & in crimine Hæresis, Carer. numero 22. in quo etiam pro vt in alijs tractat. de hæret. numero 117. & in crimine assassini idem Carer. in tit. de indic. §. circa quartum, qualiter & quando, num. 7. Grammat. d. voto 34. col. vltim. & generaliter in omnibus atrocioribus & atrocissimis, Mascari. conclus. 1385. numero quarto, & præter hos Farinac. lib. 2. qu. 37. numero 79. & infra & num. 89. vbi in hac residet.

Fundamentum est, quia tortura testis iniuria corporalis, l. nihil. C. de qu. & est grauis cruciatus proximus

morti, Bal. in l. 1. col. penult. C. vnde vi: adeo vt plerique tantæ sint impatientiæ, vt in quouis mentiri, quam pati tormenta velint, & ita fit, vt etiam vario modo fateantur, vt non tantum se, verum etiam alios criminentur, ac ideo est res fragilis & periculosa, quæ veritatem sæpe fallat, vt specialiter inquit tex. in l. 1. §. qu. ff. de question.

Qua ratione iure aperto constitutum legitur, ad tormenta tunc venire oportere, cum suspectus est reus, & alijs argumentis ita probationi amouetur, vt sola confessio deesse videatur.

Sic præcise inquit textus, in dict. leg. 1. in princ. cui concordat alius tex. optimus in l. Milites. C. eo. ibi oportet autem iudices, nec in his criminibus, quæ publicorum iudiciorum sunt ad inuestigationem veritatis à tormentis initium sumere, sed argumentis primum verisimilibus probabilibusq; vti. Et si hi veluti certis indicis deducti, inuestigandæ veritatis gratia putauerint ad tormenta esse deueniendum, quæ quidem iura absolute loquuntur, & sunt posita post titulos delictorum publicorum: Ad hæc etiam optimus tex. in l. famosi ff. ad leg. Iul. Maiest. in illis verbis: Hoc tamen crimen à iudicibus non in occasione ob principalis Maiestatis venerationem habendum est, sed in veritate rei iudicatæ: Nam & persona spectanda est, an potuerit facere, & an ante quid fecerit, & an cogitauerit, & an sanæ mentis fuerit: & in



*cap. infidei. de heretic. in 6. ibi. & si ex verisimilibus coniecturis, & ex numero testium, aut personarum, tam deponentium, quam eorum contra quos deponitur, qualitate, ac alijs circumstantijs si testificantes falsa non dicere præsumantur: ac ideo textus elegans in leg. nec si mors C. de questionibus, mouet cauendum esse, ne liber homo indiscrete subiiciatur torturæ: Et retenta sententia hac, non ob quod in atrocioribus liceat iura transgredi. Nam respondetur, propositionem procedere vbi constat de Reo delinquente.*

*Sed cum quæritur, an is deliquerit iura quidem dispensant contra Reum inquisitum circa solennitates in procedendo, & circa personas testium, vt etiam infames & alij iurè repulsari præter inimicos recipiantur, nullibi autem, quod torqueantur absque legitimis indicijs præcedentibus: Sic sane eam Innocent. traditionem primus omnium declarauit, Marfilius in §. Diligenter, numero centesimo quinquagesimo septimo, & in consil. 74. numero trigesimo quinto. Subsecuti sunt Grammar. voto 34. numero vigesimo tertio, Cauer. in dicto §. circa quartum, numero octauo. Rimin. Iun. dicto consil. 361. numero trigesimo secundo, trigesimo tertio, & trigesimo septimo. Franc. Personal. in dicto tractatu num. vigesimo quarto. Farinac. dicta questione trigesima septima, sub numero nonagesimo, vbi inquit, declarationem illam Marfilij esse communiter receptam.*

*Quibus addimus quod in atrocioribus, † in quibus de grauissima pœna agitur, vehementiores probationes & præsumptiones desiderantur, quia de grauiori periculo agitur ad dicta supra, numero vigesimo primo. Concedendum tamen putamus in his atrocissimis iudicem animosius procedere posse ad torturam, quam in alijs, & ita procedere dicta complurim auctorum in diuersam sententiam allegatorum.*

*Quidam tamen senserunt in occultis grauioribus † deueniri posse ad torturam, etiam sine legitimis indicijs, qui tamen sufficiant ad inquirendum ex Bald. doctrina in leg. quicumque. C. de seruis fugitiuis, numero vigesimo quinto, vbi formaliter notat, quod in secretis delictis, tractatibus & consilijs, propter probationis difficultatem peruenitur ad torturam: & continuando subiungit, & quandoque ad condemnationem & absolutionem ex solis indicijs si sunt ita certa, quod vix denegare sufficiat, per text. in dicta leg. milites C. de question. Sed et si Bald. simpliciter à plerisque allegetur, quod in occultis sine indicijs perueniri possit ad torturam, veluti illum sic allegarunt August. & Gigas locis præcitatis & Decianus, consilio decimo octauo, numero quinquagesimo tertio, libro primo. attamen Baldus non sic dixit, vt constat ex verbis eius formalibus supra relatis, nec in occultis sic concedi debet, per regulam generalem, à tormentis non esse inchoandum.*

*Item, dict. leg. 1. in princ. ff. de question. & capit. cum in contemplatione de Reg. Iur.*

Concedi tamen potest, ut in occultis ex leuioribus indicijs procedi possit ad torturam : & sic scriptum declarauit Baldus in leg. nemo. la. 3. de Episcop. audien. sub numero tertio, ubi inquit : quod in istis iudex debet esse promptior ad torturam. Et sic tandem concludunt communiter Auctores, Iason in leg. quarta. § si tibi indicium, digest. de cond. ob turp. caus. numero quarto, & Criminalista omnes. Guido Suzar. Marsil. Grammat. Cason. Clar. Carer. Corrad. Boss. Brun. Person. Monticellus & alii relati à Roland. numer. quinto, & numero septimo, conf. 7. Ofas. Decision. septuagesima nona, numero decimo. Decianus dict. consil. decimo octauo. num. quinquagesimo quarto, & à Farinaci. dicta q. trigesima septima numero 150. & ratio est quia etiam in istis, quæ sunt difficilis probationis, leuiore probationes sufficiunt ad condemnandum, leg. non omnes §. à barbaris digest. de re milit. latissime Plott. de in lit. iur. §. 4. numero vigesimo secundo, ut tamen præsumptiones sint vehementiores ad dicta supra.

Quæ autem indicia sufficere possint ad torturam in criminibus, ¶ non potest dari cetera doctrina: ut ait Bartolus in lege fin digest. de question. & post eum scribentes ibi plenissime Musil & Blanc. qui quidem volem & proficuum edidit tractatum in ea leg. de indicijs: Clar. in §. fin. quest. 64.

*in m. 13.*

In hoc autem conueniunt Auctores, quod vnus testis ¶ & in vulnerabilis, uti doctores aiunt, de propria sua scientia per sensum corporis faciat indicium ad torturam. Bar. & Doct. in d. l. fin. Bal. conf. 259. num. 5. lib. 1. Glos. Bal. Ang. Sal. & alij. in l. si quis C. Ad leg. Iul. Ma. idem Ang. in l. in tormentis. C. de qu. Marsil. Conf. 7. 4. nu. 1. pulchre Andr. Sicul. conf. 47. num. 6. in 1. Paris. 151. nu. 3. lib. 4. Boss. de indic. num. 6. & 7. Onded. d. conf. 100. n. 13 & 14. Farinat. d. quest. 37. num. 56. & infr. ubi sic ex communi concludit, declarando tamen quod si testis de facto non esset integer, requirerentur aliqua alia adminicula ad tex. in d. c. in fidei, Bald. conf. 427. lib. 5. Clar. ex communi q. 21. nu. 2. Cason. & Carer. relati à Menoch. præsumption. lib. 1. q. 89. nu. 10. 11. vel etiam dici potest, ut in atrocioribus ad dictum vnus testis non integri perueniri possit ad leuem, non tamen ad plenam torturam. Sic post Grill. Corrad. Clar. q. 64. n. 32. resoluit Farina. tandem d. loco, nu. 64. ut in istis plus iudici tribuatur, quam in alijs, & ita moderanda erunt dicta supra in primo quesito.

Item si testis esset integer & dicto illius obstarer aliqua legitima coniectura, non faceret fidem ad torturam, nisi reus esset malæ conditionis & famæ: nam hoc casu testis etiam quoad personam non integer attestans de facto, faceret fidem quoad effectum torturæ, uti plene per eundem sub n. 65. Quod tamen vltimum dictura contradicere non carer.

*in m.*



nam contra sentiunt Rolan. Conf. 37. num. 21. lib. 1. Menoch. casu 474. numero quadragesimo nono. Masc. conclus. 1317. num. 53.

Vbi autem testes non deponunt de facto delicti, sed de aliquo indicio, tunc si indicium proximum sit facto & plene probatum, sufficit ad torturam. Bar. & ceteri in d. l. fin. & ex communi lul. Clar. q. 64. num. decimoquarto, Angel. in verbo: Fama publica: numero decimotertio, Mas. sil. in §. Diligenter, numero 177. Farinac. eo loco, num. 46. vsque 50.

105

Si autem indicia sint remota † à facto, de iure consentiunt scriptores communiter non sufficere vnum indicium remotum, vt constat ex relatis ab eod. Claro d. loco, & vltra ab eo adductus Rimin. Iun. conf. 88. n. 8. in 1 Franc. Person. in tr. de indic. num. 96. Eugen. Perus. conf. 27. num. 20. vbi de communi, cum aliis allegatis à Farinac. q. 37. num. 43 De consuetudine tamen fatentur Auctores seruari, vt vnum indicium etiam remotum sufficiat ad torturam. Sic originaliter Io. And. ad Specul. in tit. de præsumpt. §. species in magna additione. Sequitur Alex. conf. 77. num. duodecimo lib. 1. cum pluribus quos adduxit Clar. d. loco: Qui tamen non absolute consensusit ex vno indicio perueniri posse ad torturam: sed cum temperamento, scilicet concurrente aliquo alio adminiculo, ad dicta per eum in q. 21. vbi late differit de indicij remotis à facto, an quodlibet de per se sufficiat ad torquendum, & sic con-

suetudinem allegatam temperauit quoque Farinac. eodem loco, numero quadragesimo septimo. Forte concedi posset, quod vnum bonum indicium probatum, quamuis remotum à facto, in occultis ac in grauioribus sufficiat ad torturam Grammat. Voto 17. numero 18. Clar. q. 21. col. ij. vers. posset etiam modicam tamen torturam non plenam.

Indicia autem sufficientia † ad torturam in crimine magis nonnulla attulit & pro sufficientibus firmavit constitutio Imperial. Caroli V. supra relata, non tamen taxatiue stat, adeo vt etiam ex alijs sumi posset indicium, veluti si vltra nominationem criminosis concurreret. Nominatur fuga extemporanea, Inimicitia cum damnificato, Secreta collocutio cum nominante. Fama vehemens: si alias hæc tractare visa, aut visus fuerit: aut dixerit se tractasse: & huiusmodi.

Notandum tamen est si iudex † vehementer ex aliquibus circumstantijs extra processum suspicari potest, inquitum esse Reum criminis: potest verbo terrere Reum, minando ei torturam: nisi veritatem dixerit. Bal. in l. 2. C. Quor. appell. sub nu. 5. vbi quod licet non omnes, nec omni casu, possint torqueri, possunt tamen terreri: quia vultus iudicis in talibus debet apparere terribilis. in Auth. de mand. princip. §. Talem vero. Boss. in tit. de iudic. nu. 24. & n. 122. Fran. Personal. in tit. de tortur. num. 77. vbi tamen requirit qualem qualem præsump-

tio.

Bal. C. de eden. Alex. conf. 65. nu. 12. libr. 1. vbi propterea infert, quod de stylo fori Iudex receptis testibus informatiuis potest Reo non citato procedere ad illius torturam, sequitur Afflict Decis. 391. n. 5.

141 Et in proposito in his grauioribus & atrocioribus † seruandum esse stylum & loci consuetudinem multoties dixerunt scriptores, Clar. §. 1. n. 6. Innoc. casu 474. n. 62. Mascard. concl. 1317. nu. 47. Farinac. q. 43. nu. 144. Ac idem consuetudinem loci de interrogandis Reis de socijs criminum valere professus fuit Farin. d. q. num. 124. & in specie statuti Mantuani sic disponentis, Menoch. d. casu 474. num. 68. Burs. conf. 20. n. 67. & consil. 69. n. 25.

Ad XXIX. An etiam Iudicibus inferioribus à superiore modus prescribi torturæ possit.

Respond. si quæstio sit, an Princeps superior † committere possit, vt Iudices torqueant certa specie tormenti, & videtur concedendum, id esse in potestate Principis, Bald. conf. 427. n. 9. lib. 5. repetito apud Roman. conf. 452.

Si autem quærat, an Princeps † committere possit, vt non torquendus torqueatur, vel quia indicia sint leuia, vel quia adhuc non fuerint recepta: & hoc casu Princeps non potest sic committere: nam tortura est maximus cruciatus, vt æquiparetur morti Bald. in leg. 1. col. pen. C. vnde vi. & grauior est tortura, & eius poena, quam vtriusque manus

abscisio. §. fin. in auth. vt nulli Iud. Marfil. in l. diuus col. 1. ff. de quæst. Farina. q. 42. n. 14. Iuris autem naturalis, diuini, & positiui præcipit auctoritas, ne quis indebitè lædatur, & Principibus commissum est, vt pascant subditos, non deuorent: & dicuntur Reges à regendo secundum iustitiam: I. Regum, 2. quæst. 5. Quocirca malefaciunt Reges, qui talia committunt, & inferiores Iudices iuste recusant obedire, vt in specie inquit Andre. Iser. in cap. 1. de pac. tenen. cuius auctoritate sic respondit Afflict Serenis. Regi Friderico, vbi retulit Grammat. conf. 45. nu. 35. & voto 32. nu. 8. vbi refert sic respondisse Cardin. Columnio locum tenentem. Regio. subsequitur Clar. in §. fin. q. 64. nu. 13. Roland. conf. 12. n. 47. lib. 3. latissime Farinac. q. 37. nu. 74. & infra & ibi plenè examinat, an Iudex exequens huiusmodi principis iniustum mandatum teneatur in sindicatu: & his accedit, quod nouissimè respondit Laderc. de Imol. d. conf. 184. non valuisse mandatum Seren. Ducis Mantuæ. quod bis Æneas Pasterla de fratricidio inquisitus torqueretur, donec crimen fateretur. Vnde consentiunt scriptores, confessionem factā à tam iniuriosè torto, vt vi tormentorum iniuste illatorum extortam, non nocere Reo confesso: Gigas. de crimi. les. Mai. in tit. quomo. & per quos. q. 1. n. 32. Gomet. variar. resol. Tom. 3. in Rubr. de tortur. reor. n. 25. Carer. in 2. par. in §. circa sextum n. 5. Burs. conf. 201. sub n. 87. Farin. d. q. 38. n. 78.



Ad XXX. An sit danda copia indiciorum & processus informatiui in criminibus atrocioribus exceptis: vel an sufficiant indicia à Iudice Reo proponi, eumque incontinenti cum suis defensionibus audire, cum isto modo melius veritas haberi possit.

144 Respond. iure scripto decisum esse, Reis † vt detur indiciorum copia, ne opprimantur, neue defensionis facultas tollatur, sic enim euincitur ex *tex. in l. vnius §. cogniturum ff. de question. ibi.* quamuis defensionē quocunque tempore, Reo postulāte, negari non oportet. & in *l. deserto-rem §. si ad diem ff. de re mil. ibid.* facta prius docendi copia, & *l. defensionis facultas: C. de iur. fis. lib. 10. ibi.* defensionis facultas danda est ijs, quibus Fiscus aliquam inquietudinem infert: & de Iure canonico sunt *tex. aperti in. c. qualiter & quando, de accusat. ibi.* & exponenda sunt ei illa capitula, de quibus fuerit inquirendum, vt facultatem habeat defendendi seipsum, & in *clē. pastoralis de re iudic. ibi,* per qua de crimine praesertim sic graui delato, defensionis, qua à Iure prouenit naturali, facultas adimi valuiſſet: ad hoc sunt infinitae propemodum auctorum decis. Bar. in *l. fin. n. 8. ff. de questio.* Angel. de malef. in verbo quod fama publica. n. 37. & August. ad eum. Alex. conf. 65. n. 2. lib. 1. And. Sic. con. 47. n. 8. & 9. lib. 1. Marſ. in *l. in pr. n. 12. ff. de qq. Et conf. 8. n. 23. Blanc. de ind. n. 24. 29. & 31. Boſſ. de indi. n. 27. Clar. q. 49. Rolā. cōf. 12. n. 42. l. 3. Rimi. in. conf. 88, nu. 59.*

lib. 1. Farin. qui ceteros retulit. q. 39. n. 1.

Et conclusio hæc ampliatur etiam in atrocissimis: vt in his † detur Reo copia indiciorum, antequam torqueatur cum termino competente ad faciendum suas defensiones, & purgandū indicia, sic in crimine hæresis, quod atrocissimum est. Bal. cōf. 95. vol. 1. secuti sunt Boſſ. in *tit. de indic. ante nu. 78. & in tit. de hæretic. n. 9. Paris. conf. 2. n. 155. lib. 4. Rolan. conf. 12. n. 61. lib. 3. Franc. Personal. de indic. n. 22. Vulpell. conf. 21. n. 3.*

Et in crimine lætæ Ma. quod similiter atrocissimum est, *tex. in d. clēment. pastoralis. Bar. in extrauag. ad reprimendum, in verbo & figura, n. 15. Afflic. in tit. Qua sint Regal. in verbo & bona committentium nu. 7. Gigas de crim. læt. Mat. in tit. Qual. in crim. proced. q. 19. n. 3. Boſſ. de indic. n. 78. Rolan. d. conf. 12. n. 59. 60. 61. Vulpell. d. conf. 21. n. 3. Oſasc. in Pedemont. decis. 79. n. 12. Franc. Personal. d. tractat. de indic. n. 22.* Et in crimine assassinij, Carer. loco infra allegando: & Hier. Laurent, in Auinionens. decis. 15. & generaliter in omnibus atrocioribus & enormissimis: Marſil. in §. Diligenter n. 157. & n. 175. Grammat. voto 34. in fine. Carer. in titu. de indic. & tortur. §. circa quintum n. 16. & in crimine veneni, & parricidij, idem Gram. voto 30 n. 2. & in crimine Sodomie reiectis contra sentientibus. Idem Farin. n. 111. & in aliis atrocissimis & occultis, Frā. Personal. de indic. n. 23. & nullibi in iure contrarium reperiri asseruit Ioan. Maria Monticell.

cell. Reg. crimin. 14. n. 3. & subsequitur Farin. d. q. 39. nu. 41. dicens: sic communiter teneri reiecta contraria opinione quorundam.

Et nobis quoque placet: quia iura supra relata absolutè loquuntur, & quia contrarium nullibi in iure reperitur, & clare fuit de mente Bar. *in extrauagan. qui sint rebelles*. vbi in eo atrocissimo crimine in pluribus locis fatetur, Reo non esse denegandas defensiones: & quia denique est iuris naturalis, qua ratione improbauit Papa processum formatum ab Henrico Imperatore non decretis defensionibus Roberto regi Neapolitano: Nam etiam in ijs, in quibus licet iura transgredi ob criminis enormitatem, nō tamē est sublata, *Manrua, conf. 14. n. 89. l. 1.* & hac ratione, quia defensio negari non potest, dicimus conclusionem procedere, quāuis Reus argueretur male opinionis & famæ. Ang. de malef. in verbo, *quod fama publica*, n. 38. *Markil. in l. 1. n. 48. ff. de quest. Blac. de indic. n. 28. & n. 46. Bos. eo tit. n. 75. cum alijs adductis à Farinac. n. 47.*

47 Ac etiam quod proponeretur timor subornationis testium † ad defensionem, quia reus esset potens, vt plene discurret And. Sicul. d. conf. 47. sub n. 8. & 9. Bos. in tit. de indic. n. 75. *Rolan. conf. 12. n. 58. lib. 3. Rimin. iun. 290. n. 19.* & nunquam vidisse denegatam copiam indiciorum sub prætextu subornationis testium, asseruit Farinac. d. q. 39. n. 70 & sub n. 75. denegandas esse defensiones cum copia

indiciorum, quamuis Reus non asserat, quales defensiones facere velit, Post Bos. de indic. n. 80. *Blanc. n. 26. & plures alios.*

148 Et si Iudex processerit ad vltiora & ad torturam Rei † ante datam copiam indiciorum & decretas defensiones, processus omnis est ipso iure nullus, ac etiam confessio facta à Reo in tormentis illegitime datis, vti legitur in d. *clem. pastoralis*. Angel. in verbo: *quod fama publica*: num. 37. cum pluribus alijs adductis à Farin. num. 84.

Poterit tamen Iudex, † si sibi videbitur, restringere defensiones in quibusdam: veluti ne possit colloqui nisi cum suis aduocatis & procuratoribus, vel etiam cum præsentia alicuius ministri publici: Ioseph. Ludov. in suis commun. opinion. conclus. 38. poterit etiam constingere tempus ad faciendas defensiones, ac etiam decernere, quod loco copiarum exhibeantur Aduocatis originalia indicia per eos videnda. Idem. Farinac. nu. 112, 113. & infra.

149 Illa aut forma proposita in questione, an satis sit, qd iudex proponat reo indicia, eumque in continenti cum suis defensionibus audire: non placeat nobis, vt Iudici inferiori sic liceat, quia non est ex præscripto iuris ordinis, & nimium læditur Rei defensio, quandoquidem habita copia indiciorum, vel lectis, & bene intellectis indicijs commodius, & vtilius formare potest suas defensiones.



150. Princeps tamen, † & qui statuen-  
di haberet arbitrium, sic ordinare  
posset, quia non est omnino tolle-  
re defensionem, sed immutare ordi-  
nem iuris positiui, quod quidem  
ius in manu principis est, l. princeps.  
ff. de legib. & in terminis tradidit Af-  
flic. decis. 391. n. 4. ex notatis ab Alexand.  
& Ias. in l. 9. §. si is pro quo ff. quod quis  
iur. & post plures Farin. d. quest. 39. num.  
23. vbi quod licet defensio, quia iu-  
ris naturalis, non possit per Prin-  
cipem tolli, bene tamen potest tolli  
quoad sui formam, & quoad iuris  
positiui solennitatem, Felin. in c. di-  
lecti, n. 7. ex. de except. Ioan. Bapt. Asin. in  
pract. indic. §. 31 c. 34. n. 5. & repetit Farin.  
ipse n. 26 & apud seren. nostram Prin-  
cipem Venetum in atrocibus, quæ  
assumuntur per excellum Decem  
virorum consilium, sic seruatur, vt  
etiam testati sunt Gigas in tit. quomo.  
& qualis q. 19. Decian. in criminal. libr. 7.  
cap. 42.

Ad XXXI. An sint concedendi  
Advocati in atrocioribus, cum sole-  
ant ex hoc Rei magis indurari, & in-  
stigari ad negandum.

151. Respond. in aliquibus crimini-  
bus † iura scripta Reis Advocato-  
rum patrociniū negasse, veluti  
in crimine læs. Ma. l. quisquis §. deniq.  
C. ad leg. Iul. Ma. Bar. in extrauag.  
ad reprimendum: in gloss. sine strepitu.  
Gigas, in tit. qualis in crim. læs. Ma. pro-  
ced. q. 4. & in crimine Hæresis, c.  
fin. de Hæretic. in 6. & pro latronibus,  
grassatoribus, & furibus insignibus,  
ne Advocati intercedāt, prohibet,

tex. in l. per omnes C. de defensor. ciuit. An-  
gel. Aret. in verbo: & vestem celestē, n. 12.  
Marfil in §. diligenter. num. 164. & in lib.  
1. num. 20. ff. de question. Roland. consil. 12.  
num. 62. lib. 3.

Sed tamen iura hæc commode  
accipi possunt: vbi constat Reum  
esse rebellem, conspiratorem in  
principem, hæreticum, aut insignem  
latronem, assassinum, & huiusmodi:  
sed antequam constet eum talem  
esse, Aduocatū intercedere posse  
ad illum tuendum, & allegandum  
circa indicia obiecta, concedunt  
Auctores Marcus, Mantua Patavi-  
nus celeberrimus Iuriconsultus,  
primus in hoc omnium, in sing. XV.  
sequitur Roland. d. consil. 12. sub numero  
79. lib. 3. & in crimine hæresis, sic  
quotidie praticari scimus & in spe-  
cie tradidit Iul. Clar. in §. hæresis, num.  
17. & his non relatis. Sic etiam decla-  
rauit Farin. q. 39. nu. 109. vbi intelligit  
text. in d. l. per omnes. in ijs, quos per  
viam notorij constat esse insignes  
latrones, & facinorosos homines: vt  
etiam his denegentur defensiones,  
ne dum patrociniū Aduocatorum  
vti ex multorum auctoritatibus de-  
ducit sub nu. 167.

Quare conclusio sit: quod nec  
grauitas delicti, nec mala fama in-  
quisiti sufficit, vt Reo denegentur  
defensiones & patrocinia Aduoca-  
torum: nisi ista mala hominis quali-  
tas transferat in notorium, aut de-  
prehensus sit in flagranti.

Non tamē interesse debet Aduo-  
catus † in actu examinis & torturæ.  
Ang.

Ang. & Imol. in l. custodias ff. de publ. iud. Franc. Marc. Decis. 108. Iul. Clar. q. 64. num. 34.

3.2. quest. 6. Decian. in criminal. lib. 7. cap. 40. num. 10.

Ad XXXII. & vltimum quæsitum. An confrontatio sagarum, quæ vt plurimum solent esse pronæ ad reuocandum, sit consulta.

Respond. Auctores in Iurisprudentia docuisse, quod reus de se confessus, debet in præsentia nominati, cum iuramento, asserere sic esse: aliàs nominatio non operatur, Boer. decis. 319. num. 4. Sequitur Clar. quest. 2. sub num. 12. vers. Quæro numquid. Vulpel. cons. 30 num. 7 & cons. 83. numero octauo.

Sed quod de iuramento isti dixerunt, non ab omnibus recipitur: quare Menoch. casu 474 n. 62. & infra, dixit, stylum fori seruandum esse, & subsecuti sunt Mascard. conclus. 1317. numero 47. Farinac. questio. 43. numero 144.

Hic tamen sub numero 140. & infra, admittit, vt reus de se confessus, qui quidem tortus alios nominauit, in ratificatione de se & alijs debeat iterum, leniter tamen torqueri, & in præsentia nominatorum confirmare nominationem: quod & nobis placet, ne aliàs erronea nominatio grauis sit innoxio nominato, magis enim expedit quandoque nocentem liberare à pœna humana, expectaturum diuinam ultionem: quam innocentem diris cruciatibus affligere: ad l. absentem ff. de pœnis. Nec quod sagæ soleant esse pronæ ad reuocandum nos mouet, quia de occultis non est nostrum iudicium, c.

x 3. ficut

153. Illa autem consideratio, ne Reus ope & consilio aduocatorum instruatur ad negandum, non mouet: nam præsupponitur aduocatū non debere delinquere in officio suo, ad l. C. de off. ciuil. iud. Aduocatus autem ex officio suo non potest, nec debet instruere Reum ad tacendum veritatem, aliter peccat: Abb. & Canon in c. 1. de testib. cogend. & definiuit S. Thom. in 2.2. q. 69. art. 1. & in art. 2. & probatur ex Bar. in l. Relegati ff. de pœnis. vbi quod damnatus ad mortem fugiens, peccat, secundū Theologos: Ad hæc optima gloss. in c. 1. de confess. in 6. vbi nisi Aduocatus consulat elientem restituere, quod indebitè tenet, tenetur ipse in foro conscientie: sequitur Aegid. Boss. in Titul. de respons. à Reo facien. num. 18. vbi præterea subdit, quod licet Aduocatus non iustam fouet causam, iure possit per subterfugia aut aliter deludere aduersarium & aduocatum partis diuerse: ad gloss. 23. quest. 3. cap. Dominus noster non tamen iure possit instruere principalem, ad falsas probationes, aut ad iuramentum falsum: la. in l. cum propinas la. 2. C. de pact. Cano. in d. c. 1. de testib. cogend.

155. Sane expeditum est, vbi post mortem res agitur in criminitis exceptis de damanda memoria defuncti, aduocatum intercedere posse: Gigas in titul. quomod. & qual. quest. 28. nu. 2. post Prepos. in c. quando coll.



*sicut ex. de simon. & 32. question. 5. c. erubescant. cetera alia plura de confrontatione testium habentur apud Vincent. Oued. conf. 101. lib. 1.*

Et ita dicimus & de iure respondemus super præmissis quæsitis nos Prior & doctores vtriusque iuris fac. collegii Patavini ad laudem & gloriam Dei omnipotentis, Trini & Vnius, ac gloriosissimæ semper virginis Mariæ Diuerumque Prosdocimi, Antonii confessoris, Danielis, ac Iustiniæ protectorum nostrorum.

*Priore*

Antonio Francilco Zanotto Iuriconsulto.

*Relatoribus.*

Ottonello Discalelo Iuriconsulto & equite.

Marco Antonio Peregrino Iuriconsulto & equite:

Marco Antonio Ottelio Iuriconsulto.

Ioachimo Scaino Iuriconsult.

*FINIS.*

